







**SVPERIORIS ICONISMI DECLARATIO**

Representat ergo actum solemnem S. Concily Florent. in quo Eugenius IV. Pont. decretum unigue Fidei. Ethiopum. Egyptiorumq. Legatis ex throno porrigit, adstante Pontifici Venerabili Seruo Dei Beati Alberto a Sarraceno ord. Min. regobi. qui eandem unionemq. gentibus suarum earumq. Legatos ad S. Synodum Florentiam usq. perduxit: ut graphico expressam extat. in ualuis feneis templi S. Petri in Vaticano, unde hoc nostrum exemplar fideliter desumptum est.

Handwritten text, likely bleed-through from the reverse side of the page. The text is mostly illegible due to fading and bleed-through.



B. ALBERTI  
ASARTHIANO

ORD. MIN. REG. OBSERV.

VITA, ET OPERA.

ILLAM COLLEGIT, ET CONSCRIPSIT;

Ista in ordinem redegit, & recensuit; omnia Argumentis,  
& Annotationibus illustravit

F. FRANCISCVS HAROLDVS  
HIBERNVS, EIVSDEM ORDINIS

Chronographus Generalis.

OPVS POSTHVMVM,

Reuisum, correctum, Notis, & Indicibus auctum, ac in lucem editum

P E R

F. PATRICIVM DVFFIVM

*Olim in Vniuersitate Louaniensi Artium, & S. Theologiae Lectorem primum,  
Maieſtatis Catholicae ad Urbem Theologum, Lectorem iubilatum,  
& Generalem Ordinis Chronologum.*



R O M A E,

Apud IOANNEM BAPTISTAM BVSSOTTVM.

M.DC.LXXXVIII.

SVPERIORVM PERMISSV.

P. F. MARSHALL

THE UNIVERSITY OF CHICAGO  
CHICAGO, ILL.

RECEIVED

THE UNIVERSITY OF CHICAGO  
CHICAGO, ILL.

REVERENDISSIMO PATRI  
P. F. MARCO ZARSOZA

SAC. THEOLOG. LECTORI IUBILATO,  
Olim Ministro Prouinciali, Comissario  
Generali Ordinis, &c.

*Nunc*

TOTIVS SERAPHICÆ RELIGIONIS  
MINISTRO GENERALI.



OS præsentis sæculi (Reuerendissime Pater) in præscriptionem abiit, vt in nihil e prælo prodeat, quod sibi patronum non deligat. Vita, & Opera Beati Alberti Sarthianensis Regularis Observantiae Professoris eximij, Propagatoris egregij, strenui defensoris, publicam lucem aspicere cupiens, diuino quodam supremi numinis præfagio, diu hæsit cogitabunda in cuius tutelam confugeret. Sed Te in Totius Ordinis S. P. Francisci Generalem Ministrum electo, tibi se referuatam arbitrata, moram omnem abrumpit, in Tuum patrocinium confugiens, iure suo Te sibi patronum deligit: quem B. Alberto non ab similem efficiunt vitæ integritas, morum grauitas, disciplinae zelus, gradus honoris. Ille Seraphici Patriarchæ sedulus imitator inspiratæ diuinitus Minorum Regulæ exactam obseruantiam sibi ipsi constanter indixit, per gentes, & regna longè latèque diffudit, contra obloquentes neruoscè asseruit, fundauit, defendit. Quantis Tu laboribus Seraphici instituti puritatem restituere, restitutam conseruaueris, conseruatam amplifica-

ueris, & per Hispaniarum Prouinciās dilataueris, quot in eo promouendo obloquia tuleris, in stabiliendo difficultates superaueris, nouit Iberia, miratur Italia, Roma reueretur: prius ipse obseruans, quam obseruantiā præcipiens, prior opere quam verbo, exemplo quam imperio, cœpisti facere, deindocere. Ille Apostolicus præco, & Euangelij tuba Regna, Prouincias, Vrbes, populos in Catholica Religione instruxit, & ad Christianos mores reduxit, infideles ad fidem, schismaticos ad concordiam, dissidentes ad pacem componendo. Tu Apostolicus per Hispaniarum Regna Missionarius, magno populorum applausu, maiori animarum fructu, hereticos aliquot aduenas charitatis tuę dulcedine, argumentorum pondere, sermonum vigore, ad Ecclesię gremium, peccatores ad pœnitentiā, discordes ad reconciliationem, bonos ad meliorem vitam suauiter monendo, fortiter increpando, operibus præcundo traxisti. Albertus fratrum suorum regimini admotus, Prouincię S. Antonij Præfectus, Vicarius generalis Ordinis per Pontificem designatus, subditos ad regularem obseruantiam, & primæuam Ordinis disciplinam salutaribus monitis, sanctioris vitę exemplis, in funiculis veritatis, & charitatis coarctauit, probos fouit, & dilexit, discolos disciplinę rigore coercuit, rebellium cuntumaciam iustitię malleo confregit, omnes eximia complexus est charitate. Tu Guardianus Gaditanus, Minister Prouincialis Bethicę, Commissarius Generalis Ordinis reformandis moribus, Franciscano deposito (Regulam à Christo dictatam intelligo) exactè custodiendo totus studuisti, arctioris vitę zelatores confortando, pauperum Patriarchę sinceriores filios promouendo, improborum obmurmurationes patienter ferendo, recalcitrantium pernicaciam iustę correptionis serula comprimendo, omnes in Christianę charitatis visceribus ad æmulanda charismata meliora, quā verbo, quā opere, inducendo. Fuit denique Albertus noster

Iuliano Cardinali Ordinis Protectori acceptus, & Eugenio Quarto Pontifici Optimo Maximo percharus, & summis votis in Ministrum Generalé Ordinis expetitus. Nisi vehementer fallor, nec in hoc ab Alberto dissides. Alderanus Cardinalis Cybo Seraphicę Religionis apud Sanctam Sedem Protector Te vnice complectitur. INNOCENTIVS XI. Pontifex vere Maximus, Te optauit, si non aptauit, in supremum Seraphicę ratis Nauclerum. In tuam igitur tutelam Beati Alberti Vita & Opera, symphatiã quãdam permota, recurrunt, vt præterita in tanto Heroe imitando respicias, in quibus Deum collaudes; & futuris, si quid in premendis eius vestigijs addendum superest, prospicias. Sed nec quod ab Hiberno studio, & calamo prodeant, minus tibi debentur: non inde solùm quòd Ibero ad Iberũ facilis sit accessus, verum quòd Tu olim Gaditano cœnobio Præfectus, & Prouincię Bethicę clauo Præfidens, Hibernos patria extorres, hæreticarum persecutionum procellis agitados, rerum omnium egentes, magno numero, maiori charitate & affectu plus quam paterno exceperis, foueris, nutrueris. Suscipe erga benigno, quo affoles, vultu librum tot Tibi titulis debitum, & Te Deus Ecclesię commodo, Seraphicę Religionis decori, Regularis Obseruantię profectui diu seruet incolumem, ita sperat, ita vouet, Romę ex Musæo Isidorensi die 2. Iulij 1688.

*Clens, & filius  
Fr. Patricius Duffus.*

---

## Licentia Reuerendiss. P. Ministri Generalis.

*Fr. Petrus Marinus Sormanus à Mediolano Lector Iubilatus, Sancta Inquisitionis Qualificator, Ex Guardianus Ierosolymitanus, ac totius Ordinis Fratrum Minorum S. P. N. FRANCISCI Minister Generalis, & Seruus: Dilecto nobis in Christo P. F. Patricio Duffio S. Theologiae Lectori Iubilato, Scriptori & Chronologo generali Ordinis ac Provinciae nostrae Hiberniae strict. Obsin Collegio S. Isidori de Vrbe Alumno, salutem in Domino sempiternam.*

**Q**Vandoquidem Vita, & Opuscula B. Alberti Sarthianensis per P. F. Franciscum Haroldum S. Theologiae Lectorem iubilatum, & Ordinis nostri Chronologum, pie mem. conscripta & collecta, a Theologis, quibus examinanda commissimus, enomij celebrantur, & typis digna iudicentur, tenore praesentium licentiam tibi facimus ea prolo committendi, seruatim tamen Sac. Conc. Tridentalisque Apostolicis, & nostri Ordinis Constitutionibus. Datum Romae in Conuentu nostro S. Mariae de Araeceli hac die 25. Febr. 1686.

Fr. PETRVS MARINVS Minister Generalis.

Loca † Sigilli

*De mandato sua Reuerendiss. Paternitatis  
F. Ioseph a Leone Secr. Gener. Ordinis.*

---

## Censura Theologorum Ordinis.

**N**Os infra scripti Ordinis Fratrum Minor. Provinciae Hiberniae Sac. Theologiae Lectores iubilati iussu Reuerendiss. P. Ministri Generalis Ordinis percurramus Vitam, & Opera B. Alberti a Sarthiano, eiusdem Ordinis, collecta, in ordinem redacta, recensita, Argumentis & Annotationibus illustrata a R. Adm. P. Francisco Haroldo Sac. Theolog. Lectore iubilato, ac totius Ordinis nostri Chronologo generali, & in ijs nihil inuenimus sane doctrinae, aut probis moribus aduersum, sed potius deprehendimus in Notis, & Argumentis singularem cruditionem, in Epistolis Christianae pietatis spiritum; in vita & actibus praecleara Apostolicae praedicationis, & legationum specimina: Quapropter ad usum publicae utilitatis luce dignissima censemus: ex Collegio S. Isidori hac die 18. Iunii 1685.

*F. Franciscus Porterus Lector iubilatus,  
F. Patricius Duffius Lector iubilatus.*

---

**V**itam Beati Alberti Sarchianensis, Ordinis nostri Seraphici Herois religiosissimi, deuote contextam, eiusdemque Epistolas Notis eruditissimis a Reu. Ad. P. Francisco Haroldo Ord. Chronologo illustratas, ea, qua par est, erga Reuerendiss. P. N. Ministrum Generalem obsequij diligentia perlegi, in utroque cum & pietatis eminentiam, à Beato Epistolij familiaritate expressam, admiratus sum; & in Collectore non oscitantem vtriusque operis indagine, ac dilucidationem; singulari approbatione dignam existimaui. Quamobrem ne huiusmodi lucubrationes, in obscuro decerent, piorum, eruditorumque notitiæ atque deuotioni subtrahantur, æquum iudicarem easdem, superiorum permissu, publici iuris fieri, eo magis quod & Catholicæ fidei consona, & moribus valde proficua continere perspectum habeam. Datum Romæ in Conuentu Aracelitano die 14. Septembris 1685.

*F. Laurentius à Sancto Paulo ex Suetia.*

---

*Censura pro parte Reuerendiss. P. Mag. Sac. Palatij Apostolici.*

**I**ussu Reuerendissimi P. Magistri Sacri Palatij Librum cui Titulus est *B. Alberti à Sarchiano Ord. Min. Reg. Uferu. Vita, & Opera*, attentè æquè, ac delectabiliter illustraui: eoque pariter illustratus sum; siquidem & perelegans dicentis eloquentia, & præclarissima Beati Viri gesta lucis plurimum vndequaquè effundunt. Nihil præterea legenti occurrit, quod sanctis moribus, sacrosanctisque Fidei dogmatibus vel leuiter aduersetur. Quare dignum censeo vt opus è penu Seraphicæ Paupertatis ditissimum, publicam eruat in lucem, hanc enim maximè promoteretur, quod ad eam dilatandum summopere iuuat. Ita sentio in Conuentu Nostro Sanctæ Mariæ de Victoria. Romæ die 14. Iunii 1688.

*F. Blasius à Purificatione Carmelita Discalceatus  
Sac. Theolog. professor ac sui Ordinis Generalis Historicus.*

---

Imprimatur,

Si videbitur Reuerendiss. Patri Magistro Sacri Palatij Apostolici.

*Steph. Ioseph Menattus Episc. Cyrenen. Viceg.*

---

Imprimatur,

Fr. Ioseph Clarionus Sac. Theolog. Magister, ac Reuerendiss. Patris  
Fr. Dominici Mariæ Puteobonelli Sac. Palatij Apost. Magistri  
Socius, Ordinis Prædicatorum.

INDEX

# I N D E X

## CAPITVM VITAE B. ALBERTI

### SARTHIANENSIS.

- Uragogicum . Cap. I. pag. 1*
- Beati Alberti Patria, Parentes . Cap. II. pag. 3.*
- Natiuitas, Educatio secularis . Cap. III. pag. 6.*
- Religiosa vita initia inter Conuentuales . Cap. IV. p. 8*
- Migratio ad Obseruantes, & conuersatio magis seuera . Cap. V. p. 9*
- Quarinum Verona iterato audit, & S. Bernardinum dicentem comitatur. Cap. VI. pag. 11.*
- Albertus ipse cum fructu, & laude populis euangelizans . Cap. VII. pag. 14*
- Religionem, scripta laudatione, ab aduersa vituperatione uendicat. Cap. VIII pag. 18*
- Importunas, & periculosas conciones prudenter declinat . Cap. IX. p. 21*
- Ex Etruria profectus, Regnum Neapolitanum predicando, & veterum scripta perquirendo perlustrat . Cap. X. pag. 24*
- Antonij Panormitani Hermaphroditum, profanam eloquentiam, luxum uelut muliebri, & vituperatores martyrum uoce, & scriptis persequitur . Cap. XI. pag. 25*
- Ad Eugenij Pontificis obsequia segregatus quid prima legatione fecerit . Cap. XII. pag. 28*
- Secunde Legationis acta . Cap. XIII. pag. 32*
- Quid pro Terra sancte sanctiori regimine peregerit . Cap. XIV. p. 40*
- Fit Minister Conuentualium Pronincia S. Antonij, & Vicarius Generalis totius Ordinis Minorum, & quid initio operatus sit . Cap. XV. p. 46*
- Regiminis obstacula reperit, & qui se in illis gesserit . Cap. XVI. p. 50*
- Quid egerit in Comitibus Patavinis Ordinis : quidus Pontifex inde statuerit . Cap. XVII. p. 56*
- Quid post res Comitiorum Senis compositas fecerit Albertus . Cap. XVIII. pag. 57*
- Quid extremis quinque annis uis fecerit . Cap. XIX. p. 61*
- B. Alberti Sarthianensis gloriosus obitus . Cap. XX. p. 67*
- Doctrina Sanctorum Patrum de duplici genere miraculorum . Cap. XXI. pag. 71*
- B. Alberti maiora miracula . Cap. XXII. pag. 74.*
- Minora Alberti miracula, & postuma ueneratio . Cap. XXIII. p. 80*
- Alberti uirtutum, miraculorum, & Beatitudinis fama, constantibus scriptorum testimonijis perpetua . Cap. XXIV. pag. 83*
- Nota in vitam Beati Alberti. p. 105*

---

## I N D E X

### OPVSCVLORVM.

- De Sanctissimo Eucharistia Sacramento. Oratio I. p. 117*
- In Laudem Punitentia . Oratio II. pag. 136*
- Pro Electione Ministri Generalis . Or. III. pag. 149.*

# INDEX EPISTOLARVM.

<i>F. Bonaventura Veneto. Epistola I.</i>	p. 157	<i>pro Christo Hierosolymis in Carcere</i>	
<i>Francisco Barbaro . Ep. II.</i>	p. 159	<i>constitutis . Ep. XLV.</i>	p. 274
<i>Ioanni Bencino Veneto . Ep. III.</i>	p. 164	<i>Francisco Marefcalco . Ep. LXVI.</i>	p. 276
<i>Antonio Florentino . Ep. IV.</i>	p. 167	<i>Thomasio Bibio Cyprio. Ep. XLVII.</i>	p. 279
<i>Bonaventura Veneto . Ep. V.</i>	p. 168	<i>Christophoro Episcopo Ariminensi. Epist.</i>	
<i>Francisco Barbaro . Ep. VI.</i>	p. 171	<i>XLVIII.</i>	p. 281
<i>Antonio Florentino . Ep. VII.</i>	p. 174	<i>Eidem . Ep. XLIX.</i>	p. 286
<i>Nicolao Nicoli . Ep. VIII.</i>	ibid.	<i>Guilcelmo Cafalensi . Ep. L.</i>	p. 296
<i>Guarino Veronensi . Ep. IX.</i>	p. 177	<i>Ioanni Capistranensi . Ep. LI.</i>	p. 300
<i>Marcioni Ferrariensi . Ep. X.</i>	p. 180	<i>Andrea Lancianensi . Ep. LII.</i>	p. 302
<i>Bartholomæo Aldobrandino. Ep. XI.</i>	p. 184	<i>Beatissimo Papa Eugenio. Ep. LIII.</i>	p. 303
<i>Guilcelmo Cafalensi . Ep. XII.</i>	p. 185	<i>Juliano Cardinali S. Angeli . Epist. LIV.</i>	
<i>Eidem Cafalensi . Ep. XIII.</i>	p. 189	<i>pag. 306.</i>	
<i>Dominico Pistoriensi . Ep. XIV.</i>	p. 190	<i>Eidem Cardinali S. Angeli. Ep. LV.</i>	p. 308
<i>Iacobo Perusino . Ep. XV.</i>	p. 191	<i>Episcopo Ariminensi . Ep. LVI.</i>	p. 317
<i>Guilcelmo Cafalensi . Ep. XVI.</i>	p. 193	<i>Francisco Barbaro . Ep. LVII.</i>	p. 318
<i>Eidem Cafalensi . Ep. XVII.</i>	ibid.	<i>Christophoro Donato Pratori Brixienfi .</i>	
<i>Eidem . Ep. XVIII.</i>	p. 195	<i>Ep. LVIII.</i>	p. 319
<i>Nicolao Nicoli . Ep. XIX.</i>	p. 199	<i>Episcopo Cyprio Ebronensi. Ep. LIX.</i>	p. 320
<i>Eidem Nicolo . Ep. XX.</i>	p. 200	<i>Bernardino Senensi . Ep. LX.</i>	p. 321
<i>Poggio Florentino . Ep. XXI.</i>	p. 203	<i>Eugenius Episcopus Seruorum Dei</i>	
<i>Nicolao Nicoli . Ep. XXII.</i>	p. 222	<i>Venerabili Fratri Ioanni Patriarchæ</i>	
<i>Andreuicio Senensi . Ep. XXIII.</i>	p. 224	<i>Iacobinorum Salusem , &amp; Apostolicam</i>	
<i>Gaspari Cornelio . Ep. XXIV.</i>	p. 225	<i>Benedictionem . Ep. LXI.</i>	p. 322
<i>Nicolao Nicolo . Ep. XXV.</i>	p. 227	<i>Mattheo Biffarro . Ep. LXII.</i>	p. 324
<i>Paulo Volterrano. Ep. XXVI.</i>	p. 233	<i>Fratri Bartholomæo Iannensi. Ep. LXIII.</i>	
<i>Marcioni Ferrariensi. Ep. XXVII.</i>	p. 234	<i>pag. 324</i>	
<i>Gaspari Cornelio . Ep. XXVIII.</i>	ibid.	<i>Beatissimo Papa Eugenio . Epist. LXIV.</i>	
<i>Nicolao Nicoli . Ep. XXIX.</i>	p. 235	<i>pag. 327.</i>	
<i>Francisco Marefcalco , &amp; Pbilippo Bende-</i>		<i>Duci Burgundiæ . Ep. LXV.</i>	p. 330
<i>dedeo . Ep. XXX.</i>	p. 238	<i>Leonello Principi Ferrariensi . Ep. LXVI.</i>	
<i>Bonaventura Veneto . Ep. XXXI.</i>	p. 241	<i>pag. 332</i>	
<i>Francisco Marefcalco . Ep. XXXII.</i>	ibid.	<i>Eidem Leonello . Ep. LXVII.</i>	p. 333
<i>Pbilippo Bendeдео . Ep. XXXIII.</i>	p. 242	<i>Magno Soldano Saraccenorum. Ep. LXVIII</i>	
<i>Leonello Estensi Principi . Ep. XXXIV.</i>		<i>pag. 346.</i>	
<i>pag. 244.</i>		<i>Beatissimo Papa Eugenio. Ep. LXIX.</i>	p. 349
<i>Ioanni Bencino Veneto. Ep. XXXV.</i>	p. 247	<i>Leonello Principi Ferrariensi . Ep. LXX.</i>	
<i>Paulo Veronensi . Ep. XXXVI.</i>	p. 248	<i>pag. 351</i>	
<i>Beatissimo Papa Eugenio . Ep. XXXVII.</i>		<i>Ministris Prouinciarum Ordinis Ency-</i>	
<i>pag. 250.</i>		<i>clica . Ep. LXXI.</i>	p. 353
<i>Patribus , &amp; Fratribus Regul. Obseru.</i>		<i>Ciuiibus Gaudensibus in Hollandiæ .</i>	
<i>Ep. XXXVIII.</i>	p. 261	<i>Ep. LXXII.</i>	p. 354
<i>Richardo Tramontensi . Ep. XXXIX.</i>		<i>Ministro Colonia . Ep. LXXIII.</i>	p. 355
<i>pag. 262.</i>		<i>Fratri Iacobo Primadicio. Ep. LXXIV.</i>	ibid.
<i>Eidem Fratri Richardo. Ep. XL.</i>	p. 263	<i>Ciuiibus Gaudæ . Ep. LXXV.</i>	p. 358
<i>Beatissimo Papa Eugenio. Ep. XLI.</i>	p. 264	<i>Ciuitati Ragusiæ . Ep. LXXVI.</i>	p. 359
<i>Eidem . Ep. XLII.</i>	p. 265	<i>Regi Castelle . Ep. LXXVII.</i>	p. 360
<i>Scipioni Ferrariensi. Episcopo Mutinen.</i>		<i>Regina Castelle . Ep. LXXVIII.</i>	p. 361
<i>Ep. XLIII.</i>	p. 268	<i>Conuentui Paduano . Ep. LXXIX.</i>	p. 362
<i>Duci Burgundiæ . Ep. XLIV.</i>	p. 273	<i>Matthiæ Ministro Saxoniæ . Ep. LXXX.</i>	
<i>Fratribus Antonio , &amp; Luca Ordin. Min.</i>		<i>pag. 364</i>	

# Index.

<i>Prioribus; &amp; Populo Sartbiani Oppidi.</i>	<i>Petro Veronensi. Ep. CIV.</i>	p.412
Ep. LXXXI. p.367	<i>Episcopo Bergamensi. Ep. CV.</i>	p.413
<i>Bernardino Senensi. Ep. LXXXII.</i>	<i>Episcopo Brixienfi. Ep. CVI.</i>	p.414
p.368	<i>Leonello Marchioni Ferrariefi. Ep. CVII</i>	
<i>Beatissimo Papa Eugenio. Ep. LXXXIII.</i>	pag. 415	
pag. 369	<i>Episcopo Rauenanti. Ep. CVIII.</i>	p.416
<i>Conuentui Parisienfi. Ep. LXXXIV.</i>	<i>Iacobo Primadicio Bononienfi. Ep. CIX.</i>	
p.371	pag. 418	
<i>Filippo Maria Duci Mediolanenfi. Epist.</i>	<i>Beatissimo Papa Eugenio. Ep. CX.</i>	ibid.
LXXXV. p.373	<i>Eidem. Ep. CXI.</i>	p.419
<i>Borso Principi Ferrariefi. Ep. LXXXVI.</i>	<i>Populo Brixienfi. Ep. CXII.</i>	p.421
pag. 374	<i>Antonio Cremonenfi. Ep. CXIII.</i>	p.422
<i>Episcopo Coronenfi. Ep. LXXXVII.</i>	<i>Episcopo Ferrariefi. Ep. CXIV.</i>	p.424
p.375	<i>Guarino Veronensi. Ep. CXV.</i>	p.426
<i>C. Episcopo Ariminenfi. Ep. LXXXVIII.</i>	<i>Antonio Raudenfi. Ep. CXVI.</i>	p.427
pag. 377	<i>Francisco Barbaro Veneto. Ep. CXVII.</i>	
<i>Poggio suo Florentino. Ep. LXXXIX.</i>	pag. 428	
p.380	<i>Fratrì Ludouico Vicentino. Ep. CXVIII.</i>	
<i>Scipioni Mutinenfi Episcopo. Ep. XC.</i>	pag. 429	
p.383	<i>Flauto Blondo. Ep. CXIX.</i>	p.430
<i>Ioanni Martino Veneto. Ep. XCI.</i>	<i>D. Mattheo Cubiculario Apostolico. Epist.</i>	
p.386	CXX.	p.432
<i>Beatissimo Papa Eugenio. Ep. XCII.</i>	<i>Beatissimo Papa Eugenio. Ep. CXXI.</i>	ibid.
p.390	<i>Fratrì Ioanni Capistranenfi. Ep. CXXII.</i>	
<i>Eidem. Ep. XCIII.</i>	pag. 433	
p.392	<i>Leonello Marchioni Ferrariefi. Epist.</i>	
<i>Eidem. Ep. XCIV.</i>	CXXIII.	p.435
p.393	<i>Paulo Romano Communis Religionis.</i>	
<i>Eidem. Ep. XCV.</i>	Ep. CXXIV.	ibid.
p.394	<i>Beatissimo Papa Nicolao. Epist. CXXV.</i>	
<i>Thomasio Bibio Cyprio. Ep. XCVI.</i>	pag. 448	
p.395		
<i>Beatissimo Papa Eugenio. Epist. XCVII.</i>		
pag. 396		
<i>Thomasio Bibio Cyprio. Ep. XCVIII.</i>		
p.397		
<i>Paulo Lignano Mediolanenfi. Ep. XCIX.</i>		
pag. 401		
<i>Capitulo Prouinciali Mediolanenfi. Ep. C.</i>		
pag. 403		
<i>Antonio Raudenfi. Ep. CI.</i>		p.404
p.404		
<i>Mattheo Bissarro Vicentino. Ep. CII.</i>		p.408
p.408		
<i>Fratrì Ioanni Pratenfi. Ep. CIII.</i>		p.410
p.410		



I

# BEATI ALBERTI SARTHIANENSIS

ORD. MINOR. OBSERV.

## V I T A .

---

### C A P. I.

#### Isagogicum.

**D**luturna, trifidaq; Supremi Pontificij, & indiuiduæ potestatis scissura, per Sacri Concilij Constantiensis auctoritatem denique sublata, & Vicarij Christi in terris indiuiso Imperio, in ynum Martinum V. Pontificem, communi Catholicæ totius Ecclesiæ voluntate collato, aliquas tanti mali fibras, ex Petri Lunij duritie relictas, & per Aragoniam, Gothalamque pullulantes euulsit, & extinxit penitus Frater Petrus de Fuxo senior, è Bernæ Principibus, ord. Min. S.R.E. Cardinalis<sup>(1)</sup> *bina legatione* in Hispania, ad id negotij strenuè, & fœlicitet perfunctus.

Demortuo Martino, post inchoatum prosperi Pontificatus annum decimum quartum, pacifica, & legitima electione successit Eugenius IV. qui, quantas tempestates, per eorum audaciam, quos ipse ad Basileensem Synodum coegit, & per Antipapam, ab ipsis constitutum, perpeffus sit, quanta Apostolicæ potestatis constantia, Pontificijs laboribus, & fœ-

liciori successu, in reprimendo nouo schismate, comprimendis Europæ Hæreticis, Asiæque veteris xui schismaticis ad Romanæ solius Catholicæ Fidei communionem, & Supremi Pastoris obedientiam reducendis, Turcarum in Cyprum, & Rhodum, ac Romanum Imperium præpediendis insultibus, paci demum tum Ecclesiæ, tum sæculi Principibus, populisque restituendæ sudauerit, adeò nunc orbi notum est, vt nostro testimonio non egeat.

Illis in rebus gloriosè peragendis Eugenio Pontifici, eiusque successoribus, Nicolao V. Calixto III. & Pio II. insignem operam contulere, præter alios succedaneos eiusdem instituti sodales, præclara quatuor lumina, quibus initia restauratæ tunc per Italiam, & extra, regularis obseruantia sincerioris instituti Seraphicæ religionis, maxima bonorum omnium veneratione micabant, Bernardinus Senensis, Albertus Sarthianensis, Ioannes Capistranensis, & Iacobus Picenus, viri omnes vberi doctrina, eloquij facundia, ingenti virtutum cumulo, & patris Dei potestate miraculis, illustres: qui tamquam quatuor Euangelicæ tubæ, per Europam, Asiamque resonantes, multa Eugenij præsertim Pontificis potestate sibi collata, morum candorem, & fœ-

Catholicæ Fidei puritatem, diuini Numinis cultum, & Ecclesiæ Romanæ dignitatem; eiusdemque Capituli vniuersi Christi in terris Vicarij potestatem, ijs etiam populis inculcarunt, qui latinæ leges (2) à mille, *fire tunc annis rebelles*, tolerare nolebant, quæ tom. 5. & 6. Annalium Minorum fusè narrat Lucas Vvaddingus.

Cæteris tribus id fortunatè successit, vt ipsorum egregia facinora, pro Ecclesiæ ritu congeſta, & ad iuris normam discussa, & ipsa copiosiora perliterint, & solemnius comprobata sanctitatis vitæ, & Beatitudinis æternæ nomen, cultumque reportauerint, nec solùm in pulpitis, quæ & ipsi olim in aliorum Sanctorum laudibus exercebant, digna retributione prædicentur, eorumque exempla ad imitationem alijs proponantur, sed eorum etiam heroicas virtutes, & mira supra naturam opera hymnis, canticis, & harmonicis tubis, Christianorum templa resonent, & præclara merita nobis egentibus inuocentur auxilio.

Sed Albertus noster, quamquam initiationis ordine fuerit (3) *post Bernardinum secundus*, & alijs (si sacra Capistrani in Tureas prælia demas) laboribus non minor, nec impar sanctimonia vitæ, nec patris miraculis ante, & post mortem vacuus, propter quæ etiam populorum applausu, & perpetuo scriptorum testimonio Beati titulum, & piam venerationem ducentos iam triginta, & qui excurrunt annos possidet; Et Eugenius ipse Pontifex ijs encomijs, quæ huic narrationi subiiciam, ipsum adhuc viuentem, alijque scilicet perfunctum perpetuis temporibus exornant; posterorum tamen in curia

factum est, vt neque beatitudinis cultum ab Apostolica Sede retulerit, nec actorum eius integra extet memoria, quæ compingendis ad canonizationem documentis, diligentius colligi, & firmiori autoritate confirmari solent; sed nec ipsa, quæ Christi Ecclesiæ, & Eugenio Pont. quantumuis publica, & magna præstitit obsequia tanta fide nobis innotescerent, si Lucas Vvaddingus noster, solerti studio ipsorum certissima documenta sollicitè conquisita, & ex (4) *Vaticane Pontificie, ac Fesulanæ Minorum* bibliothecarum tenebris eruta, claris suis Annalibus per opportuna loca non inseruisset, & prius indicasset Horatio Iustiniano: quæ illi occasio fuit, vt vniuersalis Ecclesiæ bono, integra Concilij Florentini acta, publica luce donauerit.

Ego post Vvaddingum tanto B. Alberti neglectu, fateor, subindignatus, cum cætera præstare non valeam, quod mei saltem est munus, præclari hominis, quæ extat, memoriam hac narratione complecti, & quæ reliqua sunt, eruditi, & elegantis eius calami monumenta, virtutumque documenta colligere statui, atque vno hoc volumine publico conspectui, & multorum, vt credo, utilitati, voluptatique exponere, vt vel hæc saltem Beatorum sociorum gloriæ pars illi non desit, cui pro data occasione non impar extitit portio meritorum.



## C A P. I I.

*Beati Alberti Patriæ Parentes .*

**Q**Uamquam vnanimi constantissimaque scriptorum omnium, & loquentium consuetudine non alia appellatione, quàm Sarthianensis vel à Sarthiano cognominetur Albertus, ex his tamen ipsis non defuerunt, qui patriam ei Mediolanum adscripserint, Rodolphus Tossinianensis, cumque secuti Henricus Villottus Belga, Antonius Possuinus Italus, cumque ijs Arthurus à Monasterio Gallus, qui comprobandæ, seu excusandæ huic assertioni suapte coniectura subdit, Sarthianensem fortassis ab illius Hetruscorum oppidi, vel prolixo incolatu, vel religionis ibidem deposito tyrocinico dictum fuisse, & Ludouicus Robelledo Hispanus, alijque pauci, omnes quippe ab Alberti vel patriæ, vel xtate, vel ab vtraque procul distantes, nec vllorationis, vel vetustæ autoritatis fulcro innixi, vt nec nouus augur, qui Albertum Mediolani quidem natum, sed à patre confestim in Tusciam ablatum, & Sarthiani educatum, indeque ortum Sarthiani cognomen, ait. At qui viuentem virum Dei, & factis clarum cognouerunt, eoque familiariter vtebantur, Eugenius IV. Pontifex, B. Ioannes Capistranus, B. Bernardinus Fossensis, & Flauius Blondus Foroliuensis, Thuscum, & Sarthianensem cum, vt & Marcus Vliissiponensis, & Lucas Vvaddingus scribunt, & alij quotquot eius faciunt mentionem, neque alio cognomine ijdem ipsi

vtuntur, qui rem nominis videntur negare.

Blondus Hetruriani describens asserit, Sarthianum oppidum, vltra Clusium, Alberto Minorita diuinorum dogmatum prædicator insigni ornatissimum, & Leander Albertus, qui Italiam vniuersam, vt vicatim, & punctim, quodammodo describeret, suis oculis perlustrauit, ea vbiq; pernotans, quibus loca ipsa cohonestare posset, Sarthianum Alberto (vt latinus interpres Ririander expressit) ex Minorum ordine, maximo conectionatore, inelytum appellat. Ipsi Sarthianenses perpetua traditione, apud se natum retinent, qui etiam viuenti Alberto, vt veri concius, & contribules collatam ab Eugenio Pont. supremi capitis totius ordinis Minorum vicariam dignitatem, communibus literis, & misso nuncio congratulati sunt: earumque responsa cum alijs ad Bernardinum Senensem scriptis, quod ambæ propria B. Alberti manu exaratae sunt, tanquam sacras reliquias peculiari loculo, prope altare maius in templo Minorum, sub veteri ipsius B. Viri effigie reuerenter conseruant, cum ex aduerso Mediolanenses nihil vnquam sibi in Alberto, præter doctrinam, & dilectionem, defuncti corporis sepulchrum, & edita apud eos miracula, ratione, vel prisca autoritate vindicassent, atque hanc de Alberti patriæ sententiam Lucas Vvaddingus, ex vetusto eius vitæ compendio, & Senensium fasti recenter typis editi, ex certissimis monumentis traxisse se contestantur.

At nobis tandem compertum est, Albertum ipsum patriam suam extra omnem disceptationis aleam extulisse, quando epistola 20. eandem

Rempublicam, eandemque Ecclesiam sibi, & Nicolao Nicolo communes facit, quæ aliæ esse non poterant quam Hetruriam, in qua nempe Nicolaus certo natus est, & Albertus superiore tempore, hoc est ante contractum epidemix morbum, prædicabat, & epistola 25. ad eundem Nicolaum Florentiæ natum de S. Bernardino Senensi scribens, de ipsorum, atque æque sua patria, sic loquitur: *audio illum (Bernardinum) in nostram Hetruriam nuper ingressum, vel Aretium, vel Cortonam, vel Perusiam applicuisse, in una illarum, siue in altera qualibet nostre patrie ciuitatum, diuine prædicationis salubriter, ut assolet, verba facturum*: quibus verbis Hetruriam, non utcumque sed ut patriam, & suam, & Bernardini, & Nicolii iuxta vocat.

Sed, ut rem euidenter conficiat, epistola 102. ad Antonium Randensem, huius patriam Infubriatæ, suam autem Hetruriam affirmat: & in fine libelli. *Quo nobis, inquit, relicto, Randensi, & Sarthianensi, siue oppidis, siue quid aliud nuncupare potius natiuitatis nostre terras volueris*. quo nihil clarius, nihil solidius in hanc rem adferri potest, Ergo B. Alberti maiores, natales, cunabula, adoleſcentiæque alimenta (nam de educatione postea dicemus) Sarthiano; sepulchri autem, & miraculorum præfertim à morte patratorem gloriam Mediolano gratulemur; cum nihil Sarthiani ferè delitescens puer patrasse legatur, quo vel ipse famam adeptus esset, vel oppidum à solo eius incolatu, vel obscuro religionis tyrocinio, non potius à natalibus inclutum, ornatissimumq; à Blondo, & Leandro dici posset, quin potius ætate cum fama crescens,

locum qui eum, ut ita dicam, capere non posset, vix fortè per transennam attigit, sed irrequieto motu, Italiam totam, bina legatione Græciam, Syriam, Palestinam, Aegyptum, Cretam, Rhodum, & Cyprum docendo, & operando peragrabat; Aethiopiæ etiam, & Indiam bis pertentans, si penetrare permissus fuisset. Vnde Marianus Florentinus Alberti fermè Synchronus, & comprouincialis, eius patriam desertis his verbis prodit: *hic Fr. Albertus ex quodam castro Clusinae Diocesis ortus est, quod Sarthianum dicitur*.

Nec inane huius veritatis argumentum existimo, maiorem posthumi honoris Alberti curam habuisse, semper Thufcos, quam Infubres, ut horum supposititius, illorum autem genuinus filius fuisse censeatur, denique siue Toffinianum, siue Vviltorium, siue alium quemcumque huius erroris primum editorem in æquiuoco deceptum fuisse, demonstrabimus, si æquiuocationis originem detegamus. Itaque cum B. Alberto Sarthianensi florebat, simul Mediolani, alius Albertus patria indubitata Mediolanensis, de quo sic scribit Vvadingustom. 5. *Annalium: Hoc etiam anno 1448. floruisse virtute, pietate, & plurimo animarum lucro Beatum Albertum Morigium, Mediolanensem prædicatorem eximium commemorant monumenta conuentus Sancti Angeli, illius urbis, ad me transmissa*. facillimum ergo fuit, confundere duas personas, vnus nominis, eiusdem instituti, in eadem ciuitate, eodem cœnobio, eodem prædicandi munere, animarum lucro, virtutum æstimatione, sanctimonix, & beatitatis titulis, eodem tempore illustres, ut vna, eademque cense-

rentur, quamquam solo cognomine de cuius re disceptatur, semper diuerſæ. Maluit ergo Vvillotus Belga, centum triginta annis vtroque poſterior, & pluribus centenſis PP. MM. loco diſtans, cœtera omnia identitatis ſigna ſequi, quam vnicum diuerſitatis, vt vtramque vnam, eandemq; Mediolanenſem diceret. Reliqui ergo Vvillotum ſecuti, illo ſolo duce, in eundem impegerunt ſcopulum, in eandem inciderunt foueam. Atque hinc recentiores Mediolanenſes (quod veteres non crediderunt) prædam honori ſuæ patriæ commodam, & aliorum, & ſi errore, attributam in fiſcum ſuum promptè referunt. Quamquam & ipſi Albertum noſtrum, Berdinum Sarthianenſem, vel de Sarthiano perpetuò appellent, alterum autem, & Morigium, & Mediolanenſem.

Id interim B. viri laudibus accreſcat, ſi duæ nobiles prouinciæ Inſubres, & Hetruſci de eius cunabulis concertare videantur, noſtra verò narratione conſtet, non amplius Mediolanenſem cum dici poſſe, quam Antonius Vliſſiponenſis Thaumaturgus ille noſter, Patauinus appellatur.

Eſt hoc Sarthianum Cluſinæ Diœceſis oppidum, in ditione Senenſi, cuius oppidi Priores, Albertus magnificos patres, & dominos ſuos appellat, vetus emporium, non ſolum incolis, ſed externis etiam populis, ad ſeptimanale forum concurrentibus frequens, nec B. Alberti tantum natalibus in Franciſcanis monumentis celebre, ſed ipſius etiam Seraphici P. Franciſci prædicatione, & fundato per ipſum ibidem, ſecundo ab oppido milliari, ordinis cœnobio, poſtea ad oppidum ipſum exterius tranſlato, & in ſigni victoria, quam in eodem

veteri loco, de tentante Sathana, & ſuæ carnis ardore, miro ſtratagemate per niuis algorem, reportauit; quam Vvaddingus de illo cœnobio diſſerens, ad pij lætoris voluptatem deſcribit: ea ſunt oppidani pietate in ſeruos Dei, vt alterum nunc reformatorum S. Franciſci, & alterum Capucinatorum conuentum, ac vnum monaſterium monialium ſuſtentent, propter quæ & incolarum claritudinem à pomparum, faſtorumque Senenſium ſcriptoribus, oppidum nobile vocatur.

De parentum Alberti nominibus, & conditione vitæ, apud omnes, qui eius acta ſcripſerunt, altum ſilentium eſt: mihi verò nuper per epiſtolam de his inquirenti reſcripſit Bonifacius à Sarauezza, Sarthianenſis tunc reformati cœnobij præfectus, cognomen ipſi Berdinum eſſe, vt etiam in pompis Senenſibus, & legitimo inſtrumento ad nos miſſo, vocatur. Sed faſti (an typographi lapſu) Bendinum habent: ſolus Toſſinianus humili loco natum ſcribit, quo nom in domum, non oppidum indicare voluiſſe monſtrat, dum Mediolani ortum, & ſi deceptus, dicat; ſed & domum, & oppidum intelligere liceret ex ipſius Alberti epiſtola ad Antonium Randenſem, vbi vtriuſque parentum, & patriæ humilitatem, commiſcet, nec ſe in alterutro Randenſi maiorem indicare videtur; ſi hoc ipſum in ſigni, & conſuetæ ipſius moeſtitiæ, & religioſæ ſubmiſſioni, potiùs quam abiectiõni, generis, vel patriæ tribui non debuiffet, ne ſe, vel ſuperbè extollere, vel Randenſi præferre, in aliquo videretur. Nobis enim præter ea, quæ de patria diximus, ex legitimo documento conſtat, familiam Berdinam etiamnum hodie

hodie Sarthiani supresse, ibique inter primas, opibus, & auctoritate pol-  
lere, cuius indubitata prolem fuisse  
B. Albertum nostrum non solum.  
reliqua soboles tota, sed & concives,  
& vicini semper tenuerunt, & modò  
tenent: neque prisco etiam ævo igno-  
bilem, aut obscuram fuisse, ex eo  
nobis colligere posse videtur, quod  
Curtius alias Rhicardus Ceruinus,  
Marcelli II. Romani Pont. pater (5)  
*ex nobili, & clara* Politiana in  
Thufcia *Ceruinorum familia*, vt  
Ciaconus eam in Marcello vocat)  
post mortem Cassandræ Benciæ nobi-  
lis, & honestissimæ sceminx matris  
Marcelli Pontificis, vir Principi-  
bus ob virtutem etiam charus, ac  
tùm agri Piceni, Pontificius quæstor  
scu, vt vocant, thesaurarius, Portia  
Berdinam, ex eadem Sarthia-  
nensi Berdinorum domo, per secun-  
das nuptias coniugio sibi copulaue-  
rit. Censendus enim non est Richar-  
dus eam labem domui suæ inferre  
voluisse, vt ignobilis, & obscuri ge-  
neris sceminam, vel sibi vxorem, vel  
nascituræ forsitan proli matrem, Cas-  
sandræ Benciæ subinduceret. Portia  
verò cum viucret, consanguinitatis  
intuitu, erga B. Albertum deuotissi-  
ma semper fuit, eiusque sanctimo-  
niæ venerationem, & pium cultum,  
ad maiorem Dei gloriam, etiam in  
alijs, quantum licuit, promouebat.

### C A P. I I I.

*Natiuitas, Educatio Secularis.*

**N**atum autem felicem hunc  
filium, anno post Chri-  
stum, millesimo tercente-  
simo octuagesimo quinto, inde sci-

mus quod anno 1415. trigessimum  
ætatis annum agentem, ad regularis  
obseruantia professores transfisse con-  
stanti Chronographorum assertione  
perhibeatur. At quales alioquin fue-  
rint Alberti parentes, Christianos  
profectò, & pios fuisse constat, cum  
natum infantem S. Francisco deuo-  
uerint, & modestæ indolis, viuidiq;  
ingenij puerum illius, quod nomi-  
nauimus, cœnobij religiosi, tum con-  
uentualibus, educandum commen-  
darint. Apud hos cum puer adhuc,  
prima literarum, virtutumque, &  
morum honestatis rudimenta posuis-  
set, græcas deinde, & latinas litteras,  
à Guarino Veronensi, alijsque cele-  
bris famæ, humanioris literaturæ  
professoribus, ac diuina dehinc my-  
steria, à Bernardino Senensi didicit,  
quæ sic ab Isidoro Vgurgerio in pom-  
pis Senensibus dicta, amplius expli-  
carunt Marcus Vliissiponensis, & Lu-  
cas Vvadingus, alijsque, quorum alij  
Ioannem Lascarum, alij Emanuelem  
Christoloram, B. Albertum græcis  
litteris erudijisse referunt. Albertus  
ipse in suis passim epistolis, Guarini  
in vtraque lingua præceptorem  
suum profiteatur, nullius alterius facta  
mentionem, tametsi non adeò præpro-  
pere, in præceptorum eius album in-  
ferendum esse Guarinum, indicent,  
tùm illi, qui Lascarum, & Chriolo-  
ram tempore priores magistros illi  
attribuunt, tùm ipsius B. Viri epi-  
stola 8. vbi ad Nicolum de Guarino  
scribens, sic ait: *statueram equidem,  
Veronam quam primum possere,  
omnibus posthabitis proficisci, vt il-  
lius viri clarissimi, & amicitia frue-  
rer, & doctrinarum maximè græca-  
rum, vbertate ditarer; & infra:  
postquam virum conueni, non sefel-  
lit opinionem meam, quasi prius il-  
lum*

lum non conuenisset; conuenit ergò iuxta hæc, vt fruere tur eius amicitia, non prius contracta, sed tùm primùm contrahenda: neque ad græcas literas, multò minùs latinasciscendas, quas ante prorsùm ignorasset, vir ingeniosissimus, & litterarum audilissimus, annorum tunc ætatis triginta septem, & religiosæ vitæ septemdecim; sed vt quibus iam vt-cumque tinctus erat, earum vbertate ditaretur, seu vt epistola 3. fatetur eloquentiissimo Guarino præceptore fretus, oratorijs, vt ait, verbis vti posset, cum reliqua omni mea ætate, inquit, eis nostratibus, & sanè vili-bus, me vti solitum, tu optimè quidem noris, quod tamen si ita censes, vt me, siue is doctissimus sanè vir erudierit, siue ego flumen ex eo eloquentiæ, vsque ad eò meam studiôsissimam diligentiam hauserim, vt tanta mea industria, dicendi copiam, atque elegantes grauium verborum sententias, me comparare potuissè tibi persuadeas, ego summo illi Principi gratias agam, à quo tam egregio ingenio præditus sim, vt tanti estimari tuo iudicio, possim; & iterum epist. 6. nam cum ego ad Guarinum nostrum (6) græca, & latina eruditionis fontem pro illius mira doctrinarum copia ebibenda, Idibus Septembris Veronam proficisci constituissem.

Ego verò hæc ità intelligo, vt Albertus quidè in eis, de solo discipulatu suo Veronensi loquatur, nec tamen antèrius Guarini magisterium neget, cum ipse epistola 26. de Guarino loquens, disertè dicat, nam is est qui me in literis, & græcis, & latinis, linguam tantum instruentibus auditorem, alioquin non satis strenuum, in adolescentia habuit; &

epist. 87. ad Episcopum Coronensem, propter veterem (inquit) amicitiam, qua pueri penè quondam in schola, sub Guarino præceptore græcis literis ludebamus, vt iam manifestum fiat, Albertum ab adolescentia, & pene puerum græcis, & latinis literis, imbutum fuisse, priusquam Veronæ Guarinum audisset, virili ætati quam adolescentiæ vicinior, idque præcipuè per ipsum Guarinum, & vt ego ex loci comodo autumno (7) Florentiæ docentem: Vide Poggium m. s. s. in fine Nicolai Nicoli.

quamquam & Chrisoloram, & alios per ætatem, eodem loci audisse potuerint, nam cum Chrisolora in Italiam venit, anno Christi 1397. Albertus duodecim ætatis annos habuit. Cumque ille prius Venetijs, deinde Florentiæ docuit, forte sexdecim aut circiter. Neque possibile puto, ipsum Veronæ, primo aspectu Guarini latinasciscipulas, & orationes ad populum, & viros doctos (quas etiam græcis inspergit). tam latine potuisse conscribere, si prius ab alijs præceptoribus, vel etiam ab ipso Guarino, suoque ingenio, & industria, in vtraque lingua, vel mediocriter quidem doctus non fuisset. Imo quoad græcas literas attinet, nimis difficile videtur, vt, nisi eas ante didicisset, potuisse ipsum per menses circiter decem, hoc est, ab Idibus Septembris ad Kalendas sextiles anni sequentis, per quos, non amplius, Veronæ, Guarinum, audiuit, illam peregrinæ, difficilisque linguæ tam insignem peritiam consequi, vt quod boni scriptores testantur, illum in Concilio Florentino, dicentem græcorum aliqui in Græcia natum, sibi persuaderent.

Maneat igitur Albertum, quod ad rem literariam attinet, legendi, scri-

scribendique rationem, & grammaticas leges, morumque candorem, à religiosis Sarrhianensibus Ord. Min. adhuc puerum didicisse, adolescentem verò, tùm in sæculo, cùm in religione constitutum, tam græcæ, quàm latinæ literaturæ profectum ab illis, tam Guarino, quam alijs, celebri famæ, humaniorum litterarum professoribus, habuisse, ac demùm prouecta iuuentute, ad Guarinum Veronæ audiendum accessisse, vt eam copiam, & nitorem, tam latini, quàm græci sermonis imbiberet, eisque ditaretur, quæ ex ipso superius descripsimus. Nec me moratur ab hac sententia, ipsius serui Dei, de cæteris præceptoribus suis perpetuum silentium, vt qui tùm sub Guarini ferula constitutus, ea scripserit, quæ in hanc rem, ex epistolis ante attulimus, quique fortassis vagum, triualeque, ac breue aliorum vniuscuiusque magisterium, non tanti æstimauerit, quanti coronidem à Guarino ipsius eruditioni impositam, qua talis euasit Albertus, vt inter eos illius temporis discipulos numeretur, qui, vt Blondus Flauius affirmat, nedum postquam sunt dimissi, sed quousque etiam sub ferula declamarent, & scriberent, præceptores dicendi, scribendique elegantia superabant. Ità latinum, græcumque sermonem ducente Deo, in vno suo pectore, copulauit Albertus, vt vtramque gentem vnâ facturum se olim, & sub vniuersi latini Pontificis, tamquam vniuersalis Ecclesiæ Christi Capitis, potestatem, reducturum, tunc præfagire videretur, quod postmodum, pro sua parte fecisse, postertius dicemus.

## CAP. I V.

*Religiosæ vitæ initia inter Conuentuales.*

**Q**VA verò, vel ætatis suæ, vel ætæ Christianæ periodo Franciscanæ Religionis habitum inter eius ordinis Cœnobitas, tùm Conuentuales, Sarrhiani primum suscepisset, & regulari tyrociniò educatus fuisset, eius vitæ scriptores, non produnt. Verum ipse facem nobis præfert, cuius lumine, rem acu propemodum tangere possimus. Etenim epistolam ad patres prouinciæ Mediolanensis in comitijs congregatos, scribens, vt salutaria eius monita, illis acceptiora forent: *sustinete, oro vos, inquit, modicum quid insipientiæ meæ, nec contemnatis fratrem vestrum, qui etsi non vita sua, saltem exemplis Sanctorum Patrum nostræ Religionis, potest verbis quadraginta annorum indicem texere, quadraginta enim anni sunt, quibus sum educatus, cum fratre centum, & decem annorum.*

Quibus verbis ego illum, de prima educatione, à Conuentualibus, in priori tyrociniò accepta loqui, nullus dubito. Nam secunda cum Obseruantibus consensu scriptorum decennio posterior erat: si autem ab anno 1445. qua ætæ Christi hæc scripsit, dempseris quadraginta, tunc rectè remanebit annus eiusdem ætæ 1405. qui ætati Alberti vigesimus fuit, quo primum ordinis habitum suscepit, frater autem ille C. & 10. annorum fuit, B. Bartholomeus Albisus, siue de Albizzio Pifanus, vir æque doctus, & sanctus, miraculis clarus,

clarus, & in ordinis historia verfatiffimus, quem proinde Albertus ad rem suam, appositè testem adducit, vt ultra quadraginta annorum propriam experientiam, Pisani etiam autoritate, à quo indubiè vetustiora didicit, Patribus fortiùs persuaderet .

Pisanus Porro, & inter Conuenticuales conuersatus, singularem, & sanctissimam vitam viuebat; nullis enim priuilegijs vsus est, quibus regulæ Franciscanæ rigor in vlllo remitteretur . Et quamquam Sacræ Theologiæ Magister in scholasticis prælectionibus Pisæ, Florentiæ, Senis, Bononiz, & Patauii, & in sacris concionibus per præcipuas Italiz ciuitates, atque in conscribendis doctissimis operibus, quæ aliqui triginta numerant, perpetuò occupatus, regularis nihilominus vitæ puritatem, & studium perfectionis in se, & in aliis conseruandi, promouendique zelo, flagrantissimus fuit, sanctæ orationis exercitio semper addictus, Euangelicæ paupertatis obseruantissimus, nudis pedibus semper incedens, dum extremæ senectutis necessitas pedes operire non cogeat, ac in ea etiam ætate, singulis annis, Assisianâ peregrinationem ad S. Mariæ Angelorum, seu vt vocamus Portiunculæ indulgentiam lucrandam, atque inde per asperam Sacri montis Aluernæ viam, Seraphici P. Francisci vestigia, nudis quoque pedibus metiebatur, sacrorum eius stigmatum memoriam veneraturus, eiusdem etiam non præcepta modo, sed & illi consueta, & aliis per eum consulta ieiunia districtè seruabat, reliquo anno cibi, potusque parcissimus, tanto maiori solatio sui spiritus, & fructu orationis, & studii, quanto duriore carnis afflictione .

Angebatur plurimum omni remif-

sione vetusti rigoris, Christumque, & S. Franciscum feruentissimis precibus instanter pulsabat, vt primæuum eius institutum, aliquando tandem instaurare vellent, & exauditus est, meruitque tamquam alter Simeon, vt in tanta senectute, non videret mortem donec suis oculis vidisset primordia, & non exiguos progressus sacræ regularis obseruantiz, & cognouisset S. Bernardinum Senensem, & Albertum Thufcos suos, aliosque præcipuos eius promotores, firmissimas bases, & fortissimos Athlantes: nam eodem anno, quo ille Albertum educabat, Bernardinus præclaro concionandi munere clarere ccepit .

Alberto porro scælix, faustumque fuit, religiosi tyrocinii sui talem in adolescentia nancisci rectorem: nam vt

*Quo semel est imbuta recens seruabit odorem testa diu,*

Sic ille religiosæ perfectionis, & spiritus igniculos, ex Bartholomæi Magisterio, & conseruatione conceptos, non conseruabat modo, sed etiam tenero pectore conseruabat, donec tandem in propriæ ipsius sanctimoniz, populorumq; salutis, & Franciscani ordinis, atque Ecclesiæ Catholicæ honoris, & commodorum flammæ eruperunt .

---

## C A P. V.

*Migratio ad Obseruantes, & conuersatio magis seueræ .*

**D**ecem annos deinceps inter Conuenticuales vixit Albertus, & quo crescebat ætate, eo feruentius ad omnem virtutem, tum quæ illustrat intellectum, tum

quæ affectum diuinis afflatibus inflammata, magis semper aspirabat, per quos annos, & politiori literaturæ, & naturæ cognitioni studuit, peculiaris dubio censendum est. Cum ebulliente demùm pietatis affectu, & perfectioris vitæ desiderio, Bernardini quæque Senensis, ac deuotorum, vt tunc vocabantur, obseruantie regularis, consolidalium, claris virtutum exemplis, & patentibus, iisdemque quotidianis miraculis, & celeberrima fama percitus, ad sanctissimi huius, doctissimiq; Viri disciplinam, & seuerioris Franciscani instituti seclaterum, confortium conuolauit, anno ætatis suæ trigesimo, & Christi Saluatoris 1415. Bernardinum autem, qui tanquam

sup. 17.

*scintilla in arundine discurrens* verbum vitæ, per vrbes, & agros disseminans, nullibi sistebat, Albertum in obseruantum familia susceptum, vt ad normam efformaretur commendauit curæ Fratris Angeli Tusci, nec meliori poterat.

Erant enim Angelus, etiam de eorum numero quos laicos fratres vocamus, eo religionis zelo, ea prudentia, ea rerum tractandarum dexteritate, & integritate vitæ, vt prouinciæ Tusciæ regendæ, per Patrum suffragia, tribus vicibus præfectus fuerit, quo munere magna sui laude toties functus est, sed qualem, quantamque Alberti curam gesserit, hic ipse epistola 5. *Vbi charissimum; inquit, mihi parentem, ac virum profecto integerrimum, mei ordinis fratrem Angelum Tuscum, qui suo merito, & nunc prouinciæ præsit, cui illum nostri ordinis maiores præfecerunt: & infra. Est enim Angelus iste, vir talis, qui de me pro beneficijs eius, ita sit meritis (taceo enim reliquos, qui virtuti illius plurimum debent) vt si maxima sua in me offi-*

*cia, & quo me semper amore complexus sit, quantumcumque illi debeam dicere vellem, quamquam vacuo animo essem, & magna dicendi copia præditus, equidem id me consequi diffiderem, quis enim quæuis oratione complecteretur? cum ego in Etruria illius curæ commendatus existerem, sua omnia erga me studia, omnem operam, curam, industriam, mentem, denique omnia, quibus sanè me rebus, dies, noctesque mee salutis incredibili quodam, sanctissimoque metu sollicitus, ita deuinxit, ita obligauit, vt æcritus ne sustinere sua innumerabilia officia non possem vel non capere animus meus, vel in accipiendo, siue in remunerando, cum alandoque verbis, illius acta illustrare non valeam, habere quam dicere gratias malle.* Atque hæc inter obseruantes educatio sub tam accurata disciplina Fratris Angeli Tusci secundum B. Alberti in ordine S. Francisci tyrocinium fuit, in quo, iuuantem Dominino, tantopere profecit, vt quem tunc calcare cæpit, Seraphicæ sanctitatis nitorem nunquam amplius deseruerit, nec alius Franciscanæ dilictionis ipso tenacior esset.

Erant tùm, narrante Vvaddingo, reg. obseruantie in Italia, triginta, quatuor tantum humiles ædiculæ, seu verius cremitoria, & cauernæ in locis desertis, & à mundanorum confortio remotæ, quibus, eo ipso anno, accessit spectata, & celebris domus S. Mariæ Angelorum, vulgo Portiuncula, extra Attisium: tres nimirum prouinciæ Romanæ, in agro Reatino, reliquæ in Vmbria, & Etruria, earumque omnium incolæ religiosi circiter ducenti, atque horum plerique fratres laici, tanta penuria Sacerdotum, vt in Reatinis illis, vnus Sacerdos alternis vicibus,

bus sacra perageret. Erant omnes mundo abiecti, sed accepti Deo, religione insignes, paupertate diuites, charitate feruentes, castitate nitidi, crebro ieiunantes, vilia comedentes, æmula humilitate se mutuo superantes, facie squalidi, pedibus nudi, vestibus pannosi, rerum agendarum, & scientiæ secularis expertes, à mundo semoti, non tam alienas, quam suas curabant animas, rerum cœlestium contemplationi, & pietati incessanter addicti.

Atque inter hos, summa humilitate, patientia, & pietatis studio, septem iam annos conuersatus est Albertus, quo maiore castigatione corporis, & sui demissione, eo ampliore spiritus libertate, & spiritualium charismatum suauioribus delicijs: proposita namque sibi sanctissimi Bernardini norma viuendi summo rigore, & seueritate disciplinæ, despectis omnibus carnis, & mundi commodis, eorumque cura iam vacuus, iugi primùm orationi, & asceticæ vitæ sanctiorumque literarum, ac cœlestis philosophiæ contemplationi, studioque se totum tradidit. Quamquam etiam propagandi huius instituti zelo, nemini cederet, ad eò tamen prudenter, & circumspèctè se gessit, vt cum eximiam laudem, æstimationem, & amorem, ab obseruantibus quibus accessit, sibi comparasset, nihil tamen perdidit eorum beneuolentiæ, quos reliquit, nam isti eo etiam deinceps familiariter vtebantur, eumque suis adhibebant consilijs, & collatis honoribus auxerunt, & ipse vicissim liberali gratificatione se illis obstrictum, etiam pro concione, profitebatur.

## CAP. VI.

*Guarinum Verone iterato audit, & S. Bernardinum dicentem comitatur.*

**E**X Alberti effigie, in valuis Vaticanis ex ære fusis, dum adhuc tum viueret, & opifici facile notus esset, expressa conijcimus, eum statura media fuisse, atque compacta membrorum proportione, & grato aspectu: fuit etiam constanti valetudine, quam externa tantùm intemperies, vel itinerum, laborumque perpetua molestia, subinde tentabant, voce quoque sonora, & procul perceptibili, & verborum tersa, & distincta pronuntiatione, conuersatione comis, & modestus, & ob doctrinam, & morum sanctimoniam, cunctis acceptus & reuerendus, ac triginta septem annorum ætate maturus, vt ad disseminandum in populos verbum Dei per omnia, factus videretur: sed ipse qui ad morum æquè ac eruditionis ampliora, semper aspirabat, vnum, saltem iudicio suo, deesse sibi censuit, græcæ scilicet, & latinæ linguarum splendorem, & copiam, vt quibus, inquit, artibus virtutes facile comparantur, quarum tandem parta emolumenta, *Epist. 5.*  
*mihi, & cæteris utilitati, & sui, iucunditati, verè, solidæque gloriæ esse possunt, in his esse laborandum mihi statuerim.* Propterea non ausus est interim suggestum pro concione conscendere, vel quidpiam seu epistolarum, seu alterius operis, ne latinè quidem, conscribere, quod publicè ederetur, vel doctis viris communicandum foret, donec eas artes, in vtraque lingua solidius possideret. *Nam affir-*  
*manse*

*mante Blondo, qui græcas tunc in Italia literas nescissent, latinis videbantur indoctiores.*

Anno igitur ab incarnatione verbi Dei 1422. & ætatis suæ trigésimo septimo, Idibus Septembris Guarinum Veronæ docentem, omnibus possibilibus, audiuit, *ut illius doctrinarum maximè græcarum, inquit, veritate ditaret.* Hoc eius consilium, cum initio non probarent illi eius sancti, & simplices magistri spiritus, timentes, ne succus pietatis, & virtus humilitatis, quibus illum nutrierunt, in eloquentiæ profanæ pompam, & rhetoricum pulverem, per mentis elationem evanescerent. At cum intellexissent longè aliam fuisse mentem Alberti, ut omnem eloquij facultatem, quam adipisci posset, in argumenta pietatis, & usum configendi vitia, & virtutes persuadendi, converteret, tum plurimum læti, mutarunt sententiam, & Alberti consilium optimum illis visum est, de quo ipse aliquid epistola 5. & in reliquis ita se scribendo gessit, ut sanctos utriusque linguæ Patres, magis quam Demosthenem, aut Ciceronem imitari velle videretur. Imo nonnunquam ex instituto, illos ævi sui quosdam exagitat qui profanæ eloquentiæ phrasas, Christianæ pietati non congruas, affectabant, & qui antiquorum floribus, in exornandis argumentis, charitati, iustitiæ, & castimoniam contrariis abutebantur.

Decimum iam circiter mensem Veronæ apud Guarinum agebat Albertus, quando S. Bernardinus Senensis Tarvisij inuisit Franciscum Barbarum, illius vrbs tunc pro Rep. Veneta Prætozem, quem utrumque sibi amicissimum veneraturus, ille per dies caniculars, Verona non procul, Taurisium 7. Kal. sextiles profectus est.

Hic ab utroque perhumaniter, amanterque exceptus, utriusq; hortatu persuasus, ac Bernardini præsertim, ad populum dieentis, admiratione permotus est, ut vel tunc tandem eum imitaturus statuerit, quo ille peigeret, quoue illum Dux eius Christus deduceret, vna ipse ab eo erudiendus, menses aliquot proficisci, qua de re ad Guarinum scribens, ut & ipsi optimo præceptoris, & græculis, ut ait, condiscipulis suis, per eum valediceret, inter cæteras consilij sui rationes, Bernardini dicendi characterem, copiam, vires, & nervos persuadendi, ssectendiq; quo vellet animos auditorum, eum egregia ipsius laude, breui elogio describit: nuntiat se ambos, post die quam scriberet, seu 2. nonas Septembris ad Feltrenses, & Belunenses, Marchiæ Tarvisinæ ciuitates, perreçturos, ut postquam Bernardinus illis prædicasset, ambo simul Florentiam veçsus, quam primum irent. Tum ergo dieentem Tarvisij per totum mensem Augusti, Feltri verò, & Beluni maiori parte Septembris & Octobris audiuit, omnem eius artem, & gratiam suo luero reponens.

At humilis Bernardinus apud se reputans indignum esse, ut Alberti præclaræ dotes, in alijs audiendis detinerentur, per quas ipse potius, eum fructu, & laude à populis audiri deberet, pro Prælati, qua pollebat, auctoritate, Pithagoricum silentium soluere tandem iussit, eumque Mutinam cuius instruendum amandavit: idque non vt iliter tantum, sed maximè necessarid. Appulsus enim Albertus pridie Idus Nouembris, inuenit eiues (8) *Guelforum, Gibellinorumque* sæuis factionibus sibi mutuo insectos, eçterisque insectos virijs, quæ ea ciuium, maximèque primorum dissidia, in omnem

omnem Remp. inuhere solent : sed Albertus, qua præstabat virtute, ac diuini primùm numinis adiutorio, prima illa sua vernacula prædicatione, palam ostendit, quantum deinde per alias Italix ciuitates, in componendis discordijs, & conciliandis Ecclesiæ schismaticis in Oriente, & odijs exterminandis, præstiturus esset: primoque prælio diabolum, pacis, & charitatis hostem deuincit, & de zizaniorum seminatore, per diuini verbi sationem triumphauit. Nam cum eo suadente, post aliquot dies, aperta luce, omnes intellexissent, quanta sit in eis factio- nibus pestis animarum, cum rerum, hominumque exterminio, Dei ma- xima gratia factum est, vt à cunctis miro animi seruore, eis diaboli dis- sensionibus renuntiarctur. Habira, deinde ad eos, de pace seruanda ora- tione, tanta animorum concordia deuincti sunt, vt non modo simultates ipsæ deletæ, ac funditis ex animis euerse sint, sed vt nonien ipsum om- nium dissensionum seminarium è me- dio sublatum sit, illud nimirum dia- boli classicum, & cædium, cætera- rumque calamitarum incitamentum, *ego Guelfus, ego Gibellinus* non alio spiritu, quam quo Paulus Apostolus, veterum Corinthiorum dissensiones sublaturus, factio- num Symbola, tessera- que prohibuit : *ego quidem sum Pauli, ego autem Apollo, ego verò Cephe, ego autem Christi.*

Post hæc tam egregie Mutinæ gesta, Bernardinum tamen, tamquam sibi humiliter insufficiens, deserere no- luit Albertus, sed postquam ille fel- trensis, & Belunensis, & vt Vvad- dingus narrat, etiam Virunensis in Carinthia pari fructu, extin- & ibi eiuf- dem factio- nis, prædicasset cum eo iter in Etruriam direxit, & sub initium se-

quentis Ianuarij, Bononiam ambo peruenerunt, vbi dum Bernardinus rogante B. Nicolao Albergato, Bono- nensi tunc Episcopo, ac postea Carl. Tit. S. Crucis in Hierusaleni, ea ma- <sup>ibid. n. 4.</sup> g- nalia dicendo faceret, quæ idem, Vvaddingus refert : Albertus quoq; calamo prodesse cupiens, Idib. Ianua- rij fusam epistolam scripsit, quæ nobis 10. est ad Nicolaum Estensem, Fer- rariæ tunc Marchionem, & Mutinæ Dominum, in qua, narratis ijs, quæ ab ipso Mutinæ gesta diximus, rogat, hortatur, obtestaturque Principem, vt, quo desiderio ciues ipsi flagrabant, quoque plenius cæpta animo concor- dia potireniur; Nicolaus ipsis autho- ritate sua, adiumento esse vellet: & vl- trò currentes promoueret, fomentum ipsum omnium factio- num è medio prorsus tollendo, *quos, inquit, si etiam inuitos in hæc studia cogeres, maiore apud Deum præmio donareris.*

Inde in pellem Illam ludorum, vir- tutum omnium voracissimam, qua Bernardinus eodem tempore Bono- niæ ciues, per malorum instrumento- rum pyras, quasi per ignem expurga- bat, Albertus grauitè inuectus est, & vitiorum, grauiumque scelerum lernâ quæ ludendi libertatem consequitur, clarè demonstrans ludorum summam infamiam, & latè serpens virus. Prin- cipem propterea enixè hortatur, vt tùm ex ciuitate sua Mutina, tùm ex omnibus omninò suis, tantam popu- lorum perniciem, & pessimam labem prorsus propulset, minaci hac senten- tia rem sibi propositam fortiùs incul- cans: *unde qui non resistunt cum pos- sunt, & qui adminicula præbent, & qui inde gaudent, vel distantur, vel suo malo inopes fiunt, omnes eterno interitu, nisi se abstinerint, & satis omnibus fecerint, ac ingentibus pœ- nis,*

1. Cor. 11.

Ad Anu.  
1443. n. 3.

*nis, dignisque cruciatibus, à Deo plebentur.*

## C A P. V I I.

*Albertus ipse cum fructu, & laude populis euangelizat.*

**H**Aec ad Estensem Principem Bononiæ scripsit Albertus, mense Ianuario anno sui stili veteris 1423. sed noui nostri, quod in notis non semel aduertimus, 1424. nec amplius ab eo scriptum quidquam habemus, vsq; ad annum 1430. quo aliquas epistolas in Etruria dedit, præter vnum epistolium ad Bartholomæum Aldobrandinum, absque diei, vel mensis assignatione, eodem anno 1424. Senis datum, ex quibus colligimus, ipsum totos illos septem, vel amplius annos, in Etruria hæsisse, nam nulla eius vestigia interim alibi reperimus. Nec interea friatum dicere possumus, tum quod ipse ad Bartholomæum scribat, sibi pro ingentibus laborum molestijs, nullam, vel illum inuisendi frequentijs, vel dulcissima consuetudine fruendi, scultatem concessam esse: quos labores in ipsa Etruria exaratatos, in posterioribus literis, non semel commemorat, quotidianæ nimirum prædicationis in diuersis Urbibus illius Prouinciæ.

Nempe hoc munus, vt alij scribunt, posteaquam superiorum imperio, semel suscepisset, vsq; ad mortem nunquam intermisit, per Italiam in primis discurrendo, quotidie fermè, tam eleganter, tam doctè, tantaque virtute præstabat, vt sui temporis sacri dogmatis præconum Rex non immeritò acclamatus vulgo fuerit. Frat verbum Dei ex eius ore gladius, vtrîmque acutus, nam & doctos aliquos, alioquin

aduersos, rationum pondere, & erudita eloquentia conuincebat, & ignaros claritate sermonis, & suauitatis quædam condescensione dulciter erudiebat, atque in Deo timorem, amoremq; & mandatorum obseruantiam fortiter concitabat. Eius erga peccatores condescensionis paradigma habet Bernardinus de Bultis, cuius propria verba describere malui, quam rem narrare meis.

*Nihil, inquit, in hac vita est efficacius, ad compungendum obstinata corda, quam sermo diuinus, quod patuit per experientiam in quodam indurato peccatore, in ciuitate Venetiarum, qui predicante ibi B. Alberto de Sarrhiano ordinis nostri, ad ipsum iuit, & rogauit, vt ei consiliu daret, quomodo saluaretur: quia habebat peccatum quoddam, quod nunquam dimittere intendebat, quia impossibile sibi videbatur ab illo abstinere, cui prædictus predicator ait, tria tibi facienda consulo, primò vt omni die Missam audias, secundò, vt quotidie aliquam elem. synam facias, tertio, vt nunquam prædicationem omittas, quibus auditis abijt, & consiliu adimplens, post paucos dies ad ipsam B. prædicatorem, totus contritus, & conuersus redijt, & virtute diuini verbi, mutatus à proposito, illud peccatum, in quo immersus fuerat, totaliter dereliquit.*

In illius æui vitia, quæ proluxi Pontificij schismatis, & furentis per Italiam Bellonæ reliquæ fuerunt, Catholicæ fidei, Sacramentorum vsus, pœnitentiæ præsertim, & Eucharistiæ, Sedisque Apostolicæ reuerentiæ neglectum, publicas, priuatasque inimicitias, cæteramque multam viuendi licentiam, acer, & vehemens fuit, in eisque reprehendis, impetu quodam

dam spiritus, quandoque etiam præter intentionem, ita ferebatur, vt qui remordente conscientia, se tactos, omniaque in se dici putabant, ij non alia tantum pericula, sed & vitæ quoque insidias, veritatis præconi, & sui ipsorum salutis ministro, vt phrenetici medico intentassent. Ille verò in officij sui executione, ne potentum quidem faciem respiciebat, quamquam id ea dexteritate, & moderatione facere soleret, vt nullius personam, nedum ex nomine, sed nec alio indicio, præterquam solius communis vitij detestatione, detegeret.

Ab amicis aliquandò monitus, rogatusque vt obiurgandi vehementiæ temperaret, dixit se quidem, quamquam id vellet, non posse tamen: quod & socij eius, experientia docti, testabantur. Et verò postulante temporis, & rerum conditione, Deum ità disposuisse videri poterat, quando homines callo quodam improbitatis obducto, non tam amore virtutis, quam vitiorum turpitudinis execratione, & expositis æterni supplicij tormentis, terrore quodam, & incusso metu, ad frugem reduci poterant, qui nihil gloriosè, quod non impudenter, à se factum arbitrabantur.

Declamabat subinde ad populum coram Francisco Sforzia Mediolani duce, & aliqua temporis errata, tam grauius infecutus est, vt ijs, qui mala sua consilia nouerant, Principis animum illis instructum, & acta quædam è suggesto fugillatè videretur, atque vt in aula, magno magnatum præiudicio, assentantes aliqui numquam desunt, isti apud Principem, Alberti, vt aiebant, licentiam, ausum, temeritatem & illatum suo donuino probrum incusare, ingenijque sui viribus, & compositis altutè verbis aggrauare,

dictareque fraterculum vinculis, & igne dignum se præbuisse. Periculum Alberto indicatum fuit, statuitque mitius agere, nihilque præsertim quæ de Principe quispiam interpretari posset, deinceps pro concione dicere, sed longè secus euenit, nam proxima vice, qua coram Duce dicturus descendit, nihil minus volens, iisdem fortè sensibus quos prius expresserat, impellente spiritu veritatis, qui Prophetarum dirigit linguas, & frontes obfirmat, eadem, vel similia pronunciauit, cuius rei clarissimum exemplum in S. Augustino accidit, vt in eius vita narrat Possidius Cap. 15. tom. 1. vnde totum locum huc transcribere nos iuuat, sic ergo loquitur Possidius.

*Scio item non solum ipse, verum etiam alij fratres, & conferui, qui nobiscum tunc intra Hipponensem Ecclesiam, cum eodem sancto viro vivebant, nobis pariter ad mensam constitutis, eum dixisse. Aduertis hodie in Ecclesia meum sermonem, eiusque initium, & finem contra meam consuetudinem processisse, quoniam non eam rem terminatam explicuerim quam proposueram sed pendentem reliquerim. Cui respondimus. Ita nos in tempore, miratos fuisse scimus, & recognoscimus. At ille: Credo, ait, quod forte aliquem errantem in populo Dominus per nostram obliuionem, & errorem doceri, & curari voluerit: In cuius manu sunt, & nos, & sermones nostri. Nam cum propositæ quæstionis latebras pertractarem, in alium sermonis excursum perrexi, atque ita non conclusa, vel explicata quæstione, disputationem terminaui magis aduersum Manicheorum errorem, vnde nihil dicere decreueram disputans, quam de ijs, quæ asserere*

ferere proposueram. Et post hæc, nisi fallar, ecce alia die, vel post biduum, venit quidam Firmus nomine, negotiator, & intra monasterium sedente Sancto Augustino coram nobis, ad pedes eius genibus prouolutus sese iactauit lacrymas fundens, & rogans ut pro eius delictis Sacerdos, cum suis, Dominum deprecaretur, confitens quod Manicheorum sectam sicutus fuisset, & in ea quamplurimis annis uixisset, & propterea pecuniam multam ipsis Manicheis, vel eis, quos dicunt electos, incassum erogasset; Ac se in Ecclesia per Dei misericordiam, fuisse eius tractatibus nuper correctum, atque Catholicum factum. Quod & ipse venerabilis Augustinus & nos, qui tunc aderamus, ab eodem diligenter inquirentes, ex qua re potissimum in illo tractatu sibi fuerit satisfactum, & referente eo, nobisque omnibus sermonis scripse recognoscentibus, profundum consilium Dei, profalutè animarum admirantes, & stupefacti glorificauimus sanctum eius nomen & benediximus, qui cum uoluerit, & unde uoluerit, & quomodo uoluerit, & perscipientes, & perscipientes animarum operatur salutem. Et ex eo ille homo proposito seruorum Dei adherens, negotiatoris dimisit actionem, & proficiens in Ecclesie membris, in alia regione ad Presbyterij quoque Dei uoluntate petitus & coactus officium accessit, tenens atque custodiens propoliti sanctitatem; & forte adhuc usque nunc, in rebus humanis uiuit trans mare constitutus. Sfortis uero aulici male sibi conscij Alberti uerba tamquam in Principem dicta, clamabant, & in furias uersi, denuò Principem adoriuntur; pudendum exprobrantes, quod talia sine pœna permittat: ope-

ramque suam satellites offerunt, modo Duci non displiceret, ad Albertum è medio tollendum. At Franciscus, ut erat Christianus, & prudens Princeps, factum suæ religioni indecorum, & magnitudine animi indignum, uindictæ scopum Catholico, & excelso animo reputans Sacerdotis Christi, & Euangelici præconis necem: sinite, inquit, Fratris Alberti sermo usque ad eò nobis non displicet, ut eo potius acceptior sit, quod ille munere suo rectè fungatur, quo & Albertum vitam seruauit, & adulantium prius data consilia, concionatoris uoce doctus, sibi minus conuenire monstrauit.

Non defuerunt etiam æmuli, qui Alberti quoque doctrinæ detrahentebantur: sed superuenerat eo tempore Mediolanum, nescio quo casu, B. Ioannes Capistranensis, qui claris documentis ita demonstrauit eiusmodi maleuolos ( ut auctor eos uocat ) uelle sapere plusquam oportet, & ita clausit ipsorum ora, ut nemo amplius ausus fuerit quidquam contradicere.

Cæterum, Alberti prædicationem scriptores omnes tam cœui, quam posteri, tam domestici, quam extranei, miris præconijs efferunt, & uitæ sanctimoniam, excellentiamque doctrinæ deprædicant, quæ uel Eugenio Pontificis præclara elogia, & uelut oracula satis, superque comprobant, & fructus ipse posterius exponendus demonstrat.

Eius dictio tantopere trahebat pium senem, & Ferrariæ tunc docentem Guarinum, olim Alberti magistram, ut quoties Alberto ibi prædicandum esset, toties ille lectionis horam anteponeret, eaque finita, discipulos ad concionem uocaret, audi-

audistis, inquit, theoriam, nunc eamus ad practicam, nec vllum abesse sinebat. Tanta cupidine ipsum dicentem audiendi exardebant populi, proceres, & plebei, simplices, & sapientes, vt nec templa, nec fora illis colligendis sufficerent: in apertis campis concionandum erat, vbi interdum, omnis conditionis auditorum, sexaginta millia, subindeque plura, cum summa auditate, ab eius ore pendebant, nec vllus erat, qui meliorem se rediisse, quam accessisse, non fateretur, nec proximi tantum loci ciues, sed circumiacentium omnium, longis itineribus, & reliquis operis, domibusque confluebant, nec vlla tum aduentus, aut quadragesimæ expectatio, nulla loci, vel temporis discretio fuit.

Postquam ille, quod diximus, S. Bernardini tunc superioris imperio Christiana rostra professus est, incessanter deinceps, in vrbibus, & oppidis, in pagis, & vicis, in templis, foris, & campis, arrepta quacumque occasione, & sæpius non semel in die, sermo Dei, viuus, & efficax, ex eius ore promptus erat. Hæreticos ad fidem, schismaticos ad vnius Apostolici Romani Pontificis obedientiam, ac deuotam ex animo reuerentiam, peccatores ad pristinæ vitæ tædium, veniæ spem, atque frugem: Principes, & populos ad charitatem, & pacem conuertebat; non sui tantum ordinis, sed aliorum quoque claustra, vtriusque sexus poenitente, & pia iuuentute replebat, & vrbes, oppidaque non tam auidè quaesitis, quam vitè oblati, & rogatus, vt acciperet, horum habitaculis exornabat.

Neque tantus auditorum numerus cuiquam incredibilis videri poterit,

qui S. Bernardini, B. Ioannis Capistranensis, aliorumque illius æui, eiusdem instituti regularis obseruantiz Franciscanorum acta perlegerit, quos dicturos non minor auditorum populus, à media nocte, ad multum diem præstolantes, viciniorem concionatori locum certatim præoccupabant, & quod Iosephus Ripamuntius, ex Donati Bossij eiusdem serè temporis annalibus scribit, Iubileum hoc tempore in Franciscana ædificuisse Mediolani, & tantam vndique peregrinorum multitudinem confluisse illuc, vt in turba quidam eliderentur, & ad centum millia conuenisse tradunt, præter indigenas, & ipsius vrbs populum, in ipso aditu templi quindecim ingruente multitudine esse obrutos, atque exanimatos. Arbitror annuam Portiunculæ nostræ solemnitatem fuisse, nec ad remissionem poenarum tantummodo confluisse tam frequentem concionem, quam in singulis Franciscanorum templis eodem die lucrari poterant, sed vt Albertum quoque tunc Mediolani dicentem audirent.

Freudebat in hæc Sathanas, desolari infernum suum, & vacuas sequacium suorum sedes, his hominibus in Cælo compleri, rapique è suis vnguibus quos multis secleribus, iam diu constrictos, sibi obstrictos tenebat, suscitabat quæ iam narrauimus aduersus aduersarium suum, benevolentia magni Principis, & propriæ vitæ discrimina; concitabat calamos, & linguas, qui non ipsum solum, sed cœtum vniuersum sanctissimi instituti auersioni, & odio multorum exponere nitentur, aperta tandem pugna, & visibili forma dispergere auditorium, & prædicationis fructum destruere, conatus

tus est, præter ea, quæ in Aegypto, & Arabia contigisse dicturi sumus, sed diuina protectione, & B. Alberti virtute, semper, & vbique victus, & debellatus est.

Innumerus alicubi in campo erat numerus auditorum, cum feruente pro rostris Alberto irrupit in populum ceruus cornupeta, vel omnes è concione disturbaturus, vel malè habiturus multos, inde omnium confusus clamor, & paratura fugæ, cognouit feruus Dei artem diaboli, & fortiter clamauit, ne quisquam se loco moueret, inanem laruam esse affirmans, non ceruum è saltu, sed Sathanam ex orco emillum, qui verbi Dei fructum perdere moliebatur, quamobrem ab Alberto iussus laruatus demum, non pedibus fugit, sed ab omnium oculis confestim euauit, nec amplius vllibi visus est, quo factum, vt populus quieti, & securitati restitutus, maiori animo, & pietate doctrinam hauriret, doctoremque, & liberatorem suum, in ampliori haberet opinione sanctitatis, qui diuino lumine dolum detexit, & potenti virtute, hostem diserto fugauit.

### C A P. V I I I.

*Religionem, scripta laudatione, ab aduersa vituperatione vindicat.*

**N**ON dicendo solum, sed scribendo quoque sui zui corruptelis medebatur Albertus, cum omnium hominum salutem, omni quo poterat modo promouere satageret, vt quæ subiungimus, eius commentaria demonstrant, sed aliqua græcè scripsisse fertur, quæ

nobis nondum reperta sunt, sermones tamen, quos quotidie ad populum habebat, conscripsisse magno sanè posteritatis detrimento nemo prodijt, erat enim, vt ipsa perpetua dictione, & continuatis itineribus impeditus; sic eruditione, doctrina, eloquentia, memoria, & exercitatione tam promptus, vt ad differendum de quouis argumento, communium locorum notatio fortassis aliqua, cum breui meditatione, & quod caput est, feruens, & recta voluntas, & huic semper assistens gratia Dei, satis illi fuerint: neque enim Apostolos, & multos Apostolicos viros, nec S. Franciscum, aut eius socios, sermones suos, quos extemporaneos frequenter habuerunt, scripsisse, priusquam dixisse legimus, cum tamen & quercus, & saxa dicendo scinderent, virtutes, & vitia, pœnam, & gloriam prædicantes, cum breuitate sermonis. Extant in Alberti operibus, quæ producturi sumus, orationes aliquot paucae latinæ, quarum duas ad populos, ac tertiam ad sui ordinis Patres, in conuictijs collectos, declamauit.

Flouescere tùm Italia visa est, è scholis Guarini Veronensis, & Emmanuelis Chrysolozæ, aliorumque vtriusque linguæ præceptorum viris, non latina tantùm, sed Attica etiam eruditione clarissimis, & per eos in magnam partem restaurata est, iam olim sepulta literarum latina simul, & græca elegantia. Verum vt inter flores nascuntur vitiæ, nec vlla tam læta seges caret suis lolijs, aut mortalium quispiam ex omni parte perfectus est, sic horum hominum plures erant scribendi grauitate, & integritate morum præstantissimi, sed alij quidam genijs suis, zuique vitium

nimum indulgentes, non imitari se Ciceronem, aut Salustium in oratione soluta, nec in ligata Nasonem arbitrati sunt, si illorum conuicia, atque huius turpitudines è crematorum corporum putribus vrnis, tamquam eloquentiz phœnices, non suscitassent, nec se viros fortes esse, si hanc prædam de manibus non eripissent: nec præclarius, vel eruditionis suæ vel eloquentiz specimen se præbituros credebant, quam vt studiorum riuales, & conciuus interdum suos, maledicis inuectiuis lacerassent, quod plurium illius xui eruditorum, commune fere vitium fuit, turpissimos amplexus, ioci specie, in multorum scandalum, & Christianarum mentium perniciem, intentis eloquentiz, & lasciuiz viribus, in vulgus explicarent, qui propterea plurium sermonibus, calamisque vapulant, quo alii discant, se non impune laturos, si & scribendi facultatem, & tempus, & otium, per optimum Deum ad meliorem vsum concessa, pessimo dæmoni dicere præsumant: cum potius illi à Cicerone suo discere potuissent; oportere

In Salu-  
stium.

*eum omni vitio carere, qui in alterum dicere paratus est, & isti sermonis elegantiam, & nitorem, seu vasa Aegyptiorum, ab Etnicis possessoribus mutuari, e quibus non morum corruptelam labili iuuentuti, sed castam pudicitiam Christianis mentibus, & Christo animarum zelantissimo Sponso consecrare debuerunt, id enim meliores magistri, quam Ouidius docent.*

Quod nostrum est, & ad B. Alberti Sarthianensis causam attinet, in Philippico hoc dicendi genere, cum aliis aliquando excessit Poggius Brandolinus, vir alioquin suo tem-

pore, eruditione, & eloquentia clarissimus, quamquam & ipse facietis aliquando lussisset (sacra censura iam dudum confixis) in Ouidiana verò fœditate Antonius Panormitanus venereo carmine sagittam cupidini præripuit: qui duo viri, si in melioribus argumentis, quibus alioquin cum eloquentiz laude infudarunt se continuissent laude digniores ipsi futuri erant, & Reipublicæ melius consulissent.

Construebant eo tempore cœnobium illi Religiosi consodales Alberti (qui à sinceriore Franciscani Canonis disciplina, obseruantiz regularis fratres dicebantur) in fundo, quem cum suæ recreationis domuncula, ipsis dederat Carolus de Ricafolis cuius Florentinus in loco campestri, sed amœno sui domini, dicto Monte Caroli, per hoc Poggius quidpiam vel temporalis emolumentum, vel potius delictiarum, sibi, suisque contribulibus, vt ipse eos alibi vocat, detrahi censebat, quod sanè tùm parum esse oportuit, cum illius instituti homines, amplis domiciliis, vel vastis terrarum spatiis vti, conscientiz sibi vertebant, cuius rei manifestum, & euident argumentum inferius producturi sumus. Agebat apud Pontificem Poggius, quo posset obistere sacre huic & solitariz religionum structurz, & rumor fuit, quidquid parietum isti erigebant, ipsius industria, studioque demolitum iri, sed cum rem cognitam apud nostros esse, nihilque se apud Pontificem efficere sentiret, hic arrepto calamo literas ad Nicolaum Nicolom dedit, querulus primùm quod eiusmodi voces spargerentur, deinde in religiosos viros, qui fœlicissimis illis initis lucidos instituti

fui sanctitatis radios, agendo, docendoque in populorum, & Principum animos vibrabant acriter inuectus est: & vniuersum sanctum cętum, ita depinxit, vt si irato tunc homini fides haberi posset, non tam religioſę vitę ſectatores, quam malę Christianos, & flagitiis litantes, eos fuiſſe crederes, Bernardinum tamen, alioſque per paucos innominatos, & Albertum nominatim exceperit, quorum, claram ſanctimoniam, & celeberrimam famam, omnem inuidiam, & acumen maledicentię iam ſuperacſe cognouerat.

Cortone in Etruria tum conualeſcebat Albertus ab epidemię morbo, quem promiſcuo quotidianoque auditorum accuſu contraxerat, cum Nicolaus Poggii literas ad eum deſerri feciſſet, ac dum firmandę valedudinis cauſa, medicorum, & conſolalium ſuaſu aliquantiſper concionibus abſtineret; otio tamen vacandum non cenſuit, cum & ſe ipſum exerceat, & aliquo commentariolo, per calamum ſaltem S. Franciſci exemplo, Reipublicę prodeſſet, dumque de argumento ſcriptionis deliberaret, opportunę ſibi oblatum arripuit. At vt erat animo moderatior, & ſui magis compos, quam ipſius antagoniſta, non hominis denigrare famam, vel maledicentiam in authorem retorquere, nec ſuorum fratrum, qua non egebat deſenſionem inſtituere ſtatuit, ſed vtram innocentium laudationem, per quam abſq; ira, odio, inuidia, omnes Poggii criminationes grauer, ſuauiſterque nec minus eruditę deterſit, quamquam hominem ſubinde modeſtę fraternęque animaduerſionis iure, & veteris amicitię fiducia inerepuiſſet, ad illa ipſa coactus, quod

metueret, aliquos acri hominis eloquentię vi, & ſermonis lenocinio à Chriſti ſequela fortius inſiſtendo deterreri, & vberimum eximplorum, atque doctriņę fruſtum, quem religioſiſſimi viri colligebant, niui poſſe; quo nihil humanę ſalutis inimico gratius, nihil tunc religioni, & Reipublicę pernicioſius euenire poterat, quę Albertus ipſe ad Nicolaum, & Poggium clariuſ proſequitur in literis, quas nos temporis ordine 20. & 21. loco collocauimus.

Ad B. Viri libellum reſcripſit ipſi Poggius breuem epiſtolam excuſatoriam, quam huſ verbis orſus eſt. *Tantum abeſt mi Alberte vt grauiſeram, quę à te ſcribuntur, vt etiam maximas tibi eę debeam, eę habeam gratias, quod me, pro tua in me beneuolentia, eę charitate admonere voluiſti, eorum in quibus me aberraffe, in meiſ literis arbitratuſ eſ, non enim ſum iſ qui tantum meiſ viribus conſidam, vt non aliorum quoque opibus ſubleuari velim, atq; adiuuari, ad erroreſ viſe corrigendos.* Reliqua Poggij epiſtola talis eſt, vt author tunc fuiſſe videatur eorum numero, qui teſte Cicerone certis quibuſdam deſtinatiſque ſententijs, quaſi addiſti, & conſecrati ſunt, eaque neceſſitate conſtricti, vt quę non probare ſolent, ea cogantur conſtantię cauſa defendere, ſi tamen Tullius conſtantiam niſi fortaiſſis ironicę fictam, & falſam appellare voluerit agnitę falſitatis deſenſionem, quam & Gentiliſ ipſe alibi ſępiuſ, & nos omnes Chriſtiani pertinacię nomen mereri cenſemus. Rationes autem, quas Poggius ad ſe excuſandum proferat, ne ſine cauſa religionem vituperaffe videatur, vel rationum potiuſ effugia ſunt, vel particularium

larium paucorum culpæ, quas religio ipsa sancitis legibus, & acri castigatione persequitur, vel crimina in sæculo commissa, quæ ipsi tunc peccatores post ad religionem conuersi, pœnitentis vitæ austeritate, in se ipsis plecebant, pietateque, & virtutum exemplis in aliorum oculis diluebant. Albertus igitur ijs dissimulatis, quod eas ante liquido confutauerit, deinceps tacuit, Poggius ab inceptis destitit, & pristina amicitia inter eos redintegrata, & constans inde seruata fuit, ac religiosi locum illum, de quo tunc disceptabatur, in hodiernum diem pacificè inhabitant.

## C A P. I X.

*Importunas, & periculosas conciones prudenter declinat.*

**E**odem tempore quo B. Albertus pestilentie morbo languebat Cortonæ, interea ciues Viterbenfes factionibus, peste peioribus, vel alijs simultatum causis agitati, intestinis odijs, ac sæuis cædibus se mutuo, miserum in modum, trucidabant, urbemque suam depopulabantur, vt ex ipsius B. Viri epistola 12. copiosius, & clarius, quam aliunde discere potuimus, donec Leandrum Albertum legere licuit, qui in descriptione Italix de Viterbo agens, illarum factionum originem, & perniciosos successus ita deseribit. *Egregios homines multos edidit, qui summa ingeniorum excellentia, principatum urbis sibi compararunt. Ex his Vici, diu rerum potiti, donec ab Aegydio Carilla Cardinale, ac Legato Ecclesie Romana, cuius tùm in Gallia sedes erat, pulsus, eo tamen satis*

*intercepto, rursus ad imperium vrbis peruenerunt, idque dein vsque ad Eugenium IV. Pontificem Max. tenere. Hoc tempore Franciscus Vicus Vrbs Rome Prefectus à Patriarcha Vitellesco Pontificalium legionum Imperatore, ac legato confossus Ioannem Gattum in Viterbino Principatu successorem habuit. Ille Princiuaelem filium, qui Roma Viterbum reuersus, impetu inimicorum circumuentus periit. Ob eius mortem, cum populus tumultuaretur, cedes multæ editæ, plurimaque deiecta edificia, sed compositis deinde motibus, cessanteque seditione, Ioannes Gattus 2. principatum urbis suscepit. Is tranquillo iam tum, ac pacato ciuitatis statu circa Alexandrum VI. Pontificem Max. anno à Nat. MCCCCXCVII. casus: qua occasione columna urbem ingressi, Magancesios, qui Gattorum erant inimici, magno numero obruncant, edes multas diruunt, plurimas diripiunt. Tertio anno post Vrbsini, qui Magancesiorum partes tuebantur, Gattos vicissim eiciunt, seuitumque est tam uehementer, tam nec etatis, neque sexus habita ratio, tot adificia flammis, incendioque consumpta, prorsus vt seua Turcarum barbaries crudelius quidquam, aut immanius designare baud quaquam potuisset. Nec aliter à Gattis dein vicissim occupata vrbe Magancesiorum habita partes. Et fatales huiusmodi dies Viterbum sepius expertum est, adè quidem, vt nunc maiori propemodum ex parte ruinis deformatum iaceat. Tales nimirum exitiosarum, nefariarumque factionum esse fructus solent.*

Guillelmus ergo Casalensis ordinis Min. Primiticius, vt exterminum

Eccle. 31.

nium ciuitatis auerteret, Albertum ad eos ire iussit, vt quod alibi præclare præstabat, Viterbi quoque ciues efficacissima sua ditione, ad pacem, & charitatem concieret. Ille vero diuino doctus oraculo non effudendum esse sermonem, vbi non esset auditus, inter obediendi zelum, & periculorum euidentiã anxius rescripsit, rem eo videri difficiliorem, quæ & dictu incredibilis, & factu impossibilis sit, quæque nec tentari sine metu, nec impetrari sine periculo, nec extorqueri sine temeritate possit, quæ ipse cuncta manifesta ratione in epistola monstrat, alieno etiam periculo cautus, ac facile, inquit, ero secundus ab eo, qui pro eadem causa fouet in presentia carceres. Inde generalem per crucifixam mundi salutem obsecrat, vt eum tanto onere leuet, vel si magis placeret, vt iussione Pontificis, ea res ipsi impeteretur, quod facile factu ostendit.

Verebatur prudens Albertus, si Generalis voto satisfaceret, & suam, & ipsius generalis, ac imprimis Christi, & amicorum, ac totius nostræ religionis confusionem, ne dicam, inquit, subuersionem, ea mala tamen firma, qua pollebat, fiducia Apostolicæ potestatis, ob reuerentiam sedis, cuitari posse sperabat, si Pontificis autoritas intercederet, adeoque tunc, inquit, accedam lætus, hilaris, alacer, & libens, nec minus flagrabat religiosæ obedientiæ complendæ seruire, cum ait, *Si verò solum tibi placet, vt adam, idque tu mihi rescribere non graueris, ecce modo me ad martyrium quasi proficisci existimans, ire iam pergam, ac tua rescripta in his regionibus præstolans, ad quæcumque tua volet pertemitas, me accingam.*

Responsum differebat Guillelmus, coque crescebat anxietas Alberti inter obediendi affectum, & ingentium periculorum metum angustiatum, quem profunda ipsius humilitas ingererat, per quam se superandæ rerum difficultati, imparẽ esse censebat. Quapropter in eundem sensum iterum, iterumque scripsit, non ad ipsum solummodo Generalem, sed ad Dominicum quoque Pistoriensem, & ad Iacobum Perusinum, qui illi, vt videtur, à latere assistebant: per quæ generalis, iusto metu, & euidenti ratione conuictus rescripsit tandem, & inter alia hæc verba; *Te igitur mi Alberte liberum facio ad quæcumque predicationes sumendas, si tuo desiderio satisfactum iri à me potest. Tecum enim familiariter agere, nostra iam confirmata consuetudo facit, quia neminem mihi magis familiarem inueneram, qui possit vita, moribus, & doctrina Viterbiensis ciuitatis periculis prouidere.*

Verum quia Deo, & bonis hominibus placuit Albertus, necesse fuit, vt noua tentatio probaret illum, & vt nemo propheta in patria sua acceptus est, ita ille alioquin vbiicumque absens, ibi desideratissimus, vbiicumque præsens non minus acceptus, & in veneratione habitus, in sola Etruria, quia Tuscus, emulos inuenit, etenim amplissima illa libertate, quam Generalis Minister illi concessit, ita vsus, vt pro sequentis Quadragesimæ concionibus, se obligauerit, tum Episcopo, tum ciuibus Cortonæ, apud quos in illo suo crudeli morbo epidemiæ, & longo languore conualescentiæ in tanta cura, & charitate habitus est: sub ipsa nihilominus ferè vigilia quadragesimæ

per

per æmuloꝝ studia nouum, & inopinatum generalis mandatum accepit, quo iubebatur in Lombardiam proficisci, Regij Lepidi ciuibus per sacri ieiunij tempus concionatum, atque hic iterum in torculari positus est, vnum latus premente obediendi zelo, de quo ipse in altera epistola, hac de re scripta: *verè tibi fateor, dicere non possum dolorem meum, ita enim te ardentissimo amore, ab ipso congressu amicitie nostræ complector, ut penè dixerim morior, cum tu aliquid mihi iubes, quod implere nequeam*: alterum enim latus vigebat necessitas se excusandi pluribus, validisque rationibus, quas in duabus epistolis fusiùs, & fortiter exponit; aduersas rationes, & æmuloꝝ molitiones, efficaciter dissipando.

Ac his tandem religiosissimis verbis epistolam claudit; *ut verè aptius intelligas, me ista scribere, non resistens animo, sed impotentis experimento, & consideratione plura perspicientis, fugiendique scandali causa, quod tu ipse vitari, mea sententia, à me cupis, hoc tandem finem faciens prædictis adijcio, si tibi meis rationibus moto, placet, ut in his regionibus maneam, letabor, & maximas tibi habebō gratias, si autem post Pascha tibi videbitur, ut quouis pergam, paratissimum profectō reperiet: si verò omnino, ac penitus sententia tua est, ut modo relictis pollicitationibus meis, neglecta fama, scandalisque omnibus postbabit, illd accedam, non grauetur tua paternitas isidem mihi cuncta renuntiare, & ego accinctus, quamuis difficillimum iter, quamuis debilis, quamuis rumores exuscitans, letus, libensque proficiscar; magis enim tibi,*

*cum pro amicitia, tum imprimis pro officio tuo in noi obsequar, quoad vita mihi suppeditabit, reliqua omnia parui pendens, quam tuam iustionem, tuam auctoritatem, tuamq; dulcedinem, quibuslibet rebus, personis, temporibus anteponeis, quauis incommodorum acerbitate, ac dispendio deterrebor.*

Per ista reor, pro sua virtute, & reuerentia obtinuisse seruum Dei, vt à Cortonensibus tunc non recederet, quod ex epistolis eius, quæ sequuntur satis colligi posse mihi videtur. Interea verò eodem tempore à Florentinis ciuibus desiderabatur, vt hoc eodem anno veteris æræ 1430. qua ipse utebatur, sed nouæ nostræ 1431. quadragesimali tempore, in maiori ipsorum Ecclesia, sacris sermonibus populum erudiret; quod cum ille nec prorsus negaret, nec certo promitteret, ea dilatione pendentes ciuium animi, in contrariam partem conuerſi sunt. Quam quasi præcipuz verbis incuriam, cum Nicolaus Nicolaus Alberto culpæ verteret, rescribens ipsi Albertus ostendit, non incuriam, sed indukriam fuisse; Si quid, inquit, tibi à me erratum videtur, sed hoc tantum de meo sensu, qui mihi quam ceteris, & quam ceterorum notior est, tibi sincerissimè, verissimèque renuntio, me scilicet, ea tempestate bellorum, & acerbitate ciuilibis dissensionis, ea denique pestis voracitate, qua passim in dies tuam ciuitatem depopulantur, non magnopere curare, si valde opportunum tempus, ad rem agendam impediētibus fortè perditis, vel etiam gaudentibus inuidis, non se dedit, Musica enim in luctu importuna narratio, silentque inter arma Annales.

Erat enim tunc turbatissima Florentina

rentina Respublica factionibus Mediceis & Vzanianis, nec aliud inde audiebatur, quam vtriusque factionis civium mutue præscriptiones, & vincula, prædè alterutra pars alteri præualebat; frequentesque non personarum tantùm, sed ipsius etiam formæ regiminis, & magistratum mutationes; nec subinde defuerunt etiam arma, quamvis absque sanguine prudenter cohibita. Albertus autem quæ pollebat prudentia, & animi moderatione, huiusmodi populares tumultus, & feruentes factiones semper evitabat, differebatque accessum, dum defervescerent perturbationes animorum, quibus agitata quævis multitudo, Christi præconem, quantumvis recta, saluberrimamque suadentem, non aliter excipere, quam phrenetici medicum solent, ac tunc Florentini Medicorum (ut Albertus Viterbiensis illius exemplo didicit) qui ob eandem causam tunc fovebat carceres. Præstolabatur deinde tempus opportunum; & observabat morbi symptomata, ex quibus, ut certioribus indicij, iudicium securius de ægritudine pariter, & remedijs formare posset, utque ægri ipsi tum priuata sua, tum communia Reipublicæ pericula ex inualescentibus malis clarius conspicerent tunc sectionem non patienter ferrent modo, sed etiam cupidè peroptarent, atque ita cunctandò restituebat rem, quam intempèstiuo, temerarioque aggressu perturbaret magis. *Castigare namque irascentem, & vltro obuiam ire ei, incitare est, ut loquitur Seneca lib. 3. de ira cap. 40. Quapropter primam iram, inquit, non audebimus oratione mulcere, surda est, & amens, dabimus illi spatium. Remedia in re-*

*missionibus profunt, nec oculos tumentes tentabimus, vim rigentem mouendo incitaturi, nec cœtera vitia, dum feruent. Cap. 39.*

## C A P. X.

*Ex Etruria profectus, regnum Neapolitanum predicando, & veterum scripta perquirendo perlustrat.*

**A**lbertum porro ad annum natiuitatis Domini 1433. in Etruria perstitisse ipse nos docet epist. 22. quam eodem anno 22. Octobris ad Nicolaum Nicololum dans, ita orditur. *Cum essem superiori anno, urgentibus maiorum iussionibus Neapolim accessurus: superiorem enim vocat, Initium seu vernum tempus eiusdem anni, quod ipsi suo more præcedentis anni 1432. finis fuit, vsque ad diem 25. Martij, quo præteritum incarnationis annum complebat, neque enim prius poterat orationem de laudibus pœnitentiæ ad Nicololum, ut affirmat, misisse, quam scilicet in capite ieiunij, seu Feria 4. cinerum ad populum Vrbeuetanum habuit, non ergo ante annum nostrum 33. ex Etruria Neapolim accessurus decessit, quo verò id eiusdem anni die, ex eo conijcere possumus, non nisi post pascha fuisse, nam quo loco quis Euangelij præco primam Quadragesimæ sacram concionem habet, eodem reliquis vsque ad pascha habere, & vsus, & ratio docent. Igitur cum Dominica Paschæ illo anno incidit in diem 12. Aprilis, debuit non diu post, ex vrbe veteri, ac tota Etruria, per Latium, ut autumo in Campaniam, &*

regnum

regnum Neapolitanum abiisse, & sequenti mense Septembris, per Aprutium in Umbriam reuertisse. Nam Aquilæ in Aprutio prædicasse, B. Capistranus inferius allegandus affirmat, nec alibi inuenio B. Albertum ultra hanc vicem id regnum adiuisse, & sequenti mense Octobris Albertus ipse alteram Urbino in Umbria, ubi corporis aduersa valetudine pressus aliquamdiu substitit, alteram Ferraria 17. sequentis Ian: ad Nicolum dedit epistolam; numero nobis 22. & 25. in quibus plenior huius Neapolitanæ profectiois narrationem exponit. In priori quidem se, maiorum vrgentibus iussionibus, Neapolim accessisse, ac tum cum epistolam daret, post reuersionem suam Neapoli, ac reliquo omni eiusdem ciuitatis regno, misisse libellos suos, quos illuc iturus promiserat. In posteriori verò, *De libris*, inquit, *ceterarum prouinciarum, quod queris, tam magna quondam Græciæ, quam totius penè oræ Italicæ, quam multo labore lustrauimus, incidimusne inter eundem in libros quosdam, veterum tam Ecclesiæ, quam seculi magistrorum? breuissimè tibi respondeo, nihil ad manus nostras, quamquam diligentissimè quesauerimus peruenisse, ne dum vetustatis, quod potuit & diuturnitas, & negligentia aboleuisse, sed ne communium quidem opusculorum, quorum solent, tam veterum, quam nouorum referta esse omnia. Hinc longa threnodia deplorat librorum, & literarum in eo regno olim græcis, & latinis literis, & libris florente non neglectum solum, sed excidium etiam, & odium, præsertim apud primores, & regij sanguinis viros, quos, inquit, maximè*

*eruditos esse oportere non dubium est.*

Author eiusmodi vestigationis librorum præcipuus fuit Cosmus Primus Medices eo tempore in Rep. Florentina virtute, opibus, & potentia florentissimus, qui, vt Augustinus Florentinus in eius epistolæ notis à nobis citatis tradit, Florentiam, Europamque omnem, omnium librorum doctissima supellectile referfit, adeò vt, eo authore, literarum studia, quasi de integro reparata fuisse, affirmare possimus, idemque author inter eos clarissimos Theologos, qui Cosmi huiusmodi studium iuuerunt, recens & nostrum Albertum, & Bernardum ( reor Bernardinum dicere voluisse ) nam S. Bernardinum Senensem eandem curam sibi commendatam habuisse indicat Albertus, in iisdem literis ad Nicolum scriptis, vt & se Ferrariæ vsque ad Pascha moraturum.

## C A P. X I.

*Antonij Panormitani Hermaphroditum, profanam eloquentiam, luxum vestis muliebris, & vituperatores martyrum voce, & scriptis persequitur.*

**F**erraria 13. Kal. Maias, post longam illic, & gratam ( Deo faciente ) communem omnibus ex verbo Dei saluberrimam moram Rhodigium abeuntem molestus quidem ipsi, quantum ad popularis auræ contemptum, turbæ popularis impetus sepiuit, atque inter alios Franciscus Marefcalcus, & Philippus Bendedeus, generosi, & pij iuuenes, ipsum extra urbem comitati sunt. Ij,

vt erant ambo eruditi, cum eo dis-  
cutiebant, de inanibus sui æui scri-  
ptoribus, quibus cum Sanctorum  
Ecclesie virorum studia compararent,  
istos iudicabant veræ sapientiæ sato-  
res, sententiarum potiùs pondus,  
quam verborum sonitus esse secutos:  
illos verò contrà, qui sapientiam pro-  
fitentur, præter elaborata, turgida,  
expolita, & emendicata verba, to-  
tum esse inane, ieiunum, exangue,  
neq; neruos, aut lacertos, ne dum  
Christianos Philosophicos, sed nec  
oratorios quidem habens; quippe,  
qui nihil præclarum, nihil sanctum,  
nihil graue, nihil virile scriptitant,  
quod aut decoris, idest honesti, aut  
religionis, aut sapientiæ, aut intenti  
ad virtutem animi, aliquid afferat;  
sed nunc viles causas, quod est igno-  
bilis; nunc nullas, quod est cauti,  
vel ignaui; nunc postremo turpes,  
quod est corrupti hominis, frequen-  
ter assumunt. Cum hæc non detra-  
hendo doctrinæ, quam indocti non  
habent, nec infirmantes eruditorum  
sapientiam, qui saltem quod nesciunt,  
à quibusuis etiam studioso labore,  
discere non erubescunt; sed super-  
borum errori condolentes dicerent,  
in sceleratissimi libelli Hermaphro-  
diti mentionem inciderunt.

Etenim Antonius Panormitanus,  
Ouidij Nasonis, & similibus poeta-  
rum obscænos amores ex Orco re-  
fuscitare nisus est, scædissima, &  
Christiano calamo, menteque dede-  
centissima opella, quam Herma-  
phroditum prænotauit, duobus epi-  
grammatum libellis distincta, per  
quam euidenti corrupendæ iuuen-  
tutis periculo, eos ad obscænitatis  
ipsa facta prouocat, & orat propositis  
Ethnicorum exemplis, vt tumulto suo  
nefanda libidine litent, lasciuiz claf-

sicam canens, suumque libellum,  
per genij sui ministros clanculum dif-  
feminabat, maiorique imprudentia  
ad Cosmum Medicæum inscripsit,  
& Christianum Principem melio-  
risque literaturæ tunc Mæcenatem,  
& singularem promotorem, Ethnicæ  
sue turpitudinis patronum aduoca-  
uit.

Eum etiam ad Poggium misit, &  
hic respondens miratur, in eo ita ex-  
primi multa turpiuscula, vt non enar-  
rari, sed agi viderentur; nec ficta ioc-  
andi causa, sed acta existimari pos-  
sent, pro charitateque sua monet au-  
thorem, vt grauiora quædam deinceps  
meditetur, & missa facta lasciuia,  
res serias describat, ne, inquit,  
*arguatur vita impura libelli obscæ-  
nitate*, sed surdo cecinit, nam ille  
proximam elegiam, eamque impuris-  
simam, perscripta fronte remisit,  
quam hoc distico orsus est, quod ali-  
quoties repetitum velut intercalare  
carmen pertinax in malo commiscet.

*Desine me placida verbis abducere  
terra,*

*Desine me Domina diffociare mea.*

Sed hæc seriò an ioco per Anto-  
nium scripta fuerint, certè petram  
scandali, & grandem offensionis la-  
pidem, in medium proicisse, pij  
omnes, & verè sapientes indolue-  
runt.

Ex his aliqui bono publico, pri-  
uatæque honestati consulentes, Al-  
bertum nostrum interpellarunt, vt  
qua præditus erat eruditionis præ-  
stantia, quoque fungebatur Euan-  
gelici præconis officio, tanto malo  
iam tum serpenti, remedium affer-  
ret. Concepit ille scribendi proposi-  
tum, sed quoniam per continuum  
prædicandi laborem, & succedentia  
Pontificæ iussionis grauiora mu-  
nera,

nera, rem integram præstare, imo inchoatam proficere, non vacabat: duabus saltem epistolis, altera ad Franciscum Marefcalcum, & Philip. pum Benededum, altera ad Christophorum Arimini Episcopum, ita rei turpitudinem, scribentis stultitiam, procacitatem, putidam linguam, luxuriæ fœditatem, imprudentiam, aliaque eiusmodi perstrinxit, ut ad sceleratissimi libelli fugam, odium, & execrationem, satis scripsisse visus sit, præterquam quod, ut ipse scribit, in tot iam Italiæ ciuitatibus abominanda hæc linguâ respicere, & delere conatus sit.

Aliud irritamentum lasciuiz tunc erat (& vtinam hodie non esset) luxus mundi muliebris nobilium sceminarum, præter cætera, plus panni in caudis togarum, quas verrendo pulueri, per terram trahebant, quam reliquo pene vestitu vsurpantium, ut pauonibus, quam puellis magis assimilari possent, ac domos suas inutili sumptuum profusione grauabant, qui in meliores vsus impendi possent, & scæpius deberent. Cœpit hic abusus, vel maximè viguit Ferrariz, atque in alijs ditionibus Principum Estensium, & magna morum insolentia, per alia Lombardiæ loca diffundebatur. Quæ loca cum B. Alberti, ut ipse refert, admonitione, hoc facinore abstinendo tùm consueuerunt, securim ad radicem ponendam censuit, ut vnde lux exemplum fluxit, ibi remedium fortius opponeretur. Author ergo ipse fuit, ut Nicolaus III. Estensis legem caudariam conderet, publico edicto, sub pœnarum districtione præcipiens, ut sceminx suarum ditionum omnes sublatis è medio togarum caudis, modestius deinceps, ornarentur.

At cum Patauij postea prædicaret Albertus, rumor ad eum delatus est, Nicolaum rogantibus maritis mulierum abrogasse legem; quamquam alij dicerent, tanta constantia Principem in sententia perstitisse, ut quantumlibet nobilibus viris, pro sceminiis suadentibus, non iam amplius mulierum supplicantium molestias ferre valentem, & viris, & mulieribus aduersantibus respondisse: si quæ est mulier, quæ se malam haberi velit, aut si quis est maritus, qui malit scortum suam coniugem, quam vxorem putari, ijs dumtaxat caudas ferre concedimus, cæteras verdè, & graues, & honestas matronas portare caudas prohibemus, etiam edicto publico, quas etiam statutz iam per nos pœnz subijci volumus, si secus, quam statuerimus facere ausæ fuerint.

Parabat eo tempore libellum in vestium vanitatem; sed cum hæc accepisset, quoridiana prædicatione, præpeditus, nondum tunc absoluit, quapropter Nicolao Principe in facris peregrinationibus absente, breuiorem epistolam scripsit Leonello eius filio, per quam secundi decreti dignitatem collaudat, & primum ut reuocaret grauissimis, & religionis, & politiciæ rationibus enixè dissuadet: quoniam neque populi, nec sui ipsius, nec Principum interesset, vel decoris, vel famæ. Hæc, & alia quedam ad Poggium quidem anno salutis millesimo quadringentesimo trigesimo: ad alios quarto post anno scripsit Albertus.

Dum interea consuetum prædicandi munus, per Italiam proficeretur anno 1435. percepit, malefarios quosdam, & nefarios homines, in Christi Martyres, eos præsertim insolentius garrere qui vltro se

discrimini mortis, pro Christiana religione, vel tuenda, vel propaganda obijciebant, & ex Apostoli Pauli mandato prædicabant verbum, instabant opportunè, importunè, & vel hærefes qualibet, vel spurcissima Mahometi placita arguebant, increpabant in omni patientia, & doctrina, vel magni Ignatij exemplo, aliorumque multorum, quos Ecclesia Dei gloriosos, & Beatos prædicat, qui non venienti tortori, vim faciebant, seseque vt à bestijs deuorarentur, vrgebant; hosque nec martyrum honore, nec cælo dignos, sed insanos, & perditos homines, suisque ipsorum parricidas, & orco destinatos dicere, & maledica lingua profcindere.

Qua re cognita Albertus, vt erat Ecclesiæ honestatis, & Martyrum gloriæ zelantissimus, vt ipse fatetur, excanduit, atque hanc vecordiam, & Ecclesiæ, quæ tales colit, iustam æstimationem, & martyribus emeritam gloriam detrahi, & ab ipso martyrio, maximo charitatis opere, & heroica virtute, homines deterreri posse pendens, constituit oblatatores eiusmodi pleno scripto compescere, sed quia crimen ad Pontificis correctionem pertinere videbatur, & ipse ad S. Sedis obsequia iam tunc mancipatus erat, literas ad Eugenium dedit, quibus improborum hominum perfidiam deplorat, suumque scribendi propositum, & designati operis dispositionem, perficiendique impedimenta exponit: martyrum iniuriam detegit, eaque breuitate vlciscitur, quam non opus integrum, sed operis argumentum, & præfationis cuiusdam angustia permittebant, orauitque obedientiæ Pontifici facultatem, & meritum ad profequendum.

## C A P. X I I.

*Ad Eugenij Pont. obsequia segregatus quid prima legatione fecerit.*

**C**VM Eugenius Pontifex anno 1431. magnanimis consilijs, multa, & Pontificia sollicitudine dignissima, ad communem Ecclesiæ splendorem animo versaret, Fratribus Franciscanis regularis obseruantix professoribus Bononiæ tunc ad comitia sua conuenientibus, iussit, (9) vt è sua familia segregarentur sex viros vitæ innocentia conspicuos, opere, & sermone efficaces, & ad res gerendas idoneos, eosque nullo ordinis officio implicarent, quo minus expediti forent, cum ad ipsius Pontificis mandata facienda vocarentur, inter hos non infimo loco designatus fuit B. Albertus: is vero interea, dum vocaretur, consuetis per Italiam prædicandi laboribus, insilens, cum quod iam diximus anno 1435. se aduersus martyrum vituperatores, scribendo occupare voluisset, Pontificis licentiam ad id faciendum, per literas petijt.

Sed premebat Eugenium alia cogitatio, Orientis schismaticos ad Ecclesiæ Romanæ vnionem, fidemque reducendi, nec alius ad rem disponendam aptior Alberto visus est, quod præter alias virtutes, græcorum linguam apprime calleret. Iussit ergo Pontifex è sex illis viris, quos ad eius mandata segregatos diximus, Albertum Ierosolymas proficisci, vbi nationes omnes Orientales diuersorum rituum Græci, Armeni, Syri, Abissini, Cophti, Nestoriani, Maronitæ, Iberi, seu Georgiani, Iacobitæ, Indiani,

diani, Christiani omnes, quantumvis præter Maronitas schismatici, Monachorum, & Sacerdotum collegia, & eam, quam poterant, Ecclesiastici regiminis formam habebant, à quibus totius Orientis status, & religionis constitutio facile disci poterat, & eisdem suaderi Catholica veritas, vt eas omnes, quantum fieri posset, ad vnionem cum Ecclesia Latina perurgeret, sed eo loco, & consensu stabiliendam, quo Pontifex ipse designaret.

Dum Albertus Bononię mense Iunii, de his rebus cum Pontifice tractaret, rogauit eum, vt ad tollendos fratrum obseruantum scrupulos, & anxietates, declarare vellet, an iuxta ipsorum institutum, liceret eis, vti templorum argentea suppellectili, quam vel fidelium pietas offerebat nouis domicilijs à se constructis, aut ipsis amplioribus cœnobijs, quæ à conuentualibus ad ipsos transferebantur, vel simili suppellectile in eis reperta, retulitque Pontificis oraculum, quod nos per Alberti epistolam ordini intimatum, inter eius opera proferemus; ex quo clare constat, quod ante diximus, non multum esse potuisse, quod Poggius sibi subtractum indolebat, & propter quod accusabat seruos Dei, quod non in solitudine, sed in summa hominum frequentia, in locis deliciosis, amœnis, iucundis, voluptuosis, sese immiscerent, dum rectius ponderare posset, pauperes non, quibus abstinebant, delicias, sed circumiacentium populorum vtilitatem, & animarum salutem quæsiuisse. Imo verò populos tam sanctos, & salubres animarum directores vltro vocasse, & habitationi opportuna loca obtulisse illis, quorum illa, quæ Euangelicæ

paupertati dissona timebant, absque Pontificia declaratione accipere, vel retinere horrebant.

Ipse Albertus sub anni finem peruenit Ierosolymam, & rebus vt cumque cognitis, die 13. Martij sequentis anni 1436. Fr. Ludouicum Bononiensem, virum probum, qui per multos annos Ierosolymis habitauit, ad Pontificem remisit, vt illorum locorum statum præsens exponeret, & remedium referret multorum, qui irrepserunt, abusuum, ac sibi Alberto quædam itineri ad Orientales necessaria postularet, scriptis eodem die literis, ad Scipionem Episcopum Mutinensem, in quibus ludendo, primum eleganter monet, ne Scipionis Africani factis, quibus delectari videbatur Episcopus, vel legendis, vel memorandis tempus terat, & clarè monstrat in Machabæorum, & alijs sacris historijs, præclariora facinora reperiri, quibus Christianos magis delectari decet: illosque maledicos, & foedos eloquentes, de quibus ante diximus, detestatur. Ad rem deinde rogat, vt Fr. Ludouicum ad Pontificis alloquium introducat, & ipse commendata negotia Christianæ Reip. apud Eugenium, vrgeat.

Arbitror Albertum, cum Ierosolymitanis Orientalium nationum hominibus, ita negotium vnionis disposuisse, vt opportunum iudicasset, ad ipsorum capita, Principes, & Prælatos progredi, atque petiisse, vt Pontifex necessaria expeditionis instrumenta, & vltiores instructiones mitteret, atque adeo id causæ Christianæ Reip. quod propter Saracenos literis commendandum non fuit, per Fr. Ludouicum, oretenus referendum commisisse, & Scipioni  
Epi-

Episcopo apud Pontificem vrgendum, commendasse, id quod mihi colligere videor ex literis Abbatis Ierofolymitani super Aethiopibus Ierofolymaz commorantibus, in quibus ad Eugenium Pontificem sic scribit. *Cum ad nos deuenerunt Nuntij tui (Albertus, & socij) ob causam fidei, magnam ex eis consolationem accepimus, quam haedenus valde cupiebamus, vt tandem omnes vnum simus sicut Paulus dicit, Vnus Deus, vna fides, vnum baptisma: haec verò res, cum ad regem nostrum peruenirit, maxime letitiae futura est. Nam admodum cupit, vt omnes in vnam fidem pariter vniantur.* Quod cum Albertus percepisset ad Regem pergere voluit, sed Pontifici melius visum, vt non tam citò pergeret, dum Græcos prius praesentes haberet, quorum exemplo reliquæ nationes facilius traherentur, nam his adductis, Albertus ad reliquos postea, ex ipso concilio missus est,

Accidit interea Ierofolymsis, vt duo ex nostris Religiosis Antonius, & Lucas diuino, vt creditur, asilatu, pro martyrij fructu carpendo, impetum in hostilia castra, seu Saracenorum turmas fortiter, & ingenti animo fecissent, Christi Redemptoris gloriae, sanguine tuo, testimonium lataturi, ob quam causam carceribus inclusi, diris cruciatibus afficiebantur, quo tempore Albertus Bethlemij morabatur, & vt Pater, & Pastor debuit 10. Octobris eos per literas consolatus est, & solidis rationibus, in perferendis pro Christo cruciatibus, confirmauit, factum laudat, constantiam suadet, omnia eo sensu, quo ipsum prius ad Eugenium Pont. aduersus martyrum vituperatores, scripsisse diximus, omniaque eo ferme

modo quo S. Cyprianus ad martyres, & confessores, at non laudando solum, vt ille, sed etiam suadendo, & fortiter inculcando perseverantiam.

Denique Christum ipse secutus, vt animam suam poneret pro ouibus suis. *Quod si, inquit, vna praesentia mea paruitatis vobis est necessaria, ego ad vos, mundo resistente, medios inter gladios, conuolo: non enim me vetat metus, sed ne incenso iam igni, qui vel carnales, vel impios cruciat, oleum adiecisse blasphemet: maxime vobis fortiter, & inconcusso corde perseverantibus: hisque verbis epistolam claudit: Valete dilectissimi Christi testes, & dignissimi confessores, & inter catenas, & fustes, mei nominis memores estote, vt Christi pietas, socium me vobis faciat pena, quem fecit comitem desiderij. Quod quam constans, quam sincerum, & ardens in hoc Beato Christi confessore fuerit, ex hac ipsa epistola, & altera ad Eugenium, aduersus martyrum vituperatores, atque nostris in vtramque notis, clarissimè liquet.*

Mansit ergo Albertus Ierofolymaz, & in alijs circumiacentibus locis annum circiter vnum, iuxta tempus illi per Eugenium Pont. constitutum; Rebus autem Pontificem inter, & Græcos stabilitis, in Cyprum descendit, atque inde è portu Salinarum anchoris Nona die Iulij solutis foelici navigatione anno 1437. Rhodo Venetias appulit die 21. Augusti descensione facta, vix non è naui ad pulpitem raptus est, tanto desiderio vbique exoptabatur, tanto studio retentus. Etenim Beati Antistitis Laurentij Iustiniani diligentia, & amor ciuium egregiae vrbs Venetiarum,

Epist. 16.   
 tiarum, illum inde abire non patiebantur, nisi primum iuxta Apostolum, aliquid gratiæ spiritualis ipsis impertiret. In eo munere occupatus, hæc ipsa ad suæ scribendi tarditatis excusationem Francisco Mareſcalco reſcripſit 7. Id. Septembris, *nisi me, inquit, labor dicendi ad populum euocaret, longiorem epistolam texerem*. Ante hanc aliam itidem Venetijs epistolam scripsit, Pridie Nonas Septembris, ad Thomasiū Bibium Cypri Regis medicum, in qua statum illius regni, & aulæ mores deplorat, & graphicè describit ea, quæ præſagiuit, quæq; eiusdem regni, & Catholice religionis decremento re ipsa euenerunt, adedque Bibio sincerè suadet, vt imminentibus periculis se abripiat, & in Italiam portum ab ijs malis securum se conferat.

Quanto porro tempore tum Venetijs commoratus fuerit, mihi hæc uis incompertum est. At id certum tum Vvaddingi testimonio, tum ex ipsius B. Viri epistola XLVIII. ad Episcopum Ariminensem, absque loci, vel temporis designatione scripta, ipsum inde Bononiam ad Pontificem accitum fuisse, vel ipso mense Septembri, vel aliquamdiu posterius, ibique in Christi Euangelio ad populum quotidie declamando, pro more insudasse, nec alibi ipsum versatum reperio, vsque ad inchoatum Ferrariæ sacrum concilium œcumenicum, quod postea Florentinum dictum est, vel etiam vsque ad accessum Græcorum. Illi verò missis ab Eugenio Pontifice tiremibus, & honorarijs legatis, qui Ioannem Palæologum Imperatorem, & Iosephum Patriarcham Constantinopolitanum, aliosque ipsorum seclæ prælatos conducerent, Venetijs primum appule-

runt Nona die Februarij anno veteris computus 1437. sed nostri 8. ( quo etiam Albertus inter alios obuiam illis iuit ) ac inde 4. Martij Ferrariam ingressi sunt, vbi concilium iam ante inchoatum fuit, quod mense inde duodecimo pestis Ferrariæ suspicio, Florentiam pepulit, quod & Albertus illuc secutus est.

Ibi tunc, seu potius post alterum Alberti ex Oriente reditum, iucundum accidit, quod his iisdem verbis, pro concione retulit, & scriptum reliquit Bernardinus de Buis: *Cum B. Fr. noster Albertus de Sarbiano reuersus de partibus Saracenorum, unde reduxerat unum Christianum renegatum à Chairo, qui per 40. annos fuerat Saracenus, & à Beato prædicto conuersus, venerat ad Summum Pontificem, & ab illo fuerat ad pœnitentiam receptus, prædicante semel ipso Alberto coram Pontifice in Ecclesia S. Crucis Florentia, vbi tunc erat, & multa dicente de veritate fidei Catholice fleuit quasi semper ille qui fuerat Saracenus in prædicatione, & postea interrogatus de causa, dixit, quod fleuit duplici respectu, scilicet propter calamitatem Saracenorum, & ingratitude nem Christianorum, quia si illa prædicatio facta fuisset, in medio Chairi, vel Damasci, & illi infideles intellexissent linguam, de centum millibus octuaginta sex millia conuersa fuissent.*

Hunc ego non dubito fuisse Nicolaum de Conti Venetum, cui Eugenio Pontifex pro Apostasie pœnitentia iniunxit, vt suæ peregrinationis integram, veramque relationem traderet Poggio Florentino, Pontifici tunc à secretis, quod ille fecit, & Poggius latino calamo excepit,

in linguam Lusitanam postea translata, & typis expressam, inde in Italianam conuertit Ramusius, & suo nauigationum, & itinerum primo volumini inseruit fol. 374. vbi in discursu à se præfixo aliquam personæ Nicolai notitiam tradit. Cætera ipse Nicolaus tradit in discursu narrationis, & Poggius in fine approbat.

### CAP. XIII.

#### *Secundæ Legationis acta.*

**S**ED in finem Florentiæ persistere non licuit Alberto: absoluto namque & in publica concilij Florentini sessione Pridie Non. Iulij anno 1439. lecto Græcorum vniouis diplomate, & Armenis, vel proximè aduenientibus, vel eodem tempore in Italianam appulsis, ducentibus Fr. Iacobo Primaditio, altero Eugenij Pontificis Vicario, & Fr. Blasio interprete, ex eodem cum ceteris obseruantia instituto Minoritis, Albertus eodem mense, Pontificis imperio, ad S. Ciuitatem, Coptos, Aethiopes, Indos, aliasque Orientis nationes, maturius nunc pro rerum conditione, quam prius proficisci iam secundo iussus est, cum literis, quibus Eugenius Pontifex Thomam Indorum, & Ioannem, quem Presbyterum vulgo vocant, Aetiopum Imperatores Cophosque per Aegyptum, Syriam, Palestinam, & Aethiopiam dispersos, propositis exemplis Palæologi Imperatoris, & Constantinopolitani, Alexandrini, Antiocheni, & Ierosolymitani Patriarcharum, Trapezontini quoque Imperatoris, ac Hiberorum, Ruthenorumque, & Valachorum.

Metropolitaram, qui vel in proprijs personis, vel missis legatis vniouem, & fidem Romanæ Ecclesiæ, & ipsius Summi Pontificis obedientiam, post maturam rerum discussionem, libenti animo in sacra Florentina Synodo susceperunt, & Armenorum, qui id ipsum iam facturi erant, ad eandem œcumenicam Synodum, vniouem, obedientiam, & fidem inuitauit.

Dedit etiam Pontifex Alberto alias literas, in quibus rei conficiendæ munus illi confert, eumque in partibus Orientis, Indiæ, Aethiopiæ, Aegypti, & Ierusalem Commissarium suum constituit, & quod ad sui ordinis religiosos attinet, omnem illi, & aliis, quos pro tempore sibi substituendos iudicaret, eandem potestatem tribuit, quam Generalis ordinis Minister, si in ijs partibus personaliter adesset, in illarum partium conuentus, & personas conuentuum, atque in confraternitatibus, societatibus, ac tertij ordinis S. Francisci sodalitatibus erigendis, & gubernandis, exercere posset. Nec non fratribus, de quibus ipsi, & substitutis videretur, vt ad partes prædictas vadant, qui etiam ipsi, & illis obedire teneantur, præcipiendi, & mandandi, ipsos ad alias mundi partes eum autoritate, & facultatibus prædictis, dirigendi; Notarios etiam ad actus publicos, in fauorem fidei conscribendos, creandi, & instituendi: quodque ipse Albertus, & qui pro tempore fuerit substitutus, seu per aliquem ipsorum deputatus, super omnia monasteria, curæ fratrum Minorum in dictis partibus eatenus commissa, vel committenda, eandem potestatem habeant, quam Generalis ipsius ordinis minister habere

bere dignoscitur, sic tamen ut & ipse, & substituti, & illis subiecti fratres, dicto generali per omnia obedire, & subesse teneantur datis Florentiæ anno 1439. 2. Kal. Septembris, præter multas, & magnas facultates, & priuilegia, Sacramenta ministrandi, prædicandi, in censuris, & pœnis Ecclesiasticis dispensandi, & absoluedi, ordinem suum propagandi, & cœnobiaz fundandi, quæ amplius diploma in annalibus nostris editum copiosè comprehendit.

Inter socios per Albertum electos (quos aliqui quadraginta numero fuisse referunt) præcipui nominantur, Baptista Leuatinus postea Vicarius generalis obseruantum, Bartholomæus à Pelacane Florentinus, ac Thomas etiam Florentinus, mira sanctitate, & pluribus miraculis clarus; ijs ergo comitibus, & mandatis, ac authographo diplomatis vnionis Græcorum, quod vbique promulgaret, instructus Albertus Venetijs in fine anni 1439. vel initio sequentis, in Cretam nauigans, vbi Candizæ Kal. Martij epistolam ad Mathæum Bizarrum dedit, prospero itinere peruenit Ierolimam, ibique Copthis, quibus altera vice notus erat, & postea in Aegypto, Philotheo Patriarchæ Alexandrino, ac totius Aegypti, Græcorum vnionis, in concilio feliciter initæ, diploma græcè, & latinè exaratum ostendit, & Eugenij Pont. literas ad ipsos directas tradidit, ab eisdem vicissim reuenter exceptus, & in reliquo itinere multis beneficijs deuiotus est, tum nouæ vnionis negotio prudenter composito (10) *iter suum in Aegyptum direxit*, ut Sultani Babiloniæ placitum, & saluum conductum obtineret, sine quibus ad Aethiopes, Indosue pene-

trare non permitterent Saraceni.

Cairum appulsus B. Vir, & ad Sultani alloquium admissus, exposuit ea, quæ cupiebat. Sultanus ipsius præsentia, & facundo sermone valde delectatus, ipsum per plures dies honorificè habitare, in curia detinuit, & ad familiare colloquium sæpe vocauit, sed fœdus contra se cum Christianis Orientalibus sanciri timens ad Indos, vel Aethiopes transire non concessit. Inter colloquendum sermo aliquando de Christiana religione, & Mahometana perfidia mixtus est. Vocauit ergo Saracenus suæ legis doctores, & cum illis concertandi facultatem Alberto largitus est. At cum Seruus Christi Christianæ fidei dogmata clarè tutaretur, & fortiter comprobasset, atque in Mahometicæ credulitatis præstigias acrius inuheretur, commotis doctoribus, & plebe Sultanus legis suæ zelum ostentans, illum, ut Prophetæ conuiciatorem è medio tolli iussit, & iuxta legem Saracenorum occidi: certoque sic fieret, magno lucro, & gaudio Beati Alberti, si Christiani Catholici, qui Cayri degebant, inuito (11) *cum Mamaluchis consilio* Sultantum per preces, & munera non placuissent, & maximum Christianæ fidei detrimentum non præuenissent (12) *etsi dolente, & contradicente Alberto*; quod se per martyrium Deo magis obsecurum impedirent. Sultanus ergo, qui placere populo, magis quam tanti, sibi que grati hospitis necem se voluisse indicabat, Albertum irritata capitis sententia, ad se venire iussit, benignè excepit, amplamque illi facultatem concessit, Aegyptum, Palestinam, & Syriam peragrandi (quod eius prædecessorem S. Francisko olim concessisse

proditur) interdictio tamen Alberto, ne ad Aethiopes, Indosue progrediretur, quorum arma contra se allatum timebat, ad Sanctam Ciuitatem ex eius manibus eripiendam.

Est per illas prouincias dispersa gens hominum Christianorum, qui Iacobini, & Iacobitæ vocantur, in ciuilibus acephala, sed in Ecclesiasticis suum ipsi quoque Patriarcham habent, ad quem etiam se literas per Oratorem dedisse, Pontifex in ipso vnionis eorum decreto narrat, quas nos num. epistolarum 61. descripsimus. Cum his ergo Albertus interea sibi agendum censuit, egitque tam solerter, vt Ioannes ipsum Patriarcha, & alij sacra vnionem non amplecterentur solum, sed etiam exoptarent.

Sacra vnione inter Ecclesiam Romanam, & Iacobitas sic vtrimque accepta, B. Albertus percipiens, vt sua legatio ad Eugenii Pontificis votum, Indis etiam, & Aethiopibus adducendis omni ex parte completeretur, libertate per Sultanum ipsi concessa vltus est, ipsiusque salui conductus diplomate munitus, Syriam, Palestinam, aliasque Sultani ditiones, lustrandi prætextu, ex Aegypto recessit, vbi verò ad Saracenorum fines peruenit, terminum sibi à Tyranno statutum transfiliuit, Pontificis Maximi mandatis Barbari minas, & sua sociorumque pericula postponens, cum illis, in Græcorum terras conuolauit, & Constantinopolim, si non ultra, peruenit: vt inde per Tanaim nauigantes, in Persiam profecti, per sinum Persicum, aut mare rubrum descenderent, vbi Indi inferius à sinistris, & Aethiopes à dextris sunt, & nostri legatione sua, pro Pontificis desiderio, apud utroque fungeren-

tur. Tam immenso circuitu opus erat Alberto, vt Sultani furorẽ euaderet, qui illi certò imminerebat, si ex ipsa Aegypto per proximam Thebaidem in contiguam Aethiopiã, atque inde in viciniam Indiam breuiore quidem, sed minime tuto, & sibi, ac sociis interdicto itinere, profectiõnem attentassent. Sed tantus erat ardor B. Legati ad obsequia Catholicæ Religionis, & Eugenii Pont. mandata promouenda, vt orbem vniuersum circuire mallet, quam vt ad vllum commodum suum, vel ad euitandum incommodum, ab incepto resiliiret.

At dum iter per Persicum illud mare cum sociis prosequi pararet, inscrutabili prouidentia Dei, quæ in sui dispositione non fallitur, factum est, vt Albertus ipse graui morbo percussus mutasset sententiam. Non idèo tamen à proposito, per alios sultem promouendo, desistit; nam per illas viarum ambages è sociis imprimis præmisit Thomam Florentinum, Virum sanctissimum cum tribus aliis sociis, quorum nomina non exprimuntur. Sed quamquam diu prætelatus, cum ex illis nil rescire posset, meritò suspicatus, quod fuit, eos nempe, si non trucidatos, Turcarum certè carceribus, & catenis detentos fuisse; tum ipse cæteros socios, ad hoc sibi referuatos, quando per morbum liceret, quoquo modo, quaqua via, ad Aethiopes, Indosue perducere. Dum autem hæc animo versaret, dubitare cepit, an ipse cum eis proficisci deberet, an potius, vt eis cum autoritate dimissis, ipse ad Iacobitas, in Aegyptum rediret. Profectiõnem enim suadebat percipita integritas impositæ legationis, cui adhuc tum defuit Indorum, vltiorumque

rumque Aethiopum conciliatio, in Eugenii Pontificis literis expresse commissa : quam Seruus Dei, per se ipsum efficacius, celeriusque fieri posse cognouit : plus enim plerumque efficit præcipui oratoris præsens auctoritas, quam interpretum, & internunciorum reliqua industria, studiaque.

Sed ad regressum fortius vrgebant, imprimis recidui morbi periculum, à quo nondum tunc integrè conualluit, & quo res in longum iret, vel secutura ipsius mors, per quam tota legatio corrueret : propter quæ consultius illi visum est, vt ipse ad Iacobitas in Aegyptum rediret, quorum iam certus erat, quam vt iis quasi relictis, dubium, & laboribus, periculisque plenum Indorum accessum, & conuersionem expectaret : ac duos, vt aiunt, lepores eodem tempore sectans, perderet vtrumque. Nam Indis nondum acquisitis, Aegyptij ipsi, vel mali spiritus instinctu, vel moræ tædio affecti, mutato consilio à bene inceptis tergiuersari possent. Accessit etiam quod facultatum, per Pontificem Alberto concessarum, hæc vna fuerit, vt cum sociis in varias partes delegaret, ipse tunc eas sibi reseruaret, ex quibus maior spes concludendæ vnionis affulgeret : quod solum Pontificis præscriptum omnem dubitandi rationem è medio sustulit. (13) *Abeuntibus ergo secundis his socijs per vias illis à viro Dei designatas, ipse compacta necessariorum rerum farcina, eaque suis humeris imposita pedestri itinere, sine socio in Aegyptum, Deo Duce, contendit.*

(14) *Accidit autem in hoc eius regressu in Aegyptum, vt per crudeles Turcarum nationes, & vastissimam*

solitudinem ( perà omni comeatu exhausta ) per biduum, triduumue nihil corporalis alimonie gustauerit : per eamque inedia, viribus destitutus, nec viam carpere, nec pedibus consistere potuerit. Ergo humi sedens, & oculos per immensum, & vndique patens desertum, circumquaque proiciens, cum nihil humane opis, sibi ad salutem superesse videret, spem omnem suam firma, & familiari quadam fiducia, in solum Deum coniiciens, hac fere vel non absimili verborum formula, Diuinum eius auxilium implorasse fertur : *Protektor noster aspice Deus, Pater misericordiarum, & Deus totius consolationis, qui populum multum, per annos quadraginta in his desertis pauidi, respice in faciem Christi tui; ipse enim est qui famulo tuo Patri nostro Francisco promisit, res tolerandæ vitæ necessarias, fratribus eius nunquam defuturas, & en ego solus hic fame consumor, Domine miserere. Hinc preces ad filium verterens, aiebat : O æterni Patris cœterne Fili Domine mi Iesu Christe an me non agnoscis Eugenii Pontificis, tuique in terris Vicarii Ministrum, vt me solum in hac Eremita præ fame contabescere sinas? Adesto Domine, vt eiusdem Vicarii tui mandata perficere, & infelices animas ab hæresi, schismate, & infidelitate reducere, & ad Sacram Synodum, in tuo nomine congregatam, & Ecclesie vniuersalis communionem conducere valeam, ea quoque causa sociorum solatio me ipsum priuauit, & calamitosi huius itineris pericula non inuiti adiuui. Recordare Domine, quod amore tui sæculum reliquerim, & cum eo temporale dominium, & nunc pro liberandis animabus, pretioso*

tuo sanguine redemptis, seruus factus sum. Adiuua me Deus salutaris meus, quod si non feceris, sed me in deserto fame perire patieris, causam hanc omnem apud tuum Patrem in te ipsum conijciam.

Dum talia soliloquus vix absoluisset Albertus, statim illi adstitit pulcherrimus iuuenis, cumque Italica lingua salutauit, & continenter sciscitatus est, quis esset, quo, & qua causa iter haberet? cur ibi subsisteret? tum accepto ad singula responso cibos optimos, potumque porrexerat, & ad comedendum inuitauit. Albertus autem ex auditis visisque attonitus, cum cibum fumeret, & gratias largitori redderet, viribus restitutus, integrè conualuit, & cœlestis illius iuuenis aspectu, & contemplatione multo magis recreatus est. Iuuenis interea serui sui humerum, manu leuiter percutiens. Ego sum, inquit, qui seruo meo Francisco promisi, necessarium corporis nutrimentum ipsius fratribus numquam defuturum, & quod ad præsentem attinet, tu perge alacriter. Quibus dictis disparuit: & Albertus per plures dies ambulauit in fortitudine cibi illius. Finem autem, & fructus illius itineris ex ipsis Alberti ad Eugenium Pontificem litteris discere, ut sequitur.

E Cypro Rhodum appulsus pridie Non. Octob. ac baiulum literarum adeptus, inde ad Eugenium Pontificem scripsit Kalendis Decembris, posteaquã quatuor circiter mensium tempore legatione sua in Palaestina, & Aegypto feliciter functus est, pro cuius miro, ut ait, exitu, & spe non inani, maximorum bonorum inde prouenturorum Deo imprimis auctori gratias agit, & refert se Fr. Dominicum Senensem cum

aliis Cayro ad Pontificem præmisisse, atque secum nunc per Cyprum nauigio Rhodum uenisse solemnem legationem magni Patriarchæ Iacobitarum, quæ Aethiopiæ quoque Regem comprehendebat, cuius legationis caput erat Andreas, vetustissimi monasterii Sanctorum Antonii, & Pauli, primorum Eremitarum præfectus, centum & amplius Monachorum Abbas: quem, inquit, magno cum periculo, præ rabie Saracenorum, vix tandem ex Cayro, veluti ex ferrea fornace Aegypti, & tamquam prædam ex ore immanis eripimus belluæ, tum hominis singularem fidei, & optatæ uisionis zelum exponit, tamquam qui solus inter omnes, ueniendi laborem, & discrimen arripere ausus fuerit, inter pericula ingrediendi ad Saracenos, & difficultatem egrediendi, & laborem inter eos latendi: quæ & Albertum secum sustinuisse, ipse etiam Abbas in oratione, quam postea ad Pontificem Florentiæ habuit, palam testatus est.

Hinc ex Iacobitarum relatu, atque imprimis Patriarchæ tantam Aethiopiæ Regis potentiam describit, ut omnis ei obiecta reliquorum, tunc imperantium Monarchia, Tribunitiæ potestatis nomina sortiantur, nisi, inquit, quæ de illo à suis referuntur, fabulæ sint, & vana iactantia, quem & ipsum Patriarcha ille suus centum Regum vocat Imperatorem, è quibus tredecim Paganorû Deo, & sibi Marte subiecerit. Denique ob summum metum Saracenorum, Cayri constitutum fuisse, ut Abbate cum Alberto ipso proficiscente, ne scilicet tota cohors simul Saracenis conspicua foret, & negotium fidei illis prodere: reliqua omnis societas, in duas diuisa

diuisa partes , duabus viis , ad ipsos Rhodum conuenirent ; altera nimirum , hoc est , sex Monachi ex Aethiopia ipsa per iter Ierosolymitanum , & altera totidem ex Aegypto per Cyprum . Illos autem vi ventorum in Cretam traiectos esse , atque utrumque expectationem fuisse causam tarditatis , præclaræ legationis ad Pontificem , & Concilium accessus .

Dum totius societatis adiunctionem Rhodi præstolaretur Albertus , intellexit Philippum bonum Burgundix Regulum , & Leonellum Estensem , Nicolai Ferrariæ Marchionis filium , vehementer cupere , vt ad ipsos res à se in Oriente gestas perscriberet , quæ scriptio cum Alberto tunc importuna , & alias haud quaquam expediens videretur ; propterea tamen ipsi optimam literas ad Philippum mittendi , commoditatem nactus esset , ipsius scilicet Principis histriorem , & heraldum seu facialem , quos ex Ierosolymitana peregrinatione domum redeuntes Rhodi exceperat , qui & ipsi eum seridè hortabantur , vt scriberet , dedit tamen non nisi breuè epistolam , per quam apud Philippum excusat ampliorem narrationem , quam in schedis se iam tum dictatam habuisse fassus est , in aliud tempus differendam promittens . Sed partem rerum literarum laboribus verbo commisit , rogauitque Principem , vt eam narraturis fidem præberet .

Ad Leonellum autem tantum abfuit , vt legationis acta perscriberet , vt potius promittat prolixiorè epistolam aduersus eos , qui vanissima laudum appetentia , res à se gestas admodum celeriter , quamuis rectissime , referunt .

Quam disputationem idè se di-

ctasse dicit , vt & ipsi , præter alia commoda , maximum documentum humilitatis , & in effusis laudibus continentix , apud alios etiam quoddam falsæ effugium æstimationis foret , & ne Princeps illi succenseat , quod suæ legationis seriem ipsi desideratissimam tunc non mitteret , singulare remedium , atque alijs demum perturbationis animi per vanæ laudis appetentiam antidotus . Nos eam inter alias epistolas authoris repertam nonagesimo sexto loco collocauimus . Sed illam integram legationis narrationem , & proprio ipsius testimonio ab eo scriptam , & Philippo Duci , quamquam dubitanter , promissam , nullibi reperire potuimus , utpote quam procul dubio constans authoris modestia suppressit , magna quidem ipsius humilitatis laude , & merito , sed non minori notitiæ rerum detrimento , nisi forsitan melius nesciatur , ne Christianorum Principum , & Ecclesiæ consilia per manus traducta , infidelibus tandem innotescerent .

Vtrique Principi Philippo , & Leonello Rhodi scripsit B. Albertus , eodem die Sanctissimo Protomartyris Stephani 26. Mensis Decembris anno Christi 1440. quando , vt Philippo scripsit , iam laboriosi nauæ à portu egressuri , atque à littoribus funem soluentes alterno studio , sibi inuicem conclamarent . Collectis enim cunctis legationis socijs , tunc omnes simul Rhodo in Italiam nauigantes , post non multos dies Anconam in Piceno appulerunt , eorumque ibi cognita descensione ; Eugenius Pontifex , equos , & honorarios homines misit , qui eos è Piceno per Vmbriam , Etruriamque Florentiam solemniter ducerent ; dato mandato , vt in obuias

uias vrbes, & oppida lætabundo ciuium occurſu, cum campanarum ſolemni ſonitu introducerentur.

Non legitur, quid alibi factum ſit, at cum Cortonæ in Tuſcia appropinquarunt, Clerus populufque ciuitatis M. P. extra portas obuiam iuerunt, vſque ad monaſterium, quod Comitiffarum vocant, & inter alios S. Bernardinus Senenſis, tunc ualudinarius humili aſello veſtus, qui cum Albertum pro nuntij Apoſtolici dignitate, ſimul cum Andrea legato, equo bene ſtrato inſidentem cerneret, & populum accurrentem, vt vel ſimbriam veſtimenti eius tangere poſſent, elata voce exclamauit: Frater Alberte respice ad pedes, memento mortis, caue ne honores tanti plus æquo animum extollant. Quibus uocibus Bernardini, ſui alioquin Patris, & Superioris reuerentia commotus Albertus, conſeſſim ex equo deſcendit, ſanctum ſenem veneraturus, & rogans vt humile iumentum nobili equo commutaret, renuit Bernardinus dicens, & ſe & illum ſic incedere decere, cauendum ſolum eſſe, ne vana mundi gloria furtim obreperet, ac tanti operis præmium euacuaret. Cui Albertus: noli timere Pater, in omnibus mihi oblatiſ honoribus ita ſemper orauit: Non nobis Domine, non nobis, ſed nomini tuo da gloriam.

Huius pij occurſus, & religioſe concertationis monumentum, adhuc ſuperſtes, eodem loco ſtatuertur ciues ſacellum, & vtriuſque Patris effigiem. Ego moderni ſtatus illius ſacelli cognoscendi curioſus, 1676. reſponſum accepi 6. Decembris datum à P. Octauiio Florentino cœnobij noſtri B. Margaritæ Cortonenſis præfecto; ipſum nempe locum adijſſe,

ſacellum vidiffi, ac diligenter inſpexiffi, monaſterio quod Comitiffarum vocant contiguum: cœterum parietes tum diuturnitate temporis; quod omnia depaſcit, tum imminentis cliui humore, decidua cruſta, nudatos eſſe, nec vllum reſtare veteris picturæ veſtigium præter Deiparæ Virginis figuræ fragmentum à cingulo ſurſum puerum Ieſum vlna geſtantis, quod ipſum vix oculis decerni poteſt, & nomen Ieſu in ſummo fornice aureis literis depiſtum, ſed veteri charactere, eo nimirum, quo per S. Bernardinum populis adorandum oſtentabatur, & in multis Italiæ parietibus, & illius æui picturis & ſculpturis cernitur: quod ipſum indicium eſt Bernardinum aliquid in factò habuiſſe, cœteraque, vt hiftorijs traditum eſt, extitiffi. Deceret ſanè vel incolarum monaſterij, vel vrbs Cortonæ ciuium erga vtrumque ſeruum Dei deuotionem, ac ſtudium antiquitatis, tam celebre monumentum inſtaurare, adhibita etiam epiſgraphie quæ factum, & ciuium ipſorum poſterior, & cœteris viatoribus innotefceret.

Hinc in vrbem à Clero populoque per ordinem procedentibus ad Minorum templum ducti, Chriſti Crucis partem in veteri theca (quam Helenæ Conſtantini matris opus affirmant) ſuppliciter adorarunt, & Albertus concionem pro more habuit, atque autoritate Apoſtolica; qua potebatur, ſolemne benedictionem populo impertiuit.

Florentiam tandem ſolemni comitatu, qui obuiam iuit, ingreſſi ſunt; & Andreas legationis Princeps breuem orationem ad Eugenium Pontificem habuit in generali congregatione concilij Pridie Kal. Septembris anno

anno 1441. rebusque per præcedentes, & subsequentes eiusdem anni menses, ritè compositis, Iacobitarum vnio conclusa fuit per decretum, quod Græcorum, & Armenorum vnionis diplomata verbatim continet, & Prædicationis Non. Februarij anni noui sequentis 1442. sed veteris 1441. quem etiam Pontifex, vsque ad 25. Martij diplomatibus subsignabat veteri stylo in publica sessione promulgatum, ac postea Romæ in Ecclesia Lateranensi per manus Pontificis ipsi Andree Legato publicè pariter traditum fuit, vt huius nostri voluminis frontispicium repræsentat.

Nostorum nonnulli scribunt B. Albertum in concilio Florentino inter Græcos, Latinosque interpretis officio functum fuisse: à quo tamen, affirmando abstinent alij. Ego vero rem declarandam existimem, & conciliandam varietatem historię; ne, vel nostri, vel alij falsitatis, aut leuitatis notam incurrisse videantur. Etenim dubitari non potest, Albertum, tum in Oriente, tum in Italia, cum vtriusque linguæ hominibus multa pertractasse, multum hinc inde retulisse, & aliorum sensum alijs aperuisse, quandoquidem, & multam operam, vt in alijs nationibus, sic in Græcis ad vnionem reducendis, collocasset; eis Ferrariam, Venetias obuiam iuisset, rebus tractandis Ferrariæ, & Florentiæ interfuisset, & Iacobitis, quos ipse solus adduxerat, Florentiæ pariter & Romæ in tractanda & concludenda vnione adstitisset, vt cum alijs narrat Vvaddingus, & ex eis vnus fuit, quos plurimos è latinis adfuisse, etiam in publicis collationibus, qui Græcis literis eruditi, de fida translatione præcipui interpretis iudicium dabant,

prout scribit Andreas à S. Cruce, Patricius Romanus, & Apostolici consistorij aduocatus, qui rebus agendis interfuit, & omnia per ordinem in literas redegit, quæ Horatius Iustinianus publica luce postmodum donauit.

Atq; in hoc sensu intelligendi sunt qui Albertum interpretem vocant, vt Marcus Vlissiponensis indicare videtur, dum illum non absolutè, & solum, sed vnum ex interpretibus fuisse dicit, ac tanta facilitate, & elegantia latinorum sententias Græcis retulisse, vt isti sublime hominis ingenium admirati, dicerent fieri non posse vt ille in Græcia natus non fuisset. Principalem autem, & ex publico munere Græcorum, Latinorumque linguæ mediatorum, & actorum publicorum interpretem fuisse, vnum vtriusque communem (15) *Nicolaum quemdam natione Græcum*, cui vni illud onus iniunctum fuisse, narrat idem Andreas, qui hominem eximie laudat, per quæ Albertum à publico hoc munere, nec liberum fuisse, nec principalem in eo partem obrinuisse, dicendum censeo: quod Marianus Florentinus noster, tunc viuens, in chronicis, quæ non multo post conscripsit, sic docet: *concilio namq; ex prædictis partibus solemniter congregato, ordinati sunt ab vtraque parte, qui sententias cuiusvis partis in medio, tum latinè, tum græcè referrent. Erant autem inter alios duo fratres Minores, scilicet, (16) D. N. Episcopus, & Fr. Albertus Sarrbianensis, & alius Ordinis Prædicatorum videlicet, Dominus Fr. . . . . Episcopus . . . . . atque D. Ambrosius Abbas Generalis Ordinis Camaldulensium, & nonnulli alij viri, vtriusque linguæ peritis-*

Marianus  
lib. 5. f. 16.  
col. 2.

*ricissimi, quorum vnus inter omnes præcipuus fuit Nicolaus Eboicus, Episcopus Saguntinus, lingua vtraque scilicet græca, & Latina disertissimus.*

Iacobitis autem, & Latinis, etiam in publicis interpretem fuisse B. Albertum, ænæ valuz Vaticanæ Basilicæ, vel solæ sufficiens testimonium præferunt, in quibus Pontifex cernitur ea forma, qua tamquam in Lateranensi Basilica, vnionis decretum Iacobitis, seu Regis Aethiopiæ Legatis, ex throno porrigit, & Albertus à latere stans, & cum Cardinali assessor colloquens, ac tamquam cum illis ex itinere venisset calcatus, & toga talari indutus, absque Franciscano cingulo soluta, manicisque ab humero ad carpum, præter ordinis morem, strictissimis, nec aliud præfert obseruantis Franciscani signum, præter ordinis rasam coronam, & capitis tegumentum ad humeros demissum, vt exteriorem eam togam existimem itinerariam fuisse, quo expeditior ipse in equitando, & alijs functionibus esset minus impeditus, quam si regulari fratrum consueto pallio, vel foccis ligneis indutus. Rei schema ex valuis in librum suum transtulit Iustinianus, & nos in fronte huius voluminis.

Interea dum Albertus anno 1441. Florentiæ moram contraxisset, præter Iacobitarum vnionis negotia, alia Pontifici præstabat obsequia, inter quæ fuit fœdus pacis, Eugenium inter, & Rempubicam Senensem patrum, de quo agit ipse epistola 69. vbi etiam significat, se tum Senis ad duo quædam castella, Pontificis iussu missum, nescio an sibi mutuo, an ipsi Pontifici concilianda, sed & verbum Dei prædicandi labor nun-

quam, & nusquam deerat.

Eadem tempestate Ioannes II. Castellæ Rex Mahomed, Aber, Azar, Maurorum Granatensium Regi armis infestus fuit, quapropter Sultanus Aegypti, per Mauri Regis legatos aduocatus, vocato ad se Cayrum Fr. Gandulpho Minorum Ierosolymis Guardiano imposuit, vt quantocius Pontifici significaret, se cupere, vt Eugenij studio, Castellæ Rex à Mauris molestandis desisteret. Quod cum Gandulphus, missis literis, & Fratribus nuntijs fecisset, responsum concipiendi cura Alberto nostro data fuit, & ille in eum sensum præstitit, quem præfert formula literarum, quam nos integram inter Alberti epistolæ loco 68. dedimus: ex qua & ipsius Alberti prudentia, & Eugenij Pont. desiderium ingens elucet omnium gentium, & sectarum homines ad veram Christi Catholicam fidem, & vniformem vnus Dei cultum conuertendi, vt omnium, sicut vnus est Deus, sic esset vna fides, vnum baptisma, vnum Ecclesiæ visibile caput, vnus Christi in Cælo regnantis vnus in terra cunctorum Vicarius.

## C A P. X I V.

*Quid pro terra sancta sanctiori regimine peregerit.*

**V**T ea nunc refetamus, quæ B. Albertus in Oriente præter ordinis bono præstitit: variaz ad Eugenium Pontificem deferebantur querelæ, malè administrati regiminis locorum terræ sanctæ, per superiores. ijs temporibus destinatos, cumque loca omnia solius Guardiani montis Syon Ierosolymitani, tamquam

quam ordinarij Prælati totius Terræ Sanctæ, & annexarum gubernio subfint, iussit Eugenius Generali ordinis Ministro, vt selectum aliquem virum ex Obseruantum cœtu, huic muneri præficeret. Neglexit ille significatum sibi Pontificis desiderium, quinimmo ex pristinis vnum instituit. At Eugenius loca illa facerrima inter Saracenos, Schismaticosque quam optimè gubernari cupiens, in sententia persistit, & sic institutum ad se venientem, persuasa resignatione, absoluit officio, suæque auctoritate substituit Iacobum Delphinum Venetum, regularis obseruantie professorem. Verum Delphino prædecessorum suorum defectus ( qui irreperere faciliùs, quam tolli solent ) vel non valente tam cito, vel aduersantium odium cauendo, tam efficaciter emendare non volente, non cessabant querelæ.

Quapropter cum Albertum prima vice ad Schismaticos Orientis reducendos mitteret, dedit in mandatis, vt ordinis etiam sui rebus, commissi muneris auctoritate prouideret, ac Terræ Sanctæ Fratrum loca specialiter cognosceret. Is ergo pro more religionis, locis omnibus ritè lustratis, ac probè cognitis, eum reperit rerum statum, qui nec ordinis honori, nec debito sacris locis cultui, nec peregrinorum commodis, nec Pontificis desiderio respondebat: ac dum ipse Albertus, quæ poterat interim remedia malis apponeret, misit, quod ante diximus, Fr. Ludouicum Bononiensem, qui præsens Pontifici cuncta referret, & remedia potiora reportaret, cumque ipse Albertus, terminato tùm ferè triennio Delphini, in Italiam ad sacrum Concilium redire pararet, fratribus, quorum id munus tunc fuit, conuocatis, omnium exquisiuit suffra-

gia, & maior pars postulauit præfici sibi Nicolaum Auximanum, regularis obseruantie, virum doctrina, & pietate præstantissimum, & in ordinis regimine iam antea probatum, & Pontifex quidem allata hac postulatione, & per Albertum plenè de cunctis instructus, Nicolaum Terræ Sanctæ Guardianum Ministri Generalis auctoritate institui voluit.

At verò, vt nulla est tam sancta rerum dispositio, quæ omnibus æquè placeat, sic illius de Nicolao factæ executioni restitit bifarium hominum genus: ilti gratissimam, desideratissimamque Nicolai præsentiam sibi in Italia deesse dolentes; illi Delphini gubernium, ipsorum libertati magis indulgens, percipientes, nihilque solati ex eius in Italiam reditu sperantes, & Nicolaus ipse optimæ mentis homo, nec dignitatis auidus, nec turbarum amans, vtrisque consentire visus est. Hinc partium importunitas, ipsèdem argumentis, & si sine longe dissimili, vsa, Pontifici persuasit, vt Nicolao in Italia relicto, Gandulphum Siculum eiusdem obseruantie virum Terræ Sanctæ Minoritis præficeret; sed neque Gandulpho ipsi pepercerunt, qui per vias latas ambulare cupiebant, quamquam Pontificis auctoritate regimen ipsius in finem tolerare constructi sint.

Res tota ad Albertum, Venetijs tunc secundò iter ad Aethiopes, Indosque parantem, frequentibus literis delata fuit: & ille Redemptionis nostræ locorum zelo exçesuans, & Nicolaum imprimis à destinato, etsi non possesso, reuocatum honore, cuius conferendi præcipuus author erat ipse B. Albertus, seseque virum optimum ludibrio potiùs exposuisse, quam sic delusum honori adsciuisse dolens,

duas epistolas, seu iustos potius libellos, ad Christophorum Ariminensem Episcopum, Pontifici familiarem, & ad Guillelmum Cafalensem Generalem Ordinis Ministrum, easque doctissimas, & sententiarum pondere graues scripsit, per quas Nicolaum etiam refugientem, officio restituere conatus est; sciens deinde quantas molestias Gandulphus Ierosolymis ad Clauum sedens à latioris sequacibus disciplinæ pateretur, ut res in ordinem redigere non posset; tantum studij ad eum amouendum adhiberi, ut Pontifex ad id iam pronus videretur, atque hinc totam rem perditam iri, si perditissimus quidam homo, qui totam tempestatem aduersus Nicolaum, & Gandulphum concitauit, & pessimis modis, & medijs per Hispaniam, Galliam, Germaniam, & Italiam, non sine populorum admiratione, & feruorum Dei scandalo, liberè discurrens sustinebat, non fuisset amotus, Albertus etiam hoc ut fieret conuulsus est. Is erat Quæstuarus, seu Procurator Terræ Sanctæ ludas inter Apostolos, qui loculos habens elemosynas omnes pro libitu administrabat, & paulatim tantam sibi assumpsit licentiam, & callidè se Fratrum ingressit regimini, ut penes se vellet omnem residere, sicut pecuniam, sic etiam potestatem, neque Guardiani, illo non consulto, quidquam facere audebant, neque Fratres Prælatum petere, qui isti displiceret; displicebant autem omnes, quos suo non putabat arbitrio tam regendos quam loca rectoros, Albertus ergo, quæ hæcenus illi, ut ipse loquitur, pro modestia, vitandæ procacitatis, & fugiendæ detractionis causa visa sunt silentio tegere, securim nunc ad radicem ponendam duxit, & pessimi ho-

minis vitam, & vias omnes, tacito eius nomine, ad Iulianum Cæsarinum Cardinalem, Sanctorum locorum Protectorem tertio libello descripsit.

Nec desistit, donec Cardinalis Beatum Ioannem Capistranensem, cum Vicarii à latere Ministri Generalis potestate, in Prouinciam Orientalem misisset, qui illuc impulsus, & Gandulphum in officio confirmauit, & Iudam illum à procuratione pecuniarum amouit, & Ioannem Martinum nobilem Venetum Procuratorem, & Syndicum instituit, qui collectas conuenientius administraret, & ex Italia in Orientem facilius transferret. Denique regularis obseruantie disciplinam in omnia Terræ Sanctæ loca, quod Pontifex ex animo cupiebat, induxit, & qui colla huic iugo submittere nolebant, in Italiam redire coegit, ut ex illo tempore, sacra loca in hodiernum diem non sine laude ipsorum, & spirituali, temporalique locorum incremento regantur ab eiusmodi instituti hominibus, vbi Græcorum Schismaticorum inuidia non minor, quam Turcarum auaritia non obstitit.

Denique labores Alberti nostri in Oriente, præsertim sacra vnio Aethiopum cum Ecclesia Romana, quos fidei fructus protulerint, sequens epistola Fratris Gandulphi Siculi, ex nostris Guardiani Ierosolymitani, & Eugenij Pontificis in Oriente Commisarii ad eundem Pontificem, tametsi inculato stylo, sed candida veritate, scripra satis declarat.

*Pater Beatissime, & Sanctissime Domine. post pedum oscula beatorum, & omnem in Christo Iesu glorie splendorem. Hora est iam, ut sicut ego toties meis literis contristauis sanctitatem vestram, ex meo, & meorum,*

rum, qui mecum sunt Fratres in Terra Sancta, assiduo persecutionis relatu, eisdem literis, tandem eandem sanctitatem letificem, & relatu meo, gaudio spirituali repleam. Gaudeat igitur Beatitudo vestra, Pater Sanctissime, gaudeat, & exultet Mater Ecclesia, quoniam filij sui tempore dignissimi vestri Pontificatus de longe venerunt ad eam. Iterum gaudeat, & letetur in Domino, Pastor optimæ cura, & sollicitudo vestra, quoniam oves Meridionalis plage aberrantes per devia, intrauerunt ouile. Si enim illa, quæ super nos est, triumphans Ierusalem, tantum gaudet, & exultat uno peccatore pœnitentiam agente, merito nostra militans Sion, pœnitenti innumerabili multitudine immensè gaudere, & exultare debet. Et ubi minor erat spes lætitiæ, maior debet esse materia gaudiij. Sed ne diu suspensam congressione mea teneam vestram sanctitatem, Pater vigilantissime: cum enim penitus decidissem ab ea, quam conceperam, spe vnionis Ecclesiæ Romanæ, cum lato illo, diffusoque Imperio Aethiopiæ, eò quod inde venientes percunctati, mihi nemo iuxta votum responderet, ex insperato insonuit fama, quod Ambassatores Principis Aethiopum, ad Soldanum venissent, pro Ecclesiarum anno proximè elapso in Aegypto, & Terra Sancta, tempore illius persecutionis valide destructarum reedificatione, & oppressorum Christianorum subleuatione: quo lætanter audito, reuixit, quam parum antea sepelieram, spes mea, & maximè cum percepì quod essent in Ierusalem vncturi. Sicque Diuina ordinatione, actum est, vt in Festo Epiphaniæ Domini intrauerunt Betsleem. Ibidemque sicut quondam tres Magi venerunt

adorare Dominum, qui mox iuxta præceptum vestre Sanctitatis per quoddam eius breue, aliàs mihi factum, à Fratribus meis, cum omnibz charitate, humanitate, gaudio, & bonore, in domum nostram fuerunt recepti, & de omnibus, prout tunc frigidæ, & pluuiosa nox, penuria deferti, & viæ lassitudo exposcebant, per gratiam Dei fuerunt peroptimè recreati. Venientes autem in Ierusalem, quidquid bonoris, charitatis, gratitudinis, liberalitatis, humanitatis, obsequij, & familiaritatis mihi possibile fuit, intuitu, & nomine vestre sanctitatis illis impendi. Cum autem ipsis secreto exponerem ea, quæ per Beatitudinem vestram mihi fuerant iniuncta, eos efficaciter exorans, quod vellent pro huiusmodi factis sacre vnionis, & pro nonnullis alijs bonorem Dei, & Principis sui concernentibus, sanctitatem vestram adire, aut saltem hic expectare, quò usque ego intimerem eorum aduentum Beatitudini vestre, & responsum eius acciperem: responderunt se hoc facere non posse, cum non haberent id in commissione, dicentes non fore necessarium, pro factis vnionis eos illuc ire, aut hic prestolari debere, quoniam Thomas, & Georgius iam applicuissent ad Imperatorem suum, cum bulla vnionis, & quod vniuersi Patriarchæ, Episcopi, & Prælati, ac Principes, & Domini status vtriusque fuerunt edicto Imperatoris ad hoc simul congregati, & quod ab omnibus vnanimiter, nemine discrepante præfata vnio, cum summo gaudio, & deuotione fuerat acceptata, superaddentes quod Georgius, & Thomas præfati cum quibusdam alijs, remittendi erant per Principem eorum ad vestram sanctitatem cum prædicta

unionis assensu & receptione, arbitantes eos in proximum Pascha, debere hic nobiscum esse. In quorum assertionem, & confirmationem dixerunt se velle sequenti die Missam nostram audire, quam in Ecclesia S. Sepulchri gratias immensas Diuina misericordia de hoc referentes, gaudio ingenti cum illis solemniter celebrauimus. Quod ego Beatitudini vestre pro eius consolatione singulari & Ecclesie vniuersalis exultatione, duxi significandum, illud etiam non omittem, à quo incepti videlicet causam aduentus eorum, & modum, & conditionem; & ab ultimo incipiens, vt de omnibus simul dicam: is qui caput erat Ambassiate, prout ab eius eloquio, gestisque & quorundam fide dignorum assertionem comprehendendi, vir erat non minus ingenio, quam nobilitate, & potentia preclarus: tredecim millia, quingentos, triginta equites sub se habens, qui ducentos viros de familia sua secum ducentes, quorum quinquaginta cum itinerarijs rebus apud Thebaidas dimissis, cum centum quinquaginta completis quatuor mensibus itineris incepti, intrauit Cbayrum. Statuto autem die sua Ambassiate expectatus ante auroram à Soldano, euocatus ter per maiores curie renuit ire, nisi in die clara dicens se non in tenebris, & latenter, sed palam, & in lucem venisse. Cum autem iuit, fecit secum apportari sedem, in qua Soldano, dum ipsum alloqueretur, consideret. Crucem verò auream super pretiosissimum indumentum latam, longamque ad modum Prutenorum militum, in presentia eius portans, eiusdem S. Crucis insignijs decoratum equum, pretiose coopertum conscendens, in munus quoddam mysticum aureum paruum

equum, enssem, lanceam, galeam, thoracem, scutum, arcum, pharetram, & decem sagittas, omnia ex puro auro valorem tamen octo millium ducatorum non excedentia, seruosque promiscui sexus, septuaginta eidem ex parte Imperatoris sui obtulit, cum bis verbis.

„ Hæc tibi dicit Soldane, poten-  
 „ tissimus, & excellentissimus, & glo-  
 „ riosissimus Imperator Dominus  
 „ meus Constantinus. Intellexi quo-  
 „ niam Ecclesias sub dominio tuo  
 „ consistentes destruxeris, & Christia-  
 „ nos tibi subditos valde oppressetis;  
 „ ait enim (vt melius nosti) Propheta  
 „ tuus, quod malum reddatur pro ma-  
 „ lo, vnde secundum eum iam possem  
 „ iuste tibi vicem reddere eorum, quæ  
 „ fecisti. Sed quoniam Christus Iesus,  
 „ Dominus meus dicit, quod redda-  
 „ tur pro malo bonum, & sine admo-  
 „ nitione correptionis non proceda-  
 „ tur ad punitionem; ego pro malo  
 „ bonum reddens, te deliberaui prius  
 „ admonendum: vnde ex nunc con-  
 „ testor te, & admoneo cum pace, &  
 „ claritate, quæ per aurum hoc, ne-  
 „ quaquam tibi in munus, sed in my-  
 „ sterium missum designatur, vt Chri-  
 „ stianos omnes sub te oppressos con-  
 „ tinuo eleues, & cum omni pietate,  
 „ & humanitate eos tractes, Ecclesiaq;  
 „ dirutas permittas, & iubeas reædifi-  
 „ cari. Quod quidem si feceris, sta-  
 „ bunt mosquetæ quæ in imperio  
 „ meo sunt, Saracenicæ mihi subiecti  
 „ piæ, & humanæ, vt haftenus à me  
 „ tractabuntur. Et hoc aurum tibi  
 „ missum, non conuertetur in aliam  
 „ speciem, nec perdet virtutem suam.  
 „ Sin autem hoc facere neglexeris, in  
 „ chalybem, & ferrum, contra te in-  
 „ dubiè conuertetur. Quoniam mit-  
 „ tam contra te innumerabilem mul-  
 titu-

,,titudinem gentium belligerarum,  
 ,,diuersè, ferociter, indefensè dimi-  
 ,,cantium, cui tua paruitas non vale-  
 ,,bit resistere, cum Admiraldus mi-  
 ,,nor, qui subest Principibus domi-  
 ,,nantibus sub me, sit longè poten-  
 ,,tior te, Saracenosque omnes subdi-  
 ,,tos mihi qui innumerabiles pene  
 ,,sunt, in eorum sanguine baptizabo,  
 ,, & mosquetas eorum funditus de-  
 ,,struam; auferam tibi Mecham, & il-  
 ,,lius, quod veneraris, sepulchrum,  
 ,, Prophetæ tui . Tollam ab Aegypto  
 ,, alluionem Nili, vt simul & ferro,  
 ,, & fame, ac siti cum populo tuo pe-  
 ,,reas; quæ distuli vsque nunc au-  
 ,,ferre tibi, propter Ecclesias, &  
 ,, Christicolas, sub tua ditione degen-  
 ,,tes, ne ipsi simul tecum perirent, aut  
 ,, quicquam sinistri paterentur abs te .  
 ,, Nunc ergo elige, quid magis tibi  
 ,, vis, an quod aurum hoc maneat in  
 ,, sua materia, aut in ferri materiam  
 ,, conuertatur .

*Finiante vero Ambassiatore, cun-  
 cta eius dicta, quodam magno Sara-  
 ceno de genere impij Mabometi, quem  
 ad hoc secum duxerat, testificante, &  
 approbante, Soldanus pollicitus fuit  
 se post dies aliquot eidem plene respon-  
 surum . Iussitque statim sibi afferi  
 vestem quamdam valde pretiosam,  
 vt iuxta morem suum, continuo in-  
 dueret, & à facie Principis glorifi-  
 catus abscederet . Quod ille facere  
 renuens, dixit se nullatenus debere  
 eam super Crucem, aut induere, aut  
 portare, quam Torquiniano suo illic  
 tradidit, subito induendam, fuitque  
 post eius digressum à presentia Sol-  
 dani datum generale præconium,  
 quod omnes Christiani benè, & hu-  
 manè tractarentur à Saracenis, prout  
 antea solebant tractari, & nemo eos  
 auderet persequi, aut molestare . In*

*ingressu vero eorum in hanc sacra-  
 ciuitatem, factum fuit spectaculum  
 quoddam, satis memoria dignum, &  
 à multis annis simile in Terra Sancta  
 non visum, quoniam gloriosum  
 S. Crucis vexillum, coram plurimis,  
 & maioribus Saracenis, fuit extra  
 Ecclesiam S. Sepulchri, per Aethiopes  
 hic residentes, ante suos Ambassiato-  
 res personaliter incedentes, cum papi-  
 lionibus, iubilis, & canticis, iuxta  
 eorum mores solemniter erectum, &  
 apportatum, nemine infidelium illos  
 perturbante . Quibus occurrerunt in  
 apparatu simili cætera nationes Chri-  
 stianorum iubilantes, & exultantes,  
 & eorum Principem veluti suum  
 Redemptorem, apud Deum, & ho-  
 mines gloriosè magnificantes . Quæ  
 quidem omnia, Pater Clementissime,  
 quantum cesserunt in Principis sui  
 gloriam, tantum cedunt in Princi-  
 pum nostrorum ignominiam . Hic  
 enim fecit apportari sedem, vt sedens  
 Soldanum alloqueretur, Ambassiato-  
 res nostrorum, ante ipsum terram  
 deosculari coguntur . Iste ad impen-  
 sas Soldani vadit, quo vult, impe-  
 rans, & Saraceni ipsum comitantur,  
 & venerantur, quoniam Imperato-  
 rem illius timent, & illi placere con-  
 nantur . Nostri vero cum veniunt  
 inter infideles, non se Dominos, sed  
 famulos nominare audent, immò in-  
 sanis pluries se esse confingunt, ne ab  
 eis offendantur, & incarcerentur,  
 quoniam non timentur ab eis, nec ap-  
 pretiantur . Vnde Ambassiatores mag-  
 ni Hospitalis Ierosolymitani, adhuc  
 in eius arcta, & dira custodia detinen-  
 tur . Huic etiam cum tota eius fami-  
 lia absque ullo tributo fores Ecclesie  
 S. Sepulchri fuerunt reserate, nec il-  
 las sinebat claudi, quorūque omnes  
 nationes Christianorum ingrederen-  
 tur,*

tur, ipse verò ultimus ingrediebatur, nostri autem plusquam tributum solvunt, & vix introire permittuntur: ita ut besterna die quidam Ambassiator Ianuensium offerens tributum, non fuit intrare permixsus. Omnes etiam nationes ex parte sui Principis, salutavit, & cunctis eius nomine, aut eleemosynam, aut munera condonavit, ipsumque omnium orationibus, in discessu commendavit, prout de omnibus his, & nonnullis alijs statum huius sacre domus, & personam meam concernentibus, plenius informabit vestram sanctitatem humillimus servus eius Fr. Seraphinus socius, & Frater in Christo mihi intimè, & sincerè dilectus presentium lator. Cui dignetur fides adhibere eadem sanctitas, eaque sua solita benignitate pia executioni mandare, quam Altissimus conferuare dignetur feliciter, & longæ ad ampliacionem fidei Catholicae, & prosperum regimen Ecclesie sue Sanctae. Ex sacro Conuentu Montis Sion, prima die Februarij anno Domini 1444.

## C A P. X V.

*Fit Minister Conuentualium Prouincie S. Antonij, & Vicarius Generalis totius Ordinis Minor. & quid initio operatus sit.*

**H**IS ita per Albertum patratiss, dum ipse seruus Dei in Eugenio Pontificis obsequijs, adhuc Florentie detineretur, obiit ibidem anno Dominicæ Natiuitatis 1442. die 2. Feb. Guillelmus Casalenfis, totius Ordinis Minorum Generalis Minister, ac tum Pontifex ob singularem suam erga hunc ordinem

diligentiam, in commune eius beneficium aliquid prestare cupiens, regeſta, & sigilla defuncti Generalis ad se afferri curauit, & grauiores ordinis causas sibi expediendas referuans, pro alijs communibus cognoscendis quinque discretos eiusdem ordinis Patres deputauit, qui communi consilio cuncta disponderent, & ex his vnum Albertum esse voluit, vt summum apud se religionis, & in agendis, prudentiæ virum. Cæterum ordinariam peculiarium Prouinciarum gubernacionem singularum respectiue Ministris Prouincialibus reliquit, & omnia hæc interim, dum ipse Pontifex ordinis regimini alio modo prouidendum, iuberet:

Inter hæc obiit etiam diem suum Dalismanus Patauinus Conuentualium Prouincie S. Antonij, seu Venetæ Minister Prouincialis: eaque occasione, mense Iunij, Pontificis iustu, coactis Prouincie comitijs, conuenerunt Vocales nonaginta tres, vt Dalismano successorem, ac dignum Prouincie Præfulem constituerent. Cum ad electionem ventum esset, præmissis, quæ ex ordinis more, institutisque debebant, mira animorum consensione, & quiete, suffragia sua omnes præter vnum solum, hoc est, nonaginta duo in vnum Albertum, pro Commissarij Pontificij munere, quo in ijs regionibusungebatur, tunc præsentem contulerunt, & magnæ Prouincie S. Antonij Prouincialis Minister canonicè electus est: non maiori bonorum omnium applausu, quam Alberti ipsius planctu, & renitentia.

Eugenio Pontifici nihil rerum ordinis hæc electione optabilius nuntiari potuit; qui inde agnoscens omnium, non obseruantum solummodo,

sed etiam Conuentualium beneuolentiam, & propensionem erga B. Albertum, & qua sententia utitur ipse Pontifex, magnam ex inde habuit consolationem, cœpitque intelligere Albertum, præstante Domino, futurum lapidem illum angularem, qui, quod sæpe, inquit, & diu diximus optasse, nec vnquam consequi potuisse, vtrumque parietem coniunges, & vtraque vnum facies. Cupiebat enim ardentè Eugenijs, vt ordo vniuersus, in plura gubernia, & viuendi normas, quodammodo discissus, in vnum coalesceret, & ad puriorem Franciscanæ regulæ obseruantiam, totus reduci posset, si quod sperabat, cupiebatque, Albertus totius Minister Generalis semel euaderet, cum & Conuentualium suffragia iam prona habere, & Obseruantes citra, & vltra montes, in proximo generali Capitulo conuenturos, id ipsum velle non dubitari posse videretur.

Hac spe, desiderioque concitatus Eugenijs Albertum, non solum in hoc officio ministerij Prouincialis vltro confirmauit, verum etiam eum loco nuper defuncti Generalis Ministri, totius Franciscani ordinis Vicarium Generalem, vsque ad noui Ministri electionem, atque proximi Capituli Generalis, in quo illa electio fieri deberet, Prouisorum, & Præsidentum cum amplissima potestate, & varijs facultatibus constituit, & creauit die 10. Iunij, quæ vt ille facilius præstare posset, cœtum ipsum Patavij in Cœnobio S. Antonij anno sequenti 1445. die nona Iunij celebrandum decreuit.

Interea totius ordinis scripturas, & regesta, post obitum Guillelmi Generalis Ministri apud Pontificem diligenter cœtenus custodita, Alberto

Vicario assignari fecit, atque ipse Pontifex Ministrorum Generalium, sigilla, tamquam supremæ, & plenæ potestatis insignia illi tradidit, serui Dei desiderio concedens, vt illis pro arbitrio suo vti, vel non vti posset. Albertus autem religiosæ humilitatis nusquam immemor, quemadmodum ab omni suspicione liberatus, & complacentiæ dignitatis fastus erat ita flens, & lugens, & cum multis lachrymis quantum poterat reluctans, ea suscepit, & se reuera indignum arbitratus ea plenitudine potestatis, eisdem insignibus, quibus Seraphicus P. Franciscus, S. Bonauentura, alijque serui Dei, & magni viri, in eodem officio constituti, vsi sunt, toto annui sui vicariatus tempore non nisi semel tantum sigillis vsus est, idque tunc urgente causa, vt rebellantis subditi, & obedientiam per cauillas effugientis duritiem infringeret, cum, vt ait, indignissimum sit, vt, vnde ipse gloriam consequi deberet, inde contumeliam adipisceretur: superbi verò subditi, ac procacius rebellantes, vnde luere pœnas contumaciæ debent, inde commodum impunitatis reportent.

Eodem mense Iunij Lebnellus Estensis, tunc post Nicolaum Patrem vita defunctum Marchio Ferrariensis, pristinæ curiositatis tenax, expostulasse cum Alberto videtur, quod promissam iam dudum peractæ à se in Aegypto legationis narrationem non miserit, sed seruus Christi, non minus modestiæ suæ, & religiosæ humilitati constanter insistens excusauit se primum ab occupationibus impositi sibi negotiosissimi muneris, regendæ vniuersæ Religionis, per quod acerbè lugeat pro peccatis, inquit, suis, & intercepta, ne dicat præcisâ studia literarum

rarum, iure quoque suo vsus à præsentæ promissionis, nec legalis, nec absolutæ vinculo reddendæ impossibilitate se soluit. Fatetur quidem, etiam nunc, se habere penè completam epistolam illam, seu relationem, quam peroptabat Leonellus, quæ tamen, etsi prorsus completa fuisset, polienda restaret, & meliùs expectaretur otium, ad eam expoliendam, quam vt inepta prodatur: quod auctoritate, & exemplis veterum doctè suadet. Quibus rationibus, ita tunc Principi satisfecit, vt nihil in ea re actum, vel agitatum amplius inueniam, existimemque quod ante dixi, B. Albertum epistolam illam, pro sua modestia prorsum suppressisse, propter causas, in priori sua ad Leonellum scripta, per ipsum fusiùs explicatas.

Maiora Religionis sibi commissæ negotia die 10. Iulij, auspiciatus est, per encyclicam epistolam, tunc datam ad omnes totius ordinis Prouinciarum Ministros, & locorum deuotorum, vti tunc dicebantur, seu regularis obseruantie Prouinciarum Vicarios: in qua imprimis institutionem sui in vtroque, Prouinciæ scilicet, & ordinis gubernandi officio, & Apostolicam vtriusque confirmationem enuntiat, quam tunc viua Pontificis voce factam intelligo. Nam vtriusque diplomata apud Vvaddingum integrè descripta, posterius expedita fuerunt. Eos deinde, ad quos scribebat, simul hortatur, vt ipsorum vnusquisque exemplo vitæ propriæ, ac mansueta suasionem, magis quam coercitionem minarum, & cædis, Religiosos sibi subditos ad morum reformationem, & odorem antiquæ sanctimonie compellant. Edicit deniq; ordinis comitia generalia pro noui

Ministri Generalis electione, per Eugenij Pontificis mandatum, anno sequenti, & proximè futuro festo Pentecostes, infra Octauam S. Antonij Paduæ celebranda, suaque & Pontificis auctoritate iubet, vt omnes, pro cuiusque officio, illuc opportuno tempore conueniant.

Inter primas minora, seu peculiaris Prouinciarum negotia tractandi occasiones fuit supplex libellus, ciuui oppidi Gaudæ in Hollandia, Eugenio Pontifici porrectus, in quo exponebant se templum, & habitaculum, construxisse in suo oppido pro Fratibus regularis obseruantie S. Francisci, cupereque, vt eandem vitam viuerent, eodemque modo regerentur, quibus tunc regebantur, & viuebant Fratres eiusdem professionis, alterius Conuentus, prope muros S. Audomari, Morinensis Diocesis, non obstante aduerso conatu Ministri Prouinciæ Colonienfis, cui iuxta morem tunc ordinis reliqui fere Belgij Franciscani obtemperabant; quod & Philippus Bonus, Dux Burgundiæ, & Isabella Ducissa, vt illarum Regionum Domini simul orabant. Albertus ergo tam Pontificis, quam sua auctoritate Ministro Colonienfi præcepit, vt à Gaudensibus molestandis desisteret, dum causa controuersie in proximo generali Capitulo decideretur. Atque ita factum ciuibus rescriptis per epistolam, ex qua res tota nobis innotuit. Res demum ita constituta fuit, vt Obseruantes locum retinuerint, summo ciuui, & Principum amore, & beneficentia vsque ad annum Christi 1572. quo teste Gonzaga, irrupentibus aliunde Hæreticis, Fratres expulsi, & ædificia euerfa fuerunt, cum tota Hollandia, & nunc annexæ Prouinciæ Christi iugum, eiusque

eiusque in terris Vicarii, ac simul Catholici Regis obedientiam excutiebant, atque cum potius, vt veri Christiani, intellectum in obsequium Catholicæ fidei captiuare debuissent, hanc ex aduerso in priuatæ perturbationis ergastulo captiuam detinent, maximo suo, totiusque Christiani orbis malo, quod hæresum vbique fructus est.

At Gaudensium, tunc Catholicæ fidei sectatorum, in illius Franciscani instituti viros, ardenti deuotionis affectui satis non fuit, vt suæ ciuitatis locum illis conseruarent, nisi etiam traderent alium, quem Ragusæ in Dalmatia ipsorum parentes olim ædificauerunt, ipsique eo tempore ædificijs instaurabant, & multis beneficijs impertiébantur. Qua etiam de re ad Albertum ordinis Vicarium Generalem scripserunt, & ille rescripsit, hanc etiam causam ad Capituli Generalis dispositionem referendam esse, misso cum literis quodam Fratre Ladislao, cui fidem haberi voluit cætera Gaudanis voce relaturò, quæ Albertus ipse, ad pleniorum eorum satisfactiõnem disponebat. Sed & literas Alberti ad Ragusæos ipsos, tunc scriptas, de hac ipsorum Cœnobij reformatione intelligi debere, eosdemque Ragusæos id ipsum cupiisse, tamen ex ipsis literis colligam, confirmat etiam Ladislai, vtpote Illirici, & Sarmatici nominis mentio, tamquam Gaudanorum pariter, & Ragusæorum commune negotium, simul apud Albertum agentis. Quo enim die, ad ciuitatem Gaudanam, eodem ad Ragusæam scripsit, de dispositione, iniquiens, Fratrum, ac Monacharum, quæ sanè meo sensu, alia non fuit, quam vt vtrique ad antiquæ distributionis normam, & regularem obser-

uantiam, pro illius piæ Reipublicæ, & Gaudanorum fundatorum desiderio, reformarentur.

Sub id tempus Ecclesiæ Romanæ, & Eugenij Pontificis obsequijs, sedulam operam in Oriente nauabant Iacobus Primadicus, & Bartholomæus Yanensis, viri ambo regularis obseruantie vitæ sanctimonia, doctrina, & rerum agendarum peritia præstantes, quos proinde B. Albertus in Generalibus Comitijs adesse cupiebat, ad magnum religionis bonum (vti tunc sperabatur) conuocatis, quod Eugenius Pontifex peroptabat, cuius idcirco consilium, & agendi modum, Albertus Primadicio confidenter pandit, & vt ambo maiori cum honore, & suffragij autoritate, in Comitijs comparerent, alterum Romanæ in Græcia Ministrum Prouincialem, alterum Custodem eiusdem Prouinciæ instituit, ac interim Iacobum confirmauit in officio Commissarii sui super alijs locis Orientalibus ordinis, in epistola nominatis, præscripta illi prudente agendorum instructione.

Tum etiam occasione reditus in patriam venerabilis Viri Fratris Roderici Hispani, scripsit Albertus ad Regem, & Reginam Castellæ, significans Eugenij Pontificis animo inherere, vt totam Seraphicam Religionem ad instituta veteris obseruantie, quantum posset, reformaret, ipsique videri tanti boni initia iam posita, fuisse, cum Albertum ipsius Vicarium Generalem, totius ordinis instituisset; sed quoniam, vt ait, multa ipsi (sibi Alberto) deerant, quæ opus ingens, si id perfici possit, desiderat; tunc restare, vt Reges afferant quod deerat. Rogat denique, vt Fratri Roderico cuncta illis relaturò fidem indubiam adhibere velint; quemad-

modum eum, vt Patrem, Rex, & Regina venerabantur.

Inter hæc à conciuibus, & contribulibus suis, Prioribus & communitate oppidi Sarthiani literas accepit, per ipsum conciuem, & Nuntium, quemdam Fratrem Iacobum; quibus indicabant, quanto ipsi gaudio, & lætitia exultarent, audito, eum totius ordinis Generalem Vicarium institutum fuisse, quantumque ipsis complaceret, si quidpiam nuntium concernens expedire vellet, quibus breuiter, & absque omni ostentatione, vt Patribus optimis rescripsit, ipsum erga se dilectionis affectum, & omnis honestatis suæ gaudium, sibi ignota non fuisse, nec se de illis dubitare potuisse, gratias pro ea re Deo, & B. Mariæ Virgini agens, & quoniam commisso sibi officio, se, imparem agnosceret, ideo se ipsum precibus commendauit. Fauoris autem pro illo fratre petiti prouisioni debitæ institutum pro charitate quam illis debebat.

Tum Sanctus Bernardinus Senensis apud Eugenium Pontificem, & si illibenter, sed pro venerabilissimi viri reuerentia acceptantem, deposito humiliter officio Vicarij generalis obferuandum Cisfontanorum ad antiquum suum cœnobiolum Capriolæ iuxta Senas secessit; vt sibi, Deoque, & verbo Dei populis annuntiando liberius deinceps vacaret. Albertus autem indignum iure merito reputans, vt vir eximius, ac tota Europa celeberrimus, humilis tunc locelli ordinario superiori subesset; quibusdam, inquit, relationibus, & iustis, ac rationabilibus causis, animum meum mouentibus, te de cuius probatissima vita, ac vulgarissima fama, ac miro religionis zelo, cæterisque

virtutibus quibus te Altissimus mirifice decorauit, longa & veteri experientia sum plenissime in formatus, neum Commissarium, cum omni plenitudine potestatis, instituo, ac institutum denuntio per præfentes, in loco nostro Capriolæ prope senas, & fratribus commemorantibus in eodem: dans tibi per præfentes, plenam, & liberam facultatem visitandi, publicè, & priuatè tam in capite quam in membris dicti loci, & omnia alia, & singula faciendi, quæ ego ipse facere possem si personaliter interessem, salua in omnibus autoritate Vicarij Prouinciæ cum præfens existeret, in loco prædicto.

## C A P. X V I.

*Regiminis obstacula reperit, & qui se in illis gesserit.*

**I**isdem fere diebus, quibus B. Albertus hos, aliosque fauores, pro ratione sui muneris adhuc Florentiæ residens, dispensabat, molestissima nuntia, & non ordini solum, sed & Ecclesiæ Vniuersalis vnioni, & paci perniciofa inaudiebat, hæc vltra, illa etiam citra montes agitari. Quapropter se vtrisque medendo imparem reputans, B. Ioannem Capistranensem in partem grauissimi oneris subleuandi assumpsit, eumque commissarium suum, visitatorem, & reformatorem, in Prouincijs Turoniæ, Franciæ, Burgundiæ, Angliæ, & Hiberniæ, aliisque Ultramontanis instituit; & reluctantem coëgit, vt graue hoc munus obiret. Probauit factum Eugenius Pontifex, & Kalend. Septemb. fuso diplo-

plomate muniuit, iniungens, vt illarum partium Fratres, qui Principum metu, & Basileensium suadelis Felici Pseudo-Pontifici parebant, vel pro propriis affectibus Alberti Generalis eludebant mandata, vel auctoritatem non verebantur, ad sui veri, & vnicui Pontificis cultum, & vnicui Vicarij Generalis obedientiam reuocaret, ad quæ suauiter, & ex officio peragenda, amplissima potestate, plurimisque, & magnis facultatibus illum donauit, in diplomate fusiùs expressis. Etenim tunc etiam accidit ingens malum, quod Pontificia schismata religiosis ordinibus, & Ecclesiasticis personis inuehere consueuerunt, vt qui Reges, vel regionum Principes Pseudo-Pontifici adhærerent, aut se veri legitimique Pontificis obedientiæ subtraherent, ij Religiosos, & Clericos, in ipsorum ditionibus degentes, vel vi, vel errore post se traherent: vt non solum Pontifici, sed & suorum ordinum, & Ecclesiarum Præsulibus aduersum Pontificem, quamuis verum, agnoscentibus, obedientiam negarent, aliosque sibi per schismatis corruptelam Pseudo-Pontificum auctoritate præficerent.

Ita hac turbulenta tempestate, qua Minorum ordinem Eugenii IV. legitimi Pontificis auctoritate regebat Albertus; Basileensium quorundam animositate erecto, aduersus eundem Eugenium Idolo, constitutoque sibi Antipapa sub Felicis V. nomine, Amadæo Sabauda, inter eius sequaces, famosus fuit Frater Mathias Doringus Prouinciæ Saxoniz Minorum Prouincialis Minister, qui quamquam Encyclicas, quarum ante meminimus, Alberti literas accepisset, nihilominus Virum Sanctum, & legitimum totius ordinis Primicerium,

ne responso quidem dignatus est. Verum ita hoc schisma hominum sensus vel affectus ita disiunxit, vt alii Eugenio, & vnicui Pontifici constanter adhærerent; alii solius Amadæi Pontificium, pro Concilii prætensa potestate pertinaciter tuerentur; alii ipsi Concilio addicti, à Pontificatus quæstione tamquam neutrales abstinerent. Atque multi Matthiam in secundis, & qui magis illi fauebant, in tertiis numerabant, S. Theologiæ Magistrum, natione Germanum, & hominem doctriinæ fama, vel inde celebrem, quod aduersus Pauli Burgensis additiones, ad Nicolai Lyrani in vtriusque testamenti sacros codices glossas, replicas, vt vocabatur, sediderit, Atque hunc, pro hac fama, & auctoritate Prouincialis, quæ tunc perpetua erat, alii quidam in Germania sequebantur.

Albertus igitur tum zelo, studioque pacis, & vnitatis Ecclesiæ, tum pro fraterna erga Matthiam ipsam charitate, & paterna cura salutis, & fame commissæ sibi totius religionis errantem ouem, per secundas peculiare literas ad gregem reducere satagebat, quibus hominem obsecrat, hortatur, & modestè non minus, quam fortiter, increpat, monetque, vt allata in Italiam schismatici criminatione, & fæda infamia, si falsa fuerit, se purget, si vera, per poenitentiam salutarem efficiat, vt Seraphica Religio, & Romano Pontifici Canonice electo, ex Regula S. P. Francisci specialiter subiecta, reperti filii lætitiæ efferatur, nihilque interesse demonstrat, siue Matthias Eugenii Pontificis obedientiam excusserit, siue re ipsa eum non audierit, siue vacillando, non colat, cumque ad Paduanam ordinis comitia amanter denuo inuitat, vbi illum cha-

ritatis amplexu se excepturum sperans, epistolam claudit.

Verum his amanter, & religiosè pro officio suo præstitis, vir Beatus apud Matthiam nihil effecit, quòminus ille in sua duritie persistens, anno sequenti, cum iusta ordinis comitia Patauii celebrarentur, Bernè in Heluetia, sub pedibus Basileensium, in quodam Schismatico conuenticulo, se Pseudo-Ministrum Generalem ordinis eligi permisisset, eoque officio in obedientia Felicis Antipapæ per annos inde sex, seu vsus, seu abusus est, donec non minus, quam Felix ipse, & Basileensium cœtus (quorum potentia nitebatur) potentia sua, & subditorum numero decrescens Ministrum Prouinciæ Saxoniz titulo, seu simul cum vano Generalis nomine retento, seu tunc postliminio resumpto contentus esse debuit, eoque solo se subscripsit publico instrumento anno 1455. Calixto III. Pontifici porrigendo, quod apud Vyaddingum, & anno historiæ descriptum est, & à Matthia, alijsque subscriptum.

Alia minoris momenti, sed quod ad ordinis peculiare regimen attinet, non minoris molestiz, ad Albertum tunc allata fuerunt: ex magnis Conuentibus Parisiensi, & Paduano. Ibi enim quidam Fr. Ioannes Prouinciæ Burgundiæ Baccalaurei formati titulum, & locum sibi contra fas vsurpabat, & Vicarij Generalis iusta mandata, eo prætextu inter alias cauillationes eludebat, quod in mandatorum tabulis non esset appositum sigillum officij, quasi inde sibi persuadens, vel alijs persuadere volens, Alberti auctoritatem, eo minus plenam, & legitimam esse, quod auctoritatis insignia, vel non esset adeptus, vel il-

lis vti non auderet. Scripsit ergo ad Conuentum propria manu, & literas rotius ordinis sigillo muniuit, quo hac sola vice pro modestia sua, sed vt ante diximus necessitate coactus, vsus est.

In iis verò literis S. obedientiæ præcepto Parres Conuentus obstrinxit, vt pro Eugenio Pontificis reuerentia, pro suo ipsius honore, pro disciplina morum, & zelo Religionis Genesum Parmensem iam dudum legitimè institutum, & à se Vicario Generali confirmatum in Baccalaurei formati, pro cursu in Conuentu Parisiensi prælegendo, officio, & loco constituerent. Iniustum autem, & Contumacem vsurpatorem ab iisdem officio, & loco, & si ipsis videretur, etiam à Conuentu amouerent, ac si Capistranus pro suo munere præstando, Parisios veniret, illum sibi in agendo negotio addere non grauarentur, vt & ab ipsis, & ab eodem Vicario Generali, videatur pro suo merito honorari.

Paduz verò tunc fuerunt aliqui illius Prouinciæ, cuius ipse seruus Dei peculiari regimini præfectus erat, qui ipso apud Pontificem non ad eò procul absente, vt inuocari non posset, se inuicem falsis criminationibus apud sæculi potestates deferebant. Id etiam si Albertus Religioni dedecori esse, & auctoritati suæ non parum derogare cognosceret; pro sua tamen moderatione, non alia pœna tunc plexit, quàm quod paternæ monitionis epistolam, ad S. Antonij Conuentum dederit, in qua audita deplorat, queritur, & ad meliora hortatur; reliquum remedium præfenti sibi, tunc futuro causæ cognitori, reseruans. Interea iustitiam in malo perseueraturis minatus: ijs verò qui reser-

resipiscerent, & pacem, charitatemque colerent, clementiam, & gratiam.

Vltimis autem diebus, eiusdem mensis Augusti, quo ita Florentiæ scripsit Patauium peruenit, & reprobè cognita, reperit remedii difficultatem in temporalium Dominorum potentia sitam esse, qui rex partis patrociniū susceperunt, atque adeo acerbiora bella sibi cum illis assumenda fore, si falsos Fratrum suorum accusatores, qui totam Prouinciam turbabant, vel leuiter punire, vel vt morbidum pecus ab innocuarum ouium sano grege segregare tentaret. Qua propter per literas die prima Septembris Paduæ datas, Eugenium Pontificem totius rei certiore reddidit, vt Apostolicæ potestatis suæ opem adferret, simul suggerens prudentem modum, quo id suauiter fieri posse videbatur.

Ad vltimum diem sequentis Ianuarii, Philippus Maria Mediolani Dux, & Borfius Estensis Ferrariæ Princeps pari, & simultanea instantia Albertum rogarunt, vt Bernardinum Senensem ad suam cuiusque Ciuitatem sacro sermone, per imminentis tūm Quadragesimæ tempus crudientiam mitteret. At ille quod postulabant ad eò dextrè vtrique pro ipsorum reuerentia, concessit, vt Bernardinum à neutro petendum persuasisset, si rationes ipsius consulere vellent: nam sanctum virum Patauinis, etiam ipsius Vicarii Generalis Iponfione, pro publica concione facta, iam obligatum esse, nec temporis angustiam concedere, vt alium in eius locum Paduam vocaret, cum omnes ordinis per Italiam concionatores, certis pariter ciuitatibus obstricti fuissent. Sed quod amplius erat, Bernardinum sibi Paduæ pro comitorum Genera-

lium ordinis rebus disponendis summe necessarium fuisse, nec in tota Italia suppetere, qui ipsius in ea re partes agere posset, in hunc sensum reuerentem epistolam ad Philippum dedit, eiusque exemplum cum adiuncta breuiore, ad Borfium misit, quo vtrique Principi satisfactum fuit.

Ex illis interea Prouinciæ turbulentibus, aut alibi insolens quispiam, quem Beatus Pater, vel pornarum freno, ad frugem reducendum censebat, duos Ecclesiarum Præsules interpellauit, Alberti amicos, & apud Eugenium Pontificem potentes, Christophorum Garetonum Episcopum Coronensem, & Christophorum à S. Marcello Episcopum Ariminensem. Sed quoniam Coronensis extorquere magis, quam exorare gratiam, aut non iustam causam velle visus est Albertus iudicii sui æquitatem ex aduerso fortiter, etsi etiam pro Præsulis reuerentia suauiter tutatus est; seque in ea causa nihil egisse quod non consulisset ratio, non probassent testes, non iussissent leges, & satisfecisse se vtrique Præsuli existimasset, quod hominem magno supplicio plectendum, omni poena subtraxisset, nec non vt cum eandem regionem iterum dimisisset, vbi eius flagitia ad ordinis ignominiam nota fuerant. Ariminensi verò, qui religiosius partem suam egerat, scribens sic incipit. *Modestia literarum tuarum, Venerande Christi Antistes, qua me grauiter, vt te decet, & sine ulla culpa iactantia, immò cum merito pietatis orasti, vt Fratri N. quantum pateretur iussit, miserer. Hoc sane meretur, hoc exigit, & pene extorquet, vt si fieri potest, maiore tibi modestia respondeatur, quam à me flagitaueris, deinde iudicii sui,*  
maic-

maiores misericordiam, quam iustitiæ rigorem, & hominis probatam indignitatem exponit. Rem denique totam, considerata causa, pro ipsius p̄i Præfulis arbitrio, se acturum promittit, nec aliud lucratus est reus, quam ut quos prius pios intercessores falsis informationibus ascuerat, iustos deinde desertores probarit.

Per primi hominis lapsum, & superbi Sathanæ malitiam, id vitii humanæ naturæ inditum est, ut soleant qui culpa sua cadunt, ne iuste incusati videantur declinare cor suum in verba malitiæ, ad excusandas excusationes in peccatis. Mulier, quam dedisti mihi, serpens decepit me. Qui causa in iudicio decidit, vel à iudice se satis auditum non fuisse, vel actores suos non rectè rationes deduxisse contendit. Miles transfuga de illis, quos deserit ea hostibus refert, quæ fugam suam honestare, iisque gratam reddere possint. Catholicæ fidei & Religiosorum ordinum Apostatis antiquum est, ea Ecclesiæ, & ordinibus errores, & vitia vel omnino affingere, vel malignis coloribus ita depingere, ut eorum odio, & veritatis, veræque religionis zelo, se ad iustam fugam coactos esse persuadeant.

Erant tum inter eos Alberti subditos, de quibus agebatur, varia hominum genera: multi boni, doctique; nonnulli mali, & indocti: quorum omnium virtutes, & vitia in sex classes per ordinem distinguit, ut qui se erga vnamquamque gereret, intelligeretur. Ac postremo loco quorundam Magistrorum, qui sanæ doctrinæ penitus ignari, nec vita laudabiles bonos contemnebant, malis malo exemplo præcellabant, & spernentes maiorum scita, nec Deum, nec homines vereri videbantur. Ex his vnus

qui honores superbè nimium ambiens, quod ab ipso Generali Prælate non potuit, quia indignus erat, vllis artibus extorquere, ad gentes se transferens à Schismaticis se facile obtinuisse gloriatus est. Hunc ille neque carceribus, ut pro tanti errati merito iuste poterat, nec regulari vlla disciplina plectendum affixit, sed eum solummodo non sua sponte, sed Eugenij Pontificis mandato, gradu malè acquisito priuauit, & abiicit magisterio. Ille vero, vel alij vitio suppartes ira perciti, nec aliam vindictæ viam sibi relictam videntes, viri sancti famæ detrahere conati sunt: tamquam qui quosdam ex Fratribus grauiter insectaretur, qui in ipsius electione ad ministerium Prouinciæ S: Antonij sua suffragia negarunt, & præterea magistrōs nonnullos Sacræ Theologiæ fastigium profidentes insolenter aspernaretur, atque abijceret, & gradum honoris, & dignitatis eorum nihili pendat.

Res ista ad Poggij Florentini aures peruenit, & ille veteris amicitia, & curæ memor, quam semper de Alberti fama gerebat, etiam cum in eius confodales nimium inueheretur, sed illum nominatim eximens, Albertum per S. Bernardinum monuit, ut sibi ipsi prospiceret, cum non desint, inquit, qui siue à tergo, siue palam eum mordeant. Albertus ergo & internæ suæ innocentia, & externæ famæ diligentissimus custos, Poggio per literas gratias primum agens, atque in ipsius persona reliquos doctè simul instruens, qui se cum amicorum, bonorumque virorum obtrectatoribus gerere debeant; duo illa deinde obloquij capita ita diluit, ut non solum falsissima esse, quin potius aduersa verissima, certissimaque demonstrasset,

set, vt ex eius ad Poggium epistola clare liquet .

Inter illa Scipio Mainentius , Episcopus Mutinensis , vir virtute , & literis excultus , & Eugenio Pontifici charus , Albertoque amicissimus , eum rogauit , tanquam eius honestandi cupidus , vellet sibi arcana sua vt amico , fidenter pandere , quæ humanam tentationem vocauit , & ambitum alicuius dignitatis intelligi voluit . Id neglexit Albertus ; at Scipio secundis literis Albertum arguere visus est , quasi sibi sincerissimo amico diffideret ; Albertus autem , vt virum religiosissimum , & status suæ humilitatis tenacem , ac minime ambiciosum decebat , rescripsit per epistolam , quam de ambitu dignitatis prænotauit , in eam enim doctè , breuiterque per sanctorum patrum autoritatem , & exempla demonstrat , dignitates nulli tam ambiendas , quam timendas , & fugiendas esse , nec se illas ambire : se quippe , vt illos , non credere , curam regiminis absque animæ periculo geri posse , præsertim cum ab ambitione veniret ; sibi verò nullam causam potiore esse , quam animæ , atque adeò se in priori deliberatione persistere , vt omnino velit , nihil de hac re , vel suo , vel alieno studio sibi quæri , aut sollicitari quibus nos in eiusdem epistolæ notis , pauca quædam , sed notatu digna exempla Sanctorum , doctrinasque subiunximus . Nec ipsum Albertum in vtriusque infimum , aut minus clarum censemus , tum doctrina in ipsius epistolis passim constanti , tum exemplis reluctandi dignitatibus , quas intra ordinem consecutus est , vel consequi poterat .

Atque in adepto vtroque munere Ministri Prouincialis , & Vicarij Generalis totius ordinis ita se gessit , vt

nemo bonus , de ipso conquestus fuerit . Nam illum vnum , non plures , qui initio electionis eius , in Ministrum Prouinciæ suffragium negauit , sed mox in sententiam reliquorum ocus spontèque conuolauit , præ cæteris omnibus , illi amicior fuit , non ( inquit ad Poggium scribens Albertus ) qui fauentibus assensus est , plus delectat ( ita me Christus iuuet ) plus illum diligere , qui dissensit , nam is est , qui cum mihi locum , mea humilitate dignissimum , hoc est Christianæ humilitatis , quantum in ipso fuit , diligentius procurauit , merito vitam omnem , ac meam salutem inter variarum discrimina fluctuantem , tutissimo portu religiosæ subiectionis locasse putandus est .

Reliqui verò , vani huius mei honoris tamquam leuissimæ nebulæ , perniciousiter transeuntis ( quamuis illorum tantæ in me beneuolentiæ , quæ putatur , ingratus esse non debeam ) non me tamen ita afficiunt , non me trahunt , non capiunt ad sese , cum illi quidem , etsi me incerta quadam gloriola honorant , certo pene periculo , vnde & magnorum plurimos corruisse comperimus , pendula salute , me locant . Malos autem tanta moderatione , & clementia regebat , vt indignum illum , & à Schismaticis graduatum , non alia pœna plecteret , quam vt eum , idque iussu Pontificis gradu Schismaticè obtento deponeret , nec , vt ante diximus , ipso sigillo ordinis , toto illo Vicariatus generalis annuo tempore , pro sua modestia , & fuga fastus , vsus est , imo ordinem sanctissimè , & prudentissimè rexit , vt illius temporis monumenta testantur .

## C A P. XVII.

*Quid egerit in Comitijis Patauinis  
Ordinis: quidue Pontifex  
inde statuerit.*

**A**Duenit tandem tempus celebrandi ordinis comitia, per Eugenium Pontificem indicta ad nouum Generalem Ministrum defuncti ante annum Guillelmi Casalenſis loco eligendum, quando ex vniuerſa Religione Paduam conuenerant, in vnum locum, ſed non in vnam ſententiam Fratres obſeruantes, & conuentuales, bis mille, quibus B. Albertus pro ſuo munere, neceſſaria omnia abundanter prouidit. Ventum denique ad rem, vt fieri ſolet, præmiſſis quæ ordinis iura decernunt in ipſa vigilia Pentecoſtes, anno 1443. & Albertus, vt erat illius Prouinciz Miniſter, in qua Capitulum celebrabatur, ac totius ordinis Vicarius Generalis, & Capituli Prouiſor, ac Præſes ab Eugenio Pontifice ſpecialiter delegatus, ad confidentes Patres in plenis comitijs, Latino ſermone, ac pro pondere cauſæ morali, ac laconico magis quam culto, & Rhetoricis pigmentis vago grauiter, & piè perorauit, & hortatus eſt, vt virum integrum, & neceſſarijs partibus, quas ſigillatim expoſuit, inſignem ad communem vtilitatem Fratrum, iuxta Franciſcanæ Regulæ præſcriptum eligerent, ſeruatis, quæ ad id neceſſaria ſunt, pace, veritate, charitate, idque non coactè, nec ſiniſtra vlla intentione, ſed ſpontanea conſcientia ad ordinis decus, neceſſariam conſeruationem, & vbi opus eſ-

ſet, reſtaurationem, ad gloriam Dei, & Sanctorum, quos per litaniam, quandam inuocat, ipſius Matris Eccleſiæ, & Eugenii Pontificis lætitiæ, & ſatiſfactionem. Obſeruantes, pro promouenda reformatione Albertum ipſum cupiebant Miniſtrum Generalem, nec pauci conuentuales in ipſum proni erant, eum ſatis ipſis innotuiſſet Apoſtolicum breue, quo Eugenius ſe id ipſum cupere, clarè manifeſtauit.

Sed quoniam in rebus humanis, quæ præſertim à mixta multitudine dependent, eadem ipſa, quæ natura ſua, prodeſſe deberent, inordinato abuſu, non raro nocent. Claiſis maiorum quorundam cum B. Alberti perſonæ, & dignitati nihil palam obijeere poſſent rem ſuam tumultu, & ſeditionibus agendam cenſuerunt. Tales igitur turbas concitauerunt, quibus orbem offendiſſent, ſi ipſius B. Alberti conſuetudo modeſtiæ, & contemptus dignitatis, ac S. Bernardini Senenſis præclara ſanctimonia, prudentia, & odium turbarum, non attuliſſent remedium. Etenim ambo in quemcumque vnum idoneum, vltro conſenſerunt. Inter has turbas, electus eſt Antonius Ruſconius Nouocomenſis Sacræ Theologiæ Magiſter Conuentalis, vir alioquin Maiorum ſanguine, & propria doctrina, alijsque dotibus clarus, cuius nobilis familia Franciſcano ordini ſemper addita fuit. Is Albertum etſi renitentem, in Prouinciz S. Antonij adminiſtratione illicò confirmauit.

Eugenius interea Romam reuertens, moram Senis trahebat, quo ad eum conuenerant, vtriuſque cœtus præcipui Patres, actorum rationes reddituri, ſed delata electio cum Alberti

berti exclusione ad eodē displicuit Pontifici, vt electum gradu deposuisset, nisi, vt antiqua monumenta produunt, Alberto ipso suadente, timeret Philippum Mariam Mediolani Ducem, sibi nuper conciliatum, non equi consulturum, vt ipsi subditus, vir doctrina, & sanguine clarus, à consodalibus dignitate donatus, non sine famæ iactura detruderetur.

Eugenius his rationibus persuasus, Antonium in Ministri Generalis officio confirmavit. At vt obseruantum statum securiorem redderet, parum admodum potestatis in eos ipsi reliquit, nam consultis Cardinalibus quibusdam, ipsiusque ordinis Conuentualium præcipuis Magistris, & Prouinciarum Ministris consentientibus iniunxit, vt citra montes Ioannem Capistranensem, & vltra Ioannem Maubertum Generales Fratrum Obseruantum, & Clarissarum ipsis adhærentium Vicarios institueret, concessa omni plenitudine potestatis, quæ sibi ipsi Generali Ministro alioquin competeret, atque inter alia, vt Fratres Conuentuales, ad obseruantiam se transferre, & regulariter viuere, veraciter cupientes, de Prouincialium Ministrorum licentia recipere possent, & propria comitia tam Generalia, quàm Prouincialia, cum opportunum videretur, celebrarent, cum aliqua tamen dependentia ab ipsis Generalibus, & Prouincialibus, respectiue ipsorum Conuentualium Ministris. Et hanc institutionem, & auctoritatem, vtriusque Vicarij Eugenius Pontifex diplomate suo, insertis Generalis Ministri patentibus literis, motu proprio, & ex certa scientia approbavit, eandemque auctoritatem deinceps tam constanter sustinuit, vt Obseruantes in ea profi-

ciendo persistenter, donec postea per Leonem X. in eo statu regiminis, tam ipsi, quam Conuentuales, postea constituti fuerunt, in quo hodie, magna vtrorumque quiete, & charitate perseuerant.

## C A P. XVIII.

*Quid post res Comitiorum Senis compositas fecerit Albertus.*

**I**N illo congressu Senensi, memor sociorum, qui ab ipso ad Aethiopes, Indosque destinati, à Saracenis captiui tenebantur, de ipsorum redemptione oretenus egit cum Eugenio Pontifice, significauitque superesse sumptibus Capituli Generalis Patauini aureos nummos quingentos, qui, si ita Pontifici placeret, in eorum litrum impendi possent. Annuit Eugenius, addita maiore summa, quantum necesse foret. Albertus ergo die 4. Iulij literis scriptis ad Ioannem Martinum Venetum, illum quem diximus Terræ Sanctæ Procuratorem, seu Syndicum Apostolicum constitutum fuisse, qui tunc fortè in Cypro, vel alio Orientis loco degebat, narrat Pontificis in ea causa prouisionem, eiusque Decreto venerandum Presbyterum Ioannem de Morostica, crastina diei illius qua ipse scripsit, Senis Venetias abire, Aloysio, Ioannis Martini fratri pecunias delaturum. *Ac tu vero, inquit, studium, & diligentiam adhibe, vt Fratres prelibati minori, quo possunt pretio redimantur, quod si per Dei prouidentiam, de carcere liberati, vel aliter iam sublati de medio reperiantur, certiores nos, & Aloysium, Sanctitatemque Domini nostri reddere procurato, vt pecunia illa in aliquod pium opus, secundum bene-*

*placitum Domini nostri, possit erogari.*

Neque verò dilectorum, sanctorumque sociorum tam negligens erat Albertus, vt de eorum redemptione, tunc primum cum Pontifice tractasset, sed anno præcedenti 1442. cum eorum captiuitas, & extremæ calamitates certò illi notæ fuissent, literas ad eum dedit Venetijs die 24. Octobris, quamuis, vt in notis aduertitur, per lapsum amanuensis anno 1443. subscriptus fuerit, cuius clausulam hic exhibemus. *Postremo loco clementiam tuæ Sanctitatis exoro, vt Fratres illos ex nostro ordine, à tua Sanctitate ad grandia fidei negotia missos, sed certa Theucrorum captiuitate interceptos, & interceptione ipsa captiuos, Beatitudo tua non astimet relinquendos. venit autem mihi in mentem Petrum illum, qui pridem profecturus erat in Græciam, pro illorum salute, qui iam diu fidei nostræ suspirant, plusquam dici à me possit, futurum idoneum, ad Fratres prædictos è manibus Theucrorum eripiendos, cum & linguam illorum infidelium probè calleat, & in eisdem Prouincijs habeat parentes captiuos, tantum illi adsit, idonea facultas pecuniarum, quæ nec multas oportere esse existimo, cum magis ingenio, & astu quodam diuinæ prudentiæ quam magno ære captiuos illos arbitrer liberandos. Dominus te tueatur Omnipotens, B.P. ex Venetijs 24. Octobris 1443.*

At cum tunc nihil actum fuisset, vel quod pecunia parata non esset, vel ob aliam causam, Albertus iterum Senis Pontifici præfens, & pecuniam illam promptam esse sciens, satis opportunè captiuorum causam

expofuit, & rem, vt iam dictum est; facile obtinuit. Nam Ioannes Martinus negotium tam solerter egit, vt in captiuorum litrum expensis tantummodo quadringentis aureis, fratres ipsos saluos, & incolumes, in Italiam remiserit præter vnum, qui per captiuitatis ærumnas, in carcere extinctus inter sociorum manus, purissimum spiritum Christo Redemptori reddidit. Erant autem alij superflites, B. Thomas Florentinus, vir sanctissimus, & plurimis miraculis in vita, & post obitum clarissimus, cuius vitam virtutibus etiam admirandam descripsit Vvaddingus tom. 5. ad annum 1447. aliisque eius socii duo, qui tres sani, & salui Romam appulsi sunt, maiori Pontificis, aliorumque quam ipsorum lætitia, qui nimirum amarè lugebant præceptam sibi coronam martyrij, pro qua tanto tempore inter diros cruciatus, ærumnasque, quas Vvaddingus eo loco refert, constantissimè decertarunt,

Inter hæc imperium Græcorum, & Hungariæ, Cyprique regna Saraceni, tum formidabili potentia, & simultaneo impetu effusis agminibus impetebant, quibus occurrendum censuit Eugenius Pontifex, & conuocatis Christianorum Principum auxilijs, magnas ipse copias terrestres, maritimasque comparabat, quibus in facrum bellum comgregandis, parandisque stipendijs, viros graues ad præcipuas Europæ partes misit. Atque hos inter Albertum absolutis comitijs ordinis, Vicarij Generalis officio perfunctum, & Iacobum Picenum, Nuntios suos, ad Prouinciam, totumque Patriarchatum Aquileiensem, in idipsum opus amandauit: vbi inter alias copias, in mari Adriatico, & alte-

alteras in Hungaria medijs, vtrisque præsto essent, dato amplissimo priuilegiorum, & facultatum diplomate, Quinto Kalend. Iunij, deinde sub anni finem Alberto in mandatis dedit, vt Fratri Iacobo Primaditio, quem nuper Constantinopolim, amandauit in illius imperialis Urbis, & altero Caffæ cœnobijs reformandis, auxilia necessaria contribueret.

In illis literis, quibus captiuorum Fratrum Redemptionem Pontifici commendauit, ab Alberto Dulcetto voce, & frequentibus literis flagitatus, rogauit Eugenium, vt Conuentui Ferrariensi S. Dominici ad arctiorem disciplinam redigendo prouideret, & Ciuitatem Atisij, Seraphici Patris Francisci matrem, & ordini ad dictissimam Pontifici enixè commendauit, vt eam liberaret, ab aliquo periculo, in quo tùm constituta ferebatur. Inaudiens etiam quosdam apud Pontificem instare, vt literas Apostolicas, quas iam vulgato nomine mare magnum appellamus ab ordine nostro profus aboleat, quod ne fiat grauibus argumentis, per aliam epistolam, eodem die Venetijs datam, suadet, & humillimè rogat. In ea Prouincia Veneta etiam anno sequenti mansisse Albertum, reperio in literis die 7. Aprilis Paduz ad Pontificem scriptis, in quibus Tusciz Ministrum, studiosum regularis obseruantiz fautorem, eidem Pontifici seridè commendat. In fine tamen anni, vel initio sequentis 1444. ad Insubres migrasse monstrant epistolæ, quas ad Thomasmum Bibium Cypri Regis medicum scripsit, Mediolano 3. Id. Februarii, & 20. die Maii, alizque ad alios.

Nullum officium religionis, nulla Pontificiz iussionis imposta negotia

B. Virum à diuini verbi prædicatione ferè, vt diximus quotidiana, detinere potuerunt, in quo munere cum Insu-briæ agrum hoc tempore percurreret Albertus, restitutis viribus post diuturnum languorem, qui cum integro anno afflixit, per quem ei præ valetudine vix viuere licuit, sub anni 1444. finem, Brixiam profectus est, quo ante octo circiter annos, prius à Francisco Barbaro, illius Urbis tunc præside venire rogatus est, vt ciues periculosa simulate inuicem dissidentes ad pacem, & concordiam per Evangelica documenta reuocaret. Cumq; per eas, quas diximus, occupationes accedere non potuisset, nunc rem tam fœliciter exegit, vt prius in se mutuo feros, in eum animum diuinitus induxerit, vt maiores ciuitatis, & natu, & autoritate omnes, præter perpaucos reprobos, cum Fratribus conciliari vehementer expeterent. Sed ne ipsa paucorum malitia in alios aliquando diffunderetur effecit, vt pacta pacis in publicas tabulas redigerentur, easque misit ipse Albertus ad Barbarum, tunc Venetijs agentem, vt Veneti Senatus consulto perpetuæ legis robore inuiolabiles fierent, scripta ad ipsum epistola 5. Idus Ianuarii anni 1446. ex qua hæc nobis innotuerunt.

Nec pacem tantum, sed & pœnitentiam, & vitæ sanctioris desiderium ciuibus inculcauit, vt inter alia virgines, & viduæ supra quinquaginta nobiles, & graues decreuerint, terrenis facultatibus, & illecebris abdicatis, sub S. Claræ regula, in perpetua clausura viuere. Senatus Brixienfis pio operi incundo adiudicauit Hospitale pauperum S. Mariæ de Serpente; scripsitque Albertus ad Eugenium Pontificem, & ad Flauium Blondum

amicum suum, Eugenio à secretis, vt non solum Hospitalē, sed vicinam domum, & facellum S. Crucis, & alix quædam Cluniacensium, & humiliorum regularium bona Pontificio diplomate, in eundem vsum concederentur. Annuit Pontifex diplomate dato, modo legitimi possessores consentirent. Adcòque creuit illius instituti apud Brixianos veneratio, & amplexantium multitudo, vt secundum eius monasterium illis capiendis, anno proximè sequenti fundare oportuerit.

Albertus deinceps, quamquam sexagenario maior, eodem tamen animi vigore, & seruore zeli salutis populorum, eadem austeritate vitæ, eodemque in finem seruandi rigore, & insatigabili laborum tolerantia, & constantia propositi, per Lombardiam vniuersam discurrendo, nunc Mediolani, nunc Bergami, nunc Cumis, nunc Buisis, & subinde alibi prædicabat, & magistri sui S. Bernardini exemplum sectando gloriosissimi Nominis Iesu venerationem, & cultum, Pontificijs oraculis iam tum approbatum feruenter populis inculcabat. Hortabatur quoque, vbi idoneum videretur, vt publicæ domus hospitales pro pauperibus infirmis, senibus, & expositis pupillis erigerentur. Certè in epistola illa, in qua Eugenium Pontificem orat pro erigendo Clarissarum Brixienſis cenobio, hæc etiam habet. *Hoc ipsum autem, de quo scribo, flagitant Brixienſes misſo ad te celeriter, vt aiunt, nouello nuncio, qui etiam T. S. super amplissimo Hospitali conficiendo exortent, quibus, vt de clementia tantæ Sedis postulata suffragia tribuas, supplices ego, & illi oramus, & obtestamur.* Idem sua-

dente Alberto, vt solebat, erigere statuerunt ciues fortassis loco illius Hospitalis S. Marix de Serpente, Clarissarum habitationi destinati, vt Mediolani postea tandem factum fuit, ea ratione, quam refert Paulus Morigius, de Hospitalibus Mediolanensibus, cuius ( prædicantis Alberti suadela ) fructum fuisse non ambigo, quem Ripamontius his verbis loco prius per nos indicato, describit. Hoc etiam tempus illud fuit, quo Principis ( Francisci Sfortix Mediolani Ducis ) animum mouit numen, vt sub Nosocomij, siue Hospitij nomine, publicam domum institueret, aperiretque curandis, & alendis vtriusque sexus mortalibus, quos morbus, & egestas, id petere subsidium coegissent. Namque per eos annos, cum lues, & pestilentia prius, deinde frugum, ob desertos agros, inopia vultarent, affigerentque urbem, debuit multorum adspæctus esse miserabilis, qui per compita omnia, absq; vlla humana ope, & solatio, quiritantes, aut insepulti iacerent, etiam in illa imperitantium cura, & benignitate, quæ declarata est, eam speciem idque deforme spectaculum, haud sine magno misericordix sensu insedisſe Principis animo credibile est. Inde consilium ortum aperiendi Xenodochij, vbi lares, vbi tecta destitutis, & altera quasi patria esset. Huius hodie celeberrimi Xenodochij ingentes progressus, reditus, leges, & quæ inde in vniuersam urbem, agrumque Mediolanensem, utilitates deriuantur, idem author proluxa narratione prosequitur, cuiusmodi hominum languentium, & seminecium laruarum per omnia vrbis compita discurrentium spectaculum, non poterat pium Christi præconis, B. Alberti

berti animum ad misericordiam non mouere. Et opportunum profectò ipsi fuit, cum non verbis tantùm, sed rebus ipsis, digito monstratis persuadere potuerit: quæ quamquam Francisci Sfortiæ Mediolani regnantis, temporì adscribat Ripamontius nullius religiosi suaforis facta mentione, Albertum tamen post mortem Philippi Mariæ Vicecomitis, prius illa, pro sua consuetudine persuasisse, nobis documento est, quod eius tunc in Reipublicæ formam per triennium ante Sfortiæ dominatum redacti, de opere perficiendo, deliberauerint. Tunc enim Albertum Mediolani fuisse, & miseranda illa nouæ structuræ motiua, quæ Ripamontius incerto temporis periodo, per eos annos, inquit, euenisse narrat, simul contigisse, postea referemus. At cum ipsorum Ciuium per triennium illud intestina dissidia, & partium studia, Sfortiæque Ducatum sibi vindicantis arma, rei perficiendæ obstiterent, ipse Sfortia rerum deinde positus, noui Hospitalis domus, erectiorem diu, grauiusque discussam, decretamq; inchoauit, & anno 1456. die 12. Aprilis teste Morigio, primum fundamentis lapidem iniecit, nomenque dedit magni Hospitalis, idque dedicauit Deiparæ Virgini Annuntiatæ, ac tum primum anno ab Alberti morte iam sexto Frater Michael Careanus, eiusdem Franciscani instituti, Reg. Obseru. nobilis Mediolanensis, & literis vitæque sanctimonia venerabilis, ac Blancæ Mariæ tunc Ducissæ ab arcanis confessionibus opus promouere cœpit, suoque studio, & sacris sermonibus plurimum promouit, vt fusius narrat Morigius, loco superius indicato.

## C A P. XIX.

*Quid extremis quinque annis vitæ fecerit.*

**B**Eatus Albertus deinceps, dum inter mortales vixit, vt sacris sermonibus declamandis, sic proficuis epistolis conscribendis, quæ diu per propriam, publicamue valetudinem licuit, nunquam abstinuit, anno 1445. Mediolani per epistolam accepit, à Thomasio Bibio, Iani Cypri Regis medico insulam illam à Mamaluchis Saracenis occupatam, & Regem ipsum ad Babiloniæ Sultanum, captiuum ductum fuisse, nec nisi graui tributo singulis annis in perpetuum pendendo, redemptum, indeque secutas regni calamitates, quas Albertus prædixit, 3. Idus Februarij Bibio respondens deplorat; ipsi quoq; Bibio, qui vt eas effugeret, eum familia sua in Italiam peruenit vir Dei gratulatur aduentum, & negotium, ab eo sibi commendatum, prout oportunitas ferret, se curaturum promittit. Eodem loci die 8. Aprilis, per literas ab Eugenio Pontifice petijt, vt Mediolanensis monasterij, quod de Vedano vocant, incolarum quinquaginta quinque scandalosa, dissidia ita dirimere vellet, vt ducto per cœnobium integro muro, partem eius vnã assignari statueret tredecim tantum monialibus, quæ pristinam S. Augustini regulam deserere noluerunt, alteram autem quadraginta duabus reliquis, quæ S. Claræ regulam sibi seruandam, perfectioris vitæ studio delegerunt. Causa autem dissidij fuit, quod pars neutra toto cœnobio cedere vouerit, in quo nimirum

nimirum vtraque longo tempore, & æquo iure vixerunt, dum alteri parti maior earum numerus, alteri vero antiquæ professionis possessio suffragari videretur, Alberti autem suasionis ratio fuit, quod insolens, & inconueniens esset, Moniales, non vnus vitæ, vel moris, in vna domo simul habitare, & vtrarumque voto satisfactum iri, si neutra pars amoueretur, & exorauit, cessaruntque querelæ, vt narrat Vvaddingus tom. 5. ad annum 1448. num. 42. vbi Clarissarum, deinceps numeri, & sanctimonix incrementa prosequitur.

Celebrabant tunc extra urbem Patres Prouinciæ Mediolanensis comitia sua Prouincialia, & Albertus aliqua illis communicanda contulit, cum quibusdam ex ipsis, postea verò per literas 19. Aprilis ad comitia datas, eadem cunctis commendauit, misso nuntio, qui ea suo nomine referret, vt Patres pro honore Dei, sibi postulanti satisfacerent: hortaturque, vt ipse loquitur, cum omni humilitate absens corpore, præfens spiritu, vt quæ Dei sunt, præ oculis habeant, nec eos à veritate auertat vlla tentatio, vllus error, vllus denique carnalis affectus, quo minus de bono gubernatore familiæ suæ prouideant, cuius requisitas virtutes per ordinem recenset, vt denique ipsius monita maiorem apud eos autoritatem haberent, epistolam suam his verbis à nobis alibi descriptis, claudit. *Sustinete, oro vos, modicum quid insipientiæ meæ, nec contemnatis fratrem vestrum, qui etsi, non vita sua, saltem exemplis Sanctorum Patrum nostræ religionis, potest vobis quadraginta annorum indicem texere; quadraginta enim anni sunt, quibus sum educatus cum fratre centum, & de-*

*cem annorum, per quæ nobis primi sui in ordine tyrociniij tempus, & contubernium detexit, vt nos in notis ad eam epistolam, & superius in hac eius vita deduximus.*

Hinc 20. die Maij Mediolano itidem longam epistolam, seu dissertationem ad Bibium dedit, cui titulum ipse inscripsit: *de conditione amicitie, & de malitia inuidentiæ*, de qua re, cum doctè disputat, voluit tamen hoc schemate, & à Bibio solo intelligi, & alijs occultare personis, resque per quas obstabat, quo minus negotium nuper à Bibio commendatum, perficere potuerit. Inuidiam denique, & ingratitude turpi characterismo detestatur, Bibioque solatium a propria ipsius virtute, & causæ communitate præbet. Mox in agrum insubrium egressus, vt suo more populos erudiendo circumiret, accepit literas à Paulo Romano, per quas nescio cuius monasterij Sanctarum Christi Sponsarum causam ( reformationis authumo ) ipsi commendabat, sed per epistolam Busti Artij die 30. Maij datam, se inde prudenter eximit, quod videret operam suam plus obscuram, quam profuturam negotio, propter eorum durtiem, cum quibus tractandum foret, & qui tam honestæ rei pertinacius aduersabantur, in quos, nec ipse autoritatem tunc habebat, nec illi in eum fiduciam, quod suarum partium cum esse non existimarent.

Dum adhuc per oppida, & pagos Albertus prædicando discurreret, ad aliquem locum non insignem (Vvaddingo Falmentam) venit, vbi Antonius Raudensis, seu Raudinus, ex nostris Conuentalibus S. Theologix Magister, & ampla cruditione apud suos eo tempore clarus, Albertoque

amicus, natus est, vbi Albertus ipse tunc humaniter susceptus. Hic ad multum populum, ex agris, oppidisque vicinis, concurrentem concionatus est; cum à prandio inter colloquentes aduenas Antonij mentio facta fuit, & vt ludere libuit, quisquam faceret nomen eius irrisit, quod cum esset vir spectabilis, à tam despicibili loco personæ appellationem sumpisset. Inde Albertus pro Antonio stetit, & argumentum sumpsit epistolæ, pridie Kal. Iulij Galaratæ ad eum scriptæ, in qua eruditè disserit, nihil nocere ad virtutem, humili loco nasci; parua quippe loca à magnis virtute viris, gloriam; vrbes ex aduerso cœteroque insignes à ciuibus vitio famosis, etiam sanguine nobilibus ignominiam non raro deriuasse, quæ ratione, & exemplis profectitur, literis ergo, & virtuti insudandum suadet, quibus & inter mortales temporaria, & in superna ciuitate gloria remanet sempiterna.

Posteaquam B. Albertus hoc anno Mediolani, Cumis, seu Nouicomis, ac repertis in medio oppidis gratiam verbi Dei seminavit, Bergamum sexto, vel septimo Octobris appulit, ac epistolam ibi sequenti die ad Mathæum Bizarrum Vicentinum, in Creta degentem, dedit, zeli Euangelicæ paupertatis, contemptus pecuniæ, Christianæ charitatis, & compassionis flammis micantem. Petijt ab eo Bizarrus Hieronymi scripta in Ruffinum, & vt erat ipse olim in Creta vetus benefactor, misit illi per Andream quemdam aliquas pecunias, & postea per Cancellarium, vt eum vocat, aureos nummos duodecim, quibus Hieronymi descriptoribus satisfaceret, prior se pecunias misisse dicebat, posterior aureos non

reddidit Alberto. Nihil ab alterutro datum est. At Bizarro rescribens, non solum repudiavit vtramque pecuniam. *Nam illas, inquit, nulla ratione recipiam, scriptoribus autem diuinitate propitia non deerit ratio prouidendi, sed etiam pro Andrea orauit Mathæum; verumtamen, inquit, te oro uebementer pro mutua nostra beneuolentia, ne illi pro hac causa aliquid molestiæ machineris: ingens enim forsitan illum inopia compulit, creditas sibi pecunias auferre, et rubor verecundia exterruit confiteri.* De Cancellario autem hæc: *sed unum est, quod apertè profiteor, longè abesse à corde, et meo instituto, vt te velim perpeti damna. Itaque ab illo repete pecunias tuas, quoniam illas nulla ratione recipiam.* Hieronymi ad te scripta in dementem illum Ruffinum gratis, et sine argento, vel auro, aliquando transmittam. Eodem die, & loco scripsit ad Fratrem Ioannem Pratensem, hominem vt innuit epistola, debilis, & infirmi capitis, qui Albertum sequi cupiebat, & concionantis pedibus assidere. Sed vir Beatus, & prudens eum humanissimè monet, & suauissima epistola à concepta præensione auertit.

Bergamo Brixiam profectus à Petro Veronense rogatus est, vt concionatorem quempiam, hoc munere pro sua culpa priuatum, restitui curaret, cui Veronensis etiam de sanctimonia vitæ, quam tunc agebat, testimonium insigne præbuit.

At Albertus honorem religionis, & Apostolici muneris dignitatem zelatus, ob graues, iustasque causas, quas in epistola Pridie Kal. Nouemb. data profert, rem postulatam tam celeriter fieri non oportere demonstrat, donec verè pœnitentis emendatio,

longiorque sustinentia, ijs omnibus constarent, quibus ante actæ vitæ ignominia palam fuit. Interea temerarium hominis auctum sugillat, qui cum scelerum pœnas diuturniores luere debuisset, præsumat, quod absurdum est, vt diu turpiter acta vita fastigio tanti ministerij honoretur, quo & Apostoli, & Apostolici viri insigniter claruerunt.

Alias habeo epistolas duas, ab Alberto hoc anno scriptas, sed absque mensis, vel diei datarum indicio, altera quod locum attinet, Cumas; altera Bergamum præfert, & credo scriptas, quando Mediolano, Cumis, Bergamo Brixiam pergeret; Cumis enim respondet Bergamensi Episcopo roganti, vt ad populum suum erudiendum accedere vellet, cui ille rescribit, id sibi in votis esse, verùm quoniam vbique passim discurrenti impedimenta plura, ex occasionibus populorum occurrebant, non potuisse statutum diem, aut tempus veniendi, Episcopo certius polliceri: sed sperare, quod in ipso erat, Bergamum celerius proficisci, nisi alia ipsi impedimenta prouenirent, & præstitisse existimo, nam alteras literas Bergamo dedit ad Episcopum Brixensem, non minori studio flagitantem, vt ad suam ciuitatem, verbo Dei erudiendam venire non graueretur, sed apud hunc, & si dolenter, se omnino excusauit, ob allatas, & literas maiorum, & causas, quas tametsi Episcopo præfens consideret, sed literis committendas non censuit; Præfulem demum rogauit, vt suæ literæ sicut nec commune consilium ciuitatis, sic nec singulos quoslibet laterent, qui Episcopi discretioni viderentur idonei.

Ardentissimo Alberti zelo, salu-

tis animarum, morumque reformationis, ac dilatandæ Catholicæ fidei, & siticentissimo desiderio martyrij, non satis fuit, omnem oram Italiæ, & magnam Asiæ partem Euangelij prædicatione compleuisse, quin, vt olim Ierofolyma scribens, ab Eugenio Pontifice petijt, vt cum liberum faceret, ad quascumque orbis partes, quamuis admodum remotissimas, siue fidelium, siue infidelium peragrandas, & ad quantumlibet barbaras nationes adcundas, & gentes extraniores conueniendas, assumptis socijs fratribus, qui vel seminandi latius verbi Dei, vel ampliandæ, confitendæque fidei, vel dilatandæ passim gloriæ Saluatoris, vel publicandi diffusius nominis Christi negotio, aut vtiles, aut idonei, aut necessarij ipsi viderentur, ita postmodum Senis ab officio Vicarij Generalis totius ordinis absolutus, ab eodem Pontifice, & B. Ioanne Capistranense Cismontanorum obseruantum tunc Præfecto, quod diu peroptauerat aliquando tandem adeptus est.

Anno igitur 1446. cum Insu-  
briam peragraret, statuit Mediolani  
3. Non. Iulij rogantibus pijs ciuibus,  
cum spe maximarum in Domino  
frugum, tertium explere annum,  
aut si Dominus affuisset, peragrata  
Aemilia, & Ianuensis paululum  
salutatis, in Siciliam, & post Pascha  
in Cataloniam, ac reliquam Hispaniam  
relicta Italia proficisci: vnde ipsi  
per testimonium, & grauium, & san-  
ctorum virorum, albescentibus  
regionibus, missio salutaris suggere-  
batur, vt ipse ad Eugenium scribens,  
loquitur, & hæc addidit: *sicut ipse  
cum tua Beatitudine apud Senas,  
expleto iam triennio, simul contuli,  
& tu hoc ipsam, cum Apostolica sa-  
pientia*

*piencia, plurimum comprobasse, tunc etiam diuina auctoritate, non parum roborasse, compertus es. Atque his similia de eadem professione scribit, etiam ad Iacobum Primaditium.*

Voluit quidem Albertus, cum Vicarij Christi, & Superiorum ordinis bona venia, & Apostolica benedictione Hispaniam omnem peragere: non tantum, vt Catholicis populis, morum sanctimoniam, & crucis Christi mortificationem, per Euangelij prædicationem instillaret, sed Mauris quoq; Mahometanis, quibus tunc scatebat Hispania, Christum daturus, aut sanguinem, vt qua prius in Aegypto fraudatus est, coronam martyrij, eam nunc secundi certaminis duplici honore intra Europam legitime reportaret. At, vt nec sanctis Dei, Antonio Patauino, nec Didaco Complutensi, nec Teresæ Virgini, sic neque hac, vel altera vice successit Alberto, vt sua desideria compleret, Deo illum reseruante, vt multos Christo lucrificeret, vt cuius non voluntas martyrio, sed voluntati martyrium defuit.

Etenim Ioannis Tauellij, Episcopi Ferrariensis, viri sanctissimi, & Leonelli Estensis, Marchionis Ferrariæ, coniunctæ preces apud Eugenium Pontificem, & Iacobum Primaditium, Fratrum Obseruantum familiaris citra montes Præfectum, in scio Alberto, exorarunt, vt ipsi per Apostolica simul, & Religionis mandata imponeretur onus, consuetos Quadragesimæ sermones anno subsequenti, ad populum Ferrariensem, declamandi, vtriusque mandati literas cum adiunctis suis, Leonellus Mediolanum, ad Albertum, nihil tale opusatum transmisit, per nun-

cium, qui eum Ferrariam saluum, conduceret. Albertus omnibus idem responsum, sed forma pro personarum varietate diuersa, rescripsit, constitutam sibi Hispanicam professionem commemorans, hanc tamen, & cætera quæuis proprii arbitrij sui, Pontificis, & regularis Prælati obedientiæ, Marchionis autem, & Episcopi in ipsum benevolentiam postponens, promisit se opportuno tempore, modò obstaculis liberum, adfuturum, Leonello quidem Quarto decimo kal. Iulias, Pontifici autem, & Primaditio 5. Non. eiusdem mensis. Eodem die Bartholomæo Rouellæ Romæ degenti, collatum nuper Episcopatum Rauennatem aggratulatus est, ampliora certò promittens, modò is, non quorundam nouorum vitam, sed veterum Episcoporum virtutes imitaretur, cum breui, & vt aiunt, remissiuâ hortatione, ad eandem, suorumque votorum, & precum oblationes. In qua re prophetafle Albertum, sequentis Rouerellæ progressus, apud Ciaconiũ, & Vghellum relati, indicare videntur.

Interea Mediolani moratus impportunis, & instantissimis precibus Monialium monasterij S. Mariæ de Cantalupo, ordinis S. Augustini coactus est, vt 2. Non. Iulij non orando ipse, sed referendo tantum, earumdem preces Pontifici exponeret. Volebant enim omnino, vt Fratrum S. Francisci Reg. Obs. cœnobij S. Angeli cura, & gubernatione regerentur in qua re, si opus foret, vt S. Claræ regulam amplecterentur, ad id se promptiores exhibebant, quam vt ad pristinam viuendi licentiam redire cogentur, à qua illas olim, ad mores professioni ipsarum congruos, Deo gratos, & mundo exemplares,

reduxit S. Bernardinus Senensis. Quid porro actum fuerit narrat Vvadingus tom. 5. Annalium. Non escfabant Brixiani per literas, & nuncios Beatum Virum, ad ciuitatem suam plenius instruendam, ciuilesq; dissensiones exterminandas instantissimè sollicitare, cumque per literas ante indicatas, Episcopo, & consilio ciuitatis se satis excusasse videretur, adfuit kal. Augusti nuncius cum literis populi Brixienfis nomine porrigendis: quibus eo die Mediolani respondit ille: reticere se propria argumenta, quæ nondum sublata videbantur, at nunc noua etiam pericula nata esse, maioris mali, quam fuerit expectatio fructus, propter quæ venire non posset, spem tamen præfert, ablatis obstaculis, aliquando veniendi Monet interea ciues, vt rem suam ità disponant, quo veniens ipse factu faciliorem inueniat, & causas dilationis accessus, quas chartæ committendas non censuit, populo tamen referendas nuncio commisit.

Inter hæc obiit in Domino die 14. Iulij venerabilis seruus Dei Ioannes Tauellius, Episcopus Ferrariensis, eique 6. Id. Augusti Romæ in Episcopatu successus est, Franciscus Ligamini Paduanus, Eugenii Pontificis Thesaurarius. Hic futuræ curæ Pastoralis suæ dimidium se habiturum ratus, si Ecclesiæ suæ regiminis initium, ab Alberti sacris monitis, & disciplina sumeret, & optimi præcessoris, Leonellique Principis proposito insistens, per literas 21. Octobris Romæ datas Albertum enixè rogauit, vt concionibus Ferrariæ per facri ieiunij ferias, proximo vere habendis omninò non deesset. Papiæ tunc agens Albertus die 17. Nouemb. Ferrariæ se tempestiuè futu-

rum promittit, dummodo noua non interuenirent impedimenta.

Hac autem occasione, vt capillata fronte hominem arripiens, Episcopum ipsum priusquam populum commonendum sentiens, refert primum admirari omnes, cum Episcopali dignitate donatum fuisse. Eum autem solatur, cui illa felicitas euenit, quod illi Ecclesiæ præfectus sit, in qua nuper in pace defunctus Sanctæ mem. Tauellius, diu laudabiliter præfuit: *qui tibi, inquit, pro aetate magister, & pro sanctitate exemplo, & pro meritis, ac factorum claritate incitamento futurus sit.* Tum exponit arduatem Episcopalis officii, ad quod assumptum Franciscum, tam feruenter hortatur, vt si Ioannis præcessoris merita, superare, quod optat, non possit, certè adæquare conetur: sic summam gloriam, vt alioquin summam verecundiam habiturus: vt his B. Alberti monitis, hortatuque comparata sit, admiranda illa vitæ Francisci mutatio, quam refert Vghellus, vbi scribit, Franciscum, & licentiosa vitæ ratione, repente Spiritus Sancti gratia, cunctis admirantibus, in virum optimum mutatum fuisse, magnæque existimationis Præsulem euasisse, atque ad eò Eugenio IV. Nicolao V. Calixto III. & Pio II. Romanis Pontificibus eximie charum fuisse.

Francisci epistolam, & responsum hoc suum Albertus eodem die, & loco, tamquam vades futuræ suæ ad illos profectiois, misit Ferriam ad Guarinum Veronensem Leonello Marchioni legenda. Quamquam autem Guarino scribens profecturum se ad illos celeriter, post festa paralia spondet, Insubria tamen non tam cito excessit. Etenim ne Brixienfis

Epi-

Episcopo; & consilio ciuitatis, per priores epistolas illudere, vel populum eo indigentem crudeliter deserere, & Christi causam negligere videretur, ad illos post festa profectus est, & firmata dissidentium ciuium concordia, eas literas ad Franciscum Barbarum scripsit, quarum ante meminimus, pro pace per Veneti Senatus decretum perpetuanda, suasque preces ad Eugenium Pontificem resumpsit, pro fundatione monasterii Clarissarum, ac, vt ante diximus, negotii accelerationem Blondo Flauio Secretario, Mathæo Cubiculario Apostolicis, & Fratri Ioanni Capistrano, tunc Romæ degenti commendauit. His per mensẽ Ianuarium actis, cuius die 21. vltimas literas Brixie dedit.

Dedit etiam ibi aliam epistolam ad Ludouicum Vincentinum, per quam castitatis cultum in eo laudat, eiusque diligentissimam custodiam pluribus suadet, & longum, doctumque, nec minus disertum commentarium ad Paulum Romanum, quo neruosè demonstrat, insolentes corripandos esse, nec obistere fraternæ correctionis ordinem, aut ficta quædam emendationis indicia, vbi charitas, aut alia necessitas exigit correptionem. Post hæc Ferrariam profectus est, vbi officio suo fungens intellexit Eugenium IV. Pontificem obiisse, & Nicolaum V. illi successisse, ergo hoc anno ab Incarnatione Domini, non à Natiuitate computando 1446. alias 47. literas, quæ apud nos ipsius vltimæ sunt, ad Nicolaum dedit Ferrariæ die 15. Martij, in quibus pro Sedis Apostolicæ reuerentia, cui ipse diu, & bene inseruiit mortem amarè luget, Nicolao autem omnem scelicitatem, & Apostolicas vires, ad su-

stinenda supremæ dignitatis onera precatur, suaque obsequia, sicut Eugenio fideliter præstitit, sic Nicolai nutibus humiliter, ac deuotè submittit.

## C A P. X X.

*B. Alberti Sarbrianensis gloriosus obitus.*

**H**OC nobis anno 1447. à natiuitate Domini, Alberto autem ab incarnatione 1446 vsque ad festum Annunciationis obiit Eugenius Pontifex die 23. Februarij, & successus est illi, non minoris virtutis vir, Nicolaus V. die 6. Martij, obiit etiam eiusdem anni die 13. Augusti Philippus Maria ex Vicecomitum domo, vltimus Mediolani Dux. Hinc turbulentiſſima totius Lombardiæ conditio fuit, & Mediolanensium præsertim maximè miserabilis. Defuncto enim Principe, sine filio, vel fratre hærede, rati Mediolanenses tempus illud esse depellendæ seruitutis, quam centum tum & sexaginta quatuor annos Ducibus è Vicecomitum domo perpetuo succedentibus seruiert fortius, quam fœlicius pristinam ciuiliſ Reipublicæ formam præ vllius absoluti Principis dominatu delegere. Qua ratione se libertati restitutos fore non dubitabant. Sed quali? extra pugnis, intus timoribus, calamitatibusque captiuæ. Plebs tota hanc regiminis rationem omnino volebat, à paucis quibusdam nobilibus fota; cum reliqua nobilitas numero minor plebe Principem optabat, sed ipsa in partes discissa: quæ Alphonsum Aragoniæ Regem, tamquam hæredem à Philippo mori-

bundo dictum; quæ Carolum Aureliani Ducem, vt eiusdem Philippi ex sorore nepotem, quæ Franciscum Sfortiam, virum fortissimum, & Principe dignis dotibus præstantem, & Blancæ Mariæ Philippi filiæ conthoralem, & ab eodem adoptatum filium acclamabant. Nec defuerunt alij, præsertim Veneti, qui ad nobilissimæ Prouinciæ dominationem, seu bello, seu paciscenda pace, & ciuium assensu obtinendam anhela-  
bant.

Atque horum omnium coplæ militares, tam sociales, quam propriæ, Insurbiam vniuersam suis agminibus bellico furore, repleuerunt: & quidem Veneti, cæteris magis inuisi, ipsis penè Mediolorni mœnibus incubabant. Solus Sfortia, & Philippi affinitate ductus, pro illa aduersus reliquos omnes fortiter, fœliciterque dimicare primum visus est. At ipse quoque, & si specietenus ciuium Senatui, sed reuera sibi mox regnatura, & urbem, & Prouinciam integram conseruare studebat, & reliquas conquirere ciuitates, quæ ante Philippo parebant. Sed harum præcipuæ, Mediolorni exemplo, nec ipsi Mediolorni, reliquarum prius Principi, nec vllius viri Principis dominatui, subesse volentes, absolutæ Reipublicæ libertatem sibi statuerunt. Cum tamen hæc ipsis Mediolornensibus ad eò malè successerit, vt per eam coacti sint, primis Magistratibus præficere mecanicos opifices, aliosque vilissimos homines, nec virtute, nec ingenio, nec rerum agendarum vsu potentes aut futura prospicere, aut præsentia ritè disponere: atque ad eò Reipublicæ gerendæ ineptissimos, sed solo populari furore fretos. Inde illa agrorum desolatio, & reliquæ cala-

mitates, quas ex Ripamontio superius descripsimus, præsertim in vrbe, agroque Mediolornensi, acerbissima caritas annonæ, quam Bernardinus Corius, his verbis, sed patrio idiomate describit.

Aduenit iam dies vigesimus mensis, & Mediolornenses extrema fame, vsque ad eò oppressi fuerunt, vt eam vlterius tolerare non possent, & pauperes plurimi erant, qui pro depellenda fame, non tantum equos, & asinos, sed catos quoque, & canes, ac talpas, seu sorices, aliasque res multas, quas natura hominum abhorret, in delitijs habebant. Ac proinde in publico foro Broleti, vt suauissimi cibi prostabant: nec non, vt & radices absque condimento comederent, contentiones, ac tumultus, nonnunquam concitati fuerunt. Nemo non locuples gustabat vinum, eaque necessitate constricti plures, annosi, & morbidi, per vias, plateasue peribant. Vnde omnia passim planctu, stridore, lamentis plena, nec tamen de alia re loqui licebat, quam de conseruanda illa phantastica libertate. Propterea plurima plebs, quæ hostium discretionis potius, quam inediæ se committere malebat, cum vxoribus, & liberis ex vrbe in agros abibant, vitamque miseriam in campis tolerabant. Multi etiam consensu Magistratus, ad vicina castella fugiebant, si forsitan incolæ misericordia moti, illos admittere vellent. Sed Franciscus urbem tunc ad deditiorem constringens, quamquam summo dolore suo, bellici tamen iuris necessitate, & ciuium obstinatione adductus, præcepit, vt nemo illis succurreret, sed omnes in urbem repellerentur, quo factum, vt multi se in locis desertis absconderent, & fugientibus viris, ne capti

capti tenerentur , eorum vxores , à maritis derelictæ cum infantibus à pectore pendentibus , & mauiſculis puellis vagabundæ per agros incederent , vbi aliud alimentum non reperiebant , quam herbas , radices , & aquam . Multæ virgines , & matrimonio coniunctæ , vt viuere poſſent , feſe cibum porrigent cuique proſtiterunt . Ità Coriuſ .

Iacobus Bergomenſis in ſupplemento chronicorum ad annum 1448 hæc addit . Solis defectio hoc anno 4. Kal. Septemb. hora ſexta facta eſt , quo anno maxima , & cruentiſſima bella multis in locis ſurrexerunt : in Anglia enim , & in Gallia , Germania , Flandria , Prussia , Pannonia , Apulia , & vniuerſa Italia , & Græcia , cædes , rapinæ , direptiones , incendia , vaſtationes , & infinita propè mala , & damna ſubſecuta ſunt , ſequenti deinde biennio tanta vbique fuit peſtis , vt de multis pauci remaſerint , maximè Mediolani anno 1450. vbi ad ſexaginta millia vrbane multitudinis extincta ſunt , & per agrum Mediolanenſem fœda ſtrage graſſata eſt . Quod quidem malum , præter penuriam magnam , etiam ſuperior Solis defectio , & frequentes terræmotus indicauerunt .

Tunc Albertus noſter munere ſuo Ferrariæ laudabiliter functus , incipientibus hiſ malis compaſſus , omiſſa hiſpanica profectione , Mediolanum profectus eſt , ibique per fatale hoc triennium circiter , ad mortem ſuam vſque non deſtitit per ſacros ſermones publicos , priuatoſque omni charitatis opere , & remedia malis afferre , quæ poterat : nunc prouidere pauperibus ægris , & derelictis orphanis , ex campeſtri illa errabunda venere natis , nunc populum , proceſſusque vrbis

monere , vt eiufmodi flagellorum Dei cauſas , & irritamenta vindictæ , & iuſtæ iræ Dei , peccata è medio tollerent , ac poenitentia delerent : vtq; holocauſtum Deo pro tot egenorum ſtragis peccato pecunias ſuas deuouerent , vtque duraturum ſacrificium erigerent , quo ruina vtcumque reparari poſſet , domum illam hoſpitalem , de qua ante diximus . Arbitror etiam ipſum , hac occasione ſermones illos , coram Franciſco Mediolani Duce habuiſſe , quos conciliares eius iniqui conſuluiſſe diximus . Nec enim citius poterat , nec ſerius . Franciſcus namque non ante initium anni 1450 rerum ſua fortitudine , & prudentia potitus , die 26. Februarij ſummo nobilium , populique plauſu in urbem admiſſus , & Mediolani Dux acclamatus eſt . Albertus autem ſexto poſt meſe , mortalem hanc vitam cum Beata æternitate commutauit .

Virtutum enim , & laborum præmia recepturus anno redemptionis humane 1450. & ætatis ſuz ſexageſimo ſexto , quo ſacrum Iubilæum celebrabat Romæ Nicolaus V. Pontifex , & Bernardinum Senenſem , Alberti religione Patrem , & in ſacris rebus magiſtrum in Sanctorum cathologum ſolemni ritu retulit .

Die vero 15. menſis Auguſti , in die ſacerrimo , quod eodem olim Deipara Virgo Maria , Domina noſtra , corpore , & anima in Cœlum aſſumpta credatur , & ea ſolemmitate celebretur , Alberti ipſius anima , mortali corpore exuta , cœleſti triumpho , ad Sanctorum ſocietatem , & beatam vitam recto tramite , in Cœlum tranſlata eſt , è ſui ordinis cœnobio Mediolanenſi , quod S. Angeli vocant , ac tunc extra illius vrbis mœnia fuit . Huius B. Alberti in Cœlum aſſumptionis

ptionis testem nobis Deus esse voluit B. Ioannem Capistranensem, superiorum spectaculis iam dudum assuetum. Is enim procul Mediolano Biturgij, quod Burgum S. Sepulchri vulgo vocant, in Etruriæ, Vmbrizque confinio, de Dei Matris assumptæ gloria, eodem die sermonem mane ad populum habuit, post quem in communi mensa cum Fratribus prandens in ecstasim raptus est, & sensibus mox restitutus exclamare cœpit, ò me Patres! video animam cuiusdam Fratris nostri in Cœlum euolare, in speciosa vadit, in properat pulcherrima, idque fixo in Cœlum, hilari, & radiante obtutu sæpe repetebat. Inde ad orationem secedens, diuinitus doctus est, animam illam fuisse; cœlestis Euangelij tubæ, Fratris Alberti Sarrhianensis, tunc sarcina corporis exolutam, idque ad Fratres reuerfus reuelauit: mortuus est, inquit, Frater noster Albertus Sarrhianensis. Quod ita contigisse, postea comperitum est, & præsentis tunc socij Ioannis, alijque eius, & Alberti vitæ scriptores, literis consignarunt.

Alberti corpus in eodem cœnobio sepultum tunc fuisse, plerique scribunt, idque venerabiliter factum, Marianus Florentinus, qui tunc viuebat, affirmat. Sed quo templi, vel conuentus loco, nemo prodit, ut neque quo morbo ad mortem decubuerit. Certè sepulturæ locum notum fuisse oportuit, cum populus ad illum concurreret, & Alberti post ipsius mortem inuocatis suffragijs, necessitatum suarum remedia, per miracula reportabant, ut vitæ, & virtutum serui Dei scriptores vnà vetusti, nouique narrant, quorum ipsa verba nos postea conferemus, tamen nullum in specie miraculum proferant, ab illo patra-

tum post mortem. At post centum deinde annos hoc est 1551. templum illud S. Angeli, totumque cœnobium à Fernando Gonzaga tunc Insucriæ Rectore, sub Carolo V. Cæsare belli causa, demolita fuerunt, ne hostilibus copijs in proximam urbem commoda forent, & noua fratribus intra mœnia constructa sunt, cum eadem veteri inuocatione Sancti Angeli. Sed quamquam Vvaddingus cum alijs referat, ipsos fratres secum ad nouum monasterium transtulisse, priorum hominum, aliorumque fratrum ossa, non scitur tamen vbi vllus nunc ipsorum iaceat. At si coniecturæ hic locus sit, ego existimem, vel Alberti ipsa, cum alijs venerabilium virorum ossibus mixtim translata, & in vnum noui templi loculum, cum illis ingesta fuisse, ut nullius hodie peculiaris sepulturæ distincta memoria, post ducentos triginta, ac plures annos à morte, & à translatione, centum circiter triginta supersit: vel fortassis illum, ex illis sexaginta millibus vrbanae multitudinis eo anno Mediolani peste peremptis, vnum fuisse, atque adeo tunc in loco ab alijs separato sepultum, quem deuotus populus, absque periculo contagionis accedere posset. Sed fratres tempore migrationis, locum aperire non ausos, ac proinde B. Viri corpus, destructo conuentu ibi reliquisse, ac temporis diuturnitatem aboleuisse memoriam. Vero similis est, quod noui conuentus incolæ tradunt, omnes seruorum Dei, etiam Alberti nostri exuias, quæ in veteri cœnobio sepultæ fuerunt, ad nouum simul cum corpore B. Beatricis Rusconæ translatas esse, & circa eiusdem B. Mausoleum repositas, ibique etiamnum iacere.

Verùm dum Alberti caro, vbi-  
cumque

sumque requiescit in spe, tunc nihil occultum, quod non reuelabitur, quando mortale hoc immortalitatem, & corruptibile hoc induet incorruptionem. Plures profecto in Cælis beati sunt, quorum vel nomina nescimus, etsi in libro vitæ conscripta, quam quos nominatim colimus. Plures quorum corpora, vel in cineres redacta venti per aera rapuerunt, vel aquis absorpta piscibus pastum præbuerunt, vel aliter latent, & amissa sunt, quam quæ integra, vel non integra, cum summa veneratione seruantur, & illa olim proprijs animabus vnita, in Cælis gloriosa conspiciuntur. Nobis interea eorum, quos nouimus præclaræ virtutes, & merita ad gloriam Dei authoris, ad Beatorum virorum honorem, nostramque vtilitatem, & vniuersalis Ecclesiæ exaltationem, hæreticorum confusionem consideranda sunt, & omni, quo licet modo colenda; vt proinde pia mater Ecclesia Sanctorum omnium Beatitudini per singulos annos recolendæ certum diem constituerit, ne illis nobis, vel non certo, vel nullatenus notis, sua vel communionis Sanctorum, vel debiti cultus pars in Ecclesia militante desit, & vt nos eorum suffragia apud Deum pro nobis interesse precemur.

---

## C A P. X X I.

*Doctrina Sanctorum Patrum de duplici genere miraculorum.*

**V**T Beati Alberti Sarthianensis miracula vtriusque generis solidius exponamus, præmittenda fuit bipartita hæc miraculo-

rum differentia, in ea, quæ in corporibus, & ea, quæ in animabus curandis perpetrantur, atque vt ipsius differentiæ ratio, & alterius præ altero genere dignitas clarius elucescat, per quam ista longè maiora miracula, illa minora, communi Patrum sententia reputantur; ipsorum propria verba describenda censuimus, ne in re grauissima nostrum potius, quam ipsorum sensum exprimere videamur.

Itaque Sanctus Gregorius Homil. 29. in Euangelia, miracula illa, quæ Christus eos, qui credidissent, secutura promissit, In nomine meo dæmonia eijcient &c. cum prædicantium laboribus, & operibus pietatis, comparando, hæc ipsa opera, & miracula vocat, & alijs illis miraculis maiora esse docet, *quæ nimirum miracula, inquit, tanto maiora sunt, quanto per hæc non corpora, sed anime suscitantur. Hæc itaque signa, Fratres charissimi, auctore Deo, si vultis, vos facitis. Ex illis enim exterioribus signis obtineri vitæ ab hæc operantibus non valet. Nam corporalia illa miracula ostendunt aliquando sanctitatem, non autem faciunt, hæc vero spiritualia, quæ aguntur in mente, virtutem vitæ non ostendunt, sed faciunt. Illa habere & mali possunt; istis autem perfrui, nisi boni non possunt. Et post pauca. Nolite ergo, Fratres charissimi, amare signa, quæ possunt cum reprobis haberi communia. Sed hæc, quæ modo diximus charitatis, atque pietatis, miracula amate, quæ tanto securiora sunt, quanto & occulta; & de quibus apud Dominum, eo maior sit retributio, quo apud homines minor est gloria.*

Idem lib. 5. Dialog. Cap. 4.

pag. 214. *Sed quid plus queris operis, quando concordabat vita munditia cum studio prædicationis, tantus quippe illum feruor ad colligendas Deo animas accenderat, ut sic monasterijs præfesset, quatenus per Ecclesias, per castra, per vicos, per singulorum quoque fidelium domos circumquaque discurreret, & corda audientium ad amorem patriæ cælestis excitaret. Erat vero valde vilis in vestibus, atque ita despectus, ut si quis illum nesciret, salutatus etiam salutare despiceret: & quoties aliæ tendebat ad loca, iumento sedere consueuerat, quod esse despicabilius omnibus iumentis in cella potuisset reperiri, in quo etiam capistro, pro frano, & veruecum pellibus professa utebatur. Per semetipsum sacros codices in pelliceis sacculis missos, dextro, laeuoque portabat latere, & quocumque peruenisset scripturarum aperiebat fontem, & rigabat præta mentium. Quibus verbis S. Doctor Albertum nostrum graphicè descripsisse videtur: præterquam quod Albertus, nec iumentum habebat, nec pecuniam, quæ ipsum conduceret; sed nudis pedibus per vias incedens, iumentum ipse pro Christo factus sacros codices suo dorso vehebat. Ut iumentum factus sum apud te, & ego semper tecum.*

Sed pergit Gregor. lib. 3. Dialogi Cap. 17. pag. 260. cum Petrus dixisset, se præ cunctis miraculis hoc potius existimasse miraculum, quod ad vitam mortui redeant, eorumque anima ad carnem ex occulto reuocantur. Sic intulit Gregor. si visibilia attendimus, ita necesse est, ut credamus, si verò inuisibilia pensamus, rimirum constat, quia maius est miraculum, prædicationis verbo, atque

orationis solatio, peccatorem conuertere quam carne mortuum resuscitare. In isto enim resuscitatur caro, in istum moritura, in illo vero anima in æternum victura.

Quam suam sententiam Lazari resurrectionem cum Sauli conuersione conferendo, amplius illustrat Greg. vbi Pauli virtutum exercitia, præ proprijs eius miraculis extollit, & sic tandem concludit. Ecce qualiter viuit, qui ab inferno mente ad vitam pietatis rediit, minus est ergo quempiam in carne suscitari, nisi forte per viuificationem carnis ad vitam reducatur mentis, & ei hoc agatur per exterius miraculum, quatenus conuersus interius viuificetur.

Breuius loquitur venerabilis Beda in psal. 76. Tu es Deus, qui facis mirabilia. Quid mirabilius, quam viuificare mortuos, hoc est, de impijs facere pios, de damnatis in regnum assumptos. Idem in cap. 14. Lucæ lib. 4. cap. 48. tria signa simul in vno homine perpetrata sunt, cæcus videt, mutus loquitur, possessus à dæmone, liberatur: quod & tunc quidem carnaliter factum est, sed & quotidie completur in conuersione credentium, ut expulso primum dæmone, fidei lumen accipiant: deinde ad laudes Dei, tacentia prius orantur.

Sanctus Augustinus in psal. 70. tom. 8. pag. 313. col. 1. C. *Quæ sunt putas mirabilia Dei? quid mirabilius inter Dei mirabilia quam mortuos suscitare? mortui sunt omnes infideles, omnes iniqui, corpore viuunt, sed corde extincti sunt. Et ibidem col. 2. A. dicam enim audacter, Fratres, sed tam: non verum, duæ vitæ sunt, vnæ corporis, altera animæ, sicut vitæ corporis animæ, sic*  
vita

*vita anime Deus : quomodo si anima deserit , moritur corpus , sic anima moritur , si deserit Deus .* Idem in Psal. 97. pag. 448. col. 1. B. *Ecce mirabilia fecit Dominus , sed multo maiora mirabilia sunt , quod totum orbem terrarum , à morte sempiterna erexit , quam quod unicum filium matris viduæ suscitauit .* Et secundo loco superius citato . *Deus , inquit , quando resuscitat corpus , mundo reddit , quando resuscitat animam , sibi reddit ,* quasi dicere velit , vt quo magis est , animæ Deus , quam corpori mundus , eo quoque difficilius , est Deum animæ , quam animam corpori restituere , eo maius miraculum sit illud quam istud facere .

Sanctus Hilarius lib. 2. de Trinitate pag. 10. col. 2. *expectate nihil minus claudorum cursu , Cæcorum visu , fuga demonum , vita mortuorum , quærite , et intelligite , circumspicite , utrum mirabilius fuerit , mortuum resuscitasse , an imperito scientiam piscatori doctrina illius intinasse . In principio erat verbum et c.* quæ sequuntur , quasi dixisset maius miraculum esse , ignorantem instruere , quam oculo cæco visum reddere , quo caducarum rerum formæ discernuntur , id quod ipsum Dei verbum renuntiari iubet : *Euntes renuntiate Ioanni , quæ vidistis , et audistis . Cæci vident , claudi ambulant , surdi audiunt , leprosi mundantur , mortui resurgunt , pauperes euangelizantur ,* Math. 8. His enim tanquam per gradus à minoribus miraculis ad maiora ascendens , mortuorum resuscitationem penultimo loco , sed discipulorum , turbarumque conuersionem , vt reliquorum maximum , vltimo loco pronunciauit . Hoc ipse Christus Dominus iterum Math. 4. eodem sensu

expressit , quando Capharnaumitis volentibus ipsum propter frequentiam miraculorum apud se detinere , non respondit se debere alibi quoque similia miracula facere , sed quoniam inquit , *et alijs ciuitatibus oportet me euangelizare regnum Dei , quia ideo missus sum , tamquam ad maius miraculum , ad rem tam arduam , & innatæ , sed corruptæ hominis libertati contrariam , vt quis lapidem in ceram , & glaciem in flammam , quam infidelem ad fidem , aut cor durum ad pœnitentiam facilius conuertat , nisi Deus fuerit cum illo , & digito suo vngat eum .* Hoc enim miraculum miraculorum est , & corporaliolum illorum scopus , & finis . Nam vt Gregorij verba repetamus . *Minus est quempiam in carne resuscitari , nisi forte per viuificationem carnis , ad vitam reducatur mentis , et ei hoc agatur , quo per exterius miraculum conuersus , interius viuificetur .*

Sanctus Ioannes Chrysostomus ; Tom. 4. Serm. 4. in epistolam Pauli , ad Philip. longa dictione Pauli propositum explicans , & laudibus extollens , quod ille timens , an dum alijs prædicauerit , ipse reprobis efficeretur , elegerit tamen in laboribus , ærumnis , & periculis huius vitæ , propter gaudium fidei , & profectum fratrum magis , quam certum Cœli dissolui , & esse cum Christo in securâ , & æterna requie , & gaudijs Paradisi Sanctus Præsul hortans auditores suos , vt in idipsum incumbant , ait , *nam , carissimi , credere in Christum , et pati pro Christo verè longè mirabilius est , quam cadauer ad vitam reuocare , et cetera miracula facere .* Idem rursus Tom. 4. Serm. 32. col. 503. & 504. *Quando charitatis est impositum diadema , id sufficit , ad*

ostendendum perfectum Christi discipulum, non solum nobis, sed etiam infidelibus.

In hoc enim, inquit, cognoscunt omnes quod discipuli mei estis, si alter alterum amatis. Quamobrem hoc signum est in omnibus signis maius, si quidem in ipso cognoscuntur discipuli; nam Paulum quoque propterea admiramur, non propter mortuos, quos excitavit, neque propter leprosos, quos mundavit, sed quoniam dicebat: quis infirmatur, & ego non infirmor? quis scandalizatur, & ego non uror? Nam si decies mille signa ad hæc adieceris, nihil dices quod ei posse conferri. Et cum se præponit Apostolis, non dicit plura quam ipsi fecerit signa, sed plus quam ipsi laboraverunt.

Accedat Ambrosius Serm. 13. qui est 2. de Epiphania Tom. 5. col. 18. B. de conversione aque in vinum. Si mirabile est utique quæ defecerant communiis vina supplere, quanto est mirabilius, vitam, quæ est exhausta, hominibus reparasse, utique spiritualem, nam sequitur, et si gloriosum est, aquam in vinum commutare, quanto est gloriosius, peccata in iustitiam commutare, & mores potius temperare, quam pocula? constat enim ex ipso vasculo illos hausisse ebrietatem, nos haurire iustitiam, illos percepisse vini poculum, nos calicem salutis accipere.

His adungi possunt Sanctorum Patrum disertæ phrasæ, per quas corporis morborum nomina propria, morbis mentium indubitanter attribuant S. Leo Papa Serm. 2. in Quadrag. gravi morbo urgetur, qui carnis voluptatibus emollitur. S. Ambrosius in Euang. Lucæ lib. 4. cap. 4. Tom. 3. col. 71. Non minorem fe-

brem amoris esse dixerim, quam caloris, itaque illa animam, hæc corpus inflamat; febris enim nostra avaritia est, febris nostra libido est, febris nostra luxuria est, febris nostra ambitio est, febris nostra iracundia est, quæ licet corporis vitia sint, ignem tamen ossibus implicant, mentem, animum, sensumque perterrant. Et infra, vehementior tamen est animi, quam corporis febris, & idè pro animi voluptate, corporis salus plerumque contemnitur, nec à periculis abstinetur, sic febre libido flagrantior est, graviusque precipitat, & inflamat, quod cum ita sit, statim consequitur maius miraculum esse hanc pellerè, quam illam. S. Augustinus tract. 44. in Ioannem. Cæcitas est infidelitas, illuminatio fides, & iterum ut supra non morbos, sed mortem etiam, mentis vitia vocat. Mortui sunt, inquit, omnes infideles, omnes iniqui, corpore vivunt, sed corde extincti sunt. Sic illi, sic alij Sancti Doctores loquuntur, & rectè quidem, quoniam ea peccata, & mali affectus animi mortalia sunt, quod animæ vita, quæ Deus est, animam propter illa deserit, non minus quam corpus moritur, cum ipsum deserit vita ipsius, quæ ipsa anima est.

## C A P. XXII.

B. Alberti maiora miracula.

Quisquis modo scire cupit, quot huius generis maiora miracula patrauerit B. Albertus, Europam, Africam, Asiâque percurrat, interroget Indos, Aethiopes, Aegyptios, Syros,

Syros, Palæstinos, Græcos, Armenos, Cyprios, Rhodios, Cretenfes, & qui omnem Italiæ oram inhabitant, inuenietque multo plura, quam nunc fortassis cogitatione complectitur. Inueniet infideles ad vnus veri Dei fidem; & Sanctissimæ Trinitatis confessionem per eum conuersos: inueniet hæreticos Catholicæ fidei pertinacissimos hostes, & sæuos persecutores ab eodem triumphatos: inueniet multorum sæculorum inueteratos schismaticos, quos ille colla sua Pontificis Romani pedibus prostertere fecit. Inueniet perfidos Christi desertores, Mahometi sordibus fædos, quos ille per se ipsum, Dei gratia mundatos, Christo, & pietati restituit, inter quos omnes corporalia quoque miracula perpetrasse, piè credendum est. Quod si negetur, ego de Alberto dicam, quod de Apostolis Christi scripsit Augustinus lib. 22. de Ciuit. Dei cap. 5. in fine. *Si per Apostolos Christi, vt eis crederetur, Resurrectionem, atque Ascensionem prædicantibus Christi, etiam ista miracula visibilia, scilicet facta esse non credunt, hoc nobis vnum grande miraculum sufficit, quod eam terrarum orbis, sine vllis miraculis credidit.* Ita quod per Albertum tot gentes pluribus, & multifarijs erroribus irretitæ, in tot sceleribus emortuæ, & in malæ consuetudinis puteo sepultæ ad veræ fidei lumen, sine vllis miraculis perductæ sint, & ex impijs, pietati, & Christianæ vitæ perfectioni restitutæ reperiantur, insigne est miraculum.

At ne nos quispiam hac generalitate aerem verberare dicat certa quædam huius generis miracula, notatu digna selegimus, quæ fidem alijs altruere possunt. Imprimis, quot,

quantisque morbis mentis ægrotasse, quot mortibus extinctum corde credemus, Nicolaum illum Venerum de Comitibus cognominatum qui deserta Christi religione, à iuuentute sua per annos quadraginta Mahometi spurcissimam legem profectus est, omnibus ijs vitijs obnoxius, quæ exlex illa lex aduersus diuinæ fidei veritatem, & honestatem morum, vel præcipit, vel permittit, atque hunc ad veræ fidei lumen, è cymerijs tenebris eduxit Albertus, eumque ad scelerum pœnitentiam, integritatem morum, iustitiam, & pietatem reduxit, idque in medio Cayri; quæ Ciuitas Aegypti præcipua, tunc Saracenis Sedes, Sulthani Babiloniæ, & Mamalucorum Christo rebellium, regia, omnium ex omni Christiano orbe Apostatantium cloaca fuit, inter quos poligamus Nicolaus cum vxoribus, & liberis post totum pene Orientis vagam peregrinationem habitabat, eumque cum alijs victoriarum suarum trophæis, ad Romani Pontificis osculanda vestigia, & œcumenici concilij dogmata veneranda, cum duobus eius filijs, Florentiam perduxit, simul cum Aethiopum, Aegyptiorum, Iacobitarum, Schismaticorum, Hæreticorumque pignoribus, & solemnibus gentiumlegatione, quos vt ipse B. Vir epist. 64. ad Eugenium Pontificem Rhodo scribens loquitur, magno cum periculo præ rabie Saracenorum, vix tandem ex Cayro, veluti ex fornace ferrea Aegypti, ac tamquam prædam ex ore immanis belluæ eripimus.

Vt hæc in Aegypto facta sunt, aliud non minus miraculum eodem loci, ab Alberto patratum est, quod S. Chrysofomi sententia verè est lon-

gè mirabilis, quam cadauer ad vitam reuocare, & cætera miracula facere. Perpetuo ardore cupiebat Albertus dissolui, & esse cum Christo: quæ res illi iam prompta fuit, quando per pronuntiatam in eum tum Sultani sententiam, Cayri ferreis vinculis constructus, pro Christi fide tuenda gloriosam mortem lætus in horas expectabat, quod etsi sibi melius reputasset; Pauli tamen Apostoli zelum secutus illam suam æternam felicitatem, vt differret, & per Christianos liberari se vellet, persuaderi sibi passus est, vt multos Christo lucrificeret, & commissa sibi fidei legatione fungeretur, vt tum verè cum Chrysofostomo in Pauli persona scribente, tamquam alter ipse Paulus dicere, posset, non audisti me querere, quod mihi vile est, sed quod proximis, vt damnum ipse ex hac mora, & dilatione faciam, quo illis aliqua ad salutem accessio fiat. Et iterum Chrysofostomus ad Paulum, & nos ad Albertum.

Quid est quod dicis? nosti, ac pro certo habes futurum te esse cum Christo, & hæsitas, ac dicis: quid eligam nescio; neque hoc tantum, sed etiam hic manere eligis, manere, inquam, in carne, tot nempe ærumnis, calamitatibus, & periculis obnoxia, quot ibi aceruat Chrysofostomus. Illud præfertim periculum, ne dum alijs prædicaueris, reprobis efficiaris: quod non solus Paulus, sed multò magis alij timere debent. Times, si in hac vita permanes, quid futurum sit. Innumeris malis implicatus es, ac tamen recusas apud Christum esse, recuso, inquit, idque propter Christum, vt quos illi parauit seruos, firmius in illius amore stabiliam, vt ex agro, quem plantauit, fructus extare

faciam. Quid horum tunc Albertus dicere non posset? vt verè mereatur encomium, quod Chrysofostomus Paulo acclamauit: nihil Alberti anima beatus, quoniam nihil magis etiam generosum.

Neque hoc Alberto hac vice tantum euenit, sed iterum, ac tertio, pluriesue. Nam dum in prima sua legatione, & commissione Terræ Sanctæ dies aliquot Bethlemij, contemplandis Christi cunis, moram traheret, tunc interim Hierosolymis capti duo fratres, Antonius, & Lucas in vinculis tormenta fortiter pro Christo ferebant: ille vero, vt vigilem pastorem decuit, ipsos per epistolam consolatus est, & ad martyrium porrò consummandū feruenter corroborauit, quam epistolam, de se ipso loquens, his verbis concludit.

*Quod si viua presentia mea paruitatis vobis necessaria est, ego ad vos mundo resistente, medios inter gladios conuolo. Non enim me vetat metus; sed ne incenso iam igni, qui vel carnales, vel impios cruciat, oleum adiecit blasphemæ: maximè vobis fortiter, & inconcussò corde persuerantibus. Valte dilectissimi Christi testes, & dignissimi confessores, & inter catenas, & fustes, mei nominis mementote, vt Christi pietas socium me vobis faciat penæ, quem fecit comitem desiderij. Ecce desiderij comes erat, fieri penæ quoque socius cupit, desideratissimi martyrij Corona iam illi parata fuit, dummodo se alijs adiungeret, cælum apertum, & Iesum stantem à dextris virtutis Dei, pro se pugnaturum, etsi non vt Stephanus viderit, certè vt fidelis credidit, & pro comperto habuit. O Alberte cur non accedis? cur*

non conuolas ? cur aliorum oblatæ coronæ particeps fieri, ac socius esse non vis ? cur pro Christo cum Stephano Protomartyre, & cum Christo martyrum capite Hierosolymis triumphare recusas ? *Non*, inquit, *quod pugnae metus me vetet, sed quia vobis inconcusso corde perseverantibus* vtile non est, vt veniam, sed propter alios necessarium, vt maneam, *ne*, inquit, *blasphemem, accenso iam igni oleum infudisse*, furentem tyrannum sine causa amplius irritasse, vt vel omnes ditionum suarum Christianos, vel saltem Religiosos occidi, & sacra Christi loca incendi, demoliri, excidi iuberet, ne fidei causam non promouisse videar, orate ergo, vt Christi pietas, meliori occasione me faciat esse socium coronæ, quam quidem vehementer cupio, sed modo nolo, ne propter id, quod mihi melius cognosco, alijs deterius eueniat, ne multi infirmi, etsi modo fideles, sed persequentium atrocitate territi Christiana signa deserentes ad Mahometi castra confugerent. Non audistis Albertum non querere, quod sibi vtile, sed quod proximis, vt damnum ipse ex martyrij dilatione faceret, quo fides fructificaret, & aliqua fidelibus ad salutem accessio fieret, & abfessio vitaretur.

Tertio hinc loco, cum per longi temporis frequentem, feruentemque instantiam senex tandem, & morti vicinus obtinuisset Pontificis Romani, & ordinis maiorum licentiam prædicandi cunctis infidelium nationibus, quantumuis remotissimis, & iter in Hispaniam pararet, vbi Mauritanici Regis iussu cremandus, aut discindendus, holocaustum Christo acceptum facile fieri posset, hanc etiam profecionem suspendit, & co-

ronam, quo prolixius eò feruentius desideratam, ob aliorum necessitates distulit. Intellexit nimirum spirituales, corporales, ac temporales calamitates, quibus dilecti sibi Mediolanenses opprimebantur feruente pestilentia, & publica fame per urbem, agrumque grassantibus, furentibus foris bellis, & intus dissidijs. Absolutis ergo sermonibus, quos anno 1447. iubente Pontifice, per ferias sacri ieiunij ad Ferrarienses habuit, illicò Mediolanum reuersus, populum illum doctrina, & omni pietatis opere, vsque ad mortem suam iuuare non destitit, nec ipse tamen cœlestis triumpho voto decidit. Nam in hoc agone fortissimè decertans, sanctiori igne diuini amoris incensus, & fraternæ charitatis flamma subuectus, cernente per visum Ioanne Capistrano, relicto terris mortali corpore, ad immortalem vitam gloriæ stola ornatus, triumphantis instar, velut alter Elias, relicto pallio, recto tramite in Cœlum translatus est, sed nos ad morbosos vitio, & anima mortuos redeamus.

Inter hos forte primus fuit Petrus ille cognomine Bonus, sed corpore, & anima tunc malè affectus, vt quem ipse Albertus epist. 3. (quam mense Nouembris ab eo scriptam arbitror) à Kal. Iunij molestijs, & angoribus contrariæ valetudinis, præsertim totius capitis oppressum esse refert, vt penè in insaniam prolapsurum, non tam capite, quam cerebro carere putauisses, & doctissimi medici, eum facile quam primum vita excedere vererentur: atque, quod animam attingit, vanissimæ, & perditæ vitæ hominem vocat, quem aliarum cupiditatum iam pridem perniciofa oblectatio eo adduxisset, vt animum ad virtut-

virtutem comparandam, & si ægrè, sed sæpe conatus respondisset, quasi mortuus, & in puteo malarum consuetudinum sepultus. Vides ergo mentem insanam, in corpore infano? vides perdita vita emortuum in puteo peccatorum, tamquam in sepulchro fœtentem, & malæ consuetudinis infitis ligatum, vt crederes Christum necessarium fore, qui Lazarum hunc alterum, & lacrymis suis, & potenti clamore solus ad corporis sanitatem, & animæ vitam reuocare posset.

At B. Albertus Christi gratia, vtrumque præstitit. Ipsum audiamus: cui cum ad recuperandam valetudinem diligentissimè affuissem, cum verò postquam ad sese redijt, in consilijs capiendis, quibus salutis sue consulere, non instantissimè modo, sed ferè importunè, atque etiam acerrimè institi, nihil equidem ipsi blanditus sum, nihil penitus assentatus; itaque cum illum exhortarer, vt leuare se animi ægritudine, quam ægrotatione corporis mallet, & suaderem, vt vanissimæ, ac perditæ vitæ suæ, & re, & animo prorsus renuntiaret, assentiri se, & placere sibi suasiones respondit. En hominem à corporali capitis, & cerebri ægrotatione per diligentissimam Alberti assistentiam liberatum, & è mystico animæ sepulchro, eius consilijs, suasionibus, exortationibus euocatum, & extraxum. Sed adhuc ignauia quadam, & præteritæ consuetudinis oblectatione, fascia ligatum, pedibusque, & manibus, ad comparandam virtutem impeditum, vnde Christus dixit, soluite eum, & finite abire; nempe iam viuum, qui fuit anima mortuus, iam corpore sanum, qui fuit capitis, & cerebri ægrotatione oppressus, & hoc meo quidem sensu, per corporale

miraculum; quid enim his malis conferre poterat diligentia, & assistentia naturalis Alberti, quod doctissimorum medicorum peritia non poterat, sed consueta humilitas vetuit Albertum, ne miraculum clarius exprimeret: quæ eadem suavit, ne ipse ligamina penitus solueret, sed vt Christi exemplo, illum ad alium remitteret, qui ipsum, vt ait, penè quondam mortuum ex puteo malarum consuetudinum liberaret, & extraheret, hoc est, vt solueret, & sinecct abire, vt Lazari imaginem hic per omnia delineatam videas.

Hac re posterior tempore, sed pro potiori parte, par illi dignitate fuit conuersio alterius, adèò indurati peccatoris, vt planè desperaret emendationem, cum impossibile sibi persuaderet se deserturum scelus, cui per consuetudinem immerfus fuit, & tamen facili consilio Alberti, eiusque precibus apud Deum intra paucos dies contritus, & penitens ad ipsum redijt, nec deinceps quiduis magis abhorruit quam quod ipsum prius tantopere delictabat, quod cum nos ante plenius retulerimus, hic non amplius explicamus.

Non minus mirabilis fuit mutatio vitæ Francisci à Ligamine Patauini, qui prius licentiosè viuens, deinde creatus Episcopus Ferrariensis, & ab Alberto, ceteroquin amico, de sacræ dignitatis officijs per epistolam admonitus, voto etiam, & precibus apud Deum pro illo fufis, in alium virum repenitè mutatus, insignis admiranda bonitate Præsul, & apud optimos, maximosque Pontifices magna æstimationis euasit.

Sed & ciues Mutinenses, nunquid multa febre phrenetici fuerint; quando ciuitatem suam in Guelforum, Gibel-

Gibellinorumque factiones diuisi, quotidianis exdibus, & fraterno sanguine, per multum tempus crudelissimè fœdabant? sed vno, vel altero Alberti sermone, & priuatis colloquijs, eo reducti sunt, vt odia ipsa summo odio haberent, atque statim deponerent, mutæque dilectionis igne accensi, publica instrumenta solenni stipulatione firmauerint, quibus ipsam dissidiorum originem, suadente Alberto, radicitus aueruncarunt, vtque perpetuæ legis vis illis accederet, interpositis apud Principem B. Viri precibus, & hortatu impetrarunt.

His adde, si liber, similem Brixiensium pacificationem, & alios apud eos B. Alberti Evangelici effectus, cuius officij prudenti dilatione plus illis profuit, quam si citius accessisset, &, vt Fabius, cunctando, rem opportunè restituit.

Hæc demum, & alia multa (quæ ne ipse multum sim, actorum Alberti lectoribus meditanda relinquo) quantæ apud homines gloriæ esse debeant, nemo Christianus est qui non facile percipiat: quanti item & Alberti operantis, & eorum in quibus operatus est meriti sunt apud Deum, vel vna Chrysofomi sententia satis, superque nos docet; sic enim ait, tom 5. col. 951. orat 9. aduersus Iudæos. *De fratribus collapsis cogita, putatoque te thesaurum reperisse, nimirum occasione illis medendi. Etenim si instillaueris illis velut oleum, sermonis doctrinam, si obligaueris humanitate, temperantiaque vulneratum, si sanaueris, ille faciet te ditiores quouis thesauro. Qui enim adduxerit pretiosum ex indignitate, tamquam os meum erit, inquit ille. Quid huic poteris equi-*

*parari? quod neque ieiunium, neque humi peractæ cubationes, neque peruigilia, neque aliud quidpiam potest efficere, efficit fratris procurata salus. Cogita quam multa os tuum peccauerit, quam multa verba obscœna protulerit, quam multa conuicia, quam multa maledicta euomuerit, & omnino suscipies collapsi curam, nam hoc vno beneficio, omnem illam delere maculam poteris, & quid dico delere? facies vt sit os tuum, sicut os Dei. Quid huic bonori possit equiparari, non enim ego ista polliceor, ipse Deus hoc dixit. Si unum quempiam eduxeris, inquit, vt os meum erit os tuum, purum, sanctumque.*

Quam sanctum igitur oportet fuisse os aureum B. P. Alberti Sarrhianensis, qui non vnum solum eduxit, nec paucos tantum illos, quos diximus, sed omnino innumerabiles; ex diuersis mundi regionibus, ex tam varijs, inueteratisque erroribus, ex tam grauibus vitijs, enormibusque peccatis, in quibus variè horrendæque morbidi, ac iam anima mortui, & sepulti iacebant, ad Catholicam Christi fidem, ad matris Ecclesiæ gremium, ad Seraphicæ Religionis aylum, morumque integritatem, sanctimoniamque perduxit, vt qui sexaginta annorum vitam omnem, sermonis doctrinam, & celestem sapientiam, vel sibi copiosè hauriendo, vel egentibus, vt oleum laboriosè instillando, impendit.

Quam puram oportet fuisse beatam illam animam, in qua de ergastulo carnis liberata, purgatorius ignis, nec leuem culpæ maculam, quam absumeret, nec peccati reatum, quem deleteret, nec stipulam, aut fenum, quod vreret, inuepire potuit.

Sed quæ de carne, de mundo, de dæmone, de culpa, de pœna triumphans, pura, & gloriosa in Cælum recta migravit, nobis in terra eum corpore relinquens heroicæ virtutis exempla, quæ Deo iuuante imitemur; illustria prodigia, quæ deuotè miremur; & ingentium meritorum suffragia, quæ quantum Sancta Mater Ecclesia permittat, supplices inuocemus.

### C A P. XXIII.

*Minora Alberti miracula, & possibilia veneratio.*

**E**X numero Scriptorum, qui venerabilis huius serui Dei acta fusius describunt, vel breuem aliquam eius mentionem faciunt, multi sunt, qui miraculis clarum, qui clarissimum fuisse, qui etiam post mortem miraculis claruisse, qui Deum per ipsius merita multa miracula operari, qui multis miraculis claruisse, qui multa miracula fecisse, qui post mortem miraculis coruscare, qui miraculis à Domino illustratum affirmant, qui denique illum in eorum numero æque collocant, quos ipsi miraculis clarissimos, magnisque prodigijs coruscare testantur. Atque istæ horum formulæ sunt, quorum nomina, ætates, & integra testimonia sequenti Capite proferemus.

Quod autem generali hac assertionè contenti fuerint, nec vllum ex ijs miraculis, quæ Albertus Mediolani post mortem patrasse dicitur, in specie narrent, id partim tunc viu-

tium negligentia, sed præcipuè extremis eo tempore Mediolanensium calamitatibus adscribendum existimo quando qui vel scriptores, vel oculati testes esse possent bello, pestilentia, publica fame, per plures annos afflictissimi, & his malis depellendis magis intenti, nec seruatorum Dei actis pernotandis, multo minus publicis eorum tabulis compingendis, occupari possent, sed inter perpetuas clades, in vrbe pariter, & agro, in dies, atque horas miserandis modis perirent. Nec minus per sæculum subsecutum varias, multasque huiusmodi Mediolanensium calamitates, illius vrbs, & prouincie historiarum scriptores referunt. Vetus denique cœnobium ipsum exterius S. Angeli circumcollocatis Heluctis Borbonij castris, in quibus etiam Hæretici fuerunt, nocturno incendio conflagrasse ferunt, anno circiter 1550. Quo casu dispersi incolæ, partim exterius morabantur in ipso semiuerto cœnobio, partim in hospitio Vrbanò Viridarij, & alijs pijs locis, quæ intra vrberem ad veteris cœnobij regimen pertinebant; translata illuc ea supellecile, quam flammis præripere potuerunt, dum aliud ædificium eiusdem nominis S. Angeli, quod hodie extat, in apto Vrbs loco pro ipsis erectum fuit, iacto primo ipsius lapide anno 1552. die 21. Feb. demolito funditus veteri habitaculo, vt nullum eius vestigium amplius existat, vt mirum non sit, inter tot ruinas, & rerum perturbationes, per longissimi temporis interuallum, perijsse cartas, aut etiam legitima documenta, si quæ de Alberto, aut per ipsum scripta ibi aliquando fuissent. Neque verò hæc, seu hominum incuria, seu temporum aduersi casus, Alberto soli nocue-

nocuerunt, sed alijs quoque pluribus Dei seruis, qui per ea tempora, in eodem veteri cœnobio S. Angeli cum sanctitatis vitæ, & publica miraculorum opinione, & fama, mortalem suam vitam finierunt, vsque aded, vt neque quo loco sepulti fuerint, aut hodie iaceant, posteris innotescat, sed tempus æris, ac marmorum edax memoriam rerum cum corporibus deglutiuit, manente, vt rei notoriæ, generali illa miraculorum publica fama, tum per ora hominum successiue viuientium, tum in perpetuis scribentium notis.

Non defuerunt tamen ex his ipsis Scriptoribus, qui aliqua miracula per viuentem Albertum patrata, per occasiones commemorant, vt quod caecodæmonem, cerui specie laruarum, prophetico spiritu detexerit, idque suis auditotibus per spectrum territis, disturbatisque inclamando, potenti virtute vocis disparere protinus, ac disperire fecerit. Quod Christus Dominus noster Albertum ipsum inedia in deserto deficientem visibili sua diuina præsentia, & familiari colloquio confortauerit, allatisque cibi refocillare dignatus fuerit. Quod per plures dies in fortitudine cœlestis illius cibi ambulauerit, dum vasta solitudine superata, ad ea loca peruenit, in quibus terrenos cibos reperit, quibus deinceps pascabatur, & hoc in Moyse, & Elia miraculum fuisse, & quomodo contingat, fusè disputat Abulensis lib. 3. Reg. cap. 19. q. 8. Cur non ergo etiam in Beato Alberto, quantumuis illi pluribus diebus, ille paucioribus, ambulauerint in fortitudine, seu virtute cibi illius. Quod felicem eius animam è corpore in Cœlum, recto tramite glo-

riosè properantem, diuino ostento viderit B. Ioannes Capistranus, tum corpore procul absens. Qua ecclésiæ visione statim euulgata facile fuit, vt Mediolanenses, alijsque in pristina sanctitatis Alberti opinione roborati, vsque aded fuerint, vt in suis necessitatibus eo confidentiùs in Cœlo, vt piè credebant, viuentis ad ipsius præsidium confugiebant, multosque fauores, & malorum remedia, à diuina bonitate per ipsius inuocationem retulissent, vt constanti Scriptorum attestazione factum traditur.

Nobis etiam posterius innotuit SARTHIANENSES aliquos, diebus nostris affirmare, se à periculis vitæ, & ærumnis fortunæ per Alberti inuocationem liberatos fuisse. An etiam Regni Cypri excidium? an Bartholomæi Rourellæ fortunas? an triumphum illum suum in Cœlos postea ductum? quæ cum ille prænuntiaret, futura erant, & postmodum re ipsa secuta sunt, prophetico spiritu præuidisset, aliorum iudicio relinquo.

Quod ad Alberti sanctitatis, vel Beatitudinis cultum attinet, certum imprimis ipsum, nec Beati nomen, nec Ecclesiasticum cultum à Romano Pontifice, huc vsque per canonicum ritum retulisse, neque constat causam in curia motam fuisse, verumtamen veteri more ab ipso anno 1450. quo obiit, per ducentos huc vsque ac triginta, & amplius annos Beati titulum, & communem æstimationem perpetuo loquentium pariter, atque scribentium vsu, & consuetudine obtinet, vt liquet ex ijs, quæ hæcenus diximus, & ex Scriptorum testimonijs, quorum succedaneas ætates, & verba capite sequenti profereamus. Quando Mediolani post mor-

tem, vt multi Scriptorum testantur, miraculis, & prodigijs clarissimus fuit, cultum etiam illis correspondentem, qui nondum tunc prohibitus fuit, cum habuisse, supposita veritate miraculorum negari non potest, cum venerabunda inuocatio, & vota gratiarum sint correlatiua miraculorum, & hæc multo tempore post Alberti mortem, percubuisse indicant Scriptorum, qui diu post mortem serui Dei de eius miraculis, tanquam de illis, quæ tunc fiebant, præfenti suo ipsorum tempore loquuntur, vt Capite sequenti ad notam anni 1480. vbi per *Alberti merita Deus operatur multa miracula, & ad annum 1588. maximis coruscant prodigijs*, nempe Albertus, & alij, quos author ibi nominat, quod autem & nunc fieri non audiamus, non defectus meritum Alberti in causa fuit, sed quod cessantibus calamitatibus Mediolanensium, etiam cessauit inuocationis deuotio, ac deinde per incendium, ac demolitionem conuentus, ac per confusionem tumultuariæ transmigrætionis fratrum, intra urbem perierint monumenta veteris cœnobij, & notitia tam pristini, quam posterioris sepulchri, atque hinc refriguerit posteriorum deuotio, quæ præsentibus, ac notis seruatorum Dei monumentis magis, quam vetustarum rerum auditione mouetur.

Neque res noua est, etiam absque his causis cessare, vel non tam frequentia esse miracula Sanctorum, etiam Canonizatorum, decursu temporis, quam fuerint in vita, vel non adeò longè post mortem. Imo instar magni miraculi est in Sanctissima Matre Dei, & S. Antonio Patauino, quod ab operandis miraculis nunquam cessare videantur, cuius rei

causa in arcana Dei consilia magis referenda est, quam nostra curiositate scrutanda.

Nec eo minus æstimandi sunt Sancti, quod vnus præ alio, plura, vel pauciora miracula faciat, nam, vt teste S. Augustino lib. 83. qq. q. 79. *Idè non omnibus Sanctis miracula attribuantur, ne perniciosissimo errore decipiantur infirmi, existimantes, in talibus factis esse maiora bona, quam in operibus iustitiæ, quibus vita æterna comparatur*: sic non omnibus Sanctis conceditur perpetua operatio miraculorum, ne pari errore, pluris fiat perpetuitas miraculorum, quæ sanctitas operum, aut ne magis Sanctus putetur, qui plura facit miracula post mortem in terris, quam qui cum paucioribus miraculis, fortè multo plus gloriæ habet in Cœlis, aut propter alias causas soli Deo notas. Quapropter, vt ante diximus, cum Paulus se præferret Apostolis non dixit, *quia plura quam ipsi signa feci, sed quia plus omnibus laboraui*.

Sed quidquid Mediolani fiat, non desunt alibi signa veteris venerationis B. Alberti, nam in pariete Ecclesiæ Fratrum Min. oppidi Sarthianensis, iuxta maius altare, à parte sinistra, vt sacræ reliquiæ obmuratæ, cum veneratione seruantur duæ epistolæ propria ipsius B. Alberti manu scriptæ, & appensa desuper eius imago depictis circa caput radijs, cœlestis gloriæ indicibus, quæ imago ibi posita fuit multis annis ante Urbani VIII. decreta de his rebus edita. Nec desunt qui pro sua deuotione illam supplices frequentant, & affirmant se aliquando, interposita apud Deum inuocatione B. Alberti, exauditos fuisse. In templo quoque conuentus

uentus S. Francisci Ciconiensis non procul Sarthiano, in quodam tabernaculo supra altare, quod S. Bernardini vocant, cum quibusdam ipsius S. Bernardini reliquijs extat etiam liber Missalis cartæ pergamenæ M. S. quo olim cum licentia superiorum utebatur B. Albertus, vt in ipsius libri principio, & sine antiqua manu notatum est, atque hic liber pro sacra B. Alberti reliquia, ibi cum veneratione asseruatur, & aduentantibus personis deuotis reuerenter ostenditur, non secus quam reliqua pro reliquijs S. Bernardini.

In Ecclesia etiam eiusdem ordinis Capistrani in Aprutio, cum scriptis B. Ioannis Capistrani est codex ille M. S. operum B. Alberti, ex quo nos descripsimus maiorem partem eorum operum Alberti, quæ hoc volumine exhibemus, & vt illa B. Ioannis, sic iste B. Alberti decenti, ac deuota custodia, & veneratione seruatur, vt Alberti reliquia. Nec aliud nobis de eius miraculis, aut posthuma veneratione hæctenus innotuit: præter aliam depictam eius effigiem, quæ radiis ornata caput cernitur, in Sacratio Templi Aracœlitani in

Sancta hac Vrbe

Roma.



## C A P. XXIV.

*Alberti virtutum, miraculorum, & Beatitudinis fama, constantibus scriptorum testimonijs perpetua.*

**P**oggius Florentinus in ijs <sup>1429</sup> literis, in quibus alios plerosque seruos Dei vituperat, ipsius Alberti respondentis testimonio, cum sic laudauit.

*Sed quia me ab istorum vulgo eximis, ac per hoc non vulgarem, sed singulari quadam & vita, & doctrina præditum me egregium facis, habeo huic existimationi tuæ de me tam bonæ ingentes gratias, simulque in ea re tibi gratulor plurimum, cum ex bene instituto animo tuo, hæc tua de me opinio certe proficiatur: tamen Alberto tuo, tibi quidem ex animo vera testanti credas velim, complures inter hos fratres esse, qui cum aspectu, & auditu iustiores, tam verò eruditionis præstantia, longe me doctiores existunt.*

Idem Poggius in epistola excusatoria ad B. Albertum, quæ <sup>1430</sup> sic incipit.

*Tantum adest mi Alberte, vt grauius feram, quæ à te scribuntur, vt etiam maximas tibi & habeam, & debeam gratias: quod me pro tua in me beneuolentia, & charitate admonere voluisti, eorum, in quibus me aberrasse in meis literis arbitratus es; non enim sum is, qui tantum meis viribus confidam, vt non aliorum*

quoque opibus subleuari velim, atque adiuuari ad errores vitæ corrigendos.

1430. Guillelmus Cafalensis Ordinis Minister Generalis, in literis ad Albertum datis, & in ipsius Alberti epistola, nobis 28. allegatis.

*Te igitur, mi Alberte, liberum facio ad quascumque prædicationes sumendas, si tuo desiderio satisfactum iri à me potest: tecum enim familiariter agere, nostra iam confirmata facit consuetudo, quia neminem mihi magis familiarem inueneram, qui posset vitæ, moribus, & doctrina Viterbiensis Ciuitatis periculis prouidere.*

1432. Eugenius IV. Pontifex in literis, quibus Albertum constituit Vicarium generalem totius Ordinis Min. 15. Kalend. Augusti.

*Tribuit autem nobis Altissimus, ut quam primum tu à nobis in Vicarium ordinis usque ad nouam creationem Generalis creatus fuisti, magnam exinde habuerimus consolationem; cœperimusque intelligere te, præstante Domino, futurum lapidem illum angulari, qui, quod sæpe & diu diximus optasse, nec unquam consequi potuimus, utrumque parietem coniunges, & utraque unum facies.*

Idem Pontifex in alijs, quibus B. Ioannem Capistranum, ultramontanarum Prouinciarum Vicarium ab Alberto institutum confirmat kalend. Septemb. anno eodem.

*Et tandem deliberatione matura dilectum filium Albertum de Sarthiano, dicti Ordinis professorem, Prouincie Ministrum elegerint: cuius electio non paruam nobis consolationem, ac lætitiæ attulit; cum comprobata integritatis, & præcipue doctrinæ, & prudentiæ existat, & grauitate morum, & consilio præstans, ut longa experientia nobis innotuit, de cuius vitæ, moribus, & doctrinæ, ac religionis zelo, & reformationis ordinis ardentis desiderio, in Domino plurimum confidentes.*

Plura ad Albertum, ac de ipso dedit Eugenius diplomata, & priuatas literas, quæ nobis ad manum non sunt; sed in quibus dubitandum non est, eius laudes per ipsum celebratas fuisse, qui etiam in perpetuum suæ de ipso opinionis testimonium ad latius suum illius assistentis imaginem, æneis Vaticani templi valuis expressam perennare voluit.

Philippus Bendedeus, de quo sic etiam ipse Albertus epistola 33.

*Qua tu mihi, ea opinione, ea exsultatione, ac veneratione loquaris, tamquam si vnus è Patribus sancti monia, atque eruditione clarus, insigniter euasisses; quod ego profusus laudis genus reijcio, ob idque maximè in ipso huius epistolæ nostræ principio dixi tuarum literarum maxima*

*maxima iucunditate me omnia affecisse, præter laudes meas, in quibus omnibus, pace tua dixerim, tuo vitio, parum ineptè dicta attribuis; qui ausus sis, me bomunculum imperitum, qui vix scripturas sacras, pene dixerim, ad huc totas diligenter perlegi, & sacrarum literarum interpreterem, & Euangelicæ legis tubam licentiùs, facilius ne dixerim, leuius nominare.*

Paulus Veronensis similes Alberti laudes scripsit: hic eas ita refellit: & sibi ignaro, & extremæ professionis abiectissimo abortiuo, eas deesse humiliter affirmat, simul eleganter, & humaniter ostendens, Paulum non proinde mentitum esse, ut qui dixerit quæ credebat, quamuis non quæ essent.

1439. Eugenius IV. Pontifex in literis ad Æthiopum, & Indorum Imperatores 5. Kal. Septemb; an. 1439.

*Mittimus ad tuam celsitudinem dilectos filios Fr. Albertum de Sarrubiano, ordinis B. Francisci, Commissarium nostrum in partibus Orientalibus, & eius socios; suntque omnes viri, utique cum sacra Dei doctrina pleni, tum etiam in timore Domini, & eius vijs ambulantes.*

Idem in alijs ad Cophtos, & eorum Prælatos eodem anno Non. Iulij.

*Prout ex decreto inde confecto, quod vobis ostendet dilectus filius Albertus de Sarrubiano, ordinis Minorum professor, lator huius, vestra deuotio apertius discet.*

Idem in alijs ad ipsum Albertum profecturum 2. Kalend. Septemb, eodem anno.

*Ad personam tuam, quæ quidem potens opere, & sermone, in magnis, & arduis, familiari experientia, comprobata est, dirigentes aciem mentis nostræ, ac sperantes, quod ea, quæ committenda tibi duxerimus, pro honore Dei, & propagatione Christiani nominis diligenter, & fideliter prosequeris; te in partibus Orientalibus India, Æthiopiæ, Ægypti, & Ierusalem Commissarium nostrum facimus,*

Ioannes Alexandrinus, & per 1440.  
totam Ægyptum, Libiam, Æthiopiam, Pentapolim Occidentalem, & Africam Patriarcha Iacobitarum ad Eugenium IV. Pontificem.

*Post hæc refro tuo e magnæ Sanctitati sacratissimam, & honoratissimam scripturam tuam, per benedictum filium tuum, & honoratum Sacerdotem Fr. Albertum, ad manus meas peruenisse, & infra. Idem benedictus filius, venerabilis Albertus reddidit mihi duas imagines. Cæterum quædam eidem Patri commissimus, quæ literis mandare non possumus, sufficiet itaque ipse quicquid ijs literis deest: cui referenti tua Beatitudo plenam fidem dare dignetur,*

Philothæus Patriarcha Alexandrinus, ac totius Ægypti Græcorum, in literis ad Eugenium Pontificem. 1440.

*Mea humilitas, Beatissime Pater, audiens que tua magna Sanctitatis à filio meo in Spiritu Sancto Fratre Alberto Monacho ordinis Minorum misso in Aegyptum refero, scilicet, huc ad nos veniens detulerit sanctissimas literas sanctitatis tue.*

1441. Andreas Abbas S. Antonij in Ægypto eiusdem Patriarche & gentis Iacobitarum legatus in oratione habita ad Eugenium Pontificem, in generali congregatione Concilij Florentini.

*Vt nos (Aethiopes Iacobinos) per dilectum filium tuum Albertum ordinis Minorum, ad unionem querendam inuitares, & infra: quemadmodum poterit enarrare idem Fr. Albertus, qui multa mecum pericula, multos subiit labores, pro hac dignissima unione fidei Christiana.*

1441. Nicolaus de Comitibus à quadraginta annorum Saracenicæ apostasia conuersus, cum in Concilio Florentino, prædicante de fide Beato Alberto, durante sermone perpetuo stetit, causam interrogatus respondit, fletus sui causam fuisse, cæcitatem Saracenorum, & ingratitude Christianorum, quod scilicet isti non adeo studeant illorum conuersioni.

*Nam, inquit, si ille sermo in medio Cayri predicaretur, tunc ex centum millibus Saracenorum, qui di-*

*centem intelligerent, octuaginta sex millia conuerterentur.*

Accedit Illustris Cardinalium, qui Alberti sermoni cum Eugenio Pontifice tunc aderant, de Alberti fidei zelo, & prædicationis efficacia opinio: dicebant enim, cum Pontifice colloquentes, si fides Catholica in cæteris extincta fuisset; eam tamen in Fr. Alberto conseruatam, & in reliquis, per ipsum suscitatum iri: ea hyperboli expressius enuntiantes, quam excellentem opinionem, de Alberti virtute conceperint.

- Eugenius IV. Pontifex in literis, quibus Alberto confirmat electionem ipsius in Ministrum Prouincialem Prouinciæ S. Antonij 16. Kalend. Augusti, 1442.

*Meruit ardens tue religionis zelus nobis pridem cognitus, & magna in nos, Sanctamque Romanam Ecclesiam fides, probataque in tuo ordine virtus tua singularis non dubie promerentur, ut ea tibi concedamus, per quorum impositum tibi onus, maxima ordini tuo commoda confidimus prouentura.*

- Æneas Syluius Piccolominæus, 1448. mox Pius II. Pont. in libro M. S. de viris illustribus loquens ibi de S. Bernardino Senensi:

*Plures reliquit suarum virtutum imitatores, è quibus precipuus fuit Albertus de Sarrhiano, qui eloquentiam doctus sub Guarino, literisque secularibus apprime instructus, & ipse postea Minor factus, sub Bernardino*

Tom. 1.  
Oper. Bern.  
uardi. p. 1.  
c. 15.

*nardino eloquentiam Dei didicit, predicauitque populis cum magna gratia. Hunc & Eugenius Pont. Max. Hierosolymam misit, ut specularetur facta Soldani, qui reuersus, & Aegypti, & India negotia, uti se haberent, edocuit, & quomodo uinci possent, monstrauit.*

1450. Franciscus Sfortia Primus illius nominis Dux Mediolani, cum adulatores in Albertum concitarent, in hæc uerba respondisse scribitur.

*Fratris Alberti sermo usque adeo nobis non displicet, quin eo potius acceptior sit, quod ille munere suo recte fungatur.*

1451. B. Ioannes à Capistrano, in epistola ad Franciscum Barbarum scripta anno 1451. 17. Kal. Aprilis, in registro Vicariatus generalis ipsius Beati Capistrani pag. 15. septimo mense post Alberti decessum.

*Ut frequenter didici ex ore nouelli nostri B. Bernardini, recolenda memoria olim Fratris Alberti Sartbianensis, & nuper Fratris Antonij de Bcutno, quos tua dignos amicitia puto.*

1454. Idem in epistola ad Aquilanos Cracouiæ 12. Maij anno 1454.

*Audistis predicantes S. Bernardinum, Fratrem Albertum à Sartbiano, & Fratrem Iacobum à Marchia, uiros sanctos.*

B. Bernardinus Foffensis, alias 1470. Aquilanus in suis Chronicis apud Marianum Florentinum tom. 5. cap. 17. fol. 85. col. 4.

*Erat Frater Albertus peritissimus homo, & potentissimus in Theologia, singularissimus predicator, & in suis predicationibus acceptissimus. Erat etiam & tique bonæ conscientie ita, ut Mediolani dicitur Beatus Albertus, eo quod post mortem miraculis claruit.*

Registrum ordinis sub gubernio Fr. Timothæi Lucensis scriptum anno 1472. 1472.

*Post mortem Fratris Guillelmi à Casali Ministri generalis, Dominus Papa super totum ordinem Fr. Albertum Sartbianensem, familie nostre Obseruantie Apostolicum Vicarium constituit, qui per annum totum ordinem sanctissimè gubernauit, & capitulum generalissimum Paduæ celebrandum constituit; transmisit autem ad istud capitulum Dominus Papa Breue quoddam, in quo uoluntatem suam declarabat, uidelicet ut Fr. Albertus in generalem Ministrum eligeretur, existimans; quod si ex familia obseruantie Generalis ipse electus esset, optima totius ordinis reformatio sequeretur.*

Nicolaus de Fara indiuiduus 1475. Capistrani socius, qui vitam eius latinè omnium primus conscripsit, ubi Cap. 13. habet quæ sequuntur, seq. tunc præsentem fuisse, & omnia uidif-

vidisse, & comperisse testatur, sed ipsa eius verba describere non piget.

*Hic est (Capistranus) qui in loco nostro apud Burgum S. Sepulchri, expleta predicatione in laudem, & gloriam Beatissimæ Virginis, Dei Genitricis Mariæ, in die Assumptionis eius in mensa sedens, cœlestis illius Fratris Alberti Sarrhianensis beatam animam ad Cœlos tramite recto migrare vidit, ita namque lætissima, Angelicæque facie quadam, me, & compluribus Fratribus presentibus in cœlum suspiciens affatus est; video, inquit, animam vnius Fratris nostri ad cœlum euolare, en vadit, en properat, sepe replicans. Cumque statim in Romandiolam proficisceremur, certiores facti sumus, eloquentissimum, & clarissimum illum virum Albertum Sarrhianensem, qui multis miraculis claruit, Mediolani ipsa die assumptionis animam cœlo reddidisse, & cap. 10. sic scribit: tum ipsus (Capistrani) tum Bernardini, tum etiam Fratrum Alberti Sarrhianensis, Iacobi de Marchia, Antonij de Bitonto, & complurium aliorum predicatione, multi nobiles, multi studentes, multique doctores, ad religionem se contulerunt, ex quibus nonnulli acceptissimi, & fructuosissimi evaserunt predicatores.*

1479. Alia Capistrani vita, à quodam nomine Deodato composita, phrasi veteri Italica, & impressa Comi anno 1479. Cap. 7.

*Eugenius Pontifex commisit curam Vicariatus totius ordinis recollenda memoria, Fratri Alberto de Sarrhiano, viro sanctitate, & scientia præclarissimo, & per totam Italiam nominatissimo, cupiens, ut in sequenti capitulo generali eligeretur Minister Generalis. Sed benignus Creator, sine cuius permissione non cadit folium in terram, id non permisit; cognovit enim, re sic stabilita, secururam potius obseruantię ruinam, quam aliorum reformationem: data enim cura B. Alberto, ut conuentuales ad arctioris vitæ normam reduceret, optimos quoque ex obseruantum familia in eorum conuentibus collocaret; quo tandem fieret, ut conuentuales vitæ suę rationibus assueti, eas non facile desererent, & ex aduerso conuentus obseruantum rigidis illis, & sanctissimis viris destituti facilius remitterent rigorem disciplinæ, quo factum, ut non Beatus Albertus, sed alius in Theologia Magister conuentualis electus sit.*

Codex Italico stylo, & characteretere vetustus vitæ F. Ioannis Capistrani, de eius spiritu prophetico fol. 47. à tergo. 1480.

*Hic Beatus cum esset in Burgo S. Sepulchri in festo Assumptionis Virginis Mariæ, ibi post habitam concionem, dum sederet ad mensam cum Fratribus, vidit in cœlum ascendere beatam animam illius tubæ cœlestis, Fratris Alberti à Sarrhiano, & coram multis Fratribus vultu latissimo, & Angelico in cœlum elato, dixit: Ego video animam vnius nostri Fratris in cœlum volare; hæc verba*

verba sapius repetens; en ascendit, en vadit ad gloriam, ac deinde socij certiores facti, diem, & horam notarunt, & in Romandiolam venientes compererunt, illum eloquentissimum, & clarissimum fratrem Albertum à Sarbiano transisse ex hac vita ad Deum die Assumptionis Domine; in Ciuitate Mediolani, vbi per ipsius merita Deus operatur multa miracula.

pro virtutum studio; sedula predicatione, & exemplis vita, per totam Italiam vir sanctus reputabatur.

Opusculum vetus inscriptum, Memoriale Ordinis, inter firmamenta trium ordinum S. Francisci pag. 37.

Hic Albertus de Sarbiano fuit, eloquentissimus orator, & predicator per totam Italiam, & præcipue Mediolani, & in alijs Ciuitatibus principalibus: patet in miraculis factis. Eum Eugenius IV. summè cupiens Ordinem Minorum reformare, post mortem presati Guilielmi de Casali Ministri generalis, constituit Vicarium generalem totius ordinis, scilicet Obseruantum, & Conuentualium per totum orbem, & dedit illi, scilicet Alberto, licet inuito, & renitenti sigillum Ministeratus, & præcepit, vt conuocaret capitulum generale celebrandum Paduæ, ad electionem generalis Ministri. De hoc extant copie epistolarum, & literarum suarum, propter disertitudinem, & facundiam, in volumine collectarum, in bibliothecis Senarum, & Capistrani cum pluribus tractatibus, & alijs epistolis ad Eugenium, ad Prælatos, et Principes totius Italiæ: Ibi, inquam, sunt literæ obedientiales ad conuentum Parisiensem, ad Ministros Prouinciales Hispania, Francia, Alemanicæ, vt nomine Eugenij IV. ad capitulum supradictum properarent, et similiter ad Regem Castellæ, et alios; vt ipsos Ministros mitterent renitentes sub isto, quia Generalis totius ordinis erat.

1486. Marianus Florentinus tom. 5.  
Chronicorum Ord. cap. 21.  
fol. 120. col. 2.

Locus S. Francisci de Sarbiano, ex quo fuit illa sonora tuba, & columna, seu auriga, & scutum nostræ familia, B. Fr. Albertus Sarbianensis, qui Mediolani requiescit, & fol. 124. col. 1. locus S. Mariæ de Angelis apud Mediolanum, in quo requiescit illa magna, & resonans tuba, & quartus auriga familie obseruantia Fr. Albertus Sarbianensis, prouincie Tusciæ, miraculis clarus, & cap. 24. fol. 160. col. 4. Hoc anno 1450. in solemnitate Assumptionis Gloriosæ Virginis Mariæ B.P. Frater Albertus de Sarbiano, prouincie Tusciæ miraculis clarus obdormiuit in Domino, & relata reuelatione gloriæ Alberti, facta Capistransis, vt in vita narrauimus; postea subiungit: qui B.P. Fr. Albertus in supradicto loco venerabiliter sepultus, etiam post mortem miraculis coruscavit. Idem alibi passim, & fol. 124. col. 1. de alio loquens, qui in sua iuuentute, inquit, cum per viam sensualitatis, & inertie ambularet, a S. Fratre Alberto Sarbianense monitus, mutauit vitam suam, & ex imperito iuvene, doctrina clarus euasit, &

1516. Ex Catalogo omnium prouinciarum, & cœnobiorum Fratrum Min. Reg. Obseru. conscripto anno 1516. in fine epitomes Annalium, vbi de prouinc. Mediolani.

*S. Marie de Angelis apud Mediolanum, vbi requiescunt vir ille insignis virtute, & doctrina Albertus Sarthianensis, illique similis Antonius de Argeno &c.*

1536. Leander Albertus, in descriptione Italiae in Tuscia pagin. 90.

*Hinc ad Clanem versus, Sarthianum est, Alberto, ex Min. ordine, maximo concionatore inclytum.*

1540. Dionisius à Pulinari, in chronico M. S. prouinciæ Tusciæ part. I. fol. 14.

*Hoc etiam anno 1439. Summus Pontifex Eugenius misit B. Fr. Albertum à Sarthiano ad Presbyterum Ioannem Aethiopiæ Imperatorem, & ad Sereniss. Thomam Imperatorem Indorum, ad res maximi momenti tractandas; & fol. 16. in quo capitulo ( prouinciæ Paduano ) omnes nonaginta tres vocales conuentuales, excepto uno solo concorditer elegerunt in suum Ministrum, sanctum P. Fr. Albertum à Sarthiano, ex fratribus obseruantinis prouinciæ Tusciæ; & infra: qui B. Pater Fr. Albertus Minister prouinciæ S. Antonij, & Vicarius generalis totius ordinis, nono die Iunij anni Domini 1443. & ordinis 237. celebrauit Padue secundum capitulum generalissimum*

*ad quod capitulum Pontifex misit literas, quibus declarauit suam voluntatem esse, vt Albertus eligeretur Minister generalis, existimans, si id fieret securam totius ordinis bonam reformationem: & fol. 20. hoc eodem anno 1450. in festo Assumptionis Domine nostræ, in hoc nostro conuentu S. Angeli, Mediolani quieuit in Domino B. P. Fr. Albertus à Sarthiano, qui fecit multa miracula, cuius animam per Angelos in cœlum ferri vidit S. Vicarius generalis ( Capistranus ) existens in Burgo S. Sepulchri: & parte 2. in historia conuentus Sarthianensis fol. 258. Huius conuentus erat B. Fr. Albertus à Sarthiano, qui obiit Mediolani, de cuius excellenti sanctitate, & doctrina, nunquam satis dici poterit: & infra: de hoc Fr. Alberto legitur, quod Pontifex, & Cardinales inter se discurrendo dixissent, quod si fides Christi in omnibus extincta esset; tamen in Fratре Alberto remaneret, qui in reliquis ipsam resuscitaret.*

Blondus Flavius Foroliuiensis, 1559. in Italia illustrata, de Etruria pag. mihi 308.

*Deinceps ultra Clusium, Sarthianum est oppidum, Alberto Minorita diuinorum dogmatum predicatore insigni ornatissimum.*

Marcus Vlissiponensis in chronico Ordinis Min. part. 4. lib. I. cap. 33.

*Regularis Obseruantia S. Francisci per quatuor precipue sanctissimos, & doctissimos viros aucta, & illustrata fuit, vt sacra, & famigerata*

rata doctrina, sic etiam sanctissima vita, & miraculis. Ii fuerunt, S. Bernardinus Senensis, B. Ioannes à Capistrano, B. Iacobus Picenus, & B. Albertus Sartbianensis, qui fuerunt veluti quatuor firmissima columna restaurati nouiter illius adificij: & tanquam quatuor strenui Duces magna familia, qui eam duxerunt, per securam, reclamque viam, & semper saluam conseruauerunt. Erant quatuor Clypei, qui suae sanctitatis exemplo, & doctrina, eam ab aduersis tutati sunt. Erant quatuor Tubae, quarum sonitu, multi ad Religionis militiam, & Christi sequelam concitati fuerunt, eorumque seruore xeli studioque diuino munere, tota Italia, Germania, Hungaria, Polonia, & Boemia obseruantum Cœnobij replata sunt.

Idem 3. part. cap. 35. pag. 267. de B. Michaeli ab Arcagnano scribens.

Is, inquit, in ordine iuuenis inconsiderate viuens, in ordinis disciplina non satis se occupabat, verum S. Bernardini, & B. Alberti à Sartbiano salutaribus monitis, concitatus, vitam in melius commutauit, ac adeo gnauiter sese literarum studijs addixit, vt auxilio diuinae gratiae, intra paucum tempus, clarissimus verbi Dei concionator euasuerit, suaeque doctrinae radijs, & sanctitatis opinione, totam Italiam illustrauerit.

Franciscus Rosieres, in Stemmatibus Ducum Lotharingiae tom. 5. pag. 287.

Diuus Albertus Sartbianensis, fignis, & miraculis clarus è vita migravit: & in margine: S. Albertus.

Codex M. S. sub Gregorio XIII. Pontifice, vbi fol. 86. à tergo compilator sic dicit.

Huius Conuentus (Sarthiani) fuit Venerabilis, & B. Pater Fr. Albertus de Sartbiano; qui multis sanctus legationibus Pontificijs, cum ad Indos, tum quoque ad Aethiopes, obdormiuit in Domino Mediolani, apud Sanctum Angelum, qui Conuentus Obseruantibus Minoritis paret, Anno Domini 1450. cuius anima visus fuit à B. Ioanne de Capistrano in Cœlum euolare; nec mirum, cum per ipsum multa edidit Dominus Deus miracula.

Rodolphus Tossinianensis, Episcopus Senogalliae, Histor. Seraph. lib. 1. fol. 72. à tergo.

Beatus Albertus de Sartbiano Mediolanensis (17.) humili loco natus, vir literis eruditus, vt monumenta eius, laude digna declarant, suis praedicationibus, multos traxit ad fidem Christi, peragauit per totam Syriam, Graeciam, Aegyptum. Fuit autem in sacris concionibus maximus vitiorum obiurgator, unde multoties pro veritate tuenda, incurrit discrimen vitae. Erat praedicationis eius grata, & fructuosa, doctis simul, & indoctis: in dicendo utebatur praecleara dicendi forma, quae

cum sanctitate vite coniuncta, multos ad se attraherat.

1587. Franciscus Gonzaga Episcopus Mantuanus de origine Seraphicæ Religionis, & progressibus Regul. Obseru. in Conuentu 14. Prouinciæ Tusciæ nemoris de Mugillo.

Quo quidem capitulo, cui etiam B.P. Albertus de Sarthiano interfuit: & in Conuentu 22. Cetonij. In cuiusmet loci tabulario sexdecim Pontifici; Bullæ à Summo Pontifice Eugenio IV. ad Venerabilem Fratrem Albertum à Sarthiano transmissæ custodiuntur; quibus illum ad Indos Orientales, ad Aetiopes, & ad alia plurima loca, apostolica auctoritate delegauit. In Con. 29. S. Francisci Sarthiani. Huius Monasterij alumnus fuit Venerabilis, ac B. P. Fr. Albertus de Sarthiano, qui plurimis sanctis legationibus Pontificijs, Mediolani obdormiuit in Domino, ibiq; apud Conuentum S. Angeli, Domini anno 1450. sepultus est: cuius anima à B. Ioanne de Capistrano aspera petens visa est: Et in Catalogo Beatorum Ordinis. B. Albertus à Sarthiano miraculis clarissimus. Idem Gonzaga edit. Romæ pag. 13. Summus Pontifex, ut Venerabili P. Fratri Alberto à Sarthiano, viro utique integerrimo, atque Reg. Obseru. acerrimo propugnatori, nec non Religione moribusque insigni, viam ad generalem ministerium strueret: nouerat enim vigilantissimus ipse pastor plurimum accrementi, plurimumque splendoris, vniuerso ordini ex huiusmodi promotione obuenturum, ipsum super vniuersam Religionem Minori-

ticam, ex Apostolica auctoritate generalem Vicarium instituit, qui & munus sibi creditum exactissime, iuxta conceptam de ipso spem, per integrum annum obiuit, & generalissimum secundum, tum Obseruantium, tum quoque Conuentualium Patrum Capitulum Patavi, anno Domini 1443. vel (ut alij volunt) anno 1444 futurum assignauit, ac tempore prescripto prudentissime celebrauit.

- Bernardinus de Buis, præter 1588. ea, quæ ex ipso, in Alberti vita descripsimus, serm. 27. part. 2. pag. 668. col. 2. in fine alterius tom. 1. sui Rosarij.

Multos etiam produxit (primus Ordo) alios Sanctos fratres, vitæ & miraculis clarissimos, de illis vero, qui fuerunt, non multis temporibus elapsis, ut de B. Ioanne Capistrano, B. Alberto de Sarthiano, B. Iacobo de Marchia, & multis alijs, qui maximis corruscant prodigijs, nimis longum esset recitare.

- Henricus Villot Athenarum 1598. Ortodoxarum lit. A.

Albertus de Sarthiano Mediolanensis, Guarini Verontensis alumnus, D. Bernardino præceptore sanctioribus literis operam dedit; & is fuit moribus, & eruditione, ut Bernardini discipulum posset agnoscere, & exantlatis in spargendo semine Evangelico multis, ac varijs laboribus, Mediolani ipso, quo Decipara triumphum egit, celebri die feliciter obdormiuit anno 1450.

1193. Siluanus Razzi Camaldulensis, in vitis Sanctorum, & Beatorum Etrurię pag. 716.

Alius codex vitę B. Ioannis à 1594. Capistrano scriptus anno 1594 autore Bonauentura de Calasio.

*Qui* (B. Thomas Florentinus) ab Eugenio IV. Pontifice postea missus est socius, cum B. Fr. Alberto Sarthianensi in Indiam, & ad Presbyterum Ioannem, & altera vice Hierosolymam, cum Beatis dicto Fr. Alberto, Ioanno Capistranensi, & Fr. Herculano à Piagale ad reformandum, & reducendum ad veram regulę obseruantiam loca, & conuentus illarum partium.

Et pag. 722.

Quando Papa Eugenius misit Legatum suum ad Presbyterum Ioannem Imperatorem Aethiopum, & ad Thomam Imperatorem Indorum, cum suis literis B. Fr. Albertum Sarthianensem, ut illos reduceret ad vniõnem Sacrę Romanę Ecclesię, dedit illi pro peculiari socio B. Thomam, ut sanctitate suã vitę adificaret dictos Imperatores, & eorum populos, sed cum Sultanus Babilonię ipsi Fr. Alberto, eiusque socijs impediret transitum, discesserunt ex Aegypto, & retro reuertentes venerunt Constantinopolim, ut per Thaim nauigarent in Persiam, & ex Persia in Aethiopiam, & Indiam. Fr. Albertus per viam morbo detentus, ne Pontificis propositum frustraretur, misit B. Thomam cum tribus alijs Fratribus, ad complendum eiusdem Pontificis desiderium.

*Cum esset alia vice* (Capistranus) in conuentu nostro Burgi S: Sepulchri, in festiuitate sollempnissima assumptionis Virginis Marię, vidit in cœlum ferri animam illius magni Predicatoris Fr. Alberti de Sarthiano & id reuelauit Fratribus: atque bi diem, & horam diligenter obseruarunt, & sic rem contigisse compereunt, quemadmodum à S. Viro Dei, & Propbeta Cbristi reuelatum fuit.

Claudius Picquet in Catalogo 1597: Illustrium Ordinis Min. pag. 270. inter Beatos.

Fr. Albertus de Sarthiano iacet Mediolani.

Ludouicus Robelledo 1. part. 1598. Chron. versus finem in Catalogo Illustrium personarum Ordinis S. Francisci fol. 12.

Beatus Fr. Albertus de Sarthiano Mediolanensis (18) sepultus est in conuentu S. Francisci, eiusdem vrbis Mediolani.

Idem ibidem fol. 37. in Catalogo Scriptorum Ordinis:

Frater Albertus à Sarthiano; Mediolanensis composuit quosdam tractatus de immortalitate anime, & de purgatorio, & alia opera.

Libel-

Libellus Anonymi M.S. nostri archiui arm. 3. num. 43. fol. 23.

Mittitur Fr. Albertus Sarrhianus, vir magna doctrina, & sanctitate conspicuus, cum 40. alijs obseruantibus ad Imperatorem Aethiopiae Presbyterum Ioannem. Et paulo post anno 1443. in capitulo Paduano 2. generalissimo, in quo aderant Conuentuales, & Obseruantes, praecepit Papa eligi Fratrem Albertum Sarrhianensem, virum sanctum, & strictae obseruantiae profissorem, qui à morte aucti Fr. Guillelmi, et Vicarius totum ordinem rexit. Sed Conuentuales quidam eius rigorem experti in hoc obedire noluerunt, & turbas excitarunt, quas ipse Albertus sopiuit promittens, quod de sua electione nihil moueretur.

1606. Antonius Possuinus in apparatu sacro,

Albertus Sarrhianus Mediolanensis ord. Min. celebris sui aui concionator: quique operam suam Eugenio IV. Pontifici Max. in Concilio Florentino, atque in legatione Hierosolymitana nauauit (nimirum, et aetia Sultani cognosceret) scripsit &c.

1610. Antonius Daza 4. part. chron. lib. 1. cap. 36. pag. 185.

Venerunt ad concilium Florentinum multi Praelati, Episcopi, & Legati ex Aethiopia, Armenia, & India, ad dandam obedientiam Pontifici Romano tracti per industriam B. Fr. Alberti de Sarrhiano, cuius sacrae religionis, & Legati Pontificii Eugenij IV. in partibus Aethiopiae

Presbyteri Ioannis, & Indiae Orientalis, ut apparet ex sexdecim bullis eiusdem Pontificis originalibus: quae seruantur in Conuentu S. Francisci Citonij in Etruria.

Ioannes à S. Maria in chron. 1615. prouincię S. Iosephi part. 1. lib. 1. cap. 4. pag. 14.

Sanctus Bernardinus Senensis, Fr. Ioannes à Capistrano, Fr. Iacobus à Marchia, & Fr. Albertus à Sarrhiano, tamquam robustissime columnae sustinuerunt nouum aedificium reformationis, & ut fortes, dextrique Duces gubernarunt nouam illam militiam, cum titulo Vicariorum generalium, & assensu Ministri generalis per Pontificem constituti.

Bartholomaeus Cimarellus in 4. par. chron. S. Francisci lib. 7. cap. 44. pag. 844. loquens de adductione Orientalium, ad Concilium Florentinum.

Et hoc (inquit) per industriam, & laborem B. Fr. Alberti à Sarrhiano cuius sacri ordinis, Legati Apostolici Eugenij Papa IV. in partibus Aethiopiae, & India Orientalis, ut apparet per 16. bullas originales Summi Pont. quae nunc seruantur in prouincia Tuscia. Hic est ille magnus religiosus, & principalis columna reg. obs. cuius mirabilia, & egregia facta in ipsius vita explicantur.

Dermittius Thadei, aliàs Anton. 1626. Hiquæus in Nitela Francisc. pag. 62.

Hinc ab Oriente Ioannes Capistranensis Franciscanus Armenos, hinc B. Albertus Sarrbianensis Franciscanus Iacobitas Florentiam ad fidei unitatem, & veritatem reducunt; quorum uterque cum legati munere, ad illas partes destinati sunt (magis 50. suorum sedalium numero comitante) procurande Ecclesiarum uniuersi concordia; cum pridem Sarrbianensis græcæ, & latinæ lingue à puero eruditissimus in concilio Florentino interpretem egerit, adiuncto eiusdem instituti officio.

Augustinus de Vitte in genealogia S. Francisci pag. 20.

B. Albertus à Sarrbiano miraculis decorus quiescit Mediolani, & pag. 59. B. Albertus de Sarrbiano,

1627. Saluator Massonius pag. 131. vitæ B. Ioannis Capistrani.

Papa commisit curam Ordinis tanquam Vicario generali Fr. Alberto à Sarrbiano, viro magnæ famæ sanctitatis, & sapientiæ, & per totam Italiam nominatissimo, ea mente, ut in proximo capitulo generali eligeretur ipse Minister generalis.

Idem ad Calcem vitæ eiusdem Capistrani, Alberti vitæ breuiarium exhibet, ex quo descripsi, quæ hic sequuntur,

Fr. Albertus Sarrbianensis erat ex Sarrbiano, unde Pius III. (19) Pontifex originem duxit. Cum esset paruulus, pater eum obtulit S. Francisco in ipsius monasterio, ubi ætate crescens in literis bene profecit. Erat

enim pulcherrimi ingenij. Quam excellens euaserit in lingua græca, non minus quam latina, manifesta uit in Synodo Florentina, ubi seruus Dei latinorum, græcorumque interpretibus annumeratus, latinorum uerba, & sententias, tanta facultate, & elegantia græcè reddebat, ut admirati græci dicerent, fieri non posse, ut ille in Græcia natus non fuerit. Erat pariter in diuina scriptura, & sacra Theologia admodum summatus, ut viri docti Italia, Prelati, atque ipse Pontifex illum inter sui temporis doctissimos censerent; cuius rei specimen suis literis præbuit, quando Pontifex illum Legatum suum in Orientem misit.

Trigesimo ætatis anno à conuentualibus ad obseruantiam migravit, in qua uixit semper cum puritate, & uera obseruantia regule. Multa monasteria edificari fecit, in Italia, & extra, ut Candiæ, Constantino-poli, Hierosolymis, Cassiæ, & Perz. Hæc tuba Spiritus Sancti discurrebat prædicando nomen Iesu Christi, per totam Italiam, Græciam, Aegyptum, & Syriam. Et infra. Hic seruus Dei unum annum multæ prudentia rexit Religionem, cum esset valde zelosus obseruantię regularis, seuerus, & iustus. Et postea loquendo de turbis capituli generalis Patauini. Nihilominus, sedato rumore, Fr. Albertus, ut Vicarius generalis Ordinis, sua dexteritate collectis omnibus ad comitium, humilitate sua placauit ipsorum animos, & illos in pace uniuert, renuntians officio generalis Ministri (quo ad Pontificis mentem potiri poterat) ut illi in eo constituerent, quem magis expedire iudicarent; promittens  
insu-

*insuper non defuturum se placando Pontificis animo, quantumvis ipsi non eligerent, quem ille cupiebat. Deinde narrat, in conuentu Cetonij conseruari spinam coronæ Christi, & partem ligni S. Crucis, quæ Albertus Constantinopoli secum tulerat, ac denique mortem ipsius, & reuelationem triumphi eius in Cœlum ascendentis, eadem hora mortis, factam B. Capistrano.*

1629. Ioannes Franciscus Bonafus, Bononiensis ordinis Minor. Conuentualium, in Theatro illustrium personarum trium ordinum S. Francisci Bononiæ anno 1629.

*Beatus Albertus Sarrhianus, Mediolanensis, qui Armenos ad S. Romanæ Ecclesiæ obedientiam reduxit, Mediolani quiescit.*

Paulus à Trinitate in expugnatione spirituali Indiæ Orientalis per fratres Minores lib. 1. cap. 2.

*B. Fr. Albertus à Sarrhiano, qui miraculis claruit, crucem in manu gestans, prædicauit in diuersis partibus mundi, per totam Syriam, Græciam, & Aegyptum, & multos infideles conuertit.*

1635. Iacobus Grassettus S. I. in vita Beatæ Catharinæ Bononiensis lib. 1. cap. 19. pag. 65.

*Vna dierum dum Satharina occuparetur panibus furno ingerendis, accessit ad monasterium quidam Pater ordinis obseruantium S. Francisci,*

*nomine dictus Fr. Albertus, vir deuotissimus, & potens prædicator, & sermonem de rebus spiritualibus ad matres haberet, cui omnes interesse debebant; quapropter illico per campanula sonum vocata sunt, quo audito serua Dei panes omnes furno celeriter imposuit, deinde ad concionem abiens furno benedixit, dicens; ego te commendo Christo meo. Tum, res miranda, sermone per integras quinque horas indefinenter protracto, quando ad furnum redijt, ut panes extraheret, multe sororum eam secutæ sunt, certò tenentes, panem omnem iam combustum fuisse, sed ingenti ipsarum stupore eum inueniunt non modo bene maturum, sed etiam solito pulchriorem roseo colore, & ad admirationem odoriferum.*

Placidus Myrtus Frangipanius, Cler. Regularis, in sua acclamatione Madritensi fol. 17. pag. 2.

*Tempore Eugenij IV. Summi Pontificis, voluit Albertus Sarrhianensis aperire sibi viam ad reductionem Aethiopum.*

Arturus à Monasterio in Martyrol. Franc. die 15. Augusti.

*Mediolani B. Alberti de Sarrhiano confessoris, ac concionatoris eximij, qui pluribus sanctus legationibus Pontificijs, ad Indos, Aethiopes, & alios Orientales populos, copiosum numerum Schismaticorum, & hereticorum; maximè Armenorum, Iacobitarum, Græcorum, & aliorum reduxit ad fidei unitatem, quam professi sunt in Concilio Florentino œcumenico, ubi conueniunt*

runt sub Eugenio IV. Papa : tandem doctrina , vitæ sanctitate , ac miraculis clarissimus spiritum Deo reddidit ; cuius animam B. Ioannes Capistranus vidit æthera petentem . Et in annotationibus ad eundem locum totam eius vitam compendio recenset .

1639. Lucas Vvaddingus , quo nemo B. Alberti acta copiosius , aut solidius prodidit , tum in syl- labo scriptorum ordinis , tum & maximè in suis eiusdem ordinis Annalibus , præfer- tim tom. 5. per totum , ex quo hanc vitam eius , magna ex parte concinnauius , & nunc inter hæc aliorum testimo- nia , selecta quædam eius verba colligemus , quæ ad B. Viri doctrinam , sanctimo- niamque vitæ præcipuè per- tinent ,

Anno 1415. n. 22. Hoc anno Fr. Albertus à Sartbiano Clusina Diœcesis oppido , à Patribus Conuen- tualibus ad Obseruantes transfuit , annos natus triginta . Guarino Veronen- si , & Emanuele Cbrisoloræ præ- ceptoribus græcè , & latinè doctus , utraque lingua eruditè scripsit , & utriusque gentis conuersioni studuit . Ipse in summo vitæ rigore , & disci- plina seueritate , pauperem vitam transigens , omnes cupiebat Christo lucrifacere , vel assidua oratione , vel efficacissima prædicatione . Sepissimè de hoc viro sanctissimo , & doctis- simo nobis offertur occasio loquendi ; multa enim præstitit egregia in sui

ordinis , & fidei catholica incremen- turæ .

Anno 1430. n. 34. recensitis illu- stribus aliquot viris . Inter bos , in- quit , & super bos eminentissimè flo- ruit B. Albertus Sartbianensis , san- ctitate illustris , græcè , & latinè doctus .

Anno 1450. n. 11. & 12. Celebri Assumptionis Virginis festiuitate ad Cœlos euolauit B. Albertus Sartbia- nensis , cuius præclaras animi dotes , & gloriosissimos , pro Ecclesia Ca- tholica , & fidei propagatione labo- res , per varios annos distribuimus . A tempore quidem quo prædicandi munus , superiore iubente , suscepit , nunquam ab opere cessauit ; sanctissi- mis documentis immaculatam con- iunxit vitam , & opera sanctissima , tot præclaris meritis radiantem eius animam vidit B. Ioannes Capistra- nus in Cœlos ascendentem . Sepultus est in cœnobio S. Angeli , ubi post mortem coruscavit miraculis .

Felix Reineccius , in Solone 1640. Franciscano lib. 2. cap. 10. pag. 277. & 278.

Postremò etiam Angeli cœlestes exhibuerunt se , tamquam fidelissi- mos singularis diuine prouidentie erga Franciscanos vades ; sit ex plu- ribus vnus ille , qui Fr. Alberto de Sartbiano mandatis Apostolicis in Aegyptum profecto , & in terra ina- quosa , loco horroris , & vastæ soli- tudinis , ob defectum potus , & tibi , ex bidui penuria languenti , & que- renti adsistit . En dicebat Albertus ; iam morior ; V. arj tui præcepta per- agere non potero , neque pereuntes animas ad tuæ veritatis cognitionem

*reducere . Domine miserere . Non prius dixit , quam uiderit prope se iuuenem pulcherrimum lingua Italica salutantem , mox cibos afferentem , & sic affantem ; non est cur de diuina diffidas misericordia , & providentia . Ego sum , qui Francisco seruo meo subsidium promisi opportunum , neque tu uidisti huc usque in religione hac iustum derelictum , aut fratrem aliquem fame perijisse ; quibus dictis disparuit .*

Idem lib. 3. cap. 4. pag. 53. narrat ea, quæ Alberto in Ægypto contigerunt, & eius reditum ad Pontificem, adductis ad Concilium Florentinum, Ætiopum Ægyptiorumque Legatis, ac tandem subiungit de socijs hæc pag. 60.

*Interea nec illi , qui ab Alberto surrogati , & ad Indos missi fuerant feriatu creduntur , certè scribit Bartholomæus Cimarellus , quod etiam plures Prælati ex India Orientali per legatos suos memorato in Concilio , ope Alberti Sarthianensis , obedientiam præstiterint Summo Pontifici Eugenio IV. tamquam capiti uniuersalis Ecclesiæ . Inuenitur quoque in Annalibus Minorum etiam anno 1452. Franciscanos in India extitisse , eamque & anno 1455. adijisse alios . Hæc Reineccius , & alia plura , quæ cum per nos in hac historia narrata sint , ea iterum describere superuacaneum censuimus .*

Michael Angelus à Neapoli in 1650  
Chronologia historica legali  
pag. 87.

*Obseruantium Congregationem , quatuor cælestes præcones , Bernardinus Senensis , Ioannes Capistranus , Albertus à Sarthiano , & Iacobus Picensis dilatauerunt , quibus ducibus familia obseruantie aded succreuerat , ut Minister generalis , Fr. Guillelmus de Casali , super ipsam familiam anno 1438. S. Bernardinum Senensem , accedente Eugenio Papæ IV. ordinatione , Vicarium generalem instituit : quo magistro , gubernatore , atque prædicatore , comitibus tribus supradictis , maxima in dies incrementa suscepit .*

Petrus Marchant in 12. fundam<sup>1660</sup>  
mentis Ord. Fr. Min. parte 2.  
pag. 121.

*Eugenius IV. misit B. Albertum Sarthianum , qui cum Græcis redierat , una cum aliquot FF. Minoribus ad Patriarchas illarum regionum & Coptos , nec non ad Thomam Indorum , & Presbyterum Ioannem , Ætiopum Imperatores : nec inutilis illa missio fuit Ecclesiæ Dei &c. & pag. 226. Mortuo Fratre Guillelmo de Casali institutus est à Summo Pontifice Eugenio Vicarius Generalis Ordinis , usque ad Comitibus Generalia , Fr. Albertus de Sarthiano , uir doctissima , pietate , & religiosa uita insignis , ex Familia Obseruantum , qui ad annum sequentem 1443. indixit Comitibus Generalia : Et infra , S. Bernardinus de Senis quod , ut de eo scribitur , in oratione didicisset Obseruantiam , adhuc in suis exordijs debi-*

debilem, B.P. Alberto indigere, instabat apud familiam Obseruantia, ut Fr. Antonius de Rusconibus eligeretur.

ctus est, Mediolani tandem decessit anno 1450. relictis que sequuntur operibus ingenij sui claris monumentis: Tractatus de Corpore Christi.

1653. Iacobus de Riddercin Speculo Apologetico.

Fr. Albertus de Sarbiano vir inægerimus, atque Regularis Obseruantie accerrimus propugnator, quæ Pontifex vocalibus commendauit, ut scilicet, tam Conuentuales, quam Obseruantes illum in Ministrum Generalem Totius Ordinis utrisque communem eligerent.

Franciscus Haroldus in Epitome Annalium Vvaddingi tom. 1. col. 1239.

Beatus Albertus Sarbianensis vir attica et Romana eruditione clarus, & col. 1271. Dum verò B. Albertus de his rebus etc. & col. 1282. Interea B. Albertus Sarbianensis.

1653. Isidorus Vgurgerius in pompis Senensibus part. 1. tit. 14. pag. 306.

Fr. Albertus de Berdinis, Senensis à Sarbiano, præcipuus discipulus, et imitator S. P. Bernardini, et Vicarius Generalis noui instituti Minorum Obseruantum, ab Eugenio IV. Pontifice Romano creatus, græcas, et latinas literas à Guarino Veronense aliisque celebri famæ humanioris literaturæ professoribus; ac diuina de hinc mysteria ab ipso Bernardino didicit: unde cum singulari decore multis populis prædicauit. Mox in Eugenio Pontificis beneuolentiam acceptus, ad Concilium Florentinum vocatus est; ubi græcorum Ecclesiarum unionem cum latina iniuit. Hinc Hierosolymam ab eodem Pontifice missus est, ut obseruaret machinamenta Soldani, et alia negotia, cum Aegypti, et Indis perageret, rationesque disquireret, quibus illa superari possent; postquam pluribus legationibus, eiusdem Pontificis nomine, ad varios Principes perfun-

Godofredus Henschenius, & 1668. Daniel Papebrochius S. I. in vitis SS. tom. 2. Martij die 9. in notis ad vitam B. Catharinæ Bonon. pag. 55.

(21) Videtur is esse (Albertus) quem à Sarbiano natus suo in Etruria oppido cognominat Arturus, in Martyrologio Franciscano, ad 15. Augusti Apostolici xeli non tantum in Europa, sed et in Asia concionator: Minister Ordinis Generalis futurus; ex Pontificis voluntate, nisi recusasset, qui, ut Arturus ait, tandem virtute, doctrina, miraculis clarissimus, obiit Mediolani in Conuentu Sancti Angeli honorificè conditus anno 1450. Videtur autem hæc res contigisse anno 1442. quando (22) ipse Prouinciæ S. Antonij, id est Bononiensis, Minister fuit Prouincialis: nam post annum 1443. et Capitulum Romæ celebratum, tam multis Apostolicis legationibus fuit occupatus, ut forte in suam Prouinciam, intra annos aliquot non rediuerit.

1670. Abbas Philippus Picinellus Canonicus Reg. Lateran. in Atheno literatorum Mediolanensium.

*Insignis erat felicitas, per quam Albertus à Sarthiano, noster Mediolanensis, relicto seculo, & indutus habitu Minorum Observantium Sancti Francisci, S. Bernardinum Senensem, nunquam satis laudatum, magistrum fortitus est, sub illo enim magno rectore, qui purissima sanctitatis lumina cum altissime scientie splendoribus copulabat: mirum quam facile fuit, fortunato huic discipulo, ut utroque titulo tam eminentis magistri alumnus reuerendus euaderet. Vterat Albertus facultat: doctissimus, Eugenius IV. Pont. Max. voluit, ut celebri Florentino Concilio interesset &, ut erat admirandus verbi Dei præco, feruore Apostolico, tantam auditorum multitudinem attraheret ut feratur eum subinde quinquagesies mille Mediolanenses auscultatores habuisse: intuitu eius utriusque magni talenti virtutis, idem Eugenius Pont. eum legatum suum Hierosolymam amandauit, ut Christianitatis prerogatiuam sollicitaret, & iudiciosa sua prudentia obseruaret molimina Sultani, & aduersus ea opportuna remedia exquireret. Posteaquam in Apostolico munere, per varias provincias multo sudore, laborasset, eo die quo Maria Virgo triumphali pompa in celum transacta fuit, ipse quoque dulcissimo somno graues palpebras mundo occlusit anno 1450. Ex operibus eius, quæ pretiosam hereditatem Observantium Religioni reliquit, etiamnum Capistrani seruat elegantem librum epi-*

*stolarum, græco, & latino doctè permixtum.*

Benedictus Mazzara Sulmonensis, & Ord. Min. strict. obseru. Proninciæ S. Bernardini Pater, & Franciscani Legendarij Author, in vita Beati Alberti.

*B. Fr. Albertus Sarthianensis, in Ord. Min. tam audius erat integræ, & purissime adimpletionis Franciscani Canonis, & austerioris vite, ut ad hanc assequendam à conuentualibus ad obseruantes sub buius districtiõnis primordia transierit, ipsumque institutum multis viris, e seculo vocatis, multis domibus auxerit, & firmauerit: ipsum etiam doctissimis scriptis, ab aduersis conatibus vindicando. Erat ipse in se ipsum austerus, & Euangelicæ paupertatis tenacissimus, & feruentissimus zelator salutis animarum, cui promouende se ipsum perpetuò impendebat, tum assiduus precibus, cum constanti, & indefesso labore prædicationis. Erat verbum Dei in ore eius gladius acutus ad rescanda vitia, & carnales affectus detruncandos. Erat accrimus criminum obiurgator, in quo nullius, vel diuitis, vel potentis faciem respiciebat, ea tamen dexterritate, & eloquentia, ut sui auti concionatorum Rex appellaretur.*

*Et postea. In Itinere Aegyptiaco illi accidit, ut dum per immensam illa desertam, & vastissimas solitudines deficiente victu, ex integri bidui inedia ad aride arboris truncum sedens & querulus ad Dominum conuersus, diuinam promissionem S. Francisco factam allegauit; illius quippe filijs nunquam defore victui necessaria.*

Et

Et enego, inquit, in hac solitudine morior fame, nec potero Vicarij tui iussa perficere, nec tot animas ad veritatis tuæ lumen adducere, Domine miserere. Hæc verba non prorsus absoluit, cum adstantem sibi vidit iuuenem pulcherrimum, qui cum Italica lingua salutans, cibos porrexit, quos cum ille admirabundus, cum gratiarum actione sumeret, subiunxit. Non est quod de Dei benignitate, & prouidentia diffidas. Ego ipse sum qui seruo meo Francisco promisi omne opportunum auxilium: nec tu hæc usque vidisti in hac Religione illum derelictum, aut fame percuntem, usque dictis disparuit. Et iterum. Sanctissimis documentis, et prædicando subministrabat, ad iungebat opera, & vitam sanctissimam, quibus multos Infideles in Oriente conuertit ad fidem, multos Schismaticos ad unionem Ecclesie reduxit, & ex alijs erroribus incredibilem hominum multitudinem liberauit multosque induxit ad Religiosæ vitæ professionem. Denique, postquam pro Ecclesia Sancta Dei multum desudauit, & pro sua Religione obseruante per triginta nouem circiter annos, ut unus ex quatuor præcipuis columnis, qui eandem obseruantiam aduersus emulorum studia, summo honore supportarunt, meritis copiosis diues, Mediolani transfuit ad Dominum, in Festo die Assumptionis B. Virginis Mariæ anno reparatæ salutis 1450. in Conuentu S. Angeli, ubi corpus eius sepultum fuit, & multis deinde miraculis à Domino illustratum. Eadem hora, qua obiit Albertus, B. Ioannes Capistranensis, in Conuentu Burgi Sancti Sepulchri, mensæ cum fratribus accubens, leto & radiante vultu in

cælum elato, sic exclamauit. O Patres ego video animam vnius fratris nostri in Cælum euolare, & ut vadit gloriosa, expedita, & Beata: quod cum oculis in altum defixis, pluries repetisset, è mensa ad orationem surgens, in ea sibi reuelatum didicit, animam illam fuisse P. Alberti Sartinianensis, quæ tunc exuta corpore, ad Cæli gaudia properabat.

Nicolaus Bartholinus Cl. Reg. 1680.  
Congregationis Matris Dei,  
in calce Hodæporici B. Ambrosij Camaldulensis, à se nuper editi pag. 70.

B. Albertus de Sartiniano, tum vitæ sanctitate, tum eruditione, ac laboribus Ecclesiasticis cum paucis euo suo conferendus.

Antonius à Terrinca, in Theatro genealogico Minoritarum Tusciæ part. 1. ferm. 2. tit. 2. pag. 14.

B. P. Albertus Berdinus à Sartiniano Reg. Obseru. Alumnus, columna, & basis, propugnator, & propagator vti Theat. 1. Ord. tit. 4. diximus: vir prædicatione, vitæ sanctitate, ac miraculis illustris, Græcis & latinis, humanis, ac diuinis literis apprime eruditus, Martino V. Eugenio IV. & Nicolao V. Summis Pontificibus summè charus, sanctissimis namque documentis immaculatam coniunxit vitam, & opera sanctissima; quibus Orientales multos, varijs apud eos legationibus functus, ad fidem conuertit, Iacobinos, Græcos ad unitatem Ecclesie in Concilio Florentino à schismate adduxit,  
& re-

et reuocauit, incredibilem multitudinem ab errore retraxit, plurimos Religiosorum cœtibus adiunxit. Tot præclaris meritis radiantem eius animam vidit B. Ioannes Capistranus in Cœlos ascendentem ipsa Assumptionis Virgineæ festiuitate anno 1450.

P. Dominicus de Gubernatis in Orbe Seraphico Tom. 1. in Indice.

B. Albertus de Sarrhiano Pontifici, et Ordini riuerso acceptus & f. 184 In locum Fratris Dalismani demortui electum fuisse in Ministrum Prouincialem B. Fr. Albertam à Sarrhiano. Idem Tom. 3. pag. 78. col. 2. quo etiam anno B. Albertus de Sarrhiano, tum doctrine, tum sanctitatis rarum exemplar ab ordinis communitate, ad Regularem Obseruantiam conuolauit.

Et Tom. 2. lib. 6. cap. 2. p. 34. col. 1.

Anno 1415. Fr. Albertus à Sarrhiano Clusinae Diœces. in Tuscia Opido, Pij Tertij patria, ad obseruantes à Patribus Conuentalibus transiuit annos natus 30. latine egregie edoctus Guarino viro insigni præceptore, et græcè sub Emanuele Chrisolora etraq; lingua eruditè scripsit, et utriusque gentis studuit conuersioni. Sanctum hoc institutum multisariam adiuuit suis doctissimis scriptis, et ab impugnatoribus liberauit, vocatis à sæculo adolescentulis auxit, multiplicatis adibus, et optimis præscriptis legibus formauit. Ipse in summo vitæ rigore, et discipline seueritate pauperem vitam transigens omnes cupiebat Christo lucrifacere, vel assidue oratione, vel efficacissima predicatione. Faciem nullius respiciebat, neq;

diuinitatem timebat quin minus Dei uerbum liberè proponeret, et quod absolum erat redargueret. Id tamen tanta fecit dexteritate, et eloquentia, ut predicatorum sui temporis Rex diceretur.

Ei ibidem cap. 8. pag. 92. col. 1.

Quem (Poggium Florentinum.) B. Albertus Sarrhianensis attica, et Romana eruditione clarus edta graui sed modestissima Apologia uerbatim confutauit, et suorum honorem, iam ex operibus apud seculares clarum suo scripto clariorem reddidit.

Cap. 15. pag. 203. col. 1.

B. Albertus de Sarrhiano attica, et Romana eloquentia insignis, sed fructu predicationis, uitæque sanctitate longè insignior, pro Obseruantie Regularis inuicta defensione, felicitique propagatione quam gloriose laborauerit uidentum est in Vradando, et nos in proprijs locis enarrabimus.

Alij plures huius B. Patris munerunt S. Antonin. p. 3. tit. 22. pag. 789. Ioannes à S. Maria part. 1. Chron. Prouinciæ S. Iosephi cap. 4. Ignatius Legault, de Sanctitate Ecclesiæ Rom. cap. 2. sect. 2. Henricus Sedulius in cap. 3. vitæ S. Francisci. Henricus Spondanus in prosecutione Annalium Card. Baronij tom. 2. anno 1441. num. 3. Odoricus Raynaldus Annal. Ecclesiæ tom. 18. anno 1441. & alij plures. Sed quia quos ex illis uidimus nihil noui proferunt, eorum verba omisimus. At non tam finem quam illustrem coronidem, & pennatam summitatem his testimonijs imponet sequens elogium

gium Alberti, nobilium authorum eruditione, & elegantiâ dignum.

(23) ACCADEMIA SENENSIS

Intronatorum in Fastis Senensibus ad Alex. VII. Pont. p. 208.

B. Albertus de Bendinis à Sarbiano (24) Ordinis Minorum.

Cunas cum pberetro confundere visus est, qui Albertum Mediolani natum prodidit, certissima quippe monumenta sunt, que natale illius solum Sarbianum, Senensis nobile ditionis Oppidum esse dubitare non sinunt. Mediolani quidem supremum decubuit, & hac mortalitate solutam illius animam Celo triumphantem succedere suspexit Biturgij degens vir ille Beatissimus, superumque spectaculis iam dudum assuetus, Ioannes à Capistrano. Huic in oculis quasi etiamnum harentem tanti spectaculi pompam unâ mecum lector, si vacat, cognosce. Post prævios faustum modulantes choros ferebantur simulacra Hierosolymæ, Constantinopolis, Memphæos, Cretæ, Græciæ, Armeniæ, Syriæ, Aegypti, ac Numidiæ, quas ille Vrbes, nationesque non tam itineribus, quam victorijs, eloquentiâ, & pietate partis, late lustrauerat: videre erat ex eiusmodi simulacris pendentiâ sacra quam plurima diplomata à vaticani hierarchis ad Albertum data, amplissimis illius meritorum titulis honestantia, & Apost. auctoritatis vires impertientia, ut vel remotiores Africæ, Asiaque Provincias Christo subigeret. Inerat simul aureis expressa caracteribus approbatio Florentini Concilij, virum ximij laudibus honestantis,

quod Eugenij IV. iussu ad confessum illum accitus, in scelerandis Rom. Ecclesiæ Græcorum animis, eximiam operam, industriamque nauasset. Accedebant opima de profanis impietatis delubris relata spolia: acti ante currum, deuinctis manibus virulenti Scriptores non pauci, quos reformatum nuper Franciscanum Ordinem, dentate cbaritæ maledictis proscindentes vindex hic noster inuictò stylo confoderat: currum ipsam sydereis gemmis rutilantem geminâ monstra, hæresis, ac superstito, ineluctabili freno constricta, trahere cogebantur. Præ quibus illum ingentem ceruum catenæ præmebant, cuius laruam malus demon indutus Mediolanenses (qui ad huc usque sexagesies mille dicenti Alberto interdum aderant) dum è nostri oratoris ore pendebant, factò in medio impetu perturbare est ausus, auertissetque fortasse attonitam spectaculi atrocitate, concionem in ipso suo furore diffidentem inanibus suis viribus, nisi belluam pro vocis imperio, non fugere modo, sed euanescere coegisset: stipabat latera manus Epheborum numero, ac dignitate per nobilis, quos Albertus ad ipsam adolescentiæ florem, spinis patientis Dei intra religiosa claustra, sacrandum mira dexteritate permouerat, sequebatur innumera pileatorum turba, Iacobitarum præsertim, & Armenorum, quos, videlicet, e perfidiæ feruitute, in veram Catholicæ fidei pietatisque libertatem, tanti doctoris præpotens virtus afferuerat: sed splendidissimam triumphi maiestatem, vnus ipse spirabat Albertus sacre Latine, & Græcæ eruditionis, laureis redimitus, & textili, non quidem è cineribus veste, sed ex radijs sormate late

late conspicuus: obuiam interim effusi  
 Cœli Ciues aduentantem victorem  
 plausu, & quam lætis fauoribus  
 exceperet: salutabant egregium Diui  
 Bernardini Senensis discipulum, di-  
 gnissimumq; populorum magistrum:  
 verè magnum ex ipsius æterni Regis  
 decreto compellabant, qui nimirum  
 ex euangelici oraculi præscripto ante  
 fecerit, quæ docebat, ut nunquam  
 manum linguæ rubori esse continge-  
 ret; quando nulla Christiana sa-  
 pientiæ præcepta, ad aures populo-

rum admoueret, quæ moribus, vi-  
 taque multo antea non affirmasset.  
 Reddendam vero laudatissimi viri  
 humilitati vicem una cœlestium  
 omnium vox esse videbatur, ut quæ  
 sublimis inter mortales, recusato  
 supremo sui Ordini magistratu, esse  
 noluerit, ea apud Cœlites excelsius  
 emineret, nec monitore suæ parui-  
 tatis, & vulgari triumphantium  
 more indigebat, qui tam illustri ex-  
 perimento, quanti se faceret, osten-  
 disse.



# NOTAE IN VITAM BEATI ALBERTI SARTHIANENSIS ORD. MINOR. OBSERV.

## Nota In Frontispicium Incisum .



**Q**uid hoc schemate designetur, ad pedes eiusdem summatim incidi curauimus. Nunc verò particularia quædam explicanda sunt, atque imprimis cum duo no-

bis extent eius ætîpa, ex eodem Vaticano prototypo, ad eandem rem præsentandam desumpta, alterum scilicet hoc nostrum, alterum quod Horatius Iustinianus fieri fecit, & in sua historia Concilij Florentini addidit, adeò tamen inter se dissimilia sunt, vt non vnâ actionem, sed duas, diuersasque significare videri possunt. Ad tollendam ergo hanc ambiguitatem, aduertendum est, Iustinianum, vt rem integram produceret, portam Basilicæ Lateranensis adiunxisse, eamque imagine Sancti Saluatoris, brachio dextro, in modum benedicensis cleuato, sinistra verò pomum cum infixâ cruce, illius Ecclesiæ insignibus ornatam, vt ijs notis indicaret, eam actionem Concilij in eadem Ecclesia celebratam fuisse. Addidit præterea plures quam nos legatorum imagines, quasi portam illam ingredientium, & ad Pontificis pedes procedentium, fidei decretum ex eius manibus accepturi. Quæ omnia cum in parua scheda comprehendere non posset, noua celatura necessaria fuit, vt imagines ipsæ multò quàm nostræ minores prodissent.

Ego verò sola ipsa præcipua actione contentus, quæ intra templum acta fuit, & Alberti nostri effigiem completitur, malui impacto gypso figuras,

eadem qua in ipsa porta Vaticana molis mensura exprimentur, excipere: nam id folij nostri latitudini conuenit, & icones ipsæ magis conspicuæ, clariùs discernuntur, & maiorem venerationem, autoritatemque præferunt.

Accedit insuper, ne paucitas personarum, quæ hoc schemate oculis obijciuntur, inducat lectorem, vt suspicetur huic actui plures non interfuisse, vel actum ipsum non publicum, aut solemnem, sed secretum, & quasi clauicularium fuisse, hic aduertendum duxi, non ideò paucas personas exprimi, quod re ipsa pauca tuerint, sed quod angustia nostræ paginæ plures capere non potuerit, atque adeò synecdoche opus fuit, qua per vnâ plures intelligamus.

Sic vnus Cardinalis est pro pluribus qui interfuerunt, ac duo tantum legati, cum duodecim circiter ex Aegypto, & Aethiopia re ipsa interfuerint, vt habetur in tabulis à Iustiniano ex porta S. Petri in suum librum translatis.

Quemadmodum enim Rhetores, & Poetæ per synecdochen vocalem efficiunt, vt ex vno plures intelligamus, sic sculptores, & pictores, per pauciores res plures intelligi volunt, vt dum mediam corporis partem, totum hominem, aut per vnum hominem plures intelligunt.

Postremo hoc loco dicendum restabat, quod ad Alberti effigiem, & habitum pertinebat. Verùm ea res satis elucidata est cap. 13. eius vitæ prope finem, vt proinde superfluum sit eam hic repetere.

Nota In Frontispicium  
scripturæ.

\* *A Sarthiano*. Hæc orthographia libentius vror, quam qua alij quidam Sartianum, Sarcianum, vel Sarreanum scribunt. Illa enim vsi sunt Blondus Flavius eruditus historicus, Alberri nostri synchronus, & amicus: Marianus Florentinus ex eadem prouincia Tusciæ, in qua Sarthianum situm est, & certioris fidei scriptor ipse Albertus, qui vt erat Tusca pariter, & Larina lingua peritus, rectam naralis oppidi nominis orthographiam ignorasse præsumi non potest. Et ratio suffragatur tum ad retinendam primitiuam nominis pronuntiationem; Tusci enim, non vt Latini, Titium, Martialem, & similia, hoc nomen efferunt, in quibus extenuatur natiuus sonus litteræ T. sed vt Schytiam, Aethiopiam, & alia eiusmodi, in quibus, ad solidiorem sonum litteræ T. necessaria est inrerpositio aspirationis, vt extenuantem alioquin vim sequentium vocalium intercipiat, vt non Sartianum, sed Sarthianum ad aures deferatur, tum etiam vt clarius, distinctiusque differat à nomine Sarzanæ Ciuitatis eiusdem Tusciæ.

Cap. I. Nota 1.

*Bina legatione*. Acta huius legationis extant M. S. in Bibliotheca Vaticana, vnde historiam deprompsit Vvaddingus tom. 5. Annalium Min. & ipsa verba descripsit Baronius, in Annalibus Ecclesiast. rom. 15. sub anno 1426. à numero 5. ad num. 19.

Cap. I. Nota 2.

*A mille fere tunc annis rebelles*. Lege Card. Baronium rom. 3. an. 347. n. 64. & Thomam à Iesu de procuranda salute omnium gentium, lib. 6. cap. 2. pag. 237. Ioannem Azorium tom. 2. instit. moral. & multos alios, qui controuersias fidei, ac Terræ Sanctæ historiam tractant.

Cap. I. Nota 3.

*Post Bernardinum secundus*. Hoc ita intellige, vt Albertus habitum Religionis induerit, & professionem inter Conuenticales emisit antequam sæculum reliquerit Capistranus, sed quod hic prius inter Obseruantes ipso indutus fuerit, quam Albertus à Conuenticulis ad Obseruantes migrasset, constat ex Vvaddingo.

Cap. I. Nota 4.

*Vaticana, Pontificiæ, & Fesulanæ Min.* Sic ipse Vvaddingus tom. 5. Annal. ad annum 1438. num. 3. & 1439. num. 11.

Cap. II. Nota 5.

*Ex nobili, & elera Ceruinorum familia*. Huc spectant Francisci pacis seu alterius horni scriptoris verba, in epistola nuncupatoria cuiusdam sui libelli ad Antonium Ceruinum Montis Politiani Episcopum, quæ ex Italico Latine reddita, hæc sunt: Inclyra Ceruinorum profapia indubitanter sat grandis est nobilium dominiorum possessione, qua illa ab anriquo gauisa est: parentela cum Hetruriz familijs maxime conspicuis contracta; rerumque gestarum splendore, & administratione Magistratum quos illa regebat. Sed & (quæ illam ampliori veneratione dignam reddiderunt) personarum pietate resplenduit, vt Franciscus ille Ceruinus, qui sanctissimæ vitæ suæ fastos Beati charactere obsignauit. Quis prudentia, vt ille Marcellus? qui ex Ecclesiæ Saonenfis Anrillite, in hac adeò digna Montis-Politiani, sed tibi antecessor euasit? Quis rerum cognitione, vt magnus ille Richardus in omni scientiarum genere versatissimus? Inter maxime claros, charosque, quorum conuersatione Paulus III. Pontifex eximius literarum æstimator se oblectabat? Si Richardus eo minor in se ipso non fuerit, quod maiorem se mundo pro-

protulerit ? qualis fuit Marcellus Secundus Pontifex Maximus ex illo genitus.


### Cap. III. Nota 6.

*Græcæ, & Latine eruditionis fontem.* Breui hoc Elogio Albertus gratus auditor sui præceptoris Guarini virtutem expressit, nec elegantiori, vel significante magis potuit, qui veram Guarini effigiem ex ære fusam, posteritati consecrauit, In aversa quippe numismatis facie, fontem exhibuit lauro lectro pendentibus baccis circumdatum, cuius & reliqua ornamenta eruditionem, doctrinam, scientiam, sapientiam, bonarumque rerum cognitionem fontis emblemate significarunt sacra, tùm profanz literæ contestantur. In illis enim eruditio ipsa fontis nomine quandoque venit, vt Prouerb. 16. *fontis vite eruditio possidentis*, aliquando etiam personæ doctrinæ dotibus insignes, qui ex abundantia virtutis suæ, eadem dona in alios effundunt. Quod indicare videtur Isaias Propheta cap. 12. num. 3. cum diceret. *Haurietis in gaudio aquas de fontibus Saluatoris*: qui fontes in veteri testamento fuerunt Patriarchæ, Prophetæ, Sacerdotes, & legis doctores. In nouo verò Christus ipse Saluator, Apostoli, Euangelistæ, Patres, & Ecclesiæ Doctores, seu in vtroque, vt alij volunt, ipsa doctrina, tam scripta, quam tradita, ex quibus aquas saluberrimas doctrinæ in alios scaturire credimus. Cornelius à Lapide in illa verba Isaiæ *Haurietis &c.* & patres quos citat, per aquas intelligunt Sacram Scripturam, & doctrinam Euangelicam, quam haurimus à Christo ipso præcipue, sed mediantibus illis doctrinæ fontibus, quos iam indicauimus. Accinit Regius Vates Psal. 64. *In stillicidijs eius letabitur germinans*. vbi Lorinus: *Mysticum sensum*, inquit, *de imbre cœlestis doctrinæ percipiet*

facile, qui hæcenus dicta perlegit. Et eadem pag. 226. col. 2. omnia, descriptis interpretum locis, ad doctrinam, doctoresque refert. Denique Anton. Agellius in Psal. 35. ad illa verba. *Quoniam apud te est fons vite*, relatis alijs sensibus addit; *nam & ille sensus non repudiandus est: fontem vite appellari sapientiam, & doctrinam, que tum in templo, seu tabernaculo à Sacerdotibus, & Prophetis, ad explendam populi sitim, tanquam ex fonte redundabat, Spiritu Dei, Sanctis viris iugiter fontis viuents instar, aquas doctrina suggerente, & Christus ipse fons vite sic intelligi potest: quomodo ipse de se dixit: Qui sitit veniat ad me tanquam scilicet ad viuum sapientia fontem, & bibat.*

Colebant quoque Gentiles fontes suos, vt ad rem dicam, doctrinales, qualis fuit Caballinus ille Montis Patnassi, cuius aquam, cum Aferæus ille senex assatim bibisset, repente poeticum accepisse spiritum fabulantur; cum antea patris oues pauisset in monte Patnasso, talis etiam fuit Castalius fons, quem Amiano teste, didicerunt Græci propheticum inhuere spiritum, sed vniuersim Andreas Baccius de thermis lib. 6. pag. 356. *Sacra dicitur muse, & sacri vice versa quos eas diximus colere fontes, ac etiam montes. Qua figura hanc videtur habere rationem, quod vt è fontibus sponte aqua manat uberi vena, sic è vatium sapientumque ingenijs, quasi è perenni vena abundant, que meditantur, qui & coloni quoque fontium figurantur, quoniam muse, ac ipsarum studiosi, vt Strabo interpretatur lib. 10. quasi indagatrices sunt, ac venatores rerum maximè vtilium ad disciplinas, & ad vitam: unde & venari usurpamus verbum quod est inuestigare, & inuenire.*

Restat nunc vt Guarini fontis proprium apparatus, hoc est partes, & ornamenta paucis explicemus, in quem finem vtramque numismatis faciem oculis cernendam exhibeo;



In hoc schemate conspicuus est venerabilis, magnique viri vultus: in emblemate latent mysteria; quæ quoniam ex ethnica veterum disciplina, partim fabulosa sunt, & partim Christiana fide certa, solidaque veritate constant, nos utraque comparabimus, sed sacra seriò prosequemur, & fabularum vanitates Mythologis explicanda mittimus, fingunt enim globum illum cœlestem in aere suspensum, qui fontis origo est, Iouis caput esse, quia Pterio Valerio teste Eustathius eruditè 1. Iliados, veteres ait cœlum pro capite accepisse. Nos verò globum illum Divini verbi sapientiam interpretamur, quæ suæ figuræ rotunditate perennem, æternum, indeficientemque fluxum denotat. Omnis enim sapientia à Domino Deo est, & cum illo fuit semper, & est ante zeum Eccl. 1. n. 1. & n. 5. *font sapientia verbum Dei in excelsis*; nympham illum globo insistentem, & quasi pedum impactu aquas elicientem, Palladem, seu Mimeruam è Iouis capite natam esse somniant, ingeniorum, disciplinarumque præsidem. At nos Spiritus Sancti gratiam intelligimus, qui ab initio creabatur super aquas Gen. 1. ac tanquam verus ingeniorum, disciplinarumque præses dona sua hominibus dispensat, unicuique enim datur manifestatio spiritus ad utilitatem, alij sermo scientiæ &c. *Hæc autem operatur*

*vnus, atque idem spiritus, diuidens singulis prout vult* 1. Corinth. 12. n. 11. toto corpore nuda depingitur, vt veritatem doctrinæ asserat, quæ veritas idè nuda est, tum quia per se ipsam satis ornata, tum vt manifestum fiat, nullum in ea erroris, falsitatis, adulationis, dissimulationis, aut alterius vitij natum esse, cuius eam vel pœnitere, vel pudere possit. Dextra clauum torquet Hercules vitium insigne; non illius Græci, Iouis ex Alcmena filij, cuius vires in corporis robore consistebant, in quo homines à bestiis plerumque superantur, sed alterius Herculis quem Gallicum vocant, quique clauo linguæ veteres Celtas prudentiæ, & eruditi eloquentia conuictos, à feris moribus ad humanam vivendi rationem, & ciuilem conuersationem suauiter, fortiterque traduxit. De quo multa Claudius Minoes in suo commentario ad emblema 180. Alciati, & Alciatus ipse hanc epigrammè apposuit: *Eloquentia fortitudine præstantior*. Er Herculem Gallicum carmine laudauit, & græco præfert. Nos autem in clauo Diuinam æterni Patris potentiam agnoscimus, & vim illam inuincibilem, nudæ, simplicis, & eruditæ veritatis, per quam super omnia vincit. Esdræ 3. Cap. 3. in clypeo verò prudentiæ virtutem colimus, cum Io: Boccatio in genealog. deor. lib. 10. Cap. 11. ait eum Perseum scuto

seuto Palladis armatum oppressisse Medusam, in templo Mineræ, idest, inquit, *intra terminos prudentis consilij, illam superat, quod etiam per scutum Palladis demonstratur, quod crystallinum erat, ut per eum sumatur prudentis circumspectio. Habet enim Crystallum hoc, ut reddat oculis intuentis, quidquid extra se geritur. Sic & dux discretus consilio, quidquid possint hostes agere inuenerit, & sic se tutum facit, dum illorum à se prauis frustratur consilia.*

De quatuor illis sapientie riuus, qui ex globo in fontis cratera scaturiunt, augurentur illi quod volent, nobis cum Laurentio Berlingo in theatro vit. hum. sentire liceat quaternarium hunc numerum significare, quatuor genera rerum, quibus constat nostra institutio; nempe præcepta ad iustitiam, mandata ad charitatem, testimonia ad fidem, exempla ad perfectionem, vel dogmata, præcepta, minas, promissa. Per duas autem scaturigines, quæ ex cratera in subiectum labrum decidunt, signantur duo præcepta Dei, in quibus tota lex pendet, & Prophetæ, hoc est Christiani hominis perfectio consistit. *Diliges Dominum Deum tuum &c. Et diliges proximum, sicut te ipsum.* De ijs enim dictum est, fac hæc, & viues, idest vitam æternam possidebis. Denique ne vllum huius fontis mysterium omitam, præter illud, seu campus virens, & floridus, inferiori labro substratus, ad discipulos pertinet, qui dum eruditionem ex fonte concipiunt, virtutum flores germinant: & bonorum operum fructus proferunt, de quibus iam dictum est: *In sillicidjs eius lætabitur germinans.* Psal. 64.

Nunc tandem cum B. Alberti gratum præceptorum animam laudamus, cauendum ne ille nos ingratitude, turpis vitij, redarguat, si eorum memoriam silentio traneamus, per quos proficimus. Si quid ergo vtilitatis in hac nota esse videatur, id referendum est in Cl. V. Antonium Magliabechum Medicæ Cosmi III. Magni Ducis Etruriæ Bibliothecæ præfectum, in quo Nicolai Nicoli quondam eruditio æno nostro, reuiuua florentinis musis restituta cernitur. Is namque illius numismatis

integrum ætgyptum ex æneo Musæi sui gypho depreptum ad nos misit, & primus hortatus est, ut ipsum Alberti, & Guarini memorie, eruditorumque voluptati, in aptum lucubrationis nostræ locum inferamus.

### Cap. III. Nota 7.

*Florentie docentem.* Opitulatur Poggius cuius locum proferimus in nostris notis ad epist. 6. Alberti.

### Cap. VI. Nota 8.

*Guelforum, Gibellinorumque.* Vide nostram notam in epist. 10. Alberti.

### Cap. XII. Nota 9.

*Vt è sua familia segregarent sex viros.* Ij fuerunt Ioannes à Capistrano, Iacobus Primadicus Bononiensis, Iacobus Picenus à MontebRANDONO, Albertus SARTHIANENSIS Tuscus, Bartholomæus de YANNO VMBER, & Ludouicus Bononiensis, viri omnes egregij, qui quam multa, & magna deinceps Ecclesiæ præstiterint, iusè narrat Vvaddingus tom. 5. & 6. Annalium.

### Cap. XIII. Nota 10.

*Iter suum in Aegyptum direxit.* Hæc Alberti prima in Aegyptum profectio fuit, cuius viam iam describit Fr. Franciscus Surianus Venetæ ordinis Min. testis oculatus, & non semel expectus, in sua historia Terræ Sanctæ, quam absoluit Ierosolymæ in Conuentu Montis Sion anno Domini 1414. & sui in eo Conuentu secundi Guardianatus anno secundo, sic autem sed vernaculo sermone loquitur. *Ierosolyma Cayrum profecturus, bidui imprimis itinere per viam asperam, montosam, & malam pergit Gazaram Palestinæ, ubi viator vitæ necessaria pro reliquo itinere sibi procurare debet, quod inaquosum, falsuginosum, & arenosum est; nec per diem inde quinque, alia ciuitas est, vsque ad Cathayin orbiculam antiquissimam, in qua Cayri veltigalia persoluuntur. Hæc*

eadem est, in qua Abrahamo in Aegyptum eunti, Sara uxor dempta fuit, & inde ad Pharaonem ducta, hinc item ad Cayrum, quatuor tunc itineris diæta, & aliqua loca culta, & inhabitati pagi, Media diæi extra Cayrum itinere occurrunt ciuitas Tanes, quam cum suo territorio Joseph Patriarcha Patri Jacobo, & fratribus suis in Aegypto possidendam dedit. In toto hoc itinere sunt per arenam vermes, tinea nostris maiores, quos Pharaonis pediculos vocant, suntque venenatissimi morsibus, noctu magis quam diu viatoribus molesti, sed aduersus eorum venenum præstans remedium est, succus limonum.

### Cap. XIII. Nota 11.

Cum Mamalucbis. Hi erant Christianæ fidei desertores, & Alberti nostri tempore in Aegypto, Syria, & Palestina potentissimi, eorumque originem, progressum, & casum idem Surianus fol. 13. ita posteritati tradit. Quo tempore Sultanus Aegypti cum suis Sarazenis Terram Sanctam expugnauit, in eo bello multi Christiani in seruitutem redacti sunt, sed quoniam in armis exercitati, & strenui praliatores erant, Sultanus eos tanquam sui regni propugnacula seruos reseruauit. Ac primùm, in Beduinos capitales hostes suos emisit. Erant etiam Beduini Sarazeni, sed alterius sectæ. Mamalucbi itaque multis prælijs Beduinis Arabibusque superiores, maximum studium in eo posuerunt, ut sua fortune Christianis mancipijs copias suas in dies magis, magisque adaugerent. Quo factum, ut aucto numero, & potentia, post insignem victoriam ab Arabibus, Beduinisque reportatam, communi consensu constituerint, ut è sua sortis hominibus strenuum aliquem virum, ducem sibi præficerent, cui cæteri paveret tenerentur. Mox arma sua in Sultani subditos vertunt, & multi Cayrum ingressi Sultani ipsum multosque ipsius affectas trucidarunt. Nec moram passi unum è suis in eius trono cum dignitatis titulo collocarunt, & Sultani salutarunt. Hinc Prouinciam uniuersam depraedati sunt, & incusso terrore, cunctos coegerunt noui tyranni iugum admittere; nec

villum Christianum in suum ordinem admitterebant qui Mabometi legem non profiteretur, & qui se faciebant, aliquo Principatus, vel Dynastie titulo honorabant, in quem laqueum diabolus multos pro dignitatis ambitu traxit. Omnia enim Sultani dominia in principatus diuiserunt, quos solis Christi desertoribus, & professis Mabometi sectatoribus conferrebant. Et quoniam primus, quem Sultani salutarunt, quintam seruitutem, ac toties emptus, venditusque fuit; idcirco neminem suprema inter eos Sultani dignitate donabant, qui & ipse non esset repertus, toties emptus, venditusque fuisse, usque adeo, ut si quis alioquin Sultani Sede dignus censeretur, non admitteretur tamen, nisi per venditiones tanquam per gradus ad thronum ascenderet: ac ne dignum abijcere viderentur, hunc toties eodem die vendebant, ut quintum venditionum numerum compleret, ac dignitatem hoc quoque titulo mereretur. Tanta arrogantia, fastusque vivebant huiusmodi apostata, ut ipsorum viliis quisque natiuorum Sarazenorum primorum quemuis baculo percuteret, & iste nec se defendere, nec queri quidem de iniuria, multo minus vindicare audeat, nisi bonis, aut ipsa vita plerendum. Atque hanc tyrannidem annos circiter trecentum, & viginti exercebant, dum tandem anno Christi 1575. à magno Turcarum Imperatore debellati, delictique fuerunt. Isti igitur cum Sultani Electores, Consiliarij, Duces, atque aded etiam Iudices fuissent, multum procul dubio in B. Alberto è Sarazenorum manibus cripiendo poterant.

### Cap. XIII. Nota 12.

Et si dolente, & contra nitente Alberto. Quam sincera fuerit in hac occasione voluntas Alberri, & quam ardens desiderium, studiumque Martyrium pro Christi fide adipiscendi, præter testimonia scriptorum, satis demonstrat ipsius opusculum, seu epistola ad Eugenium Ponr. contra vituperatores Martyrum, & alia ad fratres Antonium, & Lucam, qui Ierolymæ carceres, & sæua tormenta, tunc pro Christo constanter tolerabant; ipsiusque sæpe re-

petita, ac tandem obtenta facultas, barbaras quasque, & remotissimas infidelium nationes adeundi, Christum daturus, aut sanguinem.

### Cap. XIII. Nota 13.

*Abeuntibus ergo secundis his socijs.* Hos, vel eorum aliquos ad Aethiops, Indosque peruenisse, præter ea, quæ hoc loco diximus, docet etiam publica promulgatio Florentinæ vniõnis in Aethiopia, & aliqui inde secuti effectus, quos refert Fr. Gandolphus Siculus, nostrorum Ierosolymæ Guardianus, & post Alberti reditum in Italiam, in partibus Orientalibus Indiæ, Aethiopiæ, Aegypti, & Ierusalem, Apostolicæ Sedis Commissarius, in literis ad Eugenium Pont. scriptis: quas mox infra dabimus. Et S. Antoninus part. 3. hist. tit. 22. cap. 11. pag. 531. vbi narrat aliquos ex India, misisse oratores suos Florentiam ad Eugenium Pont. postulantes, & supplicantes, instrui, & erudiri in ijs, quæ sunt fidei, à Romana Ecclesia, & vniri cum ea in charitate Christi. Videndus etiam Odoricus Raynaldus tom. 18. Annal. Ecclesiast. ad annum 1441. à num. 5. & an. 1442. à n. 1. ad 9. vbi plura, quam diximus habet, de alijs Christianorum Orientalium populis, & quibusdam Sarazenis, cum Ecclesia Romana, hoc tempore confederatis, vel ad fœdera proximè dispositis, in quibus dubitari non potest, B. Alberti studium interuenisse, quantumuis, & ipsius, & eorum, cum quibus tractabatur, nomina silentio tegere, tam temporis, quam rerum ratio, maxime postulasset, vt colligi facile potest, ex ipsius Alberti literis ad Eugenium Pontificem Rhodo datis, quando ipse cum Aegyptiorum, Aethiopicumque Legatis Florentiam rediret.

### Cap. XIII. Nota 14.

*Accidit autem.* Duo hic distinguenda, ac seorsim elucidanda sunt. Primum, ac principale, quod Christus Dominus noster in humana specie pulcherrimi iuuenis apparuerit Alberto, tunc fame in deserto languenti, ipsumque

optimo cibo, & suauissimo colloquio refocillauerit, in quo conueniunt Marianus Florentinus, Lucas Vvaddingus, & anonimus aliquis, qui notas marginales Mariano manu scriptas apposuit, & alij, præterquamquod Marianus rem referens, proprium Alberti nomen dissimulauerit, quod alij exprimat. Etenim de Alberto, & socijs ita loquitur.

*Erat inter eos quidam frater valde nobilis in saculo secundum carnem, sed nobilior fide, & virtutibus, qui cum legationem suam promptissimè expleret &c.* Et iterum: *frater vero obedientiam Vicarij Christi explere plurimum optans aliquas è rebus sibi magis necessarijs in sarcinulam composuit, eamque suis bumeris dimissis alijs imposuit, inceptumque iter, illud nempe ex Græcia in Aegyptum, in quo Christus Alberto apparuit.*

Itaque ne quisquam ex hac Mariani dissimulatione suspicetur Christi apparitionem in deserto non Alberto, sed cuidam illi fratri per Marianum innominato contigisse, is primum aduertat, Marianum ipsum cum ab alterius rei narratione, ad Alberti acta prosequenda transiret, se ipsum his verbis declarasse *Sed nunc ad gesta narranda fratris Alberti Sarzbianensis redire oportet.* Et quamquam proprium eius nomen aliquando tacerit, certè personam clarè manifestauit, cum illum suum fratrem quemdam, proprijs Alberti characteribus depinxit, ipsumque imprimis in sæculo nobilem secundum carnem appellat. Ego enim in illo Alberti comitatu neminem reperio, sanguinis nobilitate commendatum, præter Albertum ipsum, de cuius progenie iam egimus Cap. 2. huius ipsius vitæ, cum adiuncta nostra nota. Marianus eum insert cum apparente ipsi Christo hoc modo loquentem. Nonne pro amore tuo sæculum dimisi, ac temporale dominium. Hoc etenim dominium nulli magis congruit, quam viro nato nobili, diuiti, & potenti, qualis, vt dixi, in tota illa societate solus Albertus fuit. Marianus illum porro fide, & virtutibus nobiliorem vocat, quibus dotibus, in tota hac historia ab omnibus extollitur Albertus. Hic frater quidam apud Marianum,

num, idem est, qui Vicatij Christi obedientiam explere plurimum oprans, dimissis ad Indos, & Aethiopes alij, iter, vt supra, per desertum agens, in Aegyptum redijt, & Iacobitarum legatos ad Florentinam Synodum perduxit. Sed quis hæc, & plura nisi Albertus? Ergo siue lapsu calami, siue causa nobis incognita motus Marianus, proprium nomen Alberti in commune Fratris cuiusdam mutauerit, ex ijs quæ diximus clarum est, ipsum Alberti personam vbiq; designasse, & à nobis intelligi debere cum Vvaddingo, & anonymo scriptore notæ marginalis, alijsq; qui hos indubitanter secuti sunt.

Alterum hic notandum, in circumstantijs, & accessorijs versatur, vt an in Italica, vel alia lingua Christus Albertum salutauerit, an apparitio Saluatoris in primo, vel secundo Alberti accessu in Aegyptum contigerit, quibus verborum formulis collocuti sint, & similia, in quibus scriptores pro suo arbitrio, & natura materiz, rem referunt. Marianus fuscè, sed parcè Vvaddingus, & nos ex vtroque aliquid, absq; detrimento substantiz, apparitionis, & colloqij.

### Eodem Cap. XIII. Nota 15.

*Nicolaum quendam natione Græcum.* Mitum quam parcè, ne dicam dissimulanter, Andræas à S. Cruce Actorum œcumenicæ Synodi Florentinæ scriba publicus, Nicolaum quasi hominem sibi ignotum, & obscuram personam sic nobis indigitat, quem aliquoties in medio Concilij sedentem videbat, & ea ipsi Latine dictantem, quæ Græci Græcè proferebant, proficilio communis interpretis Græcorum, & Latinorum, à cuius muneris præstatione illum eximie laudat, nulla alia expressa conditione personæ, tanti aliquoties æstimatæ, vt illustre nomen sibi præ cæteris interpretibus, ipsorum etiam, & vtriusque nationis Conciliarium omnino applausu, adeptus sit. Eodem elogio, tametsi mutatis aliquando vocabulis, eum efferunt Andræas in Actis Concilij part. 2. collat. 2. pagina editionis Iustiniani 90. Math.

Palmerius etiam præfens tunc testis, ad annum Christi 1441. sui Chron. per Cardinalem Bellarminum laudati, vbi Nicolaum Euboycum vocat, Aeneas Syluius in historia Europæ Cap. 54. & de origine, & moribus Turcarum Asiæ minoris cap. 100. qui illum Saguntinum, & Sagundinum appellat. Henricus Spondanus tom. 2. persecutionis Annalium Card. Baronij anno 1438. num. 29. Philippus Bergomas in supplemento supplementi chronicorum ad annum Christi 1449. fol. 382. Marianus Florentinus in huius nostræ notæ textu citatus, Antonius Possueinus in apparatu sacro, Franciscus Sansouinus historie Venetæ lib. 13. sub Ioanne Mocenico Duce, circa annum 1477. pag. 250. ex quibus colligo, virum omnium consensu Nicolaum nomen tulisse, natione Græcum, Patria Euboicum, seu Eubœa Insula oriundum, generis cognomento Sagundinum, Segundinum, vel Saguntinum, nam quod hanc appellationem ab Episcopatu Saguntino post absolutam Florentiæ Synodum ipsi collatum sumpsisset (quod Palmerius, & fortassis ex ipso Marianus noster affirmant) vana coniectura est, à syllabæ soni similitudine desumpta, vt quæ mox dicturi sumus, facile demonstrabunt. Sansouinus præterea Nicolai consilio decemuirali Venetis à seceris, & cum alijs aliquot iugenijs, & eloquentiæ eius monumentorum meminit. Ego ipsorum verba non refero, tum quoniam in locis impressorum librorum, quos allegamus, facile reperiuntur, tum quod, quæ diximus cum ampliori hominis notitia, & vetusto M. S. monumento ob raritatem codicis, nondum, quod sciam, typis editi, proprijs verbis authoris nunc describam. Casu enim incidi in codicem M. S. epistolarum Petri Parleonis, viri eo sæculo Græcè, & Latine eruditi, & Nicolao nostro familiaris, & amicissimi, atque dum solia veterem inueni prolixam epistolam, seu iustum libellum, quo Petrus Nicolaum, de naufragij calamitate consolatur, hac inscriptione pernoratum, *Petrus Parleo salut. D. Nicolao Sagundino.*

Epistolam hanc Venetijs datam fuisse

ipsa satis indicat, sed quo tempore scripta fuerit, non assignatur, ut nec sciam quantum ab absoluta Synodo tunc effluxerit; quidquid historię ad Nicolaum pertinens complectitur, ad maiorem personę notitiam, breuiter excerpto. Nicolaus igitur Sagundinus, postquam illustre nomen à Gręcis pariter, & Latinis in Sacra Synodo reportasset, in Cyprum profecturus, nauem in portu Veneto ancoris alligatam auro, & argento, libris, supellectili, fortunisque omnibus, longo tempore, & magno labore paratis onerauit: ipseque aridente Cęlo, cum vxore moribus, virtutibusque præstante, ac morti per ætatem propinqua, & multa prole, cęteraque familia conscendit; sequenti mane vela facturus: sed in tempesta nocte orta tempeste, fractaque naui, substantiam vniuersam, fortunamque, & multo cariores vxorem, duosque filios paruulos, & feminulam vnā, opem in mediō mari frustra implorantes, vno momento submersos amisit. Ipse tamen, Deo disponente, ne omnes vnā perirent, nudus, & naufragus euasit, cum vno filio adolescente & filiabus quinque, suiue naufragij calamitatem ad Parleonem per epistolam descripsit, de qua sic ipse Petrus. *Cum ad manus meas epistola tua peruenisset; omnem calamitatem abs te acceptam, apertius, pleniusque cognoui, quod eam ita diligenter sis amplexus, atque rem omnem ita ante oculos posueris, ut mihi non scripta, sed picta, nec ipse legere, sed cuncta oculis perustrare viderer.* Et postea consolari eum exorsus. *Tametsi virum, ait, vltro ad omnes fortuna iustus, inuisio animo excipientis paratissimum, perfectęque omnibus maiorum præceptis institutum singulari sapientia præditum, quique multa sibi consolationis præcepta, doctissimę conscripseris, qui existeret atate sua doctissimus, atque in vtraque fortuna ita exercitatus, ut iam in rebus humanis callum obdlexerit, qui denique consolandi afflicto, nunc præ ceteris præstare & posses, & soleret: quem (inquit Parleo) paucis ante mensibus vidimus, Ioannis filij tui, & viri, & doctissimi quidem viri, atateque florentis iacturam, qui decem tibi erat*

*filiorum instar, in quo tua senectus spem omnem collocaras, adeo moderatę, fortissimęque serenitatis, ut nos pro officio salutandi, & consolandi tui causa, domum venientes, non alio te vultu offenderimus in aduersa fortuna, quam fueris semper in secunda, eamque constantiam, & tranquillitatem animi resinentem, quam in vero Philosopho, vtraque sapiente, hi requirunt, qui peracutę, ac diligenter philosophia præcepta, & scrutati sunt, & in vno quondam Socrate fuisse tradiderunt. Aderans mecum Phebus Capellus, & Marcus Aurelius, viri doctissimi, ac vtrique nostrum amicissimi, quo tempore multa grauiter, de morte differendo, cum nihil in vita præter culpam dolendum esse ostendisses, ita nos affectos abs te dimisisti, ut te admirantes congratularemur potius virtuti tuę qui ita ferres, quod accidisset, quam doleremus filium amisisse, in cuius doctrina, & virtute; ac omni rei familiaris administratione, senectus tua iam grauescens quiescebat. Et post alia, infert operam, quam Nicolaus nauauit Synodo Florentinæ.*

» Illa verò sunt, inquires, & præcipua, & propria, & tua benę, & honestę actę, ætas singularis, doctrina summa, Gręcarum, Latinarumque literarum cognitio, omnium præceptorum, quę à maioribus de morte, de exilio, de naufragio, de ceteris huiuscemodi tradita sunt, frequens, & assidua pertractatio, tuę virtutis, & glorię fama, cum multis ex rebus cognita, tum verò ex his, quę in Florentina Synodo per te gesta sunt, adeò illustris apud Gręcos, & Latinos, aliasque exterās nationes, vt nulla vetustate, nullis vniuersis quam tenebris obscurari queat. Cum enim ex toto terrarum orbe in celebrem illum, frequentemque Christianorum, omnium conuentum, ad disceptationem aduersus Gręcos, de Spiritus Sancti processione audiendam, tractandamque magno studio, multi confluxissent, & vtriusque tam Latinorum, quam Gręcorum maximi, & electi viri ad discurrendum parati, magna expectatione conuenissent, quærereturque tantarum rerum idoneus, ac dignus interpres; tu solus ex omni Christianorum nu-

22 mero, vtriusque linguæ, ac disputa-  
 23 tionis, doctissimus, atque excellen-  
 24 tissimus, & inuentus, & habitus es,  
 25 qui tanta verborum, sententiarumque  
 26 proprietate, tantæque cognitione,  
 27 atque peritiâ diuinarum, humanarumque  
 28 rerum, de quibus dux summæ nationes  
 29 inter se contendebant, memoriter, & commodè omnia refe-  
 30 rebas, & in vtramque vertebas lin-  
 31 guam, quæ vtrò, citròque discurrendo,  
 32 acutissimè dicebantur: vt qui aderan-  
 33 t, omnes non Græci modo, Latini, Galli,  
 34 Hispani, Britannii, & cæteri, qui Romanam  
 35 sequuntur Ecclesiam, sed Armeni quoque,  
 36 Hiberi, atque Indi (nam & hi quoque  
 37 conuenerant disceptari de hæresi, quam  
 38 sectantur) admirati, & quasi stupefacti,  
 39 non hominem terrenum, sed cœlestem  
 40 quemdam in terris te esse iudicarent,  
 41 atque propterea ab Eugenio IV. Pont.  
 42 virtutis, & memoriæ causa, magnis es honoribus,  
 43 præmijsque donatus. Quas igitur vrbium  
 44 expugnationes, quosque triumphos, cum  
 45 hac tua laurea comparabimus? cuius ductu,  
 46 atque virtute, eam victoriam Ecclesie Dei  
 47 peperisti, quam annis plusquam quadringentis  
 48 nunquam asseperari potuit, vt duas  
 49 gloriosissimas nationes, tam diu inter se  
 50 disunctas, tandem ingenij tui facultate  
 51 coniunctas aspiceret, & Græcia quondam  
 52 literarum, ac Italiae patris, nunc Latinorum  
 53 filia, & à suis tùm nepotibus, tùm maioribus  
 54 aliena, & dissidens in pristinam tandem  
 55 gratiam, & beneuolentiam, concordiamque  
 56 rediret.

Post multa ad solatium naufragij, tu apud  
 Urbem Venetias, quam tibi sedem, & patriam  
 elegisti, naufragus vnâ cum amicis, & familiaribus,  
 & bis, qui superfuerunt, liberis, tuorumque  
 mortem piè sentes, lugentesque illorum  
 cadauera sepulchro condidisti. Denique  
 tu tuis filijs, & filijs, quos habes, tibi restitui,  
 reduces in patriam redijisti, qui mutuo  
 solatio, præsidioque muniti, alter alterum  
 solatur, iuuat, fouet, protegit. In retum  
 verò iactura sic cum inter alia con-  
 solatur: habes profectò pro tempore vnde  
 tuum damnum consolere,

atque ita consolere vt si (quod semper  
 facis) volueris omnia consilio, & ratione  
 metiri, iudices plus tibi in tali naufragio  
 dedisse fortunam, quam ademisse. Nam  
 cum euersa nauis, multi perijissent, in  
 quibus nonnulli erant patrij, re, ac fortunæ  
 omnibus amissis naufragi euassissent, te  
 nudum, & ad littora ciectum, ita ciuitas  
 excepit, ita casum tuum grauiter, ac  
 molestè tulit, vt quasi ceterorum malorum,  
 qua eo tempore acciderunt oblita, & tuam  
 calamitatem miserata, lugens, ac moesta, in  
 te vnum conuerteretur, & quanti te faceret,  
 declarauerit benigno illo Senatus decreto,  
 quo quidem, & Duce, & Principibus Senatus,  
 & Consiliarijs, & omni Collegio ad  
 Senatum referente, adiunctis suffragijs  
 decreti sunt tibi sexcenti nummi aurei  
 Veneti; filio vero tuo, adhuc adolescenti,  
 publicum cum honore, & comodo munus  
 demandatum, quamuis nondum peratam  
 liceret id muneris adire: tibi præterea  
 restituito, vt veterem locum, & dignitatem  
 scriba Reipublica annuum salarium  
 decretum aurei nummi Veneti ducenti,  
 qua omnia si diligenter considerare volueris,  
 & à quibus, & quo studio, quoue  
 animo, & quo tempore profecta sunt  
 intelliges, certè auo nullam tibi accidisse  
 iacturam, aut minime dolendam, qua  
 acciderit. Nam vt qua tibi, ac filio in  
 omnem vitam decreta sunt, tacemus &c.  
 Hæc ad Nicolaum Petrus Parleo multo  
 post absolutum Florentiæ Concilium, qui  
 cum absque vilo vestigio, vel vmbra  
 Episcopatus Saguntini, ipsum Sagundinum  
 cognominat, vt reliqui scriptores præter  
 Bergomensem, & Marianum, immo cum alia  
 vitæ conditione, Pontificali statui prorsus  
 aduersa, vt quæ de vxore, de liberis, de  
 officio Secretarij Senatus Veneti, de  
 migratione in Cyprum, verso dorso non  
 tantum Sagunto in Hispania, sed toti  
 Cismarinæ Europæ, vt quæ dicta sunt  
 clarè demonstrant.

Eodem Cap. XIII. Nota 16.

D. N: Episcopus. Is erat Frater Aloysius,  
 seu Ludouicus de Piramo, Ord. Min. Episcopus Foroliuensis,  
 quem Vghellus de Piramo cognominat,

nat, qui, vt refert Vvaddingus, Ferrariz in Concilio Eugenio Pont. publico fermone excepit: cum priusquam adesset Pont. secundæ sessionis per Beatum Nicolaum Albergatum Card. Legatum celebratæ decretum Pontificalibus indutus, ex Vmbone publicasset, vt etiam alterum tertie sessionis, præfente, & præfidente ipso Pontifice. Hinc intr alios cum Græcis disputaturus electus, id munus tam laudabiliter gessit, per duos dies clarissimè docens illud verbum filioque non nouum articulum Concilio Nicæno additum fuisse, sed maiorem expressionem, & declarationem processionis Spiritus Sancti à Filio, ipsi Nicæno consonam, & conformem, vt in communi Græcorum, Latinorumq; applausu, & æstimatione habitus sit. Quod Andreas à S. Cruce Collector actorum Concilij, tunc præfens, his verbis confirmat. *His expositis vnusquisque intuebatur alterum, ex his, qua facundissimè graui fermone à viro antiquo, verbis conuenientissimis, laisq; audierunt.* Et iterum: *tam letè, iucundèq; verbis conuenientibus dicta fuerant, vt quisque Patrum dicta collaudaret.* Aequiuocationem, qua Græcus Concilij scriptor, eum vocat Ioannem, explicat Vvaddingus anno 1437. n. 2. & Iustinianus in notis ad Collat. 2. part. 2. Concilij Florentini, num. 3. de alijs disputationibus à Mariano non integrè descriptis, vide acta Concilij per Iustinianum edita, & Spondanum præcedenti nota citatum.

## Cap. 24.

Quod à Capite 13. huius vitæ vsque ad Caput 20. exclusiue nullas adhibuerim notas, in causa fuit, quoniam totam reliquorum capitum narrationem ex ipsius Alberti epistolis desumpsi, quibus propriæ notæ vel necessariæ, vel magis opportune forent. Malui ergo epistolas ipsas illustrare, vt clarificatis fontibus, & firmatis radicibus historiz, cætera clariora, & magis tota prodirent. A Capite vero 20. vsque ad 24. exclusiue nihil animaduerti quod eiusmodi notas postularet.

Cap. XXIV. Nota 17. sub anno 1586.

*Mediolanensis.* Lector hic, & vbi deinceps inueniet hoc additamentum nominis Alberti, quò Authores indicare vellent, ipsum Mediolani natum fuisse, redeat ad Cap. 2. huius vitæ, ex quo certam, propriamque patriam ipsius, & natiuitatis locum Sarthianum esse constabit.

Cap. XXIV. Nota 18. sub anno 1639. 1598.

*Composuit quosdam tractatus de immortalitate anime, & de Purgatorio.* Hunc solum auctorem inueni, qui huius argumenti tractatus attribuat B. Alberto.

Cap. XXIV. Nota 19. sub anno 1627.

*Ex Sathiano vnde Pius III. Pontifex originem duxit.* Pius III. in baptismo vocabatur Franciscus, & ex Patris Nanni cognomine Tudelschinus, postea verò per adoptionem à Pio II. Pontifice, cui erat ex sorore nepos, dictus est Picolomincus. Poterat ergo Nannus Tudelschinus, vel eius maioris Sarthiani primùm ciues fuisse, ac postea Senensis ciuitate donatos, quo fit, vt originem à Sathiano duxissent, quamquam Senis nascerentur, ita vt origine Sathianenses, natu verò Senenses dici possint; quod si ita esset, non paruum honoris accrementum adferret Sathiano.

Cap. XXIV. Nota 20. sub anno 1640. 1653.

*Vicarius Generalis noui instituti.* Non noui instituti, sed vniuersi Ord. Min. vtriusque instituti, Obseruantum scilicet, & Conuentualium simul.

Cap. XXIV. Nota 21. sub anno  
1668.

*Videtur is esse Albertus quem à Sartbiano.* Et bene videtur: nam frequentes, & solemnes erant Alberti Sarrhianensis apud Ferrarienses moræ, & intima familiaritas, cum Principibus, Prælatiis, & nobilibus viris eiusdem urbis: ubi etiam epistolarum suarum ultimam ad Nicolaum V. Pontificem dedit 15. Martij 1447. decem annis priusquam B. Catharina, relicta Ferraria, migrasset Bononiam, & novum monasterium ibi fundasset, anno 1457. ut habet Grassettus lib. 2. vitæ ipsius, Cap. 4. in fine.

Ibidem Nota 22. sub anno 1668.

*Videtur autem hæc res contigisse &c.* Reliquus huius loci textus, vel corrigendus, vel omninò delendus est: nam neque Prouincia S. Antonij, est Bononiensis, sed Veneta, neque Capitulum Romæ, sed Patavij celebratum fuit: neque Prouincia in quam, ut in pro-

priam rediret Albertus fuit Bononiensis, sed Etruriæ, in qua natus est, & religionis habitum suscepit, & eius vora nuncupavit, ut ex nostra narratione clarius innotescit.

Cap. XXIV. Nota 23.

*Academia Senensis.* Ex elegantiâ huius elogij non existimet lector eruditissimos eius auctores magis obseruasse Rhetorica pigmenta quam veritatem historiarum. Nam trophæa, quæ ad ornandum Alberti in Cælum ascendentis triumphum explicant, res ipsæ sunt, quæ ex historiarum veritate conueniunt Alberto.

Cap. XXIV. Nota 24.

*B. Albertus de Bendinis à Sartbiano.* Alij omnes, qui Alberti cognomen expriment, ijque natione Etrusci Berdinum cum vocant, ut propterea existimem typographi lapsum hic esse, non authorum huius elogij, facile enim est, ut pro Berdino Bendinum dicant.



# BEATI ALBERTI

## SARTHIANENSIS

### ORD. MINOR. OBSERV.

# OPVSCVLA.



Mnes, quas reperire potuimus, Beati huius viri lucubrationes, præter tres Orationes, quas pro concione dixit, epistolari charactere ad diuersos conscriptæ sunt: aliæ maiores, & paræneticæ, aliæ familiares, aliæque officiosæ. Visum cupiam longiores vt illas primo loco daremus, deinde minuscultas. Sed magis placuit ordinem temporis obseruare; quem plerisque, etsi non omnibus, adnotatum inuenimus; quique seruatus, rebus ipsis percipiendis non parum luminis allaturus est, & actorem eius historiam amplius elucidabit. Nec desunt exempla doctorum hominum, qui in Sanctorum Patrum, aliorumque edendis epistolis exactam temporis, quo scriptæ fuerunt, rationem secuti sunt: orationes tamen, quamquam diuerso tempore dictas, omnes tres initio proferemus, ne epistolarum seriem interrompere cogamur.

---

## ORATIO I.

De Sanctissimo Eucharistiæ Sacramento.

### ARGVMENTVM.

*Exorsus à pauore de virium suarum diffidentia, rei que magnitudine concepto, cum pene coactus dicendi munus obierit, culpam, si minus bene succedat, in eum rejicit, cui postulanti, hortanti, suadenti, instanti, iubenti morem gerere oportuit;*

*si secus ad votum, id in Deum omnis boni fontem, & obedientiam vim referendum prefatur; & inuocato prius Dei Matris auxilio, tria sibi ex vastissimo dicendi campo discernit, mysterij magnitudinem Sacramenti utilitatem, & rectam dispositionem eorum, qui ipsum digne suscipiunt, que omnia eruditè, & eloquenter pertractat. Hinc oportuna digressionem in eorum hæresim inuebitur, qui olim dicebant, & bodie dicunt, Christum in Eucharistia extra eius usum non persistere.*

**C**redo vos, Patres clarissimi, quoniam me principio Orationis, non modò magnopere exalbescere cernitis, sed quasi exanimatus sim, ita initio dicendi debilitari, ac prope frangi animadvertitis, sanè non satis admirari, proque ingenita vobis humanitate, cui summum beneficium debeo, angores istos, quibus profectò maximis in præsentia perturbor, haud dubium communes existimare; verum id ego aliter, verè loquor, efficere non queo: vsque adeò enim cum exiguo ingenio meo diffido, quòd id scio, quàm nullis eloquentiæ viribus fretum sit, atque id, quod maximè opus est, nulla doctrinarum vbertate valeat. Tum præstante, atque eruditissimo vestro Conuentu ita permoueor, vt quia pertimescam, quiaue tota mente, artubusque destituar, os sanè confusum, absona vox, & tremula lingua, denique vehementissimè hæsitans, ac penè balbutiens, magno vobis argumento esse possunt, haud quam mihi ex sententia orationem procedere. Accedit, cum magnitudo, tum summa causæ bonitas, qua maius, meliusue nihil in verissimo Ecclesiæ dogmate inueniri compertum est, vt Sacratissimo de Corpore Domini Nostri Suauissimi Iesu Christi summo mihi cum timore dicendum sit. Arduum enim est opus, & quod viros, cum singulari, & copia, & subtilitate ornatos, tum maximarum virtutum glòria excellentes magis deceret; præsertimque præstantissimi *Patris mei M. Da.* (1) id interesse putavi, qui clarus Theologiæ Professor per se rem tantam, eoque dignam, perfectam iri censere debuerat.

Sed is, quod ego omninò eram nescius fore, infinitum à me hunc laborem, ne longè quidem res minores adhuc experiri solitum (2) subire maluit, cui cum comiter, & facetè id ex me postulanti sæpè verècundè negassem, primò quidem iucunditate ea, quæ est in homine mirifica, suavit, atque, quoad potuit, id vt aggrederer, hortatus est. Tum tandem, non quidem laboris mei fugiendi, sed tam multam causam, tam maximis in rebus consumere posse diffidenti mihi summopere instilit: morem verò illi gerere, cum pro eius in me autoritate, cui quoad vita suppeditabit, mihi parendum esse intelligo, negare non possem: nescio, an incautus, an verò inuitus assensus sum. Quo in consilio cum *obedientiæ virtus* (3) atque integritas spei plurimum afferat, tum summa Christi nostri humilitas, & clementiæ magnitudo, qua se hominem efficere voluit, bono animo esse iubet.

Si quid igitur bene depromptum erit, Summo Principi Deo gratiæ habendæ, atque dicendæ erunt; si quid minus, cum ignorationi meæ, tum rei amplitudini attribuendum esse cenfeo, quæ etiam maiorum nostrorum diuina illa ingenia superauit. Aut si quid vestros animos, vel minus accurata oratione, vel parua dicendi grauitate, siue rerum siccitate offendi censueritis, pace eius dixerim, in eum culpam referetis, qui me tanto onere leuandum esse non censuit. Mea enim sententia, & si exercitandi mei causa, quemadmodum in animo fuisse arbitror, ei, cui in præsentia pareo, huiusce orationis genus ex me faciendum fuit; Primum tamen fragili cimbæ creditum, adri-

adridenti ftagno dedi oportuit, ac tum doctum nautam magnifica poft claffe deuectum per obliquos vnda- rum, ac pelagi expositos late cam- pos traiçi me quidem conuenerat. Sed de his fatis .

Nunc ne nimius fim , de re di- cere incipiemus , fi prius , *pro bone- ftiffima confuetudine* (4) Mariam, pudiciffimam Virginem, quæ Sacra- tiffimo vtero Rectorem , Domi- numque Mundi geltauit, toto cum ardore orabimus, quo Spiritus San- ctus nobis illius interceffione adfit. AVE MARIA .

Tres res tota oratione complecti- mur , quæ non ineptè nobiliffimo ifto de Sacramento abfoluendæ vi- dentur ; magnitudinem , vtilitatem , & eorum , qui fufcipiunt , difpofitio- nem . Primam quidem maiores noftri, qui in eo ftudij operam omnem , cu- ramque confulperunt, ita tractan- dam cenfuerunt , vt dicent Chri- ftum noftrum animo aduertendum ; quid toto fimplicis fuz perfonæ con- tineret ; Sacramentum autem , quod in dies facro Presbyterorum ore con- ficitur , quod mirificis , ftupendis que miraculorum claritatibus adornetur , confiderati oportere . Poftremum, verò multis ante temporibus , ac propè fæculis à vetuiffimis Ecclefiz Patribus , quos Spiritus Sanctus illu- ftrarat , egregiè geftis rebus effe præ- figuratum . Magnificæ fane res , & falutares , Patres optimi , & cum ad excogitandum ampliffimæ , tum me- moriæ iucundiffimæ , tum denique firmiffima ftabilitate ad credendum Chriftiano nomine , fanèque libero , dignæ funt .

Vt enim prima de parte magni- tudinis loquar . Nonne perpetua re- cordatione digniffimum ? nonne am-

plum ? nonne præftantiffimum illud fuerit , carnem eam puriffimam, nulla commaculatam forde peccati , nulla labe pollutam , ex Regia Ma- tre , etiam poftquam is prodijt , Vir- gine manente , cum effet ftatutum tempus , detraxiffe . Eam præterea nobis modo fuo , quem ipfe nouit , profectò impoffibili dictu , atque ftu- pendo , ad quod omnis noftræ naturæ vis , nifi fide , non poffit accedere , in cibum , quo nihil conducibilius eft , nobis dediffe . Quæ profectò fanctif- fima caro nullo , vt nos peccatis ob- noxij , obfcenæ perturbationis ap- plaufu allici ; nulla , ne leui quidem , virtuti contraria affectione adjri po- terat . Quid verò Sanguinem pretio- fiffimum loquar ? quem cruentus inimicus , & perniciofus humanæ naturæ hostis , cum is effet in pretium Summo Patri reddendus , auidiiffimis faucibus fitiebat ; primo enim prælio , primaque calamitofiffima congreg- fione , cum omnium primo progredi- tore , quoniam victoriam Diabolus reportarat , captiuos nos diu vinctos , feruosque eatenus tenuit , quòad Chriftus cruce affectus , atque affi- xus opulentiffima largitate rede- mit .

Itaque carnem cibo accepimus , quam nifi qui manducauerit , vita- carere , fententia fua Chriftus affe- ruit ; fanguinem verò , nifi qui bibe- <sup>1. Iuan. 6;</sup> rit , eum æftuantiffima ficcitate tor- reri . Illa ergo cibamur , ifto potamur . Illa alimur , ifto inebriamur . Illa fufitentamur , ifto irrigamur . Illa re- ficimur , ifto redimimur . In illa quod de Virgine nata eft , colendam pud- icitiam edocemur . In ifto fæuiffi- mum hoftem fubactum , proftatum ; reiectumque experimur . O clemen- tiæ magnitudinem ? non fatis erat creaffe ,

creasse, id quod solum etiam in pecoribus maximum est; sed creauit hominem rationis, & cogitationis participem, cuius reliquæ animantes expertes sunt, figuramque corporis habilem, & aptam ingenio humano dedit, claritate mentis ornauit, sensus, æque ac nuntios, adhibuit, rerumque plurimarum obscura enodauit. Sed hæc nobis cum gentibus communia sunt. Verissima nos, ac peculiari religione donauit: neque ea, quæ pecorum oblationibus, vel Deum placaret, vel corpore inquinatos, ut olim in lege, emundaret; sed quæ verissimo Christi immaculati agni sanguine parta perniciosas animarum nostrarum labes ablueret.

At ne id quidem sat esse Diuina Charitas arbitrata est. Cum enim Spiritus Sancti manantes in nos gratiarum fluuios emisserit, veræ sapientiæ, iam vsque à primorum patrum prolapsu obsoletæ, cum illustrarit lumine, tum vberimis fontibus irrigarit, qui in Christo admodum fertiles conqueuerunt, id quod habes in Euangelica lectione, Christum, cum sacram ad turbas concionem haberet, puto qua anima sibi consultum vellet clamaſſe, *si quis sitit ueniat ad me*, verissimum scilicet vitæ fontem, & bibat, ne verarum doctrinarum siti exæstuet. Sanguinem Christi, quo peccata ablueret, in veram antidotum, carnem pro alimento subministravit, salutare prorsus conuiuium. Ac ne quis, vel se ignobilem non admitti, vel rebus inopem despici, vel minus ingenij nobilitate præstantem se detrudi queratur; nulla est natio, neque tam fera, neque tam inhumana, neque tam barbara (id, quod ex Beato Petro accepimus, vas quadrupedi-

bus, serpentibusque refertum Cælo emissum, rursusque receptum prospectante) quos non læto sinu excipiat Christus. O rem dignam, in qua non modo docti, sed etiam agrestes; non modo clari, sed etiam obscuri; non modo diuites, sed egeni; non modo sancti, immaculati, frugi, modesti, sed iniusti, scædi, incontinentes, furiosi, inglorij suscipiuntur; modo culpâ vacare velint, qui se quondam addixerant vitij; modo saluari Baptismatis fonte ablui, modo pane, verissimo quidem cibo, qui de Cælo descendit, idest, Christi sanctissima carne, pretiosoque Sanguine, quo de in præsentia loquimur, refici, potari, atque sanctificari deligant: neque ciues potiores esse, quam peregrinos, quam alienos; exteros, quam nostrates.

De Corporis, & Sanguinis magnitudine, pro angustia temporis, satis multa. Animam illam diuinam deinceps breui considerandam censeo, prorsus verò firmissimè, quamquam hac in re, minime vobis me monitore opus esse existimem. Neque enim quisquam vestrum is est, qui impia credulitate delusus, eum animam habuisse neget, cuius *vanissima opinionis* (5) fucere quondam nonnulli, stultissimè quidem ita existimantes. Quorum falsum commentum cum præstantissimorum hominum, & iudicio, & prudentia, & ratione contritum sit, tum summa Christi nostri autoritas, atque sententia reiecit, & sustulit, quem rectè nostræ fidei fundamenta iacentem, quam & ipsam nunc moris vetustate firmatam, amplectimur; eum sæpe de anima audimus verba prominentem, quemadmodum illud est: *Tristis anima mea est vsque ad mortem*: 15.

& item

1020.1028  
 Membr.  
 34.

*& item Animam meam pono pro ouibus meis, atque illud potestatem habeo ponendi animam meam, & venit filius hominis ponere animam suam in redemptionem pro multis.*

Quam sanè Patri gratissimam, diuinoque verbo deuinctam, vsquè ad eò virtute præditam, immò fontem virtutum sublimemque fuisse, nobis credendum est, vt ea nos velut clarissimo speculo ad virtutem comparandam vti oporteat, vsquè ad eò lumine veritatis præclaram, atque sapientiz splendore præcellam, nihil vt ignorarit, quod verbum sciuerit, tantum in ea gratiarum fuisse, vt plus quicquam nullus vnquam hominù, sed ne Angelorum quidem capescere possit, hanc pro nobis crucis ignominiz subdidit. Hanc supplicij ad-dixit, hanc morti adiudicauit, per hanc ex pristinis inimicitijs Angelorum reuocamur in gratiam, & qui se quondam, velut seruis nobis hospitiò recipi, sibi seruari, se lauari, adorarique suerant nunc (anima Christi pro aberrantibus pridem ouibus morti exposita) alloquuntur humanissimè Sanctos, hortantur in vitiorum prælio dimicantes, iuuant imbecilles, ad virtutem verò torpentes, ac segnes expectatos, & expeditos, habiles, & strenuos reddunt adorari se prohibent, conseruos se clamant, non Dominos, fratres se dicunt, Amicos suauissime profitentur, per hanc Deo Patri, cui debito pro supplicio primorum parentum, magno iam pridem odio fueramus, perfectæ benevolentiz iucunditate conciliamur, & qui dudum Regibus igneum se, ac terribilem plebi Israeliticæ demonstrarat, per hanc Christi diuinissimam animam, se facilem, se benignissimum præbet, & præclarissima

humilitatis insignia, summumque, & mansuetudinis, & lenitatis vexillum, exhibet. Sed quoniam vos multis, & magnis de rebus breuissimè dici potestulauistis, de anima hæc hæc tenet.

Tunc tribuenda opera, ac potius omnis cogitatio, & cura ponenda est, nec profecto in nobis quicquam virium relinquendum, quod non id, hoc loco maximo cum stupore, ingentique admiratione conferatur: diuino enim de verbo, sanctissimo animo coniunctissimo, oratio nobis habenda est; verùm nequidem forte exiguum in mentem veniat, quid ipsum est verbum, quo de loquemur, summum bonum cuius inter Philosophos, summa dissentio, illorum ingenia, quamquam nobilia, atque acerrima cuncta contriuit. Deus verus, Deus inquam verus. Quid hinc? per quem mundus ipse perfectus est, nosque creati, quid tandem effecisse, vt nos libertate donaret, se hominem effinxisse. O rem mirificam, ò singularem dilectionem, ò profundissimam Charitatem, Deum inquam, Deum esse hominem factum, Deum excelsum, humilem hominem assumpsisse; summum omnium spiritum induisse carnem peccati similem sed peccato, culpaque vacantem, vestisse lutum nostrum, vt nos luto eximeret, è media Paradysi amœnitate, immò verò è paterni pectoris profunditate (semper enim in sinu Patris est) summa non reliquisse, petiuisse ima, obscura adiuisse, vt nos ad summa veheret, & ex imis exutos, & ex obscuris liberatos Cælo donaret, quos in humeros suos errantes extulit.

Hic, hic Patres deuotissimi vosmet totos per Deum optimum mihi præbete, erigite animos, sensusque

Q. vestros,

vestros admoveatis, oro; quis quid huic humilitati anteponendum ducas? quid recordatione ista, ac memoria dignius? quid charitate ista profundius? quid amore isto præstantius, ardentiusve? quid hac bonitate sublimius? quid hac iucunditate voluptuosius? cui lachrymas non moveat? imò verò cui ex intimis mentibus, huius amoris magnitudo non eruat? vbi mihi fortis, vbi ad commouendos, concitandosque animos virilis oratio? qua dicendi facultate, complecti? qua conflagrata abundantissima, ardentique dictione, infinita erga nos Dei charitas, enodari posse credenda est? prorsus nulla. luuat igitur velut sublimes quadam in specula constitutum, vnde omnes exaudire possint, summa pro rei amplitudine Apostolicum illud proclamare: *O altitudo diuitiarum sapientie, & scientie Dei, quam incomprehensibilia sunt iudicia eius, & inuestigabiles via eius*; pro infinita autem clementie lauauitate, Dauidicum illud sæpe congeminare, *quam magna dulcedinis tue multitudo, Domine, quam abscondisti timentibus te, vbi sunt misericordie tue antiquæ Domine*; hic prorsus, hic prorsus, omnes hic igitur mentes stupere conuenit, hic admiratione deficiendum, hic relaxandus est animus, hic vires effundendæ profecto sunt, nec turpius, nec ingratus, nec insensibilis quidquam, infinita clementia non moueri. Sinite ergo me Patres, sinite affectus profundere, immo verò vos vna mecum effundite; neque id iniuria, sed prorsus rectissimè.

*Tollebant enim exteri ad sydera ciues suos* (6) qui inanis gloriæ fama capti, mortem sibi pro Patria consci-

uissent, illos miris laudibus efferebant. Ad eos ornandos non inuiti torrentes eloquentiæ conspergebant, donabant statui, honoribus illustrabant, quorum prærepta vita, amissisque corporibus, animæ in Baratrum Diaboli trahebantur. Nos verò Christum nostrum, quem pro vita, quam integerrimè dedit, sanctissimèque vixit, atque omnium sapientissimum, quo nemo neque integrior, neque sanctior, aut vnquam extitit, aut post hac existere poterit, omnis innocentie exemplum habemus, non laudabimus? non efferemus? non prædicabimus? quem tanta nobis beneficia contulisse experimur, vt nos etiam æterno mortis periculo liberarit, ei non amplissima oratione gratias dicemus? quem verum, ac Summum Deum, rata, atque certissima veritate cognoscimus, eum non adorabimus? de eo non loquemur? ei non animos proster-nemus?

Sed tam multam operam, tam maximis in rebus sentio me equidem haud posse consumere, atque etiam rei amplitudine deterreri. Maiorum nostrorum, siquidem illi dumtaxat corpore reuiuiscerent, nam animæ felicissimam vitam viuunt, alicuius viri grauissimi hoc sanè magnificum munus esset, qui & ætate prouectus, & sanctitate clarus, ac deniq; sapientia præditus, cum verbis lætis, & grauibus, tum sententiarum lumine faceret id, quod tanta res postulat orationem splendescere. Quorum si alterum absit, aut inanium verborum sonitu, aut subtilitate, sententiarumque inculta oratione, promantur, Auditores ipsos, & propèmodum offendi, & admodum conturbari solere. Quibus me rebus sanè

sane nobilibus ; ac præstantissimis priuatum inficari non vereor . Eniter tamen etsi supra vires quantacumque facultatula possem : verum vestra me , Patres , voluntas è cursu reuocat , quæ , quamprimum censet orationi modum habendum . At id equidem vos affectos certò scio , vt ad cæteros præstantes viros , qui conciones illustres , hac de re , hodierno die , sunt habituri , maximo cum ardore audiendos ire pergatis . Rectissimè id quidem , nam & ingenio , & studio , doctrina præditos , egregiè dicturos arbitror , & hac mea oratiuncula sane illustrius ; sed si quid in dicendo possem , extorquerem profectò à vobis longiusculam moram , vt sapientissimo , atque eruditissimo vestro Conuentu , in omni vita mea , vel diem fruerer , verum hæc aliàs .

Sacramentum deinceps quot miraculorum exornationibus decoretur , id quod reliquum est , sedulo amplectemur . Cum igitur panem ipsum , quem arx Sacerdotes imponunt , simul ac sacra in eum verba effusa sunt , tum quamprimum in veram Christi carnem conuerti , firmissima subtilitate credendum sit , neque verò in nouam aliquam , sed eam , quæ gloriosissima nunc Christo conregnat . Tunc ea , vt vocant , aut accidentia , aut species , per sese non conuersa , absque eo , cui inerant , vt dicunt , subiecto , potentia diuina persistere . Magnum autem , vt est in Cælis , Corpus ipsius , & vt Cruci affixum est , neque id quantitatis , sed totius substantiæ ratione , ipsis sub speciebus contineri . Idem præterea ipsum vnum , iisdem horis compluribus esse locis , neque id situ aliquo , sed præsentia . In ea postremo tota ,

quam rectissimè Hostiam nominamus , atque in eius omni quamuis tenuissima parte , totum Christum existere : multiplicari verò , aut exagregari , plura vt corpora sinr , quam simplex , aut satiari eo , si multum , aut inebriari , si nimium quisquam forbuerit , siue frangi , vel consumi , aut morderi dentibus , aut ardere ignibus , aut denique rodi posse foricibus , specierum , quæ non conuersè perstant , proprietates istæ sunt , non conuersi in carnem panis .

Perdifficiles sanè res , & perobscuræ , Patres amantissimi , neque tamen aliquo exemplorum cum adiumento cognitu penitus impossibiles , vt enim diuinam illam omnittam omnipotentissimam Dei virtutem , qua est nihil eorum , quæ diximus miraculorum , quod id cum omnibus in rebus , tum in hoc Sacramento effici non queat , subiecta certè è multis pauca exempla , si ante oculos proponantur , comprehensa tamen animo , cætera etsi ampliora sint , posse tamen fieri , ad fidem plurimum adducunt . Quando enim non modo ab ijs , qui mediocres ingenio computati sunt , Philosophis , quorum tamen complures id assequuti sunt , sed ab summis illis Philosophorum Principibus , vnquam hoc negatum , vnquam non comprehensum , & cognitum est , hominum animas immortales esse oportere . Eisdem verò propter admirationem eius naturæ , in quæ egregium quiddam , atque præclarum esset , eorum quibus inessent , corporum , quæ & ipsa semper tota complerent , singulis quibusque minutissimis partibus , perfectissime totas adesse . Angelos autem quorum est eximia quædam , præstantque natura , cum aliquo in loco ipsa sua

præsentia semper sint, locum tamen ab ipsis non occupari, & Maiores nostri asserunt, & Philosophi non dissentiunt. Deum præterea omnium Summum, ac præstantissimum, quæ omni æternitate præditum, neque principium habuisse, neque finem. Philosophi fatentur, eundem totum istum Mundum amplum, & prope infinitum, eiusque omnes partes perfectè complere disputant. Quæ res magnæ, atque amplissimæ, eum ab illis comprehensæ, & eis probatæ sint, quos si Christiano tempore comparare velis, profectò omnes veræ lucis iudicabis expertes. Nos in hoc nostræ redemptionis, nostræque fidei nobilissimo Sacramento ea, quæ, vel similia, vel maiora, tam multa mira, atque stupenda fieri diximus, quamquam ingenij aditu occulta, atque obscura sint, Summi tamen Dei nostri infinita illa potentia fieri posse negabimus? non firmissimè credemus? non summo quodam ardore, pro nobis facta omnia complectemur? non semper magnificèntissimis laudum præconijs extollemus? non integerrima vira venerabimur? colemus? adorabimus? imo verò magnopere.

Itaque qui non insania exardescere vellent, eos supra vires perscrutari, & sapere verat Apostolus, ut præsertim de rebus, quæ nisi fide consequi, quivis ingenio excellens, minimè possit. Admirabili enim religione freti, & incredibili quadam eloquentiæ magnitudine præditi, atq; florentissimis ingenijs illustrati Ecclesiæ viri, eum rem istam, magnam cum gloria accuratissimè persequerentur, nisi fide sua, pro infinita amplitudine nunquam plenè sunt consequuti. Quare non est cur ego, ut me

ad me aduocem, paucitatem doctrinæ verear, cum illi vetustissimi Ecclesiæ Patres, quorum & industriam, & diligentiam admiramur, integritatem colimus, ingenia, cum nouimus, prædicamus, id plenè perficere minus quiuerunt. Nos verò omnes non est, cur magno cum discrimine eiusce profundissimæ rei rationem curiosius, quam necesse est scrutari velimus, cum maiores nostri subiectissima quidem, atque ingenti cum reuerentia huius loci obscuritati cesserint. Acceperant enim ex mente sapientissimi Salomonis, eum qui Maiestatem curiosius scrutaretur, gloriæ magnitudine obrui, sed ea habere rata oportere, quæ sua amplitudine eapescere nequeamus; quæque ab eo, qui nobis probatur Deus, sapientissimè, potentissimèque iudicata videmus.

Trahor hoc loco vehementissimè, Patres, *illis ut respondeam* (6) qui iniquissimè à Patrum institutis degenerantes impia fraude, & Diaboli pernicioso commento, imperitorum animos anili superstitione obligauerunt, quos perfectò cum suauissimo isto de Sacramento hæretici pessimè sentiant, illorum similes dixerim, qui febri exastuant, si quidem immoderatus cibos sumpserint, eum post periculosus elaborarent, identidem si sæpius egerint, eibis etiam delicatissimis obruuntur. Audere enim dicuntur stultissima temeritate asserere Corpus Christi signul ac confectum est, diuinis illis verbis, atque populo adoratum, tum primum esse desinere. Hoc si cui probatur, is Patrum instituta infirmat, is Apostolorum sententias conterit, is Christum, qui veritas est, mendacij ineusat. Quo enim pacto ut cætera prætermittam, id quod ingens Christianorum.

folatium est, Christum quòad mundus perstabit nobiscum futurum existimabimus? Quanam via verissimam, ac purissimam Christi carnem communicabimus, si ea in panem pristinum redit? sed gratia est, inquit, in pane, quæ conducat accipientibus, quemadmodum & in Baptismo gratia est in aqua, quæ abluat. O sordidissimi homines, ò secleratissimi hæretici, ò impiæ, atque crudelissimæ belluæ, Christus carnem suam sacratissimam asserit, & vos triticeum nescio quem panem simplicium mentibus Christianorum objicitis, ac ne prorsus hæretici videamini, & funditùs sustulisse religionem, sanctum panem gratia conditum inducitis. Animadvertite miseri, oculos aperite, excitate vos somno, tenebris effluentibus vos eximite, vestrasque aures vociferanti Christo accomodate. *Nisi*, inquit, *manducaueritis carnem filij hominis, & biberitis eius Sanguinem, non habebitis vitam in vobis*, atque illud *Caro mea est verè cibus, & Sanguis meus est verè potus*, & item. *Qui manducat meam Carnem, & bibit meum Sanguinem habet vitam aeternam, & qui manducat meam Carnem, & bibit meum Sanguinem in me manet, & ego in illo*. Ac tandem diuina illa verba: *Τῆτο ἔστω ὁ Σῶμα μου*, sumite. Pane ergo, ac non carne potius sub Sacramento verissima illum communicasse discipulos arbitramini, quamquam autem eum sæpe panem sese dicere certò scierimus, ne putaretis tamen, ò hæretici, panem illum vestrum triticeum, atque, vt dicitis, gratia conditum, huic nostro comparandum, quem quotidianum dicimus, Græci verò *ἄρτον ἀπὸν* idest supersubstantialem panem vo-

eant, Panem profectò carnem suam, diu asseruit. *Panis*, inquit, *quem* Ioh: 6  
52  
*ego dabo mea caro est pro vita mundi*.

Nos igitur, qui Sacramentaliter, Carnem verissimam nos manducare arbitramur, vestrum istum panem, non carnem, sed ex earne in panem, nescio quem triticeum, vt dicitis sanctum, velut exitiosum repudiantes, ab his vestris ineptijs magnopere dissentimus, vbi enim in isto hoc vestro pane, non dieo caro, quam stultissimè inficiamini, sed Sanguis pretiosissimus, quem Corpori inesse, pura, stabili, ac salutari assertione tenemus? vbi sapientissima anima, quæ ab illo Corpore sane gloriosissimo, nunquam abesse eredenda est? vbi potentissimum Dei verbum, id quod animæ æterna societate vinciri, Catholica fide pectoribus Christianorum defixum est? Quid vos tam humili abiectione scædari; quid tantum vobis detrahere vultis? quid vos diuinæ potentæ magnitudine, clementia thesaurorum exhaurire nitimini? quid religionem diuina autoritate institutam, & præstantissimorum hominum consensu firmatam, labefactare, funditusque euertere impudentissimè quidem contenditis; & calice Babilonio inebriati, commentum sordidum, & obscurum, temerè ac falsè defenditis, quod luce putatis clarius? sed ad istos, atque ceteros satis, atque aliàs fortasse pluribus. Longa enim, luculenta, graui, & quod opus est, vera oratione ad hosce homines resellendos perorandum, imò potius pertonandum esset. Verum enim verò quoniam ad finem expectatione vestra, quæ mihi minime negligenda est, summopere impellor ad reliqua properandum, censeo.

Cum verò ità à principio diuisimus vt inter cæteros locos illum diceremus, Maioribus nostris visum esse considerandum, quibus magnificis rebus, ex sese felicissimè gestis, vetustissimi Ecclesiæ Patres, hoc Sacramentum præfigurant, rem breuissimè absoluemus. Verum quia nec omnia vno, vt aiunt, oris hiatu dici, immò effundi possunt, si quid minus copiose è scripturis dicemus, quam id voletis, cum tempori, tum vestræ festinationi assignare debetis, qui multis, & magnis de rebus, quàm breuissimè dici postulauistis. Sed iã ad instituta pergamus: Apostoli sententia est, ea, quæ veteris instrumenti Patres gessissent, propter nos, qui rerum earum veritatem lucidissimè quidem experimur, in figura illis omnia contigisse. Ac ne Sacramentum istud, rem nouam, & commentitiam, neque eam propheticos viros cognosse, neque gestis ex sese rebus præfigurasse, quisquam inficiari possit, nobilissimo Melchisedech munere confirmamur; quem & Regem Salem, & Dei Sacerdotem excelsum, Patriarchæ illi sanctissimo Abraham, cum is prælio captum fratrem, Regibus hostibus propulsatis reduceret, redeunti victori occurrisse accepimus, quem cum benedictione donaret (id enim erga alios Sacerdotibus moris erat) panem simul, & vinum, huius scilicet Sacramenti figuram, scripturæ illum obtulisse testantur: quid verò duodecim illos candidissimos panes loquar, quos cum Dei iussu è purissima simila Sacerdotes per sese confecerint, aureæ mensæ senos altrinsecus impositos, ac Deo oblatos, soli consumebant, ac tum item novos singulis hebdomadibus imponebant, sæculi autem hominibus, neque ex

eis fumere, neque quicquam gustare licebat, præter eos, qui ab vxoribus, & omnis coitus genere, nonnullos ante dies abstinuissent. Quid præterea manna illud Cælicum? nonne in huius signum diuinum penitus, stupendumque miraculum fuit? quod roris in modum eum noctu plueret album manè compertum, earum rerum, quas quisque cuperet, eum gustum cuique præberet. Quadraginta annos innumerabilem prope, & contra Dominum murmurantem, ingratum populum aluit. Quid tandem agnum illum in lege, qui tum immaculatus, tum masculus, tum anniculus, tum statuta mensis, & quidem primi, præclara die, tum noctu comedi iubebatur, neque is quidem lixus, neque crudus, sed igni torridus, atque assatus, nullo osse confracto, ex agris nactis lactucis. Paruzne res cognitu istæ? ac non potius magnificæ, & ad considerationem erga id Sacramentum excellentissimæ: sed incidit tempus difficillimum, quo tumultuariè potius dicere, quam grauissimè, vt tanta res poltulat, maturare oporteat. Est enim cum amplissimus, tum verò vtilissimus perorandi locus, sed quoniam haud honestandæ rei causa laborandum est, cum sit ipsa & præclara, & honestissima, & vos alio ire constituistis; Ad reliqua pergamus.

Superest enim secundus nobis considerandi locus, quem breui quidem absoluemus, quid emolumentum? quid præsidij? quam maxima utilitas? ex Sacramenti huius receptione, nobis obueniatur considerabimus. Ac primò quidem sic Patres optimi habetote: nullo vnquam in genere commodorum, postquam in lucem humanum genus editum est, quemadmodum

in hoc Sacramento , Dei erga nos opulentissimas diuitias patuisse . In hoc enim Domino nostro , quod non perparum est , primum quidem omnis innocentia omnisque integritas restituta est: (*sub intellige de gratia in presenti, & de gloria in futuro, ut in Nota 8.*) quas res primi nostri parentes amiserant , ut & innocentiae comparandae , & sequendae exemplum pudicitiae , omnisque continentiae viam praebitam esse intelligeremus . Hic omnis scientiae amplitudo , immo ipsa est nobis sapientia tota subministrata . Hic omnis veræ humilitatis vexillum . Hic mitissimi hominis forma , hic complectendae mansuetudinis disciplina tributa est . Quò fieret , ut & mente hebescere , & animo tumere , & superbi etiam , & immites , & improbi esse , verissimo præceptore edocti , tandem aliquando desineremus . Parua ne ista exemplorum emolumenta ? Eius præterea mortis , totiusque Sacratissimæ Passionis , in dies memoriam renouantes , hic tenemus . Quæ dum erit in nostris mentibus infixæ , firmissimo , tutissimoque nos muro septos arbitrari conueniet , ut nulla improborum Dæmonum vi , quibuscum cotinuum est nobis spiri- tualeque prælium , singulari illa , & suæ passionis misericordia muniti , & fortissima suæ Crucis virtute roborati , atque protecti , neque superari , neque vinci possumus , neque vllum de nobis immanissimus , & crudelissimus hostis acerbissimum supplicium sumat : nisi quantum nos , non quidem ad perdendos , sed siue ad erudiendos , siue ad purgandos , siue ad coronandos victores , bonitas illa summa concesserit .

Hoc etiam in Sacramento , & eorum culpa nobis criminum relaxatur ,

sine quibus , ne à perfectissimis quidem viris , viui solet , & illorum mortalium poena , si quidem summa cum reuerentia sumatur , quia etsi illorum culpa sacra confessione absterfa sit , maxima tamen post hanc lucem nos non plene purgatos manet . Quid multa ? tanta est huius vis , tantæ summæ potentiae magnitudo , ut si quem etiam detestandis criminibus obrutum , minus confessum repererit , quod casu nulla ei confitentorum peccatorum facultas fuerit , (*intellige si communicandi necessitas urgeat, ut in Nota 9. & 10.*) si quidem id obtigerit , modò summa cum reuerentia , maximo cum ardore , summa cum fide accipiat , ei ad purum , etsi sordida , etsi scelestissima donet , (*dummodo propositum habeat quam primum considerandi, ut in Not. 9. & 10.*) Remittendis enim peccatis mirabili sua sententia se hoc Sacramentum constituisse Christus asseruit . Hoc gratis donatur , & quibus donati sumus ea in nobis ob singularem quandam Sacramenti virtutem conferuantur , quemadmodum & potione , & alimento , & valetudine corpus .

Largitæ denique gratiæ , plus minusue , ut quisque deuotior fuerit , ita cumulatiue augentur ; fortitudinem autem qua & nostrarum passionum-perturbationibus obsistamus , & virtutes faciliè consequamur , huius solum virtus , & magnitudo tribuit . Accuratam verò quandam diligentiam , atque industriam , & ut aptius dicam , mentis lumen , quo perspicacissimas , versutisque tot perfidorum hostium , comprehendamus infidias , quas nobis infinitis propè modis capiendis , dies , noctesque dormientibus , ac vigilantibus machinantur , &

occu-

occulunt, huius auxilio Sacramenti donari, quo & eas intelligimus, & à nobis depellimus, & perfringimus, & vincimus, & de hostibus triumphamus. Nihil est etiam à maioribus nostris, aut Sapientissimè dictum, aut præclarissimè factum, aut aliqua in re egregiè gestum, quod non huiusce suavissimi Sacramenti auxilio, lumine, ac fortitudine sit perfectum. Nam verberibus torti, igne fatigati, ferro trucidati, morte mulctati, fortissimi Christi Martyres, huius sola virtute Sacramenti verbera perfregerunt, ignem extinxerunt, ferrum humiliarunt, morti obstiterunt, subegerunt Tyrannos, domuerunt feras, contriuerunt Idola, superauerunt tortores, omnia denique supplicia deuicerunt.

Huc, huc patres, huc adducere possent, ut ea ante nostros oculos verarentur quot, quantasquè, quam summas voluptates, præclarissimi nostri Maiores acceperint, quot ex huius summi Sacramenti stupore varios mentis excessus incurrerint, quot ex huius suavitate pene defecerint, quot ingenti amore prope modum arserint, quot miro illustrari lumine secreta perspexerint, scripturatum sublimia enodarent, obscura quæque differuerint. Et neque eo torpore, quo nos segnes obruimur ignavi, sed amoris Christi incendio conflagrati, ardentia potius, quam calentia corda gestarint. Sed quod vestra me expectatio properare impellit, vnstantum nobis exemplo erit strenuus, ac præstantissimus Christi miles, & neque obscurus, sed profectò clarissimus Nostri Ordinis Dux Franciscus. Hunc accipimus, tanta Christi in hoc Sacramento suavitate affectum, & ob profundissimam Domini nostri, quâ

animo Franciscus versabat cum humilitatem, tum, quæ certè non satis cogitari possit, erga humanum genus excellentissimam charitatem, vt cum frequenter suo more communicaret, sæpius illum cum ad Altare accederet, vires corporis defecisse.

Quis igitur hunc Deum nostrum Summum, ac verissimum, satis admirari possit? quisnam eum cultu, ac Religionè collendum, adorandumque non censet? quid eius præstantius bonitate, ac beneficentia? qui cum se totum hic nobis largiatur, etiam maiora pollicetur, ac tribuit. Nam cum vita excedimus in suum nos confortum, si quidem bene moratum, consuetudinem gessimus, in Cælos admittit, & si, & corpora ista nostra, in humum versa, vel exusta ignibus, vel vorata feris, vel tortoribus dilaniata, atque consumpta, mirabili suæ potentiz magnitudine huius virtute Sacramenti, resuscitabit: idque quod maximè proprium est, in optimam quandam, & hac nostra sublimiorem, præstantissimamque naturam, immò verò conditionem. Ità æterna in Cælis Christo societate deuincti satiabimur, & vti propheta lætus decantat, illius vberitate domus, & summarum torrentibus voluptatum potabimur, atque illius maxima multitudine dulcedinis perfruentes, seniel per Christum morte eruti, nunquam posthac morituri, eâ, quæ finem nescit, vita perpetua donabimur. Hæc, Patres, ipsa per se veritas, quæ nequè falli vnquâ, neque fallere potest, nobis facturam professa est, vt eos qui hoc Sacramento reficiuntur, & suscitaturum se dicat, & nunquam eos morituros, nosque in illo, & se in nobis perpetuò

tuo mansuros confirmet, & nequē aut famē vnquam, aut siti, veritatis scilicet, afficiendos: sed huiuscemodi partem finis est.

Extrema nunc nostræ Orationis parte, id quod reliquum est, quodque nostrarum est partium, ac magnopere nobis conducit, quoniam modo eos, qui tam maximum Sacramentum suscipiunt, paratos esse oporteat, edicemus. Id etsi breui dicendum est, non tamen non accuratè conficiendum, cum & ad nos ipsos omnis oratio dirigenda est, & id præclare intelligendum, quid sequi, quid fugere, atque euitare, operæ pretium sit. Quarum duarum rerum cognitu, cum & illa Philosophiæ pars, quam scilicet tertiam in mores, & vitam diuidunt, hic tota versetur, & scripturarum sacrarum omnis ad nos docendos vis ad virtutes confugiendum, & à vitijs abeundum præcipiat, quid sit iucundius non intelligo. Quid est enim in omni vita nobis tantopere querendum, quam vt omnem bene viuendi disciplinam, rectèque degendæ vitæ rationem, & teneamus, & amplectamur? Quis igitur alienum ducat nostræ esse dignitatis, qui nos Christo deuouimus, eique in Baptismate conscripti sumus? quid vt optimum expetendum? quid fugiendum, vt malorum extremum? quidue in omni munere vitæ summum, ac verissimum sit exquirere. Moralis profecto locus, & qui per se sola, & magna oratione indigeat.

Verum vt vos prudentissimi estis, quibus pauca sat erunt, & ego vehementissimè cohortor ad modum ita habendum, vt sic pauca dicturus. Sed his ipsis si obtemperabimus, Summum Deum confido hodierna die, legem in nobis viuendi, & di-

sciplinam, siquidem ea aut nutat, aut prolapsa est, & confirmaturum, & erecturum, vt ad id verissimum Sacramentum suscipiendum, quod ad nos attinet, paratissimi accedentes, haud quaquam vel indigni, vel abalienati repudiemur. Oportet ergo, Patres, cum ad hunc Summum Cœli, terrarumque Dominum accedimus, quem omnes amare, pro eius iuxta suauitate debemus, fide nos pura, & simplici, & firmissima, nihil in fide hæsitantes, summa cum reuerentia, mente pronos, animo demissos, confessione purissima lotos, & quod iustum, atque honestissimum, Summoque Christo acceptissimum esset, lacrymarum primum fontibus expiatis, accedere. Ac iam enim in Sanctis Viris, nostrisque maioribus, consuetudinem sanè laudandam accepimus, tum cum Domini nostri cruor a dentibus in cordibus fidelium æstuabat, qui cum erat proximè communicandum, orationi insistere, cura, & negotijs vacare.

Quem nos morem rectissimè quidem imitari oporteret, quod Sacramentum, cui à Patribus, ac primarijs, clarissimisque Principibus, summa cum reuerentia honos omnis est habitus, apud nos quoque maximo in honore permaneat, vt non minuisse maiorum instituta, sed, si id fieri potest, exaggerasse; neque ab eis degenerasse, sed optima velut indole, illorum præstantibus moribus enituisse videamur: quibuscumque & omnis rectè viuendi ratio, & virtutum amplitudo morata est. Diuinis præterea legibus obtemperandum, quas qui peruerperit, is est iniustus, Diuina præcepta ediscenda, illorumque seruandorum, & gratiam, & facultatem ex Deo peti oportere,

neque ea, quæ ad beatam vitam pertinent, ventre metiri. Benè morata conscientia, atque optimè instituto animo regi malle, cui qui non parebit, is, cum sit eius ad comparandam virtutem anhelare, Deo, cuius optima quæque sunt munere, vera ratione iniuste restituisse intelligitur. Vitæ pudicitissimæ cum ab electis sceminis, tum à viris, quorum & sapientia maior, & animus fortior esse debet, longè constantissimè inseruiendum: improbissimas autem malarum cupiditatum, perditarumque voluptatum in nos coerendas, ac perfringendas acies. Alijs verò qui nulla largitate, nulla beneficentia in alios mouentur, sed contra odio in fratres, & tenacitate, cæterisque perniciosis facinoribus se obligatos sentiunt; mortiferum virus scripturarum in eis propulsandum esse testimonijs, ac funditus è mentibus eruendum. Neque deniq; id remorandum, uti rectæ vitæ, quam Diuinis decretis honestare oportebit singularia in nos studia, minus hebescere patiamur.

Pari nos præterea studio, pro communi defendenda animarum, corporumque salute, vitijs esse aduersos oportere, in er nos vero & ad officia, quæ Deus iubet, firmissimam coniunctionem habendam: quam coniunctionem, & ad virtutes comparandas, & ad vitia profliganda, confirmatam, perpetuamque si tenuerimus, confirmo vobis, Patres, immò Christus confirmat, & magnis nos præmijs esse donandos, & Sacramentum non quidem supplicio, id quod de indignis verissimus Apostolus asserit, sed & gloriæ, & emolumento nobis tum dignis esse futurum.

Eos tandem, qui ijs, quæ diximus non parebunt, non ex Deo sunt, ma-

xima indignos manent supplicia: quos hortari velim, ut scæda relinquunt, & perditam vitam suam reformidantes, pœnas quas luent, ante oculos sibi proponant. De sua enim salute, de suo periculo summa cum sollicitudine cogitantibus, atque ex labe malarum consuetudinum, ac scæce emergere obnitentibus, Salvatore nostrarum animarum affuturum eis confido, quo & boni, & benè morati, & optimarum artium studijs expoliti, atque virtute clari, & integritate sanctissimi, tandem aliquando euadant. Quo fiet, uti & hac in vita decora quadam omnis officij præstantia honestentur, & apud immortalem Deum primarij, eam perpetuis abundantem bonis, vitam beatissimam æterna siquidem cum gloria viuant.

Hactenus, Patres, si quid præsidij ad rem conficiendam ex Deo accepimus, pro rei summa obscuritate, pro ingenioli mei captu, proque cuni angustia temporis, tum ingenti vestra festinatione, omnes partes tota iam oratione arbitror esse complexus. Quarum primam magnitudinem satis inter cæteras existimo absolutam, in qua quidem illud, primo loco considerantes personam Christi, quoniam duabus est consecuta naturis, cum humana, tum Diuina, carne purissima, sanguine pretiosissimo, sanctissima anima, summaque verbi Diuinitate constare diximus. Miraculorum verò summorum, quæ in Sacramento fiunt, magnitudine id decorari ostendimus, tum similitudine nonnulla firmauimus. Rebus præterea à Maioribus magnificè gestis præfigurari hoc Sacramentum, & confirmari aperuimus. Tum in hæreticos paulisper inuecti sumus, deinde

de quid emolumentum consequeremur ita mouimus, ut diceremus modis compluribus, & culpas criminum, & pœnas dimitti, ut quisque esset vel amore ad Christum affectus, vel bene de pœnitentia meritis, augeri gratias, easdem conseruari ad virtutem comparandam, & contra hostes lumen subministrari, & vires, veram nostrorum corporum resurrectionem promitti, satietate nos gloriæ reficiendo cum Christo, coniunctam, perpetuam vitam gesturos, æternam denique, ac beatissimam vitam donandos. Postremo dedimus operam ut rectè degendæ vitæ rationem, & quomodo accedentes ad totius vitæ fontem parari conueniret, quam possemus breui, & accuratè comprehenderemus, eosque primùm, ac præcipuum purissimam fidem, veram, cum ad proximos omnes, tum ad Deum timore, & summa reuerentiâ conditam dilectionem, corpus castissimum, mentem liuore, ac mortali quouis crimine solutam afferre oportere commonefecimus.

Reliquum est, ut à nobis veniam mihi concedi, & obsecrem, & orem. Atque hæc ego primùm, ita enim vobis velim persuadeatis, non ut vobis, qui me longè studio præcurren-

tes, melius me ea tenetis, præciperem, loquutus sum; sed si quo, plusquam est opus, vel fortunarum vestrarum, vel liberorum, vel coniugum, vel Reipublicæ occupationes, molestiæque tenerent, siue summo-pere afficerent, quibus hæc, aut vos fugissent, aut ea minus perspiceretis, illa tandem aliquando monerem: quæ si sequemur, tantum ex ijs præsidij, non solum ad salutem, sed etiam ad dignitatem obuenturum confido, ut etiam hic egregij, atque ornati, quoad viuemus, honori nobis, atque emolumento sint, & apud summum, posthac Deum, æterna profectò nos gloria honestent. Errata igitur mihi si quæ sunt, Patres amantissimi, pro singularibus studijs vestris, atque illustrissimis moribus, munificentissimè dimittetis. Nimius autem si quid vobis, vel oneri, vel molestiæ sui, mihi pro vestra humanitate quemadmodum id oro, minimè imputabit. Vos verò interim, & corporis, & quod præstantius est, animæ bonæ valetudini operam dabitis mei profectò ætate memores. Quæ quidem re nihil gratius, nihil mihi potest iucundius obtingere. ὃ πάλῃ ἐν.  
1422. IESVS.

## N O T A E.

## Nota I.

*Patris mei M. Da.* Per hos apices Albertus significare voluit, Magistrum Dalismanum Patavinum Ministrum Prouincialem, Prouinciæ S. Antonij, quem propterea Patrem suum appellat, quique ipsum ad hanc orationem habendam hortatus est, & coegit.

## Nota II.

*Me hunc laborem ne longe quidem minores adhuc experiri solitum.* Dubiam hæc sententia quæstionem in historia habet: videtur enim Albertus innuere hanc primam esse concionem, quam ipse saltem in re sacra ad populum habuit. Quem sensum amplius aperiant quæ sequuntur. *Et si exercitandi*

mei causa, ac illa. *Primum tamen fragili cimbe.* Hoc autem cum eius vitæ, & studiorum ætate minus conuenire videtur. Nam cum anno Christi 1415. quo à Conuentualibus ad Obseruantes migravit trigessimum ætatis annum habuisse dixerimus, anno Domini 1422. quo hanc orationem dixit, septimum supra trigessimum habuisse constat. Nec simile vero videtur hominem à pueritia Religioni additum, si nondum græcè, saltem Latinè disertum, tanto tempore rostris abstinuisset. Ego tamen in priori sententia persisto, nec absurdum censeo Albertum ætatem suam vsque ad trigessimum annum Donato primum, Priscianoque, seu magis Guarino, vel vt alij volunt, Chrysoloræ, aut Casari, deinde Ciceroni, ac Demostheni, vel Quintiliano, hoc tempore per Poggium è scrutis ad scamna euecto; postea Logi-corum argutis, & naturæ cognitioni, & scholasticis sacræ doctrinæ disputationibus impendisse; & colligendis tunc varijs eloquentiæ stoculis animum à Diuinis distraxisse, potius quàm illis imbuisset. Neque secus ad eum profectum, quem in his rebus adeptus fertur, peruenire potuit sub magistris, et si bonis, sed mundanis inter discipulos eiusdem conditionis, & sodales tunc minus asceticos: præsertim cum historia doceat ipsum sacras literas à S. Bernardino post trigessimum ætatis annum didicisse, sub cuius magisterio, vt seuerioris disciplinæ studio, tum sanctimonie morum, cum sacræ Philosophiæ se affueret, non multum erat si sex, vel septem annos in eis consumpsisset, quibus post Rhetoricum puluerem, plures infumperunt Cyprianus, & Augustinus, vt & Hieronymus Dei manu liuidus vapulare debuit, vt suauitatem Tullij cum Prophetarum aspera sanctitate commutaret.

### Nota III.

*Obediencia virtus.* Hoc auspicandi solatium non Religiosis tantum frequens est. Ausonius Poeta versus suos petenti Theodosio Augusto rescribens sic se excitat;

*Nil dubites, Autore bono mortalia quaerunt*

*Consilium, certus iussa capeſce Dei.  
Scribere me Augustus iubet, & mea carmina possit.*

*Penè rogans blando vis læset imperio.  
Non habeo ingenium: Caesar sed iussit, habebō:*

*Cur me posse negem, posse quod ille putat.  
Inualidas vires ipse excitat, & iuuat idem*

*Qui iubet: obsequium sufficit esse meum*  
Immo etiam orationis vitia, si quæ committantur, in dicendi, scribendiue authorem vertunt, quod Albertus hic facit: *pate*, inquiens, *eius dixerim in eum culpam referetis qui me tanto onere leuandum esse non censuit:* & ante ipsum vtrumque Paulus Horofius historicus ad Augustinum scriptionis hortatorem initio libri 1. *Præceptis tuis parui Beatissime Pater Augustine, atque vñam tam efficaciter, quam libenter, quamquam ego in vtramuis partem parum de explicito mouear, recitend, an secus egerim: tu enim iam isto iudicio laborasti, vtrumne hoc quod præciperes, possem: ego autem solius obedientia, si tamen eam voluntate conatuque decorauis, testimonio contentus sum.*

### Nota IV.

*Pro honestissima consuetudine.*  
Hanc consuetudinem recitandi in principio sermonis Angelicam Salutationem, ad implorandam Deiparæ Virginis auxilio Spiritus Sancti gratiam concionatores omnes Catholici per totam Occidentis Ecclesiam etiamnum hodie obseruant. Sed citra, vltraque montes diuersimodè: Itali enim cis montes ante exordium sermonis, crebro corpore, & iunctis manibus, oculos, & mentem in Deum sursum paulisper colligunt: dein genuflexi versus altare maius, vel effigiem Crucifixi, quam singuli pulpito affixam ea parte habent, perceptibili voce recitant integram Salutationem, Angelicam, ijs verbis latis quibus ab Ecclesia publicè, & priuatim recitanda proponitur. Ultramontani verò exordium ipsum hac prece concludunt, melius existimantes postquam captarunt populi benevolentiam, eundem ad communem orationem conuocare, per quem & ipsi rectè dicendi & iste cum fru-

fructu audiendi gratiam obtineant . Nec mouet ipsos ratio Cismontanorum, quod nimirum sermo non sit interrumpendus hac prece , & sic tam qui dicit , quàm qui audiunt omnes eam submissa voce recitant : non enim existimant exordium, seu, vt alij vocant, proœmium esse partem sed dispositionem præuiam orationis . Ex hoc autem Alberti more , quem in hac , & altera de poenitentia oratione , quas ad populum dixit , obseruat , constat vltimontanam consuetudinem non omnino tunc apud Italos insolitam fuisse , nec tamen ab omnibus obseruatam , vt ex aliquibus coëuorum ipsius iam typo publicatis sermonibus liquet . De eius origine quidpiam habet Paulus Aresius lib. 3. artis prædicandi cap. 5. & 6. videndus Petrus Canisius de Maria Deipara lib. 5. cap. 31. vbi hanc Salutationem in Apostolicis , aliisque Patrum ac diuersarum gentium vetustissimis liturgijs solitam ostendit , ex quibus in Breuiario Romano vsu venit , vt ante singulas officij Diuini horas recitetur , & ex his postea fortassis Concionatores nostri eundem morem iure merito ad sermonum suorum exordia , transfulerunt .

## Nota V.

*Cuius vanissime opinionis .* Veterem Apollinistarum hæresim hoc loco indigitat B. Albertus . Illi, quod ad præsens pertinet , animam rationalem , seu mentem humanam à verbo Dei in dispensatione Diuinæ Incarnationis assumptam fuisse negabant , sed carnem sine mente animatam ; quasi dicerent , sola anima sensitua præditam , & locum animæ rationalis in ea per verbi Diuinitatem , seu mentem Diuinam suppleri , contra fidem Catholicam , quæ docet verbum carnem , & hominem factum esse . Hæc est enim fides Catholica , vt credamus , & confiteamur quia Dominus noster Iesus Christus Dei Filius Deus , & homo est . Homo ex anima rationali , & humana carne subsistens ; Deus non per conuersionem Diuinitatis in carnem , sed per assumptionem humanitatis in Deum ; non per commixtionem naturarum in vnâ substantiam ,

sed per earum hypostaticam vnionem in vna verbi Dei Diuina persona . Interea qui plura cupit , poterit videre Bernardum à Lutzeburgo in Catalogo Hæreticorum , Gabrielem Patreolum in Elencho omnium hæresum , Seuerinum Binium in Concil. III. Romano sub Damaso Papa , & in ipsius ibidem notis tom. 1. Conciliorum part. 1. pag. 514. Cardinalem Baronium ad annum 373. & Spondan. in Epitome eiusdem anni , qui Sanctos Patres , & vetustos Ecclesiæ historicos , tum qui Apollinistarum hæreses reuelerunt , tum qui refutarunt , exactè citant .

## Nota VI.

*Tollebant exteri ad sydera ciues suos .* Græcos , & Romanos , Gentiles , Oratores , & Poetas , Populos , & Principes , exteros vocat , quia non domesticos fidei , vt Paulus loquitur ad Galatas 6. Ad eorum exemplar , quoniam de Patria bene meritos , quos , etsi inanes laruas , Deos , & Heroes vocerant , summis honoribus , & præconijs exornabant , Christianos prouocat , vt Christum verum , solumque Deum , de toto hominum genere optimè , maximèque meritum , condigno , quo fieri possit , honore , amore , laude , & religione colant .

## Nota VII.

*Illis vt respondeam .* Et infra . *Audere enim dicuntur stultissima temeritate asserere , Corpus Christi simul , ac confectum est Diuinis illis verbis , atque à populo adoratum , tum primum esse desinere .* Hæc hæresis vel eadem est vel ei proximè affinis , quam Alphonso à Castro lib. 6. aduersus hæreses verb. Eucharistia hæresi 12. his verbis memorat . *Corpus Christi verum non esse in Eucharistia , nisi tantum in vsu , hoc est , quando quis vtiur ea accipiendo , & edendo illam : Alias autem extra communionem Corpus Christi in ea non esse .* At eandem esse ex ipso Alphonso habemus cum subiungit ista . *Ex hoc errore alium similem errorem deducunt velut putridam aquam ex fonte corrupto .* *Dicunt enim*

enim Eucharistiam nunquam esse seruandam in Altari, aut in quocumque alio loco post Missa celebrationem, propter quamcumque verisimilem futuram necessitatem. Quod enim hic per communionem, & Missam Castro, id ipsum Albertus per populi adorationem intelligit, idest rotum, ac solum tempus, & cultum omnem qui medio tempore consecrationem inter, & communionem à consecrante, populoque factum impenditur. O cæca hæreticorum libido contradicendi Catholicæ veritati. Vident hi cæci, & cæcorum duces manere sub speciebus Sacramenti verum Corpus, & Sanguinem intermedio illo tempore, vt adoretur à præsentibus, & Sacerdos populo sumendum distribuat: & non vident, quia nolunt, eadem ratione debere manere, vt à tardibus, vel alio tempore accedentibus adoretur, vel digne sumatur; præsertim cum ipsi secundam Missam eodem die per alium errorem non admittant. Nec magis hic cæci quam in moribundos Christianos scævi sunt, dum in extrema illa necessitate, cum tota Diaboli potentia pugnatores, hoc singulari futuræ gloriæ pignore crudelissimè desitutos relinquunt.

Quod autem habet Alphonfus huius peccati erroris inuatores fuisse Bucorum, & Lutheranos ex hoc Alberti loco corrigendum est, qui centum circiter annis Buceri, & Lutheri damnata nomina præcessit: neque hæresim, nunquam prius auditam, sinxisse vir doctissimus, & sanctissimus dicendus est. Malo proinde dicere Alphonsum vel cursu calami, vel typographorum inscitia vnico verbo lapsum, inuatores pro renouatoribus habere, quam eam B. Alberto impietatem impingere: ante quem annis integris mille hæc hæresis detecta fuit per Sanctum Cyrillum Alexandrinum, qui tom. 2. operum edit. anni 1604. pag. 728. col. 2. in epist. ad Calosyrium sic scribit. Porro alios esse etiam audio qui mysticam benedictionem nihil ad sanctificationem proficere dicunt, si quid ex ea fiat reliqui, in alium diem. Insaniunt verò, qui hæc asserunt, nec enim alteratur Christus, neque sanctum eius corpus immutatur, sed benedictionis vis, & facultas, & viuificans gratia, perpetuò in ipso existit. Quam senten-

tiam cum Castro, etsi ex alio, vt videtur, quam nos exemplari in refutanda hac hæresi descripsisset, manifestum est ipsum non ignorantia historię, sed amantissimis, vel typographi errore inuentorem, non inuatores habere. His autem verbis designatos per Cyrillum Nestorianos fuisse, author mihi est Iodocus Coccius tom. 2. Theiatri Catholici, lib. 6. art. 1. in initio, sed quisquis fuerit vetus, aut recentior huius erroris inuentor, ipsum egregie conuellit Castro, & ante ipsum Albertus noster, quod in illo tunc Concilio peropportunitate fuit, cum in illa solemnitate peroraret, quæ non consecrandæ tantum, vel suscipiendæ Eucharistiæ, sed eius diuturniori adorationi, & solemniter per vrbis delationi, in sacris processionibus consecrata fuit. De quo videndus Nicolaus Setarius in opusculo de sacris processionibus cap. 9.

#### Nota VIII.

*In hoc enim Domino nostro quod non reperitur est, primum quidem omnis innocentia, omnisque integritas restituta est.* Loquitur hic B. Albertus cum Apost. ad Ephes. 1. *Qui benedixit nos omni benedictione spirituali in cælestibus in Christo, in quem locum S. Ambrosius, omne donum gratia Dei in Christo est, & si quis spreto Christo benedixit se à Deo putet, errare se sciat, & iterum, immortalis factus es, factus es liber, factus es filius, iustus es factus, factus es frater, factus es coheres, simul regnans, simul glorificatus es, omnia tibi gratuita data sunt.* Vnde alibi Apostolus, *sed non sicut delictum, ita & donum, si enim vnus delicto multi mortui sunt, multo magis gratia Dei, & donum in gratia vnus domini Iesu Christi in plures abundauit; & hinc Isaïæ 40. dicitur susceptus de manu Domini duplicia pro omnibus peccatis suis, in quem sensum D. Athanasius lib. de humanitate verbi ait de Christo, solus omnia recuperare potuit, & idoneus suis, & Agapirus Papa epist. 1. validius factum donum libertatis, quam debitum seruitutis, & D. Bonauentura 4. dist. 4. art. 1. q. 1. dicit, in Sacramento baptismi omnis culpa deletur, & restituitur*

tur homo in pristinam innocentiam quantum ad animam . Hæc vero non ita intelligenda sunt quasi in statu hoc naturæ lapsæ , omnes gratiæ , & omnia donata status innocentie , scilicet hominis integri restituantur , etiam renatis in Christo , cum id scripturis , & ipsi experientiæ manifestè aduersetur . Neque id voluisse B. Albertum est verisimile , licet generalis , ut alij , locutione utatur : sensus ergo est omnem gratiam , & integritatem supernaturalem quam habemus , per Christum haberi , communi modo loquendi quo aliquis dicit , omnia habeo à tali , quo non intendit dicere omnia quæ sunt , se habere , sed omnia quæ habet à tali habere . Quo sensu S. Ioh. Chrysostomus hom. 13. in Iohann. de Christo dicit , *ipse fons est , & radix omnium bonorum* . Præterea absolute omnis gratia , & integritas per Christum nobis restituta est , etiam multo maior , & copiosior quam fuerit in statu innocentie in præsentia initiatiuè per gratiam , & in futuro consummatè per gloriam . Quod sensu glossa intelligit illud ad Rom. 8. *Quomodo non etiam cum illo omnia nobis donauit* .

## Nota IX.

*Etsi sordida , etsi sceleratissima donet* . Docet hic B. Albertus quod passim Theologi cum D. Thoma 3. parte quæst. 79. art. 3. Scotus 4. dist. 9. quæst. unica , & alij , Eucharistiam interdum primam gratiam conferre , & peccatum mortale delere ; potest tamen , inquit S. Th. hoc sacramentum operari remissionem peccati dupliciter : vno modo non perceptum actu , sed voto , sicut cum quis prius iustificatur à peccato : alio modo etiam perceptum ab eo qui est in peccato mortali , cuius conscientiam , & affectum non habet : sordè enim primo non fuit sufficienter contritus , sed deuotè , & reuerenter accedens consequetur per hoc sacramentum , gratiam charitatis , quæ contritionem perficiet , & remissionem peccati ; Sc 4. dist. 9. quæst. 1. art. 3. quæst. iunc. 2. Si aliquis facta diligenti discussione sua conscientia , quamuis sordè non sufficienti , ad Corpus Christi deuotè accedat , aliquo peccato mortali in ipso manente quod eius cognitionem præterfugiat , non peccat immo magis ex

vi Sacramenti peccati remissionem consequitur : Vnde Aug. dicit in quodam sermone , quod quando corpus Christi manducatur , uiuificat mortuos . Porro ut licitè quis communicet sine præuia confessione debet copia confessarij deesse , & necessitas communicandi interuenire : neque enim cum debita reuerentia accedit qui nulla necessitate constrictus , post commissum peccatum mortale , sine præuia confessione , quæ præcipua est dispositio à Tridentino , Theologis & ipso Alberto infra requisita , communicat ; vnde dum summam reuerentiam , summam fidem , ardorem summum hic requirit B. Albertus illam necessitatem tacitè insinuat , & alteram de inopia confessarij expressè ponit . Varij autem assignantur casus huius necessitatis . Scotus loco citato n. 3. exprimit casum scandali his verbis , *si autem non occurrat opportunitas consistendi , si potest sine scandalo vitare , ne tunc communicet , teneatur non communicare , sed expectare confessionem propter eandem rationem , qua dicta est nunc* . Si verò occurrat scandalum nisi statim communicet , ut potest est indutus , & postquam indutus est , occurrat sibi conscientia de peccato mortali , de qua non fuit confessus , & non habet in promptu idoneum Confessorem , tunc cum contritione , & voluntate consistendi tempore opportuno potest celebrare , ut scandalum euitetur , & similiter de alio communicaturo , qui non celebrat , utpote consuetudo est in aliqua religione , vel Ecclesia , ut omnes non Sacerdotes communicent in simili casu , scilicet si tunc cum debet communicare non habet idoneum Confessorem potest tunc non confessus communicare . Censetur etiam sufficiens necessitas ea , quæ oritur ex articulo mortis , quatenus quis stante non copia Confessarij periclitaretur mori sine viatico ; item necessitas dandi alteri viaticum , necessitas celebrandi ex officio pro populo quando non potest declinari sine infamia , & alie nonnullæ in quorum aliquibus conueniunt , in alijs discrepant auctores . Ceterum iure Tridentini Sacerdos , qui necessitate urgente sine confessione celebrat , teneatur quam primum confitetti , quod tamen ad laicos non extendi docent Hiquæus , Herinx , & alij . *Quæ*  
verò

verò dispositio requiritur in sic communicante non spectat huc disserere, communiter equidem, & probabilius requiritur contritio, saltem existimata.

## Nota X.

*Remittendis enim peccatis &c.* Per Eucharistiam conferri remissionem peccatorum docet cap. *species*, & *c. quid sit sanguis*, de consec. dist. 2. licet non sit præcipuus, & primarius eius fructus, ut docet Trident. sess. 13. can. 7. in idem conspirant Patres apud Suarem disp. 62. sect. 1. citati, & Theologi passim.

## Nota XI.

Enī 1422. Hinc apparet B. Albertum eo anno scripsisse hanc orationem. Dicitam autem fuisse ad aliquem confessum Patrum ordinis in progymio, decursuque orationis facile videtur, & Vvaddingus in Comitij congregatos affirmat. Sed hæc generalia non fuisse constat, nam inter Foroliuensis anni 1421. & Ferrariensis 1424. non reperiuntur alia, nec locus Comitiorum exprimitur. Ego verò in Capitulo, seu Congregatione aliqua Prouinciali Prouincie S. Antonij habitam hanc orationem inde suspicor, quod Albertus in exordio dicat se hanc dicendi Prouinciam suscepisse, postulante, hor-

rante, suadente, instante præstantissimo Patre suo M. Da. claro Theologiae Professore, quem non dubito fuisse Magistrum Dalismanum Patavinum, cui postea Ministri Prouincialis officio cum vita defuncto Albertum ipsum per Patrum suffragia susceptum fuisse, iam in vitæ historia docuimus. Immo & diem, & anni tempestatem, cogendis ad Comitiam Patribus, opportunam nobis innuere videtur verbis his paulò inferius. *Ad id (finem orationis) equidem vos affectos certo scio, ut ad ceteros præstantes viros, qui conciones illustres, hac die, bodierna die sunt habituri, maximo cum ardore audiendos ire pergatis; per quæ verba Corporis Christi solemnitatem indicare videtur, in qua multæ de Sanctissimo Sacramento conciones haberi solent. Nec in secreto Comitio, sed in publico templo perorasse, ea docent quæ in Epilogo, de auditorum coniugibus, liberis, & cura Reipublicæ commemorat. Locum etiam eiusdem Prouincie S. Antonij designat codex Capistranensis, ad nos post hæc scripta delatus, in quo ad prima orationis verba in margine notatur Zeronæ 1422. immo author ipse in eiusdem codicis epistola, quæ nostrarum 9. est ad Guarinum: *orationunculam meam, inquit, quam de Corpore Christi, ut scis, ad Populum Veronensem, anno superiori habuimus, idest 1522.**

## O R A T I O I I.

In Laudem Pœnitentiæ.

## ARGVMENTVM.

Latine ad Populum dicendi munus, & sibi, & sui similibus ingratum ait, quod cum aliqui grauius ferrent, & recusantibus religiosi irascerentur; ille recte recusatum defendit, & facti rationem alibi promittit, simulque refellere id munus ab ipso instanter poscentes. At quod nunc est, boni successus fiduciam in virtute obedientie, auditorumque iudicio, & benevolentia collocat: atque in primis, in auxilio Diuine gratiæ, quam

tit, simulque refellere id munus ab ipso instanter poscentes. At quod nunc est, boni successus fiduciam in virtute obedientie, auditorumque iudicio, & benevolentia collocat: atque in primis, in auxilio Diuine gratiæ, quam

quam Dei Matris intercessione, per Salutationem Angelicam, seu solitam, ut vocat, precationem inuocat. Pœnitentia laudes ab eius necessitate auferatur. Reliquam eius laudem ab utilitate, per plurimorum excellentissimorumque effectum coacervationem, prolixo, et pulchro præconio

comprehendit. Hortatur deinde Patres, ad quos maximè dicebat, ut penitentiam diligant, et amplectantur, eiusque usum per partes breuiter docet, et æterno premio, per Euangelij verba proposito, suadet, et neglectum per æternæ pœnæ interminationem debortatur.

**A** Plerisque, & multis locis, suauissimi Patres, hoc munus dicendi, quod in præsentiarum non satis equidem libenter suscipio, instantius, frequentiusque exposcor, quod ego agere, cum sæpè recusem, illi ipsi qui hoc fieri vehementius expetunt, irasci mihi non desinunt. Nec mihi modo, verum etiam reliquis omnibus succedere videntur, quos, quod illi postulant, liberè satis, ac fidenter sibi inficari grauiter ferunt, quod eorum peccatum, eò est tetrius, quò illud non in paucos agunt. Nam sunt plurimi, aduersus quorum resistentiam, non modo acrius, verum etiam indignius efferuntur. *Quicumque enim quod mirum est dicere, Serui Dei hoc nostro tempore appellantur, id negotium publici muneris Grammaticè dicendi ad populum suscipere prorsus horrescunt.* (1) Neque id iniuria, habent enim, mea sententia, vt hoc non deformiter negent, causam quandam sui huiusmodi instituti, cuius rationem alio quodam loco aliquandò forsitan asseremus, simul omnibus illis respondentes, quos aduersus eos, qui hoc agere laudabiliter negligunt, vitia potius, quam rectè facta durius, atque acerbius commouerunt, nostramque tunc causam agentes, illorum etiam, ac multò magis iniuriam in aduersarios refellendo tuebimur.

Nunc, quod est instituti operis agere, pergamus, de laude pœnitentiæ pauca pro tempore differentes, tantò confidentius, quantò & tu Reuerendissime Præsul hoc fieri iubes; in quo mihi obedientiæ virtus spem affert, & vos integerrimi Religiosi adestis, in quo conformitas propositi familiaritatem parit, & vos egregij, ac doctissimi viri adhibetis iudicium, in quo vestra discretio disciplinam tribuit, & vos omnis populus suspensi ora consistitis, in quo mihi attentio ardorem, diligentiamque exuscitat, & postremo nos cuncti simul, quod priùs dicendum fuit, de Deo nostro confidimus, in cuius manu, vt Sancta Scriptura commemorat, & nos, & sermones nostri sunt constituti. Ad illius igitur Christi nostri Dei excellentissimam, summamque maiestatem obseruandam, ne quid in dicendo offendiculi patiamur, intercessione pudicissimæ Matris eius mente ardentissimæ accedamus eidem Virgini Matrique Sanctissimæ precationem solitam offerentes. AVE MARIA gratia plena Dominus tecum, &c.

Et si non benè dignæ vitæ ( quantum attinet ad impuros homines, ac perditos loquor ) beatè tamen uiuendi cupiditatem omnibus, et corruptis, et integris in esse hominibus (2) quoniam compertum est, non est quispiam sanè, nedùm apud

*Vide Epist. xxv. infra.*

Christianos, sed nec apud Barbaras quidem Nationes, qui hac de re vel ambigat, vel contendat. Veram beatitudinem ipsam non facile posse quemquam consequi, qui peccatis grauioribus irretitus sit, idest, illis, quæ latiore consuetudine iam mortalia dici solent, Christiani satis exploratum habent. Nihil enim in illam beatitudinem ingreditur coinquinatum, ab qua, vt Beati Ioannis Apocalypsis testatur, canes, veneficique pelluntur. Superest igitur ad consequendam beatitudinem, vt media curatione morbo careamus. Omnium autem adiumentorum, vt à peccatorum sordibus eruamur, nec aptius est quicquam, quam quod errata nobis displiceant, quæ res pœnitentia dicitur; nec alienius, quam quod nos peccasse delectet, quod obstinatio vilitatis nominatur. Quæ cum ita sint, obstinationem missam facientes, de pœnitentia ipsa quædam dicemus, quæ, & tempori congruant (nam quadragesima hodie cœpta est) & à remedio consequendæ beatitudinis non abhorreant.

Nè autem multis immorer, præconium sanctæ pœnitentiæ, primò quidem ex hac vna re latissimè nobis patet, quibus sit in Cœlum laudibus effereendum; quod pœnitentia quidem, ea profectio est, ob quam ad nos miseros afferendam, pijsimus Pater Christum de sublimioribus misit, sicut Isaias ex persona Saluatoris testatus est, dicens, *Spiritus Domini super me, euangelizare pauperibus misit me, sanare contritos corde, & predicare captiuis remissionem, cæcis visum, dimittere confractos in remissionem, predicare annum Domini acceptum, & diem retributionis*. Ecce audiuius pau-

peres, cæcos, captiuos, confractos atque contritos: Pauperes, inquam, haud dubium quin virtutibus; cæcos veritatis percipiendæ; captiuos Diaboli, contritos, atque confractos ab integritate benè institutæ naturæ. Quibus tamen omnibus largioris gratiæ Spiritu vnctus Saluator, in anno accepto Domini, idest, in tempore nouæ legis, æternæ retributionis diem illam in atrijs Domini super millia potiore, certissimè pollicitus est. Sed non nisi contritis corde primum, idest, pœnitentibus de peccatis, vt facile intelligeremus, quæ præmia pœnitentiam consequerentur. Ac nè solo blandimento promissæ beatitudinis, Christus ad pœnitentiam Apostolos animaret, eosdem æternam mortem sententiaminante perterritus; cum alio loco dixit: *Nisi pœnitentiam egeritis omnes peribitis*.

Nè verò amplior formido spem salutis eriperet, eandem pœnitentiam, medentem morbis omnibus medicinam saluberrimam nobis attulit, sicut ex euangelica lectione, comperimus, vbi homo ille, qui ab Ierusalem in Hierico descendebat, licet à latronibus spoliatus extiterit, licet plagis confossus, Sacerdote, etiam, & Levita illius minimè miserentibus; pijsissimi tamen Samaritani cura sanatus refertur, eo clementius, quo vini asperitatem, lenissimo misericordiz oleo temperauit, alligauit vinculis charitatis, quando nos peccatores sua dilectione deuinxit, at in humeros suos, quasi iumentum, extulit, quando dolores nostros ipse tulit, stabulario commisit, quia maioribus Ecclesiæ credit: futuræ curæ pretium protulit, duos id quidem denarios, quia iuxta

Apocalyp.  
21. 27.

Cap. 22. 15

Isaia 61. 1

Luca 4. 16

Apostolicam veritatem : *Qui bene præsunt Presbyteri duplici honore digni sunt* ; vt , & in hoc sæculo gratia meliores , & in altero gloria habeantur beatiore . In cuiuslibet autem hominis sine , *extra diem extremam iudicij* , ( 3 ) se rediturum spondit , atque impensas omnes instauraturum pollicitus est , quod fiet quando maiore præmio nos in Cælis donabit quam simus labore hic acriore defatigati : *non enim sunt condigna passiones huius temporis ad futuram gloriam , quæ reuelabitur in nobis* , sicut Apostolus Romanos hortatus est .

Qua propter recte quidem Christus noster , in quo sunt *omnes thesauri Sapientie , & Scientiæ Dei absconditi* pœnitentiam primò prædicans , eam ante omnia ex vberissimo omnium doctrinarum sui pectoris fonte produxit , dicens : *pœnitentiam agite , appropinquauit enim Regnum Cælorum* : Sed , quod est longè incredibiliter mirabilius , nobis quidem omnibus , quorum quisq; à puero baptizatus est , cum nec iterum liceat baptizari , si fortè post baptismum , vel in maximis peccaremus , pœnitentiam ipsam aduersum culpas omnes alterum genus , vt ita dixerim , baptismi constituit , vt facillè conijceremus pœnitentiam in primis homini esse pernecessariam , quam ad terras è Cælo Christus traduxit , quam Sacramentis annumerauit , quam denique sibi pro nobis adiudicauit , sicut scriptum est : *Vidimus eum nouissimum virorum , virum dolorum* . Et , *Dominus posuit in eo iniquitates omnium nostrum* . Et , *iniquitates omnium nostrum ipse portabit , & propter scelus populi mei percussit eum* . Et , *ipse*

*peccatum multorum tulit* . Ac ple- Ibid. 12  
raque multa quæ de scripturis Sacris in vnum corpus coacta idem efficiunt , quæque breuitatis causa omitto .

Nec tamen præteribo *Ioannem Baptistam* , omnibus mulierum nativitate maiorem , ( 4 ) quem , *vt pœnitentiam semper in primis populis prædicandam afferret , Christus edocuit , Christus misit , Christus iussit* . ( 5 ) Ita enim & ipse ante Christum prædixerat : *pœnitentiam agite , appropinquauit enim Regnum Cælorum* . Et ne perlaberetur , præcepta leniter , sed tenaciùs animis adhæresceret , clamore , terroribus , & vocis contentione , & in sensum audientium , & in mentes introgressa persisteret , aiebat : *genimina viperarum , quis docebit vos fugere à ventura ira* . Et iam securis ad radicem arboris posita est . *Omnis arbor , quæ non facit fructum bonum , excidetur , & in ignem mittetur ; facite ergo dignos fructus pœnitentiæ* . Cumque ista Ioannes diceret , tanta animi constantia loquebatur , vt neque Herodi à vero parceret , neque carcere terretur , neque morti cederet , pœnitentiamque prædicans , eam camelorum veste acerrima , cibo locustarum , ne dum parco , sed vili laxantis aquæ potu moderatissimo : Deserti loci habitaculo , verbisque potentissimis , & ardentissimis confirmabat : Et , vt vel inuitum omnem genus hominum , inquam , tum Phariseorum , Saduceorumq; tum Publicanorum , tum deinde militum , postremò turbatum huiusmodi , & vitæ exemplis , & doctrinæ persuasionibus pœnitentiam intra audientium præcordia , velût telis validissimis , ingerebat .

Sed quid loquar de his , qui vi-

1. Thimo.  
3. 17.

Rom. 8. 12

Coloß. 2. 3.

Matt. 3. 12.

Iosa. 53. 3.

Ibid. 6.

Ibid. 11.

Ibid. 8.

Math. 3. 1

debantur esse columnæ: Petrum dico, & Iacobum, & Ioannem, qui, quo à Christo ad secretiora omnia familiarius vocabantur, eo, vt de pœnitentia, & de reliquis omnibus certiorum possunt ferre sententiam? Nonne Beatus Petrus Ecclesie Princeps, cum Apostoli de Sancto Pentecostes ebrii putarentur, ipseque eis, qui ita desipiebant, verbis plurimis de Iesu testificaretur, compunctis corde, & quærentibus quidnam facerent, ad lamenta pœnitentiæ se protinus conuertit dicens: *pœnitentiam agite; & baptizetur vnusquisque vestrum, in nomine Iesu Christi in remissionem peccatorum vestrorum, & accipietis donum Spiritus Sancti*. Alio quoque loco, sicut eadem Apostolorum acta testantur, Iudæos, piè quidem de pœnitentia subeunda audientes, idem Petrus admonuit, vt ab eis mortis Christi facinus perpetratum aboleretur; *Et nunc fratres*, inquit, *scio quod per ignorantiam fecistis, sicut & Principes vestri, pœnitimini igitur, & conuertimini, vt deleantur peccata vestra*.

Iani verò quid Iacobus Minor, quamuis non sit iste Frater Domini, sed nec Ioannis; qui ipse Christo simillimus extitit, quamobrem, & Fratereius est appellatus, vultu placidus, moribus admirabilis, castitate mundissimus, constantia solidus, asperitate seuerus, religione præcipuus, veritate rectissimus, doctrina salutaris; dignitate præcelsus, vita clarus, morte clarior, gloria beatitudineque clarissimus, quid inquam is de pœnitentia dicat, audiamus. Apud quem pœnitentiam laudantem arbitror dictum: *super exaltat autem misericordia iudicium*. Miseri-

cordia verò pœnitentibus exhibetur, pœnitentia est igitur apud illum, quantum existimo, verbum infitum quod potest saluare animas nostras. Ea est opus perfectum, sine quo fides mortua est. In hac si quis offenderit, factus est omnium reus, etiam si totam legem serauerit, quia à pœnitentia resiliens, omnes iustitiæ eius, iuxta Prophetam Ezechielem, nequaquam recordabuntur. Hæc est sapientia, quæ desultum est, pudica; pacifica, modesta, suadibilis, bonis consentiens, plena misericordia, & fructibus bonis, iudicans sine simulatione, hoc est, Diabolo resistere, vt fugiat à nobis, hoc est, *patientem esse, vsque ad aduentum Domini*: hoc est tristantem æquo animo psallere, & orare; *hoc est ungi à Presbyteris (6) oleo*, hoc est alterutrum confiteri; hoc est clamor cordis orationis assidue. Et, vt apertè concludam, audite quid in fine Epistolæ idem Iacobus inferat. *Si quis autem ex vobis, ait, errauerit à veritate, & conuerterit quis eum, scire debet, quoniam qui conuerterit fecerit peccatorem, ab errore via sua saluabit animam eius à morte, & operit multitudinem peccatorum*. Hoc est ergo operire multitudinem peccatorum conuertit facere peccatorem. Tunc verò conuersus est quisque cum pœnitentiam, quam peccando expulerat, pœnitendo reuocant.

Ioannem verò Euangelistam, cum esset dilectus Domini, & volucer Trinitatis, ac Matris Virginis curâ & familiaritate sublimis, quod maxime credendum est, remedia illum pœnitentiæ non fugerunt; sed pietate iam lenis, dulcedine mansuetus, candore virginitatis præfulgens, eam-

Barth. 33  
23.

Cap. 5. 20.

vitæ munditiam , quam à puero in senectam ipse possederat , in omnes filios suos spe tutissima penitentiae transfundebat , ostendens primò nulli deesse , de quibus penitentiam arripere oporteret , cum omnes sint peccato obnoxij . *Si dixerimus inquit , quoniam peccatum non habemus , ipsi nos seducimus , & veritas in nobis non est .* Et paulo post , *si dixerimus quoniam non peccauimus mendacem facimus eum , & verbum eius non est in nobis .* Tum denique docet neminem desperatione frangendum , quia multis , & quia maximis , quia diuturnis , & quia turpissimis , quia frequentibus denique cõminibus obrutum ; cum habeamus Christum , tanto nobis sui sanguinis pretio , & tanta largitate propitiantem , dummodò pœnitentiam prompta confessione suscipiamus . *Si autem , inquit , confessi fuerimus peccata nostra , fidelis & iustus est , ut remittat nobis peccata nostra , & emundet nos ab omni iniquitate , & post pauca : Filioli , ait , mei hæc scribo vobis ut non peccetis ; sed & si quis peccauerit , aduocatum habemus apud Patrem Iesum Christum iustum , & ipse est propitiatio pro peccatis nostris ; non pro nostris autem tantum , sed etiam pro totius Mundi .*

Taceo præcipuum Vas illud electionis Apostolorum Paulum , qui penitentia stimulante peccatorum Principem se se vocat , pro quibus Christus saluandis ad infima nostra descendit ; eadem urgente pœnitentia , se Apostolorum minimum esse dicit , qui Ecclesiani Dei fuerit persecutus . Se autem ipsum misericordiam asserit consequutum , vt in se primò ostenderet Christus omnem pacien-

tiam ad informationem eorum , qui credituri essent illi in vitam æternam . Suam verò præteriti temporis conuersationem accusans , supra modum se dicit , & supra omnes cogitantes suos in genere suo , Dei Ecclesiam persecutum , in expugnandaque illa abundantius profecisse : de quo tamen post conuersionem , vt mirabilia infinita præteream eius Apostoli , fructuosissimè auditum est : *quoniam qui persequebatur nos aliquando , nunc euangelizat fidem , quam aliquandò expugnabat , Deusq; ipse conuertens animas , dignè quidem , de tanta atrocissimi hostis reuersione , testificatione , perfectione tunc laudatus est , & hodie quoque dignissimè laudatur ; cumque tandem filijs suis Corinthijs , pro diluendis culpis , pœnitentiæ documenta proposuisset , quantis eam laudibus profecutus sit , & quanto ordine sapientiæ illam distinxit , attendamus . Et si contristauit vos , inquit , in Epistola , non me pœnitet , & si pœniteret , videns quod Epistola illa ( & si ad horam ) vos contristauit : nunc gaudeo ; non quia contristat , estis , sed quia contristati ad penitentiam . Contristati enim estis secundum Deum , vt in nullo detrimentum patiamini ex nobis : quæ enim secundum Deum tristitia est , penitentiam in salutem stabilem operatur : seculi autem tristitia mortem operatur . Ecce enim hoc ipsum secundum Deum contristari vos , quantam in vobis operatur sollicitudinem , sed defensionem , sed indignationem , sed timorem , sed desiderium , sed amulationem , sed vindictam . In omnibus exhibuistis vos , incontaminatos esse negotio .*

1. Ioan. 12: 10.

Vers: 9

1. Ioan. 2: 21

1. Corinthi 13: 9

1. Cor. 7: 2. 8. 9.

Magis magisque præterea, nobis diuinitus adiutis, dilectissimi, copiam de Scripturis Sacris, tum nouis, tum veteribus pro laudanda penitentia, exempla suppeditant, si plusculum temporis haberemus. Sed quoniam quam primùm terminanda oratio est, vno complexu, & vno impetu multa fundemus, vt magnam quidem atque eximiam penitentiam ostendamus: cuius magnitudinem prædicantes, quanta sit ipsa potentia penitentiae, qui nesciunt, non aduertunt; eorum verò, qui sciunt, quis vnquam cuncta dixerit? verùm si tantummodo crediderimus, eam esse, ad quam totos nos conuerti oporteat, deuotis nobis, & colentibus eam, se forsitan non parua ex parte longè libentissime demonstrabit, quænam ipsa, quantaue sit, idest, quæ sit eius vis, quæ sit eius utilitas, quæ sit eius postremo potentia.

Quoniam, quantum mihi quidem videtur, ea profectò est desperatorum omnium tutissimus portus, perditorum refugium, delinquentium omnium patrocinium, quæ fædos purgat, turpes exornat, Deo inimicos conciliat. Hæc perdita instaurat, parta conseruat, acquirenda conquirit. Hæc impios iustificat, iustos lætificat, lætos glorificat. Hæc senectam reuocat, iuuentam corrigit, vtramque conseruat. Hæc morbos diluit, ægrotationes delet, ægritudines curat. Hæc portenta innouat, soli imperat, Cæli ordinem vertit, sed non peruertit. Hæc flagella differt, vindiçtas transfert; iratique Dei atrocissimas sententias aufert. Quo nos igitur, fratres, oro dicite, quo nos miserimos verteremus, si penitentiae nobis remedia præripe-

rentur? desperandum profectò esset, & cum vitijs solummodo paciscendum, cum Diabolo insuper sempiterna coniuratio facienda.

At verò nunc contrà, magis nobis lætandum est, quoniam ex hac penitentia parata, oblata, præbitaq; liberalissimè in nos miseros Deus suæ misericordiae pelagus fundit, suæ lenitatis mansuetudinem affert, suæ teneritudinis dulcedinem præbet. Hæc honores restituit, carceres referrat, secretorum abdita pandit; hæc ora leonum obturat; hæc vincula soluit; hæc ignes irrorat; vt amictus humanos ardore refugiant, & carnes Sanctorum mandere recusent, vt dolores non inferant, vt oblectamenta præbeant, vt speciem quarti, quati filij Dei, inter tormentorum instrumenta exhibeant, &, quod incredibile forsitan penitentiam minus experientibus videatur, illi ipsi quos penitet non recè factorum, dum tristius mcerent, simul læticia cfferuntur.

O sublimitas penitentiae, quæ neminem abijcis, sed omnes complecteris, neminem dedignaris, sed cunctos suscipis: Tu tartaro animas adimis, tu Diabolo præripis, tu peccatis exuis, tu ignotos celebras, tu viles dignitate sublimas, tu illa ipsa es, quæ filios Dei ex filijs Diaboli facis, quæ potentia redolentes gratos constituis, vt audiant *ecce odor filij mei sicut odor agri pleni, quem benedixit Dominus*: quæ turpes pulchros reddis, quibus dicatur *pulchra es amica mea, & macula non est in te*. Quæ Angelos lætos facis. Quoniam *gaudium est Angelis Dei super vno peccatore penitentiam agente*: quæ denique Paradiso animas inferis; quemadmodum ait Saluator. *Pe-*

*nitent-*

*nitentiam agite, appropinquat enim regnum Cœlorum.*

Tibi extranei fiunt hospites, tibi exteri sunt conuiues, tibi pauperes sunt conuiuz; omnes doces, omnes pascis, omnes diligis æque atq; tuos. Tu mœrentes, hilares reddis, tu turbulentos, quietos cõstituis, tu infestos pacificas, tu debilia fortificas, tu delicata roboras, tu incompta componis. Tibi efferati mitemiscunt, tibi indomiti mansuescunt, tibi erudeles liquefcunt, tu arida fecundas, tu sicca reuirefcere facis, tu exanimata viuificas. Non pompas diuitem aspernas, non dignitate sublimium deterris, non fortium vires paues, non potentium arrogantiam aliquando contemnis; sed omnes ad te trahis, omnes superas, omnes in tuum Dominium vendicas.

Meminimus Dauid fornicaria labe pollutum ante te fleuisse: scimus Nabuchodonosor potentissimum Regem, quamuis superbia elatum, per te gloria eminenti resloruisse: Marnanen sanguinaria exde fœdatum, postquam per pœnitentiam coangustus est spiritus eius, valde pœnituisse, Dominum Deum suum intentè obsecrauisse, cumque ad hæc omnia à Domino iterum regni gubernacula suscepisse; se se verò plerosq; reliquorum Regum, potentium, atque Pontificum ad te conuertisse cognouimus. Nam per te Constantinum persecutorem, fidei defensorum possedimus, vindicantem ab aduersarijs Christianos, religionem nostram plurimum augentem. Theodosium occisorem sub iugum tuum legimus colla misisse, ac plectenti se Ambrosio Sanctissimo Christi Antistiti paruisse. Mareellinum Pontificem Max. tua onera comperimus

tam libenter subiisse, vt Pontificio se priuaret, vt sepultura, sententia sua careret, vt se sepelientes spiritali immaduerfione feriret. Recordamur denique te fortissimis fortiozem Samsonem perdomuisse.

Ne verò longior euadat oratio, singula quædam breui quidem superioribus referamus. Hæc est igitur pœnitentia, quæ Petrum flentem suscepit, hæc Mariam laerymantem excepit, hæc adulteram mulierem tutata est, Publicanum diluit, Zacheo salutem præstitit, filium prodigum in gratiam pij patris, atque in hereditatem reduxit. Latronem è Cruce in Paradisi amœnissima, tutissimaq; euexit. Ipsumque Iudam proditorum nefarium Christus, quod dictum mirum est, fuisset haud dubium iucundè complexus, nisi veram pœnitentiam reiecisset, immò verò in eo plus Christum, quam proditoria venditione offendit, quod pœnitentiam completi contempsit, quia in altero saluti Corporis Christi, in altero vero Diuinitati eius iniuriatus est.

Et, vt vno verbo cuncta completar, hæc est profectò pœnitentia, qua nulla res in vniuerso genere creaturarum potitur, præter hominem, solum dum hanc vitam etsi miseram degit; nam neque Angelorum Sanctorum quispiam, aut perditorum Dæmonum, aut animarum, quæ iam hoc corpus mortale, & eaducum non amplius agunt, pœnitentiam capescere queunt, quod alij semper culpa vacarunt, alij nunquam culpa carere possunt. Animarum autem, corpore solutarum, quæ iucundum habuere in gratia Christi occasum, pleræque vel tranquillæ adiuuant in Cœlis, solutæ nexibus peccatorum,

vel

vel eis quietem vitæ æternæ exoptantibus firma spes est, qua se cum Christo aliquando victuras certissimè norunt, quamvis interim in locis pœnalibus culparum pœnas luentes, pro merita peccatorum plus minusue plectantur. Quæ verò animæ molestiam in peccatis sui corporis extinctionem perpessæ sunt, quia cum in his artibus viuerent ea egerunt digna plagis, quorum eas quando emigrauerunt minus pœnituit. Hæ profectò in baratrum Diaboli sine mora sempiterno xuo sunt deuolutæ. Soli igitur homini quoad vixerit pœnitentia ipsa singulari quodam Dei beneficio præbita est. Neque enim quisquam tam deformiter desipuerit, vt æstimet aut Mundi machinam, quæ sensu caret, aut animantes, quæ ratione non præditæ sunt, pœnitentiæ aliquando esse capaces. Quamobrem *abeant hereticorum calumnia* (7) quoniam non est cur apud nos contraria pœnitentiæ à quoquam dici sinamus tam aperta veritate certissimos; non est cur de pœnitentia nos dubitare oporteat, tanta grauissimorum testium autoritate admonitos, non est cur ab ea arripienda nos torpore retardet, tam ardentibus persuasionibus concitatos, non est postremo cur ab assumpta pœnitentia, inertia, ignauique nos reuocent; tanta præcipuorum virorum sanctitate firmatos.

*Quæ cum ita se habeant, Patres Carissimi* (8) reliquum est, vt vos hortor, quo pœnitentiam semper in primis diligatis, eamque intimis præcordijs omninò recipiatis; vtque eandem opere ostendatis: quæ omnia fient à vobis sine reprehensione si contritis primùm cordibus ieiunia celebretis, si disciplinarum rigorem,

cilicij asperitatem, cineris vilitatem assumatis, si pœctora vestra tundatis; si lacrymarum inibribus vos vberius perfundatis, per singulas noctes eum Sanctissimo Propheta lectum conscientie vestræ lauantes. Neque hæc satis, oportet enim erga fortunas aliorum nos esse homines frugi, vt ne quid vel vi vel fraude rapiamus, & vt rapta restituamus. Erga proximos autem beneficos, vt nostras indigentibus Eleemosynas libenter, atque abundanter impartiamur; misericordes, vt si quid nos læserint dimittamus; benignos, vt eos semper imprimis ardentissimè diligamus. Erga nos verò continentissimos, vt nulla luxuria sædi; moderatissimos, nulla re superflui, nulla perturbationi animi turbulenti, sed omnibus grati, nullis onerosi, omnibus bene morati reperiamur; prudentissimos, vt mortis meditationem, vt antiquioribus nostris, hisque maximis, longeque clarissimis placuit, præ oculis semper feramus. Erga Deum postremò religione nos præcipuos esse conuenit, pietate deuotos, fide claros, spe firmos, charitate ardentes; vt sua beneficia recolamus, suos ministros reueramur, suas Ecclesias frequentemus, edificemus, tueamur, sua verba attentius audiamus. Quo enim Dei cultus est auctior, eò deuotio maior, qua deuotione freti hoc præsertim tempore deuotissimo Quadragesimæ, scurrilia, ineptias, iocos, & quæcumque frœnis effusioribus laxata, animos viriles effœmiant, sollicitiùs euitabimus.

Hæc est pœnitentia, quam qui ex mente perturbant, vel sua, vel aliorum, hos æternis flammis arduos, certissimum est. Qui verò illam fuerit alacer, ac libens complexus, cum

Iou. 4. 15

eum æternis gaudijs fruiturum, Christus confirmat, vbi ait, *Qui bona egerunt, ibunt in vitam æternam; qui verò mala in ignem æternum, & alio loco, ibunt bi in supplicium æternum, sempiterna gloria carituri.* Iusti autem in vitam æternam, æternam beatitudinem semper victuri. His autem ex rebus illud proculdubio perfecterimus, quod hodie ex Sancto Iohelle lectum audiuimus: *Conuertimini ad me in toto corde vestro.* Euangelium quoque compleuerimus vt omnia, quæ ibi scripta sunt, recedentes, nullo hypocrifeos prauitate, nulla auaritiæ tenacitate, nulla gulæ voracitate fœdabimur, sed læ-

In Ioh. 15.  
Euang. 1.  
Mis. 1. r. r.  
4. c. 1. r. r.

titiz oleo linius capitibus, & aqua Christi lotis vultibus nostris, non hominibus, sed retributuro nobis abundantius Deo, Principi nostro, qui cuncta in abscondito intuetur, ieiunasse videbimur.

Hæc de laude, & exhortatione, pœnitentiæ pro angustia temporis satis dixerimus: pro dignitate verò illius nihil satis. Neque id iniuria, magna enim, & præclara est penitentia, quam tanto nobis consilio Deus præbuit, quam Prophetis præuidentibus nunciauit, quam dènique Apostolica doctrina peruexit. Amen.  
1432. (9)

## N O T A E.

## Nota I.

*Quicumque enim, quod mirum est dicere, serui Dei hoc nostro tempore appellantur, id negotium publici muneris grammaticè dicendi ad populum suscipere prorsus horrescunt.* Exordium huius orationis aded ænigmaticum est, vt commentarium poeius expositorium, quam breuem notam postulet: Multa enim complectitur, quæ alioquin difficulter capiuntur; seruos Dei Latine ad populum dicendi genus horrere, id tamen aded instanter, adedque frequenter ab ipsis exposci, vt quibus negaretur, ij omnibus sanè indignè, & efferate irascerentur, vt eorum passionem Albertus tetrum peccatum, & Seruorum Dei iniuriam appellet: quam alibi forsitan tueri, & harum rerum causas explicare promittit.

Mirum sane cogi eos, vt Latine dicerent ad populos, qui Latinam linguam non intelligebant, nisi multò minùs eo tempore, quam hodie. Non aded mirum tamen cur id facere horrerent, & recusarent serui Dei, tum ob hanc ipsam inutilitatem proponendi

verbum Dei ea lingua, quam auditorum pars longè maxima non caperet, contra ipsum verbum Dei: *vbi non est auditus, noli effundere sermonem*: tum quod non linguis Rhetorica dictione polcendis, sed conscientijs Euangelica doctrina expurgandis studium suum impendere statuerunt. Habet præterea Rhetorices professio annexum nescio quid fastus, pompæ, & ostentationis, quæ summæ humilitatis amaroribus non congruebat, habet floridus stylus, sine quo Latina dicitio non placet, tantum oblectationis aurium incitamentum, vt mentem ipsam ab viliore rerum attentione quandoque suspensat, & non rarò prorsus abstrahat. Serui Dei, de quibus Albertus agit, profundos scripturarum sensus, & robustas Prophetarum sagittas, simplicemque Euangelij stylum, non Ciceronis lenocinium, ad inculcandum virtutis amorem, & vitiorum odium eligebant, scientes veritatis pulchritudinem gentilium oratorum pigmentis non indigere; præsertim cum rudi populo persuadenda res esset. Nec orator noster conquestus est, quod oratorius ornatus eruditus, & doctis auditoribus exhiberetur, sed

T quod

Ioanne : & ocoutrens obiectioni, quæ fieri possit subiungit : dicit forse aliquis si inter natos mulierum maior est Ioannes, numquid etiam maior est Saluatore? Absit, Ioannes enim natus mulieris, Christus autem Virginis natus est : eisdem per omnia terminis loquitur S. Augustinus serm. 21. de Sanctis, & in indice apud eundem S. Ambrosium de Ioanne Baptista legitur : maior omnibus natis mulierum : consonat Chrysost. hom. 27. in cap. 11. Matthei. Scriptura quidem non dicit Ioannem maiorem esse ceteris Sanctis, sed ceteros Sanctos non esse maiores Ioanne, coaguauit ceteris, non preposuit. Sed cum tanta sit iustitia altitudo, ut in illa nemo possit esse perfectus, nisi solus Deus, puto quod omnes Sancti quantum ad subtilitatem Diuini iudicij inuicem sibi aut superiores sunt, aut inferiores. Ex quo intelligimus, quoniam qui maiorem se non habet, omnibus maior est, hoc denique sequens sermo demonstrat, dicens, qui autem minor est in Regno Calorum maior est in eo : quis autem est minor, & maior? Christus uidelicet, minor in corpore, maior in spiritu. Vide ergo quia omnibus Sanctis est maior cui solus Christus est prior. Ceterum textum illum Matth. 11. inter natos mulierum non surrexit maior Ioanne Baptista, alij strictius interpretantur, & forte conformius ad litteram, ut significet æqualitatem, non superioritatem, ut Lyranus : alij ut significeretur esse maiorem Prophetam, quibus fauet S. Lucas c. 7. dicens maior inter natos mulierum Propeta Ioanne Baptista non est, ut Menochius, & Tiranus, qui addit; agit tamen hic Christus de solis hominibus veteris testamenti, & præcedentium seculorum quibus præfertur hic Ioannes, primò munere prophetandi, ut iam dixi : secundo donis, ac priuilegijs gratia, & spiritus Sancti, ut S. Hilarius, & Ambrosius exponunt, 3. vitæ sanctitate, ac meritis, ut S. Hieronymus, Auctor imperfecti Et Aug. Quidquid verò sit de hac sententiarum varietate, satis nobis sit Alberti nostri sententiam, & locutionem Ambrosio, Augustino, Chrysostomo, & alijs probari.

## Nota V.

Ut pœnitentiam semper in populis predicandam afferret, Christus edocuit, Christus misit, Christus iussit. His paria dat Aug. tract. 5. in Ioan. veracem, inquit, veritas misit, & ideo verax erat, quia à veritate missus erat, si veritas Ioannem miserat, Christus cum miserat, sed quod Christus cum patre facit, pater facit, & quod pater cum Christo facit, Christus facit, nec seorsim pater aliquid facit sine filio, nec seorsim aliquid filius sine patre, inseparabilis caritas, inseparabilis unitas, inseparabilis maiestas, inseparabilis potestas, secundum hæc verba, quæ ipse posuit, ego & pater vnus sumus, quis ergo misit Ioannem? si dicamus pater, verum dicimus, si dicamus filius, verum dicimus, manifestius autem, ut dicamus pater & filius, quem misit autem pater & filius, vnus Deus misit, quia filius dixit, ego & pater vnus sumus, quomodo ergo nesciebat eum, à quo missus est? dixit enim ego nesciebam eum, & postea missione Ioannis à filio identidem replicat, & hom. 43. inter 50. probat quæcumque facit pater, Christum facere, & serm. 63. de verbis Domini; testimonio scripturæ doceamus non solum per ipsum facta, & creata omnia, sicut ex Euangelio commemorauimus omnia per ipsum facta, sunt, & sine ipso factum est nihil : sed per ipsum etiam regi, & disponi, quæ facta sunt. Agnoscitis ergo Christum Dei virtutem, & Dei sapientiam, agnoscite dictum & de sapientia, attingit à fine usque ad finem fortiter, & disponit omnia suauius. Non ergo dubitemus per ipsum regi omnia, per quem facta sunt omnia, nihil itaque pater sine filio, nihil filius sine patre facit, & lectm. 44. inter 50. ipsum Ioannem creauit Christus, postquam creatus est Christus, & creator, & creatus, creator ante matrem, creator matris, creatus in matre. Et quid dicam creator ante matrem, ante Abraham ego sum ipse dixit, & infra, omnia visibilia, & inuisibilia, celum, & terra, & Virgo Maria, quia & Virgo Maria de terra, & Christus factor terra, & passim patres opera Diuina ante incarnationem Christo attribunt, ut li-

berationem ex Aegypto, dationem Legis, & manne in deserto, aquas de Petra &c. Quod si hæc Christo tribuantur, quanto magis opera incarnationem subsequuta, qualis est missio & prædicatione Iohannis Baptistæ, cui & ipsa scriptura, quæ de eodem intelligitur, suffragari videtur Malach. 3. *Ecce ego mitto Angelum meum, & preparabit viam ante faciem meam.* Verumtamen verba B. Alberti in rigore sermonis intelligenda sunt de Christo vt Deo, non de Christo vt homine, vnde dicitur Ioan. 1. *Fuit homo missus à Deo &c.*

## Nota VI.

*Hoc est ungi à Presbyteris oleo.*

Hoc in morale sensum vsurpat, quæ non derogat literali, per quem hic locus Iacobi Apostoli, extremæ vnctionis Sacramentum significat, oleum enim in sensu morali, Dei gratia est, quæ per peccatum amissa, per pœnitentiam recuperatur. Hæc est, de qua legitur Psalm. 44. *Dilexisti iustitiam, & odisti iniquitatem, quæ sunt partes pœnitentiæ.* Propterea vnxit te Deus, Deus tuus oleo lætitiæ, idest gratiæ, quæ per absolutionem confertur, præ confortibus suis, idest iustis, & innocentibus; qui licet sint consortes gloriæ, maius tamen est gaudium in Coelis super vno peccatore pœnitentiam agente, quam super 99. iustis, qui pœnitentia non indigent. Iusto enim iustitia remanet, pœnitenti autem, & amissa gratia restituitur, & ipsius pœnitentiæ merito, noua confertur, & sic vngitur oleo lætitiæ præ confortibus suis, à Presbyteris, beneficio scilicet absolutionis. Nec refert quod ille locus psalmi intelligatur de Christo, qui peccatum non fecit, sine quo pœnitentia non est, nam plurima, quæ in Sacra Scriptura dicuntur de Christo, intelliguntur etiam de membris eius, qui sunt non minus pœnitentes, quam innocentes. Albertus ergo morali hac applicatione non derogat communi sensui Ecclesiæ, quæ illum locum Iacobi ad literam accipit de Sacramento extremæ vnctionis.

## Nota VII.

*Abeant Hæreticorum calumniæ.*  
Antiqua hæresis, ante Alberti nostri tempora, erat Nouatianorum, qui dicebant eos, qui semel lapsi sunt, nunquam postea consequi remissionem, quantumlibet eos pœniteat. Alias multas commentus est Lutherus, qui vt Alphonsus à Castro loquitur, ad hunc scopum suam doctrinam visus est dirigere, vt peccatores à pœnitentia diuerteret, & ad peccandum impelleret. Sed vtrumque hæresiarcham cum suis perniciosissimis erroribus fusè, fortiterque refutat idem Alphonsus lib. 12. aduersus hæreses verb. pœnitentiæ.

## Nota VIII.

*Qua cum ita se habeant, Patres Carissimi.* Huc vsque noster Orator totus in pœnitentia laudanda versatus est; hic verò se totum ad Religiosos tunc præsentis conuertit, eosque ad pœnitentiam diligendam, intimis cordibus recipendam, & opere ostendendam hortatur. Quod vt rectè fiat, omnia verè pœnitentis officia breuiter ante oculos ponit.

## Nota IX.

1432. Hæc æra in authographo meo subscripta est huic orationi, & in ipsa oratione mentio est primæ diei Quadragesimæ, tanquam qua dicta fuit, & in fine author vtitur epistola, & Evangelio, tanquam eo die lectis, quo dixit, quæ Feria IV. Cinerum publicè in Ecclesia ex Missali Romano legi solent. At Lucas Vvaddingus ad annum 1433. n. xi. in Comitij Generalibus eodem anno Bononiæ celebratis, vltimo die Maij dictam narrat, in quem diem non poterat eadere Feria IV. Cinerum, quæ sex circiter septimanis præcedere debet lunam decimam quartam mensis Martij, nec ex ordinis vsu est, vt Comitija Generalia celebrentur in initio Quadragesimæ, sed ex S. Francisci instituto sub festum Pentecostes, de qua re vide notam nostram in epistolam Alberti vigesimam secundam, quam ad Nicolaum Nicolom Urbino dedit, vbi cætera huic rei declarandæ opportuna reperies.

## O R A T I O III.

## Pro Electione Ministri Generalis.

## ARGVMENTVM.

*Exordium à transitione sumit ab omiſſa ſolemni feſtiuitate Pentecoſtes, quæ illuſtrem orationem requirit, ad neceſſarium argumentum electionis ſupremi capituli tantæ Religionis. Quam cauſam, quod moralis potius, & laconico, quam culto & Rhetoricis circuitionibus vago ſermone tractari conueniat, propterea huius, non alterius modi dictionem expectandam eſſe, atque auditores attentionem ſuam ad verborum ſenſum percipiendum, magis quam oblectandi ſtudium, aut ornatum conuertant, magiſque multò ad ea pro rei magnitudine rectè agenda, quæ perceperint. Totam exhortationem dirigit in eum finem, vt vir integer ad communem utilitatem*

*fratrum eligatur, cuius partes, & officia proſequitur per media, hoc eſt, pacem, veritatem, & charitatem: quæ clarè explicat, & eleganter, fortiterque inculcat: & modum, ne hec inuiti, & coacti, vel ſiniſtra quapiam intentione, ſed ſpontanea conſcientia, & (quod præfixus finis fuit) ad ordinis decus, neceſſariam conſeruationem, & ubi opus eſſet, reſtaurationem, adque Dei gloriam, integerrimæ Chriſti Matris, Angelorum, Patris Franciſci, aliorumque Sanctorum, quos laudum litania quædam inuocat: ipſiſque Matris Eccleſiæ, & Eugenij Pontificis lætitiæ, & certam ſatiſfactionem perficiant, & inuocato demùm ad hæc Spiritu Sancto abſoluit.*

**Q**uamquam nos omnes, Clarissimi Patres, geitorum maximorum *Sacratissimam diem illam præuenientes* (1) quæ, vt vetusto more, & propter typici numeri Sacramentum, græca appellatione dicitur Pentecoſtes; orationem illuſtrem, ſi modo id efficere poſſem, in hoc vigiliarum ſanctarum præuio tempore, & me quidem, pro officio, cui immeritus præſum, Fratibus exhibere, & vos pro deuotione celebritatis audire oportere non dubitem, quia

tamen eligendi nobis Paſtoris idonei, qui tantæ Religionis noſtræ præfideat, hodierno die præcipua quidem, atque ea cunctis cura habenda eſt, ſed alijs authoritate, alijs charitate, cunctis utilitate. Ac ne propter anguſtiam temporis, in exordijs diutiùs morantibus neceſſaria tempora reliquis præripiantur agendis, atque ei maximo negotio, quod inter maxima noſtra præclarum eſt: oro vos primùm, religioſiſſimi Patres, ac fratres in Domino amantiffimi, vt à me cultum aliquem ſermo-

sermonem non expectetis, qui sine longa dictione, à quoquam etiam eloquentissimo viro exhiberi vix potest, præsertim eum Rhetorici campum eloquij expetens eloquentiam, sine multis verbis non exhibeat elegantiam.

Ac tum deinde vos omnes pariter, & instanter per crucifixam mundi salutem, & obsecro, & obtestor, vt tantæ gerendæ causæ, quæ nunc versatur præ manibus, toto, & sano sensu toti, & sani studeatis incumbere; studio quidem imprimis magna cum attentione audiendi, quæ per nos Dominus veraciter persuaserit, ac tum demùm omni diligentia, ea, quæ sunt recta, gerendi: splendeat enim licet sermo doctrinæ, nisi vitæ sanctimonia componatur, citius fordet, languet, deflorescit, emoritur: nam & dicentis, & longè veriùs audientis conatus omnis inanis est, vbi fructus agendi ab vtroque non carpitur. Opus enim dicentis, & persuasionis est ornamentum, & persuasi exemplum. Actio verò audientis, & lætitiæ persuadentis, & fructus audientis merito æstimanda est. Ego verò, ne longum faciam, implorato Spiritu Sancto, & per illius elementiam exorata gratia ipsius (de quibus duabus partibus, si nobis vacauisset, fuisset à nobis studiosius differendum) me totum ad exhortanda corda, atque animos vestros breuiter quidem, quantum eum Domino potero, sed iuxta Patrum veteres sanctiones, diligentissimè conferam.

Omnis autem exhortatio, ne vos Patres multis immorer, tribus hac in re distributionibus, vel maximè constat; vt primò vir aliquis probus, vt pax, deinde charitate, veritate

media; vt denique non inuito à nobis animo, pro nostræ religionis saluberrimo capite eligatur: quorum primum in eo, quem præficiemus, postremum in nobis ipsis, medium verò in adiumentis medijs reperire fas est. Propitio igitur Spiritu Sancto, qui in agendis omnibus, veluti summus auriga noster nobis præficiendus: ne quid aut temerè, aut insipienter agamus, & eomite gratia illius sine qua semper per deum iter errabundi, ac cæci vagantur: hoc vos Patres imprimis exhortor, & moneo, vt quemadmodum regula illa nostra Euangelica, atque sublimis edoet, & proclamat ad seruitium, & communem vtilitatem fratrum, virum nobis in custodem, ac patrem communem totius nostræ Religionis præficiamus, ea sanctimonia præditum, quæ tantum ministerium deceat: ea sapientia elarum, quæ tantæ classis gubernaculis moderetur: ea postremò discretionem, modestiam, moderationem, iustitiamque pollentem, vt & contumaces per constantiam arceat, & fragiles misericordie sinu confouendos excepiat, & probos honorandis ministerijs pro virtute præficiat, illustret officijs, & illorum in rebus, præsertim grauib, sapienter statuendis, sæliciterque gerendis vtatur consilij salutaribus.

De cuius eligendi nobis integri capitis, ac paulò post de electi viri virtutibus complura non dieo: satis enim superque sunt ea, quæ diximus si ab his ipsis virtutibus is, qui alios gubernabit nunquam desierit, si vt est virtutis sæcunda natura, qua fit, vt virtus altera ex altera pendeat, ita quoque à paucis optima quæque manabunt. Sanctimonia quidem sa-

teoropus est in regimine, quæ & merita in maioribus, etiam pro communi utilitate efficiat, & iram zelantis Domini à transgrediente fratrum turba cohibeat; sanctimoniam verò Fides, Spes, Charitas omni tempore pepererunt, ut B. Augustinus in libro Enchiridion apertissimè profiteatur. Quæ omnia, quo pacto illi deerunt, ut reliqua perfectionis insignia assequatur, quem præter vitæ integritatem vsus quoque gerendarum rerum edoceat, ac eruditorum Sanctorum, veterumque, in quibus vera sapientia vigeat, sobriæ consultationes, & sana nimis consilia dirigant. Et præter propriæ cuiusdam, regulæ normam, & continentiam, quod ad se attinet, cæteris ita præsideat, ut iuxta Beatum Petrum *forma factus gregis ex animo* omnibus consulat, omnibus pro meritis, quæ sunt propria cuique, dispertiat. Non infletur honore, non insolescat dignitate, non ardeat cupiditate, ne director, & prædo, magis quam pastor, meritò possit haberi: ac ne dominatione tyrannica, quod asserente Domino, Principum, qui sunt gentium, proprium est; durè in subditos dominetur, & imperet.

Nam præclare nimis à Beato Dominico, quem deuotionis eausa nomino, frater enim in Christo nostri Patris Beati Francisci, in Christo patreus itidem nobis est. Hic, durum, aiebat, imperium contemptum pro-uocat, & scissionem inducit: cuius rei testis est stultitia Roboam, quem acriter imperantem populis adeò repulit, ut ne nunc quidem cicatrix illa obdura sit. Tunc enim decem diuixit tribus, atque à domo Dauid prorsus rescissæ, nusquam in regiam obedientiam domus Dauid vllò tem-

pdre rediisse leguntur. Igitur, ut de virtutibus statuendi nobis noui Pastoris, ac patris iam sileam, quæ prima partitio nostra erat: nunc de adiumentis medijs, quæ secundo loco dicenda posuimus, & quibus nos ipsi fortissimè fulti, virum nobis, si detur, probum inuentum iuxta cor Domini rectè præficiamus, aliquid breuiter explicemus.

Et quidem, cum iuxta Apostolum Paulum arma militiæ nostræ, non carnalia, sed spiritualia sint, ac Deo potentia, adiumenta sanè omnia ad charitatem, & pacem referenda putamus, quæ duo inter fructus Spiritus enumerat idem Apostolus. *Fructus autem*, inquit ad Galatas, *Spiritus sunt Charitas, gaudium, pax; patientia, benignitas, bonitas, longanimitas, mansuetudo, fides, modestia, continentia, castitas*. Quæ quidem omnia ex ordine disserere, quoniam & longum & difficile est, sola charitas, pace eomite, nobis sufficient. Nam quid vnquam deerit vbi vel sola charitas erit? iueunda est enim, pacifica, mansueta, ac modesta charitas, quandoquidem nullo conscientie agone tristatur, nulloque irritamento fracta malorum, ad intolerabilem nequitiam defluit. Patiens in aduersis perpetiendis, benigna in bonis, etiam, hostibus exhibendis: fidelis, cum, nulla perfidia violatur, continens ac casta, cum nulla obscenæ scditatis labe polluitur. Bona, & longanimitas cum in his omnibus vsque ad vitæ terminos, & in sanctis hominibus perseuerat, & cum electis sceminis semper graditur.

Cum itaque charitati bona omnia suppetant, præcipua tamen quadam cognatione simul affectæ pax, & charitas,

ritas, indiuidua societate pariter comitantur. Charitas quoque, cum & ipsa sit amor, vt & Spiritus Sanctus amor est, sed alter temporalis, alter æternus, amicitiam præcipuam habet comitem. Pax verò concordie iuncta est. Verùm & pariter omnes charitas, pax, amicitia, atque concordia procul dubio pariunt vnitatem. Sed ipse illarum virtutes quales erunt: si admissa fraude, dolo, simulatione, ac mendacio falsæ, fallentes, simulatæque erunt? Certe inanes futuræ sunt. Ergò & veritas eis adijcenda est, ne nos fictio vlla vanæ ostentationis, summa cum iactura decipiat; Ad has igitur sex pro duabus constatas virtutes, si nos totos, tanquam ad sapientissimas quasdam dominas consulendas sinceriter conferamus, vt quisque in portum tutissimum, ita in illarum nos domicilium sine vlla dubitatione recipiemus. Erunt nobis reuera cuncta felicia, facilia, prospera, vt nè infructuosa quidem sit exhortatio nostra, nullus labor persuasionis inanis.

Nec verendum est quo minus putemus illas nobis omni curâ colendas, omnique studio semper adhibendas rebus cunctis gerendis. Comperta est enim illarum omnium, & dignitas, & vtilitas, quibus quidem summis virtutibus fiet, vt abiectio malo tempore, qui frequenter comite negligentia remissius quippiam nos agere compellit, maximo quidem, sed sobrio incitamento semper omnia nostra, præsertim hodie opus illud nostrum, quod ingentis est operis. Designandus est enim nobis hoc vti-  
nam faustissimo die pater communis, pastor ouium Euangelicarum. Quærendus Dux exercitus Christi, à Sancto Spiritu exorandus. Hunc

quales erimus, talem eligendum à nobis, omnis ratio persuadet.

Ne igitur in malum aliquem hominem incidamus, quod est miserie; nec sponte nostra corruptum quemque malimus, quod est perditæ malitiæ, damnatæ nequitie, ac postremæ malevolentie: ac nè quando his vitijs subiectis nobis dicatur: *Dabo eis Regem in furore meo*: Adsit nobis pulcherrima charitas, quam persuadet Religio: Adsit pax, quam & natura ipsa proclamat; Adsit concordia, quam Christianum nomen sublimiter edocet: Adsit veritas, quæ suis viribus nixa, omni tempore superat, vincit, triumphat: Adsit denique vnitas, quam parit Ecclesia, quam præbet gratia, quam tribuit Christi Domini, ac Dei nostri summa benevolentia: Verùm ex his quæ amicitia Christiana consetur, quis dixerit? ea verò omnia ad eò præclara sunt adiumenta, vt audenter dixerim, nihil, quamuis clarissimorum operum spe vlla permagna nos erigit, si hæc ipsa non erigent. Non enim, vt ait quidam è Patribus, quisquam rectè fertur in spem, cui malæ conscientie scrupulus inest. Peior autem conscientia nulla profectò est, quam quæ pacem abijcit, charitatem spernit, vnitatem scindit, concordiam persequitur, amicitiam spernit, veritatem fictione corruptit, & contra Apostolum Paulum in *mendacio detinet*; præsertim eum ad hæc tam præstanter egregia tantis incitamentis ab omni prorsus torpore, non dico mortis, sed vel negligentie excitentur.

Etenim quid aliud institutio nostra proclamat? quæ charitatis est, non naturæ, nisi, vt ea nos concordia diligamus, quæ matris ad filios amo-

amorem præcellat. *Nam si mater*, inquit B. Franciscus, *diligit, & nutrit filium suum carnalem, quanto diligentius debet quis diligere, & nutrire fratrem suum spiritualem.* Pace ergo vnanimi nos inuicem complectamur. Verum quoque, ac Diuinum, idest, Christianum dogma; nulla sanè re cæteris religiosis ritibus præstat, qui vnquam fuerunt, quiq; futuri sunt, quàm charitate, quàm vnitate, quàm amicitia, pace, concordia, veritate: Eo enim vel maximè est, vt amoris legem, Christi legem vocemus, quod charitatem præcipiat, pacem, & amicitiam eolat, concordiam feruet, seruandæ vnitati omni tempore studeat, veritate semper præcellat.

Hæ sunt deliciae, quibus Mater Ecclesia, & vt lacte suos paruulos alit, & vt solido cibo fortiores filios nutrit. Hic est panis noster, charitatem dico, dico pacem, dico amicitiam, vnitatem, concordiam, veritatem; quem panem qui fastidit, & super quo quisquis nauseat, eum desperata salute mors vastissimi deferti sequetur, conquisitio terræ promissionis merita consumptione frustrabitur. Quid quod ne barbaros quidem, etsi Christianæ charitatis, ac veritatis ignari erant, vnitatis tamen, pacis, amicitia, atque concordia, virtus hæc permaxima lauit? Quod ne longum faciam, vnico & præclaro exemplo firmabo.

*Scipio ille Africanus* (2) vt veteres historiz ferunt, eum deleta Numantia, cæteras Hispaniæ partes, pace componeret, Thyresium quendam Celticum Principem consuluit, qua ope res Numantina, aut prius inuicta durasset? aut post fuisset euerfa? Thyresius autem audacter

respondit, concordia inuicta, discordia exitio fuit. Quod Romani tanquam sibi, ac de se dictum, exempli loco acceperunt; quippe quibus iam de seditionibus discordantis totius Vrbs nunciabatur. Græco per ambitionem irato nobilitati, quod inter Authores Numantini fœderis notaretur. Numantia autem citerioris Hispaniæ, haud procul à Vacceis, & Cantabris, in capite Galliciæ sita, vltima Celtiberorum fuit. Quod igitur nostrum institutum nos edocet, quod Christianum dogma proclamât, quod mater Ecclesia proponit, quod Barbari pro gloria coluerunt, nos non colemus? pacem, dico, concordiam, amicitiam, vnitatem, & quæ nostrarum tantum partium sunt, charitatem, & veritatem, quæ nomina idcirco vestris auribus frequenter inculco, & replico, vt per aurium instrumenta infixæ inera nostra præcordia, nullæ valeant obliuione deleri.

Diximus satis de adiumentis, quæ nos fauore mirabili, quem debeamus nobis præficere, sine vlla simulatione iuuabunt. Postremò nunc loco exhortandi potius paucis mihi estis, ò probi Patres, ò progenies Franciscanorum, ò proles Minorum, qui de Euangelico fastigio nati fuistis; quos vita Apostolorum illustrat; quos tituli illi præclari, regiæ Christi passionis, in patre tantæ existimationis exornant; quos decorat cœtus Sanctorum; quos illuminat splendor doctorum; quos claros reddit elegantia, atque constantia prædicatorum; quos fortes facit frequentia humilium; quos redimit nobilitas aduentantium: sed de morientium fortitudine, de omnium hunc cœtum intraneum, multitudine, quid loquendum est?

nulla enim Religio, nullus ordo nos vincit, non dico eis omnibus, quæ prædiximus, sed ne dignitate quidem honoratorum, vsque ad summos apices Apostolatus, non diffusionem illa longè omnium saluberrima, quæ soli toto etiam barbarico orbe, Christi sonum pertulimus; non deuotione maiorum, quæ ad nos etiam peccatores, & honore Religionis, & amore tanti parentis, quem admirantur, Christo præ cunctis simillimum nostra dilectione afficiuntur.

Compleo quod iam cœpi, si mirandam illam erga nos Diuinæ prouidentia curam vobis ante oculos proposuero. Quibus cum volatiliū more nullus de inessum fecunditate prouentus sit, omnia tamen, etsi non ad luxum, quod præcipuè nolle deberemus, Religiosam tamen paritatem, quotidie suppetunt, ac quod cunctis maius existimo, si qua interdum desint, aut quid desierit iucunda sanctæ paupertatis fragrantia, si simus veri parentum filij, de inedia plurimum gaudeamus. Eri-gite itaque dilectissimi animos, & pariter imploremus merita vetustissima Patrum, exuscitemus gratiam maiorum nostrorum, asciscamus nobiscum fratres nostros, accersamus Religionis filios, toto orbe dispersos, cuncti in vnum coacti aggerem, vno simul agmine ad deuotionem rei tantæ gerendæ, nobis inuicem nostros animos concitemus: Et quæ Deo, quæque primoribus nostris, nostram necessitatem ante oculos ponant, tamen qui beati sunt, de visione Sanctæ Trinitatis, nostra omnia nouerint, solita sancti amoris diligentia significemus.

Pio quoque gemitu, sub Patrum præcordia subornantes, eos Chri-

stianæ compassionis, clementi suffurio in has voces lamentabiles erumpentes, ad nostri miserationem, pro communi, proque priuata vtilitate flectamus. Itane, inquietes, ò integri Patres, ò pij parentes, nec minus clementes alumni, ita ne vlla nos ratione, etsi male meritos abhorrebitis? vllò nos pacto aspernabimini? vlla seueritate nos destitutos vestris auxilijs relinquetis; quibus paterna, ac materna viscera Christiana, veracissima clementia, sunt dulcia, pia, suauiua. An non aderitis nobis hac hora orbatis? non solum vobis, qui fuistis primarij morum, & vitæ huius authores, obseruatores, exhibitores; verum etiam omni nunc merito successore solis, priuatis, destitutis, & viduis.

Veni, pariter conclamemus, optime Pater Franciscæ, Euangelici expletor eloquij. Veni ò vestigium sequendæ vitæ, ac vitæ, quam perfecti quique amplexi sunt, quam Apostoli inceserunt, quam mater Domini seruauit, & coluit, quam postremò Christus instituit, sacrauit, & fecit. Veni ò imago crucifixæ salutis, ò signaculum victoriæ, pacis, & similitudinis Christi, ò nostra spes veniæ, forma iustitiæ, ac norma perfectionis, virtutis, & charismatum domicilium: sed & tu Pater Antoni, tuis nunc confratribus subueni: Tu Euangelici fator feminis, adsta tu exemplum constantiæ, nobis consule, tu veritatis tuba nos edoce, Tu miraculorum fulgor, declara quem eligas, & maiore miraculo, huic Capitulo nostro præsideas, illud regas, illud efficias, atque complexas, qui nunquam reliquisse compertus es, quisquis te iustam vllam postulationem efflagitauit. Te Fratres

tres colunt , te Padua seruat , te Sancti diligunt , te peccatores implorant , te denique omnino omnis orbis miratur . Ne nos , ò Pater , te oramus , magnopere vlla ex parte hac hora deseras , tuis sacris ossibus assistentes , salutemque gregis , iam non pusilli , sed maximi , ac hæreditatis Dominicæ postulantes , læti abs te abscedamus , benignissime Pater Antoni , qui huc fatigati maximis laboribus venimus .

Erigite inquam , iterum dico , dilectissimi , animos vestros , & cauendum nobis , summa cura putate , ne in gloriam nostram maculam vllam ponentes infamix , notam religioni nostræ , vel exiguam inurere comprobemur , quin potius demus operam , vt ordinem tantæ gloriæ , amplificatione quadam clarissima , ab excidio luctuosæ cladis instaurantes ( quod ab optimis Patribus , verisque filijs sine gemitu dici non potest ) cum inuidia , nostri laudatissimi nominis etiam hostibus , gloriam religionis auxisse credamus . Quæ omnia desperata salute fieri à nobis nequibunt , nisi diligentiam adhibendi nobis sani , atque integri capitis , sano , atque integro sensu , miroque ardore restaurandæ quidem , atque reedificandæ ; si opus est , euerse funditus nostræ Religionis arripuerimus , non odio immani , non cupiditate regnandi , non amore vllò corrupto , non pertinacia resistendi , non malevolentia deiiciendi , non peruersitate iudicij , ab hoc sancto proposito nos abticipiat , aut alterutra , sed nequissima persuasio , aut culpanda fraus , aut nostra vlla carnalitas .

Virum Sanctum , quem orantibus nobis Spiritus Sanctus præbuerit , eligamus ; pacificum qui vnanimes nos gubernet ; clementem ; qui errata

fragilitatis remittat , & possit compati infirmitatibus nostris , prudentemque , qui gerenda consilio dirigat ; iustum denique , qui obliuatos zelo tuendæ , ac seruandæ Religionis percutiat . Hæc si rectè fecerimus , Patres optimi , tanquam reflorescat nostra religio , ædificabitur sæculum , lætabitur Ecclesia , congaudebunt Angeli , congratulabitur Christus , collætabitur Deus , Trinitas . Illa quoque integerrima Mater Domini ( vt de B. Francisco nihil dicam ) in cuius pio gremio nostra religio , & aluit , & creuit , iucundo præsidio nobis aderit , vt Euangelium filij , quod ante professi sumus , tanta faultrice adiuti , sine macula grauioris calumniæ , obseruemus . De Pontifice Maximo , ac Papa omnium Christianorum , Eugenio Beatissimo , nihil dico , qui ob id , in fine orationis nostræ , à me consulto seruatus est , vt certo nouerimus , eam nos , vel lætitiæ , vel dolorem illaturos sancto pectori eius qualem , vel bonam , vel secus prouisionem , nostræ immò suæ religioni fecerimus .

Moralem magis , quam aut acutam , aut exultam , aut eruditam orationem , optimi Patres ; ad vos habuimus ; tum quia ita res postulat ; indagatio enim rerum sublimium , etsi excellens est , minus tamen habet utilitatis ad vitam , tùm verò ac maximè quia Christianos loqui ad ostentationem scientiæ , ac ventosam iactationem , non decet . Adsit nobis omnibus Spiritus Sanctus , quo per imperium potentix prohibente , ab agendis perperam reuocemur : quo per clementiam misericordix , adiuuante ad gerenda recta , quæ deceant , conuertantur , & volentes , & , vt sapienter orat Ecclesia , etiam rebellantes nostræ voluntates . Amen 1443-

## N O T A E.

## Nota I.

*Sacratissimam diem illam praeuenientes*. Ex his, & quae sequuntur, manifestum est, hanc orationem habitam fuisse, in Vigilia Pentecostes, quo autem anno, quoque die, mense, & loco, sequens nota, ex margine nostri codicis descripta, & ordinis historia docent. *Sermo habitus Padua in Capitulo generali 1443. 8. vel ut codex Capistranus 9. Maij, quibus addenda est, Sancti Antonij tanquam praesentis inuocatio: conuenerant autem tum illuc, ut scribit Vvaddingus, ex utraque ordinis, hoc est, ultra citraque montes, familia, & utroque sodalicio, Conuentualium scilicet, & Obseruantum, ad ea comitia fratres bis mille. Quibus, quod saepe diximus, praefuit Albertus noster, totius Ordinis Fran-*

*ciscani Vicarius Generalis, & Comitiorum Prouisor, & Praeses ab Eugenio Pontifice constitutus, qui propterea hanc orationem instituit, pro officio, inquit, cui immeritus praesum.*

## Nota II.

*Scipio ille Africanus*. Hanc historiam clarius refert Beyerlinck. tom. 2. theat. vitæ hum. verbo concordia, fol. 351. col. 1. & 2. litt. D. E. cuius verba ad lectoris commoditatem hic describenda censui: sunt ergo hæc. *Scipio Africanus quum Numantinos saepe victores iam fregisset, obsessosque tandem expugnasset Tyresium Principem celticum rogauit: qua de causa Numantia aut prius inuisa, aut post euersa fuisset. Respondit Tyresius concordia victoriam, discordia exitium praebuit. Brus. lib. 2. cap. 4.*



BEATI ALBERTI  
SARTHIANENSIS  
ORD. MINOR. OBSERV.  
EPISTOLAE.

EPISTOLA I.

FRATRI BONAVENTURA VENETO (1)

ARGUMENTVM.

*Julianum adolescentem sibi carum, cui pro lubrica aetate prestanti preceptore opus erat, Venetijs Paduam ad Bonaventuræ contubernium transiisse gratulatur, mutuamque suam, & huius benevolentiam, suamque de eo estimationem explicat, & Julianum eius humanitati, & ad virtutem auxilio, & consilio obnixè commendat, se pro illo vadem obstringens.*

**N**Vper ex Iuliano nostro literas accepi, *Idibus Octobris Paduæ datas*, (3) quibus se constituisse dicebat, consilio tuo, & quidem optimo, ac suavione, rogatuq; alterius, carissimi fratris Andreæ Florentini, Venetijs prorlus decedere, idque tandem effecisse, atque in præsentia, & tecum, & cum cæteris confratribus, qui mihi semper maximæ æstimationi fuerunt Patauij commorari. Quæ res ita mihi iucundissima fuit, ita sanè lætitia quadam incredibili me affecit, vt quantum ex ea voluptatis acceperim profectò nec oratione complecti, nec verbis consequi, nec quavis dicendi copia apud te possim disserere. Tanti

equidem te facio, mi suauissime Bonaventura, tamque vehemens in te est amor meus, ac tanta tui existimatio, vt ad amorem meum nihil possit accedere. Quamobrem nihil mihi iucundius, nihil gratius contingere potest, quàm si inseparabili quadam coniunctione ij, quos ego amo, & tibi deuinciantur, & hærent, & cohabitent, præsertim verò nunc cum Iulianum meum apud te esse certò scio: cui quid commodius, quam amicitia tua? mihi verò quid, quod maiore me lætitia, ac gaudio esserat, vnquam fore possit, procul dubio non inuenio, maximè hac iniqua ætate nostra, cum bonorum mira paucitas est, adèd vt rarum experi-

periri existimem, cui eum altero honestis in rebus sit vera eum benevolentia, & charitate consensus. Itaque si quid pro mutuo nostro amore, vel gratia, vel autoritate, apud te possum, Iulianum meum, imo nostrum, nunc summo tibi conatu, cunctisque viribus commendasse velim. Cui, quia per aetatem prona via est, vel preceptore praesentanti, quo in praesentia caret, vel optimo quodam socio, quem te vnum esse non dubito, opus esse cognosco. Quare dabis operam quod de te spero, si me amas, ne in aliquo illi defis, diligentissime con-

ficias, si quid adiumenti ad utilia studia, si quid humanitatis ad iucundam conuersationem, si quid consilij ad honestam societatem ei contuleris, id totum in me factum existimabo. Tibi vero gratias, & si vires meas perexiguas esse nosti, vt-cumque tamen, vel habeo, vel dicam. Ample siquidem, quamquam non rebus ipsis, quibus me beneficijs tuis imparem sentio, voluntate tamen praecipua tibi pro illo satisfacturum me vadem spondeo, etiam si amplissima quaedam in eum feceris. Vale *Ex Verona* (3) 1422.

N O T A E.

Nota I.

*Bonauentura Veneto*. Hunc Ordinis Religiosum fuisse, tum ex adiuncto vocabulo fratris, tum illis Epistolae verbis: *Es tecum, & cum ceteris confratribus*, tum ex altera ad eum Epistola, hoc anno data, satis constat. Sed qualis fuerit non reperio, praeter ea quae Albertus de ipso in vtraque Epistola scribit. Nam, quem huius nominis fuisse regularis obseruantiae sodalem, & Catharinae Cornariae Cyprae Reginae, dum viueret, confessarium apud Vvaddingum reperio, & anno 1538. eum incolis eiusdem instituti, & Cœnobio Castri Franchi, ad Capucinos transiisse, Alberti Synichronus esse non poterat. sed alius aetate posterior, nisi centum, & quinquaginta amplius vitae annos illi concedamus: sed de Iuliano nihil, nisi ille sit, quem in alijs literis inferius, inter nobiles Venetos Guarini discipulos Andream Iulianum commemorat.

Nota II.

*Idibus Octobris Paduae datas*. Praesentem hanc Epistolam anno 1422. ab auctore scriptam ex eius fine constat, idque Veronae, quo anno, vt postea

videbimus, Mense Septembri, prius Veronam ad Guarinum se contulit Albertus, eum Graecas literas docentem, auditurus: Vnde fit, vt has quibus ad alias Paduae Idibus Octobris datas respondet, vel versus finem Octobris, vel initio Nouembris exarasset. Immo & reliquas omnes, quas hoc anno Veronae scripsit, non ante Septembrem dedisset.

Nota III.

*Ex Verona*. Si phrasis ista ab Alberto vbiq; seruata, vitium latinitatis habere videatur, at non solius Alberti, sed seculi illius phrasis fuit, qua etiam vtuntur, qui eo suo eruditione conspiciui habiti sunt, Aeneas Syluius, Antonius Campanus, Poggius Florentinus, Antonius Panormitanus, Ambrosius Camaldulensis, Io: Franciscus Mirandulanus, & qui ad eum scribebant, Antonius Fauentinus, Philippus Beroaldus, alijque passim. Et fortassis non tam vehemente crisi digni sunt, dum praepositionem, quam nos hodie subintelligimus, illi in Ablatiuis exprimerent, quod autem Ablatiuis effertent, etiam propria locorum nomina, vbi nos Genitiuis vtimur, non latinitatis vitium, sed

sed sensus diuersitas est, Genitiuus enim quierem, Ablatiuus motum à loco significat, vnde non video cur nobis etiam hodie, non liceat subscribere Romæ vel Româ, per primum significantibus, quod nostræ in Vibe scriptæ fuerint, per secundum, quod eas Româ emisericimus: nulla etiam est, vel vnquam fuit lingua, cuius & phrasæ, & ipsæ dictiones plu-

rimæ non mutantur cum tempore. Quamquam igitur aliquæ postèris antiquatæ sint, non proinde præcis illegitimæ censendæ sunt.

*Laudamus veteres sed nostris utimur* Ouid. in Fastis lib. 1.

*Mos tamen est æquè dignus uterque coli.*

## EPISTOLA II.

FRANCISCO BARBARO. (1)

## ARGUMENTVM.

*Albertus Franciscum laudat, & replicatis argumentis, ad literarum commercium secum seruandum hortatur, & quodam vtriusque voluptatis commodo, & honestatis iure exposulat, non exiguo Læstoris in hoc genere documento.*

**N**ON satis apud te, *Barbare humanissime* (2) indignitatem, qua magna perturbor (3) explicare valeo. Insperanti enim, & quod est longè importabilius, atq; invito mihi subrepat, id genus mortificæ, qua me in ipsam perturbationem existimationis abs te in me, quod cum venia dixerim, non rectè factorum incidisse, grauiter fero.

Ego enim cum ab ineunte amicitie cognitione, quæ inter te, ac doctissimum Guarinum Veronensem (4) summa perdiu contracta est, magnificum illud, & amplissimum munus nactus essem, vt mediis, quem pro vestra humanitate benemeritum, de alterutro iudicassetis, recipi possem, ita vtriusque vestrum studio exarisi, tui verò, quo cum frequentius essem conuersatus, adeò ampliore dilectione incensus sum, vt mihi certissima quadam veritate per-

suaderem, speque adduecer, neutrum vestrum, eas ad res, quæ ad benevolentiam comparandam pertinerent, & in me consolando, & ad amicitiam augendam fouendo, atq; alendo, vllò vnquam tempore, quouis in negotio defuturum.

Quam spem existimationum mearum, verè loquor, eum eloquentissimus Guarinus noster, mira erga me diligentia, ac studiosissima opera sanè indies augeat, atque confirmet, tu, pæc tua dixerim, adhuc ore reprimens, ac prope conuellens, fefellisti: Nam, & eum per me coram egissem, vt oratione tua graui, & te viro eloquentissimo digna, me græculum futurum cohortareris, atque loquaem, si ita iudicares, reprimeres, & quæ soleres in dicendo obseruare, tua pro humanitate doceres; nunquam penitus impetrari potuit. Id ego aliquot post mensibus,

libus, cum imperitissima Epistola mea, (4) tum tumultuariè ac maxima festinatione, quæ natura improvida semper, & cæca est, ad te talem virum data postulatuissem, tu, & magnopere obsecranti, & plurimum oranti, ne verbo quidem obsequi voluisti. Cumque idem, per fratrem mei Ordinis, (6) virum sanè frugi, ac modestissimum, mihi que iustus de causis amicissimum idem tentauerim, num si ex te impetrari posset, vt per exiguas literas tuas, vel tribus versutulis exaratas, & quas sæpè longas pollicitus fueras, ad me datas esse, & si non redditas, lætari, gloriariq; mihi liceret, nunquam aliquid præter solitas pollicitationes illum elicere potuisse, mihi ex eo renunciatum est. Hoc ego, mi Barbare suauissime, quamquam ægrè tuli, nisi occupationibus tuis tribuerem, quibus maximis te nuper designatum Prætozem, & teneri, & summè occupari aiunt, superbia elatum inhumanè quidem te effecisse causerer, atque existimarem, siue vt mitius, commodius, & æquius dicam, ruditate literarum mearum, quas ad te inepetas, atque incomptas dedi, perturbatum esse, quod exangues, exiles, & tenues, ieiune & insuauiter fluere, tandemque stomachatum, grato illo in me animo tuo, & solita beneuolentia, refugisse. Quod si id causæ fuisse fatebere, tum maximè te scribere debuisse, nullus qui rectè sapiat, dubitabit. Tuarum enim partium, erat, opem orationis tuæ flagitanti afferre, mihi præsertim, qui ita debere fieri orauissem, & quem cum pro amicitia, qua tibi coniunctissimum esse me arbitrabar, tum etiam pro religione, loquor equidem purè, & Christiane, quæ sentio, qui nedum

amicè monentibus, verùm & ijs, qui inimicissimè me laceferent, gratias habiturum professus sum; non modo æquissimè laturum, verùm etiam gratissimè suauissimas reprehensiones tuas me optimam in partem accepturum fuisse, ambigere haud quaquam debueras. Ac ne multa confecer, vel sola vtilitate mea, hoc abs te faciendum fuit. Nihil enim mihi cum iucundius, tum maiore emolumento fructuosius vnquam fore credidi, quam si suauissimas literas tuas, vel pro humanitate tua mihi blandientes, vel pro erratis meis me mordentes, accipio. Pari equidem lætitia efferor, cum, aut me reprehendis, aut doctrinarum salubria mihi præcipis, nisi quod ignorationi meæ, etiam inter præcepta eruditionis, paulisper indoleo; quibus quam flagranti opera vacare exoptem, & quam diligentissimo studio inseruire, ac ingenti quadam solertia incumbere velim, profectò nostri. Sed agresti ingenio, & tardiore memoria fretus es, forte inquires: Hoc cum verissimè de me sentires, quamquam non vtreor, ne id sentias. Verum esto ita putes. Ego verò plus inferam, mihi os confusum, hæsitantem linguam, memoriã perexiguam, neque tenacem, ne dicam nullam, esse. Nihil denique præter voluntatem, quam æstuantem fateor, atque ingeniolum, & illud quisquam forsitan putabit insanum. Quæ res, etsi veræ sunt, tu qui pro animi tui bonitate, haud tam humilia de me sentire soles, nisi quid aliud causæ afferas, nunquam ab scribendo iustè cessasse sane mihi videberis. Quamquam etiam animi, atque ingenij acutos quosdam motus, & celeres, diuturnamque memoriã

moriam, ac præstantissimis rebus maturam, summè habilem, me non habere mihi facile persuaserim; tu tamen quosdam non admodum nobilissimis ingenijs præditos ita limari posse, vt diligenti quadam eruditorum opera, atque summò discen- tium studio, & politiores eorum res in dicendo se habeant; & eorum ingenia auctiora, atque accuratiora reddantur, fieri posse non dubitas.

Quamobrem, si post hæc, quas periuicundas mihi futuras haud equidem sum nefcius, vel inter ista, quibus in præsentia flores, honorum tuorum onera, molestissimosque labores, vel inter turbulentas ambitionum occupationes, ad me literas tuas dederis, magnum mihi atque amplissimum tuæ humanitatis officium te præstitisse & lætabor, & magnopere gaudebo. Hoc quam primum facias obsecro, atque oro. Quæ quidem res cum fuerit impetrata, maximæ mihi voluptati erit. Tibi verò, & si non dignas gratias dicere potero, saltem habebo, si modo abs te quicquam literarum, ad me gratuler esse perlatum: sin- verò minus, huic meo studio rectif- simo quidem, vt iudico, atque opti- mo obsequi, ac satisfacere volue- ris, præsertim cum nullo in genere officij, atque humanitatis, neque mihi percontato, aut aliquid quaerenti vnquam defueris; agam tecum, lege Euangelicæ mulierculæ, & *χρησας* inhumanum iudicem instantissima atque importuna expostulatione fle- ctentis: scilicet de reliquo mea culpa sit, si te quamquam prætorem in- cæteros, tamen in me reum, nisi mihi omnibus in rebus, quæ postu- lauero morem gesseris, quo ad mihi longissimas reddas, conquiescere

non sinam: Quo autem animo, ea res à me gerenda sit, potiundæ vide- licet amicitie tuæ causa, ac tui mihi magnopere amantissimi, vel irascen- tis, literarumque tuarum accipien- darum cupiditate, non ignoras.

Non enim te fugit, virum, qui pro eruditionis præstantia, & graue, & verum hisce de rebus iudicium habere potes, nihil tam liberale, tam magnificum, egregium, tamq; munificum esse, & homine sapien- tissimo dignum, quam beneuolen- tiæ summo quodam studio, ac sincerissimo amicitie cultu contineri, con- iungi, fortissimeque vinciri, atque eam omnibus in rebus humanis Le- lij sententiæ præstare debere, quod ea nihil melius, nihil nature aptius, nihil conuenientius, & quod ad se- cundas atque aduersas omnes res magis conducit ab illo summo Principe Deo (ne Deos nefariè dicam) datum profectò sit; & res tibi vt in mentem veniant, cures diligentissime velim, quas maximis, & Reipublicæ, & domesticis negotijs occupatus, minùs fortè perspicere potes; quamquam vires tuas, præstantioribus rebus, ac longe amplissimis dignas putem: Quod vnum si cogitabis ad me, qui valdè te diligo, & valdè amo, vicif- situdinem literarum tuarum, quæ amicis maximo beneuolentiæ indicio sunt, reddere, vel in summis occu- pationibus non grauaberis. Sola enim res est, quæ vt Turpilius Co- micus inquit, absentes, præsentis facit. Quare mihi quam primum satisfacere, honesta quidem petenti obsecro, non retardes. Vale ex Ve- rona 1422.

## Nota I.

*Francisco Barbaro.* Quatuor nobis B. Alberti Epistolæ ad clarissimum hunc virum suppetunt, ex quibus non pauca virtutum, ac dignitatum eius argumenta sumuntur. Prima est, quam nunc tractamus, in qua, ut vides, Barbari humanitatem, eruditionem, eloquentiam, gravitatem, suavitatemque, & cum cruditissimo Guarino, ac cum ipso Alberto, contractam amicitiam commemorat. Et licet cum eo neglectum, & olim promissum, literarum commercium acriter exposulet, cedit tamen comiter causæ taciurnitatis: erat quippe tunc Barbarus Tarvisij Prætor, cuius muneris molestissimis laboribus, ut Albertus ipse loquitur, quibus maximis eum teneri, summeque occupari dicebatur, silentium attribuit: Quis verò quantusque fuerit vir Barbarus iste, tam carus amicus Alberti, quæque strenuitate sua, consilio, & prudentia in alijs deinde munijs Republicæ præsterit, cumulatè sparsim in sua historia Veneta narrat Petrus Iustinianus, alijsque rerum Venetarum Scriptores, & hæc inter alia Petrus, Lib. 9. pag. 329. & 330. *Quam urbem (Brixiam) paulo ante Zacharias Barbaro Propriator ingressus, ab omni hostium incurfu tutam reddidit. Fuit autem hic Francisci illius filius, qui Bello Philippico, eandem Urbem Brixiam, à gravissima obsidione, sua eximia virtute liberauit, dignus cerè tanto parente filius, à quo Hermolaus ille, græca, latinaque eloquentia vir insignis, procreatus est.* Hermolaum autem etiam ab eximia pietate, & pastoralis zelo, vigilantia, & factis, inter Tarvisinos primum, ac deindè Veronenses Episcopos laudat Vghellus. Itaque Franciscus Zachariæ pater, Hermolai verò avus fuit. Ipsum Gesnerus Chrysoloz in Græcis discipulum, clarum Philosophum, & summum in vtraque lingua oratorem appellat, & quæ scripsit ipse, vel è Græco in Latinum vertit, recenset.

## Nota II.

*Barbare humanissime.* Appropriatissima Antithesis, qua nomen communi sensu amarum, eleganter dulcoravit Albertus. Alij enim Barbarum vocant, si quis contra Grammaticæ leges vocem proferat aut peregrinam, crassam, rudem, asperam dictionem Græco, Latinouè sermoni misceat, vel sermonis puritatem non seruet, si quis moribus peregrinis inurbanus, sævus, crudelis incultus fuerit: qui nimirum non iudicio, & ratione, quod humanum est, sed phantasiae, primis apprehensionibus, & vehementi appetituum impetu, & corrupta consuetudine ducuntur, & plus de genere, quam de specie habere videantur, hoc est, plus de animali, quam de homine, quod inhumanum est. Qua propter Albertus noster, ut vniuersum huiusmodi vitiorum genus, rem acutangens, solo humanitatis vocabulo tollat, à quibus omnibus cum Franciscum alienissimum iudicaret, eum reipsa humanissimum pronunciauit, ut vacuo vocabulo Barbarum ostenderet; Quo igitur quisque magis, minusve à ductu rationis, & moderamine sensitiui appetitus recedit, in eo magis minusve inhumanus, adeoque barbarus censendus est. Vocem à *Bar*, quod apud Chaldeos peregrinum significat, ad Græcos transiisse ferunt, qui cum cæteris nationibus, morum & sermonis cultu, iudicio, & ratione præcellere censerentur, quoscumque alios à moribus suis, & discipulis alienos duplicata syllaba, Barbaros vocabant. Qua ratione Romani postmodum eodem cultu politici, Græcosque secuti, gentes omnes Barbaros appellabant.

## Nota III.

*Indignitatem qua magna perturbor.* Indignitatem, vel indignationem suam qua magna turbatur, intelligit, vel quod sequenti sententiæ magis congruit, indignitatis suæ opinionem, quam apud Franciscum fortasse conceptam verebatur,

tur, inuito mihi subrepsit, id genus molestia, qua me in ipsam perturbacionem existimationis; ab te in me, quod cum uenia dixerim, non rectè factorum incidisse, grauiter sero; Indignatio enim ipsa, perturbatio est; causa autem indignationis, non rectè factorum, seu indignitatis suæ apud Franciscum, qui illum prius plurimi fecisse videbatur, ut in reliqua Epistola fusius explicat: ergo Albertus indignatione sua formaliter turbatur, indignitate autem non rectè factorum, quam timebat, obiectiue, ut scholæ loquuntur.

## Nota VI.

*Doctissimum Guarinum Veronensem* Huius meminit Conradus Gesner, in Bibliotheca vniuersali, vbi eum Chrysolora Bizantini quondam auditorem, Græci & Latini sermonis peritissimum vocat, de vtroque, Chrysolora scilicet & Guarino, Spondanus in professione Baronij ad annum 1397. num. 6. castrum vna cum ista legatione putamus venisse in Italiam ibique resedisse ingenti rei literariae bono, Emmanuelem Chrysoloram ex illustri familia Constantinopoli oriundum, potius quam postea cum Emmanuele ipso Imperatore, cum plerique omnes eius aduentum hoc vel sequenti anno constituent, non autem nisi post triennium Imperator venerit. Is vero mox incipiens docere literas Græcas, quæ per annos penè septingentos, temporum iniquitate in Italia conticuerant, Venetijs primum, & mox Florentia, Romaque, ac demum Ticin Italorum ingenia adeo excitauit, ut non solum, eam linguam feliciter susceperint, verum etiam latinam, quæ multam barbariem à longo tempore contraxerat, in antiquum nitorem restituerint. In quorum primis recensendus Guarinus Veronensis, qui auctor fuit vnius ex scholis, quæ ad utramque linguam addiscendam instituta fuere. Sed de Guarino filius eius concilius Onuphrius Panuinius antiqui-

tatum Veronen. lib. 6. p. 64. vbi de illo ait: Hic est, qui eloquentiam, in aeorum memoriam deperditam, longo postliminio primus reduxit, cuius ætate cum bona litera, ob triualium Grammatistarum inexplicabiles ambages, in tenebrosis angulis delitescerent, primus ipse more Platonico, multos annos peragrata Græcia, exhaustisque ad satietatem verè doctrina, à præstantissimis Philosophis atque Doctoribus, eruditentis, demumque in Patriam restitutus, eas in aperiam lucem, tum scribendo, tum docendo laboriosissimè reuocare cepit. Cuius dubium est, an boni mores, vitæque sanctitas, an optimarum artium cognitio, plus nobis præstiterit. Ipse etiam adolescens quum Chrysolora Bizantini auditor fuisset, Græcas literas primus Italicorum, post Imperij Romani casum, in Italia suscepit: scripsit verò &c. sed nec pauca accessio Guarini laudibus, ab his Alberti, quæ damus, monumentis facta est: decuit enim Alberti bonitatem, & gratum animum cum laude profiteri, per quem ipse tantoperè profecit.

## Nota V.

*Inperitissima Epistola mea,* & infra, ruditate literarum mearum, quas ad te ineptas, & incomptas dedi; Hac modestia & religiosa humilitate, plena sunt hæc Beati viri opuscula, per quam, cum alios, etiam aduersus quos scribit, extollere, ita se, suæque semper extenuare solet. Vnde aliud etiam documentum Albertum scilicet multo plures Epistolas dedisse quam nos consequi potuimus.

## Nota VI.

*Per Fratrem Ordinis mei.* Hunc Becinum fuisse, ad quem Albertus sequentem dedit Epistolam, ex ipsa satis constat, quæ etsi hic in codice posterior sit, ratio tamen suadet, eam ante præsentem scriptam fuisse.

## EPISTOLA III.

IOANNI BECINO VENETO.

## ARGUMENTVM.

*Hominem prius dissolutæ vitæ, à graui corporis morbo, ipsius Alberti studio releuatum, sed ab animi inueterata aegritudine nondum plane liberatum, eruit tandem, & Becino ad rem maximè idoneo commendat, ut eum ex nostris, inquit, quodam in loco collocet, & ut græcè loquitur, ex puteo malarum consuetudinum liberet, atque extrahat, id est, ut interpretor, Religiosum Minoritam Regularis Obseruantie faciat, quod hominem ipsum iam cupere, & ut Becinum proposito potiundi auctorem haberet, desiderare Albertus in Epistola docet. Rogat præterea, ut Taruisium cum Bernardino Senensi, nunc Sancto, iturus Franciscum Barbarum inibi Prætozem oret, ut ipsum Albertum literarum suarum communionem ditiozem faciat.*

**N**ihil ego, suauissime Pater, seu dictu, seu cogitatione, ipsa æquè mihi iucundius, aut satius arbitror, quam si eum, mearum primas ad te date constituo, ea mihi occasio præbeat; ut & eorum saluti tecum vnà congratuler, & charitatis compendia audentiùs præ æteris abs te postulem. Quid enim vtrique nostrum, vel magnificentiùs, vel prætelarius, quam aliorum vtilitati consulere, quanam ex re maiorem, aut apud nos voluptatem aut apud homines laudem, aut apud Summum postremò Deum gloriam emulare, nobis commodius, æquius, honestius; quam si egregijs in proximos gestis rebus, non modo eis, non inuidere videamur verum etiam *Maiorum nostrorum socios*, (1) nos omnium opinione ascriptos, & fauere & opitulari rectè quisquis existimet. Quamobrem non vereor, ne tibi

videar, aut inuerecundius, quam æque, vel ætas, vel nulla mea dignitas patiat, aut ineptius quicquam abs te petere, & obsecrare, si te ut in *Petrum bonum*, (2) nostri si quidem amantiùs omne studium tuum, curam, & diligentiam conferas; omnemque operam conuertas, orem. Est enim id tunc charitati erga alios aecommodatum, tunc verò Christi Domini nostri legibus, & voluntati, mirum in modum consentaneum.

Hic igitur iam vsque à Kal. Iunij molestijs atque angoribus contrariæ valetudinis affectu, præsertimque totius capitis doloribus ita laborauit, ita opressus est, ut penè insaniam prolapsurus, non tam *καθαλῆς*, quam *ἐγκαθάραι* carere hominem putauisses. Cui eum ad recuperandam valetudinem diligentissimè aduissem, tunc verò postquam ad se se redijt in consilij capien-

*Id est con-  
pue quam  
ceteris.*

piendis, quibus saluti suæ consulere, non instantissimè modo, sed ferè importunè, atque etiam acerrimè illi institi. Nihil equidem sibi blanditus sum, nihil penitus asfentatus; eo vel maximè, quia à doctissimis medicis, adèò dubia res asferebatur, vt facillimè eum quamprimum vita excedere vererentur. Itaque cum ego illum exhortarer, vt leuare se animi ægritudine, quam ægrotatione corporis mallet; & suaderem vt vanissimæ, ac perditæ vitæ suæ, & re, & animo, prorsùs renuntiaret: assentiri equidem se eammente respondit, quæ alacri ab animo esset profecta; suasionem autem meam, vel ex eo optimam sibi videri, quod & virtute prædita eiset, & animo suo summè accommodata. Quem quidem ea quæ dicerem, agere sæpè conantem, ignauia quædam, nescio quæ, perterruit, quæ se ad virtutem comparandam, animi firmitudinem habere distideret, ac malarum cupiditatum iam pridem perniciofa eum oblectatio adduxisset; verum se esse nescium, quo auctore id gereret. Putare se se etiam in re tanta cuiuscumque non egere consilio, impudentissimum, quidem arbitrabatur. Cumque ego animo sæpe reuoluerem, quem mihi istam ad rem pto iuuando aptiorem deligerem, omnium pace dixerim, nullus mihi idoneus, ac tu in mentem venire potuit, qui erga illum summa cum beneuolentia, pari coniuncta prudentia, inuigilabis, cuiusue tibi salus admodum cara futura est, ac pietas, quam in eum referes, & æque amplissima. Quo circa, quam tua semper in me maxima, atque clarissima beneficia extiterunt, non dubito in huiusce ge-

neris honestissimis rebus hoc à te petere, vt in Petro nostro statuas, non solum in officij tui fructum, verum & pietatis merita debere te quæ- rere. Ille enim in te vno, vsque adèò spem suam omnem locauit & fixit, vt præter te quemquam, qui tanto sibi adiumento futurus sit, cuiue tantæ curæ salutem suam fore confidat, habiturum esse neminem speret. Tu igitur si me amas, si dignum me, vt semper facere consueuisti, tuis beneficijs iudicas, te illi ducem, ac moderatorem quemdam, & quasi gubernatorem præbeas, proculdubio velim. Qui prohibitate, ac mira prudentia, vel, vt vetus dicam, ingenita, singulariq; charitate, vnus ad rem istam prope conficiendam, optandus es. Dabis itaque operam, vt & qui tibi omnem causam suam, seque ipsum commendat, & tradit, te opitulari, atque obsequi certò sciam. Quo fiet, vt cum illum ex nostris quodam in loco, te ipso auctore locaueris, & penè quondam mortuum, *ὅς ἐν Φρέατος σπηλαίων ἤδη κακῶν* liberaueris, atque extraxeris, & mihi, vltra quam dici potest, rem gratissimam feceris. Vetur hac de re plura ad te loqui, cum summa tabellarioꝝum festinatione, tùm verò nè tibi penitus distidere videar. Si hoc abs te impetrauero, tibi profecto, ac si res mea acta fuisset, habebō gratiam.

Sed de his satis. *Cum Taruisium vt scribis, (3)* cum clarissimo Christi oratore Bernardino nostro concedes, quam humanissimum illum Barbarum, dignissimumque Prætorem conuenturum te arbitror: hoc meo nomine eum orabis, tu qui apud illum, quantum vis,

*Id est ex parte malarum et-  
suetudinū.*

potes, vt me; quamquam minimè dignum, aliqua tamen ex parte, cum reliquis amicis, ac necessarijs eius, in societatem suauissimarum, literarum suarum venire patiatur; quarum mihi communicatio, & si tardissima videatur, diutissimè enim non modo eas concupiui magnoperè, verùm etiam instantissimè exoptaui, tamen gratissima semper futura est. Sum equidem audior, plusquam

*Id est vt beneuolentia*

σφοδρα aliquarum è suis. Ad hunc

ego, quamquam mihi prope persuaserim ne verbum quidem facere, nisi longissimas suas ad me dederit: si non tabellarij ad modum festinantes impellerent, aliquid nugarum nostrarum in præsentia scriberem. Tù me apud illum excusatum diligentissimè reddes, suisque me literis sanè eruditissimis, tua intercessione facies diuorem. Vale ex Verona 1422.

## N O T A E.

### Nota I.

*Maiorum nostrorum Socios*, sui, & Becini Ordinis Maiores intelligit, quibus id semper maximè studio fuit, post animarum suarum salutem, egregijs in proximos rebus gestis fauere illis, & opitulari; nempe sequaces Seraphici Patris, de quo in solemnibus eius officio canitur. *Non sibi soli uiuere, sed & alijs proficere uult, Dei zelo ductus*. In quo genere plura præstetit ipse B. Albertus. Quæ uero huiusmodi beneficia Ecclesiæ, & sæculi Principibus, & populis contulerit ordo Minorum, & indes conseruat, nos per anacephalozosim indicauimus, in Epistola ad Lectorem nostræ Epitomes annualium eiusdem Ordinis.

### Nota II.

*Petrum Bonum*. Mirum cur proprio nomine, & cognomine detegat personam, quam in eadem epistola, uanissimè, & perditæ uitæ iam actæ uocat. Sed minimè mirum est, quod Albertus Euangelicæ uitæ Professor, & Euangelij præco, Euangelistas, & Paulum, immò Christum imitetur. Mathæus se ipsum è telonio uocatum dicere non ueretur. Paulus se persecutorem Ecclesiæ, Christi uoce conuersum, præ-

dicare non erubescit. Alij Euangelistæ Mariam Magdalenam, mulierem in ciuitate peccatricem, sed à septem demonijs Christi gratia liberatam narrant. Petrum negasse Christum, sed poenituisse, & sexcenta eiusmodi tum illi, tum Christus ipse, tum Christiani historici sine admiratione, sine culpa faciunt; Faciunt autem ad gloriam Dei, ut ipsius gratiæ fortissima uirtus magis, magisque eluceat, qua peccatores quotidie ex puteis malarum consuetudinum mirabiliter, & supra spem hominum extrahuntur. Faciunt ad utilitatem nostram, ne in profundo peccatorum immergi, de Diuina misericordia desperemus. Faciunt ad conuersorum cautelam, ut recogitantes, quid fuerint de peccato propitiato non sint sine pauore, ut eo seruentius gratias agant liberatori suo. Sic Albertus Petrum Bonum, non ad uituperium nominat, solummodo peccatorem, sed ad amplioem honorem, iam poenitentem, sed suis uiribus humiliter dissidentem, & poenitendi status, loci, ac directoris idonei audium. Quid hic mali est? Immò ex vno malo peccatoris plurima bona, & eiusdem, & narrantium, & lectorum commoda.

*Felix, quem faciunt aliena pericula cautum.*

## Nota III.

*Cum Taruifium, ut scribis etc.*  
Vide notam penultimam in Epistolam

ad Franciscum Barbarum supra, & confer cum ijs, quæ hic scribit Albertus.

## EPISTOLA IV.

ANTONIO FLORENTINO.

## ARGUMENTVM.

*De neglectu veteris amicitie, & literario silentio Antonium redarguit, cum ipse plures literas, non accepto responso, ad eum dedisset. Inde silentij causas disquirens, eam præcipuè suspicatur, quod ipse verbis oratorijs, & ab Antonij consuetudine penitus alienis usus fuerit, quem proinde usum, si Antonius monuerit, se mutaturum offert.*

**P**Vtaui ad hanc vsque ætatem nunquam sanè ex te mihi accidere posse, Antoni mi suauissime, vt etfi perditis meis de facinoribus, pessimè meritis tibi videar, tam me vel indignatus, tua ab amicitia longè repelleres, vel publicanum hominem, quem forte me putas, contemptui iure optimo habendum existimares, tu præsertim quo cum tanta mihi vis amicitie summa per diu contracta est, vt profectò in te vno quidquid benevolentie, quidquid humanitatis, & solatij, & iucunditatis, & commodi, & gratie, ac denique auctoritatis, summam ad amicitiam conficiendam sperari solet, natum esse me quidem non dubitarem. Sed quemadmodum iudicabam, ita id esse considerem, & vt lætari, & magnopere iucunditate gaudere, constanterque apud omnes gloriari, medijsfidius haud vnquam meritis sum.

Verum enim vetò opinionem hanc ad te meam, quod equidem incredibiliter, ægrè, ac molestissimè fero,

vehementissimè falli, in præsentia certò scio, cum animus tuus, vt mihi persuasum procul dubio est, sit à me alienior. Eiusce verò negotij, quod, vt censeo res ità se habeant, quid magis indicio esse potest, quam diuturnum erga me silentium tuum. Quo profectò etiam si literarum mearum nunquam ad te quicquam dedissem, nisi plus iusto usus fuissem, haud quaquam videberis: cum verò plures ad te mearum, longas quidem, & modo, & sæpe datas, aliàs non dubitem, quas & redditas arbitror, quam excusationem afferre possis, non venit in mentem, nisi tu contra, vel ad te perlatas negaueris, vel de me queri malueris, qui *Guarino Veronensè*, præceptore eloquentissimo fretus (1) illius omnes ad res gerendas, mira diligentia, ac maxima gratia donari meritis sum, vt fortasse oratorijs verbis, & tua ab consuetudine penitus alienis, ità usus fuerim, quod & te mouerit, & capiendæ rei facultatem omnem ademerit. Egregiè id quidem sentis, ne dicam ineptè, maxime

maximè vero cum reliqua omni ætate mea, eis nostratibus, ac sanè vilibus, me vt̄ solitum tu optimè quidem noris. Quod tamen si ita censes, vt me siue is, doctissimus sanè vir, erudierit, siue ego flumen ex eo eloquentiæ vsque adeo mea studiosissima diligentia hauserim, vt tanta mea industria dicendi copiam, atque elegantes grauium verborum sententias, me comparare potuisse, tibi

persuadeas. Ego Summo illi Principi gratias agam, à quo tam egregio ingenio præditus sim, vt tanti existimari tuo iudicio possim, ac tandem ad patrum dicendi morem me conferam, ni tu moderatius, quid tuis literis fieri iusseris, aut mihi communibus, & v̄sitationibus posthac vtendum esse me admonueris. Vale ex Verona 1422.

N O T A.

*Guarino Veronense præceptore eloquentissimo fretus. Per hæc, & quæ sequuntur manifestè proficitur Albertus, se ornatum latini sermonis, ex Guarini præceptionibus, mira diligentia, & maxima gratia didicisse. Quem etiam in Græcis literis addiscendis audiuisse se alibi fatetur, nulla vel*

Emmanuelis Chrysolozæ, vel Ioannis Lascaris facta mentione, sub quibus alij dicunt Albertum Græcis literis incubuisse, contra similem professionem ipsius Alberti, quam suo loco notabimus, & fortè conciliando diuersitatem harum opinionum.

EPISTOLA V.

BONAVENTURA VENETO.

ARGVMENTVM.

*Grata scribenti gratias agit, Angelum Tuscum, sui Ordinis fratrem, quem charissimum sibi parentem vocat, eximie laudat, ipsiusque in se olim officia, & beneficia, grato animo proficitur.*

**I**Veundissimæ tuæ fraternitatis litteræ, quas ad me pridie Idus Iunias dederas, decimo sexto Kal. sextiles mihi redditæ sunt, quibus, & pro singulari in me solita benevolentia tua, qua haud dubium refertissimè mirificum quandam amorem tui animi redolent, & pro summa hilaritate rerum, quas mihi

gratissias fidelissimè quidem, vt certo scio, per illas renuntiaſti: si qua tamen accessio amicitiae nostræ sperari possit, quantum alacrior ad perpetuò eam colendam redditus sim, hoc sanè grauissimo tuo iudicio relinquo. Cumque his tuis in literis complura ad me pergrata attuleris, tum vco illud longè iucundius, longèque

gèque gratius, abs te diligentissime præscriptum est, de quo me id penitus nescientem certiore fecisti, carissimum scilicet mihi parentem, ac virum profectò integerrimum, *mei ordinis fratrem Angelum Tuscum*, ( 1 ) qui suo merito & nunc Prouinciæ præsit, cui illum nostri ordinis maiores præfererunt, summum illum Christi oratorem, virumque Sanctissimum, Fr. Bernardinum Senensem visendi causa, istas nuper partes petiuisse. Est enim Angelus iste vir talis, qui de me, pro summis beneficijs eius ità sit meritus ( taceo enim reliquos, qui virtuti illius plurimum debent ) vt si maxima sua in me officia, & quo me semper amore complexus sit, quantumque illi debeam, dicere vellem, quamquam vacuo animo essem, & magna dicendi copia præditus, equidem id me consequi posse diffiderem. Quis enim quauis oratione complecteretur, cum ego in Etruria illius cura commendatus existerem, ( 2 ) sua omnia erga me itudia : omnem operam, curam, industriam, mentem denique omnem ? Quibus sanè meritis dies, noctesque, meæ salutis incredibili quodam, sanctissimoque metu sollicitus, ita deuinxit, ita obligauit, vt veritus, ne sustinere sua in me innumerabilia officia non possem, vel non capere animus meus, aut in accipiendo siue in remunerando, cumulandoque verbis, illius acta illustrare non valeam, habere, quam dicere gratias malle delegi. Quod verò abs te, illi de me persuasum dicitis, *Vt cui non antea probaretur, meum consilium*, ( 3 ) quo ego optimum factu censui, vt ad præstantissimum Guarinum audiendum me

contulerim, nunc magnoperè latus probet, atque laudum magnitudine efferat, hoc mirum in modum mihi scias esse gratissimum, tum quia tanti viri autoritate afflamor, & solidor, vt quibus artibus virtutes facillè comparantur, quarumve tandem parta emolumenta, & mihi, & cæteris vtilitati, vsui, iucunditati, verè, & solidèque gloriæ esse possunt, in his esse elaborandum mihi statuerim : tum etiam, quia vt sum, tuque id nosti, non tam ægrotatione, quam ægitudine affectus, hominum de me iudicia, maximèque grauium summopere pertimesco ; Quæ cum sedata ac repressa intelligo, & tibi gratior, & mihi posthac certior visitabo.

De vitæ vero meæ, vt dicitis, integritate, qua me apud illum mirificè laudasti, quod secus esse is verebatur, quanquam amore fallaris, sed tamen ita prorsus existimas, fecisti quidem pro suauissima consuetudine tua, qui & de te cæteros metiri soles, & me, quem ità diligis, optimè de te meritum arbitraris ; atque in dies prædicas. Ego enim cognoui te quidem gratissimum omnium, idque nunquam destiti prædicare, neque verò tu mihi habuisti modo gratias, si quid ego de sola beneuolentia erga te mea meritus sum, verum & eumulatissimè reddidisti. Quamobrem reliquis tuis rebus omnibus, pari me in te studio, & amore, eademque voluntate, atq; ardore, quo erga te esse soleo, recognosces. Plura in hanc rem scriberem, nisi perspectum apud me, & exploratum diligentissimè esset, haberi inter nos, quam dici gratias oportere.

Oratiunculam meam de Corpore Christi,

Christi, quam & elegantem, vt dicis, & eruditam, & grauem, summis quoque precibus obsecras, vt verò ipse sentio, impolitam, & tenuem ac subrusticam, cum primum librarius, qui mihi se illam scripturum pollicitus est, eam absoluerit, & si stylo ineptam, saltem diligentissimè emendatam, ad te perferri faciam. Si quid eruditionem tuam in ea offendet, & ignorationi meæ, & pudori attribues, quo mihi iuben-

tibus, vel ineruditè nolui non parere; sin verò aliqua ex parte oblectare, in primis Deo, deinde *Eloquentissimo Guarino Veronensi gratias habendas*, (4) existimabis. Nam ipsius præceptoris mei nobilissimi, & opera & industria factum est, vt si quæ ea digna res est, ego illam conficere, & scierim, & potuerim, & hortatu, ac voluntate, & iussu id venit, vt vel inuitus voluerim. Vale ex Verona 1422.

## N O T A E.

### Nota I.

*Integerrimum Ordinis mei fratrem Angelum Thuscum*, nihil in hoc viro laudando mentitum, nihil illi adlatum Albertum fuisse testantur, quæ de eo scripsit Vvaddingus tom. 6. anno 1405. n. 21. & ad ann. 1455. n. 93. quibus locis eum Angelum à Ciuitella agri Aretini vocat, & fratrem laicum fuisse docet, sed tantæ prudentiæ, & sanctimonix vitæ, vt Prouinciæ Thuscicæ obseruantum Vicarius bis, terque præfectus fuerit, quam summa integritate gubernauit. Et post relatas alias eius virtutes, corpus ipsius quadragesimo secundo post mortem anno, integrum, hærentesque capillos cõspectos fuisse narrat.

### Nota II.

*Cum ego in Etruria, illius cura commentatus existerem*. Oportet Angelum Alberti olim seuerioris disciplinæ Magistrum, & Spiritus directorem extitisse, cumque illi à S. Bernardino commendatum fuisse, vt amplius explicant, quæ ibi, & quæ sequenti nota exprimuntur. Ne mirari quisquam debet, laicos fratres asceticis doctorum alias ordinis tyronum exercitacionibus aliquando præfici, qui in schola orationis per vnum diem plus discunt rerum

cælestium, quam alij per multos annos in publicis Academijs. Talis Magister Ioannis Capistrani tyrocinio præfectus est, post quam celebris ipse I.V. doctor, multa eius professionis opera edidit & in Vicaria Neapolitana multo tempore ius, ex officio iudiciario dixit: talem sibi ex nostris spiritualis vitæ rectorem S. Franciscus Borgias, adhuc secularis, & vitæ sanctimoniam insignis, assumpsit, quo ipsum plurimum profecisse, nos alibi fusius docemus. Tales multi in Ordine Franciscano nunquam defuerunt, & etiamnum hodieque sunt. Quid acciderit Sancto Augustino simplicis Antonij vitam audiendo ipse doctor enarrat lib. 8. confess. cap. 8.

### Nota III.

*Vt cui non ante probaretur meum consilium*. Id est latinæ, græcæque eloquentiæ operam dandi. Sic superiori Epistola suspicatus est oratoria sua verba Antonio Florentino displicuisse: Meruebant quippe illi Serui Dei, asceticæ vitæ & moralis, mysticæque doctrinæ, magis quam prophanæ eruditionis & eloquentiæ Zelantissimi sectatores, ne iuuenis Albertus amoenitate ingenij sui, & sæculi eruditorum, Ethenicorumque authorum consuetudine, piagnedinem Spiritus, quo illum imbuerunt, in prophanæ eruditionis, & elo-

eloquentiæ studium conuerteret; at eum intellexissent, eum ita eloquentiæ studere, vt multum fructum in eo faciens, Cypriani, Augustini, Hieronymi, exempla sectando eloquentiam suam in sacris rebus exerceret, tunc magnopere læti, vt ipse loquitur, eius consilium probarunt. Et certe utilitatem inde senserunt, cum ille eius dicitatem, eleganter, & neruose retunderet, qui ordinem penè vniuersum vituperare cõatus est, aliaque eodem stylo conscriberet, quæ ordini ipsi & christianæ populorum disciplinæ, & Ecclesiæ rotius bono multum conferre poterunt, semper interim regularis, quam profitebatur, obseruantia tenacissimus. Immo magis in eos palam inueheretur,

qui per gentiliū blasphemias phrasas, & detestandum aliquando scriptio- nis argumentum, eruditione, & eloquentia, quibus alioquin prædici erant, abusi sunt.

## Nota IV.

*Guarino Veronensi gratias habendas existimabis.* Hic iterum suum latinitalis profectum à Guarino acceptum constanter refert: Quamquam ego ipsum, priusquam ad Guarinum secundo accessisset, non parum in latinis literis profecisse vel indè colligere mihi videar, quòd harum Epistolarum aliquæ eodem ipso tempore, scriptæ ab eo fuerint.

## EPISTOLA VI.

FRANCISCO BARBARO.

## ARGUMENTVM.

*Literas Francisco ad Nicolaum Nicolū tuò mittendas commendauit, quas iste à se receptas negat, & apud Franciscum queri rogat, quapropter Albertus nunc secundo Franciscum, & silentij erga se, & erga Nicolaum negligentia arguit, rogatque, vt quasitas literas apud eos quibus Franciscus eas fortè commississet, vel ad Nicolaum, vel ad se, remittere velit. Guarinum laudat.*

**P**oliteaquam mearum primas ad te scribere cœpissim, suauissimi atque præstantissimi antiquitatis authoris, *Nicolai Nicolī nostri*, (1) ex Florentia literas accepi: in his cum multis de rebus me amici more admoneat, tum de vna maximè, quam ad te vult significem, magnopere queri mihi videtur. Nam cum ego ad Guarinum nostrum Græcæ & Latinæ eruditionis fontem, pro illius mira doctrinarum copia ebibenda, *Idibus Septemb.* (2) Veronam proficisci con-

stituissem, & ad te per eum nostri Ordinis charissimum fratrem, cuius alijs in literis mentionem feci, & ad Nicolaum per te illi mittendas, longas ineptiarum mearum, vt pro illarum merito loquar, literas dedi, hoc cur facere ausus sim, vt te tanto viro tunc mihi tabellario vterer, quem plurimi facio, breuibus accipe.

Cum enim superiore anno, vel negligentia tabellarij, vel eius culpa, cui mittendas commendaueram, nunquam eas, quas ad se dederam,

Nicolaus redditas accepisset humanitati tuæ summoperè confusus, apud quem mihi plurimum licentiæ vendicare non veritus sum, alias non minus longas, quæ tua diligentia, tunc illi redderentur, ad te etiam, minimè obsignatas mittere, quod & feci, confidentissimè statui. Verùm & eas ipsas sibi non redditas, velut ægrè ferens, satis apud me, quiritur. Hæc res quid intercesserit, vt ita accideret, vehementer admiror, cum is frater, per quem ad te perlatas esse eius literas certior factus sum, te illas misisse, velut ex te acceperat, & testimonio sit, & certissimè profiteatur. Itaque cum à me longè absit, vt hoc te industria fecisse existimem, solum te precor per Dominum, vt an obliuione aliqua id à te prætermisum sit aduertere cures, ac cum illas inueneris, si fortè apud eos recuperare possis, quibus illas commiseras, vel Nicolao, cui deferri debent, vel mihi,

cum ad Guarinum scribis, mittere non graueris: vale mea suauitas, & me ama, qui admiratione quadam virtutis sic te diligo, sic te veneror, sic colo, vt nec amori meo in te, nec existimationi, nec cultui, aut honori, & reuerentiæ quicquam possit accedere. Cogita, cogita, te mihi sæpe dixisse, quod tenacissima memoria fixum teneo, conseruo, nunquam te in amore superari, nunquam vinci solere, quin potiùs nonnunquam in amicitia torpentes complures ad benevolentiam prouocasse. Illud præterea Ciceronis, finem iam faciens, reminisci te velim, nihil minus esse hominis, quam non respondere in amore, his à quibus prouocaris. Eset siquidem, tunc Barbari potiùs, quàm hominis; vide ergo ne Barbarus fias, cum, tamen alium, quam Barbarum, sed humanissimum, vt soles esse, te nolim. Iterum vale ex Verona 1422.

---

N O T A E.

Nota I.

*Nicolai Nicoli nostri.* Insignem clarissimi huius viri morum & eruditionis memoriam celebrauit Michael Pocientius in Scriptoribus Florentinis. Et laudationem funebrem illi dixit Poggius, qui eius opibus & consilio in literis profecerat. In qua laudatione hæc inter alia protulit: *Operam dedis (Nicolaus) vt Emanuel Chrysoloras Constantinopolitanus Græcorum omnium facile Princeps in banc Urbem (Florentiam) legendi gratia accerfretur, verissime mihi videor posse dicere etiam bis, qui illorum temporum memoriam tenent, approbantibus Nicolai maximè vnius verbis ac sollicitudine Græcas literas longè*

*post in Italiam reductas. Quæ quantum utilitatis nostris hominibus attulerint, tum ad eloquentiam, tum ad plurimarum rerum scientiam quis ignorat? videntur præca illa tempora quibus eloquentia cum sapientia coniuncta vigeat esse hoc sæculo renouata. Ita quidquid utilitatis Græcarum literarum beneficio accepimus, vni Nicolao possumus acceptum referre, Nam à Manuele, tanquam doctrina quodam seminario, multi viri doctissimi prodire. Venit deinde Florentiam, & Nicolao auctore vir peritissimus Guarinus qui & ipse plurimum profuit ad Græcarum literarum cognitionem. Accessit deinde vir præstans ingenio & doctrina Ioannes Aurispa,*

*colai procuratore . Tum ultimus omnium Nicolai quoque opera ad nos adiit Franciscus Phileipus .* Nicolaus, vt Pocciantius ait, etsi nihil vnquam scripserit, nullum opus docti viri ediderit, tamen vt erat incomparabili ingenij felicitate præditus, Cosmographus, Historicus, & Philosophus insignis ipsa natura ad inuestiganda grauissimorum auroreum monumenta quasi deperdita & ad reuocandas in Italiam, longo postliminio Græcas literas quasi emortuas est progenitus . Quod quomodo præstiterit Pocciantius ipse fufius profequitur . Non desuit attamen pro corrupta quorundam illius xui consuetudine, qui turpem profectò inuentiuam (quam naufeabundus ad bonum finem perlegi) flammis quam luce digniorem impotentis animi partem in eum euomuit relictis, quam edidit . Erat Nicolaus & bonus, & eruditus viris, sic Alberto nostro amicus, ac propterea Poggij in Religionem opprobria, ad se missa confestim ad Albertum transmisit, quamuis vel ab ipso Poggio vel aliunde prius allata, quæ causa fuit, vt Albertus vicissim sua ad Poggium responsa Nicolao cum alijs suis remisisset,

## Nota II.

*Idibus Septembris .* Hinc habemus hoc anno 1422. Mense Septembri Albertum Veronam audicum Guarinum, idque non Græcas tantum sed Latinas etiam literas proficentem accessisse qui annus ætatis Alberti fuit 37, illum Græcas literas à Ioanne Lascaro didicisse, refert Marcus Vlißsponensis; sed Lucas Vvaddingus ab Emmanuele Chrysolora. At ipse Albertus tacitis horum nominibus solum Guarinum Veronensem, suum in vtraque lingua Latina, & Græca præceptorem proficitur . Ego verò quidquid de Lascaro dicatur, cum Vvaddingo censeo, Albertum Græcæ linguæ rudimenta saltem à Chrysolora didicisse, in eaque proprio studio, & capacissimo ingenio cum Nicolai Nicolij aliorumque doctorum hominum consuetudine in ea profecisse vt de latina prius notauimus, idque penè à puero vt ipse affirmat Epist. 20. Ad Guarinum autem,

se conculisse, vt vtriusque linguæ nitorem & copiam adipisceretur; quod & ipse significasse mihi videtur, tum Epist. 3. vbi se eloquentissimo Guarino præceptore fretum, vt loquitur, Oratorijs verbis vsum fuisse fatetur, cum reliqua omni ætate mea, inquit, eis nostratibus, & sane vilibus me vt solitum tu optimè quidem noris . Quod tamen si ita censes, vt me siue is doctissimus sanè vir erudierit, siue ego flumen ex eo eloquentiæ vsque adeò mea studiosissima diligentia hauserim, vt tanta mea industria dicendi copiam, atque elegantes grauium verborum sententias me comparare potuisse tibi persuadeas; ego summo illi Principi gratias agam à quo tam egregio ingenio præditus sum, vt tanti æstimari tuo iudicio possim . Et hac ipsa Epistola 6. nam cum ego ad Guarinum nostrum Græcæ & Latinæ eruditionis fontem pro illius mira doctrinarum copia ebibenda Idibus Septembris Veronam proficisci constituissem, & Epist. 8. vt illius viri clarissimi doctrinarum, maximeque Græcarum vbertate ditarer . Aliud enim est libere doctrinam, quod prius fecit, aliud doctrinarum copiam ebibere, & vbertate ditari, quo apud Guarinum consummatus euasit . Quod Græcas literas attinet id mihi nimium difficile videtur, vt nisi eas prius didicisset, potuisse eum per non integros decem menses, hoc est ad Kal. Sextiles anni frequentis per quos non amplius Veronæ Guarinum audiuit, illam eius peregrinæ linguæ perfectionem consequi, vt Græci illum in Concilio Florentino dicentem in Græcia natum crederent : cum ergo per ætatem & loci commodum potuerit Chrysoloram Florentie docentem audire, dicendum censeo id factum, ac postea vtriusque linguæ eloquentiam à Guarino hausisse : nec me moratur de ceteris Alberti silentium, qui sub Guarini ferula hæc ipsa scribebat, & aliorum studia cum Guarini coronide comparata non æstimabat . An propterea dicendum existimabimus Religiosum Clericum ab adolescentiæ professum, & sacerdotem ætatis annorum triginta septem acri ingenio, doctrinæque auidum, nullum vnquam seu

Latinæ, seu Græcæ linguæ præceptorem audiuisse? Maneat ergo Chrysoloram Græcæ & alios Latinè docentes audiuisse: sed utriusque linguæ verba,

Rhetorica, & copiam atque elegantes grauium verborum sententias, vt loquitur, à Guarino sibi comparasse.

## EPISTOLA VII.

ANTONIO FLORENTINO:

## ARGUMENTVM.

*Julianum adolescentem, de quo primam Epistolam scripsit, cuiusque maximam curam gessisse videtur, in Antonij contubernio esse gaudet, eiusque salutis curam & adolescentia custodiam illi obnixè commendat.*

**N**Vper mihi renunciatum est, Julianum nostrum apud te esse, qui sit cæteris cum fratribus Patavij pro studio augendo moram facturus. Quæ res quam gratissima mihi fuerit, sane dicere non possum. Hoc tamen te scire volo, longè abundantissimè, plus me de illius istic tecum mora gaudij accepisse, quam tristitiæ ac doloris, qui profectò maximus fuit, de illius mora Venetijs acceperam. Quare si quid ego vel gratia vel auctoritate apud te possum, illum omnibus in rebus, quæ saluti suæ conducunt velut me ipsum commif-

sum habeas velim: scis enim in eadem pubescentis adolescentiæ ætate, campus vitiorum quàm latè pateat, quamvè illius conditio magnis exposita periculis nutet. Quæ quidem omnia sollicitudine, consilio, opera, ac studio tuo, qui, vt spero, diligentissimè erga eum inuigilabis, adolescentem nostrum, cui bona quæque exopto, Christi comitante gratiæ eualurum esse confido. Maximum beneficium mihi præstiteris, Antoni mi iucundissime, si huic in illum honesto meo desiderio non defueris. Vale ex Verona 1422.

## EPISTOLA VIII.

NICOLA O NICOLI.

## ARGUMENTVM.

*Albertus mentem ac desiderium suum ad eundem Guarinum, ad Græcarum præsertim literarum vbertatem ex illo comparandam aperit Nicolao, ipsius sententiam amicè petit. Guarinum deinde eiusque docendi studium, suauitatem, artificium, patientiam & laboris fructum discipulorum copiam & eruditionem laudat: utilitates denique Græcæ linguæ addiscendæ exponit.*

**I**Dibus Septemb. cum post reuersionem è Florentia, ac reliqua Etruria, ( 1 ) Patauium ( diebus aliquot primùm in itinere prorogatis ) me contuliffem, de sollicitudine mea, quod ab imperitiffimis, nescio quibus, commoda præstantium studiorum mihi præriperentur; quodque summa auiditate eruditiffimum Guarinum uisendi, uelut immensis tum ardoribus tum uerò angoribus cruciarer, longiffimas literas ad te dedi. Statueram equidem, ut ad te scripsi, sententia quidem tua, quæ mihi semper existimationi maximè sane fuit, Veronam quamprimùm possem, omnibus posthabitis proficisci; ut illius uiri clariffimi, & amicitia fruerer, quam in summam beneuolentiam prouenturam non dubitabam, & doctrinarum, maximeque Græcarum, uertate ditarer, quæ post omnes studiorum labores, quos in eis consequendis perpeti oportere non eram nescius; cum magnæ uoluptati tum incredibili fructui esse possent. Quæ profectò cogitatio, atque spes, & beneuolentiæ ad amicitiam, & solertiæ in me illius ad eruditionem comparandam, posteaquam uirum illum conueni, haud quaquam sefellit opinionem meam. Talem profectò, mi suauiffime Nicolaë, illum erga me indies experior, cui neque in docendo benignitas, neque in me perferendo ullum patientiæ genus desit. Ita enim rei nouitas, ac difficultas peregrinæ linguæ ediscendæ me mouerat, & quod eius amaritudo, quæ felle aspergebat omnes græcas suauitates, ita desperatio me fortiffimè perterruerat, ut mihi de futuro penè prorsùs diffiderem; cum primùm ita uehementiffimo labore

me grauari cernebam. At uerò contra, humaniffimus Guarinus, & in me releuando, & concitando, quam ingentibus calcantibus ueretur quis dixerit? Artificium enim ingens illius, quo illas, de quibus loquimur, græcas literas faeilus omnes discipuli sui imberemus, mira cum arte adhibuit. Tolerantiam deinde ad nos rudes futuros græculos ferendos, apud illum cum fortiffima patientia uidimus, facilitatem postremò eius uiri: cum quemquam è discipulis aduersus græcum stridorum stomachari conspiceret, tam singularem ego ipse expertus sum, ut ob hæc omnia nemo dumtaxat ex sæculi hominibus, neque illo maior, quantum attinet ad rem istam, neque par, si quod ualde pro illorum uirtute animi opinor huius temporis eruditi ferant. Hac enim nostra ætate inter latinos, ne dicam inter græcos, hoc in genere eruditionis, mea quidem sententia, nemo aptior, nemo liberior, nemo solutior, liberalior, doctior est. Mentior si non te ipsa uera, quod dico in dies emulatiffime comprobatur. Quis enim eque, ut Guarinus noster, Nicolaë chariffime, ut tu optimus testis es, gregem quidem ob copiam, sed tamen egregiorum discipulorum, nobis ex omnibus doctis, labore literario, in Italia pepererunt? Taceo complures, cum de uiuentibus, tum uerò multò magis de his, qui mortem, ut spero bonam, iam diutius obierunt. Franciscum tantummodò Barbarum, Leonardum, Iustinianum, Andream Iulianum, doctos uiros, & nobiles Ciues Venetos, prolem Guarini ad eruditionis præstantiam capefcendam, ne diutius immorer, commemorasse sufficiat. Multa præ-

terea dici possent de hac vna re, cum sit locus amplissimus: sed ego inter omnis Guarini laudibus, quas verbis consequi non possem, ad me redeo. Bono animo sum mi Nicole ad has literas Græcas comparandas, cum ardore animi, ac semper imprimis propitio Christo, tum verò ipsius Guarini continua instantia, atque fortissima validissimarum illius rationum, extorquente persuasione, nedùm à nobis impetrante, quod cupit, vide quomodo mihi surrepit, vt quem obmiseram rursus loquenti se offerat, & de quo loqui cessaueram is ab integro diligenti occurrat; sed hoc habet amor, vt quem dilectum silentio præterire constituit; de eo non possit, vel interrupto ordine sermonis, non loqui, præsertim cum castissimis integrorum hominum officijs superatur. Is enim in dies ante oculos omnibus ponit, quàm sit honestum hoc genus occupationis, quo auocamur à vitijs; quam pericundum, cum ipsa veritas eruditionis, digna libero homine oblectet mirum in modum animos, at contra ignorantia semper ex cruciet, quam denique sit vtile futurum, non nobis solis, tum ad maiorum scripta aptius capescenda, tum ad sacrarum literarum, quas quisquis est Christianus, toto animo amplecti, meditari, diligere, venerari, colere, ac tucri debet, & eruditionem facilius comparandam, verum etiam

Christianis omnibus, tam mediocribus, quam præstantibus. Quibus nos ipsi, & viuentes verbis consuleret, & morientes scriptis nostris relictis in quibus viuimus, semper adesse, ac postremum iam mortui, atque excellentissimis præmijs, apud summum, piumque donati bene, beateque semper, non solum viuere beatissimam quidem vitam, sed etiam suauissima, atque æterna deuincti in Cælis societate casti, frugi, pudici, sobrij, iusti, fortes, prudentes, sani, pulchri, læti, pacati, & alacres, & quod est longe præstantissimum; summa felicitate, beati tandem aliquando conuiuere mereamur. Cum iuxta propheticam sententiam, *ij qui ad iustitiam erudiunt multos, sint quasi stelle, in perpetuas æternitates futuri*. Tu ergo mi Nicolae, cum idem sentias, si nie sponte currentem, tuis literis ad hæc adiumenta sapientie, Græcas dico literas conquirendas, concitatioreni fore, tuo grauiissimo iudicio censes, id quam primum, conficias, oro. Impertiet enim hæc tua diligentia mihi vel hoc vnum, vt si quidem ad id Negotij non fiam audior, cum profectò incredibiliter ardeam, nequaquam tamen ad præclara studia fiam remissior. Quod certe non firmis animis solere accidere non semel sed sæpe numero vidimus. Vale ex Verona 1422.

---

N O T A.

*Post reuerfionem è Florentia, & reliqua Etruria.* Reuersio hæc indicat, Authorem prius Paduæ vixisse, fortassis in studijs Theologiæ, Collegij

Sancti Antonij, quæ etiam imperitissimos quosdam sibi præcepturos metuebat, vt proinde immensis ardoribus & angoribusque se cruciatam quereretur.

Res

Res esse potuit, ut Albertus in illo insigni collegio Parauino Sancti Antonij scholasticæ Theologiæ auditor esset, & per æstiuum tempus intermissis scholis, parentes, & amicos, Florentiæ & per reliquam Etruriam inuississet, reuersus autem Paduam, detexisset aliquos minus idoneos, qui alijs medijs, præter merita commoda præstantium, ut ipse loquitur, studiorum ipsi præciperent. Vnde ipsius sollicitudo, & angores; vel

certe intelligit studia, quæ apud Guarinum ardentè cupiebat, à quibus alii qui simplices, & imperiti, ipsius regularis obseruantix, alias boni, & deuoti zelo, ut credebant, bono (quod antea tetigimus) ipsum impedire cupiebant, vnde hinc inter ardorem desiderij, & angores impedimenti cruciabatur, ac proindè à Nicolao viro erudito, prudenti, & amico consilium, & solatium optabat.

## EPISTOLA IX.

GVARINO VERONENSI.

ARGVMENTVM.

*Albertus, ut Franciscum Barbarum, & Bernardinum Senensem conuinciret, Veronâ Taruissum digressus est, ibique benè habitus utriusque amicorum suavis statuit Bernardinum prædicantem sequi, quem hic suis laudat: Huius consilij sui rationem Guarino præceptori reddit, & ipsi & Græculus, ut vocat, condiscipulis suis humaniter valedicit.*

**C**Vm Septimo Kalendas Sextiles istinc abyssum, (1) humanissimum Barbarum nostrum, dignissimumque Prætozem, atque ætatis nostræ apostolicum virum, clarissimumque Christi oratorem Sanctum neci ordinis Fratrem Bernardinum visendi, & vtrorumque dulcissima consuetudine fruendi gratia, Taruissum me me contuli. Quorum eruditorum, ac præstantissimorum hominum, (2) & familiaritate, & consortio, ita abundè, ita cumulatissime vsus sum, ut voluptatem, quam ex te mi Guarine egregiam, atque honestissimam capere solebam, salubrium felicitè doctrinarum, & iucundissimæ amicitix tuæ, cum me tibi amicum, quam discipulum dici malebas, per illos mihi in animo conseruari, redintegari, & augeri sen-

tiam. Quo circa Bernardini consilio confirmatus, ad quem pro vitæ integritate, summa fide afficior, optimum factu censui, si eum virum imitatus, quo pergeret, quouè illum dux eius Christus deduceret, vna ego ab illo erudiendus, vel menses aliquot proficiscerer. Quam sanè rem eo liberius, atque iucundius, perficiendam aggredior, quæ & honestissima est, ac magnopere conducibilis, & eam suavissimo Barbaro nostro plurimum probari intelligo; tu si idem sentis, idque mihi significes, nouum calcar grauissimo iudicio tuo, mihi adhibiturus es, quamquam satis exploratum habeam, hac de re, cum tibi scribendum esset, tua sententia quid decerneres, maximè verò, cum illius item sententia, res ea mihi, de qua loquor, admodum

persuasa sit, à quo ne in maximis quidem rebus, te facile dissentire solere, certo equidem scis: Vellem mi Guarine otium tui concedi, & eloquentiæ non minimam partem, vt scribendo, vel mediocriter consequi possem, quam disciplinam honestandæ vitæ, quam morum probitatem, quod magisterium virtutis, quo se ipsos homines conseruare, ac tueri possint, in dies homo integerrimus & meæ religionis, vir sane egregius, Fr. Bernardinus noster, & sapienter, & discretè præcipit. Quis ardor, Iesu bone, quibus vitibus, quæ iucunditas, quam splendidissimè, quantaluculentia, viuax illud ingenium, profus diuino munere donatum, audientes, & viuacissimè construxit, & ornatissimè oblectauit, & vehementissimè sæpè perterruit, vt etiam doctissimis viris, eum de pudicitia, ac iustitia, de pudore, de religione, de pietate, de continentia, omnique genere virtutum, eum flagrantissimè, ac mira ἡμῶν παιδῶν doctrinarum veritate orantem audierint, tantæ admirationi sit, vt nullis propè magis existiment opus esse magistris viuendi, quam sibi, qui in earum rerum disputatione versentur. Tanta præterea vi, in iracundos, cupidos, libidinosos, proteruos, ac reliqua vitiorum generapertonat, atque inuehitur, & cum res ipsa postulat, tanta facilitate blanditur, vt nullos penè, neque pecuniæ cupidos, neque inani gloriæ deditos, neque libidini adiudicatos, ad virtutem comparandam, non summa auiditate, summo ardore, impellat; ab illo siquidem vno, qui sit ita moratus, ita animo, ac vita institutus, vt ratio postulat, quique

neni scientiæ, sed legem vitæ existimet, qua aliorum saluti rectissimè consulatur, qui obtemperet ipse sibi, & decretis pareat suis, ac verbis cum vita congruentibus, ab illo tanquam præstantissimam, verissimamque doctrinam, omnes sibi velut ex Summi Principis nostri de latissimo fonte manantem dari non dubitant; quam sanè magistram vitæ, beatæque vitæ profecticem, haud dubium arbitrantur. Sed in præsentia de his satis. Non vereor Guar. carissime illa tua fretus humanitate me tibi oneri fore si abs te postulem, vt eondiscipulis meis, & te scilicet præceptore nobis clarissimo, & Christi charitate germanissimis græculis meo nomine salutem plurimam dicas, ad quos nunc mearum aliquas procul dabo dare non possum. Iacobum meum veritatis fratrem mihi dulcissimam oratiunculam meam quam de Corpore Christi, vt scis *ad populum Veronensem, anno superiori habuimus* (3) oblecto petere non graueris: quam mihi purissimis digitis suis, se scripturum sponte sua pollicitus est. Quod si eam absoluerit, solita spe te oro, vt Patauium illam ad Gasparem nostrum Cornelium mitti facias, à quo facile eam mihi reddi posse confido. Postquam Bernardinus Feltrensis, ac Bellunensibus prædicarit, ad quos postridie proficemur, tum quam primum *Florentiam versus ire pergemus* (4) Tu igitur si quid me autoritate illic apud quempiam tibi amicorum, ac familiarium, pro te fieri voles, tuis literis, quas Gaspari ad me perferendas dabis, quasque summa auiditate expecto, me facies certiorum. Quantas tibi & quales Bernardinus salutes, per has meas dici velit, quamue te plurimum

rimum valere optet, atque exoptet, vt suo sensu cupit, ita meis verbis dicere non possum. Vale colende

mi Præceptor. Taruisij 4. Nonas  
Septembris 1423.

## N O T A E.

## Nota I.

*Cum 7. Kal. Sextiles istinc abijf. fem.* Ex Epistola 6. & 8. nobis constat Albertum Idibus Septembris anni 1422. Veronam ad Guarinum audiendum accessisse, ex præfenti autem Epist. 9. habemus eum 7. Kal. Sextiles anni 1423. ab eo recessisse, ita vt totum tempus Veronenfis discipulatus ipsius sub Guarino fuerit à die 13. Septembris superioris anni, vsque ad vigesimum sextum diem Iulij anni subsequen- tis, quæ conficiunt decem menses, ac dies circiter tredecim. Quo tempore an tam consummatam Græcæ eruditionis copiam ebibere, & vbertate ditescere potuerit, nisi aliquid prius didicisset, iudicent qui illius linguæ discipuli, magistrique fuerunt.

## Nota II.

*Quorum eruditorum; & præstantissimorum hominum.* Francisci Barbari, & Bernardini Senensis. Albertus à Guarini schola recessurus, & sequuturus prædicantem populis Bernardinum, hic incipit consilij sui causas aperire, ac primum quod honestissimam voluptatem eruditionis, & amicitie, quam ex Guarino percipiebat, per Barbarum, & Bernardinum sibi in animo conseruatum, redintegratam, & auctam senserit. Quod vtriusque consilio transmigraret. Quod Bernardini sequela, & in populis erudiendis imitatio, res honestissima, & maximè conducibilis esset, quam rem Bernardini exemplo, & vberissimo sermonum eius fructu, demonstrat, de quibus copiosus Lucas Vvaddingus tom. 5. ad annum 1405. n. 3. & seqq.

Sed à Bernardino ad Franciscum transeo, neque nota indignum existimo,

ipsius exemplo, veram amicitiam non esse, vel perpetuam esse debere, nec increpationibus facile violari, vt longo Francisci silentio in Alberto violata non fuit, quin eo magis exarset, vt cultum eius exigendo per binas literas, quas dedimus, Franciscum increparet, argueret, reprehenderet, & vix non re ipsa Barbarum vituperaret. At Franciscus his minimè offensus, non modò non deseruit Albertum, quin potius hoc ipso teste, amicitiam pristinam animo conseruauit, & vbi amico vtile redintegrauit, & auxit, sciebat eruditissimus Barbarus, amicas increpationes, amicitie partes esse. *Corripie amicum, ne forte non intellexeris, & dicas: non feci, aut si feceris, ne iterum addat facere: Eccl. 19. nec Albertus neglexit præceptum Domini, sciebat vterque melius esse, à sapiente corripì, quam stultorum adulatione decipi. Eccl. 7. & id sapienter tolerauit Franciscus, verùm quia sciebat etiam docente Plutareho tria ad amicitiam requiri, virtutem vt pulchrum, consuetudinem vt iucundum, vsum, vt necessarium, in lib. de amicorum multitudine, ideò quod minus est, occupationibus impediens, distulit iucundum, & quæ maiora, & amorem erga Alberti virtutem, & vsum occasione exigente, promptum animo conseruauit, redintegrauit, & auxit: quod & Hieronymus ad Paulinum posse, imò ac subinde debere docet: *Vera illa necessitudo est, & Christi glutino copulata, quam non utilitas rei familiaris, non presentia tantum corporum, non subdola & palpans adulatio: sed Dei timor, & Diuinarum scripturarum studia conciliant;* distulit ergo presentiam corporum, literarum commercium, quo absentes presentes fiunt, cetera conseruauit, redintegrauit, & auxit.*

Guarinum verò in Francisci Bernardi-

diai, & Alberti sententiam concurriffe, postea monstrauit, cum, vt in vita diximus, Ferrariz senex vt Albertum dicentem audiret, & discipulos suos ad id ipsum concieret, dicere soleret, audistis theoriam, eamus nunc auditum praxim, quasi dicere vellet eloquentiam, quam theoriam vocabat, vt medium tantum praxi, seu sacro sermoni vt fini subseruire, ac proinde illa eos vti, hoc frui debere quod Albertus Bernardinum sequendo facere constituit.

## Nota III.

*Quam ad populum Veronensem anno superiore habuimus.* De tempore, & loco quo illam orationem, de Corpore Christi habuit, vide vltimam notam nostrâ ad ipsam orationem supra.

## Nota IV.

*Florentiam versus ire pergemus.* Hoc est postquam Bernardinus Feltrensis, & Bellunensibus prædicaret: sed ex sequenti epistola clarum est, ipsum Mutinensibus interim prædicasse, eo fructu, qui in ipsa epistola narratur.

## EPISTOLA X.

MARCHIONI FERRARIENSI.

## ARGUMENTVM.

*Gratulatur Albertus impositum sibi populis tam Christianis, quam barbaris prædicandi munus: idque post Idus Nouembris apud Mutinenses Marchionis subditos auspiciatum se fuisse narrat, deleuisseque in ea vrbe perniciosas Guelforum, & Gibellinorum factiones, & pacem ciuibus persuasisse. Quæ vt perennis esset, Principem ex ipsorum ciuium desiderio hortatur, vt sua ipsi auctoritate adesse vellet, & fomentum factionum è medio tollat, eosque, etiam inuitos, in pacis studia cogat. Deinde in ludorum pestem, & longam vitiorum cæcruam, quam in Reipublice perniciem post se trahunt, grauius, & ardentius inuehitur, obtestaturque, vt illam, tum ex hac ipsius ciuitate, tum alijs ditionis sue locis propulset, eradicet, & funditus euertat. Hinc Brandelisium Mutine Prætozem Equestris ordinis clarissimum virum, tum ob ipsius propria merita, tum ob eius in ipsum humanitatem, dum Mutina concionaretur, Principis fauoribus enixè commendat.*

**N**ihil mihi vnquam, clarissime Princeps, in omni genere literarum iucundius obtingere solet, quam cum eam, quæ modo tribuitur, etiam apud Barbaros, nedum apud Christianos nobilissimam occasionem sæpè mihi præberi conspicio; quæque & Summo

Deo gratissima est, & aliorum salutis admodum conducibilis. Accedit ad gratiam, quod ego nunc ad te scribo, quem pro religione nulla sane pars honestatis magis decet, quam omnium vtilitati consulere, & ad te talem virum, mihi profecto carissimum, & amicissimum, hisce de rebus

bus literas meas do : cuius quod ad Principum clementiam attinet, nihil neque humanius, neque aptius interesse existimo. Hæc idcirco dixerim, ut intelligas primùm quantum te amem, qui cum primas mearum ad te dare constituo, eas ita rerum naturâ tibi gratas futuras censeo, scio enim quantum rebus magnificè gestis gaudeas, ut nihil à me satius dici posse existimem : deinde quantum tuos Mutinenses diligam, quibus eum tui, & eorum, tum Christi nostri amore, quantum ad mores instituendos adiutus sum, in nullo defui. Nam eum Pridie Idus Nouembris eò me contulisseni, quod tibi gratum, eis vero mirum in modum, vtile, & quod his maius est, diuinis præceptis admodum consentaneum, rectissimè credidi, ad eas factiones, quas suo more *Guelfos, Gebellinosque* (1) nominant delendas, ac funditus ex animis evertendas, eis quas Christus tribuit in dicendo viribus, flagrantissimum animum intendi. Cumque omnes, quanta sit ea pestis animorum, post aliquot dies aperta luce intellexissent, me tuadente, sed Dei maxima gratia factum est, ut à cunctis miro animi feruore, eis Diaboli dissentionibus renunciaretur. Habita deinde ad eos de pace seruanda oratione, tanta animorum concordia deuincti sunt, ut & nomen ipsum omnium dissentionum sublatum sit. Verum quo plenius epta animo concordia potiantur, eo animo sunt omnes, ut si tu eis tua auctoritate adiumento esse voles, momentum ipsum omnium factionum è medio prorsus auferant. Quanta sit ista vis charitatis inter Christianos, quæ seruata te plurimum regendis longè securius populis adiuuet; non

dubito quin intelligas, quam si eximeris ex natura rerum, nec vlla domus, ut ait quidam, nec vrbs stare poterit, nec agri quidem eultus permanebit. Quæ cum ita sint, non modeste hortari, verùm etiam magnopere obtestari velim, ut hanc amicitiz coniunctionem inter populos, omnibus rebus humanis antepone re velis. Nihil est enim tam naturæ aptum, tam conueniens ad res secundas vel aduersas. Ego si quid iudicij habeo, ita nos esse natos perspiciere mihi videor; ut inter nos societas quædam ad virtutes comparandas, & perpetua benevolentia conferuetur. Quamobrem per Domini nostri eharitatem te vehementer obtestor, ut quod te summa eum spe poscere minimè vereor, ne illorum optimis studijs desis, mihi concedere non graueris, quin potius solita benevolentia tua in me, illud tua auctoritate Mutinensibus tribuas, ut in ea re honestissima, tuo illos fauore, tuis adiumentis sponte currentes adiuues, quo si etiam inuitos in hæc studia cogeres, maiore apud Deum præmio donareris. Desino plura de hoc loqui, ne & tibi diffidere videar, & eompluribus negocijs occupato oneri sim. Illud solum adijeio, me etiam de rebus maximis, & te Principe dignis, ut spe adducor, apud te posse vsque ad eò audere, ut non minus tibi persuadeam, atque te orem, quo pestem illam ludorum, virtutum omnium voracissimam, tum ex hac tua, de qua loquor, ciuitate, tum ex omnibus omninò propulses. Cuius summam insaniam, & serpens latè virus, cuius tenuiter docto hinc facilè animaduerti posse existimo, quod hisce detestabilibus, ac

Diaboli

Diaboli turpissimis ludis eos, qui illorum frequentia coalescunt, & educantur, omnis iniquitatis procul dubio effici filios lucidissimam. o perspectu in promptu est, quod quotidie peierantes Deum ab se depellunt, & immani quæstu, si quando prosperantur, gulæ, luxuriæque deseruiunt, facinorosisque rebus facilimè assentiuntur, atque eo cæcitatibus, eo hebetudinis demerguntur, vt cum omni malorum generi dediti sint, vel sibi de tantis malis blandiri alios, vel ipsi alijs adulari non erubescant. Itaque illustrissime, & amicissime Nicolæ, ex his populis in quos tibi à Deo & potestas præbita, & cura commissa est; hoc genus mali sanè immane, & turbulentissimum eradicare, funditusque euertere non retardes. Quod quidem ita Maiorum nostrorum iudicio, sententia, & ratione perniciosum est, vt inde homines, rapiendi cupiditate exæstuant, vi ac fraude, dum vter vtri applaudit, proditoria collusionem se nudent, & charitate in Deum, proximisque rescissa, infania & belluarum immanitate furentes, ferro sæpè se trucidant, & de rem crudelissimam, blasphemias in optimum Deum, in Christum ac pudicissimam Matrem eius, in Angelos, Sanctosque omnes, ore illo vipereo ingerentes, non absint ab hæresi, qui Deum, Rectoremque Mundi, & omne Cælum perditissimis, quod ipsos attinet, contumelijs replent. Hinc boni dolore afficiuntur, hinc iuuentus omnis nefaria colluione violatur, & frangitur, dum & animam eo veneno inficiunt, vt corpus, omnemque pudicitie castitatem, honestatem, pessimo proditorum hominum contubernio, cunctis

malis addicunt. A quibus profecto nefarijs hominibus, ipsi addiscentes, vel cum non habent, quas cupiunt, pecunias, ludorum gratia, ætate teneri in vitia præcipites ruunt, vel latronum, furumque more, furtorum & rapinarum crudelitatibus se ipsos adiudicant: scque omni funditus euersa virtute scelestissimorum hominum, pellicum, sicariorumque obscenis admodum moribus pcenitus dedunt. Quo fit, vt eo vsu, ab eis vitium omne virtutis loco habeatur, diligatur, colatur, & ea cæcitate capti, cæterorum deinde corruptores, solo sint apti suspensio. Tu ergo cum non ignores, nihil esse præclarior, nihil magnificentius, optimo & clementissimo Principi; quam si pro virtute, & sibi & cæteris diligentissimè colenda, cum est opus, in eos qui refugiunt Catoniana censura, imò Christiana seueritate vtatur, magno animo aggredere, & hoc ingens malum, hanc pessimam labem ex finibus perturba, vnde & qui non resistunt, cum possint, & qui adminicula præbent, & qui inde gaudent, vel ditantur, vel suo malo inopes fiunt, omnes æterno interitu, nisi inde se abstinerint, & satis omnibus fecerint, ingentibus pcenis, dignisque cruciatibus, à Deo plecentur. Vellem latius tanti mali indignitatem, & sceleris magnitudinem prosequi: sed cum mihi in presentia minimè vacet, & apud te nimis esse nolim, de his me iam multum dixisse, volo mihi videri, cum tamen pro rei indignitate, ne satis quidem disseruisse me arbitrer.

Verum, siquidem vita suppetet, me coram de his rebus tecum aliàs loquuturum confido. Optimum, &  
cla-

clarissimum Brandelisium, Præto-  
rem Mutinensem nobilissimum,  
Equestris ordinis virum, pro virtuti-  
bus, quas in eo deprehendi, non  
habeo quibus dignis præconijs illum  
apud te efferam; hic profectò, meo  
iudicio, prudens, & magni animi,  
& quod his omnibus maius est, vir-  
tutum integritate maxima præditus,  
cum Mutinæ prædicarem, tanta me  
humanitate refouit, tanto in Dei  
verbo favore, & adiumento me pro-  
sequutus est, immò Christum Do-  
minum honorauit, qui dixit: *Qui  
vos recipit, me recipit*; vt & illum

Dei timore fretum esse claruerit, &  
te rectissimè in Christo gloriari con-  
ueniat, qui tanto orneris homine,  
cui & constanti, & iusto, & graui, &  
fidelissimo, tua omnia, & teque ipsum  
liberè possis credere, quæqua versum  
omni suspicione abiecta. Hunc ego,  
ni fallor, talem, vt dixi, virum, ea  
fiducia, quam mihi tua humanitas  
præstat, et si suo merito charum, cha-  
riorem hac mea commendatione cum  
fore confidam, & optem, & sum-  
mopere abste postulo. Vale ex *Bona-  
nia* (2) *Idibus Ianuarijs* (3)  
1423.

## N O T A E.

## Nota I.

*Guelfos, Gibellinosque*. Quam  
perniciosa fuerint istæ factiones, tam fa-  
migeratæ sunt in illorum temporum hi-  
storijis: sed, quam multi desiderant, il-  
larum originem prodit Paulus Aemilius  
de gestis Francorum lib. 7. in Ludo-  
uico IX. quem Ecclesiâ Romanâ san-  
ctum colit: pag. nobis 212. in fine, *ubi  
auorum, inquit, memoria, Siculo Rex  
Rogerius ueritus, ne si Conradus Ter-  
tius Augustus in Italiam ueniret, Regno  
ab eo pelleretur Casarum armis Siculo-  
rum dominatus semper infestis, missis  
in Germaniam Oratoribus, hostem Guel-  
fonem, Bauaria Ducem, in Casarem  
coniecit, belloque ibi confiato, ex Italia  
Duci, & suo, & ut uiribus sanctitatis  
speciem adderet, Pontificis Maximi,  
cuius se beneficiarium profitebatur, no-  
mine, ingentia misit auxilia: cum his  
signa contulit Henricus Casaris filius in  
oppido Gibellino natus: quo etiam me-  
moriam natalium, uelut gentilitio cogno-  
mine gaudebat. In hac igitur acie, Io  
Gibellino, in altera, Io Guelfo, elama-  
batur: eo bello exemplum memorabile  
coniugalis fidei mulieres ediderunt. Vi-  
ctor Casar, eum oppido capto in viros  
statuisset durius consulere, emigrare ius-*

*sit mulieres, rerum suarum iure concessio,  
quantum quæque humeris posset, efferen-  
darum. Flagrantissimus amor, & menti  
consilium, & infirmitati robur dedit;  
viros exportarunt: hoc egregio dolo se-  
captum, delusumque Casare non indi-  
gnante, victor etiam victum ducem in  
gratiam positus armis recepit, nomina  
tamen mansere, ac ex ea die serua-  
tum, ut Guelfi Pontificum, Gibellini Ca-  
sarum partes dicantur: sed iam memoria  
prope exoleuerat: Federicus Siculo res-  
stituit, ac immortales pestes eas effecit,  
quibus Italia, & uniuersa, & singula  
prope ciuitates laborarent. Ac deinde sic  
inter alias Mutinæ, donec Alberti no-  
stri auspiciatissimæ prædicationis initio  
liberata fuit.*

*Dimidium facti qui bene cepit ha-  
bet.*

## Nota II.

*Ex Bononia*. Hinc colligo Al-  
bertum, vt superiore Epistola Guarino  
promiserat, cum Bernardino Florenti-  
am iussit, nam Bononiâ illuc via  
fuit.

## Nota III.

*Idibus Ianuarijs 1423. Hic fortè Albertus veteri stylo vsus est, quo prioris anni æra vsque ad diem 25. Martij*

non mutabatur, alioquin 1424. scribendum erat, ex huius enim, & præcedentis Epistolæ 4. Nonas Septembris datæ anno 1423. narrationibus manifestum est hanc illa posteriorem esse.

## EPISTOLA XI.

BARTHOLOMEO ALDOBRANDINO.

## SCHOLIION.

*Hanc non ex Capistranensi, vel nostra Alberti Epistolarum codicibus expressimus: sed in alio nostri scrinij variorum codice separatim inuenimus: est autem familiaris, & amicum ad scribendum prouocat, non propterea inutilis, ut Nota nostre comprobant.*

**E**T si mihi pro ingentibus occupationum molestijs nulla, suauissime Bartholomæe, neque te inuisendi frequentius, neque dulcissima consuetudine fruendi facultas concessa est; Tu tamen qui liberiore secularium negotiorum aura, ne dicam procellis, iactaris, profecto absolutum te putes nolim, quo minus literarum tuarum aliquid ad me des. Tametsi enim nobis ad dulcia, & consueta colloquia tempus absit, aderit certè mihi, vel inter somnos meos, literas tuas lectitandi per exiguum temporis spatium, cum super soporati pectus dulcis tua

paginula conquiescet; dicas fortasse quales eas sperem futuras: ego quidem quod ad credulitatem meam attinget, plenas suauitatis, plenas amicitie, beneuolissima charitate, quæ me non parum tanto onere leuabunt, illas fore optimo iure censurimus. Maximè verò si mihi verum officium præstabunt. Præstabunt autem, & cumulatissimè largientur si vera illa solidæ amicitie, libertate errata mea, de quibus inter nos alias, & sæpe conuerimus, corrigas, emendes, feces, polias, tergas, exornes. Deficit. Vale *ex Sena 1424.*

## NOTAE.

## Nota I.

Nullius negotij Epistolam oppressam penè laboribus Albertum gratis scripsisse ne putes. Hic enim, nec paruus amicitie fructus est, & officium, ut qui verè amici sunt, ij profectò per literas

mutua recordatione, & bonorum pariter, malorumque suorum communicatione, se à molestijs, & moeroribus absentes, tanquam præsentès, vicissim eximè recreent, & consolentur: nec frustra nos hanc Epistolam legimus, cuius exemplo, eiusdem officij, fructusque

Atque monemur, & pariter erudimur, insigni humilitate Alberti, qui scripta sua, non hac sola amicorum charitati tanquam amplioris eruditionis, & solidioris iudicij censoribus, corrigenda, emendanda, secanda, pollicenda, tergendenda, exornanda offert, & vt id faciant, veri amici officium conseruet, & æstimat: similia scripsit Nicolao Nicolo cum suam ad Poggium religionis laudationem illi misit.

## Nota II.

Ex Sena 1424. Hinc etiam in opinione confirmor, Albertum scilicet hoc tempore in Etruria, non solum Florentiæ, sed & Senis, & fortassis etiam Sarrhiani sui Bernardinum comitatum, & vt ipse ait, ingentibus occupationum molestijs, vt opinor in quotidiana, vel frequenti sanè prædicatione, detentum fuisse.

## S C H O L I O N .

Hic hæreo ambiguus, an dicere debeam intercidisse nobis tot Epistolas Beati Alberti, vt anni 1423. non nisi duæ nobis supersint, & sequentis vna, solummodo, ab anno verò 1424. ad trigessimum, per quinque continuos annos nulla: an itinere, & perpetuis dicendi laboribus præpeditum, nullas interea scripsisse. Certè ex ijs quas habemus, discimus claris verbis ipsum plures dedisse, quas non habemus. Discimus etiam aliquando scribere non vacasse. An idem nunc, vel quando alias acciderit, non scimus. Hoc sanè dolemus, plures ipsius ad alios, & omnes aliorum, ad ipsum nobis non suppetere, ex quibus heroicas ipsius virtutes, & acta præclara amplius ediscere possemus.

## EPISTOLA XII.

GVILIELMO CASALENSI.

## ARGVMENTVM.

Posteaquam Albertus Magistrum suum, & prædicandi normam Sanctum Bernardinum ex Lombardia, Bononia, Florentiam, vt prius notauimus, sub anni 1423. initium comitatus est, bucusq; semper eum in Etruria hæsisse existimo. Nec enim eius vestigia interim alibi reperio, & se per præcedentes annos Tusci prædicasse indicat Epist. 20. ad Nicolaum Nicololum, & quæ sequuntur huius anni litera serè omnes in Etruria scriptæ sunt, atque Bernardinum ipsum, sub ea tempora in Tuscia pacem Senensibus inter se, & cum Finitimis colendam prædicando persuasisse scribit Orlandus Malauoltus initio lib. 2. partis 3. Hist. Senen. Interca Ciues Viterbienses peste peioribus factionibus agitati, intestinis odijs, ac seuis cædibus, se mutuo miserum in modum trucidabant. Igitur Guilielmus Casalensis, Ordinis Minorum Primicerius, illi Ciuitati compassus, Albertum ad eos ire iussit, vt

Aa quod

quod alibi fortiter faciebat, eos efficacissima sua predicatione ad pacem, & charitatem concieret. Albertus autem, ad omnem sui superioris nutum cateroqui promptissimus, non imprudenter sanè, ren-  
tunc importunam sibi; religioni, ac ciuibus discriminosam, optimis rationibus per hanc Epistolam dissuadet, & Casalenfis, ijs ponderatis, iudicium, & voluntatem rogat, ut quid sibi denique faciendum foret clarius ediceret, vel ad Martyrium pro obedientia promptum se offerens.

**A**ccepi hesternò die literas tuas, in quibus, mea quidem sententia, rectissime arbitraris, non modo tuarum partium esse, si laboranti, ut ais, Viterbiensi Ciuitati occurras, verum etiam operæ pretium fore, si in ea opera ea Ciuitas ad concordiam reuocetur. Honestissima protectio hæc animi tui cura mihi videtur, suauissime Pater, & nihil ista tua diligentia salutaris, sed quantum ego sentio, mihi eo difficilius, quæ sit, & dictu incredibilis, & factu impossibilis, quæque nec tentari sine metu, nec impetrari sine periculo, nec extorqueri sine temeritate possit (1) ex quo fit, ut ego ipse, qui tibi, quo ad vita suppeditabit, parendum à me esse intelligo, non paruo angore, maiore dolore excrucier, dum, si non pareo, timeo tuæ suauitatis offensionem, si satis vero tibi fecero, vereor tui, mei, atque in primis Christi, & amicorum, ac totius nostræ religionis confusionem, ne dicam subuersionem. Quis enim, ut breui cuncta complectar (2) inter eiusmodi homines, nisi penitus amens, tutò se proficisci posse existimet: Homines inquam, non armatos, non togatos, non cordatos modo, sed furentes, dissentientes, proteruentes, atque intestina rabie insanientes, qui incitati furore, partium mortem vltro desperatiùs

appetunt. Quis cum eis confligere audeat, qui non vnica cæde, sed frequenti se lauciant, qui ñ in alienis, sed mutuis vulneribus concidunt? qui non antiquo, sed recenti sanguine madent, qui non extero, sed intestino, & ut ita dicam suo pte bello pertinacius dissident? qui denique non modesto, neque digno libera ciuitate, aut forti homine, sed acri, atque agresti prælio, in morem ferarum in dies Vrbe[m] cruentant. Tu ergo, qui me, ac si filium, pro tua in me humanitate iam diutius diligis, & ad me afficris, ac valde, ego vero te colo, ac veneror.

Tu tu inquam Pater, tu me miserum, atque incremem, ad hosce homines animosos, qui odiorum facibus ardent iubes accedere: Qui forte me persuadente de pace, alioquin in ipso frequentissimo hominum conuentu sese ad discordiam potius concitabunt, nata occasione tanto peiore, quanto pacatiore. Quid ni, dum enim alter alterum censebit vacuo animo, atque tranquillo esse, maiores vires accipiet audacia, ac facile ero secundus ab eo, qui pro eadem causa fouet in præsentia carceres (3) Quamobrem, ut cum venia tua loquar, & si plusculum quam deceat, non aliter tamen quam veritas habeat. Vide quid inferam, si tu me tutum futurum, ne dum illis

profuturum, inter tot aduersa existimas, procul dubio multum me diligis; quia multum de me præsumis: sin verò minùs, certè nihil me amas, quia sine fructu ad apertam periculorum impudentiam, immò verò ad insaniam profundissimam, ac naufragia me impellis. Obscero itaque præstantiam tuam per crucifixam mundi salutem, vt vel me tanto onere leues, vel si magis placeat, *Pontificis hoc mihi iussione agi mandetur*(4). Tunc accedam lætus, hilaris, alacer, ac libens; neque verò est penes Pontificem Maximum res ipsa difficilis: maiora enim quotidie impetrantur. Tibi autem cum pro tua industria, ac prudentia, tum præsertim pro tua dignitate, vel vt humilius loquar, pro tuo officio in nos, adhibitis etiam magnis ad hoc negotium adiutoribus perleue erit, perque facillimum. Habes ibi egregium Dominum *Cardinalem Bononiensem*, (5) quo cum alias de hac

re ardua verba feci. *Amicissimus etiam mihi Poggius* (6) pro me ageret longè maiora, vt fide adducor, quia longè honestiora. Nunc quia me simul scribentem, ac distantem harum tabellarij vehementius vrgent, & impugnant, festinantiamque mihi faciunt ingentissimam, his paucis finem facio, oro te ad consideranda diligenter, quæ dixi, animam adhibeas, atque haud insalubre remedium apponas: si verò solum tibi placeat vt vadam, idque tu mihi rescribere non grauaris: ecce modo me ad *Martyrium quasi proficisci existimans, ire iam pergam*, (7) si mihi pauperi vires suppeditarent opum, & non inopix, nunc ad te curforem, quendam dirigerem, vt essem de tuo animo certior. Nunc autem vt poterò, non vt volam, efficiam, ac tuæ rescripta in his regionibus præstolans ad quæcunque tua volet *Paternitas*, me accingam. Vale ex *Aretio* 1430.

## N O T A E.

## Nota I.

*Distu incredibile, et factu impossibile, quæque nec tentari sine metu nec impetrari sine periculo nec extorqueri sine temeritate possit.* Hæc & quæ sequuntur ita fuisse credere nos cogit veritatis amor, & sanctimonia vitæ scribentis, vt rectè intulerit: Vereor tui, mei, atque imprimis Christi, & amicorum, ac rorior nostræ religionis confusionem, ne dicam subuersionem. Vnde elucet ipsius prudentia, qui & ipsum superiorem, & seipsum, & Christi causam, & Rempublicam, & Religionem leuiter, vel temere, ex sola suasionem superioris, absque præcepto obedientiæ, absque spe fructus, tantis malis expo-

nere noluit ab *Ecclesiastico doctus: Qui docet fatuum, quasi qui conglutinat testam: Qui narrat verbum non audienti, quasi qui excitat dormientem de graui somno. Cum dormiente loquitur, qui enarrat stulto sapientiam, & in fine narrationis dicit: Quis est hic?* Ecd. 22-7.

## Nota II.

*Vt breui cuncta complectar, Coaceruat hic argumenta, ad ea quæ proposuit comprobanda, quæ & iustum metum, & pericula, & audentis temeritatem demonstrant, vsque adeo, vt superior præcipere Alberto amplius noluerit, imò & suadere desistit, & sane cuitare non poterat, quod sequitur.*

## Nota III.

*Atque facile ero secundus, ab eo qui pro eadem causa fouet in presentia carceres.* Causam ergo huius incarcerationis habemus, quia nimirum ille suadebat Viterbienfibus concordiam, charitatem, & pacem, quam causam Albertus post eum agere iubebatur. Quis porro ille fuerit, vel per quos carceribus mancipatus, quamquam adhibita diligentia, discere non potui, suppono tamen factum ab ijs qui pacem oderant hominibus, videlicet factioso tunc animo perturbatis, quales dum affectibus furunt, cfferantur, nec orationem admittunt, nec Deum, vel Dei Seruos, & Nuncios venerunt, aut audiunt, & quamquam in ciuili dissentione, communem Reipublice vtilitatem falso vtriusque prætexere soleant, nihil tamen non patrant eorum, quæ publicam piamque ruinam adferre consueverunt, quo auaritiam suam, ambitionem, inuidenciam, odium, vindictam, aliaque vitia, publici boni cæco intuitu, vel sictio obtentu, potenter, impotenter exerceant. Quæ modo huius generis de Viterbienfium tunc temporis calamitate profert Beatus Albertus, publico ipsius ciuitatis suffragio comprobantur, in supplici libello quem in vita Sanctæ Rosæ nostræ Viterbienfis descripsit Petrus Coretinus, & Calixto III. Pontifici nomine Archipresbyteri, Canonicorum, & Capituli maioris Ecclesiæ, atque Priorum populi, & communitatis ciuitatis Viterbienfis, Abbatissæque, & sanctimonialium conuentus, & Monasterij ordinis S. Claræ, vulgo dicti S. Rosæ, obtulerunt oratores duo, ipsius ciuitatis, aliorumque superius nominatorum ad id specialiter legati, vt eiusdem S. Rosæ Canonizationis causam promouerent. In eo enim libello narrant, illam causam S. Rosæ, per multos annos à morte Alexandri IV. Pontificis impediram fuisse, infelicitate temporum, & calamitate ciuitatis Viterbij, iterumque sub Eugenio IV. ob negligentiam eorum, quibus res incumbebat, & ob malam qualitatem accidentium, quæ superuenerant ( atque hæc sunt eæ,

quæ clarius exprimit Albertus ) ac iterum sub ipso Calixto propter noua infortunia, & miserias afflictæ ciuitatis, & grauissimas feditiones eiusdem, vt iam appareat non modo quam sæua, & grauis, sed etiam quam diuturna, indurata, & inueterata fuerit illa seditio Viterbienfium, nimitum à morte Alexandri IV. ( aut forte prius ) qui obiit anno 1261. mense Maij vsque ad Pontificatum Calixti III. cui ille supplex libellus oblatum est 1256. vt vndequaque clarum sit, B. Albertum non sine graui causa, & prudenti consideratione, censuisse pacis prædicationem, præsertim sub Eugenio Pontifice, non modo inutilem, sed etiam periculosam fore, dum ciues inueterato odio, & præsentis cæde, in se mutuo sœuissent.

## Nota IV.

*Pontificis hoc mihi iussione agi mandetur.* Tunc inquit, accedam lætus, hilaris, alacer & libens, sed cur etiam non iussione ipsius Ministri Generalis ordinis ? Quia Generalis nondum præcepit, & si præcepisset, non tanti à furibundis ciuibus æstimaretur. Nec Albertum ab eo missum magis venerarentur, quam venerati sunt alterum, qui eodem tempore ob eandem causam carceres fouebat. Quia Pontificis erat Ecclesiastici status paci providere. Voluit ergo Pontificis auctoritate fulciri qua ab ipso offendendo deterrerentur, & si quid auderent, compescerentur; vt etiam in Apostolico Pontificis Breui monerentur, Albertum pro ipsorum communi bono accedentem charitatiuè suscipere, & libenter audire. Non refugiebat laborem, sed grauius, & prudenter cauit, & sua, & aliorum damna supra relata.

## Nota V.

*Cardinalem Bononiensem.* Hic titulus absque alia personæ notitia prolatum aliquos in errorem historiz huius temporis induxit, scientes quidem eodem tempore, ciuem & Episcopum Bononiensem fuisse B. Nicolaum Albertum Cardinalem S. Crucis, atque

addo

adeo existimantes, ea verba sic absolute prolata, de ipso intelligi debere: Albergatus autem, nec ipse se, nec alij vnquam vocarunt Cardinalem Bononiensem, sed S. Crucis. Qui verò hoc tempore Cardinalis Bononienſis dicebatur, erat Antonius Corarius Venetus, qui prius Episcopus Bononienſis, inde postea Cardinalis Bononienſis dici voluit, eandemque appellationem, factus etiam deinde Episcopus Portuenſis, ac demum Ostienſis, vsque ad mortem retinuit, vt liquidò monstrat inscriptio ipsius sepulchri apud Ciaconum, in additione Viſtorelli: Et euentius ab Albergato distinguitur in vtriusque simultanea subscriptione decretorum Eugenij IV. Pontificis, & Concilij Florentini de vnione Græcorum & Armenorum cum Ecclesia Romana, quibus Corarius subscripsit sic: *Ego Antonius Episcopus Ostienſis Cardinalis Bononienſis.* Albergatus autem post illum sic:

*Ego Nicolaus Cardinalis S. Crucis subscripsi: ex editione Iustiniani pag. 318. & 374.*

## Nota VI.

*Amicissimus etiam mihi Poggius. Quæ Poggium inter & Albertum hoc ipso anno interceſerint, alix literæ huius anni inferius profereandæ monstrabunt.*

## Nota VII.

*Ecce modo me ad Martyrium quasi proficisci existimans ire iam pergam. Egregia religiosissimi Alberti resignatio ad mortis periculum, si non ipsam subire suadetur, ad eam tamen quasi ad Martyrium pergere promptum se offert, dummodo superior ordinis absolutam suam voluntatem aperiat, & obedientix vim profectio adiuuat.*

## EPISTOLA XIII.

## EIDEM CASALENSI.

## ARGUMENTVM.

*Ad superiorem Epistolam, nullum responsum accepit Albertus: Quapropter inter obediendi affectum, & malorum ante expositorum pericula, anxius iterum in idipsum scribit, eosdemque sensus aperit, & periculorum, & promptitudinis obtemperandi. Instat sibi rescribi, quid in re statuat superior.*

**O**Mnibus post habitis, per quæ debere me tibi plurimum. attribuere non sum nescius, quam breuissimè ad rem venio, scripsi nuper ad te literas meas, per quosdam nostri Ordinis fratres, qui tuas ad me attulerant, egique tecum compluribus rationibus, quantum potui; ne tibi tua sententia, de meo accessu Viterbium, ob ingentia pericula probaretur, nisi prius compertum.

haberes, eam itidem apud Summum Pontificem vehementissimè, exploratissimeque probari. Dixi præterea in illis literis voti mihi esse, tibi quam instantissimè morem gerere, modo ita censeret, ac me de tuo animo faceres certiozem. Quod vt fiat, mitto in præsentiarum ad egregiam beneuolentiam tuam duos è nostris fratribus, vt literis tuis me admonetas, quid de negotio sentias, quid

quid iubeas, quid item ex me fieri decernas, simulque perspicias, oro, rerum pondus, grauius id quidem, & sapienter, nec minus quam cautiſſimè animaduertas pericula, quæ impendent? Quid fortè mali? & quantum dispendij ſint illa ciuitati importatura? A nobis enim, ſi id vſu veniat, quo exiſtimationem non inanem, ſed ſolidam atque conſtantem, illa ipſa pericula nobis minuant, quæ quidem exiſtimatione, ſecundum Deum ſit quæque ſalubris, & à noſtris maioribus non abhorreat, etiam ſine noſtra culpa, mihi crede, vehementer, turpiter acta omnia videbuntur. Ipſe tùm præſertim ſtultiſſime paruiffe exiſtimabor. Taceo tute, quam inſulſe quam procacitèr, quam imprudentiſſimè, hoc maluiſſe fieri iudicabere. Inde in nos audebunt ſæculi homines, etiam petu-

lantes, in me verò tota ſimul malorum viciniã conclamabit. Ego nihilominus niti me polliceor, Chriſto propitio, ea gerere, ac rogare, quæ ſint ad pacem. Vtrum autem, aliena in me malitia conuertenda, ſit, me vadem futurum non ſpondeo. Quamobrem etſi non mihi præciperetur, vellem quidem, vt vel tibi ex Pontifice hoc graue negotium, ſuo nomine conſiciendum, committeretur: Quo ſaltem aſſecuto, quamquam non quantum vellet, quantum tamen aptius fieri poſſet, meus inter hæc animus conqueſceret. Tu modo pro tua prudentia, vide quid ſtatuas, ac mihi quia humaniſſimus es, id quam primum, reſcribes: Ego vero is ero, qui ſemper obtemperem. Vale ex Cortona 1430.

## EPISTOLA XIV.

DOMINICO PISTORIENSI.

ARGVMENTVM.

*Non ſolus Caſalenſis, Ordinis Præſectus, Alberto ſignificauit, ſibi videri, vt Viterbienſibus pacem predicaret; ſed etſi Dominicus hic Piſtorienſis, cui Albertus per hanc Epistolam reſpondit, cauſam ſuam etiam cum iſto agens, etſi vt videtur, eas ipſas rationes quas ad Caſalenſem prius dederat, his literis adiunctas, vt ſatisfaciat, illi tranſmiſit.*

**M**irari te dicis, Dominice ſuauiſſime, propter ea, quod acceſſum meum Viterbium diſſerre maluerim, tibi que magis videri, vt eo pergam, cum primùm facultas præbebitur; tametſi apud me, vt ais, fortè legitima cauſa induciarum non deſit. Tu fortè in-

quis mi Dominice, verùm, ne fortè falſo exiſtumes cauſam legitimam mihi deeſſe, quin potiùs fortiter, & non forte cendeas mihi non modo vnã, verum etiam complures exploratiſſimas cauſas ſuffragari, ne pergam; nihil aliud in præſentia velim compertum habeas, niſi eas

rationes quàm multas, vt mihi videretur, & quàm efficacissimas, quibus maximè commotus, superfedi negotio, atque illis ipsis rationibus, nostris Maioribus sum conatus persuadere, ne pergerem. Quas ne iterum dictare cogar, tibi que vt satisfaciam, quem credere malo, non fortè, sed fortiter, scienter, ac prudenter, me fecisse, si non accesserim; quemadmodum à me scriptæ sunt, eas subijciam, & tu illas, adhibito iudicio, ac bono ingenio tuo, quo à Christo donatus es, diligentissime perspicias. Videbis, nisi fallor, non forte, quippe qui neque fortuna, neque casu, quicquam constitui, egisse me quæ egi. Sed ne inforte, ac fortuna, idest, ne in casum ac tristem euentum inciderem, per quàm vigilantissime Christi causam, maluisse tueri, quo & tibi, ac reli-

quis amicis rubor minime ora suffunderet, & me me præterea omni ratione, quæ pro me à quoquam potuisset constari, pudor, non decore, haud quaquam confunderet. Luserim ego tecum his paucis. Utinam cum illis iocari sempiternis exultationibus, & tibi, & mihi, tandem aliquando contingat, vbi si iocus, sale; si ludus, maturitate; si omnis exultatio, summa gravitate condiuntur, nemo est certe Christianorum, qui dubitet. Habes defensionem meam longiusculam, quam putabam, sed pace tua dixerim, contra te ambigentem, quam tibi tamen gratissimam cerò scio, qui vel parvulam occasionem desideras, vt aliquid ad te scribam. Vale & me ama, vt soles. Ex Monte Sancto Aluernæ 1430.

## EPISTOLA XV.

IACOBO PERUSINO.

## ARGUMENTVM:

*Inter ea qua exposuimus, Albertus in epidemia marbum, per Italiam eo tempore grassantem incidit, eoque diu afflictus est; sed conualescens tandem nouam accipit occasionem de Viterbiensi profectioe iterum scribendi, ex literis nimirum Iacobi Perusini ad se perlatis, in quibus ipse de eo negotio, sub quibusdam verborum inuolucris, mentionem fecit. Albertus Iacobo per has literas respondens rogat ea de re certior fieri, vtque absoluta, & aperta Generalis Ministri propria ad ipsius priores literas responsio, & firma voluntatis expressio, vel prece, vel vi importunitatis obtineatur, idque alijs, quos apud Generalem esse credebat, communicatum, commendatumque voluit, vt quidquid ille rescriberet, promptissimo animo, etiam inter pericula exquireretur; quantum per valetudinem, & corporis vires liceret.*

**A**ccepi nuper librum, quem ad me diligenter, & ornate compolitum transmisisti, simul cum literis tuis, mihi quidem gratissimis, pro quibus omnibus gratias ago humanitati antiquæ, & charitati in me tuz, qui semper me, & officijs, & beneficijs obligasti, simulque te oro vehementissime, vt de negotio Viterbiensi tua diligentia fiam certior, quod quidem tute ad me, vt cum venia loquar, sub quibusdam verborum inuolucris attulisti. Mallem autem, mi Iacobe, vt siquidem apud vos est egregius Pater noster, ac præcipue meus, Generalis Minister nostræ Religionis, illum meo nomine conuenires, atque ex eo quæquam literarum suarum, vel prece, vel vi, igni, ac ferro, vt ita dixerim, extorqueres, cum id à me impetrari non possit, quo possim enucleatius, quid mihi faciendum cognoscere. Ego enim illi, cum is ad me scriberet, respondi quantum attinet ad voluntatis meæ alacritatem, & obedientiæ puritatem, ac mundiciem, eo quo volebat hilariter accessurum. Tantum mihi videri rem eam periculosam admonui, propterea quod mutua se cæde recenter ciues, & crudeliter concidissent, feci vt dixi, ac me paulatim versus Viterbium deducebam, essemque iam propius, si me non peste percussum, grauissima valetudo non parum detinisset. Nunc ergo fac tua opera, ab eo cognosceas quid factum sit,

idque mihi renuncia, atque age vt ex eiusdem ad me literis, aliquid impetres. Confer etiam de re illa, cum amicissimo mihi Magistro Galasso Neapolitano, eique exponere, quæ in præsentia ad te scribo, poterit etiam tibi esse adiumento ad rem consiciendam, si volet. Imò verò quia volet tibi, vt spero, vehementer aderit, ac me illi, & imprimis Patri Generali, plurimum & commendabis, & excusabis, quia non quasi renitens illius iussioni non parui, verum caute intuens Ciuitatis subuersionem, rationem consilij mei illi exposui. Modo videat eius prudentia, de me quid agat, cui me prorsus committo. Si me illuc eundi magno quidem onere leuabit, lætabor magnopere, & mirum in modum gaudebo: si vero me proficisci potius volet, obedientiæ sanctæ confisus, ac Christo spei non parum conferente, nequaquam accedere deterrebtor. Scripsissem hæc omnia meo charissimo Fratri Bartholomæo, nisi eum abesse dubitarem, cui has literas, & hoc negotium, si casu adest, pro virtute sua, & pro illius in me charitate, communes facio, sibi que amice scripta hæc ipsa omnia arbitretur, itidemque ipse remeam, imò Christi, ac si suam diligentissime gerat: illius me ac reliquorum Patrum, præsertim vero Gabrielis Boletani, orationibus valde commendo. Vale ex Cortona 1430.

## EPISTOLA XVI.

GVILIELMO CASALENSI.

## ARGVMENTVM.

*Albertus ad huc, qua erat conscientia tenerrime, inter syllam timoris offensus superioris & charibdem malorum Viterbiensium angustiat, has ad eum ea de re ultimas dedit, per quas seipsum totum ipsius voluntati, & prudentiæ committit, remque ita consiciendam precatur, ut nec obedientiæ suæ erga ipsum quippiam subtrahatur, nec ipse diuturnâ dilatione responsionis excrucietur; Se demùm à peste liberatum integra valetudine potiri significat.*

**C**ommendo me me totum Pater optime prudentiæ tuæ, causamq; meam, imò Christi, valde difficilem, an scilicet tua voluntate sim iturus Viterbium, nec nò, tibi tuendam profusè committo, vt ego quid sim facturus, firmâ tua deliberatione tandem aliquando ex te cognoscam; conficiet autem hæc tua diligentia, vt nec obedientiæ suæ à me quippiam subtrahatur, nec ego diuturna dilatione respon-

sionis excrucier. Ternas iam de re ista ad humanitatem tuam semper mihi colendam literas dedi, fac oro te, illa ipsa humanitate imperante, quicquam ex tuis literis ad me perueniat. Me quidem, si ita facies, quem ad diem istam peste percussum, sub ipso mortis pauore, grauis moeror affecit, sed gratia Christi, nunc integra valetudine potientem, tuis literis plurimum consolaberem. Vale ex Cortona 1430.

## EPISTOLA XVII.

EIDEM CASALENSI.

## ARGVMENTVM.

*Postquam serpens Euum in mortis damnationem induxit, postquam Cain fratrem Abeleni occidit, nunquam deinceps virtuti defuit pedisequa emulatio, nec Seruis Dei, Christi verè sequentibus, aliqua probatio tentationis; accepit tandem Albertus, vt in his literis innuitur, & in sequentibus susus exponitur, Ministri Generalis literas, quibus eum, ne Viterbium iret, sua licentia liberauit. Sed alia mox molestia insecta est, à quibusdam studiosè conantibus, vt idem Generalis ipsum ab hac à peste debilem, & pro instanti Quadragesima Cortoniensibus obstrictum, aliò predicatum destinaret. Quæ causa fuit.*

ut magno suo mœrore, se iam secundo apud Generalem excusare cogeretur, quod suo modo demissè pariter, & prudenter per duas sequentes Epistolas præstat.

**P**ervenit ad aures meas nuper, suauiissime Pater, quosdam apud te studiosè conari, ut tua in me iussione nescio ad quæ loca transmittas, prædicaturum quidem in eisdem locis, quantumvis impendente iam quadragesima: (1) Quos ego non rectè agere arbitror, quippè qui nihil de aliorum iactura atque grauiissimo incommodo, pace eorum dixerim, valdè improvidi cogitant, ut suæ vel voluntati, vel cupiditati liberius satisfaciant. Inspiciat itaque diligenter tua prudentia, ac certissimè nouerit, post liberationem, ac licentiam de me tuam, (2) ne irem Viterbium, obligationem apud Fratres nostros pro Ciuitate Cortonæ penitus à me factam, ne ipse, qui sum ad diem hanc (3) longa debilitate præteritæ valetudinis pressus, cogerer pro congruo, & apto tempore diutius euagari. Quam obligationem meam, ita sanè gratam accepit eiusdem Ciuitatis Episcopus, (4) ut eam etiam publicè, me inuito, semel atque iterum, inter prædicandum populo suo manifestaret. Si igitur tempore debito prædicandi iam iam in Ciuitate instante, tu non rectè persuadentibus annuens, me ex ea Ciuitate proturbes, turbabuntur fratres, quibus super negotio meo vadem con-

stitui, scandalizabuntur cines, qui, bus instanter rogantibus assensus sum fidei meæ sponso violabitur, ac, quod est longè molestius, ipse Præsul Ciuitatis mihi vehementissimè succensabit, cuius multò iam tempore beneficijs ita obligor, ut verbi Dei prædicandi admodum beneficentissimæ libertate, imò verò liberalitate, ac fauore, proque confirmatione iam prædicatæ doctrinæ, ac pro repressione insolentium aduersus veritatem, quam defendendo, conseruando, probando permultum adauxit, ego illi dignas gratias non queam rependere, & mea Religio, ut mihi quidem videtur, illum haud iniuria diligere debeat, & plurimum venerari. Peto ergo à te obnixius, mi Pater optime, ut ob hæc omnia te nihilo moueant aliquorum consilia, si ab eis, ut de me illis ob temperes per id tempus rogeris. Sed ex quo ligatum his ciuibus me fide & libera sponione ex me cognoscis, hoc parum temporis, te oro, me quietere sinas; præsertim verò cum idem Episcopus in præsentia sit Romam iturus, atque interim se absente gregem suum, per paruitatem meam alendum, lætetur mirum in modum consolari: Vale ex Cortona 1430.

N O T A E.

Nota I.

Impendente iam Quadragesima. Has literas Idibus Ianuarij à se datas in sequentis Epistolæ initio affirmat, post

quam iam à peste conualuit, ut iam stylo nouo, annis 1431, signari deberet. At cum author anno 1430, scribat,

bat, iam cuidens est; quod ante notauimus, ipsum veteri stylo vsus fuisse, in designando annorum numero, quæ animaduersio multam confusionem ab his eius literis abstergit.

## Nota II.

*Post liberationem ac licentiam de me tuam*, ipsa verba literarum Generalis recitat Albertus in sequenti Epistola, vbi ipsius proposito non parum inferuiunt.

## Nota III.

*Ad diem hanc*, Id est ad Idus Ianuarij: ergo anno 1430. peste pereuf-

sus est, & initio 1431. iuxta recentiorum computum, ea liberatus.

## Nota IV.

*Eiusdem Ciuitatis Episcopus*. Quis fuerit Cortonenfis hic Episcopus qui suo populo sæpe prædicabat, qui etiam Romam per Quadragesimale tempus prædicatum ibat, qui Alberto nostro tantopere delectabatur, vt gregem suum instruendum absens illi fidenter committeret, docet Vghellus inter Episcopos Cortonenfes numer: 61. vbi Franciscum de Bilijs Eugubinum, Abbatem Sancti Petri, Ordinis Sancti Benedicti Ecclesiam eam ab anno 1407. vsque ad annum 1444. rexisse narrat.

## EPISTOLA XVIII.

## E I D E M.

*Eiusdem Argumenti, sed copiosior & amalorum insidias magis explicans.*

**H**is Idibus Ianuarijs ad te *litteras meas dedi*, (1) suauissime Pater, *querimoniam meam de nonnullis*, (2) paulo quam hic, latius continentes, quod te, quemadmodum ad me ante paucos dies, quam illas scripsissem, perlatum fuerat, vehementius impellebant, quo me adhuc penè languentem, & certè superioris ætatis viribus destitutum, contra voluntatem beneuolentiæ erga me tuæ; nec minus *contra institutum tuum*, (3) diutius, ac frequentius, quam mea patiatur facultas, inquietares; quam veritus nè quæ audiueram, vera essent, scripsi ad te licentius obsecrans, ne ijs morem gereres, qui sua, vel religione, vel saltem opinione, de me tecum insensus, atque insectius

agunt. Itaque cum intera penderet animus meus: Ecce tum primum, subito nuncio consternatus sum, qui literas tuas offerens, ore simul expressit, te prorsus velle, *me Regium proficisci* (4) verè tibi fateor, dicere non possum dolorem meum, ita enim te ardentissimo amore, vel ab ipso congressu amicitia nostræ complector, vt penè dixerim, morior, cum tu aliquid mihi iubes quod implere nequeam; neque id iniuria. Percupio equidem amicitiam nostram, & esse stabilem, ac perpetuam, & in summam beneuolentiam peruenire, quam etiam ipsam pertimesco, vicissim in aliquo violari, nec putari verum, nisi ab eis qui probe omnia metientes, nulla quæ factu impossibilia sunt, in amicitia facienda, &

postulanda sanxerunt. Nam si omnia, vt Cicero ait, facienda sunt; quæ amici velint, non amicitiz tales, sed coniunctiones putandæ sunt, cum verò in amicitia, quæ honesta non sunt, postulantur, religio, & fides anteponatur amicitiz. Neque hoc dico quia tu mihi turpe aliquid iubeas, verum id ipsum, *quod alijs, vt cupis, est utile futurum* (5) quoniam præripit à reliquis honestatem, fit proculdubio indecorum: At verò cum id, quod vtile videatur, in amicitia, vt quidam ait, cum eo quod honestum est, comparatur, iaceat vtilitatis species, vt valeat honestas. Accedit etiam ad molestiam, quod ego ipse literas tuas, testes apud me habeo, in quibus cum plura mihi diceres, quæ ad amicitiam nostram, magnopere cum res Viterbiensis inter nos ageretur, hæc tandem dulcis, ac placidus, inrulsisti. *Igitur mi Alberte liberum te facio, ad quascumque prædicationes sumendas, si tuo desiderio satisfactum iri à me potest. Tecum enim familiariter agere nostra iam confirmata consuetudo facit, quia neminem mihi magis familiarem inueneram qui possit vita, moribus, & doctrina, Viterbiensis Ciuitatis periculis prouidere.* Gaudeo mi Pater, mirum in modum, & tuo testimonio, ac beneuolentia, & te mecum agere familiariter, qui agere potes, non modo familiariter verum etiam imperanter, ac fortiter, vt ita dicam, potenter tuo optimo iure vsus, pro ipsa authoritate, quæ tibi in me primum, atque in omnem nostram Religionem præbita est, verum quia te colo & veneror, mira mœstitia afficio, propterea quod non arbitror, te ea mente fecisse me liberum

ad quascumque, vt ais, prædicationes sumendas, vt si ego ea libertate vsus, quam mihi concesseras, alicui ciuitati mea me sponte ligarem, tu quidem modo properè, ac perniciousiter in ipsa iam Quadragesimæ fronte dissolueres, clamantibus latè ac passim aduersum, vt putant, fidissimam sponsonem meam, illis quibus me liberè se fruituros in publica prædicatione sponendi, non arbitratus posthac cogentes ad me nouas literas peruenturas, abs te præsertim, qui me longè ante liberum feceras, ad quascumque prædicationes sumendas, quamuis huiusce rei rumor, seu post perfectam acceptationem vtrumque apud me increpauerit. Itaque diligentissimè perspicias oro, quam vera molestia perturbor, qui prius liber à te factus, atque ob id Cortonenis obligatus, nunc literas tuas accipio, quæ nec de mea obligatione quicquam excipiunt, nec reliquas omnes molestias magni pendunt. Nonne comperit mi Pater, quod grauissima valetudine ad diem hanc pressus extiterim, eiusmodi scilicet pestilentiz, quæ penè vbique Italiz nostræ populos, de Dei nostri mira clementiauale meritis, occupauit? Ex qua mihi defecto viribus, tanta adhuc debilitas superest, vt nequam aut meis pedibus longius possim incedere, aut perpetuæ orationis, quotidianæque prædicationis, solitum laborem sine magne difficultate perferre. Quoniam igitur modo discretissime, vigilantissime, prudentissimeque virorum, ego infirmus, ego debilis, varietatem, & discrimina temporum, duriciem hyemis, acerbiter frigiditatis, vim ventorum montes niuium, profusionem, imò,

allu-

alluionem imbrum tolerabo ? qui vix verum tempus, florentemque ætatem, absque corporis resolutione, valeo sustinere. Pone tibi ante oculos iter non dico longum, maximè pro exiguo hoc tempore, sed conclusum latronibus, viasque obfessas prædonibus, si rectum iter perendum constituam: sin vero minus, peto vt tibi in mentem veniat, quomodo mea feret debilitas Alpinas difficultates, tum montibus, tum horrenda vastitate, tum hominum solitudine, tum errore viarum, tum ferarum incurfibus, tum sterilitate rerum, tum habitaculi penuria partas ? quem oportet absque ductore, & bonis vestibus destitutum, atque itinera ignorantem, non pecunijs fretum, non equo vectum, incedere, nec præ inopia aliter posse, cum vellem. Taceo de fratribus, quos socios dicis mihi adiungam, qui veniunt fere nunquam, nisi spontè, & sua quadam vtilitate sæpius tracti, vel si cogantur, remurmurantes non perseuerant. Prætereoque qui inuiti non se exhibent adiutores, vt sileam qui se exhibent destructores. Num difficultas ferendorum librorum mihi, qui nec præ manibus, nec vtiquam quicquam nummorum habeo, ad impossibilitatem meam præ valetudine, parua est ? reliqua verò omnia comparata meæ promissioni ac iam factæ obligationi, omninò nihil sunt ? Quam obligationem tuam voluntate factam, qui me liberum feceras, ad quascumque prædicationes sumendas, si modo perfringam; considera attentius quid sit dictura illa ciuitas, & quam in partem accepruri sint reliqui. Quid loquuturi sint æmuli: Episcopus autem Ciui-

tatis, quod me magis torquet, hoc molestissime fert, qui & ipse nec suscipit persuasionem, nec paruam recipit excusationem, dicens sibi hoc antea debuisse me dicere, qui non iuisset Romam, non reliquisset gregem suum, quem lætus, & hilaris, omni populo exultante, verbo Dei à me alendum mihi commiserat. Vadit enim Romam prædicaturus, qui mihi forsitan indignatus, & amicitiam repellat, & aduersum me Romæ aliquid machinabitur: obsecro igitur præstantiam tuam, vt meos angores communes pro tua charitate tibi existimes, mihi que ægro-tanti, debili, ac languenti, paulum amice compatiare, atque vt tuis verbis vtar quæ ad me pridem scripseras, meis acceptis literis studium conuertas tuum, vt mihi, non dico gratus, vt tu ipse addis, neque enim de te ita sum optime meritus, sed animo coniunctus videre: quemadmodum etiam, mihi que prouidendum, maxime indigenti, quam *Ciuiibus Regiæ Ciuitatis* (6) tibi pro mutua inter nos beneuolentia persuadeas. Illos verò consolare, vt potes: potes autem multifarie: maximeque considerent, *quid essent ipsi dicturi*, (7) si ego apud se promissione mea astrictus, eos in ipso, vt dicitur, procinctu temporis reliquissem. Me verò, vt soles, ama, & sine, si tuæ hmanitati placeat, me vires conquirere, vt vegeto corpore superioris consuetudinis labores tandem aliquando resumam. In fine hoc dico, hoc profiteor, hoc sentio, promptum me scilicet ad omnia quæ iusseris. Tantummodo instantissime per Crucifixam mundi salutem hoc vnum à te peto, hoc ex-peto, hoc exposulo, opto, atque

exopto, vt cum ante longum tempus me liberum facis, huiusmodi celeribus nuncijs me insperanter. non concidas, qui plus quam dici potest, conturbor, cum tibi impetranti negare aliquid cogor, quantumcumque ratione suffultus, sed vel paruitatem meam inter labores occupationum mearum, quos mihi pro augenda nostra religione censui subeundos (8) alas, diligas, atque tueate, vel si magis placet, vti me tuo filio, vt libet, hoc tanto ante mihi significes, vt neque sim obligatus alijs, quos mea solutione conturbem, neque tibi sim oneri, quem verè diligo, neque aduersarij, qui me obligatum in dies audiunt, aut leuitate vsu, aut violentia expulsu me fuisse existiment. Id ipsum postea fallaces, mendaces, mordaces, quaqua versus disseminantes, ac denique improuido tabellario sæpè ac multum exagitatus, nequaquam ego pro tua pietate, clementiaque exerceat. Vt vero aptius intelligas me ista scribete, non resistentis animo, sed impotentis experimento, & consideratione plura perspicientis,

fugiendique scandali causa, quod tu ipse vitari mea sententia à me cupis: hoc tandem, finem faciens, prædictis adijcio, si tibi meis rationibus moto placet, vt in his Regionibus maneam, lætabor, & maximas tibi habebogratias; si, autem post Pascha videbitur, vt quouis petgam, paratissimum profecto reperies, si verò omninò ac penitus sententię tuę est, vt modo relictis pollicitationibus meis, neglecta fama, scandalisque omnibus posthabitis, illo accedam, non grauetur tua paternitas, ista itidem mihi cuncta renunciare, & ego accinctus quamuis difficillimum iter, quamuis debilis, quamuis rumores exuscitans, lætus, libensque proficiscat. Magis enim tibi, cum pro amicitia, tum imprimis pro officio tuo in nos obsequar, quoad vitam mihi suppeditabit, reliqua omnia paruipendens, quam tuam iussionem, tuam autoritatem, tuamque dulcedinem, quibuslibet rebus, personis, temporibus anteponeus, quauis incommodorum acerbitate, ac dispendio detortebor. Vale ex Cortona. 1430.

---

N O T A E.

Nota I.

*Literas meas dedi*, Proximè præcedentes intelligo.

Nota II.

*Querimoniam meam de nonnullis*, Amulos suos indicat de quibus iterum inferius, de me tecum incensus, atque infectus agant, & postea quid loquuturi sint æmuli, atque iterum. Neque aduersarij, qui me obligatum in dies audiunt, aut leuitate vsu, aut violentia expulsu me fecisse existiment. Id ipsum postea fallaces, mendaces.

Nota III.

*Contra institutum tuum*, Valde enim inculcat, tam in Regula quam alibi Sanctus Franciscus, & iniungit Superioribus charitatem, & eorum infirmorum, ac debiliu fratrum.

Nota VI.

*Regium proficisci*. Bina huius nominis ciuitas in Italia est, altera in Brutiorum finibus, quæ cum inspiratione Rhegium scribitur, Prolomgo Rhegium Iulium dicta: Altera quam absq; aspi-

aspiratione scribendam docuit Manucius in orthographia Regium Lepidi, vel Lepidum, est in Lombardia Cispadana: Et Calepinus vndecim linguarum quorab illa Reginos, ab ista Regiones dici vult. Ad hanc ergo non ad illam Alberto proficiscendum fuisse, ipse satis indicat, cum seruata eius distincta orthographia, cum commemoratione Alpium, qui Etruriam, in qua tunc erat, a Lombardia determinant.

## Nota V.

*Quod alijs, ut cupis, est utile futurum.* Regiensium vtilitatem, cum Cortonensium causæ honestate comparat, & ex veræ amicitie regulis hanc illi anteponendam suadet.

## Nota VI.

*Ciuius Regiæ Ciuitatis.* Regiensium Cinitatem intelligit, cuius vtilitatem, & sibi maximè indigenti & Casalensi ipsi eompacienti, & ipsius angores communes sibi existimanti postponendam iteram suadere nititur: charitas à nobis incipit, vt necessitatem nostram aliorum vtilitati præponamus, & nobis ipsis prius quæ necessaria sunt, quam alijs, quæ tantum vtilia, prou-

deamus. Neque enim etiam in gentioribus laudandum est, si mortem optent, vel miseri ipsi viuant, vt proles luxuriosè vitam degant. Sensus ergo est debere Generalem, & ipsum Albertum ex ordine charitatis sibi indigenti, quam Ciuiibus Regiensis Ciuitatis non egentibus prouidere.

## Nota VII.

*Quid essent ipsi dicturi.* Illius dicti Regiensis tacitè monet: *Quod tibi fieri non vis, alteri ne feceris, vt considerent, quid ipsi essent dicturi, si Albertus libera promissione, & propria necessitate eis obstrictus esset, & eum res agenda foret, abire vellet, atque id nunc in Cortonensibus considerent, quo monito inrer alia etiam posset Casalensis ipsos vel consolari, vel Alberti amalos iniusta suadentes compefcere.*

## Nota VIII.

*Quos (labores) mibi pro nostra augenda Religione censui subeundos.* An vt Religionem à Poggij inuectiua defenderet, de quo mox dicemus; an vt alia quæ vvdaddingus indicat anno 1429. num.8. & 1430. num.3. & 4. curaret, an aliud quid, dubius sum.

## EPISTOLA XIX.

NICOLA O NICOLI.

## ARGUMENTVM.

*Cupiebant Florentini, vt hoc anno veteris æræ 1430. & nouæ nostræ 1431. Beatus Albertus Quadragesimali tempore, in maiore ipsorum Ecclesia conciones ad Populum haberet; excusauit se tunc ipse; Quare Nicolaus in mense Sextili siue Augusto præterito, per literas id ipsi vitio vertit; quibus cum tunc responderi non potuerit, nunc se excusat, quod peste laborasset. Quod autem oblatas conciones non admisset, veras causas aperit Nicolao, quarum partem in ipsum quoque reijcit. Mittitque illi recensenda aliqua sua scripta, & per latorem quadam oretenus communicanda, quæ literis committenda non censuit.*

Postea-

**P**osteaquam querimonias tuas, vt ita dicam, præterito mense Sextili anni superioris accepi, mi Nicolae carissime, non potui præ valetudine respondere literis tuis, in quibus paulùm mihi commotus visus es, quod cum prædicandi laborem, quem voluisses, Florentiæ hoc anno in maiore Ecclesia non susceperim, dicisque hoc ipsum debere mihi adscribi, qui mea dilatione pendentes animos in contrariam partem conuerti. Nihil inficior, dulcissime Nicolæ, nihil exufo, si quid tibi à me erratum videtur, sed hoc tantum de meo sensu, qui mihi quam cæteris, & quam cæterorum, notior est, tibi sincerissime, verissimeque renuncio, me scilicet ea tempestate bellorum, ea acerbitate ciuili dissensionis, ea denique pestis voracitate, quæ passim tuam indies ciuitatem depopulantur, non magnopere curare, si valdè opportunum tempus, ad rem agendam, *impedientibus fortè perditis, vel etiam gaudentibus inuidis, (1) non*

se dedit. *Musica enim in luctu importuna narratio, silentque inter arma annales.* Si verò tu contra, rectius mecum actum fuisse asseras, proficiscendo libentius, quam declinando prudentius, vt interim tibi assentiar, pace tua dixerim, in te omnis ista culpa est referenda: Tam enim parum de me præsumpsisti, vt, quod ego non prorsus negaueram, tu non vehementer asseruisti. Poteras enim, cum ita tibi videbatur, etiamsi omnino negassem, liberè, vt amicitia postulat, acceptare: quod si fecisses, tibi velim persuadeas, me non fuisse tuas sponsones aliquando fracturum: Sed de his satis. Dabit enim Dominus post hac tempus aptius, & tu interea mecum familiarior semper in amicitia conualesces. Harum portitor quædam, Scriptorum meorum ad te affert, quæ pro tua prudentia dijudicabis, atque ad me remittes, & nonnulla tecum coram de me conferet, quæ scribenda non censui. Vale ex Cortona 1430.

## N O T A.

*Impedientibus perditis vel gaudentibus inuidis.* Nemo Propheta in Patria sua. Albertus alibi semper gra-

tus, desideratusque, Thuseus in sola Etruria patitur inuidiam, sed omnia vincit virtute.

## EPISTOLA XX.

EIDEM NICOLO.

ARGVMENTVM.

*Morbum suum, conualescentiam, & consilium commentandi quidpiam aperit. De qua verò re scribendum, dum deliberat, materiam per Poggij, Nicolique allatas literas oblatam eligit. Quid de illis censet,*

feat, per istas narrat, & quod Religioni iniuriose fuerint, & alijs perniciose futurae essent, inde ad scribendum coactus, non Poggium vituperando, sed cateroqui laudando, & amicè monendo, sed innocuos laesosque laudando, se id facturum promittit, & factum Nicolai censura, & correctioni subiicit.

**N**Vper equidem, Nicolae clarissime, vt te arbitror ex alijs audisse, eram eiusmodi pestilentiae aegrotatione grauissima affectus, quae late ac passim omnes penè Italicae nostrae populos, vt reliquos taceam, (1) de Dei nostri clementia malè meritos occupauit: ob eam autem causam, id mihi vsu venit, vt quotidianae praedicationi paulò mihi esset superfedendum, quam superiore tempore, vt tu ipse optimè scis, *nostra reipublica, nostraeque Ecclesiae*, (2) indies à me habitam, nostris illius, quae sursum est Ierusalem, futuris ciuibus, quemadmodum & sperare, & optare nos conuenit. Id etenim Christianis nostris hominibus accuratius solebam impendere. Cumq; fratrum meorum charitate, & summa erga me diligentia, ac semper imprimis propitio Christo, valetudinem meam Medicorum opera, studioque curarem è vestigio, & mihi & alijs, quibus eram pro eorum virtute animi carus, nonnulla spes meae recuperandae salutis oborta est, verum quamquam periculum euasissem, essemque iam liber, adhuc tamen longiore debilitate mihi defecito viribus, à Fratribus ardentè, atque amanter consultum est, vt itentidem à praedicatione aliquanto diutius abstinerem, quo tandem commodius, integra valetudine potentem, labor me consuetus exciperet.

Ego itaque, & si rectè, quantum attinet ad rem istam, & vt mihi qui-

dem videor, tunc illis assensus sum, non censui propterea literarium munus à me penitus negligendum: sed magis scribendum esse quidpiam mihi quidem facillimè persuasi, vt etiam in otio, vel mihi calamo saltem prodessem, qui per imbecillitatem virium, coactus, voce silem, vel alijs Scriptorum meorum sedulitate, quamuis non eloquentiae dignitate, neque sensuum vbertate, proculdubio non oboessem. Ex quo fieret, vt id perparum temporis, quod reliquum superesset, sobria hilaritate lætus, nequaquam extinctum ducerem, cæteris verò consuilerem, quibus forte quod scribimus, est vtile futurum, simplicibus dico, nam sapientibus, longè maiora capescerentibus, non conducet, ac me me primùm multò magis meis contra me verbis erectius concitarem.

Cum igitur complura mihi antè oculos versarentur, quae scribenda iudicarem; essemque nescius quid potissimum primò assumerem, tùm quàmprimùm venerunt ad manus meas, & illae ipsae literae, quas ad me Poggius nuper dedit, & illae item eius viri, quas tibi redditas superiore anno, vt quid de illis sentirem, audires, tu ipse ad me diligentissimè transmisisisti. Inspexi, illas perlegi, reuolui, perpendi sæpè studiosius. Fateor visus est mihi Poggius noster paulò liberior, ac solutior, quàm non dico, Christianam charitatem, & religiosam sobrietatem, sed animo audacior, &

lingua effrenatior, & calamo festinantior extitisse; quam officiosam atque eruditam deceat gravitatem.

Tam enim aduersus Dei Seruos, pene omnes, faciliore licentia exerit eloquentiam suam, tamquæ acriter perdonat, atque inuehitur, ut quantum mihi quidem videtur, non modo innocentissimos Seruos Dei, ac reliquos omnes existimem ab eo iniuria laceffit, verum etiam vehementissimè pertimescam huiuscæ Poggij autoritate, ac eloquentia, si apud exteros à Religione literæ ipsæ peruenerint, perquam facile eosdem Religiosos vocari in odium, ac despectum iri, sæculique homines (quod est grauius) quibus forte ab inquietantis mundi turbulentissima tempestate ad tutissimum, & sanctissimum portum integerrimæ Religionis confugere voti fuerat, complures posse iisdem literis potissimum euocari.

Quamobrem non credidi, neque me dedecere hoc genus, quod pro Religione mihi assumendum putavi, neque ab re cuiquam videri, neque Poggio nostro molestum esse debere, si non in eum (cum hoc oneris aduersus illum suscipere nolim.) Sed pro veritate, pro Religione, & pro his, qui aliquando hæc nostra forsitan legent ego seruorum Dei omnium, non quidem defensionis, sed laudationi paulisper incumbam; Cum igitur ita se res habeat, Nicolæ charissime, feci, ut propofueram, ac scripsi quicquam pro seruis Dei, in eorum laudibus, quantum mihi satis est visum, valde libentissimè immoratus. Hanc itaque

quidquid illa est, quam laudationem vocari placet, antequam ederem, tibi prius haud iniuria destinandam, existimaui, quem & dictorum, & actuum meorum, atque omnium, quæ à me scriberentur, æquissimum iudicem, ac censorem penè à puero mihi constitui.

Cui si dicta mea probari videro, ad complura longè præstantiora, meum studium prouocabitur: sin. verò minùs, vel tua autoritate deterritus, ignarus ipse, tum sileam, vel quod magis arbitror fore, magno ardore animi, & diuturna diligentia, atque hortatu tuo, ad scribendum prouocatus, in dies abs te fiam limatior. Tu modo vide, quid de illa sentias, ac mihi rescribes. Quam ad te mitto, ut si tibi videtur, illam tergas, emendes, feces, polias, atque exornes.

Hoc tamen in fine Epistolæ, te admonitum volo, me in hoc otio redintegrandæ valetudinis meæ, ad hoc negotium eo libentius trahi, quo illud non tam conficiendum, quam proficiendum à me esse cognosco. Id ipsum enim iam tunc ad Poggium nostrum scribere cœperam, ut in principio Epistolæ huius præfatus sum, cum summis interdiu quotidianarum predicationum laboribus occuparer, iam vero cum mihi in præsentia vacat, & intermissum opus longo, ut aiunt, postliminio repeto, ut non tam diutius elaboratum intelligas, quam inter sospitatem meam, dum sensim valerem, properè, ac pernicipiter editum. Vale, & me ama *ex Cor. 1430.* (3)

## N O T A E.

## Nota I.

*Vt reliquos taceam.* Hic indicat non tantum Italix, sed aliarum etiam gentium populos hoc tempore pestem passos fuisse, ex quibus narrat Bzouius ad hunc annum n. 1. & 2. apud Aragonios arisse, quod autem addit noster author: *De Dei nostri clementia, male meritos*, non gentium, aut populorum distinctio est, sed ad omnes pertinet: nam pestis, bellum, & publica famas, peculiaria Dei flagella sunt, quibus populos, vel proprijs, vel Principum peccatis de se male meritos castigare solet: vt propterea Regi David cum Regni sui populum numerasset, ex tribus his plagis quam vellet electio data fuerit 2. Reg. 24. ver. 13.

## Nota II.

*Nostre Reipublice, nostraque Ecclesie.* Rempubicam, & Ecclesiam sibi, & Nicolo communes designat, quæ alix esse non poterant, quam Etrurix.

## Nota III.

*Ex Cor. 1430.* Hoc est ex Cortona, quæ Etrurix ciuitas est, in qua diximus Albertum cum Iacobinorum legatis post plures annos, Florentiam ad Concilium properantem solemniter exceptum fuisse. Cum autem hic habeamus annum 1430. quo has ad Nicolaum dederat, deest tamen dies, & mensis. Ego verò propter locorum vicinitatem existimo circa vltimum diem Ianuarij scriptas fuisse: nam Nicolaum pridie Nonas Februarij eodem anno mortem obiisse Florentix docet Pocciantius.

## EPISTOLA XXI.

## POGGIO FLORENTINO.

## ARGVMENTVM.

*Audita, quæ Poggius in ordinis detrimentum facere dicebatur, & lecta, quæ ad vituperium scripsit, breuiter exponit, lenius primum, mox acrius, sed amice hominem redarguit. Contrariam Religionis laudationem aggressus, eadem opera tres res, & factu utiles, & lectu delectabiles, & imitatione honestissimas docet, nam quidquid virtutis in claris Ethnicis esse censebatur, assignatis personis, ordine recenset, & seruos Dei, quos laudandus suscepit, illos in omni virtutum genere superasse, perpetua, & perspicua comparatione ita demonstrat, vt omnes simul vniuersæ Christiane Philosophiæ exercitationem, non minus disertè, quam grauiter, explicet. Aduersarium deinde ad aduersa prioribus tam dicta, quam facta dulciter, & neruotè hortatur, & orat, atque in pristinis persistentiâ doctè dissuadet: emendationem auctoritate, & exemplis facilem esse, Diuineque vindictæ certa alioquin expectatione necessariam demonstrat. Denique monet famam illi curandam esse, merita dum viuit acquirenda, rumores hominum fugiendos, iudicia eruditorum magni pendenda, beneuolentia perspicua deuinciendo animos bonorum. Quæ qui adipiscatur, & quanto suo id boni breuiter docet.*

**N**ON satis dicere possum. Poggi charissime, quantum equidem agrè fero, ut cum primas ad te mearum dare constituo, ea dicere me oporteat, quæ & mihi molestissima sunt, certè id quidem, & tibi fortè non multum pergrata: maximiè verò quia ita pro ingentibus occupationum molestijs, *quas quotidie predicando perpetior* (1) ab scribendo maturè auocer, ut quantum res ista postulat, loqui diutiùs concupiscam. Cum verò angustia temporis excludar, haud dubium penè silere, quàm loqui malim; aggrediar tamen ut Beatus Cyprianus ait, facultate, qua valeo.

ad. 123.

Cyp. ad Donat. Epist. 1. tom. 1.

Ecc. 1. 8.

Vid. Virg. tom. 1.

Frequens rumor de te, ad me per multos delatus, aures meas, quæ ut Salomon ait, auditu non satiantur, adeò tædio affectas reddidit, ut iam perferre nequeam, quin etiam in summis laboribus meis aliquid vel ineptissimè ad te virum eloquentissimum scribam. Inculcant aduersum te quidam, & replicant tua proorsus opera factum, ne locus ille nostræ Religionis (de quo dicam intelligis) ut cæptus erat, ædificetur, ac quod longè molestius est, futurum nonnulli suspicantur, ut id murorum, quod fieri cæptum est, demoliat, & proruat, clamante aduersum te, tota ea Prouincia, quod nullius, quam tua apud Pontificem instantia, aut factum sit, aut futurum quippiam. Quam instantiam tuam plerique, ut vulgè fit, variè interpretantur, ut dicant vel nequitia tua, vel odio Religionis, vel errore falsæ de nobis omnibus æstimationis tuæ, vel quod magis omnes penè arbitrantur, suggestu quorundam perditorum, qui hisce fratribus iniquo animo aduersantur, hoc abs te factum esse.

Accedit inter hæc omnia, quod mihi ad Nicolaum nostrum Nicolii literæ tuæ perlatæ sunt, per quas te falso culpari vehementer queris, de quibus literis, si mihi propositum esset causam eorum fratrum defendere, ac non potiùs te rogare, dicerem omne quod sentio. Mallem enim, ut hoc tantummodo apud te, & amicè, & Christianè consistear, te in cooperiendis eorum culpis, si quæ perparæ sunt, fuisse concitatiores, atque si magis putabas, in accusandis pia charitate, ac mansuetudine mitiorem. Oro te suavissime mi amice, ut æquissimo animo, quod subijciam feras, *ac me parum mordentem salubrius patiaris* (2) quam mihi adulanti periculosius compatiaris. Mallem, inquam, te in tot bonis viris accusandis, quos tamen perpaucos esse dicis, fuisse castigatiores, quam aduersus illos pene omnes, *præter fratrem Bernardinum, & me* (3) in fingendis horrendis criminibus, ac turpissimis moribus, asperiores, ne dicam audaciores.

Verè mirari satis non possum, quonam modo in tantam licentiam accusationis eruperis, ut cum scriptum sit ab Apostolo. *Tu quis es, qui iudicas alienum seruum, suo Domino stat, aut cadit: stabit autem*. Tu tamen hos omnes, perpaucis exceptis, voces simulatores sanctitatis, satores errorum, sceleribus implicatos, peruersè agentes, absque virtute, sine scientia, impudentes, insolentes, animo impotentes, superbos, qui nulli subesse velint, & parem spernentes, magis præesse cupiant. Hæc puto te reclamante animo, & conscientia accusante, dixisse. Illud verò quis

non

non stupeat? quod præter publica scelera, eis abdita, & seclusa, & domesticis parietibus obseptata tam confidentissimè obijcis, vt loca eorum non sis veritus, vel prohibente literaria facultate, & si non Christiana charitate, officinam scelerum nominare. Miror quomodo non aptius, ex quo eiusmodi ineptijs insolescere delegisti, ea ipsorum loca, & lupanaria prostituta, & probris libidinum inquinata, & turpissimum complexuum fœdata labe, tibi procaciter, & petulantissimè nominanda censueris. In quibus ipsi, vt dicis, improbi circulatores, fordidis, capite demisso, cum vulgo reproborum, tumidi, inflatique delitescunt.

Immò verò, vt cum venia tua dixerim, vt non grauiter adijcis, non in solitudine, sed in summa hominum frequentia, in locis deliciosis, amœnis, iucundis (5) voluptuosis se se immiscent. Atque vt cum gemitu, tua illa verba, talia, qualia sunt, in calce subnectam, nec proprio nomine, vt dignum est, eloquar. Qui & ipsi, vt ais, non vt menti vacent, sed corpori, rectius ventri dixisses. Nam quod dicis, nectare illo, nedum exteros, peregrinosque allici, sed etiam ciues tuos suauius delectari, valde eisdem ciues, quam sint homines frugi commendas, dum non solum hi sunt, qui non continentur, non sobriè, non seuerè, vt naturæ dignitas postulari viuunt; sed potius illi ipsi, vt mihi quidem videtur, temulenti, & vt ita dicam, meribibuli, abs te secretius appellantur.

Quod verò ais, potum illum esse Iouis nectar, siquidem ioco magis, quam ex sententia tibi hoc dicendum

censuisti, nihil te incuso, qui forte gentilium literarum facetijs delectatus, illorum sententijs velut porcorum siliquis, id quod de prodigo filio Evangelica autoritas personat, tuum ventrem, quamuis inaniter, satiari maluisti. Te inquam in hoc genere nihil culpo, quod Poetarum, Oratorum, Historicorum, ac Philosphorum sententias vel legas, vel tuis scriptis inferas, si modo inter legendum nihil ipse nocere, si scribendo nihil alios lædas, quæ & se te imitari debere arbitrentur; & te his iudicent nimium delectari, atque eisdem Ethnicorum literis, plusquam oporteat, & quam deceat, attribuere. Si postremum nihil in te fidei, nihil autoritatis, & veritatis, & charitatis ad scripturas sacras, Paganorum frequentiore lectione, attestatione, scriptioeque minuatur, quod an fieri possit in te, tu ipse videris. Ego verò in mei similibus, nisi difficile fieri posse, non video.

Si igitur tam continenter, vt perstrinximus profanas literas colas, vt dicere cœperam, non te accusem: nam hæc quæstio de externorum sententijs, cum Christianarum literarum mundicie miscendis, atque interferendis, à doctissimis Ecclesiz viris, ac maximè apud Hieronymum nostrum elegantissimè absoluta est in ea notissima Epistola, quam eum ad Magnum Oratorem Urbis Romæ scripsisse non es nescius: at verò contra, si seriò potius, quam iocando, potum illum esse Iouis nectar conscripseris, & si de hoc sentire, quia Christianus es, neque sanè aliam ob causam, minimè ausim, si tamen forte id sentias, penè dixerim, nihil aliud verius sentire mihi videris, quam quod Iouem Deum tuum esse

L. 15. 16

Tom. 3. Ep.  
14. ad Mo.  
L. 1. 1.

confirmes. Neque enim nisi tribus subiectis his modis vsu scilicet, iure, & conditione, aliquid alterius esse dicitur; vsus autem, aut inalus est, qui loquendi latiore consuetudine abusus nominatur, aut bonus, qui & ipse rectus vsus vsitatius dici solet.

Eliquata igitur ratione, ac sententia vnum horum conficitur, vt si abusu potum Iouis esse sentias, præclarè, & verè dixeris. Fuit enim, sicut vitij reliquis Princeps, sic omnes quoque gulæ ebrietate, ac crapula debacchatus: si autem recto vsu, suum dicas potum, falsum id quidem sit, atque absurdum: nam quis rectè vtetur, si eum abuti concesseris? sicut è contra nemo rectè vtens abutitur eo, quo vitur, sin-

verò iure, vel potestate sit eius potus, idque tu asseras hoc turpiter desipis. Quo enim pacto suum esse nectar existimes, cum nec ipse quidem suus extiterit; Sed vitiorum, sed Dæmonum, sed omnis iniquitatis seruus. *Qui enim facit peccatum, seruus est peccati*, vt veritas ait, quod si postremo contendas, neque peruerso vsu, neque iure æquissimo dici Iouis potum, restat profecto, vt vel nullo modo sit Iouis potus, & tu eius esse potum, illud vestrum, nectar, improbè dixeris: vel dicas potum esse conditione. Quod si censeas, egregiè id quidem facis, vt Christiano ore Iouem tuum esse commemoras. Immo verò si id sentias, quid hoc est stultius? quid iniquius? quid infidelius dici potest? hoc enim dicere, quid aliud est, quam verissimo Deo maledicere? quin potius quid aliud est, quam Iouem Deum suum esse manifestissimè dicere? nemo enim potest esse conditor, & creator, nisi Deus extite-

rit. Nos igitur Christum Deum nostrum esse contendimus, dicimus, & constantissimè profiteamur, in quo nobis omnis spes comparandæ salutis locata est.

In ore autem Christiano, vt apud Hieronymum verissimè dicitur, *quid facis Iupiter æternus? & me Hercule, & me Aedepol, & Polux, & Castor*, ac cætera magis portenta, quam numina? suum itaque dicant Iouem, qui volunt, & quos Christianos non esse dubium est, vtque præclarè Beatus Cyprianus ait, Iouem suum isti expriment, non magis regno suum, quam vitij. Principem expriment, inquam, illum, in terrenos amores, cum ipsis suis fulminibus ardentem, nunc in plumeos colores albescere, nunc aureo imbore defluere, nunc in puerorum pubescentium raptus ministris auibus profilire.

Huius impii Iouis nectar, tua sententia, horum Sanctorum animos vehementer allexit, vsque ad eò vt haud iniuria amoenissima patria se priuari querantur. Qui non abstinentia affecti, non panibus, quos sæpius à foricibus rodi contingit, non alterius generis cibus, non modo vilibus, vt fabis, lente, oleribus, ac potibus acidis, verum etiam, sicut ea pecora domus ab aliis accipiunt, tabe miseranda confectis, & reuera est, sed vt dicis, idque ipsi ego, & grauiter, & acerbissimo animo, itidem iustissimè repetam, illo vestro nectare, Iouis potu allecti morantur. Latinius mi Poggi dixisses, tamen nihil minus, quam turpius, si eos ebrios, atque ructantes hesternam crapulam, qua vsque ad vomitum fatientur, procul dubio nominasses.

Hei talia ne decent, Poggi mi sua-

*Fide Terrull. de I-dolatria. cap. 20. et 21.*

*Cypr. tom. 1. Epist. ad Donat.*

*Item 8. 34.*

suauissime, eruditionem tuam, prudentiam, moderationem, modestiam, & Christianam professionem? an non rectè perspicias non posse ista ab homine tincto literis, ne dum doctissimo, vt tu ipse, mensententia is es, nisi turpissime dici, quamobrem nullo profectò neque tu vel falsa opinione fallaris, vel temerario iudicio pericliteris, neque reliqui, ad quorum manus literæ tuæ vel peruenerunt, vel forte peruenturæ sunt, tua autoritate magis quam veritate deterriti, ab ipso nitidissimo portu *Sacrarum Religionum* (6) ad quas forsitan abinquietantis sæculi turbinibus confugere voti fuerat, eiusmodi verbis tuis, vel aliorum persuasæ fallacijs, auocentur.

Patiare igitur, mi Poggi charissime hoc loco, non contra te, quem magis errore quam malevolentia deliquisse mihi persuadeo, non vt tibi in aliquo adsum, cum me adiutore ad bona studia, bonosque mores nequaquam indigeas; postremò, non vt tute ipse tibi consulas, qui iam is es, quem probè emendatum confido: sed pro veritate, pro iustitia, pro Religione, pro pietate, pro cis, qui hæc aliquando lecturi sunt, ac denique pro istorum integritate, non defendenda (cum hoc oneris contra te suscipere nolim) sed paulum commendanda, in eorum laudibus immorari.

Tu itaque adesto animo, atque erecto corde sis, teque ipsum ad ea quæ sum dicturus vultu, fronte, oculis totum in præsentia, oro, conuertas. Tu eos Poggi, non summo in honore habendos putas? qui summo conatu, non *Diogenis acerbisatem*, (7) non Curtij paupertatem,

non ob mundi gloriam, vel si magis placeat illius amatoribus, ob virtutem, Socratis Tebani contemptum, sed Christi lenem ac suauissimam austeritatem feliciùs imitantur. Qui non alterius Socratis fractam, spem, quem dicere solitum aiunt, quod *supra nos nihil ad nos*, sed speculæ robustam, inconcussamque firmitatem super electum summum, angulareque lapidem, de quo Petro dictum est, *super hanc petram, <sup>Matth. 16</sup> edificabo Ecclesiam meam, aduersus quam nec porta inferi praualebunt*, solidius collocarunt. Qui non Platonis insalubrem Academiam, sed gremium Ecclesiæ delegerunt; Qui non Aristotelis, ac Cryssippi acumina, sed *ascensiones in corde suo, in <sup>Psal. 126</sup> valle lacrymarum* disponentes ascendunt in palmam crucis, & apprehendunt fructus eius, spinas, Christi sanguine tinctas, lingentes, quæ quam rosida mella sint eis longè suauiores.

Qui non Democriti stultas atomos, quibus mundum hunc nostris expositum obtutibus mentiens conficit, sed diuinas literas venerantes audiunt. *In principio fecit Deus <sup>Genes. 1. 1.</sup> Cælum & terram*. Qui non Epicuri luxuriam, qui & ipse turpissimis flagitijs inquinatus, dicebat; Post mortem nihil esse & mors ipsa nihil est. Non Sardanapali ingluuiem; qui cum infelicem mortem obiret, non autem quæ probis viris digna iudicaretur, quale exemplum sordidissimæ ante actæ vitæ reliquerit superstibus, Cicero tuus, vt reliqui docti, testatur. Is enim in sepulchro moriens hæc scribi iussit, habeo quæ edi, quæque consumpta libido exhaustit. Non, inquam, hos, qui iuxta Apostolum desperan-

tes, semetipfos impudicitæ tradiderunt; Non denique Fabricij continentiam, ij, de quibus loquimur, sunt complexi: *Sed mortificationem Christi in suo corpore circumferentes, suppleant ea quæ defunt passioni illius, & quotidie cum Paulo clamant qui autem sunt Christi, carnem suam cruci, cum vitijs, & concupiscentijs affixerunt.*

Non Pythagoræ ænigmata, qui cum superstitione mutus indiscretum, quinquennale silentium suis discipulis indixisset, ob id fortè vsu venit, vt nihil ab eo, vel in membranjs, vel in chartis prælarè scriptum futurorum utilitati relinqueretur, nihil enim eum ad consulendum posteris scripsisse ferunt, sed publicis æneis literis statuit stateram non transiliendam, arundinem domo pellendam, ignem gladio non fodiendum, ac post multa secula primò Euforbium, deinde Talidem, tum demum Nermorinum, quarto Pyrrhum, ad extremum Pythagoram in sese renatum, sacrilega temeritate, & stultissima leuitate atque exccitate perhibuit. Verum hi Euangelij manifestissimam veritatem diligunt, de qua ait Apostolus, *Nox præcessit, dies autem appropinquauit &c. nos autem reuelata facie gloriam Domini speculamur.*

Deijciunt Gorgiæ vanitatem, omni leuitate inaniorem, qui de qua re proposita, humana eruditione fretus, ac suo ingenio confusus, publicè se ex tempore dicturum pollicebatur: sed isti audiunt Dominum suum, verius eis dicentem; *Nolite cogitare, quomodo aut quid loquamini, dabitur enim vobis in illa hora quid loquamini. Non enim vos estis qui loquamini, sed Spiritus Patris*

*vestri, qui loquitur in vobis. Et ego dabo vobis os, & sapientiam cui non poterunt resistere, & contra dicere omnes aduersarij vestri.* Triumphant de grauitate Crassi, quem semel tantum in vita risisse ferunt, malentes Christianam grauitatem, & grauem sobrietatem, de qua dicitur. *In populo graui laudabo te, cuius planta pedis sicut planta pedis vituli est.* Quo etiam in ipso laboriosa prædicationis boatu, boni Christiani ita verborum ornamenta sectentur, vt vtiliora quam tumidiora diligentes, abundantius quam religiosam deceat grauitatem, nimia profusione non insolescant.

Suppeditant Solonis, Liturgique ac reliquorum Græciæ sapientum institutis, maiorem in modum sapientie facultatem, immo vero tribuunt, quam illa haud habebant, excellentissimam sanctitatem: eum Euangeliorum præcepta, Apostolorum leges, ac Patrum vigilantius documenta scrutentur; vincunt Marci, Catonis, Reguli, Atilij, Romani Imperatoris, fidem, nec minus suppetit eis, vnde Curtij constantiam antecellant. Forum enim facta præclara, luculentium hominum elegantissima loquacitate, in Cælum quidem laudibus efferuntur. Sed Cælum ipsum, vacua pietate delusi, sunt minimè consequuti. Quippe alterum, aiunt, captum à Carthagenensibus, missumque Romam, vt si persuaderet Romanis Carthagenensium reddi captiuos, eum liberum, facerent; sin verò minus, adstrictus iuramento rediret, venisse Romam; persuasisse contrarium, sponte redisse Carthagenem, ex quo inclusum angusto ligno, vbi stare cogeretur, elausque acutissimis vndique confixum,

Ad Galat.  
5. 24.

Pythagora  
dogmata  
suis re-  
cessit  
Gualenfi  
par. 3. str.  
relig. c. 8.

Ad Rom.  
11. 12.  
1. Corin.  
3. 12.

Matth. 10.  
19.

Luc. 11. 19

Vel Cor.  
mi.

Psal. 34. 13

Exerb. 17  
vel ardore

xum, vt se nullam in partem inclinare, sine penis atrocissimis posset, tandemque post excogitatos, horrendosque cruciatus, percipitum à Carthaginensibus triumphantem, vt pro illorum desiderio loquar, eum mortem obijisse. Alterum verò, se se pro patria liberanda in abruptum hiatus, equo concito armatum præcipitem dedisse scribunt. At verò isti quos susceperimus laudandos, inuictam potius Christi Martyrum, atque insuperabilem fortitudinem, & in se ipsis plerique magno cum ardore affectant experiri, & in alijs admirantur. O felicem eorum mortem, immo vitam, quam, nec mora, felicitas superna consequitur.

Proinde pugnant cum Cicerone tuo, ac Demosthene, cum Gracchis, cum Crasso, cum Antonio, & Græco Lyfia, ac reliquis summis Oratoribus, non verbis, sed rebus: quoniam illorum linguam, istorum peccatus, qui sapiunt, admirantur, illorum dicta præstantiora, istorum facta nobiliora, qui non insaniunt, efferunt. Cresco fortunis præstant, ille quidem, ac reliqui sui similes auri, atque argenti immensa pondera congregantes, potentiores isti, cum audiunt Apostolum dicentem, *habentes alimenta, & quibus tegamur, his contenti sumus: & tanquam nihil habentes, & omnia possidentes*, mirabiliores existunt. Maxime quippe, vt tuus Tullius inquit, homines admirantur, eum, qui pecunia non mouetur. Quod, in quo viro perspectum sit, hunc dignum perspectu arbitrantur, ob eandem causam, fidem, & admirationem concipiunt. Quod eas res spernit ad quas plerique auiditate inflammati rapiuntur, immò verò vt præ-

clare quidam ex nostris ait, libidine incensi, pro his rebus digladiantur, quas possunt amittere inuiti.

Congrediuntur cum Liuiò, Herodoto, ac reliquis historicis, non rebus veris narratis, sed fortibus opere ipso confectis, superare autem Carneadem, Zenonem, Cleantem, Heraclitum, Empedoclem, Pyssistratem contendunt, ac reliquorum, quorum nominibus nonnulli terrefre ore inflantur: tum Philosophorum, tum Oratorum, tum Historicorum perditam vanitatem, nec dicam stultissimam temeritatem, nihilo magni pendunt, cum iuxta Apostolum, de his omnibus Romanis loquentem, *illi ipsi dicentes, se esse sapientes, stulti facti sunt*. Non his se comparant, rerum exploratissima notione, sed authoritatis dilectione, vsque adeò, vt Christum nostrum, verum, summumque Deum, sibi ipsis longè fatius, omnis virtutis loco, procul dubio desinuerint.

Illi enim cursus syderum laboriosa indagazione compererunt, isti se se nosse laborant; illi Cœlorum, maris, terræque amplitudinem metiti, se ipsos ignorant, isti mentis aspectu puriore, & cordis affectu rectiore latitudinem Paradisi deambulantes, dicunt illud Apostolicum, *nostra conuersatio in Cœlis est*; illi vires lapidum, succos herbarum, fructus arborum, iras animantium, quid cui prodesset agnoscere curauerunt, quod quo nasceretur, purgaretur, frequentaretur, domaretur, animaduertunt summa cum diligentia, istis curæ est, montes peccatorum suorum, aspera facinorum, prærupta flagitiorum, quæ vel carne victi, superiore acta vita fecerunt, vel se facere posse

Al. P. 7um  
1. T. 1. 1. 1.  
6. 7. 3. Co-  
r. 1. 6. 10.

Cicer. de  
off. lib. 1.  
cap. 9.

Ad Rom. 1  
12.

Ad Philip.  
3. 10.

verentur, cum gemitu, qua facilius euitentur, meditari, cum dolore perpendere, cum acerbissima seueritate horrere, plectere, vindicare, quaque verum curiosa eruditione neglecta eatenus, vt neque Ptolomæi illius Philadelphi nobilissimi Aegyptij Regis, exactissimam diligentiam multi faciant, qui totius gentilis, humanæque eruditionis, ac Diuinæ sapientiæ Bibliothecam, summis nummorum sumptibus, magna cum gloria sibi cœmit, sed quemadmodum Beato Petro consulente, eniti intelligunt oportere per bona opera certam suam ipsorum vocationem, atque electionem facere satagentes, timidiore cura, ne de libro vitæ aboleantur, elaborant, de quo libro, ad amicum Moysen loquirur Dominus, *eum*, inquit, *qui peccauerit mihi, delebo eum*. Vtique nihil, quo Deus læsus exagitetur, in libris conscientiarum suarum sedum possideant, de quibus dicitur, *Et libri aperti sunt*, sollicitiore in dies sancto pauore, velut angorum acerbitate penetrantur, castigantur, purgantur, solidantur, sicut scriptum est. *Posuisti firmamentum eius formidinem*.

Ex quo fit, vt sæpe numero æque atque de sublimi specula humana, ac Diuina plurima contemplati, quanta sit rectitudinis Diuinæ asperitas, quanta humanæ obliquitatis impunitas, eo perniciosior, quo sibi ipsi latentior, quamquam Deum mundissimos seruos habere deceat, quanti contra sint miserandi hominis, tùm recessus culparum, tùm labes flagitiorum, tùm gurgites scelerum, vsque ad apertissimam, & obstinatissimam impudentiam perspicientes, vehementissimè frequentius expaue-

scunt, cum alios, tùm se enim verò multo magis. Inde se se iudicant, ne iudicentur, cum, vt Propheta docet, nequaquam in id ipsum bis misericordissimus iudicet Dominus, Apostolique præcepta intentissimo corde hauriunt, vtiliter, saluberrimèque dicentis. *Si nos metipso iudicaremus, non utique iudicemur, dum iudicamur autem, à Domino corripimur, vt non cum hoc mundo damnemur*.

Inde purissimo mentis aspectu, flagranti animo, & diuturna huiusce rei consuetudine, sua, quoad posunt, omnia intuentes, id tandem assequuntur, vt se totos, quàm sint deformes, assequi posse diffidant, & neque superbia elati, neque, vt superborum mos est, se multi existimantes, atque etiam ostentantes, verùm humilitatis suæ in ima deflexi, cogantur iam iam pene angustia moribundi, saper altissima calamitate, cum omnium hominum pietate, tùm sui iactura commoti, lacrymarum fluuios rogantes, orantes, obsecrantes ad Deum emittere, atque molestijs pressi, sancti, & fidelis Dauid, fortissimos gemitus clamare. *Delicta Domine, quis intelligit, ab occultis meis munda me, & ab alienis parce seruo tuo. Et ne intres iudicium cum seruo tuo Domine, quia non iustificabitur ante te omnis viuens*: immò verò, vt quidam è Patribus ait, vè etiam laudabili vitæ hominum, si remota misericordia discutias carnem.

Inde cum audiant Dominum suum præcipientem, *quando bec omnia feceritis, dicite serui inutiles sumus quod enim facere debuimus, fecimus: in se prorsus remissi, de se penitus desperati, eò librius feruntur in*

1. Corin. 11. 31.

Psal. 12. 13.

Psal. 142. 2.

Luc. 17. 10

2. Petr. 1. 10.

Exod. 31. 33.

Apcal. 10. 12.

Psal. 11. 41.

in Deum, quo de eo solo omninò confisi, atque spe freti audiunt: *Bonum est confidere in Domino, quam confidere in homine; & bonum est sperare in Domino, quam sperare in Principibus*, seque, haud morà, Deo suo liberè committentes, imò verò se se in illum proijcientes, qui eos in humeros errantes extulit, eum audius alloquuntur. *In te proiectus sum ex utero, de ventre matris mea tu es protector meus*. Admirantur autem Diuinæ lenitatis facilitatem, ac suæ humanitatis ingenitæ mansuetudinem, quod nos perditos, opulentissima largitate redemit, quod eosdem malos seruos benignissimè habere dignetur, quod illos, qui abs se Dominum nimium audaces perpulerant, tam frequentissimè, vt ad se redeant, vocat, querit, rogat, & pollicetur, quod eos, qui verè reuertunt, comiter, & facètè, ac dulciter suscipit, quod prolapsos erigit, & frequentius curat, atque ne in vitijs immorentur, castigat de malorum immanitate, docet, vt caueant, de virtutum splendore commonefacit, vt appetant, de pœnarum autem futurarum acerbitate deterret, tùm gelu confecta, tùm glacie, tùm fame, tùm putoribus, tùm tenebris, tùm Dæmonum turpissimo contubernio, tùm fletu, ac stridore dentium, tùm auditu blasphemix, tùm dolorum gemitu, quid plura? siti, angoribus, pœnis, molestijs, & quod est longè grauius, perpetuitate damnationis affecti, apud inferos subtus, qui conturbantur, adedò contrusi detinentur, exulant afflicti animos, nigri corpora, fumo tumidi oculos, membra denique ipsa indefectis ignibus torridi, in quibus improbos arsum iri, nisi non Christianus, nemo est sanè qui dubitet.

His atque huiusmodi cogitationibus eruditi, quibus interest sapientia de Diuina bonitate succensi, isti, vt dicere cœperam, admirantur, & stupent, quia hominem Deus, non solum nimia charitate dilexit; sed quia in Cælum ex cœno tam sublimè tamque feliciter hominem ipsum, Diabolo præreptum victorioso prælio, & æquissimo iure euexit, & in se ipso ad Patris dexteram perpetuo consessurum collocauit, clamant, & dicunt: *Quid est homo Domine, quod memor es eius*. Itaque spe subnixi supernorum ciuium gloriam præstolantur, metu verò compressi dies illis iudicii lugubris, vt sæpius metu mentem dilaniet, in quo se audiunt veritate incutiente timorem, de omni verbo otioso, quod locuti fuerint, etiamsi à sceleribus, & culpis maiusculis vacui sint, rationem apud Dominum reddituros, tunc scilicet, vt apud Hieronymum elegantè est dictum, cum ad vocem, tubæ pauebit terra cum populis, cum lugubre mundus immugiet, & tribus ad tribum pectora ferient, cum potentissimi quondam Reges nudo latere palpitabunt, exhibebitur tunc cum prole sua verè tunc ignitus Iupiter, adducetur & cum suis stultus Plato discipulis, cum Aristoteli argumenta non proderunt. Tunc verò isti, quos existimas rusticanos, cæteris metu coercitis, quos nunc pœnæ, quibus plectentur, manent, vehementissimè lætabuntur.

Quapropter mea quidem sententia, hi sunt qui se dignos agunt, vt ab omnibus diligantur, colantur, tutentur; amicis grati, inimicis haud infensi, alienorum periculorum solliciti, suæ verò iacturæ non negligentes, quæ de terrenis fecibus cruti

damnant quod erant, de futura vita amant quod futuri sunt, de erratis suis se in dies afficiunt, de inquietantis sæculi turbinibus, grandi tempestate se euasisse plurimum gratulantur, & solo altior eorum animus, mundo maior, omnique terrena potestate sublimior, eatenus se excolendum virtuti, ac iustitiæ dedit, ut posteriora obliti ad ea, quæ antefunt, se extendentes, illis vita sit tædio, mors iucunditati, aurum, luti loco existiment. *Distincta laquearia gemmis, & crustis marmoris domicilia vestita, eiusmodi hominibus sordeant, quibus curæ est, ut vitij neque cedant, neque sub eis iaceant, sed contra ea laudabiliter dimicent.*

Inde vitam perditorum deplorant, suam autem tenacissimis quibusdam continentia frænis astringunt. Iam vero sensus omnes, qui illecebris malè suauibus facillè capiuntur, ne ab importunissimis Dominis voluptatibus superentur, tam castigant, ut quæ prospectum oblectant, & lenocinantes spectaculorum contagiones, quo ab eis salubrius euitentur, ductis in terram luminibus fugere annitantur, suauitatem asperitate commutant, ipsam vocum molliorem modulantiæ, iucundumque concentum nisi grauius ferre non sustinent, lenem contactum, succulentam, robustam, ac virentem ætatem, in putorem, in sordes, in equaloremque verterunt; qui contraria valetudine sæpius gaudentes, suspirant ad patriam, & pias aures Domini Sabaoth validissimis, atque importunissimis vocibus, illud quotidie clamantes pulsant. *Heu mihi quia incolatus meus prolongatus est; fama autem, atque infamia, algore,*

& inopia, omnique genere molestiarum, cum sapiunt, libentius quam vulgi fauoribus, ac tardioris intelligentiæ, imperitorumque populorum inanibus rumoribus gloriantur. Et quod ijs omnibus maius est, se totos subiectione humiliissima superantes, & vincentes, & animo demissi, & pauidi, ac trementes, ne forte casus eis obrepat, & corpore fragiles, imbecilli, inualidi, palentes, exangues, tam se pro Christo negligunt, ut omnem intellectum in Christi obsequium captiuantes, se despectos, & stultos, pro Christo existimari non vereantur, & Apostolo obsequuntur dicenti. *Si quis videtur sapiens in hoc seculo, stultus fiat, ut sit sapiens.* Et præsentia odientes mundum calcent, diuitias aspernentur, & ad futura se in dies sollicitius præparent.

Ecce quales hosce homines censeam, quos tibi à me, non pro illorum merito expressos, pates velim, sed multo magis pro angustia temporis designatos. E quibus complures eam, quam dixi, vitæ mundiciem excellentissimam degunt, reliqui bonam, omnes vero saltem non malam. Qui cum penè cuncti ante in sæculo, ut tibi placet, perditam vitam egissent; nunc Dei sui præsidio adiuti, eiusque gratiæ auxilio roborati, labem superioris æui deterfam, in expiato, ac puro peccatore diutiùs possederunt, confisq; Diuinitus, eandem sibi de futuro vitæ sanctimoniam pollicentur, & ad ipsam æternorum collium sublimem speculam oculos erigentes, vnde exaudiri haud inane operiuntur iucundissima collacrymatione; grauius enim ferunt se Cælo fraudari, ac differri diutius, & molestissima atque

ad Phil.  
lip. 3. 13.

1. Cor. 3. 15

Psal. 119.  
3.

atque acerbissima expectatione con-  
 geminant. *Asperges me Domine by-*  
*sopo, & mundabor; lauabis me, &*  
*super niuem dealabor;* quibus mi-  
 titimus Iesus respondet in eorum,  
 de se corda fiduciam ingerens. *Si*  
*fuerint,* inquit, *peccata vestra,*  
*quasi coccinum, velut nix dealba-*  
*buntur,* indeque ipsi, Dominum  
 suum pro se, quique vicissim, atq;  
 anxij rogant. *Quando veniam, &*  
*apparebo ante faciem Domini, &*  
*ostende nobis Domine misericordiam*  
*tuam, & ostende faciem tuam, &*  
*salui erimus.* Ac suis quidem vir-  
 tutibus nihil, Dei verò sui viribus  
 omnia præclare acta adscribentes, &  
 hic in terris Paradisum amenissimum  
 è Cœlis traduxisse videntur; & ta-  
 men à Deo suo Corpore peregrinan-  
 tes, & à patria exules, ad manen-  
 tem futuram ciuitatem suam aspi-  
 rantes, summis animi ardoribus,  
 atque incenso mentis affectu ire, &  
 si graui corpore pressi, ac peruenire  
 contendunt, illa ipsa sua corpora  
 prius excuti, & eadem potiora con-  
 gruo tempore recepturi, vt integro  
 homine potiti, liberius in Deum  
 suum, nulla molestia præpediti,  
 ferantur.

Tu igitur dilectissime mi Poggi,  
 is eris, qui eiusmodi homines con-  
 temnas? quorum ego à puero, si  
 quidem sapio, solo nomine recreor,  
 ac non potius, vt eis, quemadmo-  
 dum Christianum decet, obsequaris,  
 & affectus tuos erga illos viros, sum-  
 mo honore habitos, summa cum  
 reuerentia dedicabis? eloquentiam  
 verò tuam omnem, & elegantem, &  
 tersam, & abundantem, & politif-  
 simam, & quod me magis delectat,  
 apertam, & planam, & diuiciorem,  
 nonne abs te, illis debendam magis

consecabis? omnia autem, quæ à te  
 egregiè, atque honestè, & probè  
 geri valebunt, vt tantis viris præci-  
 puis, & claris perpetuò assis, nonne  
 procul dubio tibi constituens? immò  
 verò tu te, vt spe adducor, alacer,  
 ac libens, id tandem efficies?

*Sed sunt plerique, qui usque-*  
*adèd in tenebris, atque in nocte cæca*  
*diutius confederunt, ut exuiquem-*  
*quam ante actis vitij posse non cre-*  
*dant* (8) nam cum alta, & profunda  
 radice, longoque senio, perditio-  
 rum vita obduruit, & diuturna ve-  
 tustate inoleuit, honesta omnia dif-  
 ficilia, immo verò impossibilia, pro  
 suis moribus opinantur. Impudici-  
 tiam enim pudicitia posse mutari,  
 impudici non arbitrantur: & eum,  
 qui luxuria turpiter, & delicatè, mol-  
 literque defluerit, quique & ven-  
 tri, & gula, & deliciis inferuerit,  
 vt continenter, vt sobriè, vt parcè,  
 seuerèque viuant, fieri posse inficiun-  
 tur. Auaritiam parsimonia mutari  
 negant. Donatos honoribus, ac  
 laudibus celebratos; inanis gloria  
 non intumescere, profectò despe-  
 rant. Quapropter aliorum licet rectè  
 facta, ex suis infectis metientes, pe-  
 iorem in partem quæque interpre-  
 tantur, quorum cecitatem, ac per-  
 niciosum errorem, cum de se loque-  
 retur qui fuerat quondam & ipse  
 animo cæcus, beatissimus scilicet,  
 & eloquentissimus Martyr Cypri-  
 anus, Carthaginensis Episcopus, quod-  
 dam loco scriptorum suorum elegan-  
 tissimè, fortissimèque refellit, ac  
 retrudit, cum ea de se dicit, quæ  
 quantum ad rem nostram pertinere  
 existimabo, breui hoc loco subiici-  
 am, vt rectè perspicias, quo te-  
 stimonio, & qua eloquentia, impu-  
 dentium temeritas reuincatur.

Ego,

Epist. ad  
 D. 1. 1. 1.

Ego, inquit, cum in tenebris, atque in nocte ceca sacerem, cumque in salo iactantis saculi, nutabundus, ac dubius fluctuarem, vita me aescius, veritatis ac lucis alienus, difficile profusus, ac durum. pro illis tunc moribus opinabar, ut quis in nouam vitam interius animatus, quod prius fuerat, exponeret, & corporis licet manente compage, hominem animo, ac mente mutaret, quia impossibilis, aiebam, tanta conuersio, ut repente, ac perniciter exuatur, quod ut genuinum, situ materie naturalis obduruit, vel usurpatum diu senio vetustatis inoleuit. Quando parsimoniam disceit, qui epularibus cœnis, Et largis dapibus assueuit? & qui pretiosa veste conspicuus, in auro, atque in purpura fulsit, ad plebeium ac simplicem cultum quando deponitur? fascibus ille oblectatur, bonoribus esse priuatus, & inglorius non potest, hic stipatus clientium cuneis, & frequentiore comitatu officiosi agminis honestatus, pœnam putat esse, cum solus est. Tenacibus semper illecebris necesse est, ut solebat, vinolentia inuictet, inflet superbia, iracundia inflammet, rapacitas inquietet, crudelitas stimulet, ambitio delectet, libido præcipitet.

Hæc interim, Poggi, de Cypriano partim, quæ cum prima fronte, aduersarijs suffragari videantur, quantum idem Doctõr, illa ipsa cuncta quæ dicta ex eo sunt, labefactata constituat, vide quid i pse itidem inferat. Hæc egomet, ait, sepe mecum, nam & ipse, quam plurimis vite prioris erroribus implicatus tenebar, quibus exui me posse non crederem, sic vitijs adherentibus obsecundans, eram despera-

tione vilior, malis meis velut iam proprijs, ac vernaculis fauebam; sed postquam unde genitales auxilio, superioris cui labe deterfa, in expiatum pectus, ac purum desuper felumen infudit, postquam celitus spiritu hausto, in nouum me hominem natiuitas secunda reparauit, mirum in modum protinus confirmare se dubia, patere clausa, lucere tenebrosa, facultatem dare, quod prius difficile videbatur; geri posse, quod impossibile putabatur, ita ut esset agnoscere terrenum fuisse, quod prius carnaliter natum, delictis obnoxium viueret. Dei esse cepisse quod iam Spiritus Sanctus animaret. Et post pauca. Vita iam facultas datur, castitate sobria, mente integra, voce pura, in medellam dolentium, posse venenorum virus extinguere, animorum despicientium labe, reddita sanitate, purgare, infestis iubere pacem, violentis quietem, ferocientibus lenitatem, immundos, & erraticos spiritus, qui se expugnandis hominibus immerferint, ad confessionem minis increpantibus cogere, ut recedant, duris verberibus urgere confitentantes, & ululantes, ac gementes incremento pœne propagantis extendere, flagris cadere, igne torrere. Complura dicit iste Doctõr, pro re illa tuenda, quæ inferere longum esset.

Non fugit autem doctos viros, quid Afer noster, Beatissimus Augustinus, vnus quidem inter omnes præcipuus, & clarissimus Doctõr, quo nescio vtrum apud Latinos, inter Græcos verò quis sui par, & animo dilucidior, & ingenio auctior, & eruditione præstantior, quifquam extiterit. Quod, inquam, is, con-

tra eorum hebetudinem, qui eiusmodi erroribus implicati tenentur, quos interim explodimus, & de alijs, & de seipso præcipuè senserit, libri eius testantur, ac de se quidem in libris confessionum suarum ita loquendam ait, non alieno ferro, sed sua ferrea voluntate, ac spurcissimis voluptatibus fuisse ligatum, ut de vera humani generis felicitate, & difficillimis, & grauitissimis concertationibus, quibus inter se magno ingenio præditi Philosophi dissenserunt, victus luxuria, ac libidine, penè Epicuro palmam tribuerit. Qualis tamen post iste vir in Ecclesia fuerit, nemo nisi ignarus veritatis ignorat.

De cæteris autem libro de Christiana Doctrina tertio, post multa, quæ ad rem nostram magnopere pertinerent, quæque breuitatis causa omitto, aduersus eos, qui vna vxore libidinosè abusi, antiquos Patres nostros, castè, ac temperanter vxorum plurimarum sècunditate uti potuisse, vehementer negabant, quid & verè, & eleganter loquatur quæso aduerteras. *Sed qui effrenata, inquit, libidine, vel per multa supra defluentes euagantur, vel in ipsa vna coniuge non solum excedunt ad liberorum procreationem pertinentem modum, sed etiam immanioris intemperantiæ sordes, inuerecunda omnino licentiâ seruilis cuiusdam libertatis accumulans, non credunt fieri potuisse, ut temperanter multis foeminis antiqui vterentur viri, nihil seruantes in usu illo, nisi congruum tempori propagandæ proliis officium. Et quod ipsi laqueis libidinis obstricti, vel in vna non faciunt, nullo modo in multis fieri posse arbitrantur: sed isti possunt di-*

*cere, nec honorari quidem, atque laudari oportere viros bonos, & sanctos, quia ipsi cum honorantur, atque laudantur, intumescunt superbia, tanto avidiores inanissima gloriæ, quanto eos frequentius, atque latius lingua blandior ventilauerit. Qui ita leues fiunt, ut eos rumoris aura, siue quæ prospera, siue quæ aduersa existimantur, in quaslibet inuebat voraginei flagitiorum, aut in facinorum etiam saxa collidat. Videant ergo quam sibi arduum sit, atque difficile, nec laudis esca illi, nec consumeliarum aculeis penetrari, nec ex se miseri alios metiantur. Pleaque hic adduntur ab Augustino copiosè, ac sapienter, quibus, quod facile est cuiquam per se ea legere, ac ne longior euadat oratio, supersedeo.*

Taceo præterea Bonifacium, ante constupratorem, post è vestigio Martyrem. Silere non possum latronem cum Domino cruci affixum, qui de obfesso parricidijs itinere in crucem agitur; de cruce verò in Paradisi tutissima, atque amèniissima euolat. Præterea alium Cyprianum Romanum, primo quidem Magum; post Martyrem. Atque ut illustrius veritate patetacta intelligas, nec temporis breuitatem, nec multitudinem flagitiorum, nec errata deformia efficere posse, quin mutata diuturna consuetudine, ex veterè usu in nouam probitatem emergant, quicumque illi fuerint, qui se quondam vitijs addixerunt, paulùm iterum me conferam ad illum alterum Cyprianum, cuius superius meminimus, Oratorem Carthaginensium, qui Lactantio nostro teste, magnam sibi gloriam ex artis Oratoris professione quaesierat, & admodum multa

conscripterat, in suo genere miranda. Erat enim, ut ait, idem Lactantius ingenio facili, copioso, diferto, & quæ sermonis maxima virtus est, aperto, ita ut discernere non queas utrumne ornatior in eloquendo, aut facilior in explicando, an potentior in persuadendo fuerit. Ut igitur clarescat patentius posse, & sæculi tenebras reuelari, & caliginem malorum detergi, ac prioris vitæ errores illuminari, vide quid placidè, ac iucundissimè idem Cyprianus adiiciat. *Quantus, inquit, hic animi potentatus est? quanta vis, non tantum ipsum esse subtractum perniciosis contractibus mundi, ut quis expiatus, & purus, nulla incurfantis inimici labe capiatur, sed adhuc maiorem, & fortioiorem viribus fieri, ut in omnem aduersarii grassantis exercitum, imperioso iure dominetur.*

Vidi ego, Poggi, proinde hisce oculis plurimos optantes bona omnibus, & proprias fortunas tribuere, qui aliena rapere consueuissent: probra etiam omnia eis illata, æquo, ut taceam læto, animo tolerantes, qui paruo conuicio exagitati facile digladiabantur. Quotidie insuper ieiunantes, qui lautissimis prius epulis marcidum corpus distenti, tridui crapulam, quam violenter ingesserant, violentius, ac deformius emouebant: se se vero plerosque conspexi tenui, vilique veste amicientes, neglecto capite, nudis pedibus, & luttatis incedere, aquam suauius bibere: fortes hi equidem, atque incolumes; qui primùm neque pelli bus, neque trifaria uti veste, aut capitis pretioso operimento, aut multiplici, strictoque calceo, quamlibet delicatè, & molliter, quam-

exquisitissimis potibus ac cibis vitam suam, grauissima cum valetudine, aut degere vix posse, aut tueri solere. Magnoperè itaque, mi Poggi, cenfeo quemuis hominum ab hac feruorum Dei nobilissimorum iniuria iure æquissimo arcendum; ab qua quicumque non abstinuerint, iustissimè quidem illos plecendos esse perinde atque confido, quemadmodum improbos pueros Heliseo Sancto illudentes, vrsorum feritate dilaniatos, & geminos quinquagenarios milites, qui superbè ac procaciter ardentissimum Dei virum, Tesbitem Heliam impetuerunt, diuino igne consumptos Sancta Scriptura referente cognoscimus.

Quæ cum ita se habeant, tu interim his paucis quæ sequuntur diligenter attende. Ego verò iam mihi ipsi modum, atque huic laudationi meæ finem imponendum, constituo, quam pro Seruis Dei à me pertenuem perexilemque habitam fateor; quamque equidem inuitus modò suscepi. Si quos ea, vel delectat, vel sibi illam conducere arbitraretur, Deo nostro maximas gratias, in quo viuimus, mouemur, & sumus, & mecum habeant, & agant. Si quis autem illius ruditatis molestia afficit, omnes profectò, pro sua humanitate, ad quos est hæc nostra laudatio peruentura, quibus eam pariter tecum communem facio, quo ego tandem ex ignoratione emergam, atque euadam doctior; illique ipsi eruditi, ac præstantes viri, sua diligentia, cura, atque industria, huic oro, meæ, & ignauix, & incitix vigilantissimè, sollicitissimè, ac misericordissimè medeantur.

Ad te verò, Poggi, me modo totum

totum conuerto: ac primùm quidem præstantiam tuam instantissimè obsecro, vt in omnibus, quæ apud te perpetua oratione expressi, mihi proculdubiò non arguenti, non defendenti, sed amicè, & Christianè monenti, ingenita illa tua humanitate dimittas; si vel parum in his verbis te læsum ex me existimas. Propterea enim, quod plerique me rogauerunt, vt ad te scriberem, putantes literas meas non parum apud te, pro mutua inter nos beneuolentia, valituras. Ideò his paucis tecum lusi, commotus fateor paulùm ipsa, ni fallor, rei indignitate; præsertim, cum in eos fratres, quasi omnes, præter Fratrem Bernardinum, & me, tam acriter, & acerbè inuehereris: quos colere, ac venerari potius debuisses præter admodum paucos: quorum perpaucorum etiam nota, atque compesta scelera, si ea in alios cunctos, quos probas innocentes, referenda censes, eo insipientiæ, & erroris, eoque impudentiæ demergendum te video, vt omnes Apostolos Christi cum Iuda existimes proditores. Immo verò ita se magis veritas habet, vt sicut ignis experimento conflatum aurum purius comprobatur, ita bonorum vita improbis comparata, & dignitate præstat, & laude.

Peto abs te præterea; quemadmodum in tuis literis polliceris, apud Pontificem Maximum hoc iustum negotium non impedias. Iustum dico, quia auctoritate Bullæ cæptus est locus, & tunc cæptus est, cum decreta illa, de quibus & me vocas in testem, & te dicis opificem fuisse, non authorem, nondum in notitiam peruenissent; cum certo scias, nec tunc edita in lucem prodijisse, cum

tot expectantes fratres Romæ pro his explendis, ac propalandis constitutionibus diutius adessemus, impediendo vel peste, vel quouis alio negotio, de quo haud dubium te existimo certiorum. Postremum obtestor humanitatem tuam, vt his seruis Christi, non modo neq; verbis acufando, neque rebus ipsis eos lædendo infensus esse nolis: sed velis potius tuis illos adiuuentis prosequi, eis in cunctis adesse, eos quoad vita tibi suppeditabit, non alpernari imperitos sermone, sed in vera scientia crucis Christi gloriantes colere, diligere, ac tueri. Præsertim verò me Albertum tuum, cui magis his ad te paucis occasionem præbitam putes velim, religionis æmulos arguendi, cohibendi insolentes, commonesaciendi ignaros, ac pigros, & nutantes animos hominum trahendi, prouocandi, & accendendi, qui laqueis sæcularibus irretiti, quo à Deo vocantur intensius, eo se nodis Diaboli inextricabilius deuineiri quotidie patiuntur, quam te in aliquo offendere maluisse, què nisi paulisper tecum iocantem, hoc in genere exercendæ facultatis, ac pollicendi ingenij, limandæque huiusce nostræ locutionis, vt tacitam eloquentiæ, pene dixerim puerilis, æquissimo animo te arbitrarer laturum, non fecissem ne verbum quidem.

Sed quia me ab istorum vulgo eximis, ac per hoc non vulgarem, sed singulari quadam & vita, & doctrina præditum me egregium facis, habeo huic existimationi tuæ de me tam bonæ ingentes gratias, simulque in ea re tibi congratulor plurimum, cum ex bene instituto animo tuo hæc tua de me opinio certè proficiatur. Tamen Alberto tuo, tibi quidem.

ex animo vera testanti, velim credas, complures inter hos fratres esse, qui cum aspectu, & auditu iustiores, tum verò eruditionis præstantia longè me doctiores existunt. Si tamen ipse tuo iudicio is sim, quem doctum, censendum putes; Eos igitur & propter me tibi amicissimum, illis ipsis verum, compertum, & exploratissimum testimonium perhibentem (nam inter eos quatuordecim annos versatus sum) & propter eorum merita non parua ex parte præclara tuendos suscipias. Me verò, vt soles ama. Nobis autem omnibus de loco illo non modo impedimento non sis, sed cura potius, vt locum illum, quem dicunt de Gangareto, vel vt vulgus loquitur de terra illa tua noua, pro singulari adiumento, & commodo illius patriæ habeamus. Quod quidem aliquando futurum opera tua, prorsus non desperamus; cum ad istam prouinciam te contuleris, ad quam si vita comes fuerit, *nec ab insectis præpediamur* (9) hominibus Christo propitio, vt te scio percipere, post Pascha prædicando me conferam. *Nunc in his locis versor, quæ sicut luto sordida, sic non nihil heretica prauitate infecta reperio* (10) Aduersus eiusmodi homines quantum datur quotidie pertono. Quos Deus miseratus ad fidem veri Pontificis Christi Papæ Martini V. & ad gremium Ecclesiæ per paruitatem horum fratrum, ac seruorum Dei, contra quos exeris eloquentiam tuam, redire permisit. Harum portitor te plenius edocebit.

In fine, Poggi charissime, hæc dico tibi curandam esse famam tuam; merita dum viuus acquirenda, rumores hominum sopiendos, iudicia

eruditorum magni pendenda, beneuolentia præcipua deuinciendos animos bonorum. Quorum omnium, mea sententia primùm quidem virtutum probitate te ipsa vera tibi haud iniuria comparabis; alterum morum mundicie, & bonitate, qui moralis locus, cum maximè in actione versetur, eum tenere perparuum est, si non diligenter agatur. Alterum autem facile tibi ascisces, si rem eam de loco isto, non secus, ac tuam, vigilantissimè geras. Reliquum, etiam egregiè conficies, si præstantium iudicio adquiescas. Postremùm denique, imò verò simul omnia, assequeris, si purgata primùm infamia, quæ in prouincia tua latè, ac passim, contra te volitat hos fratres diligas, quorum laudationi sumus paulò diutiùs immorati. Conciliabuntur tum tibi, mihi crede, viri integerrimi longè facilius, cum & animi beneuolentia, & rei beneficentia, summam erga illos charitatem expresseris.

Quorum apud Deum opera fiet, quemadmodum bono animo sum, vt bene tibi instituaturs animus, augeatur opinio, cumulentur merita, ac te illi probi homines, quibus gesseris morem, mirum in modum magni faciant, & sancti viri, quorum animus tuo facinore paulum abs te factus fuerat alienior, tuis beneficijs deliniti te diligant, tibi cohereant, & fortissimo charitatis vinculo copulentur. Ira enim, vt mihi quidem videtur, Poggi dilectissime, non iniquè cum huiusmodi hominibus comparatum est; vt quibus pro obsequio debemus officia nostra, ea etiam aduersarijs tribuamus, illis muneribus prouocati, quæ, nisi ingratus, nemo est, qui abnuat. Cum verò

rectè sapimus, curamus, quæ ab alijs non accepimus, ea beneficia abundanter tribuere, quibus nobis vel inimicissimos obligemus. Qui si nos contra lacerant, nostrum est æquo animo ferre: quæ in quo homine reperiuntur, eum non solum & beneficium, & magnanimum iudico; verum etiam, quod incredibiliter præstat, virum illum equidem constanter Christianissimum esse dico. Qui

etsi ab imprudentibus, à perditis, & corruptis hominibus, qui penè semper leues iniurias sanguine expiandas contendunt, is ex numero hominum eiiciendus, ex finibus humanæ vitæ exterminandus, atque in vltimas terras exportandus, qui non se læsus vindicet, censeatur, ego tamen eum contra mitem, lenem, facilem, ac mansuetissimum hominem prædicauerim. Cortonæ 1430.

## N O T A E.

## Nota I.

*Predicando perpetior.* Quo tempore hoc scripserit author, non vt solet subscribit: sed hic locus indicat non eodem anno 1430. scripta esse, quo ipse à morbo conualescens, ea ad Nicolaum transmisit, sed præcedenti, quo ante contractum contagium, in sermonibus ad populum declamandis distendebatur, & Nicolai, Poggijque literas accepit; quod ipse ad Nicolaum in epistolæ sine clarius docet, & ex hac ad Poggium iterum colligere licet, vbi ait, se enim scriberet, quatuordecem annos inter obseruantes versatum fuisse, vbi in anthographi nostri margine notatur 1429. hoc opus editum est, si enim annos enumeres à 1415. quo se obseruancibus adscripsit, ille annus 1429. erit ipsius inter eos conuersationis rectè decimus quartus.

## Nota II.

*Ac me parum mordentem salubrius patiaris.* Sapientis, & viri amici consilium Eccl. 7. v. 6. *Melius est à sapiente corripì, quam stultorum adulatione decipi,* & proverb. 16. v. 19. *Vir iniquus lætat amicum suum, & ducit eum per viam non bonam; etenim vitij semper seruiunt blandimenta, lenocinantur dulcia delictis, virtutibus austeram, & fortia sunt amica,* vt rectè Petrus

Rauen. vel si poetæ magis placent.

*Lingua assentatrix vitium peccantis acruat,*

*Et delectatur crimine, laude ligat:*

*Nulla fit vt lapsò reparanda cura salutus,*

*Blanditur fonti, dum male suasus bonor. Libera fit potius vox correctoris amici, Serpere nec fibris caca venena suat.*

*Jacob. Bullius in-  
tub. sacra.*

## Nota III.

*Præter Fratrem Bernardinum,* & me. Hæc iterum inferius reperit, & magnam præ se ferunt Alberti commendationem, quod vniuersæ Religionis vituperator acerbissimus ipsum excipiat, & solum soli sanctissimo, doctissimoque Bernardino Senenti, vt erat eius discipulus, sic vitæ, ac virtutum optimè æmulum associet. Quo etiam collimant, quæ ipse Beatus Albertus, ex Poggij ad se literis vel ipsdem ipsi vituperatorijs, vel alijs vnâ missis refert in hæc verba: *sed quia me ab istorum vulgo eximis ac per hoc non vulgarem, sed singulari quadam vita, & doctrina præditum me egregium facis &c.* Certè multi tunc erant non solum per totam Italia, & extra, sed in eadem ipsa prouincia Tusciæ eiusdem instituti docti, sanctique viri, & miraculis illustres; & tamen aduersarius vnicum par Bernardinum, & Albertum

tum nominatim eximendos censuit: quo non extra gregem tantummodo ipsos extulit: sed eminentes, & singulariter insignes, etiam inter proceres religionis, vita, & doctrina esse significauit.

#### Nota IV.

*In fingendis horrendis criminibus, & turpissimis moribus asperiores, ne dicam audaciores.* Hinc pergit Albertus Poggij in religionem probra eidem exprobrare, non quod illi eadem impingat vitia, sed quod infontibus impigisse, vitio vertat, & quamquam pluribus, iisque claris, & fortissimis argumentis, eadem probra postea reprobet, non fortiori mea sane sententia vsus est, quam hoc ipso, vt eam tantum detegat, quemadmodum alio tempore, & loco Diabolum pinnati cerui specie laruatum, dolum detegendo disparere, confesum euanescere, & disperire fecit. Etenim non sola hæresis est, quam ad suam originem reduxisse, refutasse sit; sed quæcumque hominum actio, quæ ex ira, odio, inuidia, audacia, accerbitate mentis, ex omni denique inordinati animi perturbatione procedat, quem ex fructibus cognosci veritas ipsa nos docet, & cognoscere nobis concedit. Qui fructus in vehementi, & impotenti oratione Poggij manifesti sunt, aliter enim turbati animi passio, & alter tranquilla, & recto iudicio ordinata voluntas, parus suos edere solent, & longe disparem produunt affectum radicis. Hæc probabilem, suauem, pulchrum, amabilem; illa vel primo aspectu fidem sibi derogat, turpitudinem prodit, audientem exasperat, charitatem vel dimittit, vel impedit, sequæ alijs horrendam, ac despicabilem reddit. Hinc tot Rhetorum flores, & figuræ, tot benevolentiam captandi genera, & modi, quibus etsi celare prorsus animi sui motus aliquando non possint, exornare saltem, ac dulcorare conantur, ne quos conciliare cupiunt, magis exasperent, iritentque: quod & Christiana charitas, non raro suadet. *Responsio mollis frangit iram, sermo du-*

*ruī suscitāt furorē.* Prouerb. 15. v. 1. *Et mansuetus Moyses, dilectus Deo, & hominibus, verbis suis monstra placauit,* Eccl. 15. 1. 2. Quem imitatum in hoc opere nostrum Albertum effectus consequuti ostenderunt. Nam quæcumque in hac epistola petijt, obtinuit, & Poggij amicitiam sibi conseruauit. Vide aliam eius epistolam ad eundem quæ ordine 89. est. Inter Poggij opuscula edita extat eius Responso, qua se excusat, & epistolam sic incipit. Tantum abest mi Alberte, vt grauitè seram, quæ à te scribuntur, vt etiam maximas tibi, & habeam, & debeam gratias, quod me pro tua in me beneuolentia, & charitate admonere voluisti, eorum in quibus me abstrasse arbitratus es.

#### Nota V.

*In locis deliciosis, amœnis, iucundis.* Hæc Poggij querelaram causa fuit, quod cœnobij fundo fratribus iuste acquisito, Deoque, & Religioni dicato, se vel suos tanquam amœnissima patria, & in eo nascentis, louis, vt prophane vocat, nectaris priuatos lamentatur, eaque data fuisse tam vili hominum generi, vt ipsius quidem dicitur prædonibus donatus, hoc est foricibus, seu canibus, & cæcis comparandi sint. Quos tamen Albertus Dei seruos, & Sanctos vocat, & ipsa vilitate, seu vt religiosius dicamus, Euangelica paupertate, & nectaris illius aliarumque voluptatum voluntario contemptu meliorum rerum, ac cœlestium deliciarum dignos demonstrat.

#### Nota VI.

*Sacrarum Religionum.* Non ergo proprij tantum instituti, vel suorum fratrum philautia, sed communi ordinum omnium religiosorum causa, & animarum salutis zelo, & vt prius dixit multorum instantia hanc religiosæ vitæ laudationem instituit. Quo etiam spectant, quæ sulsus ad Nicolum in superiori epistola in hanc sententiam scripsit.

## Nota VII.

*Non Diogenis acerbitatem:* Considerabit fortassis quispiam, ut Diogenis, aliorumque gentilitatis procerum, quos in virtutum certamine Christianis religiosæ vitæ professoribus in hoc opere postponit author, personas, & qualitates, ex quibus cum his comparantur explicaremus. Sed res alioquin eruditis familiaris tam longa est, ut excrecentes notæ textum superarent; molestam propterea, ac superuacaneam omittimus, he paginas frustra duplicare cogamur: videre poterit, qui cupit Diogenem Laertium in vitis Philosophorum, Ioannem Gualensem nostrum de dictis, & factis eorumdem; per Lucam Vvaddingum Romæ editum, eorumdemque Philosophorum sententias, & Apophtegmata in Polianthæ; ac theatro vitæ humanæ, quæ confirmant, elucidantque omnia, quæ author noster in hoc opusculo ex gentilibus in medium producit. Id verò hic omittendum non duxi, apertè quidem ipsum, & ad hominem, quod aiunt, huiusmodi comparationem in Poggium assumpsisse, quem ante dixerat Poëtarum, Oratorum, Historicorum, & Philosophorum gentilibus literis nimium delectari, eisdemque plusquam oporteat, & quam deceat attribuere, quo ille cernat, præstare prophanis Christianam Rhetoricam, & Philosophiam, quæ sola vera, cum falsa & ficta Ethnicorum composita veram virtutem & docet, & operatur, & solâ cælesti, æternumque præmium, & solidam laudem expectat, & promeretur.

## Nota VIII.

*Sed sunt plerique, qui vsq; ad eam, ut exi quemquam ante actis vitis posse non credant.* Utillissima, & pulchra præoccupatio. Talis fuit veterator ille malorum, quem suavi, facillique consilio, & procul dubio etiam precibus, Albertus ipse, quod in eius vita diximus, Venetijs olim ad frugem reduxit. Tales innumeri in sacris historijs reperuntur, & vitam aliqui

non semper sint, qui ut Augustinus eleganter expressit, catena conuictudinis peccandi, per Diabolum desperatione emendationis constructi detinentur: sed semper etiam fuerunt qui à summis flagitijs, & inueteratis sceleribus ad summam sanctitatem morum, & maximam copiam cælestium gratiarum repente conuersi reperuntur. Qui cum Psalmista dicere possunt: *secundum multitudinem dolorum meorum in corde meo consolationes tuæ lætificauerunt animam meam.* Sed satis ad rem persuadendam Albertus hoc loco ex Augustini, Cypriani, & aliorum tantorum documentis, quàm exemplis produxit. Verè quondam Seneca Epist. 107. dixit. *Non quia difficilia sunt, multa non audemus, sed quia non audemus, difficilia sunt:* quæ ille Socratis exemplo confirmat. Duo autem hoc argumento præstat Albertus Poggio suo, alterum, ut videat facilem ipsi Dei gratia viam esse, si recipiscere vellet ad Dei, atque hominum, quos offenderat, recuperandam amicitiam: alterum ut intelligat, male se collegisse, si qui seruorum Dei, in quos inuectus est, in seculo flagitiosius fuissent, eisdem factos religiosos post conuersionem tales esse oportere.

## Nota IX.

*Nec ab infestis præpediamur.* Infestos hoc loco non inimicos intelligit, quos nullos habuit, præter paucissimos virtuti ipsius malè æmulos, sed importunos exactores prædicationis ipsius: qualem in eius vita diximus fuisse Franciscum Barbarum, Brixianum tunc Prætozem, qui ipsum ad pacem factis in se mutuo ciuibus persuadendam rogabat: in eo tamen ab alijs eadem importunitate distractus ante octauum post annum, eo se conferre non potuit. Tales etiam hoc tempore fuerunt Cortonenfes, Regienses, & Florentini, ac Minister Generalis, qui Albertum, ut vidimus, ad Viterbienses, aliosque prædicatum proficisci cupiebat: Tales multos refert Vvaddingus in actis vtriusque Bernardini Senensis, & Feltrensis, Ioannis Capistrani, Iacobi Piceni, & aliorum hu-

us instituti hominum, quorum prædicationio adeo grata, & proficua probatur, ut populi Ciuitatum, & Principum literis, & procuratis diu ante mandatis Pontificijs, & adhibitis aliquando militaribus custodijs ne alio migrarent, eos ad se cætatim rapere, & retinere nitentur.

## Nota X.

*Nunc in his locis versor, quæ sicut luto sordida, sic non nihil heretica prauitate infecta reperio. Vbi fuerit Albertus quando hæc scripsit, nisi forte Florentiam intelligat per illa, verba præcedentis Epistolæ ad Nicolum, quam ( prædicationem ) superiore tempore ( fortassis anno præcedenti quo ad Poggium scripsit ) ut tu ipse optime scis nostra Reipublica, nostraque Ecclesia accuratius solebam impendere, per quæ an Urbem ipsam Florentiam, an alium illius ditionis locum ( qualis Cortona est ) designet, dubium est. Florentinam Rempublicam forte designat, ( quam nostram vocat ) id est sibi, & Nicolo communem. Sed ut Cortonam*

intelligat, magis mihi persuadeo, vbi nimirum inter prædicandum morbo cotreptus est, iacuit, & conualecebat. Cum hæc ad Poggium epistola dicat, hos hæreticos ad fidem Martini V. Pontificis, & gremium Ecclesie per illos seruos Dei, quos Poggius vituperabat, conuersos fuisse; Ego, fratricellos intelligo, qui tempore schismatis, ante Martini Pontificatum liberius per omnem Italiam grassabantur, & regularis obseruantie Minoritarum studia, & acrem inquisitionem, sibi grauem, multisque vtilem ad salutem, alijs ad supplicium, sentiebant. Maxime verò Ioannis Capistranensis, & Iacobi Piceni quos Pontifices ad id specialiter hæreticæ prauitatis inquisitores designarunt: quibusque Albertum, & alios operam suam in Tuscia contulisse, ex hoc eius loco habemus. Quamquam dum veri, ut loquitur, Christi Pontificis Martini, hæc differentia ipsum ab Antipapis discernere videatur, possit etiam intelligi de schismaticorum reliquijs, qui ante Martinum sub diuersis Antipapis diuersis, quoque forsitan erroribus imbuti fuerunt.

## EPISTOLA XXII.

NICOLA O NICOLI.

## ARGVMENTVM.

*Scripta quadam sua anno superiori Nicolao promissa iam tandem mittit, rogatque, ut ea, postquam illis vteretur, Andreuccio Senensi, viro docto, & vtrique communi amico communicet, ubi de sua professione Neapolitana.*

**C**VM essem superiore anno, mi Nicolae charissime, vrgentibus maiorum iussionibus Neapolim accessurus (1) decreueram, tum ad te mittere spiritualia munuscula memorie apud te meæ, libellos scilicet duos (2) quos ipse nuper edideram. Quod cum certa

ratione ante non fecerim, ecce nunc, si quid erratum est, emendo peccatum meum, & tu veniam dabis. Oblata ergo in præsentia aptiore occasione fidelius, ac tutius, quæ velim ad te mittendi, post reuersionem meam ex Neapoli, ac reliquo omni eiusdem Ciuitatis Regno, mitto ad te

te eisdem libellos, quos huic nostrarum baiulo, qui pro rebus gerendis illustri Comitis Vrbinatis Florentiam accedit, ad te perferendos dedi. Horum opusculorum alterum libens quidem, ante hoc fermè triennium, ipse feci, cum ab ægrotatione paulùm conualescerem: alterum verò inuitus elaboravi, habitum publicè ad populum Vrbeuetanum, in capite Quadragesimæ, cum eiusdem Ciuitatis Episcopo instantius flagitanti, immò verò iubenti, id negare non possem. Hi libelli titulos habent singuli prænotatos, quos tu cum amicis omnibus, vt libebit, tùm verò Andreuecio nostro Senensi, homini quidem docto; sed quod est satius, & sanctius vtriusque nostrum amantiſſimo legendos, & scribendos tribues. Ità enim illi me facturum, cum is nuper huc venisset, pollicitus sum, vt vel tu eos ad illum, vel ego quantocius mitteremus. Tui itaque, atque *Ambrosij doctissimi Monachorum* (3) præstantissimo derelinquo iudicio perpendendum, vtrum ego clamator importunus, contra quod oporteat, & quod deceat reuertiùs sileam, ne iuxta Ciceronem,

stultitiæ meæ complures domesticos faciam: an vel perexiguus orator ad scribendum me penitus dedam, vt tandem aliquando mediocrum eloquentium gregi annumerer, & nostris Christianis hominibus, vel in paruis causis, vel in maiusculis proſim, consuetudine auctus, & tua frequentiore admonitione limatus: aduersa corporis valetudine, quæ me diu tenuit, dum ad te nunc scribo, ita premor, vt quid velim dicere, penè non seiam, & quod scribo, cum conor eloqui, vix stylum manu tenere queo. Scateat ergo vitij oratio, modo amicitia beneuolentiæ non perdat officium, immò verò partes suas Christiana charitas non omittat. Abbatem dignissimum, iterum, atq; iterum dico, Ambrosium nostrum Monachum, religione consortem, ætate fratrem, dignitate parentem, vt meo nomine salutes, ac ne illi commendes, plurimum precor, cuius, vt ante dixi, grauiſſimo iudicio vnà tecum nostra iudicanda committo. Vale, & me, vt soles, ama, & pro me ad Christum instantius ora ex Vrbindo 22. Octob. 1433.

N O T A E.

Nota I.

*Vrgetibus Maiorum iussuibus Neapolim accessurus.* Poterat hoc iter effecisse, vt multæ Alberti literæ superioris anni nobis non superant. Torum enim Regnum peragrasset (procul dubio prædicando) ipse in alijs posterioribus Nicolao scribit. Tam magnæ quondam Græciæ, quam totius penè oræ Italiæ, quam multo labore lustrauimus.

Nota II.

*Libellos duos, quos ipse nuper edideram.* Horum libellorum titulos author non exprimit: sed alterum eorum fuisse laudationem Religionis ad Poggium, inde colligimus quod se illum ante triennium confecisse, scribat, cum ab ægrotatione paulùm conualesceret, quæ vt epist. 20. vidimus, illi laudationi conueniunt: alterum libellum credimus esse orationem de laudibus

bus poenitentiae, de qua in hac epistola scribitur. *Alterum verò inuitus elaboravi habitum publicè ad populum Vrbeuetanum in capite Quadragesima, cum eiusdem Ciuitatis Episcopo instantius flagitanti imò vero subenti id negare non possem.* Quae omnia conueniunt cum eis, quae in ipsa oratione habentur, & in nostris ad eam notis, atque imprimis in ipso exordio statim. *Quod munus impresentiarum non satis equidem libenter suscipio, & hoc est, quod in hac Epistola dicitur. Alterum verò inuitus elaboravi.* Et iterum verus finem. *Hoc praeserim tempore deuotissimo Quadragesima.* E paulò post. *Quod hodie ex Sancto Iobele lectum audiuimus:* Et iterum. *Euangelium quoque compleuerimus &c.* vbi refert verba Iohelis in Epistola seu lectione Missae, & summam Euangelij eiusdem Missae exponit, quae Feria quarta Cinerum in Ecclesia leguntur. Et hoc quoque est quod in hac Epistola dicit, habitum publicè ad populum Vrbeuetanum in capite Quadragesimae. Ex quibus clarè consequi videtur, illam orationem de laudibus poenitentiae habitam anno 1432. vt in fine ipsius orationis notatur, idque coram Episcopo Vrbeuetano, quod ijs verbis orationis huic Epistolae consonis ostendit. *Quando & tu, Reuerendissime Praesul hoc fieri iubes; & coram Religiosis, & populo ciuitatis, vt iterum loquitur. Et vos integerrimi Religiosi adestis, & vos egregij, ac doctissimi viri, & vos omnis populus suspensè ora conspexitis.* Quibus verbis auditorum tunc suorum ordines fecernit Albertus. Atque ego his conuincor; vt censeram eam orationem fuisse secundum libel-

lum, quem Albertus ad Nicolum cum hac Epistola misit, & eandem ipsam iubente Episcopo ad vrbeuetanos habitam; vbi etiam nulla tunc fuerint ordinis comitia erat tamen aliorum Conuencualium, alterumque Oberuantum Franciscanorum, aliaque aliorum ordinum coenobia, quorum Religiosi peroranti Alberto assistebant; ad quos vt ad ceteros auditores ipse sermonem dirigere potuit. Nec obstat Vvaddingum dixisse, quod Albertus eam orationem 1433. Bononiae in generalibus ordinis comitijs habuerit: poterat enim Vrbevetari prius habitam alibi postea mutatis mutandis recitasse, quam mutationem ipse author in alijs literis ad Nicolum scripsit indicat, dicens alia eiusdem orationis exempla, ab hoc nostro per ipsum emendato, in aliquibus differre: vide Epistolam XXV. à nobis post haec scripta lectam, ex cuius nostra nota colliges orationem illam stilo nouo habitam fuisse anno 1433. nimirum in fine Februarij, vel initio Martij, in quos dies incidit Feria quarta Cinerum, quamuis Albertus signauerit annum 1432. scilicet stilo veteri, quo vocabatur, & annum nobis primo Ianuarij praeteritum vsque ad 25. Martij protrahat.

## Nota III.

*Ambrosij doctissimi Monachorum.* Is fuit Ambrosius Camaldulensis, sui ordinis Generalis, Graecè, & Latine eruditissimus, Eugenio IV. Pontifici, & Cosmo Mediceo maximè familiaris, & in Basiliensi, & Florentina Synodis Pontifici utilis.

## EPISTOLA XXIII.

## ANDRE VCCIO SENENSI.

*Duos illos Libellos per Nicolaum tradendos esse monet.*

**H**omini cuidam fidei, quantum mihi videtur, & diligenti, qui pro rebus gerendis Illustris Co-

mitis Montisfortis, vel vt vulgo dicitur, Vrbinatis Florentiam accedit, libellos nostros ad Nicolaum perfectendos

rendos commisi, quem sum instantius meis literis obsecratus, ut ad te illos, cum eos ipse peruiderit, legendos, ac scribendos det. Ita enim mi Andreucci, data occasione non modo fidelissimi, verum etiam velocissimi nuntij fieri debere sum arbitratus. Tu verò eos cum voles, ut

me vehementissime postulasti, poteris à Nicolao nostro non solum alienarum rerum, sed quod est maius, ac rarius, suarum largitissimo tributori eisdem libellos facillimè mutuari: Quos cum impetraueris, eos leges attentius, ac me diliges. Vale ex Urbino 22. Octob. 1433.

## EPISTOLA XXIV.

GASPARI CORNELIO.

## ARGUMENTVM.

*Tota familiaris, & festiua, in eaque iuuenè ludit, accusando, excusandoque mutuam decennale silentium inter se, & Gasparem, iam tandem solutum.*

**D**ecennale fermè silentium, mi Gaspar in Christo charissime, quo mecum maluisti diutius pariter tacendo consistere, cum ex Bononia nuper ad me scriberes, tua tandem humanitate rupisti. Quamobrem diuturnam rusticitatem erga te meam, iam abs te superatam esse confiteor: nam si ut poteram, & tua amicitia postulabat, ad te sæpe scripsissem, fuisset, quantum arbitror, primo quidem tua dulcissima dilectione in Domino fructus. Deinde essem, quod te non scribentem longo iam tempore vicissem, gloriatum. Postremò verò, nisi fallor, fuisset ad te ipse scribens, te non parum in Domino consolatus; compluribus quidem eurarum cruciatibus in gubernandis fratribus angustatum, sed in alenda amicitia, pace tua dixerim, somno profundissimo dormientem. Quid dico dormientem, imo verò ne culpas quidem di-

turni silentij ingenuè confitentem: quandoquidem easdem culpas, quas liberè confitendo diluere poteras, magis augeas, dum nescio quæ argumenta obtendens crimen tuum in alterum referre conaris. Ais enim, præterea, te haudquaquam ad diem istam ad me quicquam scripsisse, quod me occupatum quotidianis prædicationibus audieras; quasi verò nisi ego siluerim, & mihi non vacauerit legere, & tu scribere non potueris. Dicis præterea ob hoc tacuisse te, quod fueris arbitratus, quam verò leuiter ipse videris, amicos mihi ex animo excidisse distento tantis laboribus, quid sibi velit iste distentus non satis intelligo, nisi forte distentum voces distractum, effractum, effusum ad omnia, aut distentum intelligas, qui sit inflatus, turgidus, & ventosus. Quod si hæc sentis, habeo huic existimationi tuæ de me tam bonæ ingentes gratias, cum il-

lum me his verbis appelles, nescio & an arbitrare, qui & in rebus geiendis non satis integer, & admodum insolens sit. Hæc sunt argumenta tua, quibus te iustis ex causis decem circiter annos rectè tacuisse excusas. Verum vt ego sentio te multo rectiùs simpliciter excusasses: quod pro me equidem facere nunc aggredior. Ego inquam, ego de errore meo, nec me tuebor, nec excusabo: imò verò ecce rusticitatem meam tantùm, vt dixi, paulò confiteor à te victam. Non prætendo occupationes, non labores prædicandi iugiter Euangelij, vt pro me ipse facis, rectè ne an peperam, sileo, quia verò magnitudine laborum meorum, vt ais, præditus, vel tuas literas legere non potuerim, si illas scripsisses, præsertim tanto chariores, ac faciliores, quanto rariores, cum frequenter multorum legam, vel ad te paruulam scedulam exarare, qui etiam in medijs occupationibus libellos quosdam non paruos edidi. Quos si videre volueris, prius est, vt te ad me longo iam tempore non scribentem non tuare, sed turpiter fecisse accuses, vt te læsisse amicum confiteare, vt postremò te victum intelligas. At verò vt hæc de re & mihi, & tibi, tanto salubrius, quanto communius iam consulam, superest mi Gaspas carissime, vt cum ambo in excitanda, fouenda, & confirmanda amicitia torpuerimus, errata nostra superioris temporis nobis inuicem dimittamus. Posthac verò agamus frequentibus epistolis inter nos diligentius, qui tam culpando silentio tanto in tempore egimus negligentius. Sed de hoc satis: nunc de aduentu meo Venetias, quem tu vehementer & amice expectare vide-

ris, quantum attinet ad superiora tempora, quibus venire distuli: hoc tibi respondeo, voti quidem mihi diu fuisse eo accedere, quamuis autem complura impedimenta, ipsaque præsertim impotentia mea tardiùs proficiscendi causa fuerint: hoc tamen velim tibi persuadeas, prudenter factum esse, quod huc vsque non veni, ne aut temerè accederem, si intempestiue, aut inconsultè differrem, si nunquam venissem, spei itaque plurimum mihi est, frater in Christo charissime, nisi iter meum aliquid intercipiat, ad vos Christo propitio, & si vita comes fuerit, proficisci; at verò hoc ipsum non admodum prope efficiam, tamen tandem aliquando si mea valetudo ferat, vt in altero, idest dum differo, mihi præpares animum tuum; in altero autem, idest dum interim hæc pauca ad te scribo, quia mea præsentia delecteris, quam licet sumus exigui, te percipere minùs ambigo. Accipe itaque has Vicarias, & vt ita dicam, præcursorias literas meas, non ad te solum, sed & ad reliquos amicos in Christi visceribus honorandos, tam nostri ordinis fratres, quam omnes, qui se in his literis meis nominatos arbitrentur, & tu illos suis nominibus expressos putes velim, quam & sæculi homines Christianissimos, Guarinum dico, F. Barbarum, ac plerosque ceteros, qui nos amant, vel potius amare solent. Hoc quidem quantum mihi videtur iustissimè dixerim, cum apud nos scribendi ad inuicem diligentia omnis sublata est; imò verò negligentia vsu iam consuetudinis inoleuerit. Vale ex Arimino 1433.

EPISTOLA XXV.  
NICOLAO NICOLO:

ARGUMENTVM.

*Indefessum Nicolai studium in conquirendis libris, & promovendis literis laudat, se lustrato Regno Neapolitano, ac tota penè ora Italica, nullos veterum libros, quamquam diligentissimè quæsitos, reperisse nunciat: & sterilitatis huiusce causas fusius profequitur, librorumque, & literarum in eo Regno contemptum exagitat. Nicolaum ex aduersitate mœstum scripturarum exemplis consolatur. Tertullianum cautè legendum admonet. Denique de libellis suis ad Nicolum nuper missis, ac de Guarino Magistro aliquid.*

**C**um ex Urbino (1) post curatam valetudinem meam (2) Ariminam me contulisset, profecto inde mihi in Lombardiam literæ illæ tuæ reddite sunt. Quibus lectis, quam magno sim affectus, & gaudio, & mœrore dicere sanè non possum: quorum mihi alterum tuæ prosperitas, alterum tuæ aduersitas præbuerunt: utrumque verò amor erga te meus. Nam, ut lecta antea referamus, de tuis literis, mi Nicolæ charissime, cum pro nouitate illarum (diu enim ad me non scripsisti) tum verò maximè pro hilaritate rerum, quas ad me attulerunt, sum plurimum gratulatus. Quem enim amicorum tuorum, inter quos pro tua humanitate, haud mediocri mihi locus præbitus est, non lætitiæ ingentissima efferat, audientem prosperitatem bonæ valetudinis tuæ, tanto iucundioris, quanto salubrioris. Neque enim istam tui corporis sanitatem, ut in plerisque nouimus, libido effusior populata est, inquam, non grafiatur voluptas insanior, non

luxuria fœdior, & quam consueuisti à teneris, ut dicitur, annis in acquirendam ampliorem veritatis notionem, consilio prudentiore potiri, immò verò in omnium, & doctrinarum, linguarumque peritiæ cupiditate consumere. Verum hæc sæpe noxia sunt: & frequentissimè tam malis, quam vanis insunt. Illud autem, quod est longè præstantius, & quod apud te fateri ad me maximè attinet, quis non miretur non solum amicissimorum, sed inimicissimorum, perditorumque hominum te virum iam senem, tam incredibili ardore animi, & tam continua sanctarum scripturarum non modo deuotione Christianissima, & lectione instantissima; verum etiam propriæ manus laboriosissima seriptione feruere. Tibi ergo, non quantum per me fieri (quid enim illud nisi perparum est) sed quantum per te optari potest alacer, ac libens satisfacere vellem: non quidem tanquam homini defecto viribus, non ut iam diurnis laboribus, ac vigilijs staccere

inchoanti, non denique quia cano capite, & frigido sanguine, ut antiquioribus fieri solet, remissivè laboranti, sed velut nouello cuidam viro, nunc præclarissimam viam sanctorum studiorum florentissima ætate ingredienti, quem pro robore ætatis, ac subtilitate ingenij, proque summis studijs, quibus summa diligentia feruoris incumberet, fore grandi fruge sæcundum, & vberimis fructibus opulentum, non dubium est, præsertim verò de *Biblia illa* (3) quam Græca & lingua, & literis exaratam, apud nostræ religionis fratres Arimini reperiri à fratre Bernardino accepisse te scribis; cuius tamen habendæ cupiditate, nisi Nicolae, frustra laboras. Nam nedum nostri Conuentus, sed omnium religionosorum, omnisque illius Urbis peragrata provincia nihil græcarum literarum à me repertum est, sed & ipsi fratres annosi, admodum veteres, & antiqui, qui omnes Bibliothecarum libros frequentiore lectione hætenus percurrerunt, quicquam aliquando fuisse in eorum locis græcæ eruditionis penitus negant: ex quo fit, ut vel de alia ciuitate quæ te suggerit apud te Fr. Bernardinus ista narrauerit: vel illum de illa ipsa obliuio profunda fefellerit; vera tamen se attulisse existimantem. Tute ipse ergo poteris ab illo fieri certior, qui tibi quam mihi est longè vicinior: adeò ut superflue à me quæras de eius sospitate tibi rescribi. Audio enim illum in *nostram Etruriam* (4) nuper ingressum, vel Aretium, vel Cortonam, vel Perusiam applicuisse, in vna illarum, siue in altera qualibet nostræ patriæ ciuitatum Diuinæ prædicationis salubriter, ut assolet, verba saturum. De libris verò cete-

rarum prouinciarum quod quæris, tam magnæ quondam Græciæ, quam torius penè oræ Italicæ quam multo labore lustrauimus, inciderimus ne inter eundem in libros quosdam veterum tam Ecclesiæ quam sæculi magistrorum? breuiter tibi respondeo, nihil ad manus nostras, *quamquam diligentissimè quæsiuerimus* (5) peruenisse, nedum vetustatis, quod potuit & diurnitas, & negligentia aboleuisse, sed ne communium quidem opusculorum quorum solent tam veterum, quam nouorum refera esse omnia. Omnis enim eadem patria iacet in tenebris, nullum literarum lumen, nulla eruditio, & quæ quondam græcis literis, & Pythagorea ambitione floruerat, nunc ignara rerum, & literarum fœda consumitur: quæ olim græcis, & latinis doctis fuerat expolita, nunc utriusque expoliata est, ac Barbarum potius frindens Pythagoreum tantum silentium quinquennale, quod ad literas attinet, immò plusquam centennale concelebrat, verba ab alijs mutuata, si integrè loqui velit, quæ ad vltimas terras rerum hætenus documenta transmiserat; apud ipsam verò Neapolim, & reliquum etiam omnem Regnum vacare literis penè non possunt, & penitus nolunt: quorum alterum miseræ est, alterum superbæ, ac negligentis. Incurstant enim eandem prouinciam superiore tempore Rege Aragonum, & urbem ferro, incendioque vastante, ita milites eius depopulati sunt ciuitatem, ut præter alia ludibria, magna quædam classis de spolijs onusta libris præcipuis, ab eis in patriam truisissimi hostis adueheretur. Quæ cum in medium pelagus posita, æquora vento flante sulcaret, maris tempe-

state

stare vorante summersa est. Quod ego naufragium, etsi lugubre, diuinitus tamen factum non ambigo, ut neque latrocinij dediti malè partem conquirent, neque apud sponte ignaros, ac literas aspernantes sacra illa diuini remanerent. Dedeori enim fore, mi Nicolae, quod mirum est dicere, sibi penitus existimant, qui regio genere gloriantur, si dent operam studijs vel humanis, vel Diuinis. Ita de stirpis nomine inflati, ita de sanguinis nobilitate tumentes, ut vel hoc turpissimum sibi esse non iudicant, si ab Patrum institutis degenerantes Maiorum suorum uestigia non sequantur: nam illa est Ciuitas, ut tuus Cicero ait, quæ summum Poetam, ac eruditissimum hominem Aulum Lueinum Archiam Anthiochiae natum, quem cunctæ Græciæ, & omnis Asia celebrabant, Ciuitate præmijque donauit. Ea est Ciuitas, quæ Maronem illum tanto nomine, ac eelebritate notissimum diutius pollederat. Illa est postremo Ciuitas, quæ non longe ante nostram ætatem Illustrissimum, & Christianissimum Regem protulit, Regem dico Robertum, qui intermissa studia literarum, imò verò obliteratam diligentiam disciplinarum, & penè funditus euersam instaurauit. Nunc verò in tantum dedecus venire omnes regis dignitatis, quòs maximè eruditos oportere esse non dubium est, ut beatum putes eum, qui si doctrina careat, stupris, & corruptelis, otio, & infinitis vanitatibus non deditus sit. Non ergo ex illis locis de me queraris, à me inquiri negligentius libros, vbi diligentius ventres, quam chartæ replentur, & vbi sepulchrum patens gutturi Baceho, quam animus Mineræ

amicitior est: Sed his relictis, quibus emendatio magis expetenda est, quam supplicium, me me paulum ad te confero, quem de tuis angustijs, quas ad me scribis, quamuis eas mihi communes facio, illud tamen iuxta sententiam sacrarum literarum verissimè admonitum volo, fuisse scilicet vnquam neminem, sed neque esse, neque fore quemquam ex ijs dumtaxat, qui Deo placuerunt, id est qui piè viuere statuerunt, qui passione plecente, velut probanda, vasa figuli, Babilonium ignem effugerit. Verùm interea consolatur nos species quarti quasi filij Dei, *id est, nostri Dei, atque hominis Christi*, (6) qui voraci flammæ se ingerit, ignes irrorat, pueros vt Dei canticum concinant docet, combustisque vinculis, quibus ligati in medium ignis præcipites ruant, corpora timens flamma non tangit, sed relinquit intacta, & non solum arufros liberat Deus, atque ineendij ministros comburit, sed è media fornacis erutos, Rex paulo ante furens, conuersus dignitate sublimat. Pleraque sunt istiusmodi exempla, quæ de scripturis sacris, in vnuni corpus coacta idem efficiunt, quæque breuitatis causa omitto. Tu verò hæc omnia quanto iam tempore perlegeris, quis ignorat? nunc superest, diuturni temporis lætionem breuissimi momenti perpessione compenses: nec te apud omnes inaniter legisse testaris: quod quàm turpe sit, tibi tali viro, tu ipse videris: quid enim sunt scripturarum sacrarum documenta, nisi animi quædam contra Diabolum ornamenta, quibus nostræ mentis classe munita, in huius mundi turbulentissimo pelago, cum pyratarum cruenta demonum turba nauali nobis prælio dimi-

dimicandum est: nec minore animo, si oporteat, terrestris pugnae congressione certandum: ut ex omni parte trophaea referentes, hinc quadriga Evangelica vecti, in patriam triumphemus, illum in equis albis inter exercitus caelestes secuti, qui vocatur fidelis, & verax, cum iustitia iudicans, ac pugnans, cuius oculi ut flamma ignis, in cuius capite diademata multa, qui habet nomen quod nemo nouit nisi ipse, qui vestitus est veste aspersa sanguine, & vocatur nomen eius verbum Dei, de cuius ore procedit gladius bis acutus, ut in ipso percuciat gentes, quas reget in virga ferrea, qui calcavit torcular vini furioris irae Dei Omnipotentis, habens in vestimento, & in femore suo scriptum: Rex Regum, & Dominus dominantium: in quibus ego caelestibus Diuini hominis verbis intelligi oportere arbitror, Christum neque fallere posse corruptum, qui sit fidelis, ac verax, iudicans cum iustitia, ac pugnans, neque falli ignarum, qui flammeos oculos, idest ardentem notionem possideat, neque insuper angores nostros nullo praemio donare ingratum, cui sint diademata multa: neque praeterea salutem nostram nulla miseratione tueri inclementem, cum sit vestitus veste aspersa sanguine: neque deinde errata nostra nulla castigatione ferire iniustum, de cuius ore procedit gladius bis acutus, neque postremo virtutem eius deficere impotentem, qui sit verbum Dei habens nomen quod nemo nouit nisi ipse Rex Regum dominus dominantium. Non est ergo Christus noster, aut deprauatus, aut inscius, aut bonorum immemor, aut immittis, aut iniustus, aut denique impotens. Nunc itaque, Nicolae Caris-

sime, tantum, talemque Dominum super equum album sedentem, idest carni immortalis, & corpori virgineo praesidentem, nos etiam, ut dicere coeperam, in equis albis, idest gloriosis corporibus, integrisque sequemur: si neque aduersis rebus fracti, neque secundis effusi, languidiores, quam clariores, hosti cesserimus. Quae si praecleara sunt omnia, tu, qui tot, & tanta legisti, cur huiusmodi adiumentis non orneris? si turpia quam ob causam his scederis? si leuia, quam obrem supereris? si fortia, quo pacto non amimeris? nam & gloriosa sunt appetenda, & turpia fugienda, & leuia contemnenda, & fortia superanda Philosopho, sapienti, forti viro, quanto magis Christiano, cui nihil est gloriosum, nisi quod de felicitate beatum, non in terris, sed in Caelis; nihil turpe, nisi quod de feceribus vitiosum, non in Caelis, sed in terris; nihil leue, nisi quod de Christi onere virtuosum, non de iugo grauissimo legis veteris, sed de leuissima, ac mitissima sarcina. Euangelij; nihil postremo forte, nisi quod pro Christo victoriosum est, non in delicijs, sed opprobrijs, probris, supplicijs. Age ergo, mi Nicolae dulcissime, mi Parens optime, & haec posteris, & qui vitam degunt, tui ingenij, immo tuae fidei monumenta relinque, ut intelligant te tot Bibliothecas tanto tempore haud infructuoso, quamuis laborioso sudore experisse, vertisse, legisse, exarasse: dicant de animi tui virtute, de constantia, de moribus, de meritis, dicant, inquam, verissimè prudentes viri, quod solidae gloriae est, atque addant, te re ipsa verba compleuisse, factis verba superasse, opere perfectis

cisse, & molestias omnes, quamvis seueriente mundo, vicisse, illius integris viribus, robusta mole firmatum, qui ait: Confidite, ego vici mundum. Sed de his satis, superque tibi grauiſſimo homini, à me præsertim, qui tibi & eruditione, & virtute sum longè inpar. Quæ cum ita sint, non fuisset, nec hæc ipsa quidem dicere ausus, nisi quidam ad me rumor, ante dies paucissimos pertulisset, te esse *ob angustias* (7) virili penè animo destitutum. Iam verò de Tertulliano, quem in Alania reperit, de Basilea Theutonicorum, ad te perlatum dicis, quamquam non opus sit, tibi censori sincerissimo, & optimo rerum æstimatori, hoc tamen pro angustia temporis loquor, cauendum tibi esse hominem non solum eloquio rusticanum, vel vt mitius interpreter, legentibus in loquendo difficilem, quo equidem illum minus vitupero, hoc enim apud Christianos calumniam non meretur, sed fide corruptum, quod religio nostra non sustinet. Relege Augustini librum, quem de hæresibus edidit, & videbis Tertullianum, non solum hæretica prauitate fædaturum, sed animo minus firmo, & vt ita dixerim, vago de Christiana veritate ad Cathaphrigas confugisse, quibus fuerat ante insensus: de Cathaphrigis autem pulsus, sua quædam hæreleos conuenticula propagasse. De his partim nostri Hieronymus, & Lactantius testes sunt, à quibus noster Augustinus, quod vehementer admiror, in hoc dissentit, quod in prædicto eius libro dicit, Tertulliani vsque ad sua tempora multa extitisse opuscula eloquentissimè scripta, cum tamen supradicti Hieronymus, & Lactantius dicant, cum in loquendo difficilem,

& multum obscurum, quamvis insententis crebrum, & præter hæresim, omni disciplinarum genere peritissimum. Cuius differentiarum causas, inter tam doctos Ecclesiarum viros, præsertim in causa eloquentiarum, quæ vel manifestissima est, tuo iudicio, & eruditorum sententiæ derelinquo: fidei tamen eius, immo perfidiæ, res notior est. Restat nunc pauca dicere, de opusculis nostris, quæ ante non permultos dies ex Urbino ad te perferri feci, de quibus quid sentias præstolabor. Quod si apud me ingenuè fateare, grande profecto beneficium mihi præstiteris, tanto præstantius, quanto celerius, vt vel tuo testimonio gaudeam, si probaueris, vel contra si repuleris, mea stoliditate affectus, salubri dolore fiam abs te quotidie emendatior. Libello autem illi nostro, quem à me nuper editum, *de laude pœnitentiæ* (8) accepisti, mallet vel pauca hæc verba præponi, quam sic imperfectus maneat, vt videlicet non diceret, post exordium. Benè, beatèque viuendi cupiditatem, & cætera, vt ad te scriptus est, sed magis post proemium, tale illi esset, principium. Etsi non benè degendæ vitæ, quantum attinet ad impuros homines, æ perditos loquor, beatè tamen viuendi cupiditatem omnibus corruptis, & integris inesse hominibus, quam compertum est, ac reliqua quæ in eodem contextu orationis sequuntur, quæque vel tarditate mea vel infirmitate minus aduertit, vel scriptoris vitio prætermissa sunt. Seis enim omnes homines esse, qui beatè; qui verò benè viuere velint, admodum paucos. Expecto in dies gratissimas literas ad me tuas, quas huc Ferrariam mihi mittes, vbi sum ad Pascha inuitus, idest cogente Ciuium cha-

charitate, ac maiorum nostrorum iussione mansurus. Mihi verò tua scripta, vt censeo, tutò reddentur, si ea ad me perferenda dabis, viro illi græcè, ac Latinè omnis linguæ excitatori, rectius fortasse dixerim illustratori, & literatissimo præceptori quondam meo, nunc verò per ætatem patri meo Guarino Veronensi, qui tamen & ipse non est mihi præceptor, etiam nunc, sed honestioris rei, meliorisque doctrinæ, vt Firmianus Democratio haætenus extitit: nam is est, *qui me in literis Græcis, & Latinis linguam tantum instruentibus auditorem, alioquin non satis*

*strenuum in adolescentia habuit* (9) Nunc verò illum ego in Diuinis peccatus erudientibus possideo directorum: vt quæ in quotidiana prædicatione habeo à Sanctis Ecclesiæ viris, vt dicam bona, à Guarino tributum, est vt fortasse benè, atque aptè dicantur; vtrumque tamen à Deo est, cui debemus ingentes gratias, quas illi etsi non dicimus, etsi non rependimus, dignas saltem vel habeamus, & tu interim vale, flagitor enim vehementer finem à tabellarijs. Iterum vale ex Ferraria vj. Kalen. Februarias 1433.

## N O T A E.

## Nota I.

*Cum ex Urbino.* Hic narrat ordinem locorum, ex quibus in itinere scribebat, Urbinum, Ariminum, Lombardiam: vbi Ferrariæ hanc tandem scripsit: Quem locorum ordinem si cum ordine dierum quibus literas huius 1433. anni numero signatas dedit, conferre voluerimus, inueniemus eas, quas Urbini 22. Octobris, & quas Arimini postea dedit, presentibus, quas Ferrariæ 6. Kal. Februarij scripsit, priores esse, cum tamen omnibus idem annus subscriprus sit, vnde Ianuarium, Februarium, & Martium vsque ad huius 25. diem, non anno nobis incipienti sed desinenti adscribere, & annum à Christi Incarnatione, seu Virginis Annunciatione suo more computare.

## Nota II.

*Valetudinem meam.* Non à peste Cortonensi iam dudum depulsa, sed ab ægrotatione Urbinarc, de qua nuper questus est Epist. 22.

## Nota III.

*De Biblia illa, quam.* Acui tunc vsus admittēbat, vt dicerent Bibliam Chronicam, & similia, sed hunc barbarissimum credo magis Librarij ruditate, quam authoris nostri ignorantia irrepulisse.

## Nota IV.

*In nostram Etruriam, & mox in altera qualibet nostra patriæ Ciuitatum.* Vbi Etruriam patriam suam, vt Nicolo, & Bernardino communem clarissimè vocat.

## Nota V.

*Quamquam diligentissimè questuerimus.* Eam curam libros veteres inquirendi, à Cosmo Mediceo inter alios Alberto, & Bernardino incubuisse hæc epistola nos docet, & contestatur Augustinus Florentinus in vita Ambrosij Camaldulensis cap. 4. Huc accessit & Clarissimorum Theologorum studium, qui Quadragesimali tempore prouincias

cias adeuntes, ac lustrantes prædicationis gratia, eandem operam magnâ sollicitudine nauauerunt: velut Marthæus Viterbiensis, Antonius Massonus, Andreas Ariminensis, Thomas Serezanensis, Franciscus Pistoriensis, Albertus, Bernardinus, & præterea multi, de quibus Ambrosius frequenter suis in Epistolis mentionem facit.

## Nota VI.

*Idest nostri Dei, atque hominis Christi.* *Nostri*, non autem *non*, vt quidam mendosè. Si enim Albertus dixisset, non Dei postea iungeret, sed Angeli, aut quid simile, & reliqua, quæ affirmat, debuisset negare, deinde diceret, non ingerit, non irrorat, non docet. Si verò dicamus *nostri* iam filium Dei Patri consubstantialem in forma Christi Dei & hominis in fornace, cum pueris comparuisse tenet, de quo vide Cornel. à lapide in illum locum Danielis, vbi plures interpretes in eum sensum citat.

## Nota VII.

*Ob angustias.* Calumnia occurbat sapientem. Existimo ergo has Nicolai angustias natas fuisse ex inuectiua à nobis antè indicata, quam in eum, aliorum testimonijs immeritum, pro

illius æui facilitate conscripsit Franciscus Philelphus, vt proinde illum in hac Epistola tam prolixè laudet, ac tam robustè confortet pro officio amici Albertus noster.

## Nota VIII.

*De laude pœnitentiæ acceptæ.*

Quod nos ante comparatis huius opusculi, & Epistolarum clausulis inquirebamus, hic iam vltro, & patenter occurrit; secundum scilicet libellum ad Nicolaum ab Alberto missum, fuisse illam orationem de laudibus pœnitentiæ, vnde firmantur cætera, quæ ibi sub intulimus.

## Nota IX.

*Qui me in literis Græcis, & Latinis auditorem in adolescentia habuit.* Si Guarinus Albertum adolescentem in Græcis, & Latinis auditorem habuit, iam constat, quod antè diximus, in neutra lingua ignarum cum fuisse quando 37. ætatis anno, iam vir ad hunc præceptorem audiendum Veronam iuit, vt scilicet quæ tam ab ipso, quàm à Chrysolora, vel alijs in adolescentia didicet, ea maturo iudicio vir, Guarini præceptis, & consuetudine limaret, solidaretque.

## EPISTOLA XXVI.

PAVLO VLTERRANO.

ARGUMENTVM;

*Excusat non peractam rem sibi commendatam.*

**R**edeunti nunc mihi ex publica concione; quam ex more, vt scis, quotidie ad Christianos populos habere solemus,

homo, vt mihi quidem videtur, rus incolens, tuæ paternitatis literas ad me attulit, per quas flagitas hoc ipsum, quod per alteras tuas ante non

Gg mul-

multos dies instantissimè postulaueras, agi scilicet mea solertia apud Maiores nostros tuum negotium, cuius gerendi desiderio, mi Parens optime, fateor frustra laboras. Excesserat enim, atque abierat nostri ordinis Generalis, tum cum primas ad me tuas misisti. Itaque, quod ad te hucusque non scripsi, non negligentia, sed desperationis tuae

consequendae cupiditatis fuisse existimes. Quod verò illas, quas tibi postulasti impetrari, literas ad te nec mihi, nec impetraui, non praetermissi officii excusatione defenditur; sed tu hoc eorum absentiae, qui satis tibi facere poterant assignabis. Vale, & pro me ora. Ex Ferraria. Idibus Febr. 1433.

## EPISTOLA XXVII.

MARCHIONI FERRARIENSI  
CREDENTIALES.

**C**hrisiane Princeps, pax Christi tecum Amen. Harum meorum baiuli, & meae Religionis charissimi fratres, ad tuam humanitatem à me missi proficiscuntur, quaedam, quae sum necessaria arbitratu, meo nomine tibi dicturi.

His igitur tuè quantum Principis elementia postulat, & pias aures, & solidam fidem adhibere, & liberam consensionem non dedignaberis: ac per eosdem minimè mihi respondere grauaberis. Vale ex Ferraria 4. Idus Aprilis 1434.

## EPISTOLA XXVIII.

GASPARI CORNELIO.

ARGUMENTVM.

*A Gaspare pluribus literis ad partes Venetas accitus, speque fructus concitatus, messemque falci Evangelicae maturam prospiciens, dat spem se quamprimum Patavium accessurum.*

**C**um tua benevolentissimae charitatis ardore prouocatus, tum verò maximè, ac multo inagis, magna quadam spe futuri in istis Regionibus fructus incensus,

tandem aliquando eo, quod postulas, appropinquare constitui, vt & tibi suauissimo, atque amicissimo homini morem gessisse videar, qui tuis consilijs, iam per ternas tuas literas hoc

hoc mihi persuadere conatus es ; & vineam Christi, vt agrum Dominicum, pro modulo nostro, in prædictis Regionibus excoluisse lætemur: quas quidem magna cum lætitia audio, non modo ob ingentem expectationem seminis avidas, verùm etiam ob bonæ voluntatis cupiditatem fructibus ingrauescere : adeò vt maturarum vuarum profluentissimo musto libandus, immò verò inebriandus quilibet Sanctus Prædicator rectè quidem speretur, & segetum vberitate, ac si fructu eumulatissimo saturandus. Quoniam ergo maturæ sunt vitz vinearum botri Diuini, verbi falce secandi sunt: quia verò regiones albæ sunt ad messem, iuxta Euangelicum institutum. *Rogandus est Dominus messis, vt mittat opera-*

*rios in messem suam, quoniam messis quidem multa, operarij autem pauci.* Roga ergo, mi frater optime, vt qui messes, & operarios sua bonitate, non nostra iniquitate, creauit, me vnum, & fidelem dispensatorem, & idoneum Ministrum noui testamenti, non litera, sed spiritu, eadem illum sua bonitate prouocante efficiat; quo grandes ipsius fruges ad horrea illius, & grana solida, idest mansuros fructus, quemadmodum suis discipulis repromisit, verissimè, ac fidelissimè asseramus, si nihil aliud intercesserit, quod nostro proposito aduersetur, credo me quamprimum Patavium profecturum. Vale ex Ferrara Idibus Aprilis 1434.

## EPISTOLA XXIX.

NICOLAO NICOLI.

## ARGUMENTVM.

*Nicolaum incusat omisse responsionis ad priores suas: silentij causas latius discutit, dolet se ea, quæ scripsit oris presentia, & viua voce persuadere non posse, quæ quantum ad persuadendum præstat scriptura, eruditè docet.*

**S**atis diù miratus sum, Nicolae charissime, quam ob causam, neque mihi, neque imprimis Guarino nostro tibi mecum scribenti, vnquam responderis, quorum vterq; pari quidem amore, vt censeo, & si non pari eruditione, qua me ille longius antecellit, te consolatus est. Et quidem, quantum ad me attinet, cur mihi responsum non sit abs te, præsertim qui nihil in officio respon-

dendi negligere soles, fatis apud me elucet, quod scilicet aut nostræ literæ tibi redditz non sint, aut in eis ipsis te virum eruditum quicquam inæptiarum mearum offenderit, aut denique tibi ipsi tot pondera molestiarum succreuerint, vt neque tempus, neque voluntas, immò verò neque tua infirmitas facultatem tibi respondendi suppeditauerit. Hæc omnia, mea quidem sententia, in-

causam venire potuerunt. Sed tamen illud primum ego in dubium verto, alterum verò distinguo: postremum autem penè affirmo. Nam fieri prorsus potest, ut iniqui tabellarij literas meas haudquaquam ad te pertulerint. Hoc enim peccatum frequenter, & fecerunt, & faciunt, nisi spes præmij negligentiam illis ademerit. At verò si te quippiam in nostris literis mouerit, id non satis discerno, nisi aut longitudo, quam tu tamen semper desideras, tædium tibi intulerit, aut eloquendi rusticitas, quod magis estimo, tibi fecerit nauseam: ubi neque lepos vllus te oblectauit, neque sententiarum quæuis grauitas tenuit, neque vis vlla dicendi accendit, permouit, impetrauit: verum tu hic mihi respondeas velim, cum nostræ literæ, semper quidem, & his ornamentis, & hortamentis, & monumentis caruerint, quid sibi vult, ut nunquam alias non responderis? profecto aliquid afferas oportet. Itaque ad tertium illud me consero, in quo mihi penè facillimè persuadeo, tantis te siue animi angoribus premi, siue corporis molestijs vexari, siue facultatum penuria cruciari, nihil ut te amicorum affectiones permoueant, nihil eorum te literæ iuuent, aut molesta leuent, aut perturbationi succurrant, aut quod vltimum est, periculosis desperationibus liberent. Superesset igitur, ut te ore, non iam literis ex amicis aliquis conueniret, cui profecto ori à natura hoc excellentius datum est, ut quæ mandata literis nihil serè sæpe sentimus, eadem ore erudito, & peccatore ardenti expressa mirum in modum torquentes excitent, afflictos consolentur, aduersos

concilient, remissos prouocent, ignavos animent, frigidosque accendant. Quæ cum ita se habeant, mallem equidem me me ad præsentiam tuam contulisse, ut essem hæc ipsa, quæ ad te scribo, ore dicturus, quàm calamo nunc ea dicturus. Scio enim mi Nicolae, scio, ac frequenter expertus sum, multo vehementius, omni quidem tempore omne hominum genus, & persuasum esse, & persuasum iri, ad rectæ vitæ quælibet peragenda, ne dicam scelestæ abijcienda, si verbo potius conueniatur, quam si etiam scripto fortissimè reuincatur: quod quidem verissima illa veterum sententiæ perspicuum sit, qua scriptorum quidem mortuas, dictorum autem viuas voces sapienter, ac verè vocamus. *Neque enim Græca illa percunctatio* (1) peperit scriptorem in oratore esse præcipuam: sed primum, idemque summum pronuntiationi tribuit, quæ sine voce fieri nequit, non semel, sed iterum audacter professa est. Sed quoniam pro negotijs vrgentibus nunc non se præbet occasio, ut te quemadmodum opto, reuisam; agam hoc, ac libens, quod modo vector, cum ad horam congruentissimam ventum fuerit, quæ celerius, ut spero, sed dabit. Interim nobiscum bene agitur, si quod corpore, atque voce, id est communibus aspectibus, mutisque alloquijs implere non possumus, frequentium Epistolarum officio compensemus *XIII. Kal. Maias* (2) Ferraria decedens, post longam illic, & gratam, Deoque faciente, communem omnibus in verbo Dei saluberrimam moram, Patauium Christo Duce prædicaturus accedam, ut eis sicut & cæteris,

non iam gentibus, sed Christianis hominibus, quod minoris operis, aliquid gratiæ spiritualis impertiar. Eo celerius ad me literas dabis tuz

in me benevolentia signa, tuzque prosperæ valetudinis testimonium. dulcissimis apicibus perloquentes. Vale ex Ferraria X. Kal. Maias.

## N O T A E.

## Nota I.

*Neque enim græca illa percunctatio.* Hæc percunctatio, & eius responsio Latine profertur apud Stobæum lib. 4. Apophteg. Demosthenis pagina. 190. n. 19. his verbis: cuidam percunctanti, quid esset in eloquentia præcipuum, respondit; Hypocrasis, hoc est actio: roganti quid proximum, respondit actio: roganti quid tertium, nihil aliud respondit quam actio: tantum tribuens pronuntiationi, ut in eadem totum situm existimaret. Eam verò Albertus Græcam vocat quia Inter Demosthenem Græcum, & illum quendam fuisse fertur.

## Nota II.

*XIII. Kal. Maias.* Librarij mendum existimo. Quomodo enim conveniunt, quod XIII. Kal. se Ferraria discedere affirmet, si X. Kal. idest triduo post literas Ferrariæ consignet. Mutandum ergo numerum puto, & primo loco scribendum X. Kalend. secundo verò XIII. ita ut Epistolam dederit XIII. affirmans se X. idest post triduum abiturum, vel die, si malueris, iuxta Ephemeridem sequentis epistolæ, hanc scriptam fuisse Ferrariæ XIII. Kal. sed X. Kal. Rodigio simul cum sequenti missam, atque hunc diem in fine notatum fuisse: quod tamen cum illis verbis *Vale ex Ferraria* non bene coheret.

## S C H O L I O N.

Cum hanc, 22. & 25. Epistolam inueniamus à B. Alberto scriptam ad Nicolum, primam quidem anno 1433. secundam 1434. licet subseribatur 1433. secundum veterem modum computandi sæpius animaduersum, ut & hanc ipsam eodem anno 1434. ut colligitur ex circumstantijs, corrigendum venit, quod ex Pocciantio supra relatum Epist. 20. Not. 3. Nicolum videlicet mortuum Pridie nonas Februarij anno 1430. cum ex 25. constet cum 1433. vel 1434. ad B. Albertum literas dedisse, & hanc ad eum eodem anno x. kal. Maij Ferraria dederit B. Albertus, quod non fecisset, si Pridie nonas Februarij Florentiæ mortuus esset Nicolaus (ut refert Pocciantius) ex loco enim tam vicino mortem eius debuisset intelligere. Vnde in sequentem 1435. vel posteriorem aliquem annum mors eius conijcienda est, vel certè dicendum erit, hunc esse alium Nicolaum Nicolum ab eo, de quo Pocciantius, & ad quem priores ante has tres literas dedit B. Albertus, pro quo fundamentum non inuenio; quin potius eundem esse, Epistola 25. indicat, eius studia, magnam lectionem, diligentiam in libris inquirendis, & instruenda Bibliotheca commemorans, ut de Nicolao refert Pocciantius. Nec de alio Nicolao Florentino illius cui inuenitur memoria; dicendum ergo arbitror, vel præli mendum irrepsisse, vel Pocciantium in annorum numero lapsam esse.

## EPISTOLA XXX.

FRANCISCO MARESCALCO, (1)  
& PHILIPPO BENDEDEO.

## ARGUMENTVM.

*Pridianum discursum suum cum Francisco Marescalco, & Philippo Bendedeo, ad quos scribit, repetit de grauitate sententiarum Sanctorum Ecclesie virorum, & vana quorundam sui temporis verborum venatione, idque in leuisbus, turpibusque argumentis: nominatim vcrò de libello inscripto Hermaphrodito Anton. Panormitani, contra quem, si illi duo amici vellent, vt Albertus aliquid scriberet, quod instanter exposcebant, petit, vt Antonij ad Poggium, & Poggij ad Antonium de hac re literas ad se mitterent, vt ex altero coarguendi, ex altero reuincendi materiam sumat;*

**N**Vdiustertius cuni post exaturatam, vel potius refectam inedia, in cœna vestræ dilectionis pariter commentes, & molesto quidem, quantum ad popularis auræ contemptum, turbulentæ vulgî impetu septi; sed quod ad charitatis laudem attinet pia Christianorum frequentia inuicem comitati essemus, de inanibus nostri temporis scriptoribus, in itinere, Philippo nos paulum præcedente, mi Franciscæ, simul fabulari collibuit in eâ comparatione Sanctorum quam fecimus ad istos profectò indignam, quandoquidem Sanctos Ecclesie viros, & veræ sapientie sectatores, diximus sententiarum potius pondus, quam verborum sonitum esse sequutos.

Istos verò contra, qui sapientiam profitentur, præter elaborata, præter turgida, præter expolita, & vt ita dixerim, emendicata verba, totum esse inane, ieiunum, exangue, quod

dicunt; nec neruos, aut lacertos, nec dum Christianos, vel vt nouum nomen excudam, Philosophos, sed nec orationes quidem habens. Quippe qui nihil præclarum, nihil sanctum, nihil graue, nihil virile scriptitant, quod aut decoris, idest honesti, aut Religionis, aut sapientie, aut intenti ad virtutem animi, aliquid afferat. Sed nunc viles causas, quod est ignobilis, nunc nullas, quod est vel cauti, vel ignaui, nunc postremò turpes, quod est corrupti hominis (2) frequenter assumunt.

Hæc sanè dicebamus errori hominum superborum condolentes; non autem detrahentes doctrinæ, quam non habent indocti, & habere aspernantur à doctis, nec infirmantes sapientiam eruditorum, qui saltem quod nesciunt, à quibusuis, siue eloquentibus, siue impolitis, nec studioso labore ediscere erubescunt, nec laborioso sudore per se se eruerent ex illorum libris saltidiant, siue

in:

insuauibus, siue suauibus, dummodo ipsa veritate pascantur, atque à tenebris ignorantiae liberentur, & in ipso vero, quod assecuti fuerint, conquietantur.

Cumque & hæc, & pleraque istiusmodi morbi colloqueremur, in *sceleratissimi libelli* (3) Hermaphroditii, nec minus perditii illius authoris, nisi respuerit, mentionem incidimus: quem vt citius coarguerem, et si res postulare, confutando reuincerem, me vehementer, & sæpe hortatus es, hoc vel maximo argumento tua dicta confirmans, ne non solum, si tacuerimus, scribentis stultitia perspicua non fiat, *cum satis, superque per sese pateat* (4) sed quod est grauioris iacturæ, ne ipsa nostri temporis iuuentus indomita, cui per ztatem prona in pericula via est, amplius, ac desperatiùs corrumpatur; cum certò sciamus, absque huius detestabilis authoris incitamentis ad luxuriam, eamque fœdam, atque inhumanam, in ea pubescentis adolescentiæ ætate campus vitiorum quam latè pateat, quamue adolescentium conditio magnis exposita periculis nutet.

Addidisti præterea, te non iniuria, me in ista congressione hortari, cuius nihil, neque vtilius, neque sanctius interessè existimares; quam si hoc munus susciperem, quoniam pro religione nulla sanè pars honestatis me magis deceret, quam omnium saluti consulere; nec minoris emolumenti apud te esse, si ad compescendum hunc procacem aliquid temporis triuero, quam si quotidie populis Christianis, genere quodam peruagato dicendi, omnem disciplinam honestandæ vitæ, morumque probitatem, atque virtutis magiste-

rium omne præcepero: præsertim, verò, cum non desint alij Ecclesiæ viri, quamuis ad messem perpauci sint, qui in iracundos, cupidos, libidinosos, blasphemos, irreligiosos, proteruos, ac reliqua vitiorum genera in dies inuehantur, & pertinent. Hunc verò nullus, maximè ex sæculi hominibus, pulsare præsumat, vel vocare in ius audeat, verentibus, vel putidam linguam eius, vel ob ignauiam torpentibus, vel fortasse suis ipsorum vitij adulantibus: Nos autem nequaquam calumnias improborum timere debeamus, pro veritate certantes, cum sciamus, & verè, & eleganter dictum apud Hieronymum: *non minoris esse peccati sequi malum, quod bonum putaueris, quam non audere defendere quod bonum pro certo noueris* (5) cum igitur exploratam, ac certissimam habeamus pudicitie honestatem, fœditatemque luxuriæ non minus compertam, alteram impugnare, expugnare, & oppugnare, alteram tueri, laudare, & colere, præclare aiebas esse virtutis.

Ego verò, Franciscè, pro his omnibus tibi respondi, non inimici more, sed diligentis Christiani amore agendum, cum eo mihi prius videri, idest vt ante parentis affectu admoneretur; deinde irascentis iudicis asperitate deterreretur, vt sicut periti medici facere solent, primum turgidum vulnus oleo liniamus, ac tum deinde ferro secemus, ne nimia misericordia virus putridi membri totum corpus inficiat. Hoc enim magis ad nos spectare, pijsimum, in Hierosolymitam Samaritanum, ardore fidei imitantes, qui vini asperitatem lenissimo misericordie oleo temperauit.

Quoniam igitur nunc mihi quidem, non furor ille poeticus, siue in bonam, siue in alteram partem interpretari malueris, sed ipsa mentis tranquillitas liberata parumper in hoc locelli à tumultuantium strepitu populorum, ipseque in primis Christus Dominus noster occasionem præbuit in hoc otio aliquid tranquillius, quietiusque dictandi, obsecro vos, mi Francisce, ac Philippe, vt si aliquid vultis me scribere, antequam ingens laborum annus, ad

frequentiores, & doctiores homines prædicandi me premat, illas epistolas, quas Poggius, & Panormita ad se inuicem scribunt diligentissimè perscriptas ad me mittere nihilo differatis: quoniam ex altero, quamuis tenuiter arguente, coarguendi; ex altero verò, quamuis insipienter respondente reuincendi nonnullam materiam sentio aptissimè mihi præberi. Valete mei fratres in Domino suauissimi: ex Rodigio (10) X. Kal. Maias 1434.

## N O T A E.

## Nota I.

*Francisco Marefcalco, & Philippo Bendedeo.* Quinam isti fuerunt Alberto nostro tam amici, vt fratres in Christo charissimos vocet? Ferrariz fuisse suspicor, à qua Rodigium, vbi Epistola scripta fuit, viginti quinque dumtaxat P. M. distat, pios profectò, & eruditos fuisse discursus, quem cum Alberto habuerunt, argumentum ostendit.

## Nota II.

*Quod est corrupti hominis, & infra, perditus illius auctoris nisi respuerit.* Hinc Poggius ad Panormitanum, quod in Alberti vita scripsimus, ne, inquit, arguatur vita impura libelli obscenitate. Et ipsa veritas Christus Deus noster: ex operibus, inquit, eorum cognoscetis eos.

## Nota III.

*Sceleratissimi libelli.* De hoc satis diximus in vita Alberti.

## Nota IV.

*Cum satis superque per se se patiant.* Vide supra Epist. 21. Not. 4. vbi turpia detexisse reprobasse est, vt

enim pulchra solo sui aspectu delectant; ita turpia horrorem sui pariunt, & qui de istis verecundiusculè loquuntur, figuris, & ænigmatibus ea cohonestare satagunt. Immo ipse imprudentissimus Dæmon aliquem deceptorus, se varijs aliarum rerum formis obteggit, & aliquando in Angelum lucis conuertit, & vt Cyprianus loquitur. Ita Diabolus artifex, quia idololatriam per se nudam sciebat horreri, spectaculis miscuit, vt per voluptatem possit amari: omnis turpitudine tenebras quærit, & qui malè agit, odit lucem, si vel imprudentissimus, vel furibundus haberi nolit.

## Nota V.

*Non minoris esse peccati, sequi malum quod bonum putaueris, quam non audere defendere quod bonum pro certo noueris.* Hæc verba, vt hoc loco allata, apud Hieronymum non reperio: sed author fortassis alludit ad sensum Hieronymi in illa verba psalm. 33. tom. 3. Diuerse à malo, & fac bonum, vbi sic loquitur: Hoc est destruere vitia, & edificare virtutes: nihil prodest, si destruis, & non edificas, hoc est si destruis vitia, & non edificas virtutes. Ac si dicat. Quis est homo, qui sine his velit vitam, quia  
in

*in eo nullum bonum est, qui nullum malum destruit: voluit enim Marescalcus persuadere Alberto, non magis ad ipsum pertinere, ut alijs prædicando edificet virtutes, quam ut Hermaphroditum libellum oppugnando destruat vitia.*

Nota VI.

*Ex Rodigio. Alij cum aspiratione Rhodigium vocant, & Vernaculè Ro-*

*uigo, estque oppidum ditionis Venetæ 25. ut dixi- M. P. à Ferraria distans sedes Arienſis Episcopi, & viri doctissimi Cœlij Rodigini, ac Bartholomæi Rouerellæ Raucanatum Archiepiscopi patria. De eo agunt Leander Albertus in Romanæ pag. edit. Latinæ 543. Ferrerius in lexico geographico pag. 628. & Io. Bapt. Pigna in historia Principum Estensium lib. 2. pag. 114.*

## EPISTOLA XXXI.

BONAVENTURÆ VENETO.

ARGUMENTVM.

*Eum ad sē Paduam venire rogat.*

**V**ellem te, chare frater, pro communi utilitate nostræ Reipublicæ Christianæ, paulum alloqui: sed cum mihi ob quotidianas occupationes, te adeundi facultas minimè detur, restat, ut pro tua humanitate te ad nos visendos huc Paduam quamprimum transferre,

non dedigneris, tanto hilarius, quanto tardius: iam enim 12. anni penè elapsi sunt, quibus ad inuicem rusticati, nec præsentia, nec literis, nos alterutrum, vel obliui, vel ingrati, conuenimus. Vale ex Padua. v. Non. Maias 1434.

## EPISTOLA XXXII.

FRANCISCO MARESCALCO.

ARGUMENTVM.

*Nuperas preces repetit.*

**S**cripsi ad te nuper, & ad Philippum nostrum communes literas, rogans instantius, quo mihi satis de quibusdam Epistolis Poggij, & Panormitæ, quas ad se inuicem scriptitarunt, actutum facere deberetis. Id ipsum nunc à te peto, immò vos ambos postulo,

ne me ex illarum carentia ab scribendo, quæ tecum in itinere proposueram, diutius retardetis, nec ob dilationem mihi obsequendi, apud me in fugillationem negligentie veniatis, quos semper diligentissimos existimaui. Vale in Christo Iesu, ac pro me ora. Ex Patavio Non. Maijs 1434.

H h

EPI-

## EPISTOLA XXXIII.

PHILIPPO BENDEDEO.

ARGUMENTVM.

*Tenerum Benedeci in se affectum Albertus grauitè, & amœnè perpendit. Philippi nominis interpretationem in Benedeci laudem conuertit, laudesque ab eo sibi tributas deprimit, & sibi non conuenire, doctè declarat, & quæ deccant modèstè admittit. Quæ mala hyperbolica laudes, laudanti sequantur, exponit. Guarinum in Panormitanum prouocat, salutat amicos.*

**A**Ccepi nuper & tuas, & meas, & aliorum, vt abs te volueram, literas. Sed in tuis cum omnia me magna incunditate affecerint, præter laudes meas, tum vel maximè hæc me de te præcipuè oblectarunt: summa animi tui gratificatio, paritas eloquij, aperta sinceritas, ardor viuax dicendi, extricata sententiæ, atque, quod est longè præstantius, erga amicum affectus tener, si dici liceat, plusquam maternus, immò vt aptè loquar quod sentio, amor in me tuus, sine vitio zelotypus, plusquam vxorius. Quid enim aliud rectè dixerim, nisi Philippe dulcissime, cum tu ad paruam absentiam literarum mearum, vt verbis tuis vtar, fueris inquietus, subiratus, tristis, excruciatu hæseris, tacueris, frontem rugaueris, contraque exultantem te, & visceribus ipsis commotum, superbiola quadam elatum, & pro ipsis literis gloriosum, vt scribis, effecerit. Quæ omnia equidem rectè interpretor, id est amicè abs te facta, & vnde tibi tristitia obrepfit, inde mihi risus obortus est, quemadmo-

dum & tibi ipsi, & cæteris amicis accidisse perscribis, quibus ego, vt optas dulciter, sobriè, lubenterque corrideo, & te (si meo amori accedere quicquam erga te possit) ob hoc ardentius diligo, tuoque vulneri adèdè proniptus subuenio, quamuis non rectè vulnus dixerim, in Christianum hominem Christiani hominis Christianum anioem, nisi fortè eo sensu dicatur, quo Sponsa Christi, ac fidelium mater Ecclesia, in Canticis queritur dicens: *vulnerata charitate ego sum*: quod in bonam partem intelligi oportere, nemo est sanus, qui nesciat. Neque enim charitas mala vulnera efficit; alioquin non rectè dicitur ab Apostolo. *Charitas non agit perperam*. Huic ergo sancto vulnere tuo, adèdè, inquam, promptus subuenio, vt qui mea occasione illud acceperas, quando ad ambos, te dico ac Franciscum, scripseram, mea item opera nunc cureris, quando ad te singulum tantummodo scribo; nisi forte mihi cautius providendum quisquam putauerit, ne qui ambobus tunc scribens, te in fratrem, & socium ad inui-

inuidiam concitaueram, dum nunc te solum consolor, ille se derelictum iustissimè cauetur: sed hoc periculo facilè liberabor, si, vt volo, ac peto, hoc ageris, vt & communes sigillatim, & contraque sigillatim communes, semper ad vos literas æstimetis. O sanctum amorem, ò castam dilectionem erga me tuam! verè profectò nomen congruens tuis moribus sacro de fonte, parentum pietate, traxisti; at verò virtute vicisti, adeò vt non iam quia amator sis equorum, sed quia obseruantissimus Christi præcipuorum Prædicatorum, qui equorum nomine in scripturis sanctis significantur, iustissime Philippos dicaris. Neque hoc dico quia veteribus, aut vita, aut doctrina re ipsa sim comparandus. Sed quia tu mihi ea opinione, ea existimatione, ac veneratione loquaris: tanquam si vnus è Patribus, sanctimoniam, atque eruditione præclarus insigniter euasissem. Quod ego prorsus laudis genus rejicio: ob idque maxime in ipso huius Epistolæ nostræ principio dixi: tuarum litterarum magna iucunditate me omnia affectisse, præter laudes meas, in quibus omnibus, pace tua dixerim, tuo vitio parum inepte dicta attribues, qui ausus sis, me homunculum imperitum, qui vix scripturas sacras, pene dixerim, adhuc totas diligenter perlegi, & sacrarum litterarum interpretem, & Evangelicæ legis tubam, licentiùs, faciliùs, ne dicam leuiùs, nominare. Nam si quidam Philosophi in humanis rebus differendis longe acutissimi, quamuis ventositate vanissimi, comperta ignorantia sua, duce tamen ratione, & veritate è schola sua, vsque adeò elatum, & iactitans nomen sapien-

tiz pepulerunt, vt se Philosophos, idest sapientiæ amatores quam sapientes appellare maluerint; quanto magis ego tardissimus, imperitissimus, infandissimus, qui scripturas sacras, vt dixi, iterumque, & iterum dicam, vix adhuc totas perlegi, & oratorias primis penè labris, Guarino nostro præceptore doctissimo, in adolescentia paululum parùm attingi, oblatam eiusmodi abs te laudem, non quidem malevolentiam, sed amoris errore à me explodam, præsertim tam summam, atque in scripturis Diuinis: quam non dicam me, qui nihil sum, sed præter Apostolos, quibus ad eas intelligendas apertum esse sensum à resurgente Domino, Lucas Euangelista testatur, plenam intelligentiam habuisse neminem credo. Ac ne nimia hoc humilitate dictum existimes, fateor equidem, me in Christiana lege meditandâ versari, illam tenere cupere, & vt quicquam ex illa eruam aliquando conari, atque eam velle in dies multo magis veraciter intelligere; ac tum demum, vt mea mediocritas tulerit, Christianis populis sapius pro animarum charitate, quod tantillum intelligimus, enodare. Ex quo fit, sapienter quidem, quantum arbitror, vt neque sicut Aquila, arcana contemplaturus, super altitudinem nubium me subtolam, ne superbus ad ima periculosus detrahar, neque vt talpa per ipsum solum irrepturus terræ latebris, omni quidem tempore hæream: neque postremò vt noctuam, me cæcum constitear, quæ tenebras diligat, osa lucem. Ita verò quodam loco & noster Hieronymus ait, *vt mihi excelsa non vendico, ita terre berentia me supergredi posse credo*. Cuius

forte elegans dictum mihi superbius arrogauerim. Verum tu amicè cuncta accipies, atque ad me suauissimas literas tuas dabis, ad amicitiam conferuandam sane frequentiores: sed ad paruitatem meam extollendam temperatiores, castigatiores, grauiores. Quod si continere te non poteris, amoris intemperantia, audacter dixerim, malle nullas, ne forte aut te adulatio blandientis linguæ, aut me elatio prurientis auris, aliquando tandem leuius ventilaue- rit, aut utrosque esca illectos inanis rumoris aura, ut quidam è Patribus ait, in quaslibet inuehat voragines flagitiorum, siue in facinorum etiam saxa collidat. Vale incolumis, ac mei memor, suauissime Frater. Atque illustri Leonello Principi me commendes, quem magis amo, quam dicere queam. Ad ipsum cum ero quietior diligentius exarabo, non vnâ epistolam, sed fortasse libellum. Apud communem verò

præceptorem nostrum Guarinum, idem mihi officium profus efficies, quem digno quidem præceptoris honore meo nomine adnonebis, non esse & illa penitus negligenda, quæ in Hermaphroditum librum non modo maledicum, verum etiam putidicum simul aliquando contulimus, si famam suam velit tueri, quæ hic à plerisque sanè literarum studiosis, nec meo iudicio contemnendis pro sua epistola satis carpitur: si quod mihi se facturum pollicitus est, ut peto, & oro, dictabit, fac ad nos copia literarum perueniat, cum aliquid præclarum ediderit. Infecum Barbarum humanissimum his adiunges, qui cordis mei altissimo loco quiescit, quiq; extremam hic pagellam complere videatur. Iterum vale, & amicos salutandos expressos puta, eosque saluta in osculo sancto. Ex Patauio XV. Kal. Iunij 1434.

## E P I S T O L A XXXIV.

LEONELLO ESTENSI PRINCIPI.

## A R G V M E N T V M.

*Peruasisit Albertus Nicolao III. Estensi, Marchioni Ferrarie, ut legem sanciret contra superfluas caudas vestis mulierum. Post absens vario rumore percepit illam legem abrogatam esse, alijs dicentibus confirmatam potius. Ille, facti dubius, ad Leonellum Principem, qui absente Patre gubernabat, scripta hac epistola, abrogationis primi decreti incommoda, & confirmationis dignitatem exponit: rogatque, ut pro Patris, ac suo bonore tuendo, proque Ferrariensis, aliorumque populorum utilitate, primum decretum ratum, firmumque velit.*

**C**æpi iam pridem ad te scribere, non epistolam, sed libellum (1) quem adhuc habeo in-

manibus, nec mihi illum pro angustia temporis vacat explere, cogentibus ad eò occupationibus quotidiana-

tidianarum prædicationum, quas ex more, vt scis, ad Christianos populos habere solemus, vt quæ me delectant studia priuata, muneribus publicis intermissa conspiciam. Itaque cum necdum completum opus mittere possim; nolui tamen ad te scribere nihil, sed quod nequeo longis epistolis, agam breuibus schedulis, tuque vicissim paucis, cum multis non poteris, me scriptis tuis suauissimis, atque charissimis consolabere.

Mallet tamen rebus, quam verbis, satis meo desiderio per te fieri, quod quidem & ipsum fateor ardentissimum: nihil sane neque expetit, neque petit abs te Principe nobilissimo, nisi pro te ipso primum omnem sanctimonie puritatem, nitorem morum, & tui tuendi nominis, conseruandæque famæ omnia præclara præsidia. Pro tuo autem populo institutiones sanctissimas conseruari, & nouas, quoad per te fieri potest, quotidie augeri, quibus & fræna perditis adhibeantur, & bonis ad virtutem aditus latissime pateat.

Hæc idcirco dixerim, quoniam ad me nuper, nescio quis rumor, vtinam inanis, attulerit eas leges, quas dixerat caudarias, à Patre tuo, vt aiunt, muliebri importunitate deuictæ, ante suæ peregrinationis professionem abrogatas fuisse; alij verò contra, tanta illum dicunt constantia in sententia perstitisse, vt quantumlibet nobilibus viris pro fœminis suadentibus, ne ad horam quidem in hoc dedecus, non modo fœditatis, sed leuitatis assentiri voluerit: si tamen aut nobiles aut viri habendi sunt, qui ad leuitatem fœmineam satiandam, ab honestorum

morum firmitate deficiunt. Ad dunt quoque plerique, quod præclaræ quidem virtutis est, cum quem dixi, Patrem tuum non iam amplius supplicantium muliercularum molestias ferre valentem, tandem & viris, & mulieribus aduersantibus respondiisse: si quæ est mulier, quæ se malam haberi velit; aut si quis est maritus, qui malit scortum suam coniugem, quam uxorem putari, ijs caudas dumtaxat ferre concedimus: cæteras verò, & graues, & honestas matronas portare caudas prohibemus, etiam edicto publico; quippe quas etiam statutz iam per nos pœnz subijci volumus; si secus quam statuerimus, facere ausz fuerint.

O verè præclaram vocem, & Christiano Principe dignam, quæ viros effœminatos perculit, & muliebrem repulit impudentiam, quæ stabilis sententiæ latæ firmitatem ostendit. Immo grauis animi testimonium, & ad reliquos æmulanda virtutis exempla transmisit. Quale enim esset, mi Leonelle charissime, vt lex heri lata hodie abrogaretur: nonne & maiestatem leuitatis, & conscientiam criminis argueret; dicente Beato Petro. *Canis reuersus ad vomitum suum, et sus lotus in volutabro luti* (2) Nonne licentiam impudentibus, & impunitatem facinorosus polliceatur? Taceo læsionem existimationis cum tui, ac semper imprimis Patris tui, tum totius omnino ciuitatis, cuius opes non dico diuitiarum, sed morum hæc pestilentia populatur: quid quod cæteræ ciuitates, si quod fertur sit verum, hoc exemplo prius incensæ, nunc ab studio similia faciendi deterrebuntur. Ex quo fit vt non nostro

rum tantùm peccatorum pœnas luamus, qui fræna malis non adhibuimus, & adhibita non seruauimus: sed etiam aliorum errata, qui hoc flagitio, & facinore, admonitione nostra abstinendum censuerant.

Nobis quidem de ingenita leuitate, atque inerudita vanitate male meritis, *cuncta profecto imputantur* (3) qui eos illicibilibus inconstantia nostræ irritamentis ad inania vanitatis impulimus, & à veris, & grauibus sinceritatis solidæ auocauimus. Quamobrem te obsecro vehementissime, quia Christianus es, mi frater in Domino suauissime, sed quia Dominus es, mi Domine excellentissime, vt animum meum, qui cunctabundus huc atque illuc paulo momento impellitur, huius incertæ dubitationis angore mœrentem, certissimo testimonio tuo liberet: vt siquidem hæc mala ita se habent, salutari tristitia; sin verò minus, solida Christianæ charitatis iucunditate afficiar, cum videro, meo quidem satù, sed faciente Christo Diuini verbi semina, in vestris mentibus profecisse, dicente Ioanne Apostolo. *Maiorem horum non habeo gratiam quam vt audiam filios meos in veritate ambulare.* Quæ quidem veritas, cum semper vincat, omni tempore crescit in augmentum Corporis Christi: quod teste Paulo est Sponsa Ecclesiæ.

Adeo cordis nostri arua fecundiora, non solum voluntaria Domini pluuia irrigata, verùm & iactis feminibus fixta, aut centenos fructus, quod summum est, attulisse gaudeamus, aut, quod est extremum, tricenos iuxta Euangelicam veritatem ex animorum noualibus allatura speremus, vt in altero egregij, ac rari, idest prelari, atque ijdem perpauca; in altero verò communes, idest quantum satis est, boni reperiantur, præsertim à Christo, qui & iustissimus Dominus, & clementissimus Pater est; apud quem Christianarum mentium nulla procul dubio dubitante, aut iniusti antiquæ impuritatis pœnas acerbissimas dabunt, aut iustos laborum, angorum, sudorum, dolorum, ac meritorum triumpho prelariissimi perenniter profecto manebunt.

At e autem hæc omnia, mi Leonelle, & populo tuo, quia ardentissimo corde percipio, vt & mala, absint, & bona proueniant, pro his omnibus ad Dominum nostrum preces humillimas oblaturus; sicut ante iam feci, & si non corpore, saltem mente, ori suo Christianæ pacis sancta oscula imprimens, iterumque, ac tertio Trinitatem veram, quæ Deus est, confessionem laudis constantissimè signans, tibi, ac populo sæpius repetens dico. Vale ex Patauio IV. Idus Iunij 1434.

N O T A E.

Nota I.

*Non epistolam, sed libellum.*  
Ego omne studium adhibens, vt inuenirem hunc libellum quem incœpisse

saltem se cum spe perficendi significat Albertus, incidi in M. S. de hac re libellum inter opera B. Ioannis à Capistrano, qui Alberti nec methodum, nec stylum præferbat, & Vvaddin-

gus inter Alberti opera hoc recenset; unde vel non absolutum, vel perditum existimo, nec fragmentum ad posteros peruenisse. De officijs honestæ foeminae, virginis, nuptæ, in moribus, & cultu corporis legendus S. Paulus ad Corinth. 7. & ad Tit. 2. & eius ibidem interpretes. Præterea Tertullianus lib. de habitu muliebri, & altero de cultu foeminarum, & obiter in oratione de pallio. Cyprianus de disciplina, & habitu virginum, & de disciplina, & bono pudicitia: Hieronymus in vita Pauli Eremitæ, & Marcellæ, & in epist. ad Lætiam, & pluribus alijs, quæ tom. 1. operum reperiantur. August. de adulterino habitu virorum, & mulierum tom. 10. sermon. 147. pag. 393. S. Anton. in sum. moral. tom. 2. tit. 4. cap. 51. & alij veteres. Recentior autem extat lingua Gallica liber insignis Fratris Iacobi du Bose, Franciscani Parisiensis inscriptus *Phoneste Femme*. Et Italicè alius Ioan. Leonardi Fundatoris ordinis Clericorum Reg. Matris Dei, de vano ornamento foeminarum, cui appendit epistolam cuiusdam Paulini viri illustris, de eadem re ad suam neprem. Multa alia sunt loca scripturæ, quæ vestis abusum reprehendunt, & quorum interpretes non possunt non multa, in eundem sensum contulisse quæ in indice biblico notantur verbo *abusus vestium*.

## Nota II.

*Dicente Beato Petro*. Totus Petri locus epist. 2. cap. 2. à ver. 20. vsque ad finem huic rei accommodatissimus est, ac proinde hic integrum describere placuit. *Si enim, inquit, refugientes coinquinationes mundi, in cognitione Domini nostri, & Saluatoris Iesu Christi, his rursus implicati superantur, facta sunt eis posteriora deteriora prioribus: melius enim erat illis non cognoscere viam iustitiæ, quam post agnitionem retrorsum conuersi ab eo quod illis traditum sancto mandato. Conspicit enim eis illud veri prouerby. Canis reuersus ad suum vomitum, & sus lota in volutabro luti.*

## Nota III.

*Nobis quidem &c. imputabitur &c. qui impulimus, & supra admonitione nostra, & infra meo quidem satù.* His clarè significat Albertus, ipso impellente, legem illam caudariam contra itanem, prodigum, & perniciosum luxum vestium muliebrium sancitam fuisse: quam proinde leuiter abrogari, sibi etiam dedecori fore, non leuiter metuebat.

## EPISTOLA XXXV.

IOANNI BENCINO VENETO.

## ARGUMENTVM.

*Albertus Taruisium predicatum instanter vocatus, se excusat quod Vincentinis pro secunda die Augusti promisso suo, & ciuium expectatione obstructus sit, sperans se aliquando Taruisinis esse satisfacturum.*

**H**esterno die cum valde essem grauioribus dissentionibus conciliandis intentus (1) quidam nuntius ad me venit afferens literas, tam tuo nomine, quam viri honorabilis Christophori Donati Taruisini Præ-

Prætoris, cuius virtuti sæpe, cum hic esses apud me, testimonium præbisti: nunc verò illum vocas hominem secundum cor meum: quod cum tibi homini sinceriter vera testanti facile credam, quid mihi molestum non esse existimas, quod & tui, & illius, ac reliquæ omnis Tarvisinæ Ciuitatis sanctissimæ petitioni non valeo satisfacere? Profectò molesta mihi res est: sed quæ prorsus sine scandalo, aliter fieri nequeat: nam in ipsa nuper publica concione prædixi, me penitus secunda die Augusti Vincentiam accessurum. Quod si secus facerem, existimare debes, quia inconstantiæ, ac leuitatis arguerer. Ipsi præterea socij mei, ex Vincentia ad me proximè redeuntes, magnam omnium postulationem nostri illuc accessus mihi exposuerunt: cum ergo illis ciuibus, me accessurum media penè, non

fide, sed spe quadam, fuerim, ante pollicitus, se vehementer deceptos conquererentur. Verùm ne tantum mihi crederem, consului hic fratres: qui omnes voce consona me Vincentiam accedere debere constituerunt. Itaque mi Pater optime, & reliqui omnes, qui ad me scripserunt, hæc pauca suscipite, quibus, cum iam nunc ad pulpitem iturus, respondere non possim, has tibi, & illis communes facio. Te verò, & illos rogo, pro æquo animo ferre, velitis, si vobis nunc non obsequor. Dabit enim Dominus benignus, & misericors aliquando forte aptius tempus, cum volet rogatus operarijs in messem, albis iam Regionibus, destinare. *Clara iam nunc die* (2) vocor ad pulpitem; ideò plura scribere non valens, dico valete. Ex Padua iij. Iulij 1434.

## N O T A E.

## Nota I.

*Dissentionibus conciliandis intentus.* Non sola prædicatione, sed priuatis, publicisque discordijs conciliandis, distrahebatur Albertus. Vbiq; desiderabatur. Sed vbiq; simul esse non poterat. Sed vt antè vidimus, & nunc præ manibus habemus, ea ipsius sinceritas fuit, vt quibus accessum semel promiserit, eos nunquam fallere voluerit.

## Nota II.

*Clara iam nunc die.* Quasi diceret præter solitum: nam, vt alibi dictum est, populus auiditate illum audiendi, viciniorum dicturo locum occupare contendebat, ac tot horis prorrahebat sermonem, vt summo mane ad pulpitem accedere oporteret: Ferrariæ aliquando per quinque continuas horas declamasse scribitur.

## EPISTOLA XXXVI

## PAVLO VERONENSI.

## ARGVMENTVM.

*Paulo multa præclara scribenti rescribens Albertus, responsi sui breuitatem excusat, sed sui inter alia celebratas laudes, tam urbanè auertit, vt*  
ele-

*eleganti paradoxo ostendat, sicut multa vera falsò, sic mulla falsa verè dici posse, adeòque Paulum esse falsas Alberti laudes, eas tamen verè dixisse, quo se humiliter abijcit, & alterum à mendacio humaniter excusavit.*

**S**Tatueram quidem iam pridem, Paule frater, plurima ad te scribere, te complecti, tecum in literis ludere pariter atque iocari, & iocis nostris, quoniam illi quidem de religione profecti essent, seria multa miscere. Nunc verò Deus testis est, quia vix hæc pauca eloqui possum: malo tamen ea ipsa tandem aliquando, quam nihil unquam penitus ad te scribere. Otium enim omninò mihi magis deest, quam facultas, ut percupio, ad te multa dicendi, quamuis forte utroque caream. Sed hoc alij viderint. Tu verò hæc interim, qualiacumque sunt, quia vel pauca sunt, hilariter suscipe, quibus liberè profiteor te mihi esse amicum, ac me tibi, ita ut totum tibi me dedam, quidquid sum: quemadmodum & tu te in me dilectionis magnitudine effudisti, vel si rectius dicitur transfudisti.

Ecce tuus sum omninò Christianissimè: si tibi satis non fuero, in te culpa est omnis hæc referenda, qui me tantis nolo dicere falsis laudibus cumulasti, hoc est enim quod tibi dixi per hunc ipsum perlatorem harum ineptiarum mearum, virum tui obseruantissimum, mihi Patrem, vtriusque nostrum amantissimum; omnia videlicet in tuis literis præclarè mihi videri, præter laudes

meas, quas tamen ab te non tam ridiculè dicās, quam veraciter creditas, quamuis falsas, mihi de tuo benevolentissimo animo persuadeo. Non enim fugit ista sententia, *Maiores nostros, doctissimos Ecclesie viros* (1) quos non piguit dicere, facile quidem esse videre, & verè infideliter, & non vera fideliter dici posse.

Nam qui, aiunt, sic credit ut loquitur, & si non vera loquitur, fideliter loquitur; at verò contra qui non credit quod loquitur, & si vera loquitur, infideliter loquitur. Tu igitur quoniam ea de me credis, quæ mihi sentio deesse, fideliter non vera dixisti, sed quod fideliter dixeris, quidquid dixeris, tuæ dilectioni attribuo. At verò quod non vera scripsisti, Francisco nostro Marefcalco imputare debetis: cui tamen de falsitate minus succensco, qui talem me proforsus existimans, talia dixit, & tanta tibi de homine non solum ignaro, sed extremæ professionis abiectissimo abortiuo, benignissimè potius quam verissimè, pollicitus est. Vale, & pro me ora, mihi que de tua responsione qui otiosus es, aliquid Christianæ dilectionis per literarum signa præbebis. Ex Vincentia XV. Kalend. Septemb. 1434.

---

N O T A

*Maiores nostros doctissimos Ecclesie viros.* Augustinum designare

videtur, qui Patriarcham Iacob excusat à mendacio, qui se interroganti

Patri Isacco, num esset primogenitus eius Esau? respondit se esse, & similia. Non quod illa vera essent, quæ dicebat: sed quoniam vera saltem per figu-

ram esse, ab ipso credebantur. Vide August. contra mendacium, cap. 20. post initium tom. 4.

## EPISTOLA XXXVII.

BEATISSIMO PAPÆ EVGENIO.

## ARGUMENTVM.

*Percepit B. Albertus, & quotidianis colloquijs expertus est, quorundam errores, qui suo tempore detrabebant gloria Martyrum, eorum preferim, qui se vltro obijciunt periculo mortis, vt Christi fidei testimonium ferant. Ipse contrario zelo, & subeundi martyrij cupidine astuans, eos commentario scribendo resellere meditatus est. Interea dum otium per quotidianam prædicationem non esset, ideam saltem operis descripsit vlt. hac Epistola; Eugenij Pontificis iudicium, iussionemque ad salutaris obedientiæ meritum postulans: in qua primum aduersa obtrectationis damna perpendit; quæ ipsam ad scribendum concitabant. Hinc obstacula consilij sui, propter quæ breuiori Epistola, priusquam opere ipso agendum censuit: exponit deinde meditati operis partitionem. Tota interim oratione, & Martyrum gloria, & ei obtrectantium dedecori, & exhortationi Martyrij semper insistit. Mox breue præconium Martyrum, peruerso vituperantium dogmati opponit: denique preces suas Pontifici porrigit, rogatque descriptorem præcipui operis, cum absolutum foret, vt vel banc ipsam Epistolam, tanquam adificij vestibulum, ac totius operis argumentum, non separet, & fausta Pontifici apprecando Epistole finem imponit.*

**C**VM aduersus amplissimæ gloriæ fortissimos viros, Beatissime Pater, quos Martyres Christi latè iam, ac passim Ecclesiæ consuetudine nominamus, quosdam nefarios homines insolentius garrite cognoscerem, illicò fateor, pro Martyribus contra impudentes excandui. Nec sum passus eos, ad quos imitandos (2) amor in me quidem impatiens, ante aliquot annos de munere Christi ad similia suspirans vota perurget, insanorum moribus lacerari, ne lingua male-

dica cælestis munditiæ in Martyribus sanctimoniam tam iniustus quam grauissimis conuicijs insectetur, neq; eximiam Christi de tam insignibus ducibus claritatem nefandissimæ criminationis maledictis obnubilet: ac ne Matris Ecclesiæ de tam præstantibus filijs gloriæ micantem fulgorem indignissimæ infamiæ sordiore nota conimaculet, vitiet, & obfuscet: neque postremò longè patentis Martyrum præclarissimæ famæ, de tam gloriosis triumphis egregium, præstantissimumque odorem, sabeo,

vt dicitur, thure, & suauissima fragrantia redolentem; in horrendæ mortis foetulentum nidorem, putores abominabiles exhalantem, teterina mendacissimæ obrectationis peste conuertat. Quos & ipsos Martyres, pro rerum gestarum magna quadam, summaque probitate, nostros heroes ( si hoc nomen Christianæ disciplinæ sanitas, ac sobrietas pateretur ) rectissimè appellari Maiores nostri, ijdem veteres, atque charissimi consuerunt.

Quamobrem nè apud Christum veritati infensi, diurni silentij pœnas acerbiores iustè pendamus, statui tandem, istos procaces, tanquam inuerecundius oblatrantes, atque quos fuimus satis superque diutius molestè perpeffi, & Patrum institutis, & ratione certissima, & quod est grauius, scripturarum, sanctarum autoritate refellere: quam sanè ad rem probè conficiendam, quamquam & me, & Christianos omnes niti summopere oportere, venenosi morbi, *teterrimique erroris* (3) iactura communis mihi facilimè persuaserit; Plurima tamen sunt, quæ nobis impedimento esse videntur. Quæ profectò omnia, si aptè à quoquam refutari debebunt, nemo est nescius, omnia ea vacui temporis otia commodissima postulare. Mihi fere verò quotidie apud Christianos, vtinam & vtiliter, & feliciter, conecione publica differenti pene nulla sunt otia, nullum à magno etiam labore, vacuum tempus. Quamobrem licet erecto animo sim, ad temeritatem insolentium confutandam; cum tamen mihi in præsentia, pro angustia temporis, minimè vacet, censui interim hoc, quantum arbitror, optimo consilio

mihi magis vtendum, vt prius hac mea qualicumque epistola perfidiam improborum apud sanctitatem tuam deplem, quam negotium condendi totius operis maturius subire festinem.

Quod vt perspicuo ordine à me fiat, quatuor partibus epistolam constare disposui. In quarum prima timorem meum, quamuis singulari quadam in spe sublimiore, iuxta vocem propheticam constitutum, tibi aperte, & simpliciter confiterer: quid præterea mihi consilij esset in causa agenda exponerem: errorem, deinde aduersariorum, & blasphemantium gloriam Martyrum explicarem: vltimo verò loco, quia inter se isti insani, contra quos agimus, & agemus, varijs opinionibus nutent, diligenter edicerem. Quæ omnia ab ordine proposito, & adiuuante Domino, cum rectè effecero, tu Christiana pietate istam epistolam nostram, si ita fieri debere censebis, probabis, & ego ad prædicandam Sanctorum Christi testium gloriam, & ad tuendam Martyrum ignominiam, quod de honore Domini augendo, de dilatanda Ecclesia, de fidei stabilitate firmanda, de veritate ferenda, de moribus fidei componendis, mirabili cupiditate arserunt, aduersus immanissimum errorem illorum, qui inanissimis cæcæ falsitatis rationibus scædant gloriam, triumphantium, promptus, libens, & ardens postea scribere pergam.

Hunc interim, vt cœpta profectui iam incipiam, duo sunt, quæ maximè ab scribendo me reuocant, vnum ipsa causæ magnitudo, quæ de media rerum ab ipsis Martyribus magnificè, ac probè gestarum, amplitudine, ac dignitate profecta.

est. Vereor equidem, ne tantæ veritati asserendæ, & tam ingentis ponderis causæ tuendæ succumbens, minus idoneus tractator accedam. Nam si tanta est Martyrum gloria, ut eam laudandi causa dumtaxat assumptam, vix quilibet peritissimus, atque eloquentissimus, dignè pro ingentibus trophæis agere queat, quanto magis, quiuis ingenio excellens, doctrina præstans, ac lingua præpolitus, haudquaquam poterit, tam vastam molem, æquis, ut ita dicam, humeris sustinere? qui sibi non modo commendandam, verumetiam ab aduersarijs pugnaciter tuendam statuerit, illis præsertim, qui tantæ de se audaciæ conredientibus formidinem præbeant. Quis enim illo amplius in congressu est formidandus, qui tam fortissimos duces audeat quouis temerè gladio obtreptionis appetere.

¶ Sed quoniam hoc opus nostrum, ad te præcipuè censui dirigendum, hoc est item maximum in causa, quod me reuocat. Cum enim coram illo res agitur, apud quem iudicio fortasse oporteat, pro eruditione, pro grauitate, pro autoritate periclitari, quale obsecro est minus, quod onus, magnis de rebus apud Summum Ecclesiæ Principem diutius proloqui? cui cum non est præbitus dignus honos, quam ineptè cum loquentibus agitur. Quis igitur non pertimescat, ei scripta dirigere, à quo possit, qui scripserit, non solum pro studio eruditionis à causa excidisse existimati, veluti de quo Martyres laudati multa desiderent: sed pro tutanda Martyrum gloria, multo id magis de Martyribus malè meritis credi: & quod est durius, pro autoritate, si ab

vero in aliquo aberrauerit, queat à potestate Petri diiudicari, corripi, respui, plecti, contemni. At rursus ubi auocor, ibi me ipse reprehendo, non solum ignauis, sed iniustitiæ. Nam quem veritatis amicum magnopere non delectet, vel rectè scribentem à Sede Petri in Domino colaudari, probari, prouocari? vel longius aberrantem reuocari, instrui, corripiendoque corrigi.

Hæc sanè mihi, Beatissime Pater, in assumpta causa cuncta contingunt, quæ me, ut dixi, vehementius ab scribendo detetreat: vetum nos benè gerendæ huius totius rei summa, cum spe Christum Dominum nostrum Ducem nobis præstantissimum exhibemus, quem comperitum est Christianis neminem vnquam deseruisse, qui illum tota fiducia præ se tulerit: huius igitur Christi nostri summo adiumento confisi, & præclaro eius præsidio nos totos dedentes, hoc quamuis inculto opusculo nostro, quod condere disposui, & ad te instituro, causam Martyrum commendandam simul & tuendam modo suscepi, ea vel maxima ratione, ne Martyrum contumeliam, iniuriam Ecclesiæ, probrum Christi, Religionis opprobrium, & Christiani nominis iacturam, quæ omnia efficiunt, qui constantiam Martyrum criminantur, diutius tolerarem, ac ne scelerati homines fragillum animos, tergiuersationum cauillationibus irretitos, & ad ineptias assertionis commentitiæ deuolutos, à veritate fidei solidioris decipiendo, mouerent.

¶ Nunc quod sequitur consilium rei gerendæ, atque intentionem meam, tibi Beatissime Patet, exponam, & rectè id quidem, quamquam

quam enim mihi constitutam, toto conatu tuendæ causæ Martyrum incumbendum, optauerint tamen fortasse nonnulli audire quo ordine. Quibus breui respondeo, eam me malle distinctionem suis partibus stantem seruare, quæ partitionem, triplicem complectatur, cuius primo quidem loco, Martyres pro exilis ingenij nostri viribus extollemus. Tum deinde in hostes Ecclesiæ de Martyribus malè ineritos inuehemur: Postremò quid te Summum Principem Christianorum, pro Ecclesiæ filijs facere conueniat, exponemus: & quidem fieri posse non credo, quòminus nobis contingat, aut primo illo bona ingenia concitari, aut altero deprauata prosterni, vel emendari, quod profectò magis optamus, aut tertio tua graui censura huic grauissimo, detestandoque morbo, quo mea sententia nihil tetrius, & moderato rigore quantum Christiana veritas, & pietas postulat, occurratur.

Seruato tamen proposito eiusmodi trinx partitionis non illepido ordine, antequam ad partem illam errorum, improborum explicandam perueniam, quædam mihi adijcienda constitui. Et si enim laudis, ac vituperationis singulæ partes sigillatim suis locis dirigendæ, absoluti diligentius à me debeant, tota tamen oratione laudandi sunt Martyres, tota in illos perditorum hominum facinorosum dedecus lamentandum, tota denique refellendus est hostis, & quasi per omne corpus inuentionis mucrone confossus, fortius lacerandus, ne nimium respirare permittus, nouis in nos viribus valens infurgat, sed potius ineulcata importunius percutione, tanquam frequentibus te-

lis, atque ictibus ingeminatis, deficiat.

Exhortationis autem robustior vigor, non tam in ipso calce libelli, neque tam vestræ beatitudini, quam perpetua ferè oratione, ad similia Martyrum vota præclarissima imitanda, idest ad Martyrium pro Christo vltro arripiendum, omnis omnino Christiani pectoris ardentissima fides, quæ per dilectionem, vt ait Apostolus, operatur, summis conatibus excitanda, summis viribus excitanda, atque ingentissima impauidi cordis, & perpetuæ stabilitatis mole firmanda est: non quo omnes fideles, aut posse, aut debere, spontaneos pro Christo Martyres fieri arbitremur, sed quo, abiecto errore, qui malè de Martyribus sapit, discant, qui volunt, & qui nolunt ab his, qui tanto animo, egregij pro Christo, rari fortia, præclaraque audent, opus agi non obtreccatione, sed honore summo dignissimum, rem virtutis permaximæ, & apud Dominum meriti præstantissimi: rem de Diuina sanctione, de Apostolica operatione, de Euangelica eruditione manantem. Quid plura? rem Christiano nomine dignam, innocentium cruore sacratam, Martyrum honore dicatam, Ecclesiastico dogmate confirmatam, doctissimorum sententia roboratam, Sanctorum penè omnium documentis clarissimis illustratam, cœlesti, atque ingenti præmio destinatam.

Horum omnium, quæ enumerauimus siue præcepta, siue personæ, digesta, diffinita, grauis, & probatissima disciplina hoc diffiniuit, hoc statuit, confirmauit, non eos damnatos, neque damnandos, vt perditii homines criminantur, qui se  
vltro

*ultra pro Christo persecutoribus offerunt* (4) vt infideles prosterant, & erroribus reluctentur, vt fidem Ecclesie compluribus patefaciant, longius porrigant, & in vltimas terras, si fieri potest, asportent. Sed esse potius eos ornamentum Ecclesie, & decus Religionis, atque e numero electorum militum Christi, fortissimos sui corporis domitores, victores diaboli, seculi magnanimos contemptores, etiam si nihil horum haecenus extiterunt. Qui de hominum mundi tyrannica rabie triumphantes, mortem suam, iuxta propheticam vocem Christo pretiosissimam praebuerunt, & tanto praestantior, quanto praeter fidei, & Christi confessionem, quae causae praecipuae sunt, maiore animo, & nulla data cuiuscumque alterius persecutionis occasione, magis sponte quaesitam.

Sed iam nunc Beatissime Pater ne vel te, vel lectorem longius traham, vesanus explicandus est error, quem nos tertio loco contra blasphematores Martyrum, exposituros polliciti sumus, vt in qua intendere animum, cum qui legerit, oporteat, certo sciat, nec generatim, & sub nube loquentes, notionem vtiliorem abominandae haereseos legentibus occultemus, quos potius nefandae falsitatis admonitos speramus illam nobiscum vehementer detestatos, atque quod vel maximè ab omnibus postulamus, imbecillitatem nostram, quae contra hostes Martyrum dimicatura est, suis orationibus adiuturos, tanto feruentius quanto non vnus nobis confutandus hostis obijcitur: sunt enim tam innumerabiles per orbem, latè vagantes: in Italia verò nostra ingen-

tior copia qui non sunt à Christiano nomine alieni: vtrum ab opere, à merito, à praemio, ipsi viderint. Sed quod est calamitosius, tales sunt, quorum plerosque religionis, & seruatorum Christi institutum decorant.

Hi priscos audent, & ad nos vsque priscis posteros Christi Martyres impia temeritate damnare, futuros verò, ac praesentes, qui animo insignes, audaci mente, & corde impauido, pro Christi confessione mori percipiunt, meticulosa procacitate, & ignauissima insolentia terrere conantur. Aiunt enim, immò contendunt, impudenti profus, quanta mihi videtur, atque imprudenti nec minus falso, sacrilegoque commento, omnes omnino homines, siue sint illi futuri, siue vitam nobiscum degant, siue haecenus fuerint, tanquam proprios parricidas aeternae morti, atque extremae damnationi esse obnoxios, qui inter paganos, & alios hostes Christi, fidem Catholicam liberius praedicantes, vltro quondam animosius defenderunt: vel modò non rogati, non inuitati, & vt totum complectar, ab non credentibus non praesenti, aut praecipiente, sponte defendunt, annunciant, praedicant, monent, publicant, manifestant, praesertim verò si hoc asperis verbis agatur, atque vt occidantur ab iniuria lacessitis, non vt illi conuertantur ad Christum, si de industria ad eorum sana concedant, quae vulgato inter Saracenos nomine vel Chinise, vel Moschete vocantur. Propterea, inquiunt, quod illorum, templa consulto ingredientibus, aut abnegatio fidei, aut periculum mortis, quamvis ex confessione Christi, certò saepe, immò penè semper, imineat, aut illos dispendium, ex-

tinatioque sequatur. Sed ò nequissimam vocem dicere Martyres non esse, qui sunt, & quos reuera quanto ex animo promptior, tanto sublimior confessio potius præclara veritatis exornat.

Addunt præterea, vt moderari videantur insaniam, confessionem fidei non esse abhorrentibus ab illa tyrannis, paganis, atque infidelibus ingerendam: ne margaritas ante porcos, aut sanctum dare canibus videantur; nisi cum illam sibi à nobis exhiberi, aut deuotio desiderantis exposcit, aut sagacitas interrogantis explorat, aut violentia persecutoris extorquet. Isto verò, quod extremoloco posuimus, illud fit, inquit, vt cum hostis fidem persequitur, religionem vastat, nemini liceat sponte confiteri, nec vltro confitendo infidelibus reluctari; fugere autem, si quidem fieri possit, ad sapientiam pertinet, & per hoc, legem perfectæ mentis non abroget. Si verò carpere fugam minimè vacat, arreptum tyrannicis manibus, non data optione aut negandæ fidei, aut perpetiendæ mortis, posse sibi remedia seruandæ vitæ, siue parata fuga, siue impartita pecunia comparare, iustèque id & rectè quidem licere. Data autem optione, mortem quamuis durissimam subeundam. Et hæc quidem in persecutione.

At verò in pace Ecclesiæ, inquit, haudquaquã sponte confiteri debere, neque non præbita optione, neque data à paganis occasione, neque quauis causa per se inuenta, id est à quoquam, data opera se offerre. Verum quod sequitur totam illos pectoris insaniam effundere cogit. Quod si de vltro-nea, aiunt, confessione quisquam

à sui parricidio liber existit, hoc ad prædicatores Diuini verbi maximè spectat, quibus per orbem Euangelium ferere tanquam necessitas quædam annunciandæ veritatis imposita est. Cæterum Christiani cæteri, quibus illud officium, eiusmodi sarcinam non imponit, banc prorsus temerariam audaciam esse, & eò magis mortiferam, quo prohibitam sibi omninò existiment: quoniam procurandæ sibi spontaneæ mortis causa, sicut & inferendæ meritò in omnibus Christianis, tanquam præsumptio detestabilis est semper damnata. In illis verò, inquit, multo est perulcaciore audacia, si sponte sua id agant, quos per subiectionem alteri obtemperare oportet, & quibus instituto quodam professionis canonicæ maiorem aliquem, ac patrem omnibus, qui simul humiliorem in congregationibus vitam agunt, religionis ordo præfecit. Quorum subiectorum vltima salus, si tam arduum opus per se aggredi attentauerint, ne dicam verè amissa, certè dubia est, nisi maiorum suorum in hunc congressum, aut iussione cogantur, aut hortatione mittantur, aut laxatione latioris licentiæ permittantur. Quid illud tandem, inquit, quale est, eos fecisse nostra causa homicidas? qui inuocati incurrimus, imò quos nostra occurrence, vt interficiant, irritamus, ac pene inuitos cogimus? cum aut in nos indignatione feruntur, suæ læcessitæ fidei, imò perfidie iniurijs agitati, aut legis, quam habent, sanctio, si tamen habenda sit lex, quæ tam turpia præcipit, nostro illis facinore obseruanda est, quæ apud eos indubitata contradicentibus pœnas indicit.

cit. Si quis autem audax, plusquam sapiens, & furens, plusquam feruens nobis obijciat, veteres quosdam Martyres se persecutoribus promptius obtulisse; discant illi, inquirunt, hoc fuisse, quando & fides, & lex, & Christianum nomen, omni penè mundo ignota erant, & ipsum quoque Martyrum nesciebatur à paganis professio: ad quos oportebat, vel sic aliquando vcri notitia, perueniret: *Nunc verò mille iam quadringentos, triginta, septemque annos (5)* ante quos Dominus noster, ex Virgine natus est, Evangelicæ candor doctrinæ, lumen sui fulgoris ad mundi fines vsque porrexit, & Apostolicarum clangor tubarum, toto vehementius orbe perstrepuerit, vsque aded vt fidem Christi, sanguine Martyrum irrigatam, Ecclesiæ institutis fortioribus solidatam, eruditorum hominum, rationibus, defensionibus, & argumentis tutatam, atque illustratam, & auctam, aut nullus, aut prorsus rarus, etiam infidelis ignoret; etsi non omnis eam suscipiat, amplectatur, & credat; quo fit, inquirunt, vt qui se vllis infidelibus vltro neum prædicaturum ingresserit, nihil eos docuerit quod ante nescierint, se verò casto labore, etsi non cassa damnatione, perdidit.

Hæc sunt, Beatissime Pater, quæ de pertinacia resistentium, vel forsitan inuidentium Martyrum gloriæ, amaro peccatore, & maximo cum dolore, tibi narranda, diutius fortasse quam debui, conseruavi; quos equidem perditos in quotidianis colloquutionibus molestè perpessus, verbis quibus potui, & quæ illos audire deceret, acriter, & pugnaciter refutaui. Nunc verò si iusseris, scriptis

eos improbare disponens, perstrinxit; vt potui, illorum vanas, sacrilegas, ac prophanas opiniones, quibus non minus quam mala, ac nefaria eorum in corpore gesta vita, pertimesco confessionis constantiam eneruari, qui fidem religionis, religionem fidei infusula Vefania funditus euertere moliantur.

Postremò tandem iam loco B. Pater, vt ad calcem aliquando perueniamus, orationis quarta partitionis distributio exponenda se obtulit, vt scilicet doceamus, quam varijs opinionibus, stulti isti, contra quos agimus, inter se inuicem dissidentes fragiliter, & inconstantissimè nutent: ita vt profecto ipsa eorum in re tam certa diuersitas, imo aduersissima, vt ita dixerim, sententiarum nouarum, falsarumque varietas, & in alijs dissentio, eos erroris manifesti conuincat. Quem sane errorem immanissimum, arque mortiferum quidam illorum, & pertinacius tenent, & occultius docent tanquam nouæ stultitiæ repertoies. Quidam verò ingenio tardiores, & resistendi aris ignari, velut autoritate territi cedunt. Alij potius opinantur verum illorum multo est copia ingentior, qui nihil definitum de nefaria sententia arbitantes, titubant, hærent, hæsitant, & in neutram partem, quamuis toti perturbati, declinant. Dum enim apertè prospiciunt rem tantam ambigè ventilari, sicut non penitus hæresi manum porrigunt, sic Martyrium, quod ante vel optare felicissimum fuerat, quamquam corde in sententiam Ecclesiæ transeant, opere tamen ipso agere deterrentur, cui libenter arripiendo prius flagrauerant.

Et quod extremi periculi est, in-

iniecto eorum mentibus grauíssimo de Martyribus scrupulo, eo stultitiæ, ac cœcitatís sunt deuoluti, vt quos pro Christo fortiter mortuos beare solebant, nunc verane salute cum Domino poriantur addubitant, maximè alijs veritati inimicissimis contra istos fragiles vehementius asserentibus priores Martyres, qui se ipsos pro fide nostra sæculi potestatis obtulerunt, fuisse damnatos: futuros verò, etsi non alio scelere, vel hoc vno damnandos, quod aut vi tormentorum fidem negabunt, aut negandi discrimini, pondere supplicij vincendi, se credent. Quod si vel accidit, vel acciderit, quanto fatius, aiunt, susceptæ vltro pœnæ temeritate procaces illi abstinuissent, quis cæcus non videat? At etiam negantes, quanto dedecore religionem nostram, & fœdam factam, tabescentem afflicent, quis quibus verbis, aut vllis sermonibus explicet? O ingenia obtusa, quæ tandem impudentiam suam mendacio affirmant horrendæ blasphemix. Hæc sunt, inquit, quæ de Martyrio veteres Ecclesiæ censuerunt, ne nos forte de magnarum rerum congressu, & appetitu loquentes, quisquam maleuolus arbitretur tanquam friuolis opinionibus niti, atque à Patrum præstantissimis sententijs deuiare.

Sed quam apertissimam falsitatem hoc loco dicant, non est opus detegere. Quibus autem fidei rationibus fulciantur, & quam deprauata intelligentia maiorum dicta repugnantia ad se trahant, & scripturarum sensa violentem extorqueant, cum ad partitionem refutandæ huius hæreseos ventum fuerit, commodius arbitror disseremus; hic verò contra istos, quis non clamitet? ò

indolem obscœnam, ò eruditionem pestiferam. Nam cur non magis Martyribus, nequaquam detractiorem, sed imitationem se debere conspiciunt: ad quam si se inferiores esse intelligunt, hoc ipso subactam, atque abiectam virtutem suam, si tamen eis vlla est, Martyribus substernere debuissent: quam ad sequendos nobilissimos illos sentiebant imparem. Sed iam ad finem pergamus, longior enim euasit hæc Epistola, dum in explicando metu, qui me hætenus à scribendo deterruit, atque in referenda mea in causâ tractanda intentione, simul cum stultenta opinione stultorum sumus, plusculum quam putaueram, immorati.

Prædicanda sunt autem nunc mihi, si modo tua beatitudo probet, & iubet, fortissimorum Martyrum gesta, & magnifica, quæ res primum sibi locum in nostra partitione sortita est, quamuis totius operis, idest diuisionis propositæ trinx particule, tres potius libelli fortasse, non ineptè appellabuntur. In Martyribus autem laudandis, vt tibi Patri omnium Christianorum arcum meæ mentis simpliciter eloquar, non solum me oblectat, & trahit magnitudo factorum; sed nescio quis in me amor, quem velim esse Christi, impatientius vrgens ad similia vota pro Christo imitanda suspirat. Quod onus & laudis, & imitationis vtinam tandem aliquando faustè absoluendum, felici vt dicitur temeritate arripuerimus; quamuis non arbitrer præcipuo nobis adiumento, ad vtrumque gerendum, neque Christi nostri suffragia, neque Martyres, quos defendimus, defuturos.

Tu igitur Beatissime Pater, ne me-

rito sanctæ obedientiæ caream, impera, atque adesto censor, ut iustus ira & pius, ac pro laude Martyrum dicere exorsum, tale per hanc Epistolam me existimato facere debuisset principium, non quo ab alio futuro exordio condendos libellos, iam summa mentis intentione conceptos, tanquam à suo capite priuare deberem, me putem, sed quo nunc incipiam de Martyribus scribere, qui hæcenus filii: de quorum honore plura loqui, & dicere constitui, si hæc Epistola nostra tibi, non dicam stylo, sed veritate placuerit. Quæ quoniam sequururi operis scienda necessaria plurima continet, non mihi videtur ab edito post opere refe-

canda. Eam igitur qui scripturus est, addat oro libellis, cum editi fuerint, habet enim non solum exordij aliquid simile, quod tamen ita vocari pro longitudine nolim: sed argumentum proprium omne complectitur, quo tanquam vestibulo, reliqua futuri ædificij erigenda structura queat absque vlllo errore iudicari. Dominus Deus Omnipotens sempiterno tuo tuam tueatur clementiam, Domine Beatissime, & merito excellentissime, Christianorum omnium Pater, & Pater, Christi Vicarie, Successor Petri, & mundi totius æquo iure præstantissime Domine. Amen.

---

N O T A E.

Nota I.

*Beatissimo Papæ Eugenio.* Duo mihi suppetunt vetera huius operis exemplaria. Alterum secundis Alberti curis expositum, & eodem nitido charactere, quo reliquis codex descriptum, sed absque inscriptione. Alterum prioris elueubrationis, & alieni characteris, ex quo hanc operis Epigraphem descriptimus. Cur autem hanc Epistolam author ad Eugenium direxerit, ipse in sequentibus docet, præterquam quod in Pontificis obsequia segregato non expediebat opus absque ipsius voluntate incipere, quod ad eius mandata, ut euenit, vocandus perficere non posset.

Nota II.

*Ad quos imitandos Amor me per urget:* eadem infra expressius repetit. Nec solum verbis, sed re ipsa desiderium suum, & subeundi pro Christo Martyrium, ostendisse ea quæ Cayri contigisse in vitæ historia narrauimus,

clare demonstrant. Vbi ad mortem pro fide tuenda condemnatus, designati Martyris præconium reportauit, & confirmat periculum, cui se exposuit, quando contra expressum Soldani mandatum, ditionum eius fines transiit, ut Eugenij Pontificis perficiendæ commissioni non deesset; & Aethyopes, Indosque, ad fidem, & Ecclesiæ Matris obedientiam conuerteret: quod in eadem eius vita retulimus.

Nota III.

*Terrorum erroris.* Indignam, & sinistram de Martyribus opinionem sic vocat: & infra blasphemiam, & errorem immanissimum, & vesanum, & quod caput est, abominandam hæresim, nec immeritò, nam S. Hieronymus eandem peruersam opinionem, eodem abominando titulo indigitauit, eum aduersus Vigilantium scribens tom. 2. pag. 409. Scribit, inquit, aduersus hæresim tuam, qua erupit aduersus Ecclesiam (ne in hoc quasi repertor noui sceleris gloriaris) Tertullianus vir eruditissimus

*simus infigne volumen, quod Scorpia- cum vocas, & quibusdam intericctis. Et multo, inquit, tempore dormiens, & sepulta, tunc à dormitatio (sic Vigilantium deridet) suscitata est. Scorpiacon autem Terrulliani contra Gnosticos vniuersum conatum in Martyricum detractores exierit. Ex quibus Vigilantium vnum fuisse, apertius docet Hieronymus per hæc quæ sequuntur. Miror, quod non dicas nequaquam perpetranda Martyria, Deum qui sanguinem bircorum, taurorumque non quarat, multo magis hominum non requirere. Quod cum dixeris, immo etsi non dixeris, ita habebis, quasi dixeris. Qui enim reliquias Martyrum, afferis calcandas esse, prohibes sanguinem fundi, qui multo honore dignus est. Sic enim legit Pamelius in argumento Scorpiaei, quamuis meus Hieronymus habeat, nullo honore dignus, fortassis Vigilantij sensum referens. Hæc eadem hætesis, cuius authorem fuisse Eunomium refert eodem loco Hieronymus, iterum in Hispania suscitata fuit, præsertim contra eos Martyres, qui se tunc vltro fidei hostibus offerebant, quando Saraceni Mauri rerum potiebantur, maximè in Vrbe Corduba. Sed tunc ipsorum gloriam insigniter tutatus est S. Eulogius Cordubensis electus Episcopus Toletanus, & Martyr, in opere, quod memoriale Sanctorum inscripsit, & habetur tom. 9. pat. 1. Biblioth. vet. PP. quæ sic laudat Card. Baronius in notis ad Martyrol. Rom. 24. Nouemb. *ut omnino eiusmodi ita scripta sint, ut in pyxide Spiritus Sancti calammum intinxisse S. Eulogius videatur.* Tempore B. Alberti nostri restabant alique eiusdem pestis reliquie, maximè in Italia, quas ipse tollere, & voce, & scripto studebat. Et quamquam opus integrum exarare non licuit, ob impedimenta, quæ in eius vita diximus, in hæc tamen Epistola, seu operis idea ita hæret sensibus S. Eulogij, vt licet eius scripta legisse non censeam, quæ quippe longè post è tenebris in lucem prodierunt; dixisses tamen eodem spiritu doctum vtrumque, in eademque pyxide calammum intinxisse. Quod enim promittit Albertus hos hæ-*

reticos, & Patrum institutis, & ratione certissima, & scripturarum sanctorum autoritate refellere, id ipsum triplici hoc argumentorum genere præstant Tertullianus in Scorpiaeo (etsi de persecutionis fuga excedat) & Sanctus Eulogius magis ad Alberti consilium. Scripsisse etiam in illos, qui in Hispania Martyribus detrahebant, ignoti nominis authorem, opus nondum typis editum, inscriptum *Indiculus luminosus*, docet Ambrosius Morales in Commentarijs ad Memoriale S. Eulogij.

## Nota IV.

*Qui se vltro pro Christo persecutoribus offerunt.* Qui veri Martyres sunt, congruo, condigno cultu colendos esse Fides Catholica docet, sed quod indiscriminatim omnes, qui se vltro pro Christo persecutoribus quoquo modo offerunt, veri Martyres sint; & SS. Patres, & graues Theologi negant, sed quos vel internus Dei Instinctus, vel extèrius manifesta necessitas fidei ab iniuria defendendæ, vel confirmandi labentium Christianorum animos, vel ipsos persecutores conuertendi spes ad id faciendum impellit, eum firma fiducia euadendi proprii lapsus periculum. De qua re videndus solidi iudicij vit doctrina, prudentia, & pietate clarus Eminentissimus Dominus Cardinalis Brancatus de Laurea Ord. Min. Conuent. part. 2. de Fide, & eius propagatione, vbi disp. 7. & disp. 2. art. 11. Omnes huius dubij venas distinctim detegit; & Catholicè docet, quid in eo tenendum; quid reiiciendum sit: neque S. Eulogius, qui pro se vltro offerentibus defendendis acerrimè disputat aliud à fidelibus exigit, quamuis enim indiscriminatim alicubi loqui videatur, semel saltem suam mentem aperuit, cum diceret: *Et licet formidolosus sacular collata sit declinandi rabiem persecutionis, non tamen passim hoc obseruandum est à perfectis, qui iam præstia Redemptoris potentia denotati, & conscripti, quasi ab immensis legionibus ad exercitium præliorum Dei electi sunt.* Vbi, vt vides, & formidolosos à fortibus, & perfectos

ab imperfectis, & præciji Dei inflin-  
 dum à præsumptione ac fatua animosi-  
 tate discernit. Quod Seraphicus P. N.  
 Franciscus vt columbina simplicitate,  
 sic Euangelica serpentis prudentia plu-  
 nus, in sua regula cauit cap. 12. *Qui-  
 cumque Fratrum, iniquis, Diuina  
 inspiratione voluerint ire inter Saracenos,  
 & alios infideles, petant inde licentiam  
 à suis Ministris Prouincialibus, Mini-  
 stri vero nullis eundi licentiam tribuant,  
 nisi eis, quos viderint esse idoneos ad  
 mittendum. Quam regulam cum neu-  
 tiquam violandam censeret noster Al-  
 bertus, obseruantissimus, & zelantis-  
 simus eius professor, non hac de se  
 opinione contentus sensum suum, dum  
 se ad Martyrium offerentes descendit,  
 manifestè declarauit, non solum cum  
 se delectari profiteretur, à Sede Petri  
 longius aberrantem reuocari, instrui,  
 corrigendoque corrigi, cumque obse-  
 areret, errori obreclatorum per Pon-  
 tificem occurrere, non vt cumque ta-  
 men, sed, inquit, moderato rigore,  
 quantum Christiana veritas, & pietas  
 postulat: Sed amplius, cum diceret.  
*Non quod omnes fideles, aut posse, aut  
 debere, spontaneos pro Christo Martyres  
 fieri arbitremur, sed quo abiecto errore,  
 qui male de Martyribus sapit, desinat,  
 qui volunt, & qui nolunt, ab his qui  
 tanto animo egregij (id est ex vulgi grege  
 selecti) pro Christo sanfortia, præcla-  
 rage audent, opus agi, non obreclat-  
 tione, sed honore summo dignissimum.*  
 Horum autem, & in facris historijs in-  
 numerata est multitudo, vt in ipsius vita  
 diximus, quorum vt Sanctus Eulogius  
 loquitur, *O incomparabilis magnanimitas,  
 & fortitudo admiranda, laudanda,  
 atque imitanda Sanctorum, qui etiam  
 si torpeat inimicus, ac persequi Ecce-  
 lesiam Dei sinat, irrumperere tamen late-  
 bram eius, & inuitare ipsum ad bellum  
 iubemus, vt hostem frigidum strenuus  
 Agonizeta accendat, proferat latentem,  
 erigatque ad conferenda certamina desi-  
 dem. Et quamquam effuso cruore, con-  
 sternatis membris, succumbat, feret ta-  
 men ad Sedem Patris captum ex hoste,  
 triumphum spiritus belliger, victoria  
 laurea positurus. Quales proinde, quod**

dixi, innumeros tanquam gloriosos,  
 cum Christo triumphantes, solemnè  
 veneratione colit Ecclesia, eiusdem  
 iudicio relinquendum est vt discernat,  
 quis Dei impulsu, ac debitis circum-  
 stantijs, quisque secus, mortem pro  
 Christo vitro oppetierit. Quæ nimirum  
 Spiritu Sancto veritatis certissimè docta,  
 nec falli potest, nec fallit, cum Sanctos  
 Martyres nobis colendos proponit.  
 Quod Albertus noster se velle non se-  
 mel in hac Epistola professus est.

## Nota V.

*Nunc verò mille iam quadrin-  
 gentos tringenta, & septem annos.*  
 Ex hoc ætæ calculo, posset aliquis pu-  
 tare, anothem hanc Epistolam eodem  
 anno scripsisse, cum ipse, licet contra  
 suam consuetudinem, nullam anni quo  
 scripsit notam huic Epistolæ subscribat,  
 ei tamen exemplari, quod Vvadding-  
 gus describi curauit, præfiguratur an-  
 nus 1435. quod ego verius existimo.  
 Nam in Epistola ipsa, significat sibi,  
 cum illam scriberet, ferè quotidie  
 apud Christianos concione publica  
 differenti penè nulla oria fuisse, nul-  
 lum à magno labore vacuum tempus,  
 quo propositum opus profectui posset,  
 contra eos hæreticos, quorum in Italia  
 plures tunc fuisse queritur. Hæc autem  
 anno 1437. contingere non poterant.  
 Nam cum sub finem anni 1435. ane-  
 ras prima navigatione in Orientem  
 soluisset: nec nisi 1438. redierit, con-  
 stat ipsum ibi hæsisse per totum an-  
 num 1437. vbi non poterat, vt in Ita-  
 lia, quotidie ferè prædicare, Pontifi-  
 cæ commissionis laboribus, & itineri-  
 bus impeditus. Vnde existimo prius  
 illud exemplar vetus, quod in Italia  
 anno 1435. scribi curauit, postea Ie-  
 rosolymis emendasse, & annum illum  
 1437. quo id fecit inseruisse. Inde  
 verò hæc coniectura maximè mihi con-  
 firmatur, quod priori exemplari, sua,  
 vt videtur, manu hæc inscriptærit. *Hæc  
 Epistola contra Martyrum vituperatores  
 alium habet ordinem in Epistolis nostris,  
 & ille seruetur, non iste.* Præterea in  
 eodem ipso priori exemplari charta dil-  
 ligenti studio rasa est, & loco prius  
 nota

notæ diuerso atramento scriptum, triginta, & septem, ita etiam vt cum prioris notæ spatium omnia capere non posset, illud septem extra lineam in margine positum sit. Neque verosimile est ipsum petiisse Pontificis mandatum ad opus propositum Ierosolymis scribendum, vbi rerum necessariorum longe minor erat commoditas, quam in Italia: sed magis voluisse vt anno 1435 in Italia existens, Pontificis, cuius obsequijs iam tum destinatus erat, licentia à quotidiano prædicandi munere liberaretur, vt operi tam vtili, & ne-

cessario conscribendo vacaret, Pontifici verò, vt in vita dixi, id minime visum fuisse, cum eodem tempore illum, vt fecit, in Orientem missurus erat. Et ego his omnibus persuasus hanc Epistolam hoc loco inter alias illius anni 1435. collocaui. Cæterum omnia hæreticorum dogmata, & argumenta, quæ tota hac Epistolæ parte recenset, absolute refutare voluisse, censendus non est, sed partim refutare, partimque bono sensu declarare iuxta ea, quæ in præcedenti nota diximus.

## EPISTOLA XXXVIII.

PATRIBVS, ET FRATRIBVS REG. OBS.

## ARGVMENTVM.

*Accepta præcedenti Epistola Pontifex accersit Albertum, eum in Orientem legaturus, quæ de re cum presens ageret, exposuit quosdam Fratrum scrupulos de maiorum Cœnobiolorum, & argentei templorum suppellectilis vsu, retulitque Eugenij Pontificis oraculum, quod per hanc Epistolam, eiusdem Pontificis iussu, Fratribus intimaui.*

*Honorandi Patres, Deuotissimi Fratres,*

**P**ost deuotam in Christo Iesu commendationem, & cordialem salutem, fraterno affectu, vobis intimandum iudicauì, quod Sanctissimus Dominus, die 9. Iunij huius anni, dignatus est mihi respondere circa calices, cruces, paramenta, utensilia, & domos ipsas, quæ vel in magnitudine, qualitate, aut opere, videntur statum nostrum excedere, ait enim, quotidie inter fratres de his disceptari, idque graui suæ Sanctitatis molestia, & proinde omnino velle, huiusmodi scrupulosis quæstionibus, modum, & finem imponi: iniunxitque mihi, vt eius vobis mentem aperirem,

& decretum transmitterem. Statuit, vt liberè absque vllò conscientie reatu fratres nostræ obseruantie, tam in Cœnobijs, quam in oratorijs, vtantur rebus prædictis, quantumvis videantur excedere in quantitate, qualitate, pretio, aut numero. Insuper prohibet ne vllò prætextu distrahantur, aut destruantur, sed in templorum vsum referantur. Cupit tamen, & iubet, vt deinceps eadem dumtaxat admittantur, aut procurantur in domibus acquirendis, quæ nostro pauperrimo instituto congrua iudicabuntur. Hoc oraculo satisfactum vult omnium fratrum conscientijs, displicebitque valde, si am-

amplius pro huiusmodi terminandis dubijs ad ipsum recurrerint. Hoc cupierunt nostri prædecessores sibi declarari, neque obtinuerunt. Debemus itaque nos lætari, quod adeò placidam ægris conscientijs medelam sua Sanctitas adhibuerit. Insuper omnibus Italiæ Vicarijs potestatem concessit, suos subditos absoluedi ab omnibus peccatis, & cen-

suris, quæ vsque ad illud tempus vel commiserant, vel incurrerant exceptis falsificatione literarum Apostolicarum, homicidio voluntario, bigamia, & mutilatione membrorum. Valet in Domino Iesu, & pro sua Sanctitate orate. Ex loco S. Spiritus extra Ferrariam 13. Iulij anno 1435.

---

N O T A.

**P**romissi evidenti argumento monstrare, quam parum fuisset, pro quo in Deum translato Poggius tam acerbè in totam Religionem inuectus est. Atque id hæc Epistola est: quis enim creder Religiosos tanti zeli paupertatis, ut de magnitudine ampliorum ædium, quæ à Patribus Conuentuali-

bus ad ipsos transibant, & eorum sacra supellectili, adeò anxius conscientijs Pontifici molesti essent, velle tantum terræ, vel tam amplum palatium, in colle montis Caroli possidere, ut adeo diram à Poggio vituperationem propterea mererentur.

---

E P I S T O L A XXXIX.

R I C H A R D O T R A M O N T E N S I .

A R G V M E N T V M .

*Dum B. Albertus Venetijs sue Hierosolymitana navigationis necessaria prouideret, desiderabat Richardum inter socios habere, quem ex literis colligo studijs forsitan Patauij tunc incubuisse: Quare per duas Epistolas; quas hic exhibemus, illum hortatus est, ut ad se Venetias veniret, inde cum ipso Hierosolymam profecturus.*

**S**Cedula tua, quæ mihi reddita est, dicit te, nesciò quibus nexibus, detineri, ne comes gratissimus huius transmarinæ, & verè Christianissimæ Hierosolymitanæ peregrinationis, nobis iungaris: verum alius quispiam aliud mihi de te persuasit, non te scilicet causa

studij auocari; sed quadam diffidentia grauiorum sumptuum occurrere nequeas. Sedò te ferreum hominem, qui primo quidem vlla occasione fragilium studiorum possis à feruore tam religiosi arripiendi itineris quouis pacto remitti, ut eunam vagientis Dei infantis conspicerem  
non

non desideres, vt terram quam Dei Filius, non solum pedum vestigijs informauit, verum etiam pretiosi sanguinis viuificis fontibus irrigauit, & videre oculis, & osculari labijs, & fructuare moribus minimè appetas. Taceo magnos viros Hilariorem, & Hieronymum nostros, quorum alter noluit eam ante diem extremum penitus non videre, alter verò, post multorum annorum longissimam moram, noluit in ea non mori. Immò verò noluit alibi mori: vetulas mulierculas tibi obijcio Hispanas, Gallicas, Alemannas, ac reliquas totius Christiani orbis, quæ summis difficultatibus, laboribus, medijs mortibus à visendis sanctis illis locis quotidie prohiberi non possunt. Deinde quis non miretur te necum venturum aliqua futurorum sumptuum timida cogitatione ventulari. Nolo hic scribere quanta bonorum fidelium, sine mea diligentia, pro complendo itinere stipendia nobis suppetant. Profectò stuperes, & gauderes charitate in nos perspecta bonorum, ac maximè nostrorum, Ferrariensium, tam magnorum, quam pusillorum, qui pondus omne dari assumpserunt desiderio fructus. Non quero, ait Apostolus, datum, sed requiro fructum. In hac hilaritate

dantium, quidquid mihi pro Deo factum est, tibi præbitum æstima, & veni, & rumpe vincula, & tolle moras, non terror penuria impensarum, sed prouocor amplitudine gratiarum, non solum quas habemus ab ore Summi Pontificis, sed quas illis in locis à Christo Domino expectamus. Frater Iacobus Delphinus summopere te rogat, vt venias. Ego verò Vicario Prouincie huius pro te satisfaciam, & duos pro te vno ei tribuam fratres; si consilium meum feceris, experieris animum erga te meum alium quidem esse quam hætenus. Veni saltem, nos nunquam forsitan redituros vltimò inuisere, & complecti. Nec verearis morbos, vt dicis, virulentos, quia vbi in tanta populi frequentia viuimus, & tu viues. Si soluemus tibi nauem tam longè venienti, quid times non soluturos, tam paruo nos spatto visitanti! quid amplius tibi dicam non habeo, nisi quod si hoc renuas, quod offerimus, pace tua dixerim, te iterum, atque iterum ferream hominem appellauerim, qui tanta humanitate minus dulcescas. Vale à tuo proposito, & vale. Ex Venetijs 7. Septembris 1435.

## EPISTOLA XL.

EIDEM FRATRI RICHARDO.

**E**Xposui voluntatem tuam Hierosolymæ Sanctæ Patri communi (1) Is procul dubio agrè fert, te propter nescio quam

scientiam tuam acquirendam, nolle nunc nobiscum Hierosolymam pergere, & dicit se non posse tibi licentiam vllam post se veniendi dimittere,

tere, sed secum proficiscendi, si vis liberè tribuet. Licentiam ergo aliunde tibi procura. Quod vero dicis de socio vno ex meis tibi pro comite itineris relinquendo, credo te scire. *non habere me socium, præter vnum Antonium Cremensem* (2) Restaurus, & Angelus in Tuscia sunt. Laicus quidam ex nostris Bononiz infirmus remansit, Clericus Hyppolitus, me volente, propter adolescentiam in Italia remanet, quem ad Vicarium huius Prouinciæ modo remitto. Fra-

ter Ludouicus Senensis non est mihi socius, nisi huius itineris, sed potius Pater. Et puto te intelligere, non posse me, nec debere de homine veterano, cuncta quæ vellem statuere. Quem ergo socium postulas? satius fecisses nostro consilio, & vocationi tuæ hilariter acquiescere; qui te ad omnia parata occisis vitulis, & altilibus indignum reddidisti, tam iucundè vocatus. Vale, & nos ama. Ex Venetijs 15. Septemb. 1435.

## N O T A E.

## Nota I.

*Hierosolymæ Sanctæ Patri communi.* Is fuit Iacobus Delphinus, in superiori Epistola nominatus, quem primum ex obseruantibus Terræ Sanctæ, seu Hierosolymorum Guardianum Eugenius Pontifex anno præcedenti constituit, & in eadem forte nauicula cum Alberto, & socijs illuc transfretabat.

## Nota II.

*Non habere me socium præter Antonium Cremensem.* Paucos admo-

dum socios hic nominat Albertus, cum alij quadraginta fuisse scribant, sed forte eos inter socios non numerat, qui negotio administri, & subdelegati Commissarij esse debebant: vt ipse hic indicat, de Ludouico Senensi loquens: aut cæteri post scriptam hanc Epistolam illi adiuncti fuerunt, seu potius in secunda missione ad Aethiopes, & Indos. Attendenda etiam sunt verba Epistolæ 44. ad Ducem Burgundiæ. *Adueniens multos mecum fratres adduxi, quæ à secunda legatione rediens scripsit.*

## EPISTOLA XLI.

## BEATISSIMO PAPÆ EVGENIO.

## ARGUMENTVM.

*Iniunxit Pontifex Alberto à se discedenti, ne ex Italia abiret, nisi prius ad ipsum scriberet. Iam verò, vt videtur, omnibus ad nauigandum paratis has ad Eugeniũ rei nuncias dedit, benedictionem petit, & se rem fideliter acturum, & Apostolica Sedi sincerè obtemperaturum profitetur.*

**M**emor tuæ mihi nullo tempore contemnendæ iussionis, Beatissime Pater, audeo Apostolicas, sed piâs aures, meis ineptijs confidennius appellare; dixissem potius importunius molestare, nisi non modo Apostolicas, verùm etiam piâs aures præmissem. Et si enim summo apice loci superioris, idest Apostolici fastigij, paruitatem humilium terri oporteat; quia tamen celsitudini Christianæ sublimitatis, pietas ipsa comes indubitata ac fidissima vincita est, paruulos tanquam sub alis suis foueri non est iniustum. Licet ergo alterum ab scribendo me arceat, alterum tamen prouocat, præsertim diuncto pondere iussionis tuæ. Accipe igitur me promptulum, vt ita dixerim, paruulum tuum, Beatissime Pater, non solum pro maiestate te reuerentem, nec tantum tibi pro pietate confidentem, verum etiam pro iussione tua tibi obtemperantem: non enim me fugit, quamuis hominem imperitum, quid tu mihi præceperis, cum Florentia à tua Sanctitate discessi, ne scilicet ex Italia abirem, nisi prius meas literas ad tuam sublimitatem dirigerem, recessum meum tibi certius explicantes. Nunc ergo ago, quod iubeor, & peregrinationis meæ ad loca sancta transmarina professionem tuæ eximerati penè iam ceptam, vel in-

promptu paratam esse significo. Tuum est autem, qui veri Pastoris Petri successione canonica sublimitatis, nostrum iter confirmando tueri, benedicendo protegere, nostræ autem paruitatis erit subiectius, humilisque parere. Quod quam promptissime facere, omni quidem tempore cupiam, iube, & experieris; an renitentem pulsaueris? an verò submitte obedientem repereris? Sanè hoc tibi de mea exiguitate, obsecro, persuadeas, nihil mihi esse, ac fore vnquam acceptius, nihil optabilius, quam Sanctæ Sedi Petri, cuius tu vicem tenes, obtemperare. Ac ne in aliquo, vel paruo fidei sensu, contra Apostolica præcepta perfluamus, nèque aberremus à recto tramite Ecclesiasticæ veritatis; iterum quod diximus repetamus. Vicem Petri te tenente, scripsi vicem, inquam, personæ, non Sedis. Nam & fidem, & sedem, & auctoritatem eandem omnino possides, etsi non personam eandem. Christus Dominus noster misericorditer de Cælo eidem personæ tuæ Petri præbeat Sanctitatem, sicut illi eandem tribuit largiter potestatem. Opto te prosperè valere, in augmentum Christianæ Religionis, & Cælestis gratiæ, vt tibi sicut potestate debetur orbis, sic re ipsa cuncti colla submittant. Ex Venetijs 1435.

## EPISTOLA XLII.

BEATISSIMO PAPÆ EVGENIO.

## ARGUMENTVM.

*Incolumis Hierosolymam appulit Albertus, & rebus ibi per aliquot mensis ritè cognitis, concepit ingentem spem vberissimi fructus, si ipsi per Pontificis*

*cis voluntatem ulterius progredi liceret, per quem Florentia discedenti iussim est, ut intra annum in Italiam rediret: ergo vel multorum animas, ut sperabat, Christo lucrari, vel suam pro Christo tradere promptus, has literas, et Antonium Bononiensem latorem, Nuncium ad Eugenium destinavit, per quas petijt, ubilibet Christum, et Catholicam Fidem predicandi potestatem, et facultates amplissimas, et necessaria adiumenta in ipsis literis explicat.*

**S**pirans inflata Gentilitas, Beatissime Pater, de suorum magnificentia civium insolentius gloriata, ad memoriam posterorum scriptum reliquit, Alexandrum illum Macedonem Regum omnium, vel orbis, vel Græciæ, ut asserunt, præstantissimum abiecto cuidam homini præclarissimè respondisse: etsi te non convenit magna recipere, Regem non decet parva præbere; postlauerat enim ille exigua quædam, cui cum permagna darentur, obnuit; se illis proclamans indignum. De Salomone quoque scriptum sæpius legimus, dedit Deus Salomoni latitudinem cordis, quasi arenam, quæ est in littore maris: quod in illo ad amplam largitionem, & magnificam quandam exhibendarum rerum profusionem pertinere veteres censuerunt: quam & ipsam in Reginam illam Saba, sapientiæ miram cultricem, largissimo contulit apparatus, sicut Regum liber testatur, ubi de Salomone apertissimè dicitur. Rex autem Salomon dedit Reginæ Saba, omnia, quæ voluit, & petiuit ab eo, exceptis his, quæ vltro obtulerat, in munere Regio. Si hæc de Regibus, aut in sæculo vanis, aut in vera religione sanis, gloriosè dicantur: Quid de illo credendum est, penes quem super omnes omninò Reges, & super omnem quoque sub Cælo potestatem, summa potestas est constituta, qui claves habeat Regni Cæ-

lorum, & à quo ritè ligatos in terris, ac solutos, ligari etiam in Cælis, ac solui non dubitemus, qui Petri, imo verò qui Christi, et si rectius dicitur, qui Dei personam gerat: neque hoc in nocte veteris instrumenti, ubi gratiæ parcior charitas, & avara benignitas, & contractior humanitas, angustis, & indignis limitibus terminata imperfectissimè loquitur, & dicit, diliges amicum tuum, & odio habebis inimicum tuum, sed in fulgentis diei noui testamenti claritate, conspicua, ubi Euangelica sublimitas clamat, *Diligite inimicos vestros, benefacite eis, qui oderunt vos, et orate pro persecutibus, et calumniantibus vos.* Vbi Apostolico culmini dicitur. *Dimitte fratri tuo, non dico tibi usque septies, sed usque septuagies septies,* ubi etsi non alterius cuiuslibet rei, charitatis tamen inuicem exhibendæ inuenimur continud debitores, dicente Apostolo. *Nemini quicquam debeatis, nisi ut inuicem diligatis,* ubi postremò, & de ipso Filio Dei legimus, *qui posuit animam suam pro nobis, et de Patre scriptum inuenimus. Sic Deus dilexit mundum, ut Filium suum unigenitum daret.* Ut ex his omnibus quanta nobis habenda sit largitas, nosceremus, prodigè scilicet cuiusdam, & ut ita dicam, intemperantis sine vitio effusionis, ad largitionem amplissimam pertinentis. Quæ cum ita se habeant, Beatissime Pater,

Pater, nequaquam ambigimus ab te petere, quæ non dico Regem sæculi, instantissimè postulatam, sed mundi totius Dominum, quem te iure æquissimo credimus, rogatum, aut negare sit contumeliæ, aut non tribuere auaritiæ videatur. Peto igitur pro ausu, quem mihi in te Christianæ, atque Apostolicæ largitatis beneficentia præbet, Vt qui me filium eximix Sanctitatis tuæ, cum abs te è Florentia postremum discessi, ad redeundum in Italiam, visis post annum locis Sanctis coegeras, nunc me liberum facias ad quascumque orbis partes, quasuis admodum remotissimas, siue fidelium, siue infidelium peragrandas, & ad quantumlibet barbaras nationes adeundas, & gentes extraniores conueniendas, eis vndecumque liberè ex nostra Religione assumptis adiutoribus meis, & illis fratribus comitibus fretus, qui mihi negotio vel seminandi latius verbi Dei, vel ampliandæ, consistendæque fidei, vel dilatandæ passim gloriæ Saluatoris, vel publicandi diffusus nominis Christi, aut vtiles, aut idonei, aut necessarii videbuntur: huic vero meæ, quantum arbitror, religiosæ petitioni illæ, si placet, adijciantur cautelarum conditiones, quas harum nostrarum baiulus, mihi Pater, Ludouicus Bononiensis, cum quo mihi Religio nostra communis est, vitamite, ad culmen tuæ Apostolicæ celsitudinis diligentius feret. Homo, verè dixerim, rectus corde, & incommisso fidelis, quo in integritate iustæ, & amicæ conuersationis nemo est mihi notior, & quod mihi magis in eo placet, qui sit ab assentationis peste, & hypocriteos fitione remotior: hic cum per nouam de-

locis sanctis prouidentix tuæ prouisionem officio curandæ fratrum familiarix Hierosolymis constitutæ nuperrimè cesserit, cui illum multos iam annos noster ordo præfecerat, nunc ad Sanctitatis tuæ vestigia osculanda se confert, quem tibi commendare superfluum puto, qui vltro rectorum hominum notitiam expectas, & bonorum semper contubernio delecteris. Tantum humanitatem sublimitatis tuæ humiliter obsecro, vt quæ te iustissimè postularit, vlla ei ratione non neges, præsertim quæ sibi publica vtilitas vendicat, vt se habet, meæ paruitatis, mea quidem sententia, postulatio; cui si animum inclinabis, feret, arbitror, tuæ nobis satisfactio fructus vberri-mos. Spes enim quædam pergrandis ingentium frugum, & magni cuiusdam futuri in externis regionibus fructus nescio quo pacto, subluccens in animo mihi, suborta est, quæ me ab Italia reuocet, arceat, atque propellat: Vbi tot quotidie prædicantium labor, vtinam non inaniter, perstrepat, vt ad nationes longe distantes proficisci vehementius cohortetur. Vnde nullus Ecclesiæ Catholice, ac Fidei Orthodoxæ Diuinæ factionis fructus accrescit, deficientibus qui otiosos conducant, & fortasse, quod tristius est, qui Dominum, messis admodum rogent, vt regiones sicut albas ad messem, aut operarios in illam, tanquam ministros fideles, & idoneos, mitti velit: Hæc ipsa verò quæ flagito, à meæ Religionis Maioribus cumulo mihi hæcenus fuisse concessa, tuæ eximietati aliquando coram exposui, in quibus nunc tibi molestus non essem, nisi illa tua autoritas verbo me vrgens, post annum ad redeundum.

in Italiam coegisset. Oro igitur, aut eadem pro gloria Catholicæ fidei inter Paganos, Hæreticos, & Schismaticos commoranti, quasi inter Scorpiones, & colubros incendi ampliora mihi concedi, aut me ad veteres omnes mei ordinis siue licentias, siue permissiones, siue præcepta remissum, ab ea cohibitione, quam me in Italiam redire iussisti, ut auctior in alienis Prouincijs Diuinæ magnificentiæ honos inde perueniat, tua concessione laxari. Verum ne apud tuam Sanctitatem sim, garrulus, impudens, & ineptus, vno tantum præclaro exemplo de magnificentiâ Christiani Principis exposito, finem facio. Theodosium illum Christianorum Principem nobilissimum, atque piissimum accepimus, Maioribus nostris clarissimis referentibus, dicere solitum, illum se diem penitus perdidisse, in quo nihil beneficentiæ præbuisset: quam-

uis hoc de Tito, Vespasiani filio, nonnulli certius arbitrentur: quem delicias humani generis appellauit antiquitas. Opto, te Beatissime Pater, hoc ipsum de tua Sanctitate erga me arbitrari: vt vel sic tandem postulata concedas, nec te moueat petentis indignitas, aut postulati gratiæ magnitudo. Recordare potius huius rudis Epistolæ nostræ principium, vbi etiam infideles, & Christi veritatis ignaros diximus in suis Regibus tanquam præclarissimum, statuisse, si pusilla, & prope nulla, rogati, maxima tribuissent, nec quid mereatur is, qui aliquid postulat, sed quid illum deceat, qui daturus est, eos debere conspiceri. Ego vero interim Petri fiduciam reminiscar, qui fragili pro Christo cymba relicta, non est veritus quod magnis donandus esset muneribus, à Domino liberius sciscitari. Ex Sancta Hierusalem Kal. Martijs 1435.

## EPISTOLA XLIII.

SCIPIONI FERRARIEN. EPISCOPO MUTINEN. (1)

### ARGUMENTVM.

*Vt faciliorem, frequentioremq; ad Eugenium Pontificem Antonius haberet accessum, per hanc Epistolam ipsum, eique commissa commendat. Scipioni in Aula Pontificiæ potenti, sed quia familiaris illi fuit, ipsum imprimis literario ludo à Scipionis Africani, Etbnici hominis, rerum gestarum oblectatione, ipsoque homine laudando debortatur, cum quo nihil commune præter nomen habuit. Qua occasione in eos inuebitur, qui eloquentia, & eruditione abusi, se totos inani gentiliū rerum studio dedunt, & eloquentiam suam, nacla minima occasione, in se ipsis mutuo lacescendis, mutuique conuicijs, & obscenit argumētis exercent. Monstrat quidquid in Duce Africano virtutis censebatur, id longè præstantius in Machabeis, in Dauide, in Salomone, in Patriarcha Iosepho, in Prophetis, in Apostolis, in Martyribus reperiri; quorum acta magis, quam*

ina-

*inanem Ethnicorum damnatorum hominum gloriam legere, loqui, scribere, & imitari Christianam eruditionem decet, Christianas virtutes solidioris gloria, & honestatis esse Amicos, denique nominatim salutat, ad quos ob festinantiam latoris scribere non potuit, & prolixum responsum à Scipione postulat.*

**C**VM in locis Sanctis, & transmarinis munere Christi plurimum valeo, non possum Scipionis mei, etiam in Caluario orans monte, ubi à Salvatore nostro Martyrum vexilla, simul & Regia trophæa erecta sunt, non recordari. Nec mihi parua videtur res, cum Scipio in mentem venit: te dico, mecum quidem Christianum Scipionem, haud verò illum Africanum, cuius te tantum gesta delectant, quam autem id ob causam, & rectè an perperam ipse videris: fortasse quod cum eo tibi, qui à suis, & si non à nostris tantus est habitus, idem nomen obuenerit, quamuis dispar cognomen. Verum utrum sit præstantius, tuumne, an illius, post videbimus. Interim hoc mihi persuadetur, nulla te potiore ratione ad illum ita vehementer affici, atque tantum in illius laudibus te, nolo dicere inaniter, tempora terere, & ut ab alijs terantur, ac si melius dicitur contentantur, sedulo agere te, si tamen is es, qui erga illum hæcenus extitisti, nisi quia idem voceris, illiusque tibi nomen, & laudi esse, ac fore, & ornamento putes. Nam ut pacetua dixerim, quæ alia ratio esse potest præter stultissimam cur tantum illi semper tribueris, nisi quædam simillimi nominis oblectatio? Quæ & ipsa qualis sit, & quam deceat Christianum, omitto.

Respondebis, indolem te potius ac virtutem animi, & ingentia illius facta diligere. Ita verò, atq; rectif-

simè (2) quasi pagani hominis res gestæ, & qui pecora, & monstra pro Deo coluerit, tam amplæ, tam dignæ, ac tantæ habendæ sint, ut pro eiusmodi infidelium, & per hoc in tartaro perditorum ingentissimis, & clarissimis, rectius fortasse dicerem, ventosissimis, & iactatione Diabolica tumidissimis, turgidissimis, elatissimis gestis rebus, Christiani quidam contra se inuicem, & in Italia eloquentes, præter offensam Dei nostri, summo cum dedecore digladiantur, & pertonent. Taceo læsionem exiltimationis eorum, taceo exempla ad posteros, & præsentem transmissa, atque relicta, nacta perquam pusilla occasione se inuicem laceffendi, atque grauissimis, ne dicam immundissimis conuicijs (3) insectandi: quorum profectò vesaniam ita sæpe abominatus sum, ita exhorruui, ita grauius, & molestissimè tuli, ut penè dixerim emori maluissem, quam in illa scripta, siue inania, siue maledica, siue crudelia, & (quod pestilentissimæ iacturæ est, ac nefandæ corruptionis) turpia, fetulentia, obscœna, vel forte incidere. O ingenia! ò eruditionem! ò indolem! ò exccitationem præclaram! ò denique tempus non Philosopho, ne dum Christiano otio dignum.

Nostra omnia præclara sunt, quid externa delectant? sed religio, ais, me in illo delectat, cæterisquid genus hominibus mihi placet magis. Non est Religio sacrilegium. Amor Reipublicæ?

blizæ? Machabei vincunt; quorum Eleazarus per media hostium agrina veterana, armatum regium Elephantem solus appetijt, nec timuit, cadente super se bestia trucidata, interimi, *vt liberaret*, ait Scriptura, *populum, & acquireret sibi nomen æternum*. Fortitudo? quis David fortior? cui dictum in laude eius est. *Tu unus pro decem millibus computaris*. Sapiencia? Salomon præstat. Noster Ioseph castimonia superat. Prophetæ veritatis notitia antecellunt. Rerum contemptu Apostoli vincunt; mortis victoria Martyres superiores existunt. Sed immemor multis, cum res in aperto sit.

Ego verò iam vocor à Tabellario, tanta celeritate; quæ dictauerat, postulante, vt verè, mi Scipio, reuisendi, ac corrigendi, ac transcribendi, quæ primum assumpto calamo dictaui, tempus mihi non suppetat. Itaque si impolita est dictio, si subrusticè etiam ipsis apicibus scripta, festinantè tribues portitoris, qui me nimium vrgens, rescribere non permisit: verum quid ago? placandus est mihi Scipio-meus, iam mihi forsitan subiratus, contra Scipionem non meum, sed neque velim suum, acerbius, vt æstimat, disputanti: at verò fieri non potest, vt mihi Christiano, & amicissimo homini, pro infideli, & damnato succenseat. Quamobrem neque mihi restat conciliandus, qui de Paganorum concuijs se hæsum non putat, qui de me, vt ardentius loquar, est optimè meritus, vel ego de illo: & si non altero beneficio, saltem amore dumtaxat, quem erga illum sincerissimum gero, quem his paucis idè admonendum putavi, vt ad Diuina potius inardescat.

Scipionem te igitur meum, non illum sanè Africanum, de quo spirans inflata Gentilitas, tanta, quamuis mortalia, atque inania iactat; sed quod est longè incomparabiliter excellentius, Christianum imploro, non Romæ natum, sed Romanæ fide renatum, nec ob Rempublicam sæculi tutandam, sed ob religionem pietatis colendam, præstantius cognomen Christianum sortitum; non pulso Italia Hannibale, sed Diabolo ex animo profligato; nec domita Africa, sed carne subiecta; non denique forti animo patria ingrata contempta, sed mente constantiore, sæculo ipso nobis infensius obistente calcato. Hęc est enim mi Scipio gloria solidior, hi præstantiores tituli, hęc honestiora cognomina, hi nobis gloriores triumphi, hæc gesta Christiani pectoris fortiora.

Te te, inquam, Scipionem meum, quem talem, vt dixi, Christianum, & credo, & opto, & spero, instantius imploro, rogo, oro, atque exoro, vt causam meam, quæ Christianæ Reipublicæ est, apud Sanctissimum Christi Pontificem Eugenium Papam, & mundi Dominum, diligentius agas, quam ad te perferet *Ludouicus Bononien.* (4) harum baiulus literarum, ætate Pater, cum quo mihi religio nostra communis est. Tibi verò, vt asserit, multo penè quam mihi familiarior. Quo fit, vt illum tibi commendare superfluui sit. Accedit autem ad Sancti Patris, & Pontificis Summi humiliter osculanda vestigia. Hactenus his in locis Sanctis, multos iam annos curandæ fratrum familiæ, maior Hierosolymis constitutus, quædam autem postulaturus, quæ mihi concedi à summo apice.

Apostolatus depono. Peto, misfrater, coneris conspectui Beatissimi Patris illum inferre, quo tua cura, & tibi amicorum industria, non semel cum illo conferat, ut faciliore aditu, quæ postulo consequatur.

Angustia temporis facit, ut amicis scribere nequeam. Meo igitur nomine, non graueris *Nicolaum Nicolaum* (5) ac Poggium Floren. salutare. Leonello autem ex mea, vel persona, vel nomine aliquid exarabis, salutans præceptorem meum Guarinum Veronen. Franciscum, Marefcalem, Augustinum, nolo dicere Villanum, quamuis de Villa,

sed verè Vrbanum, Philippum etiam Bendedeum, ac reliquos omnes. Si qui verò sint prælatorum, qui ad rem nostram adiumento tibi videantur futuri, fac ut sapias. Nolim autem abs te æquo animo tolerare, nisi tuam longissimam Epistolam ad me miseris: ecce scripsi diutius quam rogasti me, si non te fallit obliuio, & quod nolui tibi polliceri, roganti reddo, scio certissimè incultam Epistolam hilariter, & gratissimo animo acceptanti. Vale ex Sancto Sepulchro Domini Nostri Iesu Christi 23. Martij 1435. (5)

## N O T A E.

## Nota I.

*Scipioni Ferrar. Episcopo Mutinensi.* Hæc sua manu scripsit Vvadingus, in margine aurographi nostri, quod non ira intelligendum est, ut fuerit Episcopus, quando Albertus hanc Epistolam ad illum dedit 23. Martij, cum Vghellus dicit eum fuisse creatum Episcopum 30. Octobris eiusdem anni, qui eum vocat Scipionem de Mainenribus Ferrariensem, & à doctrina, & maxima eruditione laudat, profertque Epitaphium ex templo Ferrariensi S. Francisci à suis fratribus ipsi positum, in quo doctissimus, prudentissimus, optimus, & vir rarissimus appellatur: Quibus docibus procul dubio meruit, ut etiam ante adeptum Episcopatum, præcipuum aliquem locum in Eugenij Pontificis aula haberet, quod ex his Alberti ad eum literis, non obscurè colligitur: & ex alijs ad eundem de ambiru dignitatis, quas postea dabimus, apparet ipsum post adeptum Episcopatum singulari confidentia apud Eugenium valuisse.

## Nota II.

*Ita verò, atque relictissimè.* Per Ironiam sic dixisse sequentia docent, & quidem adeò perperuus est Albertus insectator eorum, qui in Gentilium rebus æstimandis, laudandis, & imitandis nimij videntur, ut præter hæc, & alia, quæ alibi notauimus, in Epistola superiori ad Eugenium Pontificem timuerit Martyres nostros, heroes appellare: si inquit, hoc nomen Christianæ disciplinæ sanitas, & sobrietas pateretur: Si enim eloquentiam querimus, non desunt nobis Chrysothomi, & Chryfologi multi tam veteres, quam noui. Si virtutum exempla, quæ in Ethnicis, vana, & imperfecta fuerunt, in disciplinæ nostræ libris innumera, summa, sancta, & imitatione dignissima reperuntur. Nec ea Sancti Patres ex eis nobis aliquando deponunt, ut ipsos gentiles imitemur, sed ut pudeat nos pro Cœlesti, & æterno Regno non satis decertare, vel quantum illi faciebant pro terrena, & momentanea, vel pro ipsa naturali honestate virtutis, vel pro leui aura laudis,

& v2-

& vanæ gloriæ. Chrysoſt. hom. 17. in Matth. *Recogitate*, inquit, *Græcorum Philoſophos*, & tunc ſciētis, quanto ſupplicio ſimūs digni, qui *leges Diuinas tranſgredimur*, quando illi quidem pro deſtruenda bumana tam multa ſecerunt. Vos autem neque idem ſtudium tribuiſtis pro cæleſtibus. Et S. Auguſtinus de Ciuit. Dei cap: 18. *Nobis proponuntur neceſſaria commoniōnis exempla (Gentilium) ut ſi virtutes, quarum iſta vitiumque ſunt ſimiles, quas ipſi pro Ciuitatis terrena gloria tenuerunt, pro Dei gloriōſiſſima Ciuitate non tenuerimus, pudore pungamur: ſi tenuerimus, ſuperbia non extollamur. Quod ſi ea, ad hoc ipſum nobis neceſſaria, vel vtilia dixeris, caſtius tamen, tutius ex ipſorum Sanctorum Patrum monumentis, tanquam ex puris, decolatiſque fontibus hauriuntur, quam Ethnicorum libris, in quibus multa vanitate, multo vitiorum luto, & ſaditate permixta ſunt.*

## Nota III.

*Immundiſſimis conuicijs, & infra Turpia, ſæctulenta, obſcœna.* Vide quæ diximus in vita Alberti, & in prima nota ad eius Epistolam ad Nicolaum Nicolū.

## Nota IV.

*Ludouicus Bononiensis.* Hic non Magiſter Conuentualis, vt ſcripſit Rodolphus Toſſinianenſis, ſed Reg. Obſ. Frater laicus fuit, & ad magna negotia tractanda idoneus, & vltimus ex illis ſex, quos in vita Alberti diximus fuiſſe ſegregatos ad obſequia Pontificis, nec ſine fructu: multas enim graues legationes, & repetitas obiuit ad Principes Orientales pro diuerſis Pontificibus, & pro Duce Burgundix, ad Regem Perſix, quos qui voluerit in indice noſtræ Epitomes, vnico intuitu ſub ipſius nomine videre poterit. Quod autem Albertus in hac Epistola dicat ipſum in locis ſauētis, multos annos curandæ fratrum familiæ maiorem fuiſſe, hoc intelligo, quod Hieroſolymis Guardianus fuerit, quod fratribus laicis ſin-

gularis in multis Cœnobijs induſtriæ concedi ſolet. Eadem enim phraſi vtitur inferius in Epistola ad Chriſtophorum Episcopum Ariminenſem, vbi de Nicolai Oſmenſis Guardianatu Hieroſolymitano diſſerit.

## Nota V.

*Nicolaus Nicoli.* Hinc denuò confirmatur quod diximus in Scholio ad Epist. 25. Si enim verum eſt quod Pocciantius refert Nicolaum obiſſe anno 1430. pridie Non. Februarij quomodo iam ſexto poſt anno Albertus cum ex ſe ſaluari iubet? Nihil melius occurrit, quam Pocciantij notas corruptas eſſe, & pro anno 1430. imprimi debuifſe 1436. quo ſi Nicolaus obiit Florentix pridie Non. Februarij facile id ignorare poterat Albertus Hieroſolymis, eodem anno ſcribens die 23. Martij cuiusdem anni. Quod verò Nicolaum, & Poggium ſalutare, Leonello autem, nempe Eſtenſi, ſcribere ſalutando Mareſcalcum, & Bendedeum, Guarinum, & Villanum roget, confirmat mihi imprimis ſuſpicionem, quam ſuperius expreſſi, hos nempe Ferrarix fuiſſe, nam ibi eos Leonellus, per Scipionis literas rogarus, ex Alberto ſalutare poterat. Deinde viros nobiles fuiſſe, qui per Principem ſalutari iuberentur, Scipionem demum tunc Florentix cum Pont. fuiſſe, vbi Nicolū, & Poggium oretenus ſalutare poſſet.

## Nota VI.

23. Martij 1435. Manifeflus alicui videbitur error huius chronologiæ: nam cum conſter Albertum menſe Iunij huius anni in Italia cum Pontifice tractaſſe de profeſſione Hieroſolymitana, & menſe Iulij Ferraria ad ordinis Patres, & menſe ſeptembri ad alios Venetijs ſcripſiſſe, priuſquam proficeſſetur, non poterat fieri, vt ei uſdem annomēſe Martio Hieroſolymis ad Scipionem ſcripſiſſet. Vnde Vvaddingus hanc Epistolam anno 1436. ſcriptam refert. Et ſic habetur in codice Capiſtranenſi: ſed attendenda eſt diſtinctio ſtyli veteris, & noui, quam ſæpius ante notauimus,

## EPISTOLA XLIV.

## DVCI BVRGVNDIÆ.

## ARGVMENTVM.

*Is fuit Philippus Bonus Princeps eo tempore Christianissimus, & potentissimus, qui loca sacra Hierosolymorum frequentibus, copiosis, & opportunis eleemosynis sustentabat. Hac ergo Alberti ad ipsum Epistola, tota, in actione gratiarum, & bonis appreciationibus versatur.*

**S**I te putarem, Serenissime Princeps, pro tuis eleemosynis humana præmia prætolari, quantum salua religione fieri posset, humanas tibi laudes referre conarer. Verum quia te magis arbitror, retributorem Deum in cunctis tuis operibus, vt Christianos Principes decet, omni mente percipere, vanis mortalium adulationum assentionibus superfedeo: reddens tibi potius vices gratificationis, quas Sancta Scriptura, Sanctarum omnium actionum doctrix, atque hortatrix, per Apostolica ora misericordibus pollicetur; quam perditas aucupationes inanium rumusculorum, quas lingua quæstuarua, & palpas deceptio falsarum laudationum gloriosis sæculi hominibus frequentius turgida parere, ruscæque solet. Confero itaque me, quod satius existimo, ad Diuinas literas, documentis omnibus grauiores, & per eas verè integrum, & ac excellens laudis genus, tibi tutius exhibeo. Nam si Apostoli, quibus à fidelibus, omnia quæ voluissent, pro sua dignitate, meritò debebantur Christianos illos tanto præconio extulerunt, qui bona sua eis impetiuissent, quibus erant

cuncta communia, & inter quos, quamuis nemo esset, qui diceret aliquid esse suum, non erat tamen quispiam indigens inter eos, quia, distribuebatur vnicuique, prout opus erat: quæro, qua laude dignus sit, qui suas diuitias tribuit tanto indignioribus (vt secundum mundi superbiam eos appellent) quanto pro Christo minoribus, & tanto egentioribus, quanto pro Christo pauperioribus? maximè cum illi, de quibus Scriptura loquitur, inter multos Christianos versarentur: nos inter plurimos Barbaros habitemus, illis quoque fideles promptè tribuerent, nobis infideles promptius auferant. Adde quia tunc Diuinus ignis tolerantiores illius temporis fideles procul dubio faciebat, licet à nullis vitæ adminicula præberentur. Ex quo fit, vt maioris sit meriti, imbecillioribus subuenire: sed neque illud parui momenti mihi videri solet, quod Paulus, & Barnabas, qui tradiderunt animas suas pro nomine Domini Nostri Iesu Christi, alias Ecclesias pro sustentandis fidelibus, qui Hierosolymis habitabant expoliauerunt, tu sponte tribuisti. Illis, & multi, & hilariter, & non parcè seminabant,

ne parcè meterent ; nobis rari , rariùs dant sua suffragia , præter te vnum , præsertim in tanta copia : ego itaque nuper huc nouus officialis adueniens , multos mecum fratres adduxi , sed multo plures inueni , quibus penè omnibus ( vt eorum verbis vtar ) abeundum ex hoc loco erat , nisi reperissem sacrum locum Montis Syon , pijs eleemosynis tuis , à debitorum angustijs liberatum , quibus antea diutius premebatur . Insuper , & quæ nunc misisti amplissima pecuniarum subsidia , fidelis tuus Nuntius mihi fideliter reddidit . Pro quibus eximietati tuæ , cum omnibus fratribus meis , istis in locis degentibus , gratias agens , munus orationum nostrarum fideliter , libenter , ac liberaliter offero , optans te in Domino semper bene valere , vt non

solum te aliquando in hac Sancta terra videamus , pro deuotione fidei vestigia Christi lacrymosius osculantem , verum etiam , ac multò magis , si ita Deus tandem aliquando statuerit , pro zelo augendæ Christianæ Religionis , felicius præliantem , pacato in se prius , ac tranquillato nobilissimo illo Regno Francorum , Quod quidem quanta pro tuenda fidei , atque Ecclesiæ iactura sæpius facere solitum accepimus ; magis quam vacare domesticis litibus , ac ciuilibus , immo plusquam ciuilibus bellis , de quibus si dicere velim , me tempus deficeret . Diuina te semper tueatur clementia , Domine præstantissime , ac merito illustris Princeps . Vale ex Sancto Monte Syon , pridie Nonas Octobres 1436 .

## EPISTOLA XLV.

FRATRIBVS ANTONIO , & LVCAE ORD. MINOR.  
pro Christo Hierosolymis in Carcere constitutis .

### ARGVMENTVM.

*Hos duos Religiosos , in carcere pro Christo constitutos consolatur , & ad Martyrium constanter , fortiterque consummandum fortiter , & feruenter cohortatur , se ipsum , si opus esset , cruciatuum , & mortis pro Christo toleranda socium offerens .*

**S**criptum est , dilectissimi Fratres , spes quæ differtur affligit animam , lignum autem vitæ , desiderium veniens . Astixit vos diutius , & vehementer excruciauit ardor pro Christo , & desiderium patiendi . Nunc quia desiderium veniens delectat animam , consequens

est vt quantum pro Christo patimini , non quidem vt homicidæ , sed vt Christiani , vos ista res tanquam lignum vitæ delectet ; propterea quod nihil est beatius , quam pro Christo diuturno tempore cruciari , pro quo passus contumeliam , veluti magna gloria digni habiti , læti , & alacres à con-

conspectu Concilij ibant Apostoli gaudentes. Ecce habetis quod tanto desiderio à Domino postulastis: nunc sequitur, ut gaudeatis, alioquin aut presentis rei, quam concupistis, contumeliam facitis, tanquam quæ non sit, ut credebatis, felicior, aut vos imprudentiæ arguemini, quia rem absentem, charam, & pretiosam, presentem verò vilem, atque abiectam existimaueritis: sed absit à vobis fortissimi Christi milites, ut vel parua cogitatio horum criminum vos conturbet: quia tantum prius existimastis fructum Martyrij, ut pro illo carpendo, *impetum in hostilia castra fortiter, & animo ingenti feceritis* (1) & arreptum, ne diriperetur à vobis, patienter, & fortiter restitistis. Video & gratulor dilectissimi Fratres, quorum apprehensam bestiam, & PseudoProphetam, idest mundum, & immundissimum Mahometum, et si vobis pertinacius resistentes ambos, dextra leuaque tenetis, & Serpentem veterem, quem Isaias Leviathan, Iob Behemoth appellat, impetu feruoris Christi, vobis crudeliter repugnantem fugatis, quippe qui & Diabolum, licet antiqua superbia furibundum, & aduersantem Sathanam, qui de Cælo magnus Draco, & terrificus cecidit, Dominus Iesus iuxta Apostoli pollicitationem, sub vestris Sanctis pedibus velociter coneret, ò diem illam felicem, ò beatissimam horam, qua vos tundi, exdi, trahi catenatos, & nudos contigit, *ea presertim via* (2) qua Christus Crucis onere pergrauatus incessit. Ibatis, ut ferunt, mites, pacifici, capite demisso non quidem pauore, non verecundia, sed Christi agni imitatione, nihil aliud voce, quam mutua, & fra-

terna cohortatione, Iesum dulciter, resonantes. Agite ergo fiducialiter, quod fortiter cœpistis. Tantum à vobis absit ut mutata Christi confessione, supplicio liberemini. Caute humanas persuasiones ne tacentibus vobis iniuriam blasphemantium Christum, id est negantium, illum Deum, & Redemptorem, & volentibus impijs, vestram, idest Martyrum carnem mercari, vos non Martyres, sed mortales, atque carnales, in vestram contumeliam, & Christi opprobrium, & in velamen oculorum Christianorum, vel sani ad nos, vel sanandi dumtaxat corpore, sed mente abiecti vllatenus reuchamini. Attendite vobis ne paratam coronam pusillo animo amittatis, nec vos terreat, quod nolentibus, fragilibus, & infirmis hoc fecistis, quia rusto, ait Apostolus, lexposita non est, & quid iustius illis, qui vltro pro Christo mortem constantissimè expetunt? Renouantur in vobis antiqua miracula, non putabimini vos talia ausuros, nec à me quidem tantum negotium aggressuros, vicistis opinionem, vincite mortem, & possidetis coronam. Et quamuis non dubium vobis adesse cœlestia remedia, tamen admoneo vos fratres, & hortor, ut agones, & victorias Martyrum vtriusque sexus, vobis ante oculos proponatis. Quod si viua præsentia meæ paruitatis vobis necessaria est; *ego ad vos, mundo resistente, medios inter gladios conuolo* (3) non enim nie vctat metus, sed ne incenso iam igni qui vel carnales, vel impios cruciat, oleum adiceisse blasphemæ, maximè vobis fortiter, & inconcusso corde perseverantibus. Valete dilectissimi. Christi pietas soeium me vobis faciat

pœnz, quem fecit comitem desithleem 10. Octobris 1436.  
derij. Valet ex Sancta Domini Be-

## N O T A E.

## Nota I.

*Impetum in hostilia castra fortiter, & animo ingenti feceritis.* Hoc est, vt explicat pro carpendo fructu Martyrij, vnde appater istos Religiosos, Martyrij desiderio, fidem Christi Saracenis prædicasse: idque dissuadentibus alijs, vt in hac Epistola indicatur illis verbis: *Nec vos terreat, quod nolentibus fragilibus, & infirmis hoc fecistis.* Sed Albertus ipsorum parientia confirmatus, id Spiritus Sancti instinctui refert, illis verbis Apostoli: *Iusto lex posita non est:* & iterum. *Renouantur in vobis antiqua miracula,* quasi dicere vellet aliorum qui se vltro Martyrio exposuerunt, vide si placet ipsius Epistolam 37. contra vituperatores Martyrum, & nostras ibi noras. Et notanda sunt alia verba huius Epistolæ, *vicissis opinionem,* idest vt existimo eorum, qui temerè negant, vllum esse Martyrem, qui vltro se obijcit periculo patiendi Martyrium, *vincite mortem,* idest constanter pergite, vt constet non temerè vos obiecisse, & *posidetis coronam.*

## Nota II.

*Ea præsertim via.* Est Hierosolymæ via, quæ via Crucis vocatur,

per quam nimirum Christus Crucem suam in Caluarium baiulauit, & per quam, vt videtur, isti fratres bono omine ad carceres tracti fuerunt.

## Nota III.

*Ego ad vos, mundo resistente, medios inter gladios conuolo.* Tum hinc sanè, tum ex ijs, quæ scripsit Albertus contra vituperatores Martyrum, tum ijs quæ Cayri ipsi acciderant, tum ex amplissima illa infidelibus prædicandi facultate, quam à Pontifice petijt, manifestum est quam ardentè ipse Martyrium sibi cupierit, sed æquè quam vbique prudenter: nam neque hic sine necessitate se obtulit, cauens etiam, ne accenso per istos fratres igni oleum iniiciat, nec apud Pontificem defendit quoscumque se temerè morti obijcientes. Neque Cayri carceribus, nisi ad Martyrium se extrahi permisisset, nisi peruasus causam Christianitaris, & Eugenij Pontificis propositum ipsius Martyrio irritum iri: quod ipse tunc superstes postea feliciter perfecit, & tamen iusti Martyrij desiderio, his verbis expresso claudit Epistolam. *Inter catenas, & fustes mei nominis memensote, vt Christi pietas socium me vobis faciat pana, quem fecit comitem desiderij.*

## EPISTOLA XLVI.

FRANCISCO MARESCALCO,

ARGUMENTVM.

*Mense Septembri anno 1435. Venetijs Hierosolymam abiens Albertus, tunc ultimas in Europa ad Eugenium Pontificem dedit Mense Septembri, nunc Venè-*

*Venetias redux anno 1437. primas bas ad Marscalcum inde dedit, gratias agens quod iste omnium primus reduci, per literas reditum gratulatus fuerit: cetera familiaria sunt.*

**V**Eteris, & quod est nobis antiquius, Christianæ amicitiz nostræ sinceritas, quanta erga nos soliditate stabilis, apud te nec minus fortis permaneat, Franciscæ charissime, etsi satis mea de te fides, atque opinio me facile adducebat, hoc tamen argumento sum factus certior, qui primas omnium ad me, ex Sanctis, & transmarinis locis nuperrimè redeuntem, diligentissimè scripseris. Hoc non solum reliquos amicos, quod pace eorum dixerim, sed me ipsum, qui posterior seribo, diligentiore festinatione scribendi, & celeriore salutatione, congratulandi, præuenisti, vicisti, superasti. Quo in officio, cum alios non accusem, quibus forte post te, reditus noster est agnitus, te summè laudo, & amplector, & in mediâ hæc Epistola, tamquam è corde medio resaluto. Si tamen hoc verbum Ciceroniani illi tui, etsi non tui, saltem huius tempestatis admittant, qui de sententijs non curantes, verba tantum expolita perquirunt, quos ut scis, soleo ludens, non quidem Rhetoricos, sed *Brethonicos* (1) nominare. De quorum alternis, & mutuis digladiationibus, pro abiectis, & quod est admodum tristius, pro perditis, & sædis tam causis quam hominibus, tanta ad me nuper à grauissimis viris perlata sunt, ut penè dixerim, non modò non redisse, sed potius emori, quam talia audisse maluerim. sed hæc alio tempore deploranda seruentur. Te verò ut dicere cæperam, resaluto, & gratias ago amori in me tuo. Me autem.

negligentiæ in scribendo accuso, quamuis nostræ occupationes in causa fuerint, & spes quædam ad vos citius proficiscendi, quam paulo dilatiorem effecit, & diligentia huius *Sancti Antistitis* (2) & amor ciuium huius egregiæ Urbis Venetiarum, quibus nisi primum iuxta Apostolum aliquid gratiæ spiritualis impertiar, *me abire non patiuntur* (3) Quod autem Christo propitio ex transmarinis locis, atque ex Sancta Hierosolyma, Italiæ oris, tam inuiti, quam insperati, alias desperati, quod ad reliquos attinet, redditi sumus, quæ res tibi valde iucunda est, quamuis multa in hanc causam scribere, vellem, nihil aliud nunc dico, quam Deo gratias. Quod verò Scipionem nostrum scribis factum Episcopum, quamuis paulo ante audiueram, siquidem, ut in laudem veterum Israel aut Iudæ Regum Scriptura commendat, per vias David toto, ac recto corde ambulaturus est, dicere non possum, quantum exulto, sed verò quod Deus vnus, verus, optimus, maximus, & solus auertat, via illi Achab impijssimi Israelitici Regis, & via lata multorum magis placuerit, quantum cum diligo, tantum pro illo contristor & paueo. Nisi modo labor dicendi ad populum auocaret longiorem Epistolam texerem, quod te certè scio perecupere. Ex causa ergo da veniam breuitati, nihil dico de eloquentia: cuius si quam partem nos hæctenus habere existimasti, debes Saraceniæ barbarie non parum arbitrari oblitteratam. Commenda me omnibus, ut libet, & ut.

ratio amicorum habenda suggesterit, atque imprimis Domino Episcopo, illustri Leonello, & *preceptori communi* (4) Ceteri verò nominatos se putent, atque id amicissimè. Longior enim euaderet hæc Epistola, si omnium, quos diligo, nomina recenserem: sunt enim permulti; imo verò omnes, maximèque amici, vel nostri ordinis, vel sæculi homines. Valeant omnes, tu vale mi Franciscæ dulcissime, ut in buccam venit, sic ad te scripsi celeriter, nec

festinantiam scriptionis diligentia, examinationis valui compensare. Quare si non est nitida Epistola, si non habet mixtam cum decore grauitatem, si redolet fordes negligentia, debes æquo animo tolerare. Iterum vale, & ad me tu, & alij sæpius scribite. Est enim id genus exercitationis meorum laborum non parua, nec iniucunda leuatio. Ex Venetijs statim postquam tuas accepi idest 7. Idus Septembris 1437.

## N O T A E.

## Nota I.

*Bretthonicos.* Oedipus non sum, ut abstrusi huius nominis sensum eliciam; nisi fortè dicere voluerit Brethyonicos, idest vnguentarios: nam Brethyon vnguenti crassioris genus est. Sed quid ad rem? forte magis quod sequitur. Erat veteris æui in Anglia, Franciscanus dictus Guilielmus Brithonus, vir doctissimus, & varie eruditionis; cuius opera etiam viuente auctore, non solum in Anglia, sed etiam in Gallia, & Italia, multis magno erant in pretio, & etiamnum in Bibliothecis extare dicuntur. Is multum interesse dicitabat, ut quis cuiusque verbi propriam, & natiuam significandi vim intelligat. Nam licet metaphoricis, aiebat, & alijs figuris possimus uti, tamen proprietatem sermonis ignotare non debemus. Quapropter librum scripsit, quem Vocabularium Bibliorum vocant; in quo multa vocabula S. Scripturæ genuina significatione clariora reddidit. Ad huius fortè cognomen alludit noster Albertus, illos, de quibus loquitur, Brittonicos dicere volens, quasi magis dictionarios quam Rhetoricos: quemadmodum, si quempiam Grammaticum magis, quam Philosophum dicere velimus, cum potius Calepinicum, quam Cathgori-

cum nominemus, idest magis additum dictionibus Calepini, quam Cathgorijs Aristotelis.

## Nota II.

*Huius Sancti Antistitis.* Beatum Laurentium Iustinianum intelligit, tunc Episcopum Castellani, ac postea primum Patriarcham Venetiarum à Nicolo V. Pontifice creatum.

## Nota III.

*Me abire non patiuntur.* Hic inter alia loca elucet, quàm grata ubique fuerit Alberti prædicatio, & quàm indefessum ipsi studium prædicandi fuerit, qui post tam longam peregrinationem, & maris molestias, statim quasi è nauis descendens, huic labori alacriter incubuit, ut infra. *Nisi me labor dicendi ad populam euocaret, longiorem Epistolam texerem.*

## Nota IV.

*Preceptori communi.* Guarinum Veronensem indigitat, non hic solum, sed alibi sæpius, quod semel à nobis notandum fuit.

## EPISTOLA XLVII.

THOMASIO BIBIO CYPRIO.

## ARGVMENTVM.

*Saluum se Venetias rediisse, ac Thomasi literas Rhodi recepisse narrat, ipsiusque Catholicae fidei integritatem inter infideles, haereticos, & schismaticos laudat, & inter Aulae Regiae adulatores, quorum mores, & studia perscribit: ac Thomasio, per sui inde abreptionem, fugiendos suadet, & moras debortatur. Animum laudat, sed fructus impedimenta pretendit, & explicat, atque aulis omnibus communia deplorat, praesertim cum Principes, ut tunc Cypri Rex, adolescentes sunt. Regem ex se amplecti iubet, cui omne bonum optat, & precatur. Libri cuiusdam meminit, quem per Thomasium, ad se in Italiam mitti rogat.*

**S**ALVOS nos tandem, atque inco-  
lumes, v' optaueras, & roga-  
ueras, Thomasi charissime, ac  
spectatissime Medice vigesima, &  
prima die Augusti (1) portus, &  
Ciuitas ipsa Venetiarum, Diuinitate  
propitia, exceperunt, consumpto  
feliciter maritimo itinere, quod qui-  
dem à nobis agi ex portu Cyprio Sa-  
linarum, vt scis, nona die Iulij cœ-  
ptum fuerat: inter eundem verò,  
literæ mihi tuæ Rhodi redditæ sunt:  
quibus adiuncta erant remedia, quæ  
à te antea postulaueram; in quibus  
literis, ex querimonijs tuis, de no-  
stro recessu, amorem erga nos tuum,  
quamuis optimè nobis exploratum,  
apertè percepi. Reddo itaque tibi  
his paucis dilectionis vicem, petens  
à Domino, vt dirigat omni tempore  
vias tuas: tametsi te existimem pro  
Catholica in te Romanæ fidei firmi-  
tate, inter multos patriæ tuæ, ne-  
dicam hæreseos, certè nefandi schil-  
matis labe corruptos, diutius conu-

morantem, sicut lilium, vt dicitur,  
in spinis splendescere: Quo fit, vt  
licet tibi violandæ integræ fidei tuæ  
periculum minimè metuum; quod  
solidæ radici Apostolicæ eruditionis  
incumbis; tanquam ramen inter  
scorpiones, & colubros incedenti,  
officium beneuolentissimæ compas-  
sionis exhibeo, qui in tales incidere  
homines, immo qui inuitus cum ta-  
libus conuerferis, & quod est gra-  
uius, ac longè molestius, quam eru-  
ditis viris, ac grauibus, ac moribus  
sanis, fide integra, & veræ Religio-  
nis, atque instituto seruorum Dei  
fulgentibus careas, quorum me con-  
suetudine in Domino fruium, &  
vel nouo, vel veteri colloquio, so-  
latioque leuatum, ex tenebris Orien-  
taliū ex-ciratum, si ad Christianos  
schismaticos; ex perfidiz fetulenta  
colluione, si ad Saracenos; ex per-  
ditorum morum labe, si ad utrosque  
te referas, me ad Occidentalem veræ  
fidei micantem fulgorem, nullis vn-  
quam

quam errorum tenebris aduoluentum, admodum redille delectat. His tu, & mille maioribus molestijs, si curas diligentius, vt propè diem eruaris, atque euadas liber, rectissime sapias: sin verò tardus es, pace tua dixerim, insipientiæ te accusem. Neque enim vides, quam moræ, quam negligentie, atque induciarum, quam denique cuiusuis metus afferas rationem, vt bonum securè, ac liberè degendæ vitæ amittas; nisi forte putas, tuo arbitratu, si diutius in patria tua steteris; vel græcam, per te duritiem leniendam, vel infidelium vires, atque pericula vestris viribus succumbenda, vel voluptatem Cypriam, quæ tamdiu insulsa, ista tua, id est, in Veneris domicilio dominans, muliebri leuitate, ac mollitia dissoluta est, in seueritatem, grauitatem, continentiam, siue Stoycam, siue Catonianam, siue Christianam potius conuertendam. Quæ equidem omnia desperata penè arbitrans, à te longè dissentio. At verò, inquires, ea vel sola causa me tenet, vt regios mores, & institutam, & regam. Hic verò ego, ò te felicem, dixerim, si modo hoc assequi possis. Quid enim publicæ utilitatis potest in rerum natura fieri salutaris, quam teneram Regis adolescentiam bonis moribus, optimis doctrinarum monumentis, & sanis consilijs instituere? vnde quam formatus, instructus, atque directus, ne dicam in omne hominum genus, certè in vnâ vnus Regni amplissimam, Christianam Rempubicam vel benè administrandam omne studium conferat, vel in rectè administrata tutò quiescat, quo vt Christianis Principibus exemplo, & infidelibus possit esse formidini. Equidem adolescen-

tis Regis egregij ab ipsa natura præclarissimam indolem probè noui, & cerèum, vt dicitur, ingenium, si modo periti plastæ erudita manus illi adhibeatur. Rex præstantissimus, præterea pater eius etiam iam mortuus, ea laude est, quem dignè pro meritis, Rex filius imitetur. Sed mihi crede, grandis est versutia, non modo Dæmonum, verum etiam, perditorum hominum, qui florentem ætatem, atque ob id in vitia præcipitem, & in qua malorum campus facinorum latissime pateat, assentationibus circumueniant; & tecto, ac dissimulato periculo, honesto ad hanc diem adolescenti Regi nefandissima persuadeant. Solent eiusmodi, non magis homines, quam feræ bellæ, intra aulas præcipuè Magnatum, Regibus, ac Principibus, præsertim, iuuenibus adulari, laudare non rectè facta, errata cuncta consulere, & tanquam pro studio honoris, ac salutis maiorum, aduersus rectissimos viros, sceleratissima gerenda, ingerere, se se verò tanquam maiores natu præferre, qui genere, qui diuinijs, qui meritis in Regem, & suis, & maiorum suorum, tanquam præ cæteris longè præstantes, neminem omninò ferant, nulli præter se primas partes habendas putent: paribus inuident, maiores lacerant, minoribus rapiunt, aduersus omnes nituntur, resistunt, iactant, ambiunt, mirantur, insultant. Si quæ verò est laus meritorum, si qua bonorum apud Regem existimatio, si quis honos, contra instant, assident, fingunt, peruertunt à latere Regis; quoad iustos ab eo omnes appellant, quoad boni vocentur in odium, in suspicionem, in exilium, in proscriptionem, in mortem. Hic est

mos vetus nostræ tempestatis : hoc antiquissimum institutum in domibus magnatum : hæc est impudentia, quæ in domibus Regum mollibus protegitur vestimentis , ne deprehensa, non vilis, sed obtenta auro, pretiosa putetur. Tu si inter hæc te putas multa posse mereri de perditis, à vero longè aberras. Itaque magis mihi amicè admonendus videris, ut nisi Christo propitio noua quædam spes tibi suboriatur instaurandæ iam euerse patriæ tuæ, pro qua Deum instantius oro & obsecro, tuæ potius, ac tuorum, tam æternæ, quam temporariæ saluti consulas, quam aliorum quotidie impendentibus periculis inuoluaris. Sed de his satis. Com-menda me maioribus, ut ratio postulat. Regem verò imprimis, pro amore, quem erga me gerit, meo nomine dulcius amplexare, cui non solum salutem, fidem integram, atque victoriam hostium nostræ Religionis, vitam, ac mores ornatif-

simos, qui Christianum Principem, deceant, è Cælo ab Omnipotente Deo vberius subministrari feruentissimè postulo, sed etiam pro ætate, pro malitia hominum, qui se magis, quam Regiam Maiestatem tueri satagunt, more veri amantis, etiam, quæ tuta sunt, vehementissimè pertimesco. Dominus illi adsit, amen. Amicos saluta, inter quos Paulus Perusinus apud nos Princeps est, si tua opera efficere possis, mi Thomasi, ut si non gratis, vel aliquo emolumento impenso, ab Episcopo Ebronensi libellum quendam paruum habeam, in quo & acta cunctorum Conciliorum, & errores omnium nationum orbis enumerantur, profecto rem gratissimam mihi feceris. Eo enim valde indigeo. Cura tu maximè, si illum obtineas, ut ad me tutò, & quam celeriter in Italiam perferatur. Vale ex Venetijs Pridie Nonas Septemb. 1437.

## N O T A.

*Vigesima, & prima die Augusti.*  
Nota hic diem, quo Venetias appu-

lit, & quo è Salinarum Cyprio portu soluit.

## EPISTOLA XLVIII.

CHRISTOPHORO EPISCOPO ARIMINENSI.

## A R G V M E N T V M.

*Nescio quis rumor ad Christophorum perlatus sit, quod Albertus libellum scripserit contra fœdum Hermaphroditum Antonij Panormitani. Quapropter, cum Albertus, post suum ex Oriente reditum, Venetijs vocatus, apud Pontificem Bononiæ per dies aliquot moraretur, Episcopus illi per aliquem suum nuntiari fecit, se illius libelli copiam percipere.*

No

Alber-

*Albertus ergo per hanc Epistolam illi respondet, se eo tempore nihil contra quemquam scripsisse, præter vituperatores Martyrum: contra quos Epistolam dedit ad Eugenium Pontificem. Aduersus Panormitanum autem hactenus nihil, præter familiarem Epistolam ad Marefcalcum, et Benededum, quos laudat. Has, cum gratas Christophoro percepisset, utraq; misit, et simul hanc Epistolam, in qua rogat ab Episcopo precum suffragia: ut uiuendo, scribendo, dicendoue non erret, rem Diuini uerbi præconibus necessariam; in quo officio ostendit, sermonem doctrine quantumlibet splendeat, nihil edificare, si uita sanctimonia associata non sit. Tota deinceps Epistola in prophana, conuictiose, sæda, et nefanda eloquentia sceleratores inuebitur, optatque si scæda facta non emendent, ea saltem occultè committerent, ne pernicioso exemplo, et impudenti scriptatione, malum in plures serpat, prolixius ostendens eruditionem. cum corporis uoluptatibus coniungi non possent.*

**A**Nte non multos dies, ut præclare nosti, cum post reditum nostrum (1) ex transmarina Sanctorum nostræ salutis locorum peregrinatione ad pia vestigia sublimis Beatitudinis Eugenij Papæ Sanctissimi meritò osculanda essem. ascitus, aliquanto temporis spatio Bononiæ coram illo uersatus sum, ubi redeunti mihi domum ab eo templo communi, in quo propter dicendi consuetudinem in omnium ore quotidie eram assiduus, semel forte accidit, ut homo quidam, sicut arbitror, tuus, idemque quantum mihi uisus est, Presbyter Christi nobis occurreret, quædam mihi tuo nomine referens, quæ tibi modo explicanda constitui. Aiebat libellum, nescio quem, sive Epistolam quandam nostram te uehementius uidere, legereque percipere: quam nuper, ut dicebat, aduersus perditum hominem, si non se ad meliora conuerterit, Antonium quendam Panormitam, ad repudiandum maledicum illum suum, vel potius impudicum, sceleratissimumque libellum, quem inscribit *Hermaphroditum*, edideramus. Huic ego è vestigio apertè re-

spondi, nullos me hoc tempore libellos, sed neque Epistolam ullam aduersus quempiam edidisse, præter unam, quæ contra Martyrum vituperatores ad Eugenium Papam delata est: hanc si uelles me liberè daturum spondi. Is, cum hæc ita narrarem, libera assertionem firmavit, te gratissimo animo accepturum, si etiam quæ non peteres, nostro ad te studio deferrentur. Quæ cum ab illo audissem, faciliè mihi, fateor, persuasi, non te rectè de nostro erga te amore, & prompto animi obsequio posse existimare, si non tribuerem postulanti, quæ non inspicienter fortasse respicienti quoque audacter ingererem, non quidem ad te erudientum, qui maiorum nostrorum delicata similia sèginatus, non opus habes nostro fursure uesci, sed ad me corrigendum, si in aliquo à vero aberrare perspiceres: sin verò, munere Christi, me rectè sapere scribendo censes, adderes pro tua charitate literis nostris, orationis tuæ saluberrimum patrocinium, ut uiuendo quoque, sicut scribendo, ac dicendo rectè nunquam desipiam.

Ego præsertim, cui conferendæ

popu-

populis, ac publicè disseminandæ Euangelicæ eruditionis onus ingentis operis impositum est. Quo in officio, ut veritas ait, *Si sal euanuerit, in quo salietur, ad nihilum ualeat ultra, nisi ut mittatur foras, & conculectur ab hominibus.* Splendeat enim licet sermo doctrinæ, & ardeat, & ædificet, nisi vitæ sanctionia componatur, citius sordet, languet, deflorescit, emoritur. Accipe igitur Pater optime nostram hanc isti sociam qualemque Epistolam, quam contra hostes Martyrum nuper edidimus, & pro me ora attentius, ita certò salueris, ita te possideat æterna suauitas, ut non modò pro Martyribus, quæ reliqua polliceor, verborum veritate perficiam, sed antequam vita excedam, rerum imitatione consummem.

In Hermaphroditi autem libelli nefarium authorem, quamuis longo mihi iam tempore voto fuerit, pro scelere turpitudinis eius, plurimam detonare, ob negotium tamen, quod ad Christianos populos quotidie differendi habemus laboriosum, quia mihi non vacat, scias me nondum aliquid scriptitasse: extare autem adhuc ex nostris vnam Epistolam, quam hoc fermè triennio, ante nostræ professionis initium, ad Ferrarienses honestos adolescentes, & Christianè educatos, ac liberaliter institutos, Franciscum Maresealum, & Philippum Bendedeum amicos nostros familiariter scripsimus, in qua, & cum altero eorum, qui eas partes mecum assumpserat, nefarium opus abominor, & eis pariter exhortantibus, me quippiam aliquando scripturum videor polliceri. Quod ipsum iam effecissem, si non laborum meorum prædicta ratio restituis-

set. Sed adierit aliquando, si Deus dederit, aptius tempus, quo stylo possimus abonuinanda diluere, quæ sumus in tot iam Italici Ciuitatibus lingua respicere, & delere conati.

At nallam equidem, & hoc mihi, fateor, est longè optatius, ut eo statu rectè degendæ & fidei, & vitæ, res Christiana instituta esset, quò neminem eorum, qui veritatem tueri solent, oporteret aduersus improbos, tam morum quam fidei corruptores, pro tutanda religione, libros aliquos eudere. Sed contra in hæc temporum nostrorum iniquitate, ita quidam perniciosissimè literati, infructuoso fatu, mores improbos serunt, ut omnia tutamenta doctrinæ, pro armis expugnandæ veritatis, honestatis, famæ, legum, religionis, libertatis, & amicitie debere sibi videantur sumnis viribus acquirenda contendere. Quo fit, ut is, qui veritatem tueri debet, debet autem eam, quoad potest, si modo id facere norit, si præsertim qui faciat desit omnis Christianus tueri. Qui ergo debet, & potest veritatem, fidem, & Religionem defendere, fit sanè magno cum dedecore, ut eis virtutibus, immò Deo noxiè, atque obnoxie sit futurus intensus, si non defenderit.

Atque vtinam, quæ coargui debent, leuia essent, & facile toleranda, fortasse pius aliquis ea potius dissimulanda censeret: nunc verò, quod luctuosum est, quis nisi iniustus æquo animo feret? cum apud plerosque illorum, qui literis expoliti haberi volunt, vsque aded præstantia eruditionis flagitiorum labe permixta sit, & tantis libidinosarum, sordium spureitij ac fece corrupta, nec minore superbie tumore cæcata, ut omnem studiorum, artium, do-

Arinarum, ac præfertim eloquentiæ splendorem, & copiam, tum rectè, & solum videantur assecuti, si honesta omnia præceptorum documenta ad licentiam impie maledictionis traiciant, aut ad proacritatem detestandæ temeritatis tradueant, aut denique ad magisterium nefandæ eruditionis, & fixdam luxuriam alteræ corruptionis conuertant.

Hi profectò ignari sunt, eruditionem, ac voluptatem, duas res repugnantes, nullo modo posse coniungi, ne dum apud Christianos, quos Deus haudquaquam in immunditiam, vt tuba illa Euangelij Paulus Apostolus apertè testatur, verùm in  
 s. Theol. 4. 7. *sanctificationem vocauit, sed ne apud Gentilium quidem quosdam præclariore, qui ex communi vulgi errore, in aliquam veritatis lucem emerfisse, atque euasisse crediti sunt. Cicero, ne multos enumerem, quem isti sicut dicendi suauitate diligunt, ita saltem in hac sententia veritate imitentur, in oratione pro Marco Celio de cura studiorum diligentius loquitur, quæ vigilijs, ac sudore dicit elaborari, quæque non rectè acquirunt qui laborem fugiunt, qui obstricti sunt voluptatibus, qui amoribus seruiunt; non qui luxuriz, qui conuiujs, qui lasciuarum libidine occupati, impeditique tenentur.*

Neque cupiditates, & studia facile in eodem homine esse posse, nec fieri, vt animus libidini deditus, amore, desiderio, cupiditate, & copia impeditus, possit ingens illud, quod ab honestis viris in cogitando, dicendo, atque agendo fit, vlla ex parte sustinere, nec aliam postremò causam esse vllam, præter voluptatis appetentiam, fugamque laborum,

cur tam pauci semper fuerint, & nunc quoque sint, qui in bonarum artium institutis, atque in hoc labore versentur, quamuis tam magna fuerint præmia eloquentiæ, tanta voluptas dicendi, tanta laus, tanta gratia, tantus honos. Obterendæ sunt igitur, inquit, omnes voluptates, relinquenda studia delectationis, ludus, iocus, conuiuium, sermo penè familiaris deserendus, Quæ res in hoc genere literarum, homines à labore, studioque deterret.

Noster quoque Hieronymus huic sententiæ congruens. *Literæ, inquit, marsupium non sequuntur, vigiliarum comites sunt, sudoris sociæ, ieiuniorum, non saturitatis, continentia, non luxuriæ.* Et vt ad altiora præcepta veniamus, Scriptura Sancta nos admonet dicens. *In maleuolam animam non introibit sapientia, nec habitabit in corpore subdito peccatis: spiritus enim discipline auctor, effugiet fictum discipulum.* Salomon, etiam, vt ostenderet nobis asperum esse studium sapientiæ, nec delicata, & mollia consecrari: *Cogitavi, inquit, in corde meo abstrahere à vino carnem meam, et animum meum transferrem ad sapientiam, deuitaremque stultitiam, donec viderem, quid esset et tile filijs hominum.*

Huiusmodi homines, amplectende Christophore, sanè maleuolè perditos, & fictè sapientes, sed verè corruptos, quos seio mecum, pro vitæ grauitate & abieci, & aspernaris, vel huc vsque progressa malitia eohiberet: nam tum profectò, aliqua ex parte, magna molestia leuaremur, sed peiorum comparatione, parua sunt omnia, quorum eaput est primum, impudentia malorum, quæ celanda committunt; ea nullo pudore

In regula  
 Monach.  
 de contem-  
 pl. c. 5. c.  
 l. m. 9. pag.  
 198.

Sap. 3. 4.

Ecc. 2. 3.

palam

palam gerentes, atque docentes, si corrigere nollent, vtinam quoad possent, vel clam omnibus agere conarentur. Nam si se perderent, saltem ab alijs corrumpendis sibi laudabiliter temperarent. Est enim nonnulla, etsi non integra, laus, viria, nostra pudoris velamento protegere, quæ passim effusa possunt ceteros ingentis iacturæ colluione nefaria violare: obiecta verò, quamuis se desperatius nefandissimis flagitijs dedunt, nequaquam alios maiore damnatione corrumpunt.

Solum enim crimen hæreseos, cuius labes, quo secretius serpit, eo non tam morum, quam fidei ædificia demolitur, & fundamenta veritatis euertit, quo verò apertius auersatur, facilius obsistendo obteritur: nec effugijs, vel involueris latentium tenebrarum obtegitur, nec abditis seclusi cubiculi confouetur, sed lucis splendorem non ferens excatur, hæret, capitur, truncatur, perit, emoritur. Præter hanc, inquam, labem nefandæ hæreseos, quæ damnabilis in secreto scuit, quam in publico noceat, nullum est crimen tam nefarium, tamque tetrum, quod non longè veniabilius sit, si quodam pudore naturæ occultius fiat, quam si quadam, vt ita dicam, impudica, impudicitia, atque aperta temerè

procaecitatis impudentia perpetretur, quoniam alterum quidem, etiam in his, qui vitiosi sunt, ab ipsa spectantium verecundia, & à timore existimationis, atque ab amore adumbratæ saltem virtutis manare censendum est, ne aut illos offendas, aut illam lædas, aut postremum perdas; alterum verò, sola insolentia laeuientis stultitiæ sibi vendicat: quoniam non nisi infano furore intemperantis petulantia ducitur, quem pudor honestatis, & probitatis, à spurcicia turpitudinum minus arceat.

Hæc aduersum nostri temporis imperitissimè literatos, quia locus Epistolæ ita se obtulit, à me pauca pro tempore dicta sunt. Quorum vitia, si virtutibus essent obiecta, vel potius profligata, multo magis vellem vitæ suæ sinceritatem, ac sanctitatem defendere, & sanè longè lubentissimè lubricas adolescentiæ vias morum emendatione protegere, quam insanam, etiam nonnullorum prouectæ ætatis, in flagitijs licentiam, atque impunitatem reprehendere. Quæ teterrima duo peccata, quidam sibi illorum abusu male sanæ eruditionis, & pollicentur, & vendicant. Verum de his hæc paucæ nostra te probare comperiemus.

---

N O T A.

*Ante non multos dies post reditum nostrum.* Hæc Epistola, vt vides, nec tempus, nec locum, quibus data fuit, signatum habet, tempus tamen ex his primis eius verbis conijcere possumus. Albertus quippe, vt ipse Epist. 47. refert, ex Oriente Venetias appulit die

21. Augusti 1437. ibique prædicando derentus est, saltem vsque ad Nonas & septimum Idus Septembris, vt patet ex Epist. 46. & 47. illis enim diebus literas ibi scripsit, ita vt quamquam Vvaddingus habeat, illum statim post reditum, Bononiam ad Pontificem per-

rexisse; id tamen, non sequenti statim die factum existimemus, sed accommodè intelligendum esse. Demus ergo eum, vel ipso mense Septembri, vel etiam fortassis Octobri apud Pontificem Bononiæ fuisse, ubi & quando Ariminensis Nuncium se excepsisse in præsentis Epistola narrat, ante non multos dies, quàm eam dederat, ac tum reliquum erit, hanc dedisse mense Octobri, vel forte Nouembri eiusdem anni 1437. immo forsitan mense Februarij, vel

Martij styli veteris: id quod alia hæc ipsius Epistolæ verba corroborare videntur: *Hoc fermè triennio ante nostræ professionis initium*: etenim cum Epistola 30. ad Marefcalcum, & Bendeducum, de qua loquitur, dederit 22. Aprilis anno 1434. consequens est, vt hanc non multo ante Aprilem dedisset anno 1437. stylo scilicet veteri, per ipsum vsitato, vt fermè triennium ab illa data ad huius expeditionem numerare possit.

## EPISTOLA XLIX.

CHRISTOPHORO EPISCOPO ARIMINENSI.

### ARGUMENTVM.

*Albertus, cum ex Eugenij Pontificis imperio, Religionis statum in Terra Sancta cognosceret, reperit irrepsisse quedam, qua sine selecto Præsule non faciliè restaurari possent. Proinde suasis Fratribus, vt Nicolaum Osminensem, hoc est Auximanum postularent: & in Italiam redax obtinuit, vt Pontifex eundem Guardianum, vt vocamus, Montis Syon, ac totius Terra Sanctæ Præsulum institueret. Sed cum Albertus abesset à Curia, alij quidam amore Nicolai, alijque odio reformationis, quam ab ipso verebantur, in eandem causam conuenerunt, & coloratis Argumentis persuaserunt Pontifici, vt absoluto ab eo munere Nicolao, alium instituerit, & ipse Nicolaus, vt non petitam dignitatem libenter abiecerit. Quæ Albertus Venetijs inaudiens duas scripsit Epistolas, banc ad Ariminensem Pontifici familiarem, alteram, quæ sequitur, ad Generalem Ordinis Ministrum. Quibus petit, vt Nicolaus etiam nolens, & reluctans, restituatur necessario oneri, ac promeritæ dignitati. In priori hac, quid ab amico fidenter postulandum sit, quid securè concedendum imprimis; hinc petitionis suæ causas exponit, & necessitatem explicat. Contra nitentium aliorum imprudentiam, aliorum astutiam detegit, quibus clarius perspicendis Episcopum ad Ministri Generalis Epistolam remisit, cuius ad eum exemplar misit. Nicolaum deceptum, & resignationem suadentium amicorum imprudentem inuisionem demonstrat; quæ cum vera dilectione consistere non potest. Fructus Præsæturæ Nicolai recensens, ipsum eximie laudat, idque agens, omnes ferè optimi Reſtoris partes enumerat, eaque ex illo promittit, contraria vitia insectatur, & petitionem enixius urget, accusationes diluit, & non ambientibus, sed fugientibus, & reluctantibus, sanctissimi veterum vsus exemplo, conferendas præfecturas differit: ad quas quatuor boni-*

num genera confert, & qui abijciendi, quique complectendi, in conferendis officiis sint, prolixo, doctoque dilemmate demonstrat. Humilitatem interim ex Maiorum perfectionis, propriæque imparitatis consideratione nasci, eiusque fructus quosdam eximios, & necessitatem declarat, in eosque sui, inquit, similes inuebitur; quibus, cum de virtute loqui, & scribere libet, exercere tamen non placet, sed ab utroque abhorrentes, ac tum scribentes, tum agentes, qui persequuntur, & oderint, eos plane iam desperatos esse, quibus dein conferenda regiminis munera sint, clara dissertatione concludit, & Nicolaum in hoc genere non vulgare, sed egregium esse. Epistolam denique prolixitatis excusatione, sed à causa honestate, veritate, iustitia, & religione amplectendam claudit.

**S**olet à veteribus, vir eximie, nullius maculæ loco poni, sed virtuti magis ascribi, si illa ab amicis liberè postulentur, quibus mos est, ut esse debet, ea etiam inimicis non postulata tribuere; tum maximè, cum neque petentis sinceritas, neque dantis bonitas, potest in alicuius delicti crimen, aut dando, aut postulando vocari. Verius, mea equidem sententia, nihil est, quam, quod dicimus, & dicemus. Si quis ius suum, vel pietate motus alienum rectè poposcerit, id à sanis Iudicibus dandum esse dubitat nemo. Iustitiæ æquitatem, si cuius sit, comprobetur, etiam non petenti tribui debere compertum est. Si vera esse ista omnia quispiam neget, stultitiæ suspicionem meretur: sin verò omnes homines, ut par est, vera esse, concedant, nauata opera nostra est. Nam mihi per ea manifestissimè apertus est aditus, quæ voluero abs te, facile omnia postulandi, nec vlla iniecta desperatio impetrandi. Quod enim causæ caput, non mihi cuncta consequendi initium fiat? vbi & iustissima flagitantur, & non propria, sed aliena commoda studiosè quærentur. Immo verò, vbi non terrenæ cupiditatis, sed Diuinæ religionis emolumenta spectantur, quæ

sanè duo sanctissima in petendo libertatem, in acquirendo sibi fiduciam vendicantes, sine omni mali suspitione, ab humanitate misericordiz, & à iustitiæ fonte proficiuntur. Quæ cum ita sint, abs te, cui iustitiæ adesse laus est maxima, & à quo æquitatis gubernacula moderari, magna cum mercede officiosa exactio, non vereor illa rogare, quæ causæ sanctitas, & rectissima veritas, meritò tribuenda esse procul dubio persuadent.

Igitur, humanissime Pater, est aliquid pium, fructuosum, ac pernecessarium, quod mihi tua venerabilitas promptissimo animo postulanti, tanquam pro iustitiæ pondere, & pro amoris, & honoris erga te mei præcipua quadam vicissitudine largiatur: Qua de re, ita te velim, non inaniter exorare, ut omnem curam, studium, & diligentiam tuam, perficiendo honestissimo negotio adhibere non dubites. Quod ut apertè perspicias, quædam mihi sunt paulò altius repetenda, Sanctæ Hierosolymæ, ac nostræ salutis, & redemptionis tuæ celeberrima loca, cum valde gubernatore aliquo, & probo homine indigerent, illumque me auctore, fratrum pars maior à Sancta beatitudine Eugenij Papæ instan-

stantius postulari, factum est, cum adhuc essem Bononiæ, vt vir bonus, & doctus, ac sancta opinione suavis nostri ordinis Fr. Nicolaus Ofmensis, eisdem regendis locis, ac fratribus gubernandis, ab ipso Sanctæ Ecclesiæ Summo Pastore præficeretur: hunc post discessum meum quidam à suo honore, non nisi turpiter, sunt conati depellere.

Quod ipsum esset aliqua ex parte ferendum, nisi huius priuationem, damna communia illius Terræ Sanctæ, & proficiscentium peregrinorum incommoda maiora consequerentur: quæ profectò tam multa sunt, vt eis subleuandis laborem tuum, magno cum merito impertiare. Est enim hæc causa eiusmodi, quam nec industrius, nec misericors, nec officiosus deserere debeat, quin ea, quo id fieri potest, apud Pastorem Summum, & diligenter agatur, & agenda, atque instauranda ardentius procuretur. Nam quis non iniquo animo ferat, vt in eum hominem, qui præcipua virtutum fama, & mentorum laude elaret, falsis accusationibus erigantur iniusti? inuidiam consent, honore priuent? quæ res, præter communem iacturam Sanctorum locorum, mihi videtur maxima huius deformandi hominis causa, atque illius famæ plurimum detrahendæ; & ad extremum, magnam contumelia spoliandæ sine iusta ratione dignitatis. Ad quam procul dubio deponendam, si iussus venit, vim iniuriæ perpressus est; si pro-uocatus, errorem; si spontaneus, timiditatem, atque pusilli animi leuem, inconstantemque metum, quem ab aduersarijs (vt taceam ab amicis) eriminis loco haberi solere, exploratum habemus.

Verùm tamen quis ferat, si non peccanti auferatur is honos, qui non petenti delatus est? illos verò quis non abieicndos censeat, qui ad ea, quamuis onera, tamen per quam salutaria, turpiter deponenda, probum hominem prouocauerunt? vnde damna incredibilis iacturæ suboriantur? huius accusationes à quibus fontibus profluxerint quis auctor, & caput (2) earum extiterit, haud equidem nescio. Quam autem ob causam nunc dicere omitto: sed sunt qui nolint eum, qui modo in regendis gubernaculis (quam ineptè taceo) est Hierosolymæ ante triennium constitutus, ad Italiam ab Oriente redire. Sunt item, qui Nicolaum istum, quem nuper Eugenius Papa maiorem (3) Hierosolymis grauitate sanctissima instituerat, ab Italia ægrè patiantur vilo modo discedere, abire, propelli. Hæc duo hominum genera, negotium totum euertunt: nam sanctæ beatitudini Papæ, velut ineptum Nicolaum absoluedum proponunt: Nicolaum verò laborum metu, ne proficiscatur, deterrent: & fit profectò, vt alij amore præsentis, alij absentis molestia, ne dicam odio, in vnam sententiam abieicendi ab officio Nicolai pariter eoentes, & pium Sanctissimi Papæ animum, mendacis circumueniant; dum veras rationes, vel potius passiones occultant, & metum inanem Nicolao inuectant, quem falsis rationibus terere conantur.

Quas omnes profectò facilè hic modò diluerem, si contra eas, vel modicè dicendum censerem. Verum ne multa dicere compellar, mitto ad te alteram cum ista Epistolam nostram, quam ad Patrem communem nostræ totius Religionis, ante paucos dies

dies pro Nicolao tuendo edidimus, in qua videbis rationes aduersariorum nos apertissimè refellisse. Quibus tamen Nicolaus noster territus est; non quia veras, qui contra sentiant, eas attulerint, sed quia Nicolaus, qui per humilitatem in nullo gerendo negotio se æstimat tanti, eas arbitratur haud dubium esse veras, præsertim quæ ab his profectæ videntur, à quibus non se ambigit diligi: atque equidem etiam credo, assentior illos diligere Nicolaum, eaque dilectione fieri, ut nè parùm quidem velint illo carere: sed an sapienter, an sobriè, an iustè diligant, prorsus inficior, nulla enim in amicis diligendis sapientia esse potest, quæ iustitiæ rationem non habet, iustitiæ verò æquitate caret, qui maioribus minora præponit, ac perinde nec molestiæ sobrietas esse potest, vbi insipienter iustitia, vel excessu præstat, vel defectu inferior est.

At verò quis nesciat, bonum illud esse præstantius; quod sibi publica emolumenta rectius vendicant, quam aut priuatis utilitatibus, aut non ita communibus anteponant: cum igitur Sanctorum locorum diligentior conseruatio complures utilitates, etiam quas communes, & magnas nouimus, antecellat, perspicuè iniustus est, qui Nicolaum amoris iniusti persuasione prohibuit, ne vel impositum publicæ utilitatis onus, charitate, obedientiaque suscipiat, vel susceptum ignaui animi timiditate rejiciat: quæ quidem omnia, non rectè nostra supputatio comprobaret, si non cuncta præclarè quæ in officijs religiosè administrandis; cum præcipua virtutis laude, de homine honestissimo, & modestis-

simo dici solent, in istum Nicolaum apertè, & Christianissimè quadrare viderentur. Verum pro ista non improbandæ rationis parte, breuitatis causa, ad nostram Epistolam te remitto, de qua paulo superius mentio facta est.

Frustrum autem publici muneris, à Nicolao nostro, si Hierosolymam proficiscatur, amplissimos obeundos nemo sapiens dubitet: cuius famæ odore allecti, ex nostro ordine multi & boni, & sancti viri, cum ipso pariter commeabunt. Per eius præterea operam, temperatis sumptibus, paulò hæcenus effusior vita, quadam frugi parsimonia commutabitur; is, sicut decet religionem, sanctissimis institutis subditorum mores componet. Genus vitæ melioris sua illic disciplina constituet. Industria verò præcipua improborum morum præteritis corruptelis sapientissimè prouidebit. Hæreticos, atque Schismaticos, quorum, maximèque Græcorum, Hierosolymis permagna copia est, exemplo vitæ, atque eruditionis præstantia, ut bono animo sum, ad frugem, ut dicitur, bonam morum, fideique adducet. Infidelibus, sicut res postulabit, nunc mansuetudinem, nunc veritatem, nunc constantiam exhibebit. Peregrinis autem Christianis, pro vario conditionis genere, claris honorem, minoribus adiumenta, mediocribus consilia præcipua tribuet. In rerum abundantia, temperantiam; in penuria, patientiam; in pace, gaudium sanctum; in persecutione, fortitudinem afferet. Animabus inferiorum suorum præcepta religionis, corporibus verò illorum curam diligentissimæ distributionis daturus est: in conuictu, quem communem cum

subiectis religionum superiores habere oportet, bonis humanitatem, honorem, ac præmia; malis iustitiam coercionis, dulcedinem compassionis, exhorrationem emendationis exoluet: sibi sanctimoniam, religiosæ conuersationis, omnibus amorem, nulli regiminis arrogantiam aliquando præbebit. Quibus omnibus, sanè præstantibus rebus, nihil in vita melius pro locis Sanctis accidere potest.

Quid enim, aut utilius, aut iucundius, aut honestius dici potest, quam ut illic, ob Sacramenta fidei, & homo integer instituat, locetur, persistat; qui cum ad suos, tum ad se munditiam rectè degendæ vitæ, ad infideles veritatem vere credendæ fidei, ad credentes suauitatem opinionis, ad omnes fructus deuotionis, Deo auctore, transmittat. Talis, mea sententia, esse debet, qui ad regenda gubernacula Sanctorum locorum præficiendus est. Mihi verò pro sua virtute de Nicolao ea spes est, ut eorum, quæ diximus, aut omnia sibi adesse putem, aut admodum pauca defutura: quæ & ipsa, Christo propitio, in illo perficienda eo minus despero, quo, si Hierosolytam proficiscetur, Sanctorum fratrum, qui illum sequentur, prudentia, consilio, charitate, ac præsidio subleuabitur: ipse præsertim, qui per humilitatem suam, sapientium virorum, ac Senorum Christi, qui in via Domini triti sunt, consiliorum adiumenta minime aspernabitur. In neminem se præferendi superbia eriget. In subditos benemeritos nequaquam subiiciendi iactantiam ostentabit: quæ vitia, omnium sapientum iudicio, si insunt ei, qui præsidet, in omni genere dignitatis,

oblitum illum tandem humanæ conditionis, ad impurissima nefariæ licentiæ conuertentes, crudelissimum Tyrannum efficiunt, qui non ob publicam utilitatem prudenter inuigilet, sed ad solius sui insolenter nutriendas delicias superbè suspiret.

Quæ cum ita se habeant, humanissime Pater, & nimium in Domino venerabilis, te obsecro, te vehementer obtestor, per sacrum dogma nostræ Religionis, per professam regenerationis fidem, per repromissam meritum coronam, ut tua sapientia, atque industria, pro causa Nicolai, immo potius Christi, is esse velis, qui saluti fidelium, & augmento religionis, in gubernatione Sanctorum locorum aduersus contraria sapientes, prouidisse videre: utque id ipsum apud neminem efficias, oro, præter beatitudinem eius, qui verè Papa, Pastor, & Pater omnium, Christi in terris personam magna sollicitudine gerit. Cuius eximie Sanctitati salubriter vellem persuaderes, *ut Nicolaum nostrum* (4) qui per errorem gerenda bona publici muneris, & obeunda communis utilitatis officia prætermisit, pristinis negotijs administrandis, etiam inuitum restituendum existimet: ne multorum emolumentis priuatus error officiat; nec Sanctis locis aliena aut iniustitia, aut, ut mitius interpreter, stultitia noceat.

Quare propter accusationes, quæ in Nicolaum conferuntur, ab re prælarè gerenda, debet abduci nemo: quoniam illæ quidem sunt potius maledicta, quàm crimina, & conuitia magis, quam accusationes dicendæ sunt. Quæ si in alios coniecta sint, malam in partem haud dubiè accipi possunt, si ad Nico-

laum referantur, nequaquam in bonam, quamuis ab amore, sed tamen stulto, manare videantur, quo cæcati quidam asserunt, ob id Nicolaum tanto onere leuandum esse, quod solitariae vitæ otia honesta cum natura, tum vsu libentius expetat: quasi verò non omnes serui Dei hoc ipsum efficere debeant, & plurimi maiorum nostrorum, qui clarissimi habiti sunt, hodieque habentur, ei vitæ, quantum in ipsis fuit, penitus se dediderint, quorum tamen plerique regendis Ecclesijs, etiam inuiti, foras ab otio ad negotium prodire impulsus sunt; geninam suæ totius vitæ, & priuatæ, & publicæ, tandem laudem reportantes: vnam quidem humilitatis, siue modestiæ, qui ad honores, libidine gloriæ inflammati, sponte non rapti sunt: alteram obedientiæ, qui vocati ad onera, immo iussi, pro charitate, veniunt, non proteruè, non pertinaciter, non pugnaciter resisterunt.

Et ò Deus immortalis! vti nam huius contraria omnino consuetudo, sublata à Christiano more non esset. Multi profectò hoc præcipuo laudis genere, in Ecclesia Christi nostra ætate florent, si non sanctissimum illum veterem vsum iam pene profus aboleuisse conspiceremus. Mos vetus erat, qui quos fructus vberes tum pareret, nemo dixerit, vt illi gubernacula regenda sulciperent, qui ad ea cogerentur inuiti: quod genus immortalis laudis in Basilio, & Gregorio Nanzianzeno, viris Sanctissimis, eruditissimis, eloquentissimis, & summis Græciæ, Ecclesiæque luminibus: itemque in nostris, Gregorio, atque Ambrosio, doctrina, quidem inter Christianos, ac Sanctitate dictorum paribus, & Latinæ

linguæ splendoribus enituisse, memoriæ proditum est: & vt antiquiora; repetamus, Marcus ipse Euangelista amputasse sibi pollicem legitur, vt Sacerdotio reprobis haberetur, quod tamen ipsum violenter susceptum, summa cum gloria, ad finem vsque vitæ Alexandriæ, atque in Aegypto administravit, produxit, compleuit.

Ita cupiam Nicolaum etiam reuidentem, tua opera Hierosolymæ præfici. Cogita, obsecro, ipse tecum quanta res sit, in qua pendere, magnum pondus Religionis videatur; non sane priuatæ alicuius, sed Christianæ omnis, si quorum sint mysteriorum loca consideres. Quibus cum sapienti administratione, regendis bonum aliquem præfici oportere non dubium est: cum esse Nicolaum Osmensem mihi persuadéo, cui quis par sit inter nostros, non mihi venit in mentem. Quoniam, etsi nemo inueniatur, cui in regendo conditio nulla probitatis desit, interest tamen quis, quo defectu laboret, & ided habenda ratio est eius, qui paucis virtutibus caret, quarum defectus rei plerumque non multum officit, & eius, qui quamuis magnis virtutibus polleat, non minoribus tamen sceleribus se deuinxerit: item eius, qui nullo virtutis decore vestitur; cum tamen vitijs multis abundet: atque eius, qui morum omnium nitore, ac munditia præditus, sed nullo penitus vitio subiectus est.

Horum ego quatuor hominum, generum media duo, ab omni profus dignitate alienos esse debere existimo, quam si nondum sunt affecti, eos nec admittendos, nec vt eam vilo modo acquirant, censeo permittendos, sin autem dignitatem

villam palam corrupti iam tenent, tentandum esse, vt corrigantur. Quod si effecerimus, præclare negotium actum est, atque id magno cum gaudio: quoniam quem hæcenus perditum molestius tolerauimus, emendatum casta exultatione lætamur. Is si postremò in sceleribus diutius perstare maluerit, haud dubium est, quin sit omnimò à dignitate reijciendus, honore priuandus, gradu pellendus, gloria perturbandus. Restant duo genera reliqua, è quibus primum quidem summo affectu est amplectendum, offerendum laude, honore prosequendum.

Nam quis non magna ueneratione suscipiat, attollat dignitate, locet alto fastigio, quem multis virtutibus fulgere perspexerit, etsi nonnulla desideret, præsertim, quæ cum desint, non magna in regendo iactura est. Neque verò nunc Stoica illa disceptatio, imò superbior potius ambitio, me ab ista disputatione deterret, qua constituitur sapientem in virtutibus non posse consistere, qui vel vna caruerit. Apud Christianos enim, à quibus omnis veritas manat, longe sapientior est explorata de virtutibus, & comperta distinctio: quoniam altera est summorum virorum inspecta perfectio ab eorum virtutibus, qui inferiores & extiterunt, & habiti sunt. Hi tamen omnes in numero sapientum meritò computantur, si præsertim ad finem vsque vitæ, in virtute versati, cepto suo, & voto, & instituto, & decreto persisterint, quæ tamen ratio, quo pacto stare possit, equidem haud video, si de sapientum grege pellendus est, cui quamuis virtutes reliquas habeat, vna desit. Sed hos cum sua insulla sapientia relinquamus,

qui iuxta Ieremiam Prophetam *Sapientes fuerunt, vt facerent mala, bene autem facere nescierunt.* Iuxta Apollolum verò Paulum: *dicentes se esse sapientes, stulti facti sunt.*

Quarum illud genus sine omni vitio proborum est potius expetendum, quam vt exhiberi possit; quoniam quos imiteris paucissimos habet, & quos habet, vt eos sequere plus est, quam efficere possit communis hominum, & naturæ infirmitas. Præter Apostolos enim, & eorum nonnullos sanè simillimos, summos viros, reuera huius generis exempla, apud nostros rarissima sunt, quanto magis apud cæteros omnes penitus nulla. Quem enim reperias tam meritis, & virtute refertum, firmum, præstantem, qui nulli vitio pareat, cui honesta adsint omnia? qui nihil committat, nihil aberret, qui etsi non scelestè aliquid (nam hoc ferendum non est) tamen ineptum gerat, cuius tam fortis, & stabilis non aliquando laxata virtus, licet non deserta, remissius agit. Quæ non infirmitas, quamquam non euertat, non labefactet seuerum illud viuendi genus, & rigidum, & graue, & sanctum, fragiliore tamen concessu paulò facilius soluat, etsi non dissoluat. Quotus verò quisque effugere potest, ne sua aut facta, aut fama, aut ipsius sermo, tanquam labeculis quibusdam conuitorum, maledictis, atque inimicorum infamix aspernatur. Quis denique est, qui omnem vitæ suæ cursum, nullo ætatis robore, nulla vi voluptatis, nullo æqualium conuiuio, non cum laude duxerit? Maiores tantum nostri, illi quidem viri sapientissimi, atque Sanctissimi, iidemque perpauca, ex hoc genere extiterunt, qui summis immortalis

Dei muneribus instructi, atque ornati, omnem vitæ rationem, re magis quam verbis sapientissimè, mundissimèque gesserunt; qui nunquam vlla ex parte morum suorum continentiam absoluerunt, nullam in consilijs imprudentiam, in cogitatione stultitiam, in verbo inconstantiam, in re gerenda negligentiam, in gestu leuitatem, in moribus corruptionem, in potestate insolentiam, in aduersitate deiectionem, in prosperitate elationem exhibuerunt.

Sed hæc Sanctorum præcipuorum, tam rara, quam præclara insignia, animo nobis colenda sunt, quoad possumus. Ea non tam in libris, atque sermonum laude, quam in moribus proficientes præbere debemus, si cui è nobis tantum munditiæ nitorem, ac tam sublimem vitæ gradum Diuina pietas largiatur. Ad hunc nos grandem profecto Sanctitatis, atque insignem meritorum statum, etiam nunquam peruenturos, suspirare, ac niti summopere, & honestissimum, & iustissimum, & plenum decoris est. Pars enim non sanè inferior est, ad sapientiam, & iustitiam capefendam, intelligere nos esse doctioribus, melioribusque minores. Nam is saluber mentis nostræ prospectus, magno solet esse incitamento bonæ indolis animis, vt stimulari alienæ virtutis consideratione elaborent studiosè eas partes probitatis acquirere, in quibus se viderint magna laude paucis antecellere. Quas si etiam summo labore, & magno quodam annisu tandem conati assequantur, opere pretium est, vel tardè virtute maioribus, aut coæquari, aut comparari, aut conferri; his præsertim, qui non mediocres in quaqua re habiti sunt, sed

illustres, summi, & ornatissimi. Sin denique summa diligentia, cura, & industria studiorum, ac sudoris, neque in sapientiz splendore, neque in meritorum vbertate similes clarorum virorum euadere non possimus, non tamen paruus comparatus est fructus apud nos intus detumuisse, superbia, humilitate creuisse, qui nostræ infirmitatis angustijs prægruati ad eorum præstantiam nequeamus attingere. Qui cum nobis restent omni tempore laudandi, venerandi, & admirandi, colendi eos simul nobis sequendos, etiam non habituri illa, quibus excelluerunt, non sine fructu, quem nunc diximus, ante oculos proponere debeamus.

Verùm quod digna mœstitia lamentandum est, quosdam similes mei, nostra ætate, loqui de virtutibus, quam facere plus delectat. Atque interdum, ne audire quidem de eis, neque loqui, neque scribere, neque diligere iuvat: quæ profecto desperati de se hominis, ac male de virtutibus meriti, extrema vitia sunt. Quid enim durius dici potest, quam non ad bonum illud vel suspirare, quo careas, neque in altero diligere, quod te non habere compertum habeas? Ego, vt totum dicam, quod sentio, non exiguæ spei hominem habendum sentio, qui ea indole insigni præditus est, vt quem sibi nouerit virtute præstare, diligere malit, persequi nunquam, contraque peruersi animi nefarium scelus est, illum & factò flagitioso, & animo infectari, cui ornamenta clarorum virorum inesse videas, à quibus sis ipse tuo vitio alienior; verum hæc de quarto hominum genere, plura fortasse, quam breuitas Epistolaris, &

tuz occupationes desiderent : ex quo genere , quamquam ad regenda Christianorum gubernacula , siue ad conferuanda Religionum fœdera , aut paucos , aut admodum nullos reperire possimus ; non propterea animo debemus excidere .

Repudiatis enim medijs , de quibus dixi , duobus hominum improborum generibus , & quarto in dignitate suæ paucitatis sublimiter persistente , auctore Domino , de ipso nobis genere primo , quamuis fragilium , tamen virtuosorum quidam occurrent , quos moderandis regiminibus assumere valeamus ; nisi fortè quis ita desipiat , vt quos vllò , etsi exiguo , vitio laborare perspexerit , haudquaquam ad dignitatem aliquam debere admitti vllò tempore arbitretur . Quæ certè insanissima falsæ opinionis temeritas , omnem Sanctæ Ecclesiæ , & Christiani populi statum funditus euertit , atque peruertit . Nam cum sublimes illos quarti generis viros , de quo penè post Apostolos exempla sunt nulla , quoniam defunt , asciscere nequeamus , si fragiliores , sed tamen meliores abijciamus , superest , vt aut perditos homines mediocri duorum generum Christianis regendis præficiamus , aut penitus nullos . Quæ quidem non sanæ doctrinæ iniustiores partes , quam ineptæ , & stultæ sint , perspicuum est . Fit enim ex illis , vt si nefariè malos præficiendos putemus , Lupos Christi gregibus inicisse ; immo oues in ora Luporum contrussisse merito iudicemur : sin vero nulli , neque ex malis , neque ex bonis in Christiana Religione præficiendi erunt , nutabit Ecclesia , peribunt Christiani fideiotes , populi vagabuntur , quoniam nullo sa-

pietatis pulcherrimo ordine distincta Christi Ecclesia sine capite vertetur in monstrum : Christiani sine doctore complectentur erronea , populi sine duce prædæ patebunt , oues erunt sine Arietibus steriles , & sine pastore vagantes , quæ moribus , & internecioni dæmonum , Tyrannorum , atque Hæreticorum , tanquam luporum liberius expositæ interibunt .

Est igitur singulare consilium , quod & ipsum nobis maiores nostri sua sapientia pepererunt , vt abiectis ab re Christiana administranda palam facinorosis hominibus , eos instituamus , qui integri sunt ab his penitus vitijs , quæ ab immanitate scelerum non abhorrent , fragilia verò , quæ ex nobis aliquando etiam inuitis quotidie oriuntur , facileque dilui possunt , à melioribus geramus . Tantum in his virtuti pareamus , ne in vita nostra sit fœditas , quæ tolerabilis à sapientibus haberi non soleat ; ne in gerendis temeritas , quæ magnopere noceat , ne vlla errata , quæ sopire queant sua damnabili prolapsione virtutem . Cœtera omnia , facilia sunt , quæ sustineas , in quo insint , maximè si reliquarum virtutum decore instaurata , possint meliorum excusatione defendi , & tanquam magno ære compensata merito tolerari .

Hoc ego in genere , vt ad causam redeamus , Nicolaum nostrum non modo talem esse existimo , qui enumerari cum cæteris debeat , verum etiam , quia consilio , & sapientia multum potest , qui possit facile raultis ex hoc bonorum numero , meo iudicio , præstare . Equidem , suauissime Pater , pro hac causa orauit te satis , & vereor ne longitudo mea aliquod tempus tuis negotijs

tij, si me simul tam multa scribentem totum legas, præcipiat. Nam de molestia, quam tibi ingesserim, nihil dico, quoniam auidè cupienti solet sermo, qui placet etiam cum verbosior est, videri parua tempora consumpsisse. Cupiditatis autem, ac dilectionis erga me tuæ, præter reliqua omnia argumenta, illud est ingens, quod etiam ex scripturis nostris à me per Sacerdotem quemdam ex tuis illa volueris mutuari, quæ sunt

multò quam ista Epistola longiora. Quo mihi persuadeo, te nulla literarum nostrarum prolixitate posse terri: maximè cum ea ad te scribuntur, quæ sunt eius naturæ, cuius est, ni fallor, hæc nostra Epistola. Talia enim per nostram paruitatem ad te nunc literis perferuntur, quæ palam est, quod ea tibi religio, honestas, veritas, & iustitia iute optimo vendicant. Vale ex Venetijs XV. Kal. Iulias 1438.

## N O T A E.

## Nota I.

*Christophoro Episcopo Ariminenfi.* Hic erat Christophorus à S. Mareello Vicentinus, Eugenij IV. Pontificis primùm Referendarius, intimusque familiaris anno 1431. Ceruienti Episcopatu donatus, anno verò 1433. cum Bartholomæo Archiepiscopo Spalatenfi ab eodem Pontifice ad Basileensis Concilij Patres Legatus, anno 1435. ad Cathedralam Ariminensem translatus, quam cum annos nouem cum laude rexisset, Senensis demùm donatus est: inter cuius Sedis Præsules Vghellus ipsum hoc laudat Elogio: *Hic cum Sanctissimus moribus esset, decedens meruit, vt per solidum diem in Cathedrali exponeretur, illumque, vt planè sanctum, supplex Senensis populus veneraretur.* Certè Albertus noster tres Epistolas tanta reuerentia ipsi scripsit, vt virum optimum cum fuisse oportuerit, in quibus nempe ipsum Maiorum delicata similia, quasi diceeret, sacra doctrinæ medulla saginatum, vocat meritò præstantissimum, homines maleuolè perditos, & fidè sapientes pro vitæ grauitate abijcientem, & aspernantem: virum eximium; & in tertijs, causam rei subditi, quem Episcopus commendauit, prius quidem expositam, totam tamen ipsius Christophori Sapientiæ, & charitati commisit, seque in singulis ipsius orationibus commendat.

## Nota II.

*Quis auctor, & caput.* Quæstuarium illum, seu procuratorem non Sanctum Terræ Sanctæ hic denotari eredo, de quo postea plurima Albertus in Epistola ad Cardinalem Sancti Angeli, quam suo loco daturi sumus.

## Nota III.

*Maiorem.* Sic Sanctorum locorum Rectorem, & Hierosolymitanum Guardianum vocat, non solum hoc loco, sed alia etiam Epistola ad Scipionem Episcopum Mutinensem, quam iam supra dedimus, vbi de Fratre Ludouico Bononiensi loquitur.

## Nota IV.

*Nicolaum nostrum.* Quantum vir fuerit hic Nicolaus, non obscure in his literis ostendit Albertus, at quis fuerit, nondum dixit. Ergo ne quis desideret, erat hic in sæculari vita Nicolaus de Romanis, Sacra Theologiæ, & Iuris vtriusque peritus, rebus magnis obeundis idoneus, quem proinde Gregorius XI. Pontifex sibi à Secretis ascitum in pretio habuit, & creauit Archidiaconum Vereellensem, multisque alijs pinguis emolumenti beneficijs dotauit, adiuncta facultate condendi

pro suo arbitratu testamentum, cuius ille executorem scripsit Guardianum. Cœnobij Auximani Minorum; quibus & libros, & alia legauit, seseque Regularis Observantiæ Sodalitio adscripsit, retento deinceps cognomine, non Domus, sed Patriæ; vnde Auximanus, vulgo Osmenis, ab Auximo, seu Osma Piceni Vrbe dictus est. Hinc pic-

tate, scientia, & autoritate clarus, aliqua Religiosis vultu doctè scripsit. Prouinciam S. Angeli laudabiliter administravit, & cum B. Iacobo Piceno in Bosna laborauit. Obijtque Romæ in Conuentu Aracclitano, vbi inter alios eiusdem Sodalitatis viros clarissimos sepultus, locum resurrectionis adeptus est.

## EPISTOLA L.

GVILIELMO CASALENSI.

## ARGVMENTVM.

*Modeste primùm expostulat Nicolai remotionem ab officio, in quo non solum matura deliberatione Generalis, & eruditorum, proborumque virorum consilio, sed Summi quoque Pontificis voluntate constitutus fuit. Quod non absque insituentium, institutique estimationis periculo, & graui Terræ Sanctæ iactura fieri posuisse contendit. Ea deinde, quæ Osmenis idoneitati obiecta fuerunt, hominum ambitionosorum argumenta, quibus viros optimos officijs, quæ ipsi male appetunt, & peius exercent, pellere nituntur, in ijs per totam Epistolam refutandis est auctor. Quod quasi nihil agens, ac velut lusus quodam suauiter, fortiterque facit. Humiliter tandem orat Prælatum, & pro ipsorum vtriusque, proque Nicolai honore tuendo, pro Terræ Sanctæ non ferenda iactura, pro hominum vitandis iudicijs, pro reprimendis ex officio maleuolis, & boni conseruandi amore, Nicolaum oneri, & honori restituat: omnia tam dilucidè tam disertè, vt hæc Epistola nulla nota nostræ, vel ad lumen, vel ad robur indigeat.*

**N**ON possum esse, quod liberè fateor, quieto, & tranquillo animo, clarissime Pater, cum ex Bononia, recentibus, & frequentibus literis, & fama, & nuncijs quotidie mihi affertur Nicolai nostri Osmenis ab officio illo suo nuper facta demotio: quem tanto studio, ad prohibendam Sanctorum locorum in moribus corruptis calamitatem, Hierosolymæ regendæ præfeceras: ea præfertim gra-

uitate, quæ non modo de virorum eruditorum, proborumque consilio, verum etiam, quod imprimis dicendum fuit, de Summi Pastoris, ac Principis mundi mente, & voluntate, qui Christi in terris personam gerit, sententia sinceriore profecta erat. Huius profectò, quamuis à magno onere absolutionem, vnde cumque illa manarit, quia opinio famæ, & honoris eius vehementius læditur, non sine ratione grauius fero.

Nant

Nam si inuitus à suo gradu depulſus eſt, quis non eum, quantum apud homines ſe res habet, magna iniuria laceſſitum putabit, quem multorum ſententiæ ante probauerunt; ſi verò volens, & ſciens ad abiectiõnem, vt fortè putat, inutilem moleſtiarum peruenit, non ſolum ignauit, ſed leuitatis, & inconstantię, non dicam crimen, certè vel maculam non facile diluendam incurrit: Neque enim quiſpiam ad ſubundas ſiue laborum ſarcinas, ſiue periculorum diſcriminata illum ante coegerat, quominus poſſet omnia facile, tum ſaltem abijeere, cum inuito, ac ferre nolenti, vel non valenti abſte illi imponebantur. Quod ſi feciſſet, nullus aduerſus eum iuſtè poterat commoueri, cuius officij vel minima notio nullum adhuc, ne oppidum quidem, attigerat, vt nunc Italiam penè omnem peruaſit: verùm, dixerit aliquis, alijs conſulentibus, aut prouocantibus hoc illum feciſſe: ego verò, audacter dicam, neminem ſapere, qui eis conſilijs aſſentiat, vnde ſine fructu opinio leuitatis exoritur. Sed etſi aliqui ad hoc illum quouis conſilio concitarunt, eos dico de exiſtimatione huius hominis nullam, de conſeruatiõne verò Sanctorum locorum paruam rationem habere.

Quæ enim poteſt eſſe; in quaquam de Sanctis locis, niſi omninò inſulſa, ratio prouidendi, ſi pro homine religioſo, & docto, & frugi, ac ſancta fama celebratiſſimo ganco aliquis, vt ita dixerim, & irreligioſus, atque effrenata mente immitis, aut conſtituatur, aut permaneat; quod ſi alium ſubrogandum religioſum virum putabis, is erit, quantum æſtimo, de quo magis publicæ vtili-

tatis diſpendium ſubſequetur; præfertim ſi è numero prædictorum extiterit, qui maior illis conſtitutus à populis in moribus, & fide inſtituendis, & ab Italia propellatur: ſin verò ignarus quidam illic futurus eſt, quæ ſequantur incommoda probè noſti, vbi à viro aliquo ruſticatio, nec proficiẽtes fideles exempla deuotionis, nec cohabitantes inferiores præcepta Religionis, nec aduerſantes fidei noſtræ vel documenta, vel conſtantiam, vel tutamenta vlla penitus reportabunt; quod ſi poſtremò doctum aliquem miſeris, quis, oro te Pater, is erit in quo tot partes integritatis, eruditionis, modeſtitiæ, famæ, & multarum præterea virtutum, vt in hoc vno Nicolao conueniant?

Sed ſunt, vt ad me perlatum eſt, qui dicunt Nicolaum iſtum in rebus agendis non multum valere, corpore verò eum gracilem eſſe, negotijs minus exercitatum, ad tolerandos labores perquam fragilem, otia potiùs quietis diligere: illic autem, & promuris, & rectoribus Eccleſiarum inſtaurandis, & pro Saracenorum rabie comprimenda, homine viua, vt dicitur, & ardenti conditione, aſtuto, & pene dixerim vaſtro, aliquo opus eſſe. O obtuſam hominum exiſtimationem! quaſi verò murorum, quàm morum ratio potiùs Chriſtianis, & Religioſis habenda ſit, quorum alteri ſi non adſint, non magna iactura eſt: Ibi maximè, vbi ſapientia à Barbaris, ſalua in nobis Religione noſtræ fidei diruuntur. Alteri verò, ſi de medio ſient, nè muri quidem in ſublime porrecti, quamuis fulgentibus auro laquearijs, aliqua ex parte poſſunt prodeſſe. Religio enim fidei ſine morum ſingulari præſtantia, aut funditus ex mentibus Chriſtianorum

euertitur, aut, vt mitiùs loquar, colluione nefandiffima violatur. Nonne præterea lenem magis, atque humanam facilitatem, Christianam, mititatem, veram sinceritatem, Cœlestem simplicitatem in Christiano homine, infideles homines aut admirabuntur, aut laudabunt, aut imitabuntur, quam aspera seueritate, & vulpina calliditate, & diabolica mendacitate deterrébuntur? in sua præsertim Patria, vbi & decernendi pro se, & vindicandi aduersum nos, ampla eis & libera facultas tribuitur.

Fragiles autem corporis vires mirum est quia iam vehementer quidam aduersus Nicolaum nostrum ptomoueant: quasi verò eum, non præceptorem, & Patrem Seruorum Dei constituendum Hierosolymis putent, sed vel militem, vel atletam, vel nautam aliquem, vel metallorum fossorem, excisorem lapidum, montium subuersorem, aut quempiam ex his, qui duro operi mancipantur, qui quoniam eis corporum permagna fortitudo necessaria est; idcirco Bubalorum, Boum, Porcorum, Aprorum, Ceruorum carnibus opus habent, qui armorum, & reliquarum rerum pondera vehunt, qui pugnis, & calcibus, & diuersorum telorum generibus, sua inuicem membra debilitant, qui remos trahunt, quorum latera ad clamandum, & ad dicendum sunt valida, & qui sub sudore, atque imbribus dormiunt. Hi si ita de Nicolao sapiunt, multùm desipiunt, quoniam, vt noster Hieronymus ait: *Religio nostra non atletam, non nautas, non milites, non fossores, sed sapientie erudit sc̄l̄torem.*

Sed etsi aliqua debiliore valetudine

prægrauatus, necessaria itinera non posset incedere, mos ei patrius etiam sano erit, vel inuito seruandus, vt iumento aliquo, ac maximè asinario subuehatur; neque enim furor Saracenicus pateretur inter eundem pedestres homines Christianos remisso gradu, nisi magno cum periculo posterius remanentium, tardiùs euagari, qui ea celeritate fideles peregrinos conducunt, vel potiùs trahunt, vt vix eos Sancta loca tranquillè ad paruam horam patiantur inuisere.

Verùm esto Nicolaus noster insigni ignominia maculetur, si diligit otia, si tardus sit, ac remissus, si fragilior in rebus gerendis, num propterea, illa quibus præditus est, consideranda non erunt? virtutem animi loquor, prudentiam, vitæ sanctimoniam, doctrinam, religionem, quibus non muros sed mores in fratribus, in Christianis, in infidelibus instituere, componere, construere queat. Vidi ego plerosque eorum, qui Religionis, & Seruorum Christi censeantur nominibus, diligentiam erigendarum ingentium machinarum, & subuehendorum maximis molibus ædificiorum probe callere, qui verò noscet ad beatè que viuendum, vel præbere formulam, vel præbitam conseruare, ac fouere, aut nullos, aut admodum paucos.

Sed etsi aliqua in re gerenda, siue ignauiâ, siue incitiâ remissior fuerit Nicolaus, ita enim se habet humana infirmitas, vt sibi ipsa per sese minus semper sufficiat, vt à vero aliquando aberret, & inertia, & desidia sæpius superetur: si inquam Nicolaus talis futurus est, quæro primum ab his, qui in huiusmodi negotijs sapientes sibi

sibi videntur, quis in officijs administrandis, non frequenter inutilis sit? nec tamen reliquis in rebus admodum utilis. Ego præter Apostolos, & Apostolicos nonnullos viros, neminem arbitror extitisse: sed neque esse, neque fore, qui in officijs administrandis vitio omni caruerit, ut neque per morem, atque usum, & proprium, & priuatum, & humanum, neque per zelum, neque per errorem, etsi non corrupto, saltem per quam fragili animo in rebus gerendis quidquam peccauerit; aut agendo, aut non agendo, quæ & agi non debent, & agi debent.

Ita ne igitur stulti erimus, ut quoniam sine vitio instituta religionis nullus administrat, præficiendum, rebus gerendis vllum penitus desperemus? minimè: imò verò cum abundant, qui sceleratè, qui perditè, qui nequiter causam religionis tumentur, rem communis utilitatis negligunt, publica emolumenta non curant, tunc maximè etiam fragiliores, dummodo non peiores institui debere censendum est; tantum absit notanda enormitas ab his quibus gubernacula regenda committimus: absit, inquinatæ vitæ, & famæ læsa opinio: absit intemperans animus, & corruptus, absint affectatæ morum sordes; absit contemptus, cum pro se, tum pro alijs rectè degendæ, ac iustè regendæ vitæ; absit deinde neglecta cura, semper melioris querendi; absit postrenid nequitia præficiendorum, vllò modo penitus corruptorum. Hæc inquam omnia pro sacris locis longè absint, propellantur, abijciuntur, tam ab his qui instituuntur, quam qui instituunt, & tum nullo cum metu illi instituuntur, quibus etiam plurima defunt.

Nam hoc in genere omnem hominem decet, & Christianum maxime decet, magna cum spe bono animo esse, non defuturum Deum, fidelium, qui, quæ defunt, & reliqua suppleat; qui minus rectè facta, si modo non sint scelerata, non imputet, qui aucto rectorum institutorum spiritu, fieri crudeliter puniendâ non sinat. Deinde, in quo satis Nicolaus ipse non fuerit (quod de corporis duntaxat viribus loquor) num à fratribus, num à socijs, num à subditis, ut Pater à filijs releuandus, iuuandus, fouendusque non erit? nam quid causæ est, ut minoribus præficiantur maiores, nisi ut illis in omnibus quæ agenda contingunt, obtemperandi prompta voluntas, istis autem honestis in rebus imperandi sit discreta potestas.

Equidem (ut quod sentio eloquar) penè nulla ratio est instituendæ religionis, quæ non ad prædictas causas facile deducatur, aut ab eis emanet, proficiatur, deriuetur. Quæ profectò ambæ omnis veræ religionis causæ pacem pariant, quietem augent, concordiam fouent, dum inter iustè obtemperantes, & rectè operantes, & rectè imperantes, diuisa pondera, grauiora onera, leuiora efficiuntur: nam quod maiores per se efficere nequeunt, iubendo agunt: quod verò minores disponere nesciunt, obediendo consummant. Et sit profectò apud eos, qui mutua sibi inuicem suffragia exhibent, ut alternis, communibusque subsidijs ad calcem ea perducant, quorum exitus, & proprio, & priuato præsidio non patebat. Hoc est arbitror, quod Scriptura Sancta nos admonet dicens: *Frater qui iuuatur à fratre, quasi firma Ciuitas*. Et alio loco

idem Salomon ait. *Melius est duos esse simul quam unum, habent enim emolumentum societatis suae, si unus ceciderit, ab altero fulciatur: rebus soli quia si ceciderit non habet subleuantem se, & si dormierint duo fouebuntur mutuo, unus quomodo calefit? & si quispiam praeualuerit, contra unum, duo resistent ei, & funiculus triplex difficile rumpitur.*

Quae cum ita sint, suauissime Pater, prostratus vestigijs tuis, ea humilitate, quam mihi erga te omni tempore habendam professus sum; nec minore fiducia, quam paternus in me amor tuus de te habere liberè sinit, te obsecro, atque oro, te instanter admonco, primùm tibi cauendos esse contra Nicolaum nostrum talia subornantes, quoniam cum fallacibus argumentis nitantur, indigni sunt, quibus in damnum, & nec ferendam iacturam Sanctorum locorum fides adhibeatur. Deinde propterea quod non mihi modo, qui huius administrandae promotionis auctor visus sum, verùm etiam tibi, ac multo magis Nicolao, alteri promoventi; alteri promotò hanc absolutionem turpissimam esse duco, prouidendum magnopere censeo, & diligentius occurrendum suspicionibus

hominum, qui id factum, vt vulgo fit, variè interpretantur; non quo omnia de nobis hominum iudicia, etiam quae falsa sunt, vitare possimus; sed quo illis sit, maximè nostra sapientia, silentium indicendum quae iustè in nobis, vel leui occasione vel verisimili, ac probabili præbita coniectura carpi, ab aduersarijs posse videntur.

Postremò cura mi Pater optime, pro tuo studio, pro tuo more, pro tuo instituto, atque officio, vt Nicolaus noster pristino honori, quamuis magno cum onere, etiam nolens, sed potius renitens, & pugnans restituatur. Quod unum, si tua industria compleatur, taceo quam mihi rem gratissimam feceris, illa dico potius quae profecto maiora sunt. Certè Sanctis locis præsidia permagna præstiteris, nialeuolos à temeritate præpediendae saluberrimae prouisionis compresseris, Nicolao iustitiae libram iustissimam exhibueris, bonorum tibi omnium, qui rectè sapiunt, & amorem, & laudem comparaueris, quibus sanè plus lætitiæ, Nicolai dignitas allatura est, modo recuperata, quam præbuerat ante suscepta. Vale ex Venetijs 1438.

## EPISTOLA LI.

IOANNI CAPISTRANENSI.

ARGVMENTVM.

*Redditam Capistranensi sanitatem aggratulatur, sed luget Nicolai Auximani ab officio Hierosolymorum Praefecti depositionem, seu potius Sacrorum locorum per id factam iacturam: optat virum bonum illi substitui, quod*

*quod egrotus ipse Capistrano commendat, atque ipsi suam aduersus Martyrum vituperatores Epistolam postulanti promittit. Amicos suos Verona communes illis facit, & Gallicanæ Nationis ordinis tyrones quosdam illi commendat.*

**S**aluto te, Pater optime, & de reintegrata valetudine tua plurimum in Domino gaudeo, sicut de ægrotatione doluisse Christianæ pietatis argumentum esse non dubitas. Molestiam dimotionis, vel potius depulsionis, iniuriarum atque dedecoris plenæ, Nicolai nostri Offensis ab officio illo suo, certè fateor, molestissimè tuli: & nunc quoque acerbè fero: sicut non solum veritas, sed & charitas, & Christianus amor, vt mihi persuadeo, postulare videntur, quam huius hominis absolutionem, quam ipsa beatitudinis Eugenij Papæ summa solemnitate, quidam quos noui, & quo animo, noui, non minus astutè, non dicam maleuolè, quam imprudenter, atq; impudenter subripuisse; quam rectè impetrasse mihi videri solent. Quorum temeritatem commodis remedijs compressissem, si non me pectoris angustia, & huius anni crudeliorum frigorum ingentior tuffis, mihi penè intercludens anhelitum, quadraginta iam dies impedimento fuissent. Vellem de hac re plura tecum conferre, & præter cætera huius negotij malefica, hæc duo terribilia lamentari; vnum, quod nec ad necessaria gubernacula Sanctorum locorum, & saltem posthabito Nicolao, siue abiecto, alius quispiam idoneus subrogetur: alterum, quod si quis deinceps pro Nicolao adhibeatur, vereor, nè talis futurus sit, de quo magna Sanctis locis iactura suboriatur; non solum à multis bonis præpediendis, quæ facillè pro-

uenire permaxima potuissent, sed etiam, quod multo durius est, à maiorum licentia effusissimè, perditissimè laxanda. Sanè illic, mea sententia, mala pene omnia, aut saltem permulta, à probo quodam homine, quem æstimaueram Nicolaum, honestè potuissent arceri, sicut illa bona sanè permulta, atque præclara laudabiliter prouocari. Epistolam nostram contra Martyrum vituperatores, sicut postulaueras, nunc emendatam, per harum baiulos ad te mitterem; si vel ego tantum scribere possem, vel, qui scriberet, aliquis mihi adesset. Faciam tamen, quamprimùm potero, vt ad te perferatur: maximè, si quo te loco continueris, & morari contigerit, me feceris certiore. Veronæ, quo nuper audio te curasse debiliorem valetudinem tuam, sunt mihi amici quidam, sanè charissimi, & literati viri, quos si etiam tibi in amicos comparare volueris, non erunt opinor insuaues. Petes illos à fratribus, atque ad te ascises, quos simul, oro te, Pater meo nomine salutans plurimum, Christiano cum osculo, dulcissimè complexabere. Fratribus, vt pro me orent, me commendare obsecro, non graueris, & filios nostros illos ex Francia benedicere, quorum alterum audio grauitè infirmari: sit manus gratiæ Christi salubriter super illo amen. Vale, & me ama, quia & ego te in Domino diligo, causamque Terræ Sanctæ, pro augendo tibi cumulo meritorum, non æstimas relinquendam 1438.

## EPISTOLA LII.

ANDREÆ LANCIANENSIS.

## ARGUMENTVM.

*Vnum ex tyronibus Gallis, ante memoratis, nomine Marianum, corpore, & animo curandum Lancianensi enixè commendat: & nescio quæ munuscula ad ipsius tunc ægotantis solatium mittit.*

**P**erlatum est ad me nuper, frater in Domino dilectissime, filium quendam ex nostris, quem nobis Gallix pepererunt, tua curandum diligentia, à nostris maioribus ad te missum, vt & in moribus Christianis, ac disciplina Religionis instituas: & bonam corporis valetudinem, qua nunc mala laborat, tuæ illi charitate procures. Quare his te paucis hortandum putavi, vt erga illum, cum in salute corporis, tum in animi institutione, nostro sis amore crectior, ea præcipuè tua misericordix vsus temperatura, quam indigentiorum partem hominis eius siue interioris, siue exterioris, consultatione potiùs pro tempore, & pro infirmitate illius postulare cognoueris. Dignus est planè hic bonus adolescens, vt illi præstes omnem humanitatem, non solum pro suo merito, & nostro hortatu, quos diligis; sed etiam pro tuo instituto, & nostro testimonio: quod ei de stabili Religionis proposito sincerissimum exhibemus. Nam is apud Cyprum, atque in ipso Rhodo, cum esset nobiscum, magni ex sua Gallia quidam illum molestius vellicantes, nun-

quam eum, non modo reuocare, sed ne parum quidem ab cæpto salutis itinere mouere, aut diuertere potuerunt. Restitit, contempsit, omnia sua Christo lætus distribuit. Quis ergo in eo colendo, atque curando, non se illi facilem præbeat? quamuis, aut leui aliquo animi vitio, vt solet accidere, aut corporis infirmitati subijciatur. Quem enim reperias in rerum natura, cuius etiam præstantissima vita non saltem minoribus flagitijs aspergatur, & cui minutura peccata subtilius obrepentia, velut in cibo exquisitissimo muscæ fædiore, maximè infestiora non sunt. Verùm hæc ex abundantia, apud te præsertim, qui & Christi gratia, & nostri amicitia flagras plurimum; quo mihi persuadeo, nulla eos ex parte abs te posse pacto aliquo deserui, quos iussa Christi, & iuræ nostræ amicitix curandos præcipiunt. Mitto ad te solatia charitatis, ad nostri adolescentis, & filij Mariani molestias releuandas, vt credens à nobis se vehementius diligi, labores valetudinis patientiùs ferat. Vale ex Venetijs 1438.

## EPISTOLA LIII.

BEATISSIMO PAPÆ EVGENIO.

## ARGVMENTVM.

*Nicolaos Osmensis in Italia relicto, Minister Generalis in Sacrorum Terre Sanctæ locorum præfectura alium substituit, qui cum Pontifici non placeret, ei ad se venienti persuasit, ut officio se abdicaret. Ipse Pontifex instituit Gandulphum Siculum, Regularis Observantia virum. Isti quoque, sicut prius Osmensis resisterunt osores discipline: atque ille maximè, qui clauum illius regiminis per plures iam annos indignè torquebat, seseque in eo perpetuare nitebatur. Albertus, Sacrorum locorum zelo accensus, hanc Epistolam ad Pontificem scripsit, suadens, & orans, ut ambitiosum illum amoueret, & clauum Gandulpho tradere cogeret: nec desistit, donec ita factum fuit, ut in eius vita historia narrauimus.*

**N**Vper, Beatissime Pater, ex quo Eremitam quendam cum nostris literis, pro negotio construendi, si Deus tandem dederit, celeberrimi hospitalis ad tuam Sanctitatem direximus, quem iam ad te credimus peruenisse; *uir venerabilis Episcopus Castellanus* (1) me repente ad se asciiuit asserens literas Domini Arsenij, tuæ Sanctitatis nomine ad se esse delatas, quibus contineretur, debere eundem Episcopum, simul cum alio Episcopo Treuesino, super negotio reformandæ Terræ Sanctæ cum mea paruitate conferre. Ac post competentem collationem, quemlibet per se nostrum, ad se quamprimum renunciare, quid sentiat; propterea quod mercatores ex Syria eum, qui nunc præest, postulauerint confirmari? Ego cum prædicto Episcopo Castellano, ut iusseras, quæ pro causa Terræ Sanctæ expedire censerem,

simpliciter, & liberè contuli: nam Episcopum Teruisinum, qui celerius hinc ad Ecclesiam suam profectus est, nec videre pro labore quotidie prædicandi, nedum alloqui potui. Post longam verò confabulationem, nolens mihi Castellanus Episcopus de suo sensu aliquid aperire, monuit, ut iuxta præceptionem tuæ beatitudinis, apud te sensa mea meis literis velocius propalarem. Quod ego, quamuis superfluum putem, paucis tamen, ut tuæ beatitudini paream, curabo diligenter efficere. Ac principio quidem, prostratus vestigijs tuis, plusquam diei possit admiror, quamam ex causa postuler literis sensum mei animi de reformandis Sanctis locis Sanctitati tuæ exponere, quem toties, coram pedibus tuis positus, apertius explicavi, videri scilicet mihi, ut probus quispiam ex nostra Religione abs te locis Sanctis præficeretur: quoniam id fieri debere,

Terræ

Terræ Sanctæ calamitosa, non tam murorum, quam morum ingens, & ruinosa necessitas postulare: Tu verò, B. P. opinor, vt mitis, cum nolles alienorum non rectè factorum auditu pias aures tuas affici, non me interrogasti, quæ illa esset morum calamitas? Ego autem apud Apostolicum non sciscitantem nequaquam censui mihi aliena exaggeranda facinora, ne detractoris aduersus proximos meos impurissima labe nomini meo adscriberetur: præsertim cum his, quæ postulabantur, te facile assentiri conspicerem. Nolui, fateor, cum non esset necessarium, cuiquam putari detrahere; sed ne nunc quidem, contra quempiam, vel calami, vel linguæ laxabo prorsus habenas: tantum hoc dicam, ne impositæ mihi obedientiæ desim, illum, qui huc vsque Sancta loca Hierosolymæ regit, bene gubernandæ familiæ Seruorum Dei, vsque ad eum esse aut ignarum, aut omninò nolentem, quorum alterum imperitiæ, alterum fragilitatis, vel malitiæ est; vt si illum censeas confirmandum, tanquam nauem desperato gubernatori, periculoso naufragio perituram, ita loca Sancta, & Seruorum Christi familiam inepto illi administrandam commiseris, tanto maiore iactura, quanto animarum, & morum, quam corporum, atque rerum damna luctuosiora esse non dubium est. Si horum causas scire voles, cum tandem iusseris, aut scribam, licet inuitus, aut coram tua cuncta Sanctitati exponam, & tunc videbis perspicuè, quæ mea fuerit modestia in alienis vitis subdicendis, quæ veritas futura in me sit in perditorum conuicijs explicandis. Interim quoad tua nos iussio magis vrgeat, per Ro-

manæ fidei grauitatem, per Sedem, cui præfides, Petri, per dignitatem, tui Principatus, per potestatem clauium Regni Cælorum, te vehementer obtestor, vt veterem illum gubernatorem, tot iam annis sine reprehensione vilius insolentem, atque inter barbaras Saracenorum nationes, à censura tua tam longè remotum, sed non sine barbaris moribus diu versatum, à Terra illa Sancta amoueas, reuoces, & propellas: ac præesse fratribus ambientem, etsi non dignè punias, saltem ad Italiam reuoces, quauis si seuerius ageres, in locum eum quempiam detrudendum, haud dubium, iustius relegares. Virum autem venerabilem nostræ Religionis *Gandulphum Siculum* (2) quem eisdem Sanctis locis religiosè administrandis verè vtiliorem, & salutari consilio paulò antè constituissti, confirmes, cogas, ac tueare: quamuis illum quidam, quos noui, & quo animo noui, de quibus quædam tibi referet hic perlator, nouo præstigiæ genere, ab officio depellere moliantur; sicut & Nicolaum Osmensem magno cum dedecore hæcenus abijcere studuerunt. Nec apud te plus valeat B. P. emendicata, ne dicam redempta, ab illo mercatorum Syriæ supplicatio, quam Sanctorum fratrum iustissima postulatio, quorum tibi honesta desideria vir iste fidelis, ac nostrarum baiulus iustissimè explicabit: scit tuæ sincera Sanctitas, cum sis in Seruorum Christi cœtu penè à puero educatus, quantum inter se differant verorum Seruorum Dei sapiens, & exploratum de Religione iudicium, & sæcularium hominum stulta suspicio, carnalis prorsus mundanorum sententiæ non minoris insipientiæ tenebris

nebris obuoluta, vana vulgi, ac negotiosorum existimatio. Quorum tamen necessitatibus, quoad curationem attinet animarum, & in ipsa omni Syria, atque in tota Aegypto salutarium facisfaciet sapiens quilibet, sobrius, & modestus: qui etiam fratres sanctiore institutione nouerit gubernare, quam insipiens vnus aliquis, & ganeo furibundus, disciplinae peritioris penitus expers, & qui reliquos nescierit, cuius ipse exterioris est vitae sanctimonia exortes efficere. Si praeterea, quidem nescio, Episcoporum sententia à nostra dissentit, pace eorum, vetus tibi pro uerbium replicabo: Vnumquemque sui doloris magis conscium esse, quam alieni, & neminem esse, cui non sit notior sua valetudo, quam alteri. Nam saepe praeter me vnum scit sanè nemo, etiam Physicus peritissimus, qua parte doleam caput. Pro hac certè causa risum esse rusticum quendam imperitiae, vel potius stultitiae vulgo referunt: quem cum Medicus defessum doloribus sollicitè rogaret, quid plus doleret? Heus, inquit, sine vilo meo narramine Medicum non decet ignorare quid doleam? & eleganter sane noster Hieronymus: Legimus, ait, quendam apud Romanos nobilem cum eum amici arguerent, quare uxorem formosam, & diuitem, & castam repudiasset, praetendisse pedem, & dixisse eis: & hic foccus quem cernitis, videtur vobis nouus, & elegans, sed nemo scit praeter me, vbi me premat. Ita prorsus B.P. ingenium meum est, vt de aliena Religione ad purum, & sine vilo penitus errore, neminem, quamuis religiosum hominem, credam rectè censere; cum saepe contingat, vt de ea, in qua

fuerit, ad extremum spiritum educatus, sapientem & probum virum, à vero longius aberrare. Si ergo tua Sanctitas volet fieri certior, quid efficere debeas de homine, quem pro uocaris, vt pro gubernatore in Sanctis locis diutius habitaturum confirmes, iube districtius, vt tua praecipione fratres omnes, qui cum eo ibidem versati sunt, tuo conspectui praesententur, atque eos coge nementiantur; sunt enim in Italia, qui eum redire nolint, *tanta est conuersationis eius suauitas* (3) Sunt item, qui inimicitias furoris eius formident. Sunt deinde qui, nisi vocentur, ignauia quadam pigri, nec pro veritate, quamuis periclitetur, foras prodire audeant. Sunt praeterea qui ei velint, vt cum eo inaniter aliquando letentur, periculosius assentari. Sunt insuper quos mendacius deceperit, ne vera cognoscant. Sunt insuper quos beneficijs delinuerit. Sunt postremò quos, non dicam pretio, sed precibus ipsis redemerit, ne vera contra se dicant. Hi autem omnes, aut penè omnes, vera aduersus eum non liberè fatebuntur. Sed mala communis iacturæ etiam perniciosæ tacebunt, dicentes: fiat tantum pax in diebus nostris: coge ergo omnes iurare ne mentiantur, immo adiura, atque interminare, ne mentiantur, sed quæ vera sunt, simpliciter, & apertè profiteantur: & liquido prouidebis quam sint vera, quæ narro: Hoc autem de his, qui inde iam ad Italiam redierunt. Reliquis autem, qui adhuc Hierosolymis vitam amariorem cum suspirijs degunt, quo sint affecti mœnore ex eorum literis cognoscere poteris; quas iste nostrarum portitor illorum scriptas, & manu, & nomine ad te

afferet. In quibus quanta abs te diligentia curari se flagitent, eorum humiles precum instantiæ, per se clamitant. Hæc cum ita se habeant B. P. & illi Sancti viri, & ego peccator, cum eis pariter exoramus S. T. instantius omnes fratres, qui in Domino Sancta loca, ob passionis Dominicæ reuerentiam reformari fatigimus, ut sicut instituiti animo, ita

diligentius illa cures: quo possint, qui cupiunt, sub Sancto aliquo capite, quem elegeris in disciplina Religionis Christo vacare, in feruore Sanctitatis, & amore pietatis nostræ salutis illic acta Sacramenta recolare, atque in pace tranquillæ degendæ vitæ Domino quietius militare. Ex Venetijs 1438.

N O T A E.

Nota I.

*Vir venerabilis Episcopus Castellanus, & post Episcopo Taruisino.* Isti duo Episcopi fuerunt, Castellanus quidem B. Laurentius Iustinianus, & prius Canonicus regularis S. Georgij in Alga: Taruisinus autem Ludouicus Barbus ex ordine S. Benedicti, prius Abbas Patavinus S. Iustini, uterque nobilis Veuetus. Quos etsi religiosissimos, & magni nominis viros, à mercatoribus tamen Venetis in Syria persuasos, ut alium nobilem ciuem suum, quem alij amorem cupiebant, in Terræ Sanctæ gubernio perdetuare conarentur. Albertus sanè vel sciuisse, vel metuisse videtur. Vnde ipse Pontifici serio suadet, ut neglecto in re Religionis

mercatorum Syriæ iudicio, vel affectu, auocaret potius ipsos proprii ordinis religiosos, qui hominis ineptum regendi modum præsentēs experti sunt, & melius omni alio quantumlibet religioso, & integro viro sciebant, quid sibi in proprio capite dolebat.

Nota II.

*Gandulphum Siculum.* Vide quæ de bono hoc viro, ac tota re diximus, in vita Alberti.

Nota III.

*Tanta est conuersationis eius suauitas.* Ironice dictum, cum aspectitatem intelligi voluisset.

EPISTOLA LIV.

IULIANO CARDINALI S. ANGELI. (1)

A R G V M E N T V M.

*Huic Principi de negotio Terræ Sanctæ longam Epistolam apud se exarauit Albertus, quam ob rationes mittere differt: propterea breues has mittit cum aliquo viro venerabili, cui rem suscipi expolituro fidem haberi, & rem ipsam per Cardinalem curari rogat.*

**L**ongam ad te Epistolam (2) ex-  
 raueram, Iuliane vir Illustris,  
 quam necdum emendatam,  
 partim pro festinantia perlatoris, par-  
 tim alia quadam ratione, quam cum  
 voles exponam, nunc mittere di-  
 stuli. Interim breuem hanc scedu-  
 lam, sicut me præsentem pro tua so-  
 les humanitate, læta fronte susci-  
 pito: nec minore hilaritate baiulum  
 illius excipiens, vt ei in his, quæ ho-  
 nestè postulaturus aduenit, & tuæ  
 claritatis vetustissimo more, & tuæ  
 virtutis merito, & nostri erga te amo-  
 ris, atque honoris rationem, te fa-  
 cilem exhibeas, oro. Est enim ea  
 cœlestis lenitatis interiùs Sancta vn-  
 ctione perfusus, quam per mansue-  
 tudinem, vt videbis, homo etiam il-  
 lius exterior dissimulare non queat.  
 Quare dignus est, qui abs te audiat  
 attentius, & cui quæ nostro, &  
 quæ suo, ac Seruorum Dei nomine  
 explicabit, haud dubium vera esse,

concedas. Exemplaria sanè literarum,  
 quas nuper ad Papam Eugenium  
 scripsimus (3) huic Epistolæ inter-  
 clusa, tibi nunc legenda, sicut faci-  
 endum antea constitueram, mitto,  
 vt vel paruum occasionem habeas  
 meditando, quod sint tibi, vt Patri,  
 loca ista sublimia Terræ Sanctæ dili-  
 genter, pièque curanda. Vnde etiam  
 ea pro suauitate, ac dignitate nostræ  
 illic actæ redemptionis ab importunis  
 tuenda penitus arbitreris: quamuis  
 meo iudicio, si per literas prouocari  
 ad hoc posses, qui tua sponte curris,  
 concitator certè, atque ardentior  
 fieres, si quæ dictaueram, nunc ad  
 te mittenda putassem. Verum dila-  
 tionis, vt opinor, non insulsa ratio  
 est. Vale & exiguitatem meam vnice  
 dilige, qui te & digno amore com-  
 plector, & alto cordis honore ac re-  
 uerentia prosequor, Domine eximie,  
 & meritò honorabilis Pater. Ex Ve-  
 netijs 1438.

## N O T A E.

## Nota I.

*Iuliano Cardinali.* Hic fuit Car-  
 dinalis Iulianus Cæsarinus, Romanus,  
 vir eximius, ac toti Vrbi suo tempore  
 notissimus, pluribus, & magnis titulis  
 doctrinæ, prudentiæ, aliarumque vir-  
 tutum, & rerum pro Ecclesia in Oriente,  
 & Occidente gestarum meritis, verè  
 magnus, quæ in eius vita celebrant  
 Cæconius, & qui cum Commentarijs  
 auxerunt, alijque Saeri Historici. Is in  
 Concilio Basileensi sub Martino V.  
 & Eugenio IV. PP. Legatus cum aduer-  
 teret eum cœtum multa in Eugenium,  
 & Pontificiam potestatem indignè mo-  
 liri, ijs desertis in Italiam ad Eugenium  
 accessit, & Florentinæ Synodo, Ferrar-  
 iæ primum sedenti interfuit, vbi præ-

ter egregiam operam Græcorum vnioni  
 impensam, Eugenius cum peculiarem  
 Terræ Sanctæ protectorem instituit. Et  
 hoc nomine Albertus hanc, atque se-  
 quentem Epistolam de rebus Sacrorum  
 locorum promouendis ad ipsam direxit,  
 vt pro sua hac auctoritate, malis reme-  
 dium adhibere vellet; & ille negotium  
 ad Alberti votum, & maximam Sacro-  
 rum locorum vtilitatem, denique per-  
 duxit, eo modo quo in Alberti vita  
 factum narrauimus.

## Nota II.

*Longam ad te Epistolam.* Est quam  
 præsentem immediatè subiiciemus, con-  
 tra Quæstuarium, præcipuum Terræ  
 Sanctæ malorum machinatorem.

Nota III.

*Quas nuper ad Eugenium Pa-* *pam scripsimus. Est quinquagesima*  
*tertia Epistola superius descripta.*

## EPISTOLA LV.

EIDEM CARDINALI S. ANGELI.

## ARGUMENTVM.

*Postquam Albertus primùm ex officio lustrasset Sacra nostra redemptionis loca, semper deinceps exarsit zelo melioris in eis constituendi regiminis, & conuersationis regularis. Quæ, cum à bono capite plurimum dependere sciret, egit pro præficiendo Auximano, quæ binis iam productis Epistolis explicata sunt. Nunc verò, cedente Nicolao, substitutus est alius vir bonus, eiusdem Sodalitij Obseruantia, Gandulphus Siculus; at qui excludendo Auximano studuerunt; huic etiam constituendo obuii sunt. Albertus ergo videns desiderium suum, hoc est Sanctissimorum Christi monumentorum, non tam murorum, quam morum restaurationem his artibus iterum præpediri, statuit necessarium tandem remedium, securim ad radicem apponere. Igitur probe gnarus turbarum fontem, & fomentum fuisse ineptum quendam Terra Sanctæ Procuratorem, quem proinde Questuarium vocat, hanc Epistolam scripsit ad Iulianum Cesarinum Cardinalem S. Angeli, & Ferraræ nuper in Sacra Synodo constitutum Terra Sanctæ Protectorem, ut bomuncionem illum Sacrorum locorum ruinæ magis, quam rerum prouisioni aptum, amoueri omninò curaret. Totus est in describendis miseri nebulonis turpi vita, malis artibus, maioribusque malis, quæ Terra Sanctæ locis, & Christianæ Religioni, inde timeri poterant, si remedium efficax non apponeretur: quæ occasione cuiusdam Sinaitæ Monachi, & Sergij illius damnatæ memoriæ Magistri Mabometis Apostatarum exemplis demonstrat, nullum esse malum tam ingens, quod non pariat malorum Lerna, & mater ambitio; de quo plura, & pulchra Cyprianus de ieiunio, & tentationibus à num. 5. usque ad finem. Sed tanti studij, & conatus Beati viri fructum si curiosus lector desideret, videat historiam vitæ ipsius supra Cap. 14.*

**P**ost priorem superioris anni (1) prouisionem, vir insignis, & merito præstantissime Domine, quæ Nicolaus Osmensensium Sanctis redemptionis nostræ locis, sublimis Beatitudo Eugenij Papæ præ-

fecerat, iterum secundo eius eximia Sanctitas, calamitatem Terræ Sanctæ miserra, de altero gubernatore censuit prouidendum. Quamobrem nuper illi, ut scis, salutari consilio visum est, virum venerabilem nostræ

stræ Religionis, *Gandulphum Siculum* (2) eisdem locis religiosè administrandis, Patrem omnium Hierosolymæ instituire, quod & fecit; sapienter id quidem, & omninò Christianissimè. Verùm hunc probatissimum virum, *Gandulphum* nostrum, quidam, vt audio, nouis præstigijs ab officio depellere moliantur, sicut & *Nicolaum* maximo cum dedecore hæcenus abijcere studuerunt; quorum iniquis persuasionibus *Beatitudo Domini Nostri Patris* pene iam assensa videtur: nulla, quidem nequitia corrupta, sed tantum malitiosæ illorum circumuentionis, absque omni vitio illius, ignara; nec tamen sine mendaciorum fallentium perniciosè decepta.

Quæ cum ita sint, me peccare non credam, si fontem tibi erroris huius ostendero: immò verò de iactura silentij, apud te male mereri existimem, si malitiam decipientium occultauero; tibi præsertim, qui & obesse vlli non cupis, & prodesse potes, nec dubito, quin etiam velis. Verùm illa potior ratio est, propalandæ à me tibi Sanctorum locorum iacturæ, quod pro deuotione Terræ Sanctæ quam habes, & pro affectu nostræ illic actæ redemptionis; cum te Patrem fratrum omnium, in ea terra habitantium, vel potius peregrinantium, in Concilio Ferrariæ commorantem flagitaremus, tu magna humilitate, & Sancta pietate, & vera charitate, patronum semper futurum humanissimè obtulisti. Indignum igitur censeo, si te lateat, vnde origo tam variæ mutationis, & fons ipse turbulentiſſimus manat. Dicam itaque, pro tuenda veritate, quæ mihi pro modestia vitandæ procacitatis, & fugiendæ detractionis visa.

sunt hæcenus silentio contegenda.

Caput totius causæ, in qua toties, & tanto iam tempore, Sanctorum locorum reformatio agitur, penes quendam insolentissimum resider, quem Procuratorem Terræ Sanctæ, sane non necessarium quidem futurum, imprudentes ante aliquot annos instituerunt. Hic est, de quo apud tuam eximietatem aliquando sermo est à me habitus, qui à puero gregarius miles extitit, vel potius de turba plebis vile mancipium, non integer ab his vitijs, quibus illud hominum genus implicari solet. Is cum valde iactandæ potentæ insolentia semper fuerit elatus, atque hucusque in comminando ferus; ad gerenda tamen, quæ militis virtutem probarent, nemo ignauior, in stabulo quam in bello assuetior; amicitior tabernæ, quam prælio; accommodatior sternendis animalibus, quam experiendis viribus, atque equorum frenis, imo coquorum veribus versandis, atque exhauriendis gulæ partibus aptior, quam aut telorum scitibus excipiendis fortior, aut scivis mucronibus in hostem ferendis audacior. Hunc tandem nequaquam Religionis amor, sed metus forte viuendi cum relinquere sæculum compulisset, religio quædam à callidè fallente decepta, malè de illo habitura, excipit.

Mentior, si non vita illius nefaria testis est. Nam nullo ordini Clericatus insignis Sacerdotem non æstimat, nullo gradu sublimis maioribus subijci dedignatur. Stultus iam Senex, non Senes sapientes honorat, ignarus non eruditos veneratur, non patribus defert, Sanctimonia nitidos infamat, deuotos ridet, zelo Religionis accensus, fatuos vocat. Quos

verò

verò sibi conciliari cupit, miris assentationibus decipit: quos suis vitijs iratos nouit, si fallere posse se putat, mulercularum eos lacrymis tectit: si non putat, vel clam eis eos carpit, vel palam eos, non deprehensus, mendacio fallere satagit; deprehensus autem negat. Nulli verus, sapientibus multiplex, simplicibus sagax, omnibus mendax. Huius, præter reliquas leuitates, Græcorum more, omnis magna Barba ingens gloria est, in vestitu vanus, in incessu temulentus, in sermone varius, procax, inconstans. Gloriat in nescio quarum bullarum apparatu, quas vehementissimè sibi auferri venteret, ne eis priuatus, sibi vana, & dissoluta pro voto vagandi, ac fallendi præripiatur facultas.

Eas, vt arbitror, à Concilijs, atq; ab ipsa Petri Sede, aut importunus extorsit, aut fallens subripuit, quibus tamen fretus, intra Gallias, atque Hispanias, Alamanniam, & Italiam, Vrbes, Oppida, Vicosque omnes, Quæstuarium impudens perulstrans, solus quidem à fratribus, sed comes dissolutorum, eques pompaticus, Prouincias discurret, domos penetrat, voluntarios expoliat, ab inuitis extorquet, cautos etiam, fascinare contendit, propriam pietatem simulat, qua vacuus est; alienam paupertatem ostendit, quam falsò mentitur; Religionem Terræ Sanctæ mentibus ingerit, quam persequitur; *necessitatem Sanctorum locorum iurat, quæ nulla est* (3) nam pro fratribus sustentandis Christiani Peregrini alimoniz plusquam satis Hierosolymæ afferunt. Pro muris verò ædificandis, si tandem facultas detur, vnus solus prædiues in Italia pius ciuis sumptum omnem

erogare paratus est. Perspicuè igitur irreligiosi hominis huius discursus inanis est, vbi nulla alimentorum cogit necessitas, superflua quærere: immò vbi insatiabilis vrget cupiditas, egentium eleemosynas vsurpare, pauperum vitam crudelissimo furto prædari, surripere, populari.

Quoniam ergo, Iuliane vir Illustris, Si Hierosolymæ homo integer quidam præficiatur, astutus ille circumforaneus, ab illo suo veteri vsu vagandi cohibendus est: & quod satius est, penitens abrumpendus, à delicijs verò voluptatis, quibus sine reprehensore effusus insolefcit, arcendus, atque ad humilitatem obtemperandi, quam nescit; ad viuendi certum ordinem, quem ignorat; ad asperitatem Religionis, quam hæcenus abiecit, compellendus, traiciendus, & tanquam inanis bellua furibundus, *Hipocratis vinculis*, vt dicitur, *alligandus* (4) Ideò, vt paulò ante dixi, rabula iste inquietus, causam totam Terræ Sanctæ importunius vexat, inquietat, abrumpit; nunc illum muneribus corrumpens, nunc alterum mendacio circumueniens, modo fletibus duritiam se non cognoscentium leniens. In compitijs impudens adstat, insolens aulas magnatum incurfat, importunus curias potentium frequentat, forum inquietus discurret. Huic itaque plus monstro quam homini, aduersus Religionis, & honorem, & honestatem crudelia bella gerenti, quis bonus rerum æstimator, & sanæ mentis verus arbiter, non censeat, æqua iustitiæ lance seuerius occurrendum. Sed & hoc munus, Iuliane charissime, tuum esse quis nesciat.

Si igitur optas, grandiora tibi merita cumulari, si Sancta loca per hu-

ius digno odio insectandam insolentiam decolorari non cupis, si vis nostræ Religionis gloriosam incediam conferuari; *habentes enim alimenta, et quibus tegamur, bis contenti sumus*, si multorum Seruorum Christi feruentissimos animos æterna beneuolentia tibi cupis conciliare; qui hanc petulantissimam, tam vilis auaritiæ, quàm prodigæ effusionis occasione, mira animi insolentia, aspernantur; Te rogo, mi Iuliane Pater, te per nostræ salutis pretiosa Sacramenta obsecro, & obtestor, vt apud Beatissimum Eugenium Papam diligentius agas, quo istum inuercendum, atque instabilem Helluonem ab illis suis vagis, ac varijs discurfibus æstimet compscendum, qui professione mendicus, sitim, quærit auro extinguere, qui Euangelicam paupertatem commaculat, qui Religionem scædat, qui mentes vulnerat, qui scandala serit, parit mendacia, concitat iras, fouet ambitiones. Quid plura? si illum forte offendas, potentem quendam, atque potantem, sed periculo occursantium crapulatum è vestigio iudices: qui aspectu ipso teterrimo, vinariam potius temulentiam spirat improbissimi cauponis, quam deuotam Religionis redoleat grauitatem.

Nam huius literis prouocatus is, qui nunc Hierosolymæ præfidet, ambit, suspirat, veretur, ne sibi vir probus quispiam subrogetur; quo metu territus redimit quotidie mercatorum Syriæ tam vilia quam emendicata suffragia, quæ pro se ex Oriente ad Pontificem Maximum deferantur; minatur præterea ille talis, per hunc talem, se tandem iratum hæc, & illa facturum, si quispiam fuerit aufus eum loco depellere. Veniat,

inquit, Hierosolymam licet dignissimus, mittatur à Papa, viderit cui facile cedam. Nec satis est blasphematori, vt optimè nosti, clarissimorum Martyrum, Confessoribus Christi detrudere, & qui illos diligunt mendaciter infamare, atque aduersus eorum, immo fidei defensores falsa confingere, nisi etiam contra Christianam Religionem prophanus, sed de communi tandem fide cessurum suspicionibus comminetur. Nesciunt, inquit, isti qui me meam dignitate pelli procurant, quid faciat desperatio. Atque, vt apertè intelligamus, quid dicere velit, breuem, & elegantem, ac verè se ipso dignissimam retexit historiam. Quam sanè cum horrenda fidelibus, fugiendaque sit, huic Epistolæ non infererem, nisi eam posteris vtilem futuram existimarem.

Ad fugiendæ ergo, vitandæque exemplum perfidiz singulare, cui, nec raro quidem, par aliud æquari solet, eam nunc tibi narrare verbis paucissimis pergam, vt prospicere omnibus liceat, quovsque periculorum, quovsque ruinæ, quovsque cœcitatibus, ac perfidiz solet impetrandi cupiditas humanam mentem, stultam quidem, ac temulentam immergere, gurgitare, prosternere: cum eam ad mortalem, perituramque gloriam ambientem, honorum amor possederit. Accipe ergo breuem, sed lugubrem historiam. In Syna, inquit, monte, quo lex diuinitus data est, Græcorum vetus monasterium extat, vbi ex Monachis, quos Caloyros vulgus appellat, quidam paulò ante fuit, vir sanè, qui alterum se ipso non facile inueniret deteriorem. Is à reliquis Monachis, nescio quo exagitatus conuicio,

uicio, cum Christianam fidem penitus abiectisset, vnus ex Saracenorum militibus factus est, qui apud Arabes, Mammaluchi vocantur.

Cum igitur abnegatus iste acerbè subiratus, vicem inimicis Monachis statuisset rependere, obtinuit precibus à Tyranno Aegyptiorum, ac super Monasterium, vnde iam Apostata factus fuerat, magnam extruxit Saracenorum Ecclesiam, quæ communi vsu Syrorum, aut Moscheta, aut Chiniscia dici solet; Hoc eo animo homo perfidiae in probrum Christi, & decus Christianæ Religionis effecit, vt qui iniuriam vindicare, quam obliuisci malebat; Arabum more, clamoribus, & maledictis, Monachis hostibus esset infensus; sicque factum est, vt ex hoc vno homine, aduersum reliquos Monachos, tanquam in magna Sylua ex parua Scintilla magnum conflaretur persecutionis inendum: quoniam inexpiabili odio eos, qui se hæcenus cum eis Monachum lacessuerant, mille molestarum generibus impacatus iste statuerat insectari. En igitur, inquit, quo peruehat animum desperatio.

Nunc verò, mi Iuliane, quis sapiens, & intelligens hæc: vides enim quam obscura sit fabula, & vnde perfectum sensum, etiam perspicaces, ac sudantes elicere vix possumus. Sed tandem fortasse solis sapientibus, magnum post laborem, atque industriam, adiuncta etiam oratione, tanquam de Prophetis oraculis intelligere detur, istum ornatissimum hominem, tam elegantem historiam, non stylo, cuius est ignarus, sed aureo ore narrantem, & laudis sermonibus recitantem dicere velle, se defecturum à fide, negatu-

rum Christum Dominum, abiecturum Religionem. Atque vt sciat nos altiore verborum eius intellectum aliquando assecutos, potuisse penetrare tanquam de secretis, & latentibus foueis, abditos sensus illius velut serpentes regulos ex abstrusis eruere conati, apertius quid sentiat proferemus.

Attendite, obsecro, diligentius ò boni fideles, quos sensus habeat iste Propheta. Hic enim est sapientia iuxta Apocalypsim Ioannis. Qui habet intellectum computet numerum bestiae: Audite me apertioribus verbis interpretantem, quid dicere velit. Hic est sensus eius qui habet sapientiam, scitote Christiani, me superiùs regnare volentem, nec valentem, iam iam pœnituisse, quod vnquam fuerim Christianus, & perennem salutis fontem velle deserere, idest, credite me, propter honoris mei quamuis solitam in alijs Sanctis viris mutationem, baptismum planè respicere, communionem abijcere, Religionem mutare, non in Sacratam quandam, sed sacrilegam sectam perfidiz, & hoc tenete, si non mihi meus restituar, & confirmetur honos, me Apostatam perfidiorum futurum: etiam si paulo asperius agitato, dignitatem mihi tanti Principatus, quo nefariè abutor, curabitur auferre: ò Christianæ Religionis zelum, Iuliane vir insignis, qui torquet digno supplicio tam superbe ambitionis affectum, qui priuet in delicijs quiescentem, qui extinguat, exhauriat, necet, honorum longa suspiria, & periculorum ingentium perniciofa fomenta.

Nam quid est hoc aliud comminari, quàm se ipsum maleficio illi Sergio similem profiteri? Quem siue Nefo.

Nestorianæ hæreseos, siue Romanæ Ecclesiæ, vel vt alijs placet, Antiochenæ, sed Iacobitarum dogmatis Clericum, aiunt perditio illi Mahometo ex latibulis responsa de futuris, tanquam Diuina oracula solitum exhibere. Et quod mendosius est, non terreni hominis vlla fallacia, sed veritate cœlesti: cum dolosum eundem Sergium, ipse Mahometus Angelum Gabrielem, diuinitus ad se missum, ex abditis ad se loquentem assereret, qui sibi reuelaret secreta, qui de futuris se admoneret, qui præberet populis præcepta salutis. Atque adeo homo impurus, eiusmodi præstigijs, gentem in Arabia simplicissimam, prudentiæ exortem, literarum ignaram, & tantæ malitiæ nesciam, crudeli imagine Sanctitatis, tanquam imago bestię dolosæ decepterit, nullam sane ob causam, vt fertur, nisi quod dignitatem quandam honoris, ad quam superbius ambiebat, pro voto in Catholica Ecclesia, vel alio quouis loco, ipse Sergius nequiuit acquirere. Qua ex re vehementius indignatus, mari transmissio, in Arabiam se contulerit; vbi nefarij Mahometi, & imperiti vulgi institutorem, velut erroris improbissimi, spurcissimique fomentum se tandem præbuit, eo nostræ fidei magno dedecore, & Christianæ Religionis summa iactura, vt quod lugentes aspiciamus, exempla quæ paria detrimenta nobis intulerint, non facile suppetant, quamuis ea censeas ab ipso penè orbis initio repetenda.

Nam non dico, quem dabis quondam fuisse, sed quem deinceps fore putabis, qui vnquam temporis, & vsquam locorum, tanta mala, & tantorum maximè annorum Christi

Ecclesiæ importarit, sicut ille parricida, & proditor Mahometus, iam octingentos, & eo amplius annos, damnis lugendæ populationis Christianos affecit? nonne nostra hac tempestate, etsi flentibus oculis, & summo animi mœrore confectum videmus, vt abiecta Euangelica, atque Apostolica veritate, puritate, Sanctitate, grauitate, Saraceni, Turci, Barbari, Tartari, gentes profanæ orbem penè totum possideant? vbi sub lege sacrilega carnalium præceptorum quis enumeret turbas, aut turmas vulgariū populorum, vt taceam nobilissimas regiones, Regna, Prouincias, Pesisdem dico, atque Aegyptum, Syriam, Iudæam, Arabiam, Palestinam, & præter Occidentales oras, quæ adhuc in Trinitatis reata fide Christum Deum, & Redemptorem vel ore fatentur, omnes penè Aquilonis, & Orientis Africæ, idest Meridionales plagas vsque ad Hispanias fœda pollutio inquinatæ legis infecit.

Prætereo veteres, & præclarissimas Vrbes, Babiloniam, Alexandriam, Carthaginem, atque Athenas, & in ipso toto corpore Græciarum, ac totius orbis quot, & quantæ extitere Christiana pietate sublimes, insignes, & ornatissimæ Ciuitates, quæ tamen & ipsæ in egregijs quondam ciuibus, abnegatæ, præreptaque pietate fidei, à veritate Religionis, impietati deditæ rescuerunt. Cuius profecto omnis deditiois, tam Vrbiū nominatarum, quam maximæ partis, sicut breuiter descripsimus, orbis, vt ad propositum aliquando reuertar; tota & causa, & caput, & male iacta fundamenta ab ipsa appetentia principatus exorta sunt. Vnde in ipso perditissimo Sergio, de quo

sumus diutius quam putabam locuti, tanta & tam nefanda fidei detrimenta, tanquam de barbaro aliquo inferorum, & tanquam de semine diaboli duxere principium: quin & ipsum detestabilem Sergium miserę, quidem sed non miserandę superbix cęcata ambitio tantum extulit, vt pro amisso fumo vani honoris, in occasionem tam ingentis glorię Deo pręripendę, immo iam pręreptę, & daninandarum funditus nullo numero animarum materiam se se dederit, quia dignitatem terrenę sublimitatis, quamuis fugaci pernecitate labentem, cum damnis conamunibus, & priuata iactura impaeto animo, vendicare non habitam, quam eum salute omnium maluit aspernari.

Hoc memorabili exemplo extolentię, atque ambitionis, Iuliane clarissime, si rectę sapere, quam insanire malimus, fundamenta nobis humilitatis tutissima iacienda sunt, & omnis est aspernanda gloria secularis; ne quos inaniter iuuat efferri, aut mundum adepti, aut amissi honoris perniciofa tristitia prouocati, ac mero venenatę appetentię, & stultę promotionis inenens, ad eam malorum genera deuoluamur, in quę solet omnis mortalis glorię malę appetens, difficile tandem eripiendus, contrudi, vel fortassis nunquam eripiendus pręcipitari. Nam quid est aliud dominantię libido, nisi gurges flagitorum? quid principandi amor, quám puteus immanitatis, & sceleorum! quid oblectatio imperandi, nisi peccandi cum impunitate licentia? quid denique est voluptas subiiciendi, nisi opportunitas scuiendi? etenim qui gradus honoris erat hæcenus Christianis penę omnibus oneris, ad eorum munia tantum commoda,

quamuis summo cum labore, sudoreque percipienda; nunc præter admodum paucos, factus est omnibus libertas satandę luxurię, prædandi facultas, & tumoris occasio.

Quamobrem vt ab hac labe periculose superbix, absque alijs vitijs liberarentur ex nostro ordine fratres, magnum, aduersum hoc præsertim, flagitium, studium fuit Patribus, & religionis nostrę maioribus, ne ambitiosus iste, per cuius fabulę occasionem tanta iam diximus, nos contra se garriat noua figmenta moliri: commentitia inusitata confingere, insolita decreta componere. Non enim iam olim in nostro ordine vetus mos est, vt quamuis præclari Prælati Hierosolymę, atque in eius Sanctis locis præfuerint (nam de reliquis taceo) post tertium tamen euolutum annum, nouis illuc missis, veteres ad Italiam reuocentur; ne quod est humilitatis officium, nimio vsu dominandi, atque imperandi, in vsurpati veluti principatus tyrannidem conuertatur: quamuis non dominari dicendi sint, etsi diutius ex officio imperent, qui nulla superbia elati, & per Christi iustam mansuetudinem, mansuetamque iustitiam fratribus seruiantes humiliter, atque obedienter minoribus præfunt.

Verum, quia properamus ad finem, mi Iuliane charissime, hoc est præcipuum, quod apertę profiteor, vt scilicet hæc omnia mala, quę diximus Hierosolymis, atque in Italia, ita se habeant, illius improbissimi quęstuarii detestabile studium esse in causa, atque ea tota, in cuius describendis præclaris moribus, vel potius teterrimis morbis, ab ipso penę exordio, pars Epistolę nostrę consumpta est; quamquam omnes

in eum reliquas eius partes conuerti, & velim, & postulem. Rectè etenim omnis in eum conferenda causa est, qui causæ totius caput extiterit, omnis, inquam, controuersia huius de Sanctis locis, & malorum principium illius ipsius nimia, atque astuta cura, damnabili vigilantia, fraudulentaque opera ortum est, totumque illa infracta, sed perniciosa diligentia, cum discrimine, dedecoreque effecit, qui quos putat se posse decipere, eos male sollicitus conuenit, eos adit, pulsat, prouocat, discurret, fingit, fallit, mentitur.

Superest ergo, Iuliane vir insignissime, vt tuo studio, & Christiana pietate fretus, hunc, de quo mihi pro communi ad te vtilitate Sanctorum locorum sermo iam prolixior habitus est, ex tanto temeritatis supercilio censeas deponendum. Quod nullo modo, quantum opinio mea fert, commodius efficere poteris, quam si eum illis quibusdam literis, & bullis; falsis quidem, atque fallentibus, priuari procures: in quas tanquam in suæ fidei validissimum argumentum, & certissimum testimonium, atque, vt verius loquar, sicut in ministras cupiditatum suarum, spem omnem videtur inanis gloriæ collocasse. Hoc si feceris, erit tunc operæ pretium, audaciam pestiferi hominis à suæ voracitatis insania depulisse, in cuius quæstum in-

fatiabilem dolemus, vt de reliquis prouincijs sileam, totam esse conuersam Italiam. Erit iucundum, deinde, Religionem nostram turpissima per hunc egentium extortione, vexatum, à dedecore fædæ infamiz & nominis nefandi eripuisse. Erit postremò suauitas innocentibus, Sanctissima illa loca iam esse tandem ab huius monstri barbarici, & publicæ pestis dominatu impio liberata, & pacis, atque honestatis, pudoris, & temperantiæ ornamento pacata, tranquilla omnia reddidisse.

Quæ sanè, & cuncta, & singula monstro illi, si velit, salutis parientingentem occasionem, Religioni nostræ gloriam, virtutem parsimoniæ frugalitatis, & continentiz laudem, latèque effusæ famæ fragrantiam, & suauitatem Sancti nominis afferent. Tibi denique ipsi, egregiè & merito illustrissime Iuliane, honorem & merita comparabunt: si, quod etiam ita extrema Epistola te rogare non desino, compressa avara immanitate, huius sceleratissimi Quæstuarij, eum in occasione cupiditatis atque luxuriæ, gulæ, impunitatis, iniustitiæ, vagæ excursionis, dissolutæ licentiæ peccatorum, & nefandi omnis dedecoris, ac magni discriminis diutius manere non patiaris. Quod vt facias te iterum atque iterum & oro & obsecro. Vale.

## N O T A E.

## Nota I.

*Superioris anni.* Huic Epistolæ nullam in codice nostro inuenimus temporis, vel loci notam subscriptam: sed ex

his verbis clarum est scriptam, etsi non missam fuisse, anno 1438. Constat enim Nicolaum anno superiori hoc est 1438. Terræ Sanctæ præfectura donatum, eam abiectisse, & huius anni initio sub-

situtum fuisse Gandulphum; nec dubito Venerijs datam, vt alias duas præcedentes; vbi nimirum Albertus tunc disponebat secundam suam ad Orientales professionem, vnde in codice Capistranensi subcriptum inuenio *Ex Venerijs* 1438.

## Nota II.

*Gandulphum Siculum*. Alij Gandulphum vocant, & Albertus venerabilem, & probatissimum virum. Per B. Ioannem Capistranensem, à Iuliano Cardinale Protectore missum, Hierosolymis in officio confirmatus, & stabilitus est, illis in Europam remissis, qui eius gubernatio reluctabatur. Deinde per Eugenium Pontificem Sedis Apostolicæ Commissarium per Indiam, Aethiopiam, & Aegyptum constitutus est. Extat apud Marianum Florentinum eius ad Pontificem Epistola, Hierosolymis in Sacro Conuentu Montis Syon data primo Februarij 1444. quam Vvadingus tom 5. sub eodem anno descripsit num. 54. in ea narrat Constantinum Aethiopum Imperatorem, conuocatis Principibus, & Ecclesiarum suæ ditionis primoribus, decretum vnionis in Concilio Florentino editum, solemniter publicari, & ab omnibus lætenter acceptati fecisse; celeberrimam, & minacem legationem ad Sultanum Saracenorum misisse: quo iubebatur Tyranno; vt Christianos melius haberet, eorumque Ecclesias, quas ante destruxit, resciri iuberet. Legatus deinde Cayri honorificè, & reuerenter habitum, magno comitatu, Christi Præsepe Bethleemi, & Sacrum Sepulchrum Hierosolymis adorasse: Franciscanos eorum custodes, & cultores humaniter, & amicè habuisse, & ab eis vicissim susceptum, & recreatum, sui admirationem, terroremque per omnia Saracenorum loca circumtulisse, publicum præconium à Sultano exisse, quo omnibus ipsius subditis præceptum est, vt Christianos deinceps bene, & humaniter tractarent, omnia legationis acta & effectus, lectu sanè ob raritatem splendoremque iucundissima, describit & Europeorum Legatorum abiectiõni, & nãpiz subie-

ctiõni opponit; simplici quidem, sed sincero, & candido stylo. Nos Epistolam ipsam descripsimus supra cap. 14. vitæ B. Alberti.

## Nota III.

*Necessitatem Sanctorum locorum iurat que nulla est*. Ita sanè fuisse, cum Albertus hæc scriberet, facile credendum suadet ipsius grauitas, doctrina, Sanctitas, & intima rerum cognitio, postquam Pontificis auctoritate, & iussu, cuncta ex officio perlustrasset. Sed longè diuersus postea factus est rerum status, & conditio. Quapropter Christiani lectoris conscientiam prouoco, & obtestor, ne ex hoc Alberti loco quidquam de modernis Terræ Sanctæ Religiosis, aut eorum Rectoribus sinistrè iudicet; dum non legerit ea, quæ de ipsorum necessitate, & sumptibus, nos peculiari commentario, de locis Terræ Sanctæ scripsimus, atque nostræ Annalium ordinis epistolæ inseruimus sub an. 1342. quæ non maiori voluptate, satiantæ suæ curiositatis; quam intimo dolore, & compassionem calamitarum ipsorum, & admiratione incredibilium sumptuum, quos ipsos facere oportet, perlegat. Et ego hæc transcriberem, si & rem actum agere, & notas in tractatus commutare non nollem. Tunc videbit pauperes Minoritas non absque extraordinaria Dei prouidentia posse tolerare, quæ patiuntur, nec sine causa procurare, quamquam summis laboribus, tam multa millia aureorum, quæ singulos eorum præfectos erogare cogit Turcica rabies, & auaritia, Græcorumque Schismaticorum emulatio, & inueteratum odium in Romanæ Religionis assecras, & propugnatores. Certè B. Alberti argumentum de Peregrinorum subsidijs ita mutatum est, vt liqueat eos multo plus dispendij fratribus adferre posteriori æuo, quàm prisco illo tempore referebant emolumentum; cum Europæi Principes, Prælati, & viri nobiles, & pecuniosi faciliori accessu, & ardèntiori eharitate Terræ Sanctæ peregrinationem frequentabant.

## Nota IV.

*Hypocratis vinculis alligandus.*

Hypocratis vincula videtur describere S. Hieronymus apud Gualensem, de Philosophis part. 4. cap. 4. *Hypocrates adiuras discipulos suos, atque docet, & in verba sua iurare compellit, extorquet sacrum silentium, sermonem, incessum, mansuetudinem, habitum, moresque describit.* Rectè quidem, nec magis apta dissoluto, & indisciplinato Religioso, vt cogatur, quod S. Paulus ait; *omnia honestè, & secundum ordinem facere.*

Censebit forte quispiam, nec B. Albertum huiuscemodi literas debuiffe scribere, nec scriptas per nos publicari; sic magis consultum vtrorumque honori, & famæ, tam personarum, de quibus scriptæ sunt, quam totius religionis, cuius filiorum imperfectio degegit. Sed, quod Albertum atrinet, vetus ista querela est, cui ipse abundè satisfecit alia longiori Epistola; seu iusto opusculo ad Paulum Romanum, de insolentibus corripiendis, quam suo loco proferemus, quæ nostro etiam factò tuendo, non parum suffragatur. Nam quo consilio ab ipso scriptæ fuerunt, vt illi dum viverent, emenderentur, & occurreretur publicis malis, quæ per ipsos fiebant, & non minoribus, quæ iustè, & prudenter timebantur futura; eodem ego eas in lucem profero, vt si qui cæci sunt, videant, in quo æternæ salutis, & famæ periculo versentur, & resipiscant: quibus autem lumen, Dei beneficio, adhuc integrum est, caueant præcipitia, in quæ non hos tantum, sed alios multos tam homines, quam Angelos appetitus dignitatum,

& imperandi perniciofa, damnataque cupiditas, proiecerit.

Et quamquam nec B. Albertum, nec me peccatorem lateant ipsorum nomina, cognomina, patriæ; horum tamen nihil ab vtrouis nostrum profertur. Sed quicumque hæc fecerint, non vt ipsorum consuleretur famæ, quantum iidem ipsi turpissimis factis, publicè prostituerunt; quod nec Diuina de Sanctoribus etiam hominibus obseruat Scriptura; sed quoniam indigni sunt quorum execranda nomina per Christianorum ora pronuncientur, qui honor Dianæ damnatæ fœminæ delubrum, sed veri, & boni Dei Iesu Christi, nostri Redemptoris, ineffabilis Incarnationis, Natiuitatis, ieiunij, prædicationis, miraculorum, passionis, sepulture, Resurrectionis, Ascensionis, & futuri ad iudicium aduentus, Sacratissima templa incendebant, & in cineres reducere minabantur; non iusta desperatione, quam prætendebant; sed impiissima ambitione, qua ipsi flagrabant, & iusto Dei iudicio, ad nihilum prædicationis, vel singulari misericordia ad pœnitentiam reducti sunt. Nec me mouet ordinis infamæ timor, cui patius gloriæ est, id genus apostemata vri, secari, excindi malle, quam vt pestiferum virus in totius corporis viscera serpat. Cum ergo vniuersæ historiarum finis, & fructus sit malorum, bonorumque factorum exempla proponere, quo lector quæ turpiter, infeliciterque facta, in alijs reprehendit, caueat ipse; quæque sanctè, prosperèque gesta collaudat, ipse vicissim amplectatur; non minus in pœsteros, & Rempubicam peccat, qui hæc, quam qui illa tacet.

## EPISTOLA LVI.

## EPISCOPO ARIMINENSI.

## ARGVMENTVM.

*Id ipsum negotium Terra Sancta huic Episcopo, apud Pontificem grato, Albertum commendasse existimo per nuncium, & has literas, vt vocant, credentiales, quas eidem nuncio ferendas tradidit.*

**V**T me cognoscas grato arripuisse animo tuas oblationes; quibus te sponte futurum factorem meum apud Beatitudinem Eugenij Papæ Sanctissimi, cum abs te abscederem, liberè obtulisti: ecce nunc sine vlla cunctatione, tanquam pro meo iure repeto, quæ tu sine avaritia, immo cum magna beneficentia, fueras ante pollicitus. Peto ergo à te, vt his, quæ tibi hic no-

strarum perlator apertiùs explicabit, piam auren præbeas, securiùs credas, benignè assentiare. Est enim vir talis, cui non solum nostro nomine, quamuis simus exigui, sed etiam suo merito te exhibeas favorabilem, eo feruentius quo nihil præter communis utilitatis honestissima commoda postulaturus aduenit. Vale ex Venetijs 1438.

## EPISTOLA LVII.

FRANCISCO BARBARO.

ARGUMENTVM.

*Christophorus donatus, vt olim Prator Taruifinus Albertum cupiebat illius Vrbs populo predicaturum; sic idem nunc Brixienfium pariter Prator, multis & urgentissimis Nuncijs Interis ipsum illuc etiam vocat. Albertus in ea re Francisci Barbari iudicium per hanc Epistolam petit.*

**V**etus mos amicitia est, Francisce mi suauissime, amicorum commissa diligenter cellare: proinde quæ ad te scribo apud te permaneant, præter veros amicos, & idoneos homines, nemini propalanda. Prætor Brixienfis fascibus literarum me quotidie penè obruit, vt Brixiam me conferam, suppliciter postulans. Tu verò, quem plurimum diligo, quamuis mihi tuis literis hætenus persuaseris eundem accessum, eum post nihil scripseris, cuiusdam mihi, fateor, non leuis suspitionis serupulum iniecessi; ne forte salubriore consilio sententiam priorem mutaueris, vel patriæ, ac temporum conditione perspecta, vel alia qualibet causa, quam tibi ratio

consulta suggererit. Ecce palam tecum, vt præfens, proloquor, quæ animo reuoluo; quia suspectum est mihi tuum hoc silentium, inter tot maximè strepitus literarum, quæ ad me frequenter mirruntur, quæque, vt æstimo, non te latent. Nunc ergo per Christianæ nostræ amicitia iura te obsecro, vt quid de nostro ad vos aduentu sentias, apud me amice, simpliciter, & aperte loquar: & ego tunc, vt efficere posse me videro, tuo præfertim adiurus consilio, melius aliquid statuam. Voti mihi erat longissimam ad te, & plenam amicitiarum Epistolam exarare. Sed per occupationes quotidianas mihi vix hæc pauca vacat scribere. Vale ex Venetijs 1438. 6. Idus Maij.

EPI-

## EPISTOLA LVIII.

CHRISTOPHORO DONATO PRÆTORI  
BRIXIENSI.

## ARGUMENTVM.

*Respondet non certa pollicitatione, sed certa spe Brixiani eundi, cum ablata fuerint impedimenta, qua ipsum hæcenus retardarunt: idque exemplo, & adductis verbis S. Pauli.*

**S**I futuri fructus in quoquam ex populo Brixienſi ſpes nulla me prouocaret, ſolus in me, vir egregie, honos, & amor tuus, hunc quem tantopere poſtulas, ad vos proficiſcendi laborem me ſubire cohortarentur; iminò verò penè inuitum, & repugnantem impellerent, vrgerent, & violentiùs cogerent, non modo præceptum Dominicum, quo nobis dicitur, *omni petenti te tribue*; Verum etiam religioſum officium tuæ diligentis inſtantiæ, quo factum eſt, vt tanto iam tempore, & tam frequentibus nuncijs, ac literis me nullius momenti hominem, pro ferendo vitæ ſemine ſuper colendis agris Brixienſium cordium deuotione præcipua accerſeris: verùm dixerim inhumanum omninò hominem, vt taceam ruſticanum, atque agreſtem; & ferum, quod ſi facere ſaris tibi commodè queat, huic Sancto ardori tuo vlla ex parte deſit. Quare, vt ab ea labe me liberem, tibi me promptum exhibeo; nulla quidem certa pollicitatione, ſed ſpe quadam egregia. Neque hoc velim mireris, quùm ob ingentia pleraque inpedimenta, quæ hoſtis ille nefarius no-

ſtræ ſalutis nobis veterno uſu ſuo parare ſolet; mos iſte apud nos hæcenus inoleuit, vt nulli Ciuitati acceſſum noſtræ paruitatis audeamus promittere; ſed ſpem animi volentiſſimi omnibus aperire. In quo vtroque factò, ne nos quiſquam non rectè facere arbitretur, Apoſtolicò quantum mihi viderur, regiminis gubernaculo, vt in altero cautioreſ inueni, non ſit in verbo noſtro eſt, & non, ſed eſt in illo ſit: in altero verò comperti beneuoli, etiam quod efficere non valemus, nos ardentè velle, eos qui cupiunt admoneamus. Itaque vir illuſtris, præſcripto quidem inſtituto, quantum ab illa indubitata ſponſionis fide nunc me apud te tempero, tantum in alacritatem piæ voluntatis me totum proiicio: qui ſicut penitèſ venire non ſpondeo, ita non proſuſ inficior, interim *Omnes ſine intermiſſione oremus, humiliter obſecrantes, vt tandem aliquando proſperum iter habeam, in voluntate Dei veniendi ad vos; deſidero enim videre vos, vt aliquid cum Paulo Apoſtolo impertiar vobis gratiæ ſpiritualis ad confirmandos vos, iſeſt ſimul conſolari in vobis, per eam, quæ*

Cor. I.

Act. III.

quæ

quæ inuicem est fidem vestram, atque meam : nam ut aliquem fructum habeam in vobis, sepe proposui venire ad vos, & prohibitus sum. usque adduc. Verum quoniam à

Domino grellus hominis diriguntur, rogemus vt viam nostram dirigat, atque in vobis vberiores fructus, ingentis honoris compensemus. Vale ex Venetijs 6. Idus Maij 1438.

## EPISTOLA LIX.

EPISCOPO CYPRIO EBRONENSI. (1)

## ARGUMENTVM.

*Albertus à Cypro in Italiam anno superiori soluens, accepit ab hoc Episcopo librum Pistoriensi in Thusciam conuentui consignandum; scribit ergo se in Italia incolumem esse, sed in Etruriam nondum migrasse, nec adduc baiulum inuenisse, per quem librum mitteret Pistoriam; missurum tamen, vel se laturum, cum se obtulerit occasio, petitque alium librum ab Episcopo ad se mitti in Italiam.*

**E**X tua Cypro hætenus recedentes, tandem Christo propitio, sospites peruenimus ad Italiam. Qua de re, scio te mecum Deo nostro gratias cumulatè referre; dicamus igitur & nunc seinel pariter Deo gratias. Librum tuum, quem Pistoriensi Conuentui assignandum, cum abirem à Cypro, abs te accepi, necdum misi, nec eum illuc attuli, propterea quod neque ipse in Thusciam sum profectus, neque per quem tutò deferri posset, adhuc nobis quispiam fidelis occurrit. Quiescat tamen tua mens Reuerentiæ securissimo somno, quoniam ita fideliter omnia complebuntur, vt apud te nil certius esse debeat. Inter multa præterea multorum in nos officiorum præclarissima merita, quibus es de nobis optimè meritus, quoniam ea

nobis munificè, & humanissimè præstititi; illud ellet sanè præstantius, si tuo studio, & cura libellus ille tuus, qui de heresibus (2) aliquando apud me fuit, ad me ad Italiam celerius perferretur. Valde enim, fateor, illo indigeo, elletque mihi, supra quam dici possit, admodum opportunus: nunc maximè, cum nobis multa erunt de vniuersitate fidei conferenda cum bis Grecis (3) quos iam ad Italiam pro fideli concordia Romanæ grauitatis suscipienda aduenisse latati sumus (4) Pro libello autem ipso præter augmentum erga te nostræ dilectionis, quæ solet acceptis beneficentiæ muneribus cumulari, si quam voles tibi temporariam vicissitudinem exhiberi protinus ordinabo. Vale ex Venetijs 1438.

## N O T A E.

## Nota I.

*Ebronens.* Est Hebron Syriæ Ciuitas, olim Episcopalis, Patriarchæ Hierosolymitano immediatè subiecta, nunc Pagus: cuius rudera indicio sunt frequentius Urbem quondam fuisse habitatam. *Mirans in not. Episcopatum.*

## Nota II.

*De heresibus.* Videtur hic idem liber esse, quem superius Epistola 47. per Thomam Bibium à Cypro ad se in Italiam mittere rogat, in quo nimirum, ut ibi loquitur, acta cunctorum Conciliorum, & errores omnium nationum orbis enumerantur.

## Nota III.

*Cum nobis multa erunt de unitate fidei conferenda cum his Græcis.* Hinc satis constat Albertum, non so-

lum in Oriente, sed etiam in Italia Schismaticorum, etiam Græcorum, vnioni suam operam impendisse, multa cum ipsis in Concilio, & extra ipsum conferendo.

## Nota IV.

*Quos iam ad Italiam aduenisse, latati sumus.* Ergo hæc Epistola, data fuit post diem nonam Februarij anno 1438. quo die Græci Venetias appulerant, & antequam fiebant collationes de vnione, quæ priuatè imprimis cœptæ sunt, circiter ab Idibus Aprilis, publicæ verò ab 8. die sequentis Octobris, propter quas, Albertus illum libellum Ebronensis tantopere desiderabat. Cumque Epistola Venetijs data fuerit, iam constat Albertum Græcis venientibus obuiam iuisse, fortassis in comitatu Cardinalis S. Crucis, & Marchionis Ferrarient. quos Pontifex Venetias misit, ut illos cum honore Ferrariam ad Concilium conducerent.

## EPISTOLA LX.

## BERNARDINO SENENSI.

## ARGUMENTVM.

*Anno 1439. mense Iunij, erat in vltima dispositione Græcorum vnio cum Ecclesia Romana, sub vnus Romani Pontificis vnici Ecclesie vniuersalis capitis obedientia, voluit Pontifex, quo maior esset solemnitas, & letitia, ut præcipui Italia concionatores eam quotidianis sermonibus publicè habendis celebrarent, iussitque Alberto presenti, ut Bernardinum nominatim vocaret, quod per hoc Epistolium facit.*

**G**Loria ingens Domini Dei nostri exhilarare debet faciem corporis nostri, per sobrium mentis gaudium. Accipe rationem:

Græci qui hic sunt ex veteri perfidia sua, ad simplicem Romanæ fidei grauitatem celerius conuolarunt, cuius boni, ut sis particeps, Pater optime

time, & videas quæ magna solemnitate constituenda sunt, *Iubet Sanctissimus Dominus noster* (1) ut quaprimo ad pedes Sanctitatis suæ te confèras; rediturus Senas, cum voles, si primum nonnulla coram

eius Sanctitate grauius firmabuntur, quæ per Prædicatores omnes Italiz fieri cupit in conseruationem exortæ lætitiæ. Vale ex Florentia 8. Iunii 1439. hæc de mandato Sanctissimi Domini nostri breuiter ad te scripti.

N O T A.

*Iubet Sanctissimus Dominus noster.* Non frustra vocatus est S. Bernardinus cui prædicanti Spiritus Sanctus verba dictabat. Nam etsi Græcicæ linguæ, ante, & post sermonem

rune Florentiz habitum, profum ignarus, ita tamen Græcorum auribus eleganter græcè dixit, ut illi crediderint eum linguæ suæ peritissimum fuisse.

S C H O L I O N.

Hoc loco codicis Capiltranensis reperi sequentes Eugenij Pontificis literas, Alberto iam secundùm in Orientem profecturo datas. Quas quoniam Vvaddingus inter alias huius expeditionis literas Pontificias non habet, nobis vitum est eas hic inferere, idque satis opportunè: etenim cum hoc eodem anno 1439. pridie Non. Iulij decretum vnionis Græcorum à Græcis, Latinisque subscriptum, in publica Sessione Conclij Florentini, vtrisque præsentibus, publicè lectum fuisset, & Græci iam die 21. Iulij abirent; Armenique in via ad Concilium venientes, se etiam Romanæ fidei conformaturi, & Eugenij Pontificis obedientiæ subiecturi essent, ardentissimo Eugenij bono zelo, & in omnes charitati id satis non fuit, nisi omnes omninò Orientalium nationes, & Schismaticorum Sectas, ad eiusdem fidei vnionem in vnum corpus, sub vno capite, vnoque Christi in Terris Vicario, coniunctas videret. Missis ergo ex regularis obseruantiz professoribus, ad alias nationes, multis Minoritis, Albertum nostrum ad Iacobitas, Cophtos, Aethiopes, & Indos destinauit, cum literis apud Vvaddingum relatis, ac præterea sequentibus, quas ille non vidit.

E P I S T O L A L X I.

EUGENIVS EPISCOPVS SERVVS SERVORVM DEI  
Venerabili Fratri Ioanni Patriarchæ Iacobinorum.  
Salutem, & Apostolicam Benedictionem.

**N**on ambigimus quidem, Fr. charissime, quæ hic ad laudem Omnipotentis Dei, & totius vniuersalis Ecclesiæ gaudium gesta sunt, tuæ quoque fraternitati, fama vulgante, esse iam cognita. Nos tamen

ramen pro affectu, & officio nostro, hæc ipsa tua fraternitati insinuanda, censuimus, ut nostrorum in Domino gaudiorum fieres particeps: cum enim, disponente Deo, in Beati Petri Apostolorum Principis Sede Sancta, S. Romana Ecclesia, licet immeriti, confederimus, ipsiusque Apostoli Successores simus, cui à Domino collata est potestas ligandi, atque solvendi, debemus profectò feliciæ Dominici gregis, quem regendum suscepimus, incrementa fratribus nostris vbique terrarum annunciare, ut tanquam fideles serui, ex Domini sui successibus secundis gaudeant, ut nobiscum vnà Omnipotenti Deo gratias referant. Tuz itaque Religioni, Frater charissime, cuius nobis merita singularia multorum sunt relatione, comperta, significamus Græcam, Latinamque Ecclesiam periculoso, ac diuturno abs se inuicem dissidio separatam, Deo tandem miserante, in vnionem, concordiamque rediisse. Aduenit namque ad nos, sua sponte, & à nobis admonitus, charissimus in Christo filius noster, Ioannes Paleologus, Romeorum Imperator illustris, vnà cum venerabili Fratre nostro Ioseph Patriarcha Constantino-politano, & loca tenentibus trium Patriarcharum, & Archiepiscopis, Clericis, ac Monachis, & nobilibus plurimis, nobis suppeditantibus sumptus necessarios, Concilij Oecumenici celebrandi gratia, & cum longissima, diligentissimaque præcessisset disputatio, tandem Romanæ Ecclesiæ fides ab omnibus mira concordia, & ritè comprobata, ac certissimè suscepta est. Verum hæc omnia planius, & melius fraternitati tuæ dilectus filius Frater Albertus, ordinis Minorum, vir magnæ religionis,

& casto zelo fidei feruens, referabit; quem, huius rei gratia, ad fraternitatem tuam duximus dirigendum; decretique cõpiam ostendet, quam secum defert, ut vberius in Domino gaudeas, quem etiam commendamus fraternitati tuæ, & illum, ob Dei, B. Petri, nostramque reuerentiam, suscipias in omnibus commendatum. Sanè illi plurima commissimus secretius cum tua fraternitate tractanda, pro honore Dei; populorumque nobis subditorum perpetua salute; cui, hortamur in Domino, ut in omnibus fidem adhibeas, tanquam nobis ipsis, atque in his, quæ rationabiliter suggeret, fauorabiliter annuas. Nuntiamus id quoque pro abundantiori gaudio fraternitati tuæ, cum Imperatore memorato legatos etiam aduenisse Trapezuntij Imperatoris Valachorum, Hibernorum, Ruthenorum, & omnium, omninò græco ritu, & more viuentium. Expectamus autem in breui adfuturos & Armenios, qui veniunt parati ad obtemperandum Romanæ Ecclesiæ per omnia. Cum itaque venerabilis frater, tanta cernas Diuinæ pietatis indicia, non dubitamus mentem tuam, Christiana pietate, flagrantem, ad referendas nobiscum Deo gratias, ex omnibus medullis cordis esse conuersam, & id cupere omnibus votis, ut Ecclesia Catholica toto terrarum orbe diffusa, vnà sit, idem sapiat, idemque sentiat, atque sub vno Pastore grex vnus fiat, & sub varietate linguarum concors sit omnium fides, ut omnes, vno spiritu, & vno ore glorificemus Deum, & Patrem Domini Nostri Iesu Christi. Data Florentiæ anno Incarnationis Dominicæ 1434. VII. Kal. Augusti Pontificatus Nostri anno nono.

## EPISTOLA LXII.

MATTHEO BISSARRO.

## ARGUMENTVM.

*Albertus sub anni superioris finem, vel initio presentis, soluit Venetijs pro secunda sua professione in Orientem, & ex via scripsit hoc anno 1440. literas plures, ex quibus prima mihi est ista ad Bissarrum, in qua gratias agit pro beneficijs ab eo, & alijs in Creta acceptis, & se ac socios, inter medios gladios pro fide proficiscentes, eorum precibus commendat. Socios suos laudat, & Presbyterum ipsi à Bisarro commendatum.*

**Q**uia pondus negotiorum viget me pauca ad te loqui, volo exigua charta non exiguum, sed magnum & antiquum in te amorem nostrum tibi significare, palam profectò contestans, illum, si crescere potest, solo ardore virtutum tuarum erga te quotidie augeri. Quamquam autem, egregium adiumentum nostri itineris, quod ad nos ex tuis impensis, ac reliquorum fidelium apud Cretam, allatum est, tanquam opus misericordiæ quæ delectet, tamen flagrans charitas, & animus quo ista omnia à te fiunt, mihi sane plus placet. *Non quero*, ait Apostolus, *datum, sed requiro fructum*; Restat mi Matthee charissime, vt tu nos, & qui nos diligunt, in ipso iam procinctu periculorum, ad ardua fidei profecturos, ac verè medios inter gladios conuolantes, feruentibus orationibus

iuues. Quod vt facias, cum omnibus mei ordinis, & reliquis vtriusque sexus Sanctis fidelibus, hoc magis rogo, vt tibi cæteris plus curæ sit. Comes nostræ peregrinationis, præter cæteros super humanam opinionem idoneos, Presbyter Ioannes fide & magnanimitate vincit testimonium tuum, quod illi apud me hætenus verum ac sincerum præbuiti. Amicis autem nostris, quum plurimi sint, quibus scribere nequeo, post charam in Christo salutem, hanc scedulam communem facies, in quibus Baptistam nostrum de Valmaran, & illum doctum Ognibonum, non putes postremos, Reliquæ quæ circa nos aguntur, ex dulcissimo meo Fratre Antonio Cremenſi, vt soles, audies: Vale, & pro me orantentius. Ex Candia Cretæ Kalend. Martij 1440.

## EPISTOLA LXIII.

FRATRI BARTHOLOMÆO IANENSI (1)

## ARGUMENTVM.

*Excusat se, quod sæpius non scripserit: itineris sui rationem, & ingentem. spem magnas res pro fide, & Ecclesia Christi consummandi aperit, etsi id pro*

*pro sua humilitate parce admodum, & quasi nolens volens: promptissimum ad Martyrium suslinendum animum profitetur, mille mortes pro eis tolerandas, felicissimas vitas vocans. Preces apud Deum fundendas petit, & literarum baiulum Bartholomæo commendat.*

**P**ROUOCATUS hæcenus dulcibus querimonijs tuis, quibus te literas meas valde desiderare significabas, scripsi ad te superiore mense Martio, ex Candia Cretæ, non quidem admodum longam Epistolam vnâ, sed verè absque vlla diligentia tumultuariè, celeriterque dictatam: vrgebat enim nos angustia temporis, qua cogebamur vel nihil, vel ineptum aliquid, quo ad elegantiam attinet, ad te scribere. Sed malens apud te videri amicus, quam disertus, elegi, quantum arbitror Christianissimè, potius illa, qualicumque sint, ad te dictare, quam nihil, quæ & ipsa nescio, si ad te vnquam peruenerint. Nunc verò vt magis gaudeas, nisi pro peccatis meis, nobis Christi dextera subtrahatur, sumus in dies *ex Rhodo Carras, vel vt vulgo dicitur, Cayrum* (2) iucundissimè profecturi: tanto Diuinæ misericordiæ fauore adiuti, vt ne illud quidem cupere potuissem. Nimis esset longum singula prosequi, præsertim quia hic secreta sunt valde nostra consilia, nec etiam propter improbos, nisi ore ad os, cum amicis tantum & Deum timentibus, securius conferenda. Magna nobis est spes sub protectione Diuini fauoris, egregia quædam pro gloria Christi, in augmentum fidei & Orthodoxæ, Catholicæque Ecclesiæ consummandi, qua in re probè gerenda, *si quis mille perpetiatur mortes, quis, nisi non Christianus, eas non potius dixerit felicissimas vitas?* (3) Itaque tantummodo ora, mi frater in Do-

mino dilectissime, atque orari facias instantissimè, vt pro præsidio nos foueat Christus, rem causam suam agat, euentu prospero, atque in finem, nec abs spe cadere sinat nos famulos suos, quorum est animus de munere eius non solum pro augenda fide, nullo labore terreri, sed etiam, si opus fuerit, iucundè occumbere. Si prosperum faciet Dominus pium desiderium nostrum, conabor, cum rediero, ex ordine ad te cuncta significare. Tu verò vaca interim diligentius, vt plenè fias & lingua & literis græcus, qui fide Romanus es; si ad me scribere voles, mitte huc Rhodum literas ad ciuem quendam Venetum, Ioannem Martini, per quem, quàm est amicissimus, nobis tutò cuncta reddentur. Hunc baiulum nostrarum, Antonium Belucam libenter excipies; optat enim à me, de te edocui, te habere amicum. Is venit Constantinopolim, ab Imperatore vocatus, nec paræ authoritatis est apud Græcos, profecturusque forsitan ad Italiam, tibi in aliquo utilis est futurus. Rescribe ad nos cum omni diligentia, *quo in statu res fidei cum Græcis sit* (4) & tibi soli credemus, quoniam apud nos pro affectionibus varia à plerisque feruntur. Et hoc in fine petimus, vt quàm celeriter illud efficias. Ille autem portitor tibi adiumento erit, vt tutò ad nos literæ perferantur. Vale, & me ama, neque orare desinas, quousque rescribam, *ex Rhodo XV. Maij* (5) 1440.

## N O T A E.

## Nota I.

*Fratri Bartholomæo Ianensi, alias de yano de quo Vvaddingus: Græcis autem, ut ad Concilium venirent, non segniter aut frigide persuaserunt Fr. Bartholomæus de yano vir doctissimus, & piissimus, & Fr. Albertus Sarrhianensis, ad hoc ab Eugenio missi. Dum autem Albertus hanc Epistolam scripsisset, erat Bartholomæus Constantinopoli, ut Græcos in fide, quam in Concilio professi sunt, fortius confirmaret: sed Vvaddingus non immeritò lamentatur, quod multi tales missi non fuerint, qui Marei Ephesini pernicacissimi Schismatici præstigijs occurrerent, & falsas eius, perniciosissimasque suasiones refutarent, quibus ille post mortem Imperatoris, Græcos iterum ad vomitum reuocauit.*

## Nota II.

*Ex Rhodo Carras, vel ut vulgo dicitur, Cayrum. Non immediatè per mare, ex Rhodo ad ostia Nili, sed per viam tetrestrem Hierosolymitanam, ac inde per desertum Syriz ad Aegyptum, ut narrat Vvaddingus tom. 3. ad an. 1439. n. 39. & satis intelligitur ex literis Pontificijs huius missionis, & commissionis B. Alberti, per quas Hierosolymam expressè destinatur, cum specialibus literis Eugenij Pontificis ad Cophos, & eorum Prælatorum Hierosolymæ congregatos. Nicomedes etiam Aethyopum in S. Ciuitate Abbas in literis ad Pontificem, sequenti Octobre Hierosolymæ datus, apud Iustinianum in actis Concilij Florentini. Cum ad nos, inquit, deuenerunt Numij tui ob causam fidei, magnam ex eis consolationem accepimus: nec insolens est iter Cayro in Rhodum, & ex Rhodo Cayrum, pèt viam Hierosolymitanam: nam & Albertus ipse in sequenti Epistola ad Eugenium narrat Legatos Aethyopum ad*

Concilium, quos Rhodi expectabat, per eam viam profectos fuisse: fuitque rebus deinde in Aegypto, & Aethyopia gerendis necessarium, necdum valde opportunum, ut Orientalium nationum, & Sectarum homines, Hierosolymæ commorantes, & per Syriam, & Palestinam dispersos, cum quibus ante biennium de fide & Ecclesiarum vnione tractauit, ostensis nunc ac deelaratis decretis vnionis Græcorum, & Armenorum in bono proposito confirmaret, eorumque fauore & auxilio ad ipsorum Principes & Patriarchas facilius & studiuousius progredetur, sciteturque omnem rei dispositionem, antequam accederet, ut Vvaddingus factum fuisse narrat. Nec refert quod Albertus hoc loco neque Hierosolymæ, nec alterius mediterranei loci mentionem faciat, qui non totum iter describere, sed dnos eius extremos terminos, Rhodum & Caytum indicare voluit.

## Nota III.

*Si quis mille perpetiatur mortes pro fide scilicet, & Ecclesia obitas, non dixerit felicissimas vitas, & infra, de se, & socijs loquens. Quorum est animus non solum nullo labore terreri, sed si opus fuerit iucundissime occumbere. Hæc, præter alia multa, quæ pro occasione sparsim notamus, manifestè demonstrant, quantum fuerit zelus Alberti pro fide, Ecclesia, & salute animarum: quantum animus, quam atdens desiderium fuerit pro illis Martyrium occumbendi.*

## Nota IV.

*Quo in statu res fidei cum Græcis sit. Hoc est, postquam ex Concilio Florentino redierunt in Patriam. Nec mirum est de hoc dubitare Albertum, Ephesinus enim, insensissimus Latino-  
rum*

rum inimicus, postquam rediit, statim omnia turbabat, ut existimo significare Albertum, cum adiungit. *Quoniam apud nos pro affectionibus varia à ple-risque feruntur.*

Nota V.

*Ex Rhodo XV. Maij.* Albertus præcedentem Epistolam in Creta dedit

Kalendis Martijs: unde colligo hanc scrip-tam ab ipso fuisse, non redeundo ex Aegypto, & Syria, sed cundo ex Ita-lia, & ipsa Epistola id ipsum confirmat; dum non res gestas narrat, sed spem gerendi præbet; sequenti vero mense Decembri, Rhodum reuersus, ad Eu-genium Pontificem inde scribendo res iam in Aegypto gestas narrat.

## EPISTOLA LXIV.

BEATISSIMO PAPE EVGENIO.

ARGUMENTVM.

*Albertus rebus pro voto in Aegypto peractis, in Italiam rediens, hanc Epi-stolam ex Rhodo ad Pontificem dedit; per quam & sui itineris, & re-rum gestarum rationem, pro temporis & otij angustia, breuius reddit; reliqua in locum, & tempus, opportuniore reseruant.*

**D**E toto ordine nostri itineris, ad Sanctitatem tuam integrè scribere, Beatissime Pater, etsi ad multa legenda, quod libenter facis, esset tibi adinodum liberum, tempus à summis negotijs, quibus quotidie occuparis, ipse tamen celerimus nauigiorum à nobis recessus, præter alia quæ me urgent, impedi-mento mihi futurus esset, ne cuncta necessariò scribenda complecterer. Ac primò quidem, quod attinet ad referendas Domino Deo nostro vel mediocriter gratias, pro clementis-sima illius erga nos cura, proque miro exitu hucusque negotij, quod dextera manus eius verè perficit, pro spe denique non inani, ad quam corda nostra prouexit atque euexit maximorum futurorum per hanc occasionem bonorum, quibus iam facta bona materiam itidem spei exhibent commodissimam; Sane ad id

vnquam faciendum nullo tempore erimus satis idonei; ad explicanda, verò omnia diligenter, quo & continetia partium prædictarum, & pe-ricula ingrediendi ad Saracenos, & difficultas egrediendi ab eis, ac postremò labor inter eos latendi, tuæ Sanctitati notissimi fiant, certe pro his omnibus, & Epistolam longio-rem, & tempus mihi aptius deside-rare debetis: igitur quod angustia temporis in præsentia solum tribuit, tantummodo necessarijs breuiter in-cumbamus. Sciat itaque tua Sancti-tas, Eugeni Papa Beatissime, post fratres, quos ad te ex maximo illo Cayro ante præmiseram, in quibus Dominicus Senensis, tuus antiquior filius, prior est, nos Domino pro-tegente, *pridie Non. Octobris* (1) huc Rhodum venisse, vbi & nunc su-mus, cum legatione solemnè magni illius Patriarchæ Iacobinorum, ad quem

quem anno superiore nos miserat. Caput verò legationis prædictæ est vir quidam Andreas nomine, quem magno cum periculo, pro rabie Sarracenorum, vix tandem ex Cayro, veluti ex fornace ferrea Aegypti, & tanquam prædam ex ore immanis bellæ eripuimus, hominem non parui apud suos loci. Quod verò ad nostros, tu ipse iudicabis, cum ad te ille peruenerit. Hic cum sit Abbas centum & eo amplius Monachorum, vetustissimis illis Monasterijs eorum impendit, quæ Sanctos Patres & ædificasse & inhabitasse, atque in eisdem eos diem suum obiisse affirmant; Antonium dico, & Paulum, quos Principes Monachorum extitisse tradit antiquitas. Inter multos autem suos, ac penè dixerim inter omnes, hic solus est ausus laborem ad te veniendi, & discrimen arripere, alij supra modum verentibus furibundam insaniam infidelium, quibus si palam fieret negotium fidei, solam crudeliorem mortem adiunctam omnium Christianorum Aegypti essent & venientibus & remanentibus illaturi. Qui eorum metus non mihi videtur à ratione penitus abhorre, eum inter infideles Paganos continuò habitantes, sic eis de re sua familiari, de liberis, de parentibus, de vita corporis, de fide denique, & spiritu ipso quotidie dimicandum. Hunc verò Abbatem, quem vocat S. Antonij, tantum supra cæteros audentem, solus ardor, vt dicit, fidei ad te trahit, & vrget, vt suo labore, & operæ præclara, illa sequatur vnio, quæ non modo Iacobinos, verum etiam Regem ipsum Aethyopum, quem Regum omnium asserunt potentissimum, cum Iacobinis ipsis pariter complectatur. Cui quidem nomina-

tissimo Regi, cum Patriarcha Coptorum, qui & ipse Iacobinorum in spiritualibus caput iam diu sit, omnium procul dubio vnionem, quam cum Romana Ecclesia Patriarcha prædictus sit habiturus, iste Abbas à Rege máximo Aethyopiz probatum iri non dubitat: quod cum viderimus, per sapientiam Christi, Eugeni Papa Beatissime, esse confectum; da, oro te, gaudium, quod huic lætitiæ præponendum existimes: nam quæ eloquentissimorum hominum tunc præconia, quæ voces laudum, quæ præcordia ipsa, aut quis Sanctus affectus de tantis bonis dignè poterunt exultare? ea prædicare, atque extollere? Etsi enim Græcos, atque Armenios, Regemque Trapezuntiorum ad Sedem Petri rediistis temporibus, tuaque iam opera, & industria, propitio Christo, summè lætandum sit, totum tamen, quod cum venia prædictorum, iam eum Romana Ecclesia vnitorum; dictum esse maluerim, exigui valde momenti res est, si eam velis ad concordiam Regis Aethyopum, & populi illius, vt de Salomone legimus, veluti arena maris innumerabilis, comparare: cuius ob singularem libertatem, ob vastissima Regna, quæ tenet, & quibus imperat, ob copiam gentium subiectarum, ob bellicam virtutem, ob summas quoque diuitias, tanta potentia esse refertur, vt omnis ei obiecta reliquorum nunc imperantium Monarchia, Tribunitiz potestatis nomina fortiantur, nisi quæ de illo à suis referuntur, fabulæ sint, & vana iactatio. Quem & ipsum centum Regum Patriarcha ille suos vocat Imperatorem, è quibus XIII. Paganorum Deo & sibi Marte subiecerit, sed de hoc alias diligentius.

Nunc

Nunc verò, Beatissime Pater, iuxta prophetica vocem, *ad te iam veniant Legati ex Aegypto*: quorum iste Abbas Andreas, ut diximus, caput est. Verum ut apertius intelligas quonam etiam modo Aethyopia praeueniat manus suas datura Deo, idest tibi, qui pro vero Deo, cum reliquis Ecclesiae Patribus, & praepositis, & mortuis, & viventibus, Deus in terris es, quemadmodum de praesidentibus dicitur, *Dixi non detrahes, & applicabitur ad Deos, & ego dixi, Dixi estis, & constitui te Deum Pharaonis*, ut igitur sicut dicere coeperam, haec intelligas B. P. diligenter quæso attende; ob summum metum Saracenorum factum est, ne scilicet illis fidei negotium proderetur, ut istius Abbatis qui mecum est, comes itineris nobiscum, ex Cayro Rhodum, per Damiatam, qua perreximus, proficisci nequiverint. Fuerat autem inter nos constitutum, cum essemus in Cayro, ut Abbate mecum proficiscente, reliqua omnis societas, quæ ad Sanctitatem tuam secum ventura esset, in duas diuisa partes, duabus ad nos vijs sese Rhodum totam tandem conferret, ne simul omnes, atque eadem via, essemus nimia multitudine Saracenis conspicui. Harum duarum partium primam statuimus esse debere hominum ex Aethyopia venientium, ut & Patriarcha in ipsis, ad tuam Sanctitatem venientibus Aethyopibus, sicut eum habent, Praelatus Aethyopiz videretur, & tua Sanctitas de rebus Aethyopiz haberet, cum quibus Aethyopibus, ut cupit, conferret. Ex his autem omnibus, ordine instituto, per iter Hierosolymitanum, sex Aethyopes venturos ad

nos Rhodum expectabamus: sed vi ventorum in Cretam traieci, nos praecesserunt, ut iuxta propheticum vaticinium, Legatos Aegypti praeueniat Aethyopia: altera pars Iacobinorum ex Cypro ventura est, sine quibus, quoniam iste Abbas ex ipsis est, hinc ad tuam Sanctitatem abire non possumus. Cum ergo isti venerint, ut diligentius ordinauimus; tum quamprimum, Deo propitio, adiunctis nobis ex Creta etiam Aethyopibus, ad S. T. legatio preclara peruentura est. Tu verò interrim B. P. Apostolicis nos benedictionibus prosequendos, vel potius aduocandos, tutandosque existimans, etiam orationibus tuis adiua, ut studia tua, nostros labores praecurata, hoc Sancto concordiae Seminario, in fide ac moribus optimis, toto terrarum orbe laeto satu consperso, ea bona preclarissima pariant, quibus & infidelium blasphemantium perfidia conuertatur, & Schismaticorum rebellantium caecitas auferatur, & haereticorum oblatrantium superbia subijciatur, & Iudaeorum malignantium durities molliatur, & quod prius dicendum fuit, Christianorum verè Catholicorum, sed malè, sed superbè, sed inuidiosè nimium, dissidentium sumultas periculosa, per viscera Charitatis Domini Dei nostri concilietur, conflata in concordiam Christiani peccatoris sempiternam. Dominus Deus optimus, B. P. cuius vicem geris, in terris te, ac Sedem Petri tueatur, augeat & conseruet, in gloriam sui nominis, & augmentum Christianae Religionis. Amen. Ex Rhodo Kal. Decemb. 1440.

## N O T A.

*Pridie Non. Octobris.* Cum Albertus præcedentem Epistolam XV. Maij Rhodi, eundo scripserit, & nunc referat se Pridie Non. Octob. Rhodum rediisse, iam constat ipsum intra quinque vel verius quatuor menses, legatione

sua in Aegypto perfunctum fuisse: nam literæ, quas ipsi ad Ponnificem deferendas Patriarcha Iacobinorum dedit, scriptæ sunt 12. Septembris apud Iustinianum in Actis Concilij pag. 352.

## EPISTOLA LXV.

## D V C I B V R G V N D I Æ.

## A R G V M E N T V M.

*Philippi Boni Ducis Heraldus, ex Hierosolymitana peregrinatione rediens, Albertum in Rhodo rogavit, ut quæ in Oriente ad obsequium fidei gessit, Duci perscriberet: sed Albertus maluit res arcanas ipsius Heraldici fidei nuntiandas, quam volantis folij fortuna committere, quod in altorum manus venire possit: ideo rogat Principem, ut Nuncio fidem præbeat, magnam de Philippo famam insinuat; & veterum Francorum res profide, & Ecclesia strenuè gestas, ipsi imitandas augurat, & prolixiorem Epistolam opportuno tempore se daturum promittit, quam tamen nondum vidimus, etsi Albertus dicat se illam in chartulis dictatam habuisse.*

**C**Rebra fama bonitatis tuæ, Philippe Illustris, & testimonium virtutum tuarum, quod tibi apud me neque pauci, neque contemnendi testes, fideliter, & sincerissimè sæpe perhibuerunt, atque in dies perhibent, me, penè dixerim, compulerunt inuitum, ad scribendum libentissimè tibi non modo hæc pauca, verum etiam *Epistolam quandam longissimam* (1) honoris, & dilectionis erga te meæ, ea quidem, narrantem, quæ & te clarissimum, Principem, & me exigui momenti hominem decere putavi. Quam Epi-

stolam nostram, quia celeritate perfectionis nauigiorum, nec dum ex chartulis nostris eruere potui, in quibus fuerat primò dictata, ideo illam modo non queo penitus ad te mittere: sed erit, Christo auctore, vt hæc nostra dilatio, meliorem sœnore compensetur. Nunc itaque quod solum festinantia ingens, & variz mihi occupationes concedunt, his te paucis rogo instanter, vt huic iuueni, nostrarum portitori, & histroni, atque Heraldico excellentiz tuæ, de Sanctorum nostræ redemptionis locorum peregrinatione deuotius redeunti

deunti, vt mihi ipsi, plenissimè, & sincerissimè credas de his, quæ me primus omnium vehementer rogauit, vt ad te scriberem, quorum quidem egregiorum pro Christi Ecclesia & fide gestorum partem illi tibi referendam commisi: pleniorẽ verò rerum narrationem ad Christi, atque Eugenij Papæ Sanctissimi gloriam & laudem maximè pertinentem, nam eius studio quæ præclara omnia, & eo authore quæ digna, gesta sunt, afferendæ tibi Epistolæ nostræ, de qua supra dixi, causa maiore, & consilio grauiore referuo. Donet tibi interini, ac semper, de Cælo Deus Omnipotens, Philippe clarissime, Sanctos illos tuæ Illustris Profapiz Patres, & reliquos Christianissimos, omnis clarissimæ Francorum familiaris Principes, magno omnino, & summo æmulandæ virtutis studio imitari, *qui viri fortissimi* (2) vt ad memoriam posterorum digna celebritate historię proditum est, summo ardore fidei, & deuotione Religio-

nis accensì, omnè vitæ suæ, quamuis longissimum tempus, insignia Dei bella gerentes, tutandæ S. Ecclesię, & Christiano augendo præclaro populo consumpserunt: horum si tu mores immortalis glorię fueris promptè complexus, præter conscientię sanctimoniam, dabit tibi Dominus Euangelica pæce florere, & subactis tibi, atque omni Gallorum, amplissimo ac vetustissimo Regno inimicis nequiter aduersantibus, de fidei hostibus perpetua laude triumphare. Opto te in bonis prosperè agere, & à cladibus malorum Dei misericordia liberari. Vale Illustrissime & Christianissime Princeps. Ex Rhodumma celeritate, & currentissimo calamo, vt inepti ipsi apices protestantur, cum iam laboriosi nauæ, è portu egressuri, atque à litoribus funem soluentes, alterutro studio sibi inuicem conelamarent, sub celebritate Paschali, & die Sancto Prothomartyris Stephani 1440.

## N O T A E.

## Nota I.

*Epistolam longissimam*, & infra, pleniorẽ verò rerum narrationem referuo. Hæc & quæ sequuntur, tum hic, tum in sequenti Epistola ad Leonellum Principem Ferrariensem, ampliorẽ parturire videntur notitiã rerum ab Alberto nostro in Oriente gestarum. sed neutram vidimus, nisi fortè eadem sit vtrique mittenda, quam secundo loco ad Leonellum dabimus. At illa nec longissima est, & vsque adeo rerum narrationem non refert, vt potius tota versetur in excusationibus omnia reticendi, ne scilicet res suas scribendo, se ipsum laudare videretur.

Multas Alberti schedas, & lucubrationes interisse, vel adhuc alicubi latere, ex hoc, atque alijs Epistolarum eius locis constat, & forte plures fuerunt, quarum non meminit.

## Nota II.

*Qui viri fortissimi*. Extrat crassum volumen Hanouiz typis Vechelianis anno 1611. impressum, in quo congestæ sunt, diuersorum scriptorum historię, de rebus Hierosolymsis, & alibi, in Oriente per Francos, contra Saracenos, hoc titulo, *Gesta Dei per Francos*; sed caueat lector ne per Francos hic intelligat solos illos, quos nos

Gallos appellamus: multa quidem illi fecerunt, præferim S. Rex Ludouicus, sed multa etiam alij Principes, populi que Occidentales ferè omnes.

Quos Turci & Saraceni communi vocabulo, Francos vocant, vt in eodem volumine satis declaratum est.

## EPISTOLA LXVI.

LEONELLO PRINCIPI FERRARIENSI.

## ARGUMENTVM.

*Non minus Burgundus cupiebat, quam Leonellus ex Alberto rescire res, quas in Oriente gesserat. At ille in rebus suis referendis retentissimus, quod id proprie laudis appetentiam saperet, parauit potius Epistolam, contra hoc ipsam vitium, quam dum nondum mittere poterat, hanc quasi præambulam misit, per quam ex altera utilitatem, et sibi, et alijs prouenturam exponit.*

**T**VLit animus nuper, Leonelle Christiane Princeps, aduersus vanissimam laudum appetentiam, qua frequenter, atque in omni penè rerum à nobis gestarum narratione, leuissime nimis vitur, aliquid vtiliter ad te scribere; super qua re longissimam ad te dictaui Epistolam, ea præsertim ratione, quod eum res quasdam egregias, & priuatas, & publicas, Domino auctore, etiam præclarissimè nos gessisse contigerit; haudquaquam sit hoc vllius de nobis modestiæ testimonium, si nos eas, tanquam gloriæ appetentes, admodum celeriter, quamuis rectissimè, referamus. Magna contra ex parte erit in audientibus, & legentibus, sopita suspicio, si ad notitiam hominum gesta nostra, alijs potius referentibus, perferantur. Quo penè semper, & fides maior, & auctoritas amplior, rebus nostris accessura est; quamquam autem propriarum rerum, de quibus loquimur, id est quas ipsi gesserimus, fidelem nar-

rationem, rectè, ac sinceriter à probis, & Sanctis viris, posse fieri non dubitem; nequaquam tamen velim sine ratione factum à me existimes, vt hac de re mihi placuerit longius disputare: sed meum, vt arbitror, castum propositum, cum fuerit consummatum, hoc est si, vt gero animo, quamuis fortè mediocriter, dum tamen, & verè, & sapienter illud expleuero; erit mihi præter reliqua, commoda maximum documentum humilitatis, atque in effusis laudibus continentiæ. Apud te verò quoddam falsæ æstimationis effugium, & ne tu mihi succenteas, etiam remedium singulare, quoniam ad te scribens, & quæ gessi, Christo propitio, animum iam integrum malens tacere, quam proloqui, ea nunc noluerim. (vt forte vehementissimè cupiebas) ex ordine recitare. Si præterea, qui certè sunt, aut suarum laudum insolentia summa leuissimi, aut in proprijs, quæ fecere, narrandis ardentissimè cupidi, & iactantissimi

arrogantes, habebunt, si volent, ea nostra disputatione, vnde ad grauiorem seueritatem traducti, à petulantia pestifera gloriæ vanioris de se ipsis seu vera seu falsa narrandi, per contemptum detestabilium laudum, liberentur. Prædictam verò Epistolam nostram, contra suarum laudum arrogantes, iam pene perfectam, nunc edere potuissem, si non maxima scriptorum penuria, & celer valde superiorum recessus hoc effecissent, vt illam ad te in præsentiam, mittere non potuerim. Etsi enim dictata sint omnia, angustia tamen, temporis non suppeditat facultatem, vt ea ad te, cui inscribuntur, mittenda ab integro politius rescribantur, quod attinet dumtaxat ad venustam formam pulchriorum apicum, & elegantem faciem literarum, vt tandem in chartis papyricis, atque his incompositis obcluse sententiæ, tanquam ex medijs spinis creptæ suauiores rosæ, fertis iucundioribus inferantur. Hæc cum ita sint, Leonelle charissime, tu longissimam, quam sum pollicitus, Epistolam patientissimè expectabis. Hac interim vicaria nostra schedula, veluti nobis præsentibus recreatus: cui pro amore erga nos tuo, & reditus noster voto

& absentia nostrâ molesta est. In literis autem nostris eloquentiam non requiras, quam cum nullo tempore neque professi fuerimus, neque eam siue volentes, siue debentes potuerimus exhibere; nunc tantum id maximè verum est, quando ex nonnulla, quamuis inuita, cum infidelibus molestissima nobis consuetudine, stridoreque barbarico, sordes vel aliquas in elegantia contrahentes Saracenicum magis, & tumultuosum clamorem, tanquam caninam, vt aiunt, facundiam, quam Romanam eloquentiam sapiamus. Putato igitur, & hanc, & illam Epistolam, quæ ad te peruentura est, sine multa latinitate, partim quidem de nostro itinere simpliciter differentem, quæ gloriam nullam redoleat: partim verò, ac multo magis leues appetitores suarum laudum, tum beneuolè, tum acriter arguentem. Vale, & me, vt soles, ama, amicosque saluta, quibus & has communes facies, & Patri Episcopo, ac Præceptori communi me commendabis. Ex Rhodo die Sanctissimo Prothomartyris 1440. commendo tibi harum baiulum, in his, quæ illum iusta postulare, iusto iudicio comprobabis. Iterum vale.

## EPISTOLA LXVII.

EIDEM LEONELLO.

## ARGUMENTVM.

*Hæc est longa illa, quam in superiori pollicitus est, contra appetitores vanæ laudis, per quam docet, quantopere cauendum nobis sit, à narratione rerum, quas ipsi gesserimus; primo ne maleuolis, elati animi indicio, calumniandi nos occasio præbeatur, secundò vt ex aduerso, modestia nostra*

*stra omnibus innotescat, tertio exemplis Philosophorum, quarto exemplo S. Pauli Apostoli, & Christi Redemptoris, quinto documentis Euangelij: propter quæ dum author noster, res suas consultò reticet, silentij sui peculiare causas adducit. Narrat tamen parè, quæ celare non poterat: venire se in Italiam, ducta legatione Aethyopiæ, & Aegypti Iacobinorum ad pedes Eugenij Pontificis, ut Romanam fidem docti, ut unum Christi Catholicum ouile compaginarentur: ex quo quanta causa gaudij Ecclesie prouenerit, explicat, eamque Eugenio Pontifici acceptam refert. Tum de Rege Aethyopiæ, eiusque nominibus, & potentia, ac de Patriarcha Alexandrino Iacobinorum, Aethyopiæ, & Aegypti. Ad caput reuersus, iterum excusat, quod res a se gestas non scribat, ea addita ratione, ne in contumeliam Sedis Apostolicæ, primo alios mirandis nouis compleuerit, quam Eugenium Pontificem cunctorum, quæ gesta sunt, fecerit ante participem.*

**S**Olet mihi sæpe videri, Leonelle Christiane Princeps, eam narrationem rerum, quas ipsi probè gesserimus (1) vel semper, vel pro tempore summo opere nobis, si sapere velimus, esse cauendam: maximè verò, quo ad recta ratio aliud fieri debere persuadebit, ne maleuolis inuidiosa æmulatione, quærentibus occasionem calumniandi, eandem minus cautiore, tum nostra non necessaria gestorum narratione, tum etiam quibusdam malè elati animi vanissimis indiçijs tribuisse videamur. Hoc cum fecerimus, proculdubio præclare sequerur, ut ipsa nostra de rebus gestis, & stylo, & verbis, per sapientiam compressa loquacitas, ab insolentia iactationis abrupta, summam quandam compositi ac sapientis animi moderationem, atque modestiam. ipso nostro casto silentio, & Sanctæ taciturnitatis testimonio proloquatur. Huius præclari generis, ab insolenti laude temperantiæ, cuius Philosophos penè omnes, veluti animalia, ut dicitur, gloriæ extitisse Christiani cognoscimus, exemplum egregium, & nulla è mentibus nostris obliuione delendum, in Apostolo nobis Paulo

præbitum est. Qui Diuina sapientia, summa eloquentia præditus, in rebus gestis, ac gerendis, omnium victor, vas electionis, claro cognomine appellatus; ut erat tamen, ob insigne mansuetudinis, in nulla re intemperantis animi, omni quidem tempore de se ipso, non solum humilia, sed penè abiecta, & vilis sentiebat: Ea proinde animi lenitate, arte mirifica, in illo siebat, ut patrorum factorum memorabilem, quæ semper duratura nunquam excideret, quæ maxima ac cælestia cognouisset. Cum autem illum publica utilitas compulit confutandæ hæreseos, atque ædificandæ Ecclesie filiorum, quos in Christo genuerat, tum solum & primum sese commendans, ea quæ annos quatuordecem abdita etiam charos latuerant, mysteria sublimia patefecit: sed hoc ipsum cum quanta modestia fecerit, quis cæcus non videat? purgat enim se laudantem, excusat, refellit, optat, veretur, & ante laudationem quidem suam, quamuis pernecessariam, tanquam concilians indignas abundas auditorum mentes, *utinam*, inquit,

inquit, *sustineretis modicum quid insipientie mee, sed ego supportate me.* Post laudationem verò, in qua pseudo-Apostolis semetipsum longe prætulera, *insipienti factus sum,* ait, *ego enim à vobis laudari debebam, sed vos me coegistis.* In vno sagax, in altero solers, in vtroque modestus. Verum dixerit forsitan Sciolus quispiam altior, quam sapientior iacturam permaximam veritati huiusmodi virtutum nostrarum silentio prouenturam. At ego aduersus hanc vocem sententiam meam, confidenter, atque audacter pronunciauerim, nequaquam scilicet sobrijs Christianis esse verendum, ne res illustres ad sensus hominum, & ad animos eorum non perferantur; si nos eas ob insigne humilitatis, & ob pudorem Christianæ verecundiz tacuerimus; cum religiose virtutis natura præstans magis ita se habeat, vt quo eam plus per modestiam occultaueris, eo plus illa se efferat, plus aturgat, odoris Sancti, & integræ famæ communi eam conspersione latè vulgante; quantoque magis illa insit diligentia latebrarum à gloria sæculi, tanto, Deo reuelante, & studijs hominum facientibus, palam est: etenim salutaris occultationis mitiore ac pia opera, alleæ hominum mentes tanquam diuinitus prouocantur, ea potius omni studio propalare, ad quæ tutè, vt ita dixerim, *secretanda* (2) niti maluerimus. Si ista non credis mi Leonelle Frater, præter infinitam molem innumerabilium exemplorum, Saluatoris tibi testimonia concrepabant, ingerentur documenta, tonitrua pauenda terrebunt: *Qui* & ipse præter id primum, quod ab anno ætatis suæ duodecimo ad trigessimum vsque latuit:

propter quod, pleraque suæ sapientiz non aperuit, propter quod dignus habitus à populis, Rex fieri noluit, propter quod Dæmones illum laudantes compestuit, atque vt huius generis infinita præteream, quæ & ipsa omnia humilitatis nobis documenta fuere, quis Christianorum non videat, normam nobis fugiendæ iactantiz præbitam esse: quandoquidem & fragiliores suos fideles admonuit dicens. *Cum facis elemosynam; noli tuba canere ante te, ego nesciat sinistra tua, quid faciat dextera tua, & cum oraueris, non eris in angulis platearum, sed intra in cubiculum tuum, ego clauso ostio ora Patrem tuum.* Apostolus quoque, qui & ipsi omni Ecclesiæ perfectionis Principes erant futuri, cum adhuc essent infirmiores, ea quæ, ipso iubente, supra testà palam erant toto orbi dicturi, ante tamen eos in aure docuit, vt emortua prius per mansuetudinem lenitatis, & per sobrietatem laudationis, vana iactantia, altiore dogmate, quam Pythagoras ille præbuerit, per humilitatem primum bene tacere, post bene proloqui nosset, & vtili nimis sermone, vtiliore castè eloquentiz sermone suis motibus moderari perdiscerent. *Quæ* cum ita sint Leonelle suauissime, quamquam mihi ad te scribenda plurima cogitanti se ingerant, quæ ingentem gloriam suis auctoribus valeant comparare, nihil tamen eorum diligere magis statui, quæ ad narrationem rerum plenissimam pertinerent, quam vt nos noscas sospites ad Christianos Catholicos iam redisse. Quod ipsum & tibi gratum esse non dubito, & id ipsum, ego ex causa quam postea dicam, plusquam dici possit optaueram. Reliqua verò penè omnia, quæ

quæ annum iam integrum ab Italia absentes gesserimus, consilio prætereo. Nam si velim cuncta, aut sapienter, aut eloquenter, cum tamen neutrum queam, tibi ex ordine recensere, quæ & acerbi nostri itineris difficultas, & acti per nos negotij, Christo duce, atque authore, amplitudo postulare videantur, vereor primum, ne id gloriam quandam inanem stultæ iactationis redolet, maximè apud eos, qui ignari quemadmodum Christianæ mentis intentio in rebus factis referatur in Deum, æstimant sobriam in scribendo rerum gestarum laudem, tanquam aucupium quoddam propriæ excellentiæ hominum conspectibus callidius exhiberi. Accedit deinde, quia non Epistola nobis erit, sed penè dixerim longa historia retexenda, si omnia prosequamur, quæ præclarum factum tam integræ causæ desiderare cognoscimus. Postremò ipsi exigui temporis permagnæ angustię nos profus excludunt, ne ad te cuncta dicemus: tamen nobis facile persuadere possemus, aut obtractatores non iniquo animo ac maleuolo laudes nostras, si quas malle-mus dicere, interpretaturos, aut te ipsum, siue quicumque hæc nostra lecturi essent, longitudinem quantamlibet gratissimo animo accepturos. Hæc cum ita se habeant video mihi id tantummodo commodius faciendum, vt egregiè gesta nunc propè cuncta præteream, quæ alio loco sine vllius fastus suspicione, ex me ipso præsertim, aliquando forsitan securius poteris audire; quæque vel Deo inspirante, vel fama vulgante, vel re ipsa manifestante, vel alijs postremò narrantibus, tibi atque cæteris notissima erunt, præsertim

ea tibi ex parte significante Alberto illo tuo Ferrarienti, qui quam mihi pari nomine est valde simillimus, tam me iucundo cognomine longius antecellit, vsque adeò, vt non exiguo vocabulo mihi videatur, vt vocatur *Dulcillus*, vel si latinus dico, *Dulcettus* (3) sed maiore quadam compellatione dulcissimus sit habendus. Cum quo me spero celeriter ex Rhodo, quæ prima Cycladum est, & vbi nunc ambo sumus, ad Italiam reuersurum, quamprimum ille legationem suam e Syria ad Ecclesiam deferendam expleuerit (4) nos verò nostram ex Aegypto ad Sedem Petri tulerimus. Ex ipsa autem, quam nominauimus, vetustissima Prouinciarum Aegypto optamus vehementer hunc Principem huius nostræ legationis, quem ex nomine Christianorum Aegyptiorum nobiscum nunc ducimus, Eugenij Papæ Sanctissimi speciosissimis iuxta Apostolum pedibus, summa cum exultatione substernere: Virum sane inter suos non exigui loci, quem Abbatem & Patrem dicunt magni numeri Monachorum, eius procul dubio Monasterij in quo veterem illum Anthonium Aegyptium Monachum, Principem maximum Monachorum, notissimum orbi terrarum, maiores nostri & vitam longiorem duxisse, & diem sanctiorem obiisse commemorant. Hunc nos, quanto cum periculo, tanquam prædam ex ore Leonis, ab illa Saracenorum, quæ ab Incolis Cayra dicitur, famosissima, & vetustissima Vrbiua, eduxerimus, quoniam pene nihil gestorum tibi significare proposui, & hoc vnum de industria, & illa, vt iam dixi, quasi cuncta prætereo. Finem dumtaxat rerum omnium tibi nosse suffe-

cerit :

cerit: ob id, scilicet, illum venisse nobiscum, quos Pontifex Maximus huic negotio destinauerit, vt ex persona magni illius Patriarchæ, sui, ac omnium omninò Iacobinorum, misso eodem Romam pro legatione S. Concordiæ, sicut & vnico consilio & publica inter nos conuentione simul statueramus, etiam Regis Aethyopum, & cunctæ Aegypti erga communem fidem causa ventiletur: in quam cum in plurimis, maximisque articulis inpingentes, à regula fidei periculose valde, atque obstinatè aberrerent, eadem tamen causa, cum Romana primùm grauitate, diligenter discussa, fructus ex ea tandem pacatæ discordiæ, cœlestisque vnionis, Ecclesia Christi, & Cœlo ipso æquo iure exultante, proueniant. Iuuat me Leonelle iterum atque iterum præ lætitia tam illicibili, si de Sanctis loquamur mentibus, deque Diuinis suauitatibus castissimæ voluptatis & repetere, si modo non te tordeat legere, & exargere, quod dixi futurum, scilicet vt & Ecclesia Christi, & Cœlum ipsum, suppressa prisca discordia, ac noua aucta concordia, æquo iure, id est sinceriter, & non inepta iucunditate, exaltet: nam si hosce æterni odoris iucundissimos fructus nostra ætate in Ecclesia Christi, non dicam contingere, non gustare, sed tantum eminens spectare contingat, quis vllis verbis integram fidelium lætitiã explicauerit? quid iucundius, quid lætius accidere potest? quam abiecta antiqua sterilitate, videre Diuinas arbores sc̄elicibus radicibus latè virentes, cœlesti pluuiã reuiuas, spiritu vitali amœnas, superna fecunditate feraces, fructus Diuinæ sationis, & Apostolici cultus, quibus summa auiditate Chri-

stus vescatur, vberimos edidisse; quæ prius aridæ, sc̄edæ, ac steriles, æternis adurendæ parabantur incendijs, & Diuino, eodemque vltice, secandæ ferro, solis aptz videbantur struendis infernalibus rogis. Nunc verò, quæ voluptas præstantior dici potest, quam restinãtis veteribus odijs, intueri in Ecclesia pacificam charitatem, atque ab antiqua illa, & male decrepita nongentorum, & eo amplius, vt ferunt, annorum dissensione, & maximè hæreseos similitatè, in amplexus pristinae quidem; sed & quod est longe suauius, Euangelicæ amicitiz, & Apostolicæ necessitudinis iam redisse. Equidem hoc loco, mi charissime Leonelle, ipsa spe frugum, veluti suauissimæ rei recordatione commotus, pro qua laborum meorum grauiissimam perpersionem ignoras, quod ad me attinget, vocem lætitz erumpere conantem compresserim. At verò pro Eugenio Beatissimo, resistente mundo, libera voce, sublimius acclamauerim: ò Pontificem præclarissimum, & veri Pastoris Christi, nec minus Petri imitatore: qui summo studio pauendæ solitudinis, mille diris mortibus, etiam in vltimas vsque terras, errabundas oues pij Pastoris exquirat. Verùm inter hæc omnia, vt ad finem cito pergamus, & tibi, quam supra pollicitus, rationem exhibeam; opto, quamprimum fieri potest, ad Italiam remeare: cuius honesti mei, vt arbitror, desiderij, præter reliquas omnes, atque eas per multas causas, illa præcipua est, quod mihi videor apertè perspicere, necdum Deo nostro pro meis sceleribus placuisse, vt vel illi exhiberer, per Martyrj gloriam (5) iuxta Scripturam S. holocaustum medullatum,

ac suauissimum : vel vt Sedes Petri statuerat, pro Catholica fide augenda, in Aethyopiam transigrarem, ad Regem illum Aethyopum, potentia, vt ferunt, ac diuitijs, vtinam etiam recta fide, omnium præstantissimum: Quem nos quidem vulgo, & vsu penè quotidiano, *Presbyterum Ioannem appellare solemus* (6) Sui verò hoc de illo nostrum nomen ridentes, eum pro gloria ac potentia magnitudine, & pro honoris exhibitione Constantinum, communi dignitatis nomine vocant; veterem illum Romanæ Reipublicæ Principem iactatione potentia referentes, qui prior Christo ex Augustis, vt memorie præbitum est, post Philippum, fidei baptismum suscepit. Atque adedè illi quidem in suo illo Rege videntur vetustatis memoriam reuocare, & ostentare vires; vt licet Rex ipse eorum, exempli causa, siue Iacob, vt iste qui modo Aethyopiæ præest, siue aliud quippiam nomine proprio vocitetur, præter vsurpationem Romani nominis, atque terroris etiam; cum non vereantur Regem Regum, velut imperantem omnibus orbis Regibus appellare, quæ sanè superbissimi nominis varia iactatio omnimodis execranda est, ac detestanda fidelibus, cum tantæ gloriæ clarissimus titulus, neminem præter Christum decere, & ratio persuadeat, & fides edoceat, & rectissimus ac vetustissimus vsus ostendat. Quem quidem Christum nostrum, Ioannis Apocalypsis diligentissima, perspicacitas, pro summæ illius gloriæ maiestate, sapienter distinguens, Regem illum solum cunctorum Regum, & Dominum dominantium, subacta omni omnino seculi potestate merito statuerit nominandum.

Illum ergo Regem Aethyopum, vt ad propositum redeamus, qui centum Regum Imperator esse refertur, è quibus tredecim Barbarorum duro Marte subiecit, Constantinum per dignitatem, vt prædiximus, dicunt; quamuis nomen aliud in Baptismate sortiatur; quæ mihi differentia tam minus admirationis afferre probatur, quam magis cum doctis viris de his rebus loquendum sit. Neque enim tu ipse es nescius, doctissime Leonelle, & nunc vsque apud Romanos Cæsares, atque Augustos, penes quos summa rerum est constituta, & olim apud Aegyptios, siue Pharaones, siue Tolomeos, siue nunc quoque Soldanos vocari solitos, quamquam eorum quisque, & modo, & hæcenus, propria non dignitatis, sed personarum nomina sortirentur. Itaque & nos quidem eiusmodi vsus cum reliquis non ignari, potentium congruas appellaciones, pro tempore & pro sublimitate gradus, damnare non audemus; nisi cum quisque superbi nominis insolentia, nimium se extulerit. Atque hac mente ealocuti sumus, quæ de Rege illo Aethyopum superius diximus. Quem cum nequaquam aliquando viderimus, sua tamen permulta in Agypto didicimus, ab his qui se illum vidisse, & sua omnia nosse profiterentur. Verum de illo hæc hæcenus. Nam de Patriarcha illo suo, cum quo fidei causam agentes, sæpe & multum locuti sumus, si fortè vel breuiter aliquid scire desideras, nihil aliud in præsentia dico, nisi quod etsi habitatio ac mora illius, non in Aethyopia sed in Agypto, atque apud Cayram continua sit; Aegypti tamen totius, & omnis Aethyopiæ curam gerit. Quam verò ob causam, neque

in

in Alexandria, cuius insigne officij possidet & titulum dignitatis, neque in Aethyopia, cui & imperat, & capita præficit, sed in ipsa semper Cayra vitam degat, nimis est longum disserere: satis est nosse in his, quæ ad Deum pertinere videntur, hoc est in spiritualibus curis, Patrem eum esse & Pastorem, & caput duarum illarum Prouinciarum, alterius vetustissimæ, alterius maximæ, ditissimæ, potentissimæ, & cuius, ut reliqua prætermittam, vulgi maxima multitudo, & ingens frequentia populorum incredibilis esse refertur; quæ & fortissima est, & miro ardore fidelis, si non esset multis errorum, fordibus, credo per suorum pastorum, vel ignorantiam, vel perfidiam, inquinata. Nobis autem pro longitudine, ac difficultate itineris, patria illa penè inaccessibilis est. Nam quam & deserti horrenda vastitas, & infidelium insana ac sæua barbaries vndique eingere perhibetur, nullis sane ad eam, nisi cum capitis quoque certo periculo, & mortis vicinia volentibus proficisci, vllus patet accessus. Patriarcham verò, ut dicere cœperam, post Romanum tamen Episcopum, omnibus Prælati Ecclesiæ, hæc quidem ambæ Prouinciæ præstare confirmant: Iacobini prætereà eiusdem Patriarchæ proprium, & terribile genus, hoc eum esse quod diximus etiam vehementer contendunt; tenentem, ut aiunt, loco præclaro Euangelistæ Marci veterem illam, sed ut ego sentio, vere vacuam Sedem; & spiritali edicto, omni, ut diximus, Aegypto atque Aethyopiæ imperantem. De cuius, à subditis omnibus, quamuis præclaris Regibus, exhibita illi summo cum honore, summa obedientia, deque

conditionibus, ac reliquis moribus si dicere prosequar, grandis nimium futura erit Epistola. Quod ego quia fieri nolim, atque ut tandem aliquando finem dicendi faciam, hæc ad te de nostro itinere scripsisse sufficiat, atque ad cæteros nobis notos, eosque maximè, qui cum hæctenus fuerunt nostri, etiam deinceps sese fore amicos nostros pollicebantur, hodieque, ut arbitror, in amicitia perseuerant. In quibus post te quidem, si non acriter ferant, sed pace eorum, ante reliquos omnes, præceptor communis præcipuè Princeps est: Augustinum verò Villensem illum, Franciscum Marefcalcum, Philippum Bendedeum, ut nequaquam se putent profunda apud nos obliuione sepultos, tute illos non estimes nostro silentio posthabendos. Hoc autem in scribendo, ut præuides, diligentius obseruare curavi, ne per occasionem narrationis omnia explicans, viderer me ipsum vanis præconijs, rerum magnificè ac probè gestarum, inaniter prædicare, atque extollere voluisse: non quia *queque præclara* (7) si id tempus, & locus, & causa aptè postulant, & rectis mentibus, rectè ac sine vitio narrari non queant: sed quia mihi modo hac potius parte modestiæ uti collibuit, ut vel me admonerem, non facile, quæ egregiè quamquam gesserimus, proprijs aut Epistolis, aut sermonibus efferenda, quæ tamen & ipsa ab alijs bene ac sapienter facta, & nos ipsi sæpe honestissimè prædicamus, & maiores nostri summis in Cœlum laudibus, summoque splendore, & gloria omnis eloquentiæ extulerunt: ex quo fit procul dubio, ut quamuis mihi modo hoc scribendi genus, tanquam linguæ, & calami

castimoniam complectendam existimauerim; haudquaquam propterea mihi ipsi à me ipso putem esse præscriptum; quominus ea possim, quæ tacui, cum uoluerò explicare. Itaque tibi, vel reliquis amicis, de his alias forsitan plenissimè scribens, suauissime Leonelle, ea omnia, quæ silentium nostrum per modestiam, huc usque protexit, cum liberit, plenissimè referam, si mihi hoc faciendum esse, aut consueta ratio per-

suaserit, aut communis utilitas consulerit, aut vrgentis postremo causæ necessitas vlla compulerit. Præsertim, si ea primum, vt dignum est, post reditum nostrum Eugenio Pontifici Maximo coram retulero, ne in contumeliam tantæ Sedis, primo alios mirandis nouis compleuero, quam illum cunctorum, quæ gesta sunt, fecero ante participem. Vale ex Rhodo 1440.

N O T A E.

Nota I.

*Narrationem rerum quas ipsi probe gesserimus esse cauendam.* Albertus quidem hæc, quibus excusaret se à narrandis alijs hominibus res à se in Oriente gestas, priusquam Eugenio Pontifici referret, cuius auctoritatis gratia sunt, nos de hac questione hic nihil: eam enim fusè & vniuersim tractauimus in Epistola, quam à nobis ante multos annos exegit Illustrissimus D. Michael Iustinianus Abbas: quæ quoniam ad rem elucidandam aliquid conferre poterit, integram hic edetivisum est, vt sequitur.

ILLVSTISSIMO DOMINO  
MICHAELI ABB. IUSTINIANI  
PATRICIO GENVENSIS.

FR. FRANCISCVS HAROLDVS  
HIBERN. ORD. MIN.

**P**ræsentiam tuam ( clarissime Iustiniane ) desideratissimam, sanè mihi, reddere solet colloquij tui iucunda utilitas. Neque enim à te vnquam non lætior, doctiorque recedo; cum & res ad profectum optimas, & opportunas, atq; ad voluptatem semper nouas ad-

ferre consueueris. Sed ad eò abundat erga me humanitas vestra, vt absenti quoque mihi non liceat modo, sed etiam amicè per te præceptum sit, tecum pariter absente conuertiari; vt præsentis fructus & oblectamenta etiam absenti mihi non desint. Cum nuper inter nos de historica seriptione sermo incidisset, nouam questionem, sed antiquis rationibus dubiam excitasti: an rectè sentiant, qui arbitrantur propinquorum facinora à nemine literis commendari debere, quod inanis gloriæ studio id fieri videatur, vt maiorum præconijs, magni ipsi haberi possimus, vt specie quadam Idololatris, vel viuos nos, vel vanas defunctorum vmbas, ab alijs adorari cupiamus. Proinde quæcumque huiusmodi scripturi sumus, non rectam rationem, non amorem veri, non communem utilitatem, sed nostri philautiam eccam illam, & cæcorum ducem, ea nobis dicere credendum esse; etenim propinquitatis affectu facile fieri, vt vel fingere aliquid velimus, vel vltra modum extollere, vel præter æquum

excu-

excusare, vel in aduersum acrius inuehi. Et quidem propter hæc, antiquo iure, propinquos & familiares, à ferendo testimonio, iudicioque prohiberi; præterquam quod laus in ore proprio semper fordescere visisset: vt quam rectè Salomon: *laudate alienus, & non os tuum, extraneus, & non labia tua.* Timenda est semper censura, quæ, Catonis nomine, pueris etiam instruendis proponitur.

*Nec te collaudes, nec te culpaeris ipse.*

*Hoc faciunt stulti, quos gloria vexat inanis.*

Atque ex his quidem illi, quamquam diligentis operæ pretium æstimant magnorum virorum acta, & consilia, alijs ad imitationem exponere; id tamen vt ipsi faciant, aut qui iidem cum ipsis censerentur possint, neutiquam expedit.

At ego, cum hæc tecum discutere gestirem, tu iussisti, vt illo temporis alijs rebus concessis, ego rem à me scripto, vt rogasti, disputandam tibi traderem: sed luadendo, vt facerem, fortius dissuasisti, dum diceret, plurium te ac doctissimorum hominum sententias, in eandem rem colligere velle, & inter eas, meam etiam collocare. Hæc enim, vel sola præfatio doctissimorum hominum deterruit me, ne suffragium meum, nec iudicio solidum, nec stylo comptum, nec eruditione amatum, nec sententijs floridum, in illo musarum choro productum, illud me graculum demonstraret: sed occupauit etiam animum meum periculosius dilemma, & calamum diebus multis suspendit; nam si à sententia ferenda me subtraherem, tu me statim violatæ amicitie reum

constituebas; si cum illis consentirem, quorum opinionem iam exposui, me ipsum condemnabam: qui de Franciscanis rebus, ex officio scribo; quibus vita, & voto coniunctus sum. Si verò de suis, cuique scribendum edicerem, illi coninuo accusationem suam repetebant: nempe me causam propriam in his agere, atque aded ab hoc tribunali, vt testem non idoneum, repellendum esse: propterea quocumque me verterem, factum meum non tam profuturum argumento, quam nociturum auctori præuidebam. Malui tamen hoc qualecumque discrimen oppetere, quam vel officium amico, vel suffragium veritati denegare: mollia enim officia sunt, & virtute vacua, quæ nulla difficultate, nulloque nostro, vel damno, vel periculo præstamus. Igitur, vt mihi eueniat, eo sanè auctoritas & ratio me pellunt, vt pronunciem, non licere solum, sed etiam expedire, vt suorum res gestas aliquis conscribat, immo quandoque suas, cum id communis, vel propria necessitas, vel condigna vtilitas, maiorumue auctoritas postulauerit, Etenim qui

*Quidquid est potentia*

*Magna creauit, nec regit*

*Minorum prouidentia,*

Is mihi non minus videtur occulta sua vocatione hominum corda tangere, ac trahere voluntates, cum hunc ad coniugium, illum ad celibatum, istum ad religiosæ vitæ rigorem, alium ad sceptrum, alium ad Stiuam vocat; Titium castris, Cadium aulæ, Antonium Eremitæ adaptat; quamcum docti cuiuspiam, & integri viri mentem, & calamum, in certa scriptiois argumenta, ad gloriam suam, & Reipublicæ vtilitatem

tatem dirigit, aut etiam impellit. Quid prohibet autem, si quempiam ad suæ gentis, aut proprias res ita scribendas, Diuina uocatione concitari dixerimus? cum iam constet Moysen è fluctibus, & communi contribulium nece creptum, ut sua, & populi sui res tum gereret ipse, tum ipse narraret: aut reliquos veteris testamenti scriptores negabimus à Deo uocatos, ut scriberent? & tamen Iosue quoque bella sua, & populi ductum; Iob prioris uitæ suæ prosperitatem, filiorum delicias, personæ sanctimoniam, tentationem, uictoriam, & restitutam suis meritis substantiam, & prolem, denique pecus ipsum enumerat. Dauid quid uitæ suæ canere prætermisit? Ursum & Leonem occidisse, ipse nobis auctor est. Quid sapientissimus Salomon omisit suæ? Samuel de se ipso & sua matre? Tobias de se & suo filio? Estheris acta scripsit Mardochæus, eiusdem sanguine patruelis, & educatione pater. Cæteras res Hæbræorum numquid non omnes fere, qui scripserunt, Hæbræi? Post Christum quis vel sanguine, vel patria, vel etiam persona, vel saltem patrocinio coniuictorum opera, iubente Deo, nobis non tradidit? dicemus igitur Patriarchas, & Prophetas, dicemus Euangelistas, dicemus Lucam in actis, Ioannem in Apocalypsi, Paulum in Epistolis, uanæ gloriæ, Philautiæ, vel Idololatriæ criminibus laborasse? dicemus ne omnes aliquid finxisse? vel supra modum extulisse, aut præter æquum excusasse; seu ipsorum testimonijs fidem, vel sententijs obedientiam denegabimus? blasphemiam! et si nobis obiecerint auctoritatem Diuinam, quæ illorum libris inest, non

permittere paritatem. Ego potius id mihi in lucrum sumo: nam quidquid Deus, ac Diuini homines, vel fecerunt ipsi, vel alijs faciendum dicitur, illud nobis exemplo, hoc documento esse debet: Nec uideo cur Deus Moysen scribere iuberet, ut fidei Diuinæ auctoritatem habeat, & non possit imperare Cæsari Baronio scriptionem, ut crederetur ipsi fide humana, & tamen humilis & modestissimus Baronius, etiam de se ipso aliquid. Legant Augustini & Confessiones, & alia de se, de Patre, de Matre, & de laudibus Adeodati filij, ut ipse uocat, peccati sui. Legant Hieronymi Epistolas, Gregorij Nanzianzeni uitam à se scriptam. Et hos, aliosque similes, qui innumeri uiri præstantes, suas, & suorum res conscripserunt, à testimonio, iudicioque repellent? Credent Iosepho Iudæo, vel disertissimo Philoni, & alijs eiusmodi Iudaica narrantibus? credent Polibio, vel Thucididi Græcis, Græca scribentibus? credent Crispo, Suetonio, Tacito, laudatissimis Romanarum rerum Scriptoribus Romanis? credent denique Iulio Cæsari uictorias fortitudinis suæ, & ingenij machinas, & stratagemmata, nudè, rectè, uenustè referenti? credent oppidò, quamquam gentilibus, quibus terrena gloria patrimonium fuit, cum cœlestem non expectarent. Credant ergo Christianis, in quibus religio mendaciam, uerecundia uanitatem cohibet, dummodo inspirante Deo, uel suas, uel suorum res, grauiter, & modestè scribant. Porro quis nesciat quanta nunc sit, & semper fuerit fides Epigraphis, & Epitaphijs, quæ incidi curarunt aliqui sibi ipsis, Patres filijs,

filijs, filij parentibus, mariti charis vxoribus, nepotes Auis & Ataus, clientes Patronis, amici denique amicis, vt memoriam illis ponerent, non nisi corrolo esse, vel comminuto marmore perituram: de quibus loquens Iulius Iacobinius, vir eruditissimus, in Epistola præfixa ad comment Ioan. Baptistæ Frontei de prisca Cæsiurum gente, sic censet. *Meo quidem animo, à doctis & literatis viris consultum mortalibus est, vt scilicet quæ plures homines præclare fecere, facta ipsi perscriberent, & in pluribus quasi tabellis expressa, hic atque illic exempla ob omnium oculos obijcerent: ex quo homines rerum laudabilium præsidijs, ad omnia muniti existerent, indiesque fieri prudentiores possent.* Sane qui eruditi viri vitam contexuerit, non gemmis viliora reputat, si quæ ex ipsius operibus fragmenta, ad personam pertinentia, colligere potest. Quam fidem habebimus nauigationum, itinerum, nouarum conquisitionum, propagationis fidei, priuararum actionum, consiliorumque relationibus, in quibus & actor & nuntius ferè semper idem? Omnium consensu, nemo ad historiam conscribendam est magis idoneus, quam qui rebus gestis interfuerit; sed ille quis certius, quam qui gesserit? quis diligentius, quam qui suum in opere habet? quis cautius, quam qui actionis defectum, & scriptiois mendacium simul sibi exprobrandum timeret? Cum de alienis scribimus, quæ nobis notiora esse, aut commodius, certiusque discere potuimus, quam quæ ab apertis primum auribus Domini nostræ, perpetua traditione, audiimus, quæ à soluta infantis lingua, per partes interrogauimus, quæ

in Maiorum trophæis, in picturis, & sculpturis, in ipsis operibus, oculis nostris conspeximus, & in secretis documentis manus nostræ contrectauerunt? quæ scriniorum custodes, nulli liberius, aut libentius, quam domestico pendent. Quod si de Patria scribendum sit, indigena itinerum vias, actionum opportunitates, & obstacula, hominum mores, & alia his cognata percurret; in quibus alienigena ad singulos passus, vel cespitat, vel sæpius cadit. Verum tamen, quæ aduersus hæc prius allata sunt, prima fronte prohibere videantur, vt nemo suæ ciuitatis, aut patriæ; nemo propriæ Religionis acta, nemo Christianus Ecclesiæ Christi historiam, nemo Gentilis præcorum heroum facinora, non miles rem bello gestam, non Senator consulta, non iurisperitus Principum decreta, vel scira plebis, non nauta cursum Oceani, non medicus herbarum vires, aur curationis modos, non etiam mercator libros rationum, conscribere debet: nam & hic obolum debitoribus addere, creditoribus demere possit; nulli denique in arte sua credendum fore, atque adeo omnium iudicio, & consuetudini contraria esse, quispiam suspicari posset: ego tamen de rebus suis, vel suorum scripturienti, quamuis hæc scriptiois impedimento fore, debere nullo modo consentiam, certè tamen, vt moderationis documento, & cautelæ sint omnibus suaderem; vt etiam ipsi mihi optarem, vt optima mente opus aggrediamur: vt nihil tribuamus philautiæ, vt adulationem procul pellamus, vt non tam laudare nos, quam alios nostrarum, vel aliarum, de quibus scribimus, actionum imitatione laudabiles

les faciamus . Denique vt in scribenda historia , nihil eorum committamus , quæ vel superius obiecta sunt , vel posterius meritò nobis obijci possint . Sic enim in omni tribunali testes erimus , omni exceptione maiores . Nec terret illa propriæ laudis prohibitio , nec enim Encomiastes esse debet , qui res gestas narrat : & si quid vel improbat , vel commendat , non id affectui , sed orationi concedit ; nec malevolentia , aut fauori personæ , sed integritatē , & rectæ censuræ , de factis ipso , quod ea ratione , vel imitandum , vel deuitandum efficacius inculcet , vt excitet lectorem , non tam admiratione personarum , quam amore virtutum , & cognitione autoritatis bonorum omnium , ad quæ , quos vult , eligit , & quos vult , relinquit . Etenim cum Christus Dominus opera nostra bona , ad gloriam Patris , ab hominibus videri posse concedat , certè Salomon haudquaquam illi contrarius , non historiam sed vanam extollentiam prohibere censendus est , cum & ipse præscribat , Patrem à filio , non in opere tantum , & in omni patientia , sed etiam sermone , & omni conuenienti cultu honorari debere ; quod post cultum soli Deo debitum , primum in decalogo præceptum est . Non magis profectò , cum nostra scribimus , timenda est propriæ laudis appetendæ calumnia , quam cum aliena narramus , ne res egregiè gestas deprimamus , vel secus facta amplius aggrauemus , siue id ex inuidia , siue ex malevolentia , siue ex alienæ rei negligentia , siue à facili ignorantia prouenire possit , ita vt vel nec nostra , nec aliena scribere omnino debeamus , vel certè

vtrobique pari nos calumniarum periculo exponamus : quæ vtrobique contemnendæ sunt , modo prudentiæ , & integritatis terminos non transiliamus : quos in omni actione humana præ oculis , semper habere debemus . Igitur seu ego de Minoribus meis , seu alius de Maioribus suis , seu vterque de extraneis scribat , ad historiam finem perinde est , dummodo res , quas narramus , dignæ sint , & veritas constet , eaque nuda , vel modestè , grauiusque vestita proponatur ; neque in rebus nostris magis vituperanda sunt vitia historiarum , quam in alienis ; neque virtus in alienis magis placere debet , quam in proprijs . Nec propria laus apud graues viros fordescit , modo vera , & modesta , atque vel sustinendæ autoritatis , vel famæ tuendæ necessitas , vel Diuinæ gloriæ , & alienæ salutis utilitas , vel Maiorum imperium illam eliciat . Et sanè criminis magis reus vbique reputabitur , qui probum , doctumque virum , integritatisque suæ possessorem , in vanitatis , aut falsitatis suspicionem temere vocabit , quàm qui dona Dei , sibi , suisque collata , optimo fine , & mente perturbationibus libera , grauius , eruditè , & modestè manifestat : vt fecit speculum , & Magistra humilitatis , cum exultabunda caneret . *Ecce enim ex hoc beatam me dicenti omnes generationes , quia fecit mihi Dominus magna qui potens est , et Sanctum nomen eius .* Quæ cum ita sint , ad te denique redire , nunc mihi liceat , clarissime Iustiniane , & obnixè rogare , vt rei literariæ , politicæ , militari , Ecclesiasticæ , vno facto utilis esse velis , nobilissimæ gentis tuæ Iustinianæ vtriusque fortunæ casus , & heroica facinora , vno corpore con-

cinnando, qua integram, & absolutam Rempubicam & priuatam simul nobis exhibere possis. Est enim Iustiniana gens, ea stirpis vetustate, actionum virtute, vitæ sanctorum, doctrina, sago, toga, purpura, pædo, & vtriusque fortunæ varietate talis, vt approbandæ æmulationis incitamentum, regendarum actionum exemplum, & omnis fortunæ moderatè, & æquanimiter ferendæ norma alijs fidenter proponi possit. Hoc operæ meæ pretium esse cupio, nec Epistola, sed volumine densò mihi responderi volo. Vale è S. Isidorij Vrbe XII. Kalend. Nouembri 1661.

## Nota II.

*Secretanda.* Non defuit Alberto lingua Latina, sed familiaritatis licentia hic vitur pro *secretò seruanda*, cuiusmodi vulgares dictiones multi in familiari Latino sermone, vel emphasis gratia, vel alia causa miscere solent. Recentior quidam eloquentiæ professor, non negauerim tamen, inquit, debere aliquando oratorem esse Logodædalum, idest, ingeniosum verborum architectum, quod & Horatij auctoritate confirmat Mendoza in viridario, lib. 7. cap. 13. vbi & Ciceronis & aliorum huius generis exempla producit, & si longus esse vellet, infinita propemodum aceruare posset. Nec alius frequentior verborum Architectus est, quam Romanæ Princeps eloquentiæ.

## Nota III.

*Dulcillus, & si latinus dico, Dulcettus.* Non quod Dulcettus, quod præter desinentiam vulgare Italicum est, Latinus dicatur, quam Dulcillus; sed author se excusat, quod vt Latinus loqueretur *Dulcillum*, dicendo cognominis vocabulum, quod Dulcettus est, quodammodo corruerit, ipsum non ad verbum, sed ad sensum Latinè efferendo.

## Nota IV.

*Quamprimum ille legationem suam è Syria ad Ecclesiam deferendam expleuerit.* Hinc habemus Albertum Dulcettum Ferrariensem, vel Aethyopes Iacobinos, de quibus ante diximus, per Syriam, seu viam Hierosolymitanam duxisse; vel, quod mihi verius est, specialem legationem, ex ipsa Syria ducturam; tum quod Albertus noster, hoc loco, suam Aegyptiacam legationem ab alterius Alberti Syriaca discernat; tum quod post vnionem Iacobitarum, in Actis Concilij apud Iustinianum, reperiam decretum peculiare vnionis Syrorum editum Laterani in publica Sessione Synodali anno 1444. pridie Kal. Octobris, ibique traditum Abdalæ, Archiepiscopo Edesseno, qui Ignatij Patriarchæ Syrorum, atque totius Nationis suæ Legatus, Romam venerat (quo Concilium Florentia ab Eugenio Pontifice translatum fuit) humiliter & deuotè postulans, vt eam fidei Regulam, quam Sacrosancta Romana profitebatur Ecclesia, eidem (ait Pontifex) traderemus.

## Nota V.

*Vt et illi exhiberet per Martyrij gloriam.* Hic iterum lamentatur se Martyrij quæstionem euasisse, de qua nos, in eius vita, & Vvaddingus ad annum 1439. num. 40.

## Nota VI.

*Presbyterum Ioannem appellare solemus.* De hoc, & alijs nominibus Imperatoris Aethyopum, narrat Albertus ea, quæ ab ipsis Aethyopibus in Aegypto se didicisse dicit; narrat alij alia, pari se auctoritate fulcientes: vide, si libet, Iustinianum in actis Concilij Florentini part. 3. num. 15. pagin. 380. Ludouicum de Vrreta lib. 1. historiæ Aethyopicæ, cap. 7. & huius in multis iustum reprehensorem, Nicolaum Godignum de rebus Aethyopicis lib. 1. cap. 5. Damianum à Gocs de moribus Aethyopum, tom. 2. Hispaniæ illustratæ pag. 132.

## Nota VII.

*Non quia quæque præclaræ.*  
Hic moderatur prudens Albertus, quod prius pronunciauit, neminem res à se gestas narrare debere, imo tunc etiam addidit, *maximè verò quoad recta ratio aliud fieri debere persuadebit, & hic fieri posse censet, si id tempus, & locus & causa aptè postulanti.* Vnde dat spem, etiam ea quæ tunc tacuit, & ipsi

Leonello, & alijs amicis, cum ipsis opportunum videbitur, enarrandi: nunc aurem ideò vel maximè tacuisse, vt rem prius Eugenio Pontifici referret, ne, inquit, *in contumeliam tanta sedis, primo alios mirandis nouis compleuro, quam illum cunctorum, qua gesta sunt, fecero ante participem.* Quæ sanè ratio sola sufficiebat, ne cuncta tunc alijs perferberet.

## EPISTOLA LXVIII.

## MAGNO SOLDANO SARACENORVM.

## ARGVMENTVM.

*Ioannes II. Castella Rex Mabomad Aber, Azar, Maurorum Granatensium Regi armis infestus erat: Interposuit se apud Eugenium Pontificem Soldanus, vt Ioannes à vexandis Granatensibus desisteret. Respondet hac Epistola Pontifex, operam suam necessariam non esse, cum Reges iam inter se inducias inierint. Et arrepta hac occasione Soldanum ad fidem amplectendam hortatur; cuius certam veritatem, vt Saracenus edisceret, optionem dat Pontifex vt vel ille suæ legis peritos, cum Christianis doctoribus disputaturos, in Italiam mitteret; vel si mallet concertationem de fide Cayri haberi, se missurum, qui Christianæ Religionis veritatem, necessitatemque propugnarent. Demum intereunt adificia, & Ecclesias, & peregrinos Christianos, Terre Sanctæ illi commendat.*

**E**Vgenius (1) Seruus Seruorum Dei, Papa omnium Christianorum, & Episcopus magnæ, & antiquissimæ Urbis Romæ, Magno Soldano Aegypti optat in Domino æternam salutem, ad quam per viam veritatis incedentes soli perueniunt. Dilectus & Religiosus filius noster *Gandulphus, Guardianus* (2) per nos olim factus in Monte Syon, & locis alijs Terræ Sanctæ, nobis nuper per duos ex fratribus suis renunciauit, quomodo illum tua à Domino Deo nostro magna potestas ad

Caytum ex Hierosolymis aduocatis, petens ab eo instantius (3) vt ad nos quamprimum curaret diligentius de tuo desiderio scribere, vt videlicet per nostrum studium, dilectus filius noster, illustris, ac potentissimus Rex Castellæ, cum Rege Granatæ pacem salutatis quietis cito componeret: sicut per suos Legatos Rex ipse Granatæ te vehementer rogauerat. Hæc nos omnia, cum audiuissemus, tuæ magnitudini sanè fateamur, ea nobis vel maximè fuisse gratissima, quod occasionem honestissi-

mam præbuerunt scribendi tibi, & ea significandi, quæ Deo acceptissima esse non dubiamus. Nobis autem charissima sunt, & tibi, atque omnibus tuis, si rationem consulas, placidissima esse debent: Desideramus enim ex totis præcordijs nostris, si iustus, & Omnipotens Deus hoc nobis munus de Cælo ex iusta ratione donaret, & tecum, & cum omnibus hominibus, qui sub Cælo sunt, Sanctam, & veracissimam pacem habere. Et quidem, quod attinet ad concordiam duorum Regum illorum, de quibus nos rogas, non oportet nos in præfenti admodum fatigari, cum certum habeamus, inducijs iam interuenientibus, eos à mutuis iniurijs, & damnis, atque offensionibus *abstinere* (4) cum autem Legati Regis Granatæ apud te essent, non ita erat. Ea propter quod ipse tunc sollicitus postulabas, & laborabas, ut fieret; nunc non opus est agere. Curabimus tamen, ut quæ ad nos hac de re tuæ voces iam peruenierunt, ad illius etiam nobilissimi Regis, dilecti filij nostri, noticiam perferantur: sed etsi foris nouis inter se deinceps prædicti Reges bellis confligerent, poteris ad nos scribere, & nos quantum, salua Religione, poterimus, & prout iustitiæ causa postulabit, conabimur tibi in omnibus complacere. Verumtamen scire debet pro certo prudentia tua, causam dissensionis inter Christianos, & Saracenos, nullam aliam esse quam cultus Religionis, quam pietatis, & legis, fideique distantiam. Quæ omnia, si in vnam redigerentur credendi sincerissimam normam, iunctis inter se animis, aut discordia nulla obreperet, aut facile reparanda. De qua re, haud dubium honestissima, ut

ad perfectum aliquando perueniat, dicere sanè non possumus, quantum ab ineunte penè ætate arserint nostra præcordia, & eo feruentius hoc in dies desideramus, quò duce ratione, & veritate videmur nobis, quæ sunt iusta expetere. Consideramus enim, Excellentissime Princeps, vos nobiscum à Deo vno, & solo, & potentissimo, ad suam imaginem, & similitudinem suam, per suam misericordiam factos, eius esse pariter, & ratione, & amore capaces. Ad summam verò bonitatem illius, dum hanc vitam degemus, de malo ad bonum, de bono vsque ad optimum vitæ statum quotidie conuertibiles. Vnum Deum verum, qui creauit Cælum, & Terram, mare, & omnia, quæ in eis sunt, simul credentes. De Christo autem, Domino Deo nostro, & Beata Virgine Matre eius, quamuis non integro sensu, multa tamen nobiscum, magna & præclara sentitis; ut taceamus, qui homines pariter sumus, qui pariter regnamus, qui vno Sole, iisdem elementis, vita, cibis, diuitijs, valetudine, Diuina prouidentia gubernamur; quæ ergo causa est, cur inuicem dissentiamus, nisi Religio? in quam si, paucis mutatis, congregaremur in vnum, fieret statim de damnata dissensione, conciliatio, & de inimica similitate, gratulabunda concordia. Sit ergo inter nos, te oramus, vna & eadem fides, & illico pax sequetur. Ad quam sanè rem probè duosciendam, alterum profecto è duobus, quod ipse malueris fieri debere censemus, ut vel tuorum prudentium ad nos quidam abs te missi tuto perueniant, vel si magis placet, nonnullos de nostrorum numero sapientum, ac de tua primum

pollicitatione securos, tibi mittamus; qui pariter pro fidei veritate disceptaturi, possint de salute fururi sæculi, pacifica congressione disserere: quam collatione clarissima, quid iucundius? quid honestius? quid salutaris dici potest? Etenim contemptam felicitate terrena, de æterna tantummodo solentior indagatio, ne dicam inuentio, peruentio, conquisitio, omnium veterum Magistrorum, qui rectè sapuerunt, iudicio, sine ulla dubitatione, longè excellentissimè mortalibus præstat: Si præsertim verè felicitatis, quod est dicere verè sapientiæ, admirandam peruestigationem, cum inerti otio compares. Cuius sapientiæ, sicut felicitatis, ut diximus, non quidem inuentio, sed & sola inquisitio præponenda est, etiam inuentis thesauris, regniq; gentium, & ad nutum circumfluentibus corporis voluptatibus. Donet tibi Sapientia Dei nobiscum ista sentire, in lris confesecere, per hæc in temporalibus, & caducis prosperè agere, vitam interris ducere sinceriter bonam, ut in æternum in Cœlis valeas postmodum possidere beatam. Rogamus te præterea, Princeps sublimis, per humanitatem rationalis benevolentia, in qua à belluis longè distamus, per communia cunctis hominibus

Domini beneficia, ut nostræ Sanctæ Sedis intuitu, & veteris Romani nominis potentatu, omnes Christianos sub tua ditione, atque in tuis quibuscumque Prouincijs, & Regionibus commorantes, habeas commendatos, præsertim vero filios nostros, & Dei Seruos, fratres Montis Syon, & locorum omnium Terræ Sanctæ, nec minus Christianos peregrinos, qui loca nostræ salutis inuiter, desiderio religioso festinant, super omnia verò loca ipsa humanæ redemptionis, atque salutis, & quæ Sancti Patres, Abraham, & reliqui antiquæ memoriæ ardentius dilexerunt, cultu sinceriore, per tuam iussionem æstimes ab omnibus veneranda, instauranda, conseruanda, cum opus est. Ita enim tibi Deum facile poteris, ut inde semper ad maiora bona progrediaris, propitiari. Harum nostrarum baiulum, *dilectum filium nostrum A. (5)* virum religiosum, nunc ad te mittimus. Aget tua discretio ita cum illo, ut & sibi, nomine nostro, tibi quædam dicenti credidisse, & nos in illo, abs te honoratos fuisse, comperiamus. Valeat tua potestas, eis veris salta præsidijs, quibus ad æternum beatitudinem peruenitur. *Ex Florentia. 1441. (6)*

N O T A E.

Nota I.

*Eugenius.* Quamquam hinc appareat, istam Epistolam Eugenij Pontificis esse, Ego tamen eam inter Alberti Epistolas reperi, & fortassis etiam Alberti est, nam in margine vetusti codi-

cis scriptum est; *Ex nomine Eugenij* quasi indicare vellet, Albertum eam saltem distasse, quod & stylus indicat: ut ut sit, digna mihi visa est, quæ non omittatur, cum ob Gandulphi Siculi nostri mentionem, cum quod Eugenij Pontificis ordinis amantissimi zelum, & pro-

& propagandæ per omnia fidei studium exprimat, & conferuandi Terræ Sanctæ loca nostra desiderium: tum quod exemplum præbeat, quo modo, quaque via, cum Orientis Infidelibus tractandum sit.

## Nota II.

*Gandulphus Guardianus.* De eo nos fusius in vita B. Alberti, & nostris ad eam notis.

## Nota III.

*Petens ab eo instantius.* Non infrequentes fuisse huiusmodi Tartarorum, Turcarum, Persarum, Indorumque legationes, per Fratres Minores, ad Romanum Pontificem, & Christianos Principes missas, in Vvadingi nostri Annalibus, & alijs ordinis monumentis passim reperitur.

## Nota IV.

*Eos à mutuis iniurijs abstinere.* Stephanus Garibaius rom. 3. hist. omnium Regnorum Hispaniæ lib. 40. ca-

pit. 22. refert Regem Mahomad hoc tempore per septem annos externo bello caruisse, quamquam ciuilibus dissidijs vexaretur, donec tandem per nepotem suum Mahomad, Aber hosmen, cognomento Claudum, an. 1445. supplantatus, & Regno exutus fuit, in quo ipse Claudus successit.

## Nota V.

*Dilectum filium nostrum A.* Per hanc literam A. Albertum nostrum intelligi non existimo, qui hoc tempore, cum Eugenio Pontifice Florentiæ fuit, absque vilo cogitatu in Aegyptum amplius reuertendi; sed literam positam fuisse pro nomine cuiuscumque, in Pontificio authographo postmodum expressius nominandi.

## Nota VI.

*Ex Florentia 1441.* Menses, & diem, hic eadem ratione eidem authographo reseruata fuisse pariter censeo, ex quibus mihi confirmo Albertum eam didicisse, & authentica illa Pontificis dispositioni reseruasse.

## EPISTOLA LXIX.

BEATISSIMO PAPÆ EVGENIO.

## ARGUMENTVM.

*Hoc tempore cum Eugenio Pontifice fœdere coniuncta fuit Respublica Senensis, & ut ex Epistola colligere mihi videor, mediatore B. Alberto. Interea verò, dum Pontifex nondum subscripsit alioquin pactæ paci, illius militia bono sine, intrauit in ditionem Senensem: sed cum infecta re, quam alibi tentauit, in Latium reuertetur, multam, & pecorum, & hominum prædam, inde abducebat, ut in historia Senensi part. 3. lib. 2. fol. 30. ad annum 1440. narrat Orlandus Malauoltus: Ea propter Albertum, ad alia Pontificis perficienda mandata Senis transeuntem, Priores Vrbs ad se vocatum, acriter increpuerunt, quod falsam, & citò perituram pacem, nomine Pontificis, ipsis promiserit. Qua de re, hanc Epi-*

*Epistolam ad Pontificem scripsit, hac ipsa narrans, & se in arcanis quibusdam, ortenus exponendis, ad Massanum Episcopum referens, cui cuncta perscripsit: interea prudenter, & religiose rogans, ut Eugenius quosdam Senis Primores, charitate, & clementia Pontifice dignus, ad se attrahat, & ut minora bona, pro maioribus bonis negligat, ne populus, alioquin Sedi Apostolice deuotus, odiorum semine grauidetur, quod Guelforum, & Gibellinorum factiones interpretor, aut aliquorum cum felice Antipapa collusionem.*

**H**esterno vesperi B. P. Priores huius Ciuitatis, me in suum palatium celeriter aduocantes, duram conquestionem auribus meis exhibuerunt; simul mihi stomachosè in faciem exprobrantes, quod falsam eis & citò perituram pacem, nomine T. S. promiserim (1) eum primò putauerint damna, quæ vtrinq; illata sunt (cum fuerint iniusta) & ab vtrisque partibus, tuæ scilicet Sanctitate, & eorum paruitate, ignorantia, tanquam æquali lance cuiusdam pacificæ obliuionis, penitus compensanda. Nunc verò expostulant abs te præberi fideiustores, qui potius, & per meam promissionem, & tuam iussionem, expectabant se præda rehabitata gauisuros, tamen si semper putauerint, & nunc quoque magis putent, in tam longa mora restitutionis, per fraudem militum, ne centesimam quidem partem prædæ recuperaturos. Multa B. P. in hanc causam sunt mihi conuesti, quæ, ne S. T. pluribus verbis onerem, prætermitto: *Et quia Massano Episcopo (2) vt ea tecum conferat, latius scripsi.* Pro hac re, venissem ego ad Sanctitatem tuam, nisi, cum me vocarunt, fuisset in procinctu recessus ad duo illa Castella, vt Sanctitas tua pridem statuerat, summa cum diligentia concilianda.

Verum illa potior causa est, quod indignati, vt arbitror, ciues Senenses nihil me rogauerunt, non solum vt ad te ipse venirem, sed nec vt scriberem quidem orare dignati sunt. Visum tamen est mihi, pro charitate, hæc pauca T. S. significare, roganti simul, & obsecrari vt adhibito ad hanc rem, quod Apostolicam sapientiam decet, grauiore consilio, minora bona pro bonis maioribus negligantur. Præsertim hac tempestate temporum, & dicrum malorum, in quibus quid hic noui, & mali, ab heri & nudius tertius *adulterina plantatio* (3) contra tuam beatitudinem nequiter machinatur, ex Massano Episcopo poteris facilius audire, cui quædam grauiora tibi fideliter referenda, contexui. Oro te B. P. vt populum istum tuæ Sanctitati deuotum, & deuotiorem fieri valde flagrantem, non permittas semine odiorum, per tauros lasciuientes ingrauidari, sed ingenita magis elementia tua, tanquam vinculis charitatis, tauros ipsos ad te ligatos traicias, & vacca populi huius semine Christi potius ipse fecundes. Dominus Deus Omnipotens longo te tuo tueatur B. P. ex Sena summa celeritate, eum iam cuncta parata, essent ad iter 11. die Octob. 1441.

## N O T A E.

## Nota I.

*Quod falsam eis cito perituram pacem nomine T. S. promissim.* Hinc imprimis colligo Albertum, pacis inter Pontificem, & Senenses mediatorum fuisse, quis enim audeat, Principis nomine, talia promittere, cui potestas paciscendi concessa non fuisset? Quod confirmant quæ sequuntur. *Qui potius per meam promissionem, & tuam iussionem expelebant se de prada rebus gaufuros.*

## Nota II.

*Et quia Massano Episcopo.* Is apud Vghellum tom. 3. fuit Petrus de Vtso, quem Eugenius anno 1439. ex Episcopatu Montis Flaconis, ad Massanum transtulit, & obstitentibus Senen-

sium studijs, huius possessionem inire non potuit: Pontifici interim & S. Concilio Florentiæ interfuit.

## Nota III.

*Adulterina plantatio.* Erant aliqui ex Primoribus Ciuitatis, qui odiorum in Pontificem semine, tanquam lasciuientes tauri, populum grauidare nitentur, & Guelforum fortassis factiones, aut Schisma Felicianum, aduersus Eugenium resuscitare. Quæ causa Alberto fuit, vt suaderet Pontifici, hos ingenua clementia, tanquam vinculis charitatis, ligatos ad se traiciat, vacas populi, hoc est quietos, & Ecclesie deuotos ipse Pontifex semine Christi fecundet, instruendo, & beneficiendo, minoraque damna sua negligat, ne maioribus implicari contingat.

## EPISTOLA LXX.

LEONELLO PRINCIPI FERRARIENSI.

## ARGVMENTVM.

*Albertus, vt in eius vita narrauimus, Patrum Conuentualium Prouinciæ S. Antonij, seu Venetæ, unanimi suffragio, Minister Prouincialis electus est anno 1442. mense Iunio. Quo tempore Leonellus per literas ab illo flagitauit, vt Epistolam iam olim promissam, de rebus à se in Oriente gestis, illi mitteret; sed non sollicitior erat Princeps in illa exigendæ, quam constans auctor in rebus à se gestis reticendis; quarum narrationem forte considerauit, maiorem sibi inuidiam, quam Leonello utilitatem, allaturam. Rescribit ergo presentem, per quam se ab omni literario studio, per impositi regiminis negotia impediri omninò causatur.*

**Q**uod ad me scribis Leonelle, Marchio Illustris, de prædicatore illo, mihi quidem & fratre & filio; quorum alterum communis nobis religionis est, alterum,

officij in illum mei, nihil tibi in presenti respondeo, sed ne multa dictare compellar, quod profectò efficere nequeo, te ad Episcopales literas nostras remitto, in quibus tibi puto

puto plenius pro tempore satisfactum. Miror præterea, qui Epistolam otij à me reposcis, homine iam facto negotiosissimo, & à quo pro peccatis meis, proflus omnia præcepta sunt otia, excussa quies, & intercepta, ne dicam præcisa, studia literarum; Quod cum nunc, & sæpe alias, mæstus recorder, lacrymas tenere vix queo, imò proflus non queo, vt tibi, quod sentio, liberè & amicè confitear. Qua certè tam egregia bonorum iactura tantus mihi luctus suboritur, vt nullo me solatio ab hac molestia leuandum putarem, nisi me, aut expectatio terminandæ citò molestiæ, aut spes proferendi de laboribus huiusmodi vberimi, ac celeberrimi fructus, aut postremò cogentis obedientiæ, atque eius Apostolica virtus consolaretur. Itaque mi Leonelle Princeps, te oro vehementer, vt quoad pondus hoc immantiter, atque vtinam non me inasiter, premit, desinas à me Epistolas flagitare, quas cum per occupationes præbere non valeo, nihil mihi videtur aliud facere, cum illas à me quiuis, quantolibet studio postulat, quam mihi, penè dixerim magnam cum iniuria, intermissa illa mea suauissima studia exprobrare. Neque verò pollicitationem meam mihi vlla confidentia obijciendam existimes. Quis enim iniquus ludex pertinacius postulet, quæ necessitas reddenda, quamuis summa assertionem promissa, prohibeat? In promissis præterea, quæ hominibus reddere nemo cogit, id quod obligatio vlla sponderat, siue quælibet sponsio obligauerat, certa ipsius pollicentis hominis abnegatio soluit & liberat; igitur qui me ipse, non coactus, tibi libera sponsione ligaueram, intercurrente causa,

liberore abnegatione me soluo. Ora Deum vt molestia negotiorum me liberum faciat, & ego per otium reddam, quæ per negotium sine vllò mentientis vitio denego. Habeo enim iam penè completam Epistolam, de qua scribis: sed tamen necdum planè completam: quæ tamen & ipsa, si completa esset, polienda restaret. Verum cum ad neutrum mihi tempora suppetant, melius differuntur, quam inepta prodantur. Quamuis enim, vt noster Hieronymus ait, elegans sit, exercitatumque ingenium, & longo vsu atrita currat oratio; tamen nisi auctoris sui manu curata fuerit, & polita, redolet fordes negligentis: non est nitida, non habet mixtam cum decore grauitatem, sed in modum diuitum rusticorum, opibus suis magis arguitur, quam exornetur; & vel nimiosa verborum flore luxuriat, vel fit hulca vocabulis, vel aspera consonantibus. Vnde & de Virgilio traditum est, quod libros suos, quasi vsorum fructus, lingua composuerit, & lambendo fecerit esse meliores, qui durarent in memoriam sempiternam, & necessitatem metri libera oratione completeret: Quæ cum ita sint, & mihi & tibi orandum est, Leonelle Princeps Clarissime, vt vel diu omissa studia repetam, quo tibi aliquando morem gerere queam; vel quod satius puto, occasio nobis, ac facultas à Domino tribuatur, altiorem gradum vacandi sibi, ingenti gratia suæ dignationis, arripere, scandere, colere; atque id, quod est in omni vitæ sanctimonia summum, in bonis, quæ religiosè professi sumus, Christianorum morum, perpetuò permanere. Vale ex Florentia . . . Iunij 1442.

## EPISTOLA LXXI.

MINISTRIS PROVINCIARVM ORDINIS  
ENCYCLICÆ.

## ARGVMENTVM.

*Vltra officium Ministri Prouincialis, Pontifex nouum onus imposuit B. Alberto, Vicariatus Generalis totius ordinis Minorum, loco nuper à sancti Guilielmi Casalensis, eiusdem ordinis Ministri Generalis. Quapropter cetera, quæ sequuntur, eius hoc anno Epistole, regiminis negotia trahant; Atque hæc imprimis, quæ Ministris per totum ordinem Prouincialibus institutionem sui in eo officio denunciat: eosque simul hortatur, ut quisque religiosos sibi subditos, exemplo propria vitæ, ac mansuetæ suasionem, magis quam minarum & cædis coercitione, ad morum reformationem, & odorem antiquæ Sanctimonie compellat. Denunciat pariter ordinis Comitia, pro noui Ministri Generalis electione, sequenti Pentecoste Paduæ celebranda, iubetque ut omnes, pro cuiusque officio, illuc opportuno tempore conueniant.*

**V**enerabilis in Christo Pater Minister, pax Dei tecum. Amen. Ex quo placuit Christi Dei nostri in nensæ misericordie, vel potius patientiæ, me inuitum, ac cum multis lacrymis reluctantem, post mortem prædecessoris mei, Ministri Prouincie S. Antonij, mira eorum, ad quos de iure spectabat, consensione & conoordia eligi; ac deinde ad Generalem Vicariatum totius nostri ordinis die decima huius mensis institui, & in vtroque officio per Sedem Apostolicam confirmari; dignum duxi, ut tibi hæc significans, te simul hortarer, quo velis te primum in tuo regimine exemplum vitæ tuis subditis exhibere: ac deum ad imitationem tui pia magis morum Sanctorum suasionem allicere, quam minarum & cædis coercitione

compellere; ut per bona opera, à dissolutione laxioris vitæ, vel aliqua ex parte, paulum reformati, odorem antiquæ sanctimonie in aliquo reuocantes, argumenta religiose iustitiæ, ad proximos transmittatis. Quod si feceritis, habebitis me potius in vestris infirmitatibus misericorditer consulentem; quam humanos defectus, si qui in vobis erunt, acerbius vindicantem. Non enim habebitis me talem omnium vestrum seruum, qui non possim compati infirmitatibus vestris, quoniam & ipse circumdatus sum multa infirmitate. Generale verò Capitulum credo te scire per Sanctissimi Domini nostri Eugenij sapientissimam institutionem decretum esse, ut apud Paduam, in futuro proximo festo Pentecostes, infra Octauam S. Antonij celebretur.

In quo alicuius boni viri electio facienda est, adiuuantibus Sanctorum fratrum excellentissimis meritis, siue in terra bellantium, siue in Cælo sempiterna gloria triumphantium. Tu itaque cura, vt debito tempore eo te transferas, quo possis bonorum operum, pro incremento Reli-

gionis nostræ fieri cum alijs particeps. Exemplaria harum non graueris tribuere Vicario locorum deuotorum in tua Prouincia positorum, quum ad ipsum eadem hæc mandata volo proferri. Vale in Domino, & ora pro me. Datum Florentiæ die 10. Iulij 1442.

## EPISTOLA LXXII.

CIVIBVS GAVDENSIBVS IN HOLLANDIA.

## ARGVMENTVM,

*Ciues Oppidi Gaudæ in Hollandia, tunc Romani Catholici, & Seraphico P. Francisco, ipsiusque sincerioribus affectis deuoti; domum, Ecclesiam, & cetera necessaria apud se edificarunt, pro usu & habitatione Conuentus Fratrum regularis obseruantia, quem regi volebant instar alterius Conuentus eiusdem instituti prope muros S. Audomari Morinensis Diocesis. Quod vt obtinerent non obstante contradictione Ministri, & Fratrum Prouinciæ Colonienfis, tum ipsi Ciues, tum Philippus, & Isabella, Burgundiæ Duces, Eugenium Pontificem per supplicem iibellum orauerunt. Albertus ergo Vicarius Generalis ordinis, tum iussu Pontificis, tum auctoritate sua, scripsit Ministro Colonienfi, vt à molestandis Gaudensibus desisteret, donec res in proximo futuro Capitulo Generali, melius examinanda, decideretur, idque per præsentem Epistolam Gaudensibus significat.*

**D**euotionis vestrae suauitas, quæ Sanctissimi Domini nostri Eugenij animum merito oblectauit, & per imperium Sanctitatis eius, & per impositum ministerium officij mei, æquo à me iure reposcit, vt vobis, quantum in Domino poterò, satisficiam. Igitur quia nomine vestro, clarissimi ciues, exhibita Sanctissimo Domino nostro quædam, quam legimus, supplicatio continebat, vt vobis de gratia speciali concederetur, quatenus fratres

ordinis Minorum, de obseruantia regulari, possent domum quandam inhabitare & regere, sicut domus similium fratrum, prope muros Sancti Audomari, Morinensis Diocesis, gubernatur, ac regitur; non obstante resistentia fratrum Colonienfis Prouinciæ, infra cuius terminos, iuxta morem ordinis nostri, oppidum vestrum existit. Ego itaque venerabiles ciues, cum habeam ex Apostolico mandato, & ex meo officio providere; vt hoc negotium paci-

ficè

ficè terminetur statuo & delibero, vt fratres prædicti regularis obseruantie, vsque ad Generale nostri ordinis proximum futurum Capitulum, per Dei gratiam in festo Pentecostes Paduz celebrandum, liberè & pacificè gubernentur, iuxta quod fratres venerabiles de S. Audomaro eos duxerint gubernandos. Mandatum autem super hac re misimus Ministrum Coloniz, ne vos aut fratres prædictos, vsque ad tempus præfatum, in quo causa melius terminabitur, vlllo pacto audeat molestare. Hoc enim fer-

uor vestræ deuotionis exposcit, qui de bonis, à Deo vobis collatis, domum prædictam, cum Ecclesia & alijs necessarijs officinis, ob Religionis nostræ deuotionem, & B. Patris nostri Francisci, tanta diligentia fabricastis: sed nec minus hoc Illustris Princeps Philippus Dux Burgundiz, cum Isabella magnifica vxore ipsius, prorsus merentur, qui & ipsi pari hoc deuotione deposcunt. Valet in Domino, & orate pro nobis ex Florentia 20. Iulij 1442.

## EPISTOLA LXXIII.

## MINISTRO COLONIÆ.

*De eadem re.*

**V**enerabilis Minister, pax Christi tecum, Amen. Cum mea peccata effecerint, vt me nuper Sanctissimus Dominus noster Eugenius, Diuina prouidentia Papa Quartus Generalem Vicarium nostræ Religionis, vt immeritum, ita quoq; inuitum, veraciter instituerit, qui paulo ante, post mortem Magistri Dalismani, fueram Minister electus Prouinciæ S. Antonij; accidit interea, vt idem Sanctissimus Dominus noster me accerserit, ostendens mihi quandam supplicationem, ei porrectam, super quadam altercatione inter te, & fratres, qui de obseruan-

tia nuncupantur, pro loco Oppidi Gaudz, simulque iubens, vt tibi; suæ Sanctitatis autoritate, mandarem, quatenus ab illius loci, & fratrum in eo iam moram trahentium, molestijs debeas omninò cessare, & hanc quæstionem, generali capitulo terminandam differre. Ad quod, vt te pro more nostri ordinis conferas, per alias ad te scribo, quæ his incluse sunt. Vale in Domino, & ora pro me, curaque omni opera, pro tua eruditione, & grauitate, vt quæ ad te scribuntur, diligentius compleas. Ex Florentia 20. Iulij 1442.

## EPISTOLA LXXIV.

## FRATRI IACOBO PRIMADICIO.

## ARGUMENTVM.

*Hoc tempore, in Ecclesiæ obsequijs, in Oriente residebant Primadicus, & Bartholomæus Ianensis, Franciscana reg. obser. professores ab Eugenio*

*Pontifice missi, viri ambo eximij, & vel ab ipso Pontifice, datis encomijs, laudatissimi. Cupiebat Vicarius Generalis, ut uterque Generalibus Comitibus interesset, et qui Sectis Orientalibus in unam Ecclesiam Catholicam reducendis egregie adlaborarunt, eandem nauarent operam, ut Seraphici ordinis profusores, sed variè viuentes, in eandem Regule obseruantiam, eamque purissimam, coalescerent; quod Eugenius ipse Pontifex percupiebat, cuius proinde in hac re consilia, modosque procedendi, Albertus Primadicio pandit: & ut ambo maiore cum honore, & suffragij autoritate, ad comitia venirent, alterum Romanie in Græcia Ministrum Prouincialem, alterum custodem, ut vocant, instituit. Atque interea Iacobum confirmauit in officio Commissarij sui, super locis Orientalibus in Epistola nominatis, cum prudenti rerum agendarum directione.*

**S**I de alio mihi loquendum esset, Iacobe frater, narrarem tibi festiuo, & lætissimo stylo, quæ iucunda tunc putarem. Nunc verò quia de me ipso sermo mihi habendus est (1) magna mihi modestia vtendum credidi: vt quod exultantibus verbis pro alio extulissẽm, pro me magis lugere decreui. Post mortem Patris communis nostræ Religionis, cum varia fuissent pro regimine nostri ordinis agitata (2) quæ & ipsa Fratet Antonius de Neapoli, harum nostrarum baiulus, tibi ac mihi charissimus filius, plenius poterit explicare; posito quoque iam Generali Capitulo apud Paduam, paulo post etiam Minister illius Prouinciæ diem suum, Domino disponente, obisset, misso à Sanctissimo Domino nostro pro Commissario, Ministro Prouinciæ Thuscæ, qui Prouinciali Capitulo præsideret, factum est, clam me, atque eo consensu, quem omnes putant Diuinum (3) vt ex Antonio audies, vt ego Minister Prouinciæ eiusdem eligerer. Quod cum valde placuisset Sanctissimo D. N. conuocato magno fratrum numero, post violentam ministerij mei confirmationem; renitenti mihi veraci-

ter, ita me Christus iuuet, ac multipliciter reluctanti, etiam Vicariatus totius ordinis pondus adiecit, sub quo onere, quam mœstus gemam, testis est Christus. Verum ex quo ita ferres habet, venit mihi in mentem, vt tu quoque mecum experire hæc suauia, quam mihi sapiant. Quare sicut in literis, quas ad te mitto, videbis, reiecto & absoluto illo Ministro, quem Dominus noster pro stulto habet, te Ministrum Romaniz institui, ac insuper Commissarium Orientis, & omnis Græciæ Rhodi, Peræ, Cretæ, Chij, Chaphæ, & Constantinopolis, sola Hierosolyma sub meo regimine seruata. De Ministeriatu tamen, si certe putas nasci debere scandalum, ac per hoc cessandum tibi à receptione officij potius arbitraberis, tuo iudicio derelinquo, sin minus arripe per officium tuum occasionem multorum in Græcia bonorum, maximè eum magnopere te cupiam in Generali Capitulo, pro vtilitate publici muneris, fore vocalem. Ad quod opus compleendum, nihil mihi magis congruere videtur, quam vt minister fias. Si possem maiore te titulo honorarem. In omnem tamen euentum

te volo Generalem Commissarium meum, in locis nominatis superius, remanere. Hoc est sanum consilium, quod de mente Sanctissimi D. N. profectum est. Neque verò iniuria Pontificale dixerim sanum consilium: Venit enim ad noticiam eius, quosdam fratres, ea ratione non tibi obtemperare, quod obijciant te non esse Prælatum Religionis, sed Papæ, tanquam commentitia promotione, non naturali regimine, vt falso asserunt, te esse tua procuracione sublimem. Quo visum est S. D. N. cum de hac re mecum & cum fratre Bernardino conferret, & pro vnione Religionis consicienda ac persuadenda, quam maximè eius Sanctitas cupit, vsque ad Capitulum Generale, tacito nomine prælacionis tuæ per illius Bullas in quibus te creat, solum vocabulum præsidentis ab ordine præbitum exterius præferas: interius verò, & in casibus, cum ita fieri debere censebis, vtaris virtute Bullarum, quas penes te habes; quamuis in toto orbe omnes reliquæ locorum, & cuiuslibet exemptionis Bullæ, per Bullas *nuper nobis præbitas* (4) sint penitus reuocatæ. Quod publicè quidem factum est, ad placandos, qui aduersantur: secretiùs verò per aliam occultam Bullam ad me cunctæ re-

missæ sunt: ne bona multa præpediantur: & si quidem in Capitulo Generali, vlla fiet pro ordine probata, vtilisque prouisio, cunctæ Bullæ remittentur ad caput, idest ad hominem bonum ex nostris, qui præsidebit. Sin verò mali noluerint quæpiam, qui eis præsideat, non decurrunt nostris, præter reliqua, quæ sequentur, noui fasces Bullarum nouarum. Non ergo sine ratione factum existimes, si nunc nouæ ad te Bullæ illæ, quas postulabas, non perferuntur. In fine hoc addo, vt si tibi communi ordinis negotio fuerit visum salubre, tu & Bartholomæus noster Ianensis ambo ad Capitulum veniatis, ita tamen, vt quod ambo sitis vocales, siue tu Minister factus sis, & ille custos custodum, siue magis è contra, si hoc plus conducere rei communis vtilitati censebis. Ad quam rem consiciendam, ex Commissariatu quem tibi in literis tribuo, habes amplissimam potestatem: de duobus alijs Ministris, videlicet orientali, & Terræ Sanctæ nunc superseedas, quia cum opus fuerit, ipsè maturius prouidebo. Vale & me de omnibus, quæ ad te scribo, vel quæ in Oriente geruntur, & si non scribo, me facias celeriter certiore. Ex Florentia 1. die Augusti 1442.

## N O T A E.

## Nota I.

*Quia de me ipso sermo mihi habendus est.* Hinc etiam apparet, quam vbique constans fuerit Seruus Dei in rebus suis laude dignis vel omnino reticendis, vel summa trepidatione & modestia, vbi opus esset, referendis. Vide, si libet, ipsius Epistolas, quas

iam dedimus, ad Ducem Burgundiæ, & ad Leonellum Eilensem, ex Rhodo datas, cum ex Aegypto reuerteretur: & aliam ad eundem, quæ supra ordine est 70.

## Nota II.

*Cum varia fuissent pro regimine ordinis agitata.* Hæc exprimit, & futurius

sius narrat Pontifex in diplomate, quo Albertum instituit Vicarium Generalem ordinis, apud Vvaddingum tom. 5. pag. 419.

## Nota III.

*Eo consensu quem omnes putant Diuinum.* Quis enim crederet, humanitus, vt vocales omnes, qui aderant nonaginta tres, sui modi viuendi tunc tenacissimi, suffragia sua, vnico dempto, in Albertum liberè & vnani-

miter conferrent, hominem illius vitæ zelantissimum, notissimumque reformatorem, idque clam ipso, nihilque tale cogitante, immo postea veraciter renitente, & multipliciter apud Pontificem reluctante.

## Nota IV.

*Nuper nobis prebitas.* Sunt illæ literæ, seu diploma Eugenij in superiori nota memoratum, quo Albertum Vicarium ordinis constituit.

## EPISTOLA LXXV.

CIVIBVS GAVDÆ.

## ARGVMENTVM.

*Ciues Gaudenses, quos diximus Epist. 72. Cœnobium regularis obseruantie Franciscanis Gaudæ condidisse, aliud quoque Ragusie in Dalmatia, ab eorum parentibus olim constructum, hoc tempore conseruabant ipsi et augebant. Cupiebant autem non minus Gaudæ, quam Ragusie, seu vt Albertus loquitur, in omnibus per Sanctorum Fratrum suauiæ exempla refici, hoc est, vt videtur, Patres obseruantes etiam in Conuentu Ragusino habere. Albertus ergo id se illis in Capitulo Generali, si Deus fauerit concessurum promittit, modo illi interim de loci dispositione ipsam plenius instruxerint: cetera quæ nunc ad ipsorum satisfactiõnem facturus erat, Patri Ladislao ipsis nuntianda committit.*

**A**Ntequam ad hoc onus negotiosissimi operis, dispensante Deo, per Sedem Apostolicam vocaremur, ciues clarissimi, vt videlicet, ad paruitatem meam pertineret nostri sacratissimi ordinis gubernatio, venerunt ad manus nostras vestræ literæ charitatis: quibus instantius præcessori meo bonæ memoriæ humiliter supplicabatis, super bonâ prouisione Conuentus nostri Ragusensis, quem parentum vestrorum deuotio B. P. N. Francisco, ac nobis extruxit (1) vestra vero & conseruat & auget: Ego autem vestro

desiderio, nunc, vt valeo, satisfacio, sicut notum vobis faciet harum literarum, mihi charitissimus filius, & frater nostri ordinis Ladislaus. Si autem in Generali Capitulo mihi per Christi misericordiam fuerit vita comes, atque facultas, & vestra diligentia non grauabitur me vestris literis de loci dispositione facere certiorems dabo operam, quam Christi benedictio tribuet, vt in omnibus sitis, quemadmodum cupitis, per Sanctorum fratrum suauiæ xenipla refecti. Valete ex Florentia 5. Augusti 1442.

## N O T A.

*Quem parentum vestrorum devotio extruxit. Quæ occasione ciues Gaudani in Hollandia Ragusij in Dalmatia tam procul Cœnobium Religiosis construxerint, ne cui mirum aut incredibile videatur, obseruandum imprimis est, Ragusium, & Republicam esse, & frequens Emporium, in quo proinde ex alijs nationibus mercatores habitant, habentque ibi suos Consules nationales, non minus quam Genuæ, Liburni, Neapoli, Venetijs, & in Ciuitatibus maritimis, etiam Orientis, quæ negotiorum commercio magis opportuna sunt, magisque frequentantur, in quibus locis huiusmodi externi homines cum vxoribus, & liberis, per plurimos annos viuunt satis locupletes, vel sine liberis aliquando moriuntur, & Deum sibi hæredem constituunt. Frat*

*autem extra mœnia Ragusij antiquus Conuentus fratrum Minorum, donec, Vroleio Seruæ Rege Urbem obsessuro, demolitus fuit, ne hosti aduersus Urbem præsidio, vel ut ita dicam, oppugnaeulo foret. Reipublicæ verò quiete, & securitate restituta, locus intra Urbem fratrum habitationi assignatus est, in quo, Gonzaga, & Vvadingo testibus, noua ædificia construxerunt, idque per illos ciues Gaudanos quorum filij, vel nepotes, ea deinceps conseruabant, & augebant, ut in hac Epistola præfertur: nam secundum hoc Cœnobium, post annum 1317. constructum fuisse ijdem authores Gonzaga & Vvadingus referunt, idest plusquam sæculo prius, quam Epistola vel Gaudensium supplex libellus scripta fuissent,*

## EPISTOLA LXXVI.

## CIVITATI RAGUSIÆ. (1)

## ARGVMENTVM.

*Ragusini ipsi quoque idem, quod Gaudani, desiderasse videntur, quibus cum annuum suum, & intentam dispositionem Ragusnorum fratrum, & Monachium, nuncio hic nominato communicandam commississet, per hoc Epistolum orat, ut fidem illi in omnibus præbeant.*

**A**Nte non multos dies scripsi ad vos literas meas, nescius an dilectissimus filius meus frater Antonius de Neapoli venturus esset ad vos; nunc verò quia certi sumus, quod iter ei per nos impostum (2) Christo adiutore completurus est, transiens per vos, quædam ei imposui, quæ scribere prius præfe-

stinantia non curavi, quæque non parum vobis, & Religioni profutura existimo. Igitur quæ de dispositione vobis Fratrum, & Monacharum, ac de nostro erga vos animo dicturus est, attentius audite, eique in omnibus, nomine nostro optima referenti, fidenti indubiam adhibete. Valete ex Florentia 5. Aug. 1442.

## N O T A E.

## Nota I.

*Ciuitati Ragusia*. Sic hoc nomen effert noster Albertus, & alij: sed aliqui malunt Ragusium scribere, de quo vniuersim videndi sunt Calepinus vndecim linguarum, verbo *Epidaurus* in proprijs, Ortelius eodem verbo *Epidaurus*, in thesauro geographico, Philippus Ferrarius in lexico geographico; verbo *Ragusia*, Ioannes Lucius de regno Dalmatiæ, & Croatia pag. 42. & 43. col. 1. vbi de nominis Ethymolo-

gia, Albertus Miræus in notitijs Episcopatum, verbo *Epidaurus*. Ergo quod ad scribentium auctoritatem attinet, æque Latine dicere possumus Ragusiam, Ragusium, & Rauium.

## Nota II.

*Iter ei per nos impostum*. Scilicet eundi in Græciam, ad Iacobum Primadicium, de quo supra Epistola 73. cui itineri conficiendo, non incommodus fuit transitus Ragusij.

## EPISTOLA LXXVII.

## REGI CASTELLÆ.

## ARGUMENTVM.

*Albertus Regi significat Eugenij Pontificis mentem, hoc est, ordinem ad veteris obseruantie instituta reducendi, rogatque sua Maiestatis fauores in ijs, quæ à Rege dependent, & quæ ipsius nomine oretenus nuncianda commisit fratri Roderico, cui proinde petit fidem in cunctis haberi.*

**C**omperta mihi tam Regiæ domus tuæ, quam præclaræ personæ tuæ antiqua deuotio, Rex Illustris, præbet mihi fiduciam ad tuam eximietatem quædam scribendi, quæ etsi mihi sint admodum necessaria, tibi forte, si deuotionem tuam solitam consulueris, non erunt arbitror insuauia. Animus est Sanctissimo Domino nostro Eugenio Papæ, plusquam dici potest erectus, vt religionem nostri clarissimi ordinis ad instituta veteris obseruantie rediuiua, quoad poterit, reformatione traiciat. Cuius maximi

boni conficiendi, veluti principium cepisse sibi videtur, quod me, licet tanto negotio imparem, Vicarium. Generalem huius maximæ Religionis instituit. Sed quia multa mihi defunt, quæ opus ingens, si id perficere tandem possit, desiderat; Restat profectò, vt tua illustris præstantia, hic afferat, quod deest: quo facto antiquum morem maiorum tuorum non dubitabis te fuisse clarissimo præsidio imitatum. Verum ne te maxime negotiosum verbis plurimis onerem, cuncta quæ negotio conducere poterit, referet ad tuam excellentiam.

vir

vir venerabilis, quem nobis tua patria peperit, Frater Rodericus, istarum baiulus, quemque scio veneraris vt Patrem. Oro te Rex Illustris, & insignis Christiane Princeps, vt credas, & ad sis in his maximè omnibus, quæ nostro ad te nomine afferet: sunt enim eius generis, qui-

bus nulla humana potestas debeat aduerfari, cum illis ipsis, vt rebus præstantibus, faueat Diuina clementia. Deus te tueatur Omnipotens, Rex Illustris, præstantissime Domine, & merito Christiane Princeps. Ex Florentia 7. Augusti 1442.

## EPISTOLA LXXVIII.

REGINÆ CASTELLÆ. (1)

## ARGUMENTVM.

*Idem est cum superioris Epistolæ Argumento, præterquam quod in hac explicet quantum Regnis, Regibus, & Reginis conferuandis, conferant suffragia precum Seruorum Dei.*

**D**iv est Illustris Regina, Domina venerabilis, & meritò præstantissima, quod affectus meus tuam excellentiam veneratus est, teque in Christo sobria charitate dilexit paruitas mea. Quo sanè casto Christianæ puritatis amore factum est, vt pro te sæpe Deum nostrum rogauerim, vt nunc quoque quotidie orem. Tribuant tibi alij ampla donaria. Ego de me, & meis in toto orbe dilectissimis fratribus, orationis patrociniū præbeo. Quod quidem suffragium pro tutandis Regnis, & Regibus, & Reginis, quocumque fulcimento humani conatus puto esse præstantius. Nam hoc solo gladio Moyses populum infidelem prostravit, & vicit, quem fidelis tamen turba Israeliticæ plebis armis fortioribus superare non poterant. Verum si quæras quæ causa præstantie me tuæ præsertim conciliet: li-

berè respondebo; tua Religio: fama enim vulgante, ad me peruenit te matrem esse Seruorum Dei, & zelo ardentissimo ita persequi Religionis aspernatores, sicut studio Sancti amoris rectè Deo suo seruientibus faues. Inter multos autem tuæ deuotionis prædicatores, vir venerabilis filius meus, Pater tuus, *frater Rodericus* (2) istarum baiulus, non minorem obtinet locum. Quem quia scio veneraris, vt Patrem, oro te Illustris, atque insignis Christiana Regina, vt ei pariter credas atque ad sis in his omnibus, quæ nostro nomine ad te afferet: sunt enim eius generis, quibus nulla humana potestas debeat aduerfari, cum his Diuina gratia obsecundet. Deus te tueatur Omnipotens, Regina Illustris, Domina venerabilis, & meritò præstantissima. Ex Florentia 7. Aug. 1442.

## N O T A E.

## Nota I.

*Regina Castella.* Hæc Regina, ad eò Religionis addicta, vt Mater Seruorum Dei esset, & zelo ardentissimo, ita persequeretur Religionis aspernatores, sicut studio Sancti amoris rectè Deo suo seruientibus fauebat, erat Maria filia Ferdinandi Aragonum Regis, quæ Consofrino suo, Ioanni II. Castellæ Regi, anno 1418. nupta fuit, & anno 1445. obiit, vt author mihi est Garibayus tom. 2. lib. 16. cap. 11. & 35.

## Nota II.

*Frater Rodericus.* Hunc natione Castellanicum fuisse indicat B. Albertus in Epistola ad Regem, *quem nobis*, Inquiens, *tua patria peperit.* In vtraque autem Epistola, ad Regem quidem, scire se Regem cum venerari, vt Patrem, & ad Reginam virum venerabilem, filium suum, Reginx Patrem vocat, forè illi à sacris confessionibus fuit. Certè talem eum æstimare videtur Albertus, vt honori Reginx esse crederet, quod virtutis testimonium ab ipso habuerit: sed quis fuerit hic frater Rodericus nondum mihi satis comperit: sed quis fuerit hic frater Rodericus huius zui, alterum regularis obseruantix, secundum Vicarium ob-

seruantum illius Prouinciæ apud Salazarium in Hist. Prou. lib. 2. cap. 11. seu obseruantum eisdem in Castella, vt eum vocat Vvaddingus ann. 1456. num. 156. quo tempore Ouanius in eo officio constitutus, S. Didacum ab Insulis Canarijs reducem, compluti collocauit. Alterum verò Rodericum de Ona qui anno Christi 1445. Nuncius Eugenij Pontificis in Regnis Castellæ & Legionis fuit, & magnam vim pecuniarum, pro sacri belli sumptibus collegerat, quam Pontifex iussit, vt mitteret. Anno verò sequenti ex decreto Capituli Generalis obseruantum in Urbem vocatus est, vt his verbis narrat Vvaddingus an. 1446. n. 3. decernerunt, vt vacarentur duo ex Germania, totidem ex Gallia & Hispania, viri eruditi & graues, qui splendori essent, & præsidio. Memoriale ordinis speciatim refert ex Hispania euocatum fratrem Rodericum de Onnia virum, inquit, perfectum, & prædicatorem Euangelicum, & ab Eugenio Pontifice dilectionis charitate receptum, vt cum filij loco haberet, & omnia postulata illi concederet. Vter modò horum, an alius ab eis diuersus fuerit ille frater Rodericus, cui B. Albertus ordinis negotia, cum Rege, & Regina tractanda commisit, certò affirmare non ausing.

## EPISTOLA LXXIX.

## CONVENTUI PADVANO.

## ARGVMENTVM.

*Absente apud Pontificem B. Alberto Ministro Prouinciæ Sancti Antonij, & ordinis Vicario Generali, inimicus homo in Conuentu Paduano eiusdem Sancti superfeminavit rixania, eorum authoribus innocuos religiosos apud seculi potestates & temporales Dominos grauiter accusantibus, non*  
sine

*sine scandalo Religionis. Qua re offensus Albertus, eos per hanc Epistolam cum charitatis & auctoritatis moderatione commonet, & pacem suadet.*

**G**rauiſſimę mihi moleſtię pondus allatum eſt, Patres chariſſimi & amantiſſimi fratres, audienti quę nefaria proditorię colluſionis ſclera vobis inuicem obiectis, atque ea ipſa per inſolentiam falſę criminationis, *coram ſæculi poteſtatibus* (1) magno cum Religionis noſtrę dedecore afferatis: quę nimis erat clam domi alterutra iniuria exprobrare. Satis erat præterea hæc, ſi vera fuiſſent, per Prælatos noſtri ordinis agitari, clam mundo, neſciente ſæculo, ignorantibus hominibus non noſtri propoſiti, quos difficile eſt, per bonorum operum exempla, & Chriſto & ſaluti ſuę lucrari; facile verò paruo, nedum magno ſcandalo, ab honore & deuotione Religionis abducere. Nunc verò contra omnia peruerſo ordine agi contigit. Nam qui ſtudio Sanctorum operum acquirere proximos noſtros debueramus, perditis nequioris vitę moribus frequenter amittimus. Qui deinde veris accuſationibus agere, ſimulata conſingimus: qui poſtremò in abdito noſtro noſtra pudenda, ſi quę erant, curare per familiares medicos, per Patres pios, quod agere tutiſſimum erat; currimus ad crudeles chirurgos, & Patribus relictis, ac Matribus clementiſſimis, vitricos quærimus, & nouercas. Ecce factus ſum ego veſtrę beneuolentia, per myſterium electionis vobis placitę, Pater; per Vicariatum obedientię coactę Prælatuſ. Quis veſtrum de hiſ ſcleribus, quę apud vos geruntur, ad me aliquid ſcripſit? quis rogauit miſericordiam?

quis quæſiuit remedia? cucurriſtis ad ſæculum, vt teſtimonium vobis ipſis perhiberetis, quod in Religionē noſtra animoſas veſtras non poſſetis explere vindictas: ſed gratias ago Deo meo, qui ſuis fidelibus, quamuis ſæculi hominibus, tribuit, & tribuet ſapientiam, quã plenè veſtram machinamenta, & maledicta cognofcant. Ad vos ſermo meus eſt, qui Diabolico more, fratribus veſtris maculam turpioris infamiz, ſtudio contentionis, curatis inurere. De Diabolo enim in Apocalypſi ſcriptum eſt. Cecidit accuſator fratrum ſuorum, qui accuſabat illos die, ac nocte. Videant qui eiufmodi ſunt, quid vindicatura ſit iuſtitia mea, niſi male acta emendare maluerint. Quid lenitura ſit miſericordia mea, ſi ad frugem vitę melioris modeſtè magis redierint. In virga veniam ad vos, an in ſpiritu manſuetudinis? ait Apoſtoluſ: Eligite quod vos magis delectat, pacem dico inter vos nutrire, an bellum fouere? & talem me vobis pro materię diſtinctione præbebo. Verumtamen hoc certò ſcitote, tanto me acriorem futurum perſeuerantibus malis, quanto eos ſuauius ante monuero: & de moleſtis rebus hæc hætenus. Ceterum ſuper prouiſione Generalis Capituli, eam, quouſque venero, diligentiam adhibete, maxime qui vobis præſunt, & qui plus valent conſilio; quę pro rei magnitudine cenſenda putatur. Qui plus me diligunt, plus prouideant, non modo per ſe ipſos, verum etiam per ſtudioſum clarorum virorum, qui ſacrum & cœleſtem theſaurum, B. ſci-

licet Patris Antonij Corpus, custodiunt, cum alijs ad eam curam dignissimam deputatis. De quorum sapientia, quoniam nultum confido, donec venio particulariter nihil explico eorum, quæ in præsen-

negotio iudico expedire. Quibus omnibus, ac reliquis civibus commendate in Domino studiosius. Valete in Domino, & orate pro me ex Florentia 13. Aug. 1442.

N O T A.

*Coram seculi potestatibus.* Vide Epistola 83. ad Eugenium Pontificem, & alias quæ ibi sequuntur, cum suis no-

tis, ubi religiosorum recursus, ad secularium fauores, amplius explicatur.

E P I S T O L A LXXX.

M A T T H I Æ M I N I S T R O S A X O N I Æ (1)

A R G V M E N T V M.

*In Schismate Amadei Sabaudi, qui à Basileensibus aduersus Eugenium IV. verum Pontificem erectus Felix V. dicebatur, triplex erat hominum vel sensus vel affectus. alij enim Eugenio tanquam legitimo, unicoque & uniuersali Ecclesie capiti constanter adharebant; alij Felicis Pontificium pertinaciter pro conciliabuli auctoritate tuebantur; alij ipsi Concilio adiecti à Pontificatus questione, tanquam neutrales, abstinebant: Matthiam autem aliqui in secundis, & qui fauorabilius loquebantur in tertij nominabant. Albertus igitur, tum pro Christiana & religiosa charitate, tum pro officij sui munere, fratrem & subditum suum efficaciter monet, ut fame suæ, ac Religionis, suæque saluti consulat; parscelus esse demonstrans seu verum Pontificem abneget, seu re ipsa non audiat, & vel besitando non colat.*

**Q**uamuis nullam tui notitiam habeam, venerande Magister, Minister, quantum attinet ad præsentiam corporis, nullaque inter nos diuturnæ conuersationis amicitia olim contracta sit, facit tamen humanitas, facit nostra Religio communis, facit denique Christianum nomen, atque ipsa imprimis charitas Christi, vt

non propterea te minus diligam. Nam si solos eos diligeremus, aut quos vidimus, aut cum quibus diu versati sumus, angustum profectò esset, etiam erga nos ipsos, vt alios taceam, latissimum mandatum Dominicæ charitatis, & Christianæ dilectionis amplissimus campus; fietque res valdè ridicula, ac vehementius detestanda, vt nec nos ipsos dili-

diligere, neque Sanctos, & claros plerosque viros, toto orbe dispersos, cum neque nos ipsos conspiciamus, neque illis vlla consuetudo nos amicos effecerit: sed ita se magis veritas habet, vt maiora sint vincula illa, quæ dixi publici muneris, quam priuati. Cum igitur pariter in hæc præclara conueniamus, quod homines sumus, quod vna nos complectitur & tuetur cœlestis ordinis communis Religio, quod eodem nomine Christiano censemur, in quo iuxta Apostolum Petrum, Deum glorificare debemus: quid est in quo verear confidentius ad te scribere? præsertim cum alterutro nobis bona, quæ semper mansura sunt, sine dubitatione optemus; in quorum communicatione bonorum, vera illa Christiani nominis amicitia, & sine corruptione gignitur, & sine metu amissionis seruatur. Accedit postremò quod cum locum speculatoris, quamuis nullo merito, teneam, & te, si digneris, pro tua virtute, atque humilitate Religionis, vt reliquos omnes nostri ordinis fratres, debeam pro debito officij mei, & pro solitudine ministerij commonere. Ecce iam quantum arbitrator, vides mi venerande Minister, per ea quæ dixi, iacta esse solida fundamenta, non solum firmioris inter nos amicitie, verum etiam liberæ confidentie, ea ad te scribendi, quæ & honori tuo, & saluti conducant. Quæ si admittas, cognosces meam erga te amicitie sinceritatem, qui diligenter ac vigilantè occurro pro charitate rumoribus malis, ac pestiferis, qui de te in his nostris Prouincijs latè feruntur. Qui & ipsi, si falsi sunt, quod Deus vnus, optimus, & maximus fecerit, maiorem tibi innocentie gloriam al-

latura est eorum per te facta purgatio, quam attulerat falsa criminatio, & infamia: si autem vera sunt quæ dicuntur, sapientia animi poenitentis efficiet, vt Religio nostra, lætitia reperti filij esseratur, & tu apud Patrem familias gloria maiore emineas: sed ad causam veniamus. Sunt qui de te dicunt, quod obedientia Pontificis maximi Eugenij, Dei prouidentia vnici, solius, ac veri in Ecclesia Catholica Orthodoxa, Apostolicaque Pastoris, sacrilega temeritate decideris. Sunt item qui hæc de te negent; sed te asserant, vt eorum verbo utar, esse in hoc negotio neutralem. Quorum vtrumque, quid sceleris habeat, pro tua eruditione ac prudentia debes agnoscere; cum & alterum apostasiam apertissimi schismatis sapiat, alterum inimicitias Deo indicens manifeste disensionis bellum profiteatur, dicente Domino Salvatore: *Qui non est mecum, aduersum me est.* Prospicias ergo tibi ipsi, mi venerande Minister, nec tibi famam tuam negligendam existimes, ne dicaris præsertim in causa fidei, vel altero, vel vtroque pede claudicare. Memineris potius Euangelicæ nostræ professionis, & cœlestis illius oraculi, quo subiectionem illam humillimam, in auribus fratrum omnium, & B. Pater, & nostra Regula personat dicens: *Frater Franciscus promittit obedientiam, & reuerentiam Domino Papæ Honorio, ac Successoribus eius Canonice intrantibus.* Animaduerte, (oro te) quid sibi velit hoc verbum, quamque vim habeat *Canonice intrantibus*, vt intelligas, non congruere nostræ professioni quempiam fratrem, qui rectè & sapere, & agere velit, aut pro Canonicis Pontificibus

bus hæsitare, si res postulat, etiam emori, aut ab usurpatoribus Sanctæ Sedis, cum opus fuerit, iuxta Patrum Sanctiones occidi. Tribuat tibi Dominus atque augeat Catholicum sensum, faciatque misericordia eius, vt in futuro nostræ Religionis Generali Capitulo nos inuicem Christiana

beneuolentia complectamur, ad quod vt omnino proficiscare, & S. D. N. per suas, & ego per meas literas, alias diligentius inuitaui, *quamuis nondum meruerim habere responsum* (2) Vale in Domino, & ora pro me. Paduz 1442.

N O T A E.

Nota I.

*Matthie Ministro Saxonie.* Alij Matthiam, alij Matthæum nominant; alij, alijque cognominant, nunc Doringum, nunc Thoringum. Erat autem natione Germanus, homo doctus, & S. Theologiæ Magister Conuentalis, & Prouinciæ Saxonie iuxta ordinis morem Minister, quo utroque nomine Albertus ipsum in hac Epistola vocat. Ipsi nomen vel maximè celebratur à Replicis, quas pro defensione Nicolai Lyrani scripsit aduersus additiones Pauli Burgenfis ad Lyrani glossas in Sacram Scripturam.

Nota II.

*Quamuis nondum meruerim habere responsum.* Contempit enim Do-

ringus vocem Pastoris, & in suo sensu vsque ad eò abundauit, & (quod habet Vvaddingus de scriptoribus ordinis, vbi de Matthia Doringo) Bernæ apud Heluetos anno sequenti 1443. nescio in quo Schismatico partiatorum conuenticulo, contra fas electus Generalis Minister, in eo munere annis sex perseuerauit; quamvis eiusdem instituti eodem anno verus Minister in vero Capitulo Generali Paduz electus fuerit, & postea per Eugenium Pontificem in officio confirmatus: hoc etenim inter alia regularibus viris inferebant Schismata Pontificia, vt Religiosi Prouinciarum cum Pontificem colerent, cui ipsorum Reges, vel Principes adhaerebant.

S C H O L I O N.

Duz sequentes Epistolæ nec in codice nostro S. Isidori, nec in Capistranensi reperiuntur, sed Originales, vt ipsius B. Alberti manu scriptæ, sic tanquam Sacræ Reliquiæ, obducto muro, cum veneratione seruantur in publico loculo parietis templi Minorum Sarthiani, Diœcesis Clusinae, quod Oppidum Erturiz B. viri patria est: vnde earum exempla ad me nuper missa sunt, cum publicis attestacionibus, tam Priorum communitatis Sarthiani, quam Vicarij Generalis Diœcesis Clusinae, eius Ciuitatis Episcopi autoritate confectis.

## EPISTOLA LXXXI.

PRIORIBVS ET POPVLO SARTHIANI OPPIDI.

## ARGVMENTVM.

*Alberto in dignitate & munere Vicarij Generalis totius ordinis Minorum, constituto, per publicas literas, & nuncium congratulata est patria Sarthianum, ipsiusque nuntij, nescio quod, negotium commendat. Ipsa hac Epistola conciuum in se benevolentiam testatur, & nuncio satisfactum iri promittit.*

*Magnificis Patribus (1) & Dominis meis Prioribus,  
& communi Terræ Sarthiani &c.*

**A**cceptis literis vestris, Magnifici Domini mei, per fratrem Iacobum conciuem vestrum, filium meum dilectissimum, prospexi quanto me feruore diligitis; qui super mihi commisso officio, tanto gaudio, exultastis, quod mihi quidem ignotum non erat, aut aliqua ex parte dubitandum: in eundem scilicet vos oblequiosos exhibere, quæ honestati meæ quiequam accommodarent. Pro quibus equidem ipse Omnipotenti Deo primum, inde B. M. Virgini gratias ago. Sed quoniam me imparem huic oneri esse per-

suasi mihi, quæso me vestris iuuare orationibus, vt ex hoc non minus, quam ex oblationibus vestris, charitati vestræ obnoxius reddar: in negotio autem illius fratris, pro sedulitate vestra, qua me requiritis, pro charitate quam vestræ M. debeo, prouisioni debitæ instabo, pro vt ille ipse Fr. Iacobus meo nomine ad vos afferet: cui propterea dignemini, tanquam mihi, tradere indubiam fidem. Dominus vos tueatur Omnipotens, Patres optimi, & merito venerandi. *Florentiæ 11. Augusti (2)*  
1442.

## N O T A E.

## Nota I.

*Magnificis Patribus.* Non ignora Priores, & Senatam cuiuscumque Reipublicæ Patres appellari posse, sed hoc modo loquendi videtur Albertus, cum etiam populum comprehendat, significare se illius oppidi filium esse: vt certo fuisse nos in eius vita demonstrauius.

Nam cur alioquin Sarthianenses, præ alijs, illi congratularentur, tanto feruore ipsum diligerent, nisi vt honorem sibi in filio accedentem eidem acceptum referrent? quos proinde vicem redditurus, Patres suos vocat, eosque optimos, & merito venerandos, vt solent filij ad parentes loqui.

## Nota II.

*Florentia* 11. *Augusti*. In fine Maij, vel initio Iunij, Albertus Paduz, Comitiorum suffragijs, Minister Prouinciæ S. Antonij electus est, per obitum Dalismani Parauini, quem Albertus in primo horum opusculorum laudauit. Quo letus Eugenius Pontifex, literas Apostolicas expediuit, XVI. Kalend. Aug. Florentiæ datas, quibus ipsum in eo munere confirmauit, & alteras die proximè sequenti, per quas eum constituit Vicarium Generalem totius ordinis Min. & Prouisorem, ac Præsidentem futuri Capituli Generalis. Quibus acceptis hæsit Florentiæ, ubi

Pontifex tunc morabatur, vt debitam illi obedientiam, & suo, & Religionis nomine præstaret, benedictionemque Apostolicam, & agendorum oracula reportaret, & has ibi Epistolas mense Augusti scripsit, imò & 70. in Iunio & alias sequentes in Iulio. Mansisse ergo per plures dies in Curia, colligimus ex literis sequentibus ad S. Bernardinum, quæ 24. eiusdem mensis Augusti datæ sunt, per duos videlicet menses circiter. Hic verò notandum, licet Bullæ prædictæ data sint 16. & 15. Kal. Augusti, prius tamen institutum Albertum Vicarium Generalem ordinis die 10. Iulij, vt ipse testatur supra Ep. 70. potius enim prius oraculo Pontificio instituti, & posteriùs expediri institutionis Bulla.

EPISTOLA LXXXII.  
BERNARDINO SENENSI.

ARGUMENTVM.

*Patentes sunt, per quas amplam potestatem confert S. Bernardino, in Conuentu Capreolæ prope Senas.*

In Christo sibi Charissimo P. F. Bernardino de Senis F. Albertus de Sarthiano Minister Prouinciæ S. Antonij, ac totius Ordinis Minorum Vicarius Generalis, à Sede Apostolica institutus, & confirmatus, salutem in Domino, & pacem sempiternam.

**E**X quibusdam relationibus, & iustis, ac rationabilibus eausis, animum meum mouentibus, te, de cuius probatissima vita, ac vulgatissima fama, & miro Religionis zelo, cæterisque virtutibus, quibus te Altissimus misericè decorauit, longa, & veteri experientia, sum plenissimè informatus, meum Commissarium, cum omni plenitudine potestatis institui, ac institutum denuntio per præsentem, in loco nostro Capreolæ (1) prope Senas, & fratribus commorantibus in eo-

dem: dans tibi per præsentem plenam & liberam facultatem visitandi publicè, & priuatè, tam in capite, quam in membris dicti loci, nec non inquirendi, examinandi, procedendi, terminandi, corrigendi, puniendi, carcerandi, detinendi, priuandi, instituendi, restituendi, & omnia alia, & singula faciendi, gerendi, & exequendi, quæ ego ipse facere possem, si personaliter interesset, salua in omnibus auctoritate Vicarij Prouinciæ, dum præsens existeret in loco prædicto. Vale  
in

in Christo Iesu, & ora pro me; mandans insuper omnibus, & singulis fratribus in eodem loco commorantibus, & commoraturis, quatenus tibi, tanquam mihi teneantur in

omnibus obedire. Vale iterum. Florentiæ XXIV. Aug. 1442.

*Frater Albertus Sartbianensis Minister S. Antonij ac Generalis Vicarius Ord. Min. indignus.*

## N O T A.

*In loco nostro Capreole:* Hic locus M. tantum PP. distat Senis, eumque Bernardinus ipse adulescens, humili ædificio, & Sanctissimis institutis, in ordinis & obseruantie regularis domum erexit. Quapropter existimo eum, postquam hoc ipso anno 1442. munus Vicarij Generalis Cismontani obseruantum in manus Pontificis abdicauit, illuc ad tempus secedere voluisse, quo liberius Deo, & animæ suæ colendæ vacaret; adeoque patentes istas, non vllius necessarij iudicaturæ, vel specialis gubernij, sed honoris tantum causa, ab Alberto, ipsius secundum Deum filio & discipulo, illi missas fuisse. Quid enim in parua silitaria, & religiosissima domo poterat esse negotij, quod vel superior domesticus, vel Prouincialis etiam absens, vel sola præsentia

Bernardini non facile componeret? sed erat ille tunc in Religione, & magnis prædicationis & pœnitentiæ laboribus quadragenarius, habijtque ætatis sexagesimum secundum, & vitæ suæ penè penultimum annum, Vicarij Generalis officio sanctissimè iam perfunctus: eratq; cæterorum rigidioris instituti Pater, Magister, & vna regula Sanctitatis, ac disciplinæ, propter quæ Albertus indignum iudicauit, sitanquam vnus de plebe, iuniori alicui præfecto subiectus esset, vnde ipsum non meritis tantum, & vltroque omnium reuerentia, sed etiam officio, & auctoritate, etiam ipso superiore locali, maiorem esse & haberi voluit, salua tamen auctoritate superioris Prouinciæ, cum adesset, ne ordinarij regiminis ordo inuertatur.

## EPISTOLA LXXXIII.

BEATISSIMO PAPÆ EVGENIO.

## ARGVMENTVM.

*Sub finem Augusti Paduam reuersus Albertus, sensit sibi obstaculo ad rem rectè gerendam esse, procurari à subditis protectionem Dominorum temporalium. Rem scribit Pontifici, & cautum modum proponit, quo per eius literas, ad se mittendas, remedium fortassis apponi possit.*

**A**D erigendam huius Prouincie collapsionem, B. P. cuius tibi placuit me Ministrum, quamuis immeritum, instituire, multa mihi impedimenta

sunt, sed præ omnibus aliqui insolentes, quos nec punire possum, neque ex hac prouincia, per eos, ac reliquos iam euerfa, depellere, detrudere, deturbare: Tuentur enira

sefe omni licentia, atque impunitate malorum, quam sibi Dominos quosdam præbuisse confirmant, apud quos fratres suos falsis criminationibus accusantes, in contemptum omnium Prælatorum, ne parum quidem de sceleribus argui possunt, quin se clamitent à dominatione temporalium factos immunes; quos & ipsos si nullo metu laicorum defendentium puniam, sicut nec eos timeo, *sumenda sunt mihi bella* (1) acerbiora cum Dominis temporalibus, qui ut à grauissimis viris sum factus certior, iniquo sum animo accepturi, si scilicet meos subditos ac malos castigem, quos ipsi sua libertate, sed nulla iustitia Religionis surriperunt.

Esto enim B. P. peccarint, quos impij accusarunt, num apud sæculi homines delatio etiam certorum malorum faciendæ erat? ac non potius apud suæ religionis maiores. Domini verò illi & accipiunt accusationem calumniæ, quam ad Maiores Religionis, etiam veram, referre debuissent, & meritam punitionem malorum in iniustitia detinent, & innocentes acerbius criminantur, quos iam diu non probatos nocentes, liberos abire non sinunt. Ego autem, neque infontibus purgationem falsæ criminationis, neque fontibus præ-

nam impendere queo; neque à Dominis illis libertatem vtriusque exhibendæ valeo extorquere. Sum enim diligenter locutus cum Domino, cunisque his, quos consiliarios vocant. Pollicentur siquidem bonæ, sed nec ea dum faciunt, nec facturos vlla mihi spes est, quemadmodum, per eos ipsos, qui de eorum numero sunt, apertè conijcio: dum soli se etietius mecum conferunt. Videor enim videre, rem iniquam eis videri, si causam, quam dicere solent sui status, faccis panniceis, vel pannarijs, ut aiunt, id est fratribus, quos etiam per contemptum sic appellant, vilo pacto terminandam, committant.

Igitur B. P. nulla prouiso saluator mihi videtur, quam si tua Sanctitas, tacito quod de his ad te scripserim, veluti etiam ignara eius indigni fauoris, quem inquis prædicti magno cum scelere & dedecore præstant, mihi, si habet, diligentius mandes, ut fratres illos, de quibus hæc scandala audiverit Sanctitas tua, ad te eelerius proficisci proceurem. Quo facto literas tuæ Sanctitatis feram ad Dominos, actum tandem quid sentiant apertè perspiciam. Dominus te tueatur Omnipotens B. P. ex Padua Kalendis Septemb. 1442.

## N O T A.

*Sumenda sunt mihi bella.* Perpetua est ista querela, de fauoribus sæcularium, quibus ligantur manus superiorum ordinis, ne iuxta regularia instituta possint disponere de suis subditis. Propterea multæ & graues factæ sunt constitutiones Apostolicæ, à Summis Pontificibus Pio V. Gregorio XIII. Paulo V. & Urbano VIII. per quas &

subditis prohibetur, ne illos querant, & superioribus, ne eis deferant: & tamen ita illis vexantur, ut nisi concedant, quæ illi petunt, quod Albertus hic dicit, *bella acerbiora cum Dominis temporalibus ipsi assumenda sint*, veni iniquam putantibus illis, si causam, quam dicere solent sui status, fratribus terminandam committant, suæque authori-

thoritati derogare, si quidquid protegendum assumant, quantumvis Religioni incommodum, non assequuntur. Videnda statuta Barchinonensia c.6.§.8.

de fauoribus secularium. Et Vallifolletana anni 1651. in quibus Bulla Urbani recenter acceptata, & in fine constit. impressa est.

## EPISTOLA LXXXIV.

## CONVENTUI PARISIENSI.

## ARGUMENTVM.

*Quidam Frater Ioannes Prouincie Burgundie, nescio qua auctoritate, in Conuentu Parisiensi surpabat sibi locum Baccalaurei formati, & Alberti Vicarij Generalis iussa parui pendebat: scribit ergo Conuentui, auctoritatem suam contemnendam non esse, nec modestiam, qua utebatur, debere suffragari rebellibus, iubetque vt Patres Burgundum amoueant, & Genesium Parmensem legitime institutum illi substituunt.*

**D**electat me vehementer, venerabiles mihi, & suauissimi in Domino Iesu Patres, nescio quo interno Christianæ dilectionis sapore manu propria ad vos scribere, quamuis pro more nostræ gloriosæ Religionis literas Commissariatui fecerim ad vos scribi, easque non solum manu mea ipse subscripserim, verum etiam *præter morem consuetudinis meæ* (1) sigillo officij Generalatus fecerim consignari. Nam cum in mea institutione, Apostolicæ Sedis clementia voluisset, me tristem atque moerentem tanquam materna pietate consolari, qui *inuitus ad officium adactus* (2) lugebam, præbuit confirmationis amplissimas Bullas, dedit registra ordinis, quæ post obitum suavis memoriz præcessoris mei, *sub Apostolicæ sollicitudinis cura* (3) diligentius seruabantur: sigillo quoque ordinis nostri, mihi per Pontificem Maximum præbito, in potestate mea positum est, vtrum

eo vellem, aut non vellem vti. A cuius tamen vsu in hodiernum diem sola modestia me continuit: sed vt video ipsa humilitas, quæ vnti mihi utilis semper futura est, & officio derogat, dum contemnitur, & superbientibus nocet, dum de humilitate mea tergiversandi & cauillandi ac impudentius rebellandi occasionem accipiunt. Cum ergo iniquissimum sit, vt vnde ego gloriam debeo consequi, inde contumeliam adipiscar: superbi verò subditi, ac procacius rebellantes, vnde & luere pœnas contumaciæ debent; inde commodum impunitatis reportent, volo penitus, ac in vim obedientiæ vobis omnibus mando, vt si Deum diligitis, si D. N. Papam Eugenium Sanctissimum reueremini, si pro honore meo, pro disciplina morum, pro cultu nostræ Religionis, vilo vnquam tempore zelo zelati estis; nunc accingamini omni studio diligentiz, & curæ, non minus seuerissimæ di-

sciplinæ, ne vlla licentia impunitatis, Religionis obedientia dissoluatur. Aduocate ergo fratrem Ioannem de N. Prouinciæ Burgundiz, & edocete eum, quam falso se gerat pro Baccalautio formato Conuentus egregij Parisiensis, cum & in registro ordinis contrarium manifestè appateat, sicut & literæ, de quibus superius dixi, apertè testantur, & *Patres quatuor, aut quinque* (4) super gubernatione ordinis instituti, è quibus ego minimus etiam, Apostolica autoritate, Fratrem Genesium Parmensem, ritè & sanctè inspecta, diligentius veritate, instituetimus; & ego postmodò, cum essem factus Vicarius, eundem Genesium & confirmauetim, & nouiter instituerim. Quod proculdubio nunquam fecissem, nisi ab Apostolica Sede Sanctam potestatem idoneam accepissem, & nisi compertum haberem,

Fr. Ioannem prædictum nullo iure, posse tueri, *ut Baccalautius* (5) esset, vel iuste posse conqueri, tanquam sibi præriperetur iniuste, quod iniuste tenebat. Constituto itaque Fratre Genesio Parmensi in loco Baccalautij pro cursu in Conuentu nostro Parisiensi, Fr. illum Ioannem prædictum, omninò ab vsurpato officio, & si vobis videbitur, etiam à Conuentu amoueat. In fine oro vos Patres, vt si vir venerabilis, Fr. Ioannes de Capistrano, quem ad Prouinciæ Franciæ pro bonis causis misimus, ad agendas prædictas causas Parisios venerit, illum vobis in gerendo negotio addere non grauemini, vt & à vobis & à me videatur pro suo merito honorari: sin autem, ipsi vos omnia cum sapientia agite. Valetè in Domino, & orate pro me, ex Padua. 29. Ianuarij 1443.

---

N O T A E.

Nota I.

*Præter morem consuetudinis meæ.* Idest pro sua modestia non vtendi sigillo ordinis, vt ipse infectus declarat: à cuius tamen vsu, inquiens, in *bodiernum diem sola modestia me continuit.*

Nota II.

*Inuitus ad officium adactus.* Hæc amplius supra, Epistola 74. ad Iacobum Primadiciem. *Fatum est clam me &c. vt ego Minister eiusdem Prouinciæ eligerer: & paulo post. Renuenti mihi veraciter, ita me Christus inuuet, ac multipliciter reluctanti etiam Vicariatus totius ordinis pondus adiecit, sub quo onere quam mollis gemam, testis est Christus.* Ex quibus inter alia multa manifestum

est, quam nihil ambiebat Albertus dignitates.

Nota III.

*Sub Apostolica sollicitudinis cura.* Etenim Florentiæ, in Pontificia tunc Curia defuncto Guilielmo Casalensi, ordinis Ministro Generali, curauit Eugenius Regesta & sigillum eautè custodiri, dum defuncto successor aliquis designaretur. Cum autem ipse Pontifex Albertum ordinis Vicarium instituit, omnia illi tradidit, cum illo humilis Alberti solatio, vt sigillo Ministrorum Generalium vti posset, vel eum vellet, non vti: Indignum se vir modestissimus tanta autoritate reputabat, & propterea ab illius sigilli vsu abstinere, quamquam Pontifex institutionis ipsius diplomate profiteatur, nullum alium sibi, post

post longam considerationem, occurrisset magis idoneum, cui ordinis regendi onus imponeret.

sens, sed eum alijs Patribus, à Pontifice deputatis, etiam eum autoritate pati, actor fuit,

## Nota IV.

*Patres quatuor, aut quinque.* Totidem præfecit Pontifex, expediendis ordinis negotijs post mortem Generalis Casalensis, donec novus Minister Generalis eligeretur, vel ipse Vicarium ordinis institueret, ut ipse Pontifex in diplomate institutionis testatur: ex quibus Albertum vnum fuisse, in hac Epistola ipse refert, ut maiori euidencia comprobaret Genesij Parmensis institutionem in Baccalaureum Patiensis Conuentus, legitimam fuisse, in quam nimirum ipse, non solum spectator præ-

## Nota V.

*Baccalaurius.* Sic olim dicebantur à bacillo, quo insigniri solebant, quibus in Academia primus gradus conferrebat: sed magis eruditus hodie placeat Baccalaureos eos appellari, à veteri etiam consuetudine, qua lauri bacis coronabantur: quæ solemnitas etsi defuerit, nomen tamen retentum est. Vide si placet Iosephum Laurentium in Amalthea Onomastica, Ioan. Fungherum in Etimologico, & Calepinum in Dictionario.

## EPISTOLA LXXXV.

PHILIPPO MARIE DVCI MEDIOLANEN.

## ARGVMENTVM.

*Eodem tempore, et instantia pari, Philippus Dux, et Borius Estensis; Princeps Ferrariensis, petierunt ab Alberto, et Bernardinum Senensem ad suam Civitatem per imminentem Quadragesimam predicatum mitteret. Albertus per banc ad Philippum Epistolam, apud utrumque se excusat, misso eius exemplo ad Borium cum alia sequenti, ratus iisdem rationibus utrique Principi satisfactum iri.*

**S**I amicis rectè quippiam postulantis, erimnis loco haberi solet, cum eis aliquid denegamus, cui putas maculæ duci debere, Philippe Princeps Illustris, si Principibus ipsis, cum quæque iusta efflagitauerint, nos vilo pacto ea inficiari contingat. Nam quantum laudi datur, cum honestis in rebus amicis nostris obsequimur, propterea quod in amicitia ratio, humanitas, & charitas, præsertim quæ Christiana est, colitur, tantum, & eo amplius,

summæ contumeliæ adscribendum, si erimus aliquando, Principibus præsertim magnis, inexorabiles: cum non modo, tum ea bona, quæ nunc diximus, longè à negantibus propellantur; sed, quod est nefarij facinoris, potestas ipsa, quæ omnis, Apostolo concinente, à Domino Deo est, apertè contemnitur. Sed & illud verissimum esse, quod huic tam magno vero subieimus, nemo aut sapiens, aut iudex, nisi iniquissimus, dubitabit; ita scilicet posquem-

quemquam, etiam maximis Principibus, id modeste negare, cuius faciendi nulla facultas adfit; ut debere parere, cum identidem efficere poterit: quoniam non minore licentia, qui non poterit, præcepta facultate absoluitur, quam præbita ligatur. Hæc cum ita se habeant, Philippe Christiane Princeps, intelligis quantum arbitror, quam sine vilo tui contemptu possim tibi denegare, quod postulas. Tam enim tibi possum concedere, ut vir Sanctus Fr. Bernardinus, mihi quidem ætate Pater, Mediolani commaneat, quam potest periturus inedia, nisi insipienter, necessarium panem abijcere; præsertim cum ego hanc causam prædicandi Patavij ante menses circiter octo cum illo sæpius egerim, & nullus mihi reliquorum, qui eius partes hic agat, penitus suppetat, Sed quod maioris est ponderis, proficiscente nuper ad me socio fratre illius, & nomine Bernardini diligentius sciscitante, quid de illo staturerem; cum seirem Bernardinum nullo loco, nulla obligatione ligatum, eo à me ordine discessit, is socius, ut omnino Bernardinus Paduam prædicaturus veniret, cuius etiam à me aduentus, socio illo præsentate, in publica conatione manifestatus est. Accedit postremo, ut pro angustia temporis,

etiam de tota Italia, alium providere non queam, cum reliqui omnes prædicatores ex nostris, in celeberrimis Italix civitatibus, iam pro more Ecclesiarum, certiore sponione sua firmati sunt. Cum itaque Illustris Princeps, omnia ista, quæ dixi, apertam mihi, atque honestam negandi facultatem suppeditent; pro honore tamen Principatus, non penitus quod postulas, nego; sed hac magis tecum modestia utor, ut quæ cum Bernardino statueris, ea rata sim habiturus, si modo cum prudentia collationis illius consulas rationem, & an pro prædicatione Paduana, non autem pro Capitulo, in quo non minus mihi necessarius est, sit abs te mihi in tanta causa Bernardinus præripiendus, in quo mihi & cura temporis quadrat, & penuria reliquorum angustat. Tribuat tibi Dominus Omnipotens, de potestate sua, in augmentum Christianæ Religionis, & fidei, & quod prius dicendum fuit, in gloriam Christi, cum amplissimo tuz salutis emolumento gloriosissimos referre triumphos. Sitque nomen tuum terrori hostibus Crucis, de quibus, accenso in te zelo Sancti amoris pro Catholica communi Matre, inclytas victorias consequare. Ex Padua ultimo Ianuarij 1443.

## EPISTOLA LXXXVI.

BORSIO PRINCIPI FERRARIENSI.

ARGUMENTUM.

*Ob negotiorum pondus, excusat se à longiori Epistola scribenda, et eius loco mittit exemplum illius, quam scripsit Philippo, quod uterque Princeps id ipsam sibi peteret.*

Maxi-

**M**aximum pondus negotiorum, Borli mi suavissime, atque illustris Princeps, cum mala valetudine oculorum & reliqui corporis, non me sinunt pro elegantia literarum tuarum longiorem Epistolam ad te scribere. Verum cum urgente causa Principi Mediolanensium quædam responderim, cum tu quoque sis Princeps, ac te mihi pro tuo in me amore dulcissimum profitearis amicum, quem omni studio dilectionis complector, statui ad te eadem scripta transmittere, ne, cum mihi non vacet, plurima dicere

compellar. Quæ ergo tanto Principi celeriter scripti, tu iidem eadem ad te scripta tibi, pro charitate mutua, persuadeas; & id age, quo me præ vobis illo viro indigere cognoveris: quem ambo instantius postulatis. Id est enim veri officium amici, ut quo plus opus habeat, in eo sibi cura obsequendi ab amico diligentius impendatur. Vale, & me ama, ac Ioannem meum, iam olim ex Tuscanella, qui tecum est, salutare meo nomine non graueris. Ex Padua ultimo Ianuarij 1443.

## EPISTOLA LXXXVII.

EPISCOPO CORONENSI. (1)

## ARGUMENTVM.

*Coronensis male accepisse videtur, quod Albertus, ipso intercedente, aliter egerit cum reo subdito, quam Episcopus illum precatus est. Albertus ergo hac Epistola auctoritatem suam fortiter, suaviterque tuetur; dum eius iudicij sui equitatem demonstrat, & ob Coronensis, atque Ariminensis Episcopi interpellationem pœnas reo debitas dimiserit.*

**S**I te possem, venerande Christi Antistes, tranquillo & loco & tempore, & quod magis est opus, *pacato animo* (2) conuenire, impetrarem fortassis abs te, consulta ratione ac iustitia, ut non dicam mihi redderes, quod non mereor, sed ut saltem ostenderes signo quopiam eas gratias, quas te & paratissimis, & acturum fuisse, si pro tuo arbitratu fecissem de *F. I. C.* (3) quod à me fieri magna precum instantia postulaueras. Quod si clanculo abs te solo ipse item solus impetrare nequidem, adhibitis sobrijs rerum zesti-

matioribus, grauibisque Iudicibus, eas palam, vel ab inuito te, id est ab ore tuo, pro meo iure, proculdubio extorquerem. Verum cum utroque hoc, tam priuato tecum familiariter, quam publico coram alijs iudicialiter, agendi remedio caream, non propterea à magna vlla spe animo concedi tibi persuadendi, quod velim, sicut ne à causa quidem concedisse me arbitror. Aget enim apud prudentiam tuam hæc paruissima scedula, atque id secretius, inter te, & ipsam, te exorabit, quod fortasse neque iuramentis, neque publicæ leges facere

potuissent. Nam ea est veri vis, atque potentia, ut secretius per se influat, quam ut violentius irrogetur, praefertim in animos hominum, qui ita sint instituti, ut de te credere debere mihi plurima persuadent. Ingenium dico, ratio, aetas, literae, & magna, quod scio, de me tua, quamvis praeter ac supra merita mea, existimatio. Quae omnia hoc penes te queunt efficiere, ut non à me putes, quidquam temerè factum, etsi non eo modo factum sit, quo tu fieri debere putabas. Taceo gradum tui venerabilis Praefulatus, qui pro experimento multarum, & rerum & causarum, eam practicam callet, ut probè norit saepe apud Praefatos falsis criminationibus accusari innoxios ac tergiversationibus falso defendi, qui rei sunt. In quarum difficultatum medio constituti cum variè fluctuemus, magna est opus sapientia, quam in Salomone Divino munere eluxisse etiam in rebus gerendis, literarum Divinarum testantur. Quo nos maximo dono si non ut ille praediti sumus; agamus in causis quod ratio consult, quod testes probant, quod leges iubent, & bona spes nobis erit ne apud Deum, quidem, ne dum apud homines, nos esse damnandos, non modo in causis rectè perpensis, atque comprehensis, id est quarum veritas indubitissima est; verum etiam in illis, quae nisi ut dictum est non sunt nobis aliter explorata; hoc est, in quibus etiam adhibito omni studio inveniendae veritatis saepe falli valemus. Hanc ego accuratissimam diligentiam pro virili mea illi causae praebui, in qua is accusabatur, pro quo me tantopere flagitasti. Qua sanè diligentia praeter experimenta, quae nescis, hoc mihi de illo peperit veritas, ut hominem

plectendum magno supplicio, rogatu Episcoporum venerabilium, Ariminensem dico & te, nullas ferè poenas ingentium errorum illum luere pro merito constituerim. Itaque non teneas ad me frustra scripsisse, ac per hoc si tantas, quas paraueras, gratias referre non libet, saltem definas me, pro tua humanitate, aut ipse oblique petere, aut aperte mordere. Sunt enim in literis tuis, & indicia indignantis animi, & signa comminantis, & quod est gravius, vestigia obreptantis. At ego qui sim professus me Dominum illum nostrum mitissimum Iesum Christum imitaturum, qui cum malediceretur, non maledicebat, & ut verbis tuis utar, *totus sum conscientia* (4) (quod utrum seriò, an ioco dixeris, ne gravius interpreter, ipse videris) pro indignatione benevolentiam; pro comminatione maxillam alteram, pro obreptione laudes referre paratus sum. Et haec quidem omnibus propter Deum, quanto magis tibi, cui praeter honorem tanti Sacerdotii, non solum debeo reuerentiam, verum, etiam propter veterem amicitiam, qua penè pueri quondam in schola, sub Guarino praefatore, Graecis literis ludebamus, nequaquam villo pacto excludendam benevolentiam puto. Proinde oro te Pater Episcopo, ut in plectendis errantium fratrum meorum culpis non me putes quicquam agere temerè, qui & consilio Sanctorum, atque eruditissimorum hominum in omnibus utor, & qui, quod scio à me dici aequo animo patiere, mihi quam tibi sunt admodum notiores. Commendo me tibi venerabilis Praeful, atque honorandae Christi Antistes. Ex Padua XVI. Martij 1443.

3. Regum  
3. 10.

## N O T A E.

## Nota I.

*Episcopo Coronensi.* Erat ille Christophorus Garctonus, veteri amicitia, cum Alberto coniunctus, qua, inquit, pene pueri quondam in schola graecis literis ludebamus. Sed vltiorem personæ notitiam, his verbis profert Flavius Blondus, Decad. 3. hist. lib. 8. pag. 527. interfuit assiduus huic frædri (Græcorum cum Ecclesiâ Latinâ) Christophorus Garctonus, Pont. Eugenij Secretarius, quem postea ob hanc rem bene gestam, Coronio Peloponnesi Oppido Episcopum dedit. Is qui ter quaterque per aliquot annos antea Palæologum à Pontifice adijisset, illi persuasit, vt quæ Basileenses eis impossibilia obtulissent, à Pontifice maiora, melioraque spondente acceptauerit. Et Albertus ipse, cum ab ingenio, ratione, ætate, literis, & rerum experientia laudat.

## Nota II.

*Pacato animo.* Non suo, sed Episcopi, cuius ad Albertum Epistola indignationem & minas præferbat. Quam autem pacatus, mitisque fuerit animus B. Viri, satis ipse professus est ijs ver-

bis. *At ego qui sum professus me Dominum illum nostrum mississimum Iesum Christum imitaturum &c.*

## Nota III.

*F. I. C.* Huius hominis nomen & patriam scimus, sed lectori minimè necessaria, omittenda satius quam deprecanda iudicauimus, ne vnius culpa plures erubescerent.

## Nota IV.

*Totus sum conscientia.* Vulgaris vrbaniſmus est, quo dicere solent, *V. S. è tutto bontà, è tutto pietà, tutto carità, tutto conscientia &c.* immo & Latinè locus est Pauli Manutij Epistola ad Antonium Augustinum apud Iunſtrifs. D. Nicolaum Antonium in sua Biblioth. Hispana, quam ingenti labore, summaque solertia & studio eruditissimam emisit, vbi sic loquitur Manutius: *Quantus quantus es totus labor, totus industria es.* Verum quoniam aliquando ex animo, aliquando irrisoriè, aliquando in contrario sensu exprobratoriè accipi potest, nec rarò profertur, idè sequitur *Quod utrum serio, an ioco dixeris &c.*

## EPISTOLA LXXXVIII.

## C. EPISCOPO ARIMINENSI. (I)

## ARGUMENTVM.

*In causa superioris Epistole, in fauorem illius subditi, scripsit etiam Ariminensis, sed cum maiori moderamine, quam Coronensis. Quapropter Albertus pari modestia illi respondet, & relatis ijs, quæ de illo Religioso disposuit, totam rem ipsius Ariminensis arbitrio defert.*

**M** Odestia literarum tuarum, venerande Christi Antistes, qua me grauitè, vt te decet, & sine

vlla culpa iactantiæ, immo cum necrito pietatis orasti, vt F. I. C. quantum pateretur iustitia, misererè; hoc

sanè meretur, hoc exigit, atque penè extorquet, vt si fieri potest, maiore tibi modestia respondeatur, quam à me flagitaueras. Verum quia nos ambos negotiosissimos, me quidem multa dictare, te verò multa dictata legere curæ plurimæ ventant; hoc tibi velim, pro tua charitate, & sapientia, breuibus persuadeas, omnia à me erga illum, non modo facta esse magna iustitia, verum etiam pro reuerentia postulantis maiore misericordia: cum tamen illum abas sæpe *expertus sim maioribus suis maxime pertinacem* (2) Quæ res, vt optimè nosti, consensu omnium sapientum, ac Sanctorum, in religiosi viri aboler prorsus omnem obedientiam, primam quidem votorum omnium, quæ profiteantur, qui Deo solemnibus obligatione dicati sunt.

Hunc præterea, etsi illum adeò certissimè probauerim reum, vt ei à me nulla penè ratione redire iterum, ad Cretam debuisset concedi, supplicante tamen illo instantius, vt illuc tantum iret, atque statim rediret, ne publica verecundia apud omnes videretur confusus, nescio qua pietate, fragilitati illius assensus sum; ita ta-

men, vt sub pactam fidem, ad me sine deceptione fraudulentæ, quemadmodum postularat, ad Capitulum nostrum, apud Patauium proximè celebrandum, quam celeriter redire deberet. Quam tamen inter nos, vt dixi, pactam fidem, vereor, ne pro vsu mendaciorum suorum, mihi non seruet. Ego vero nihil minus, cum pro restauranda existimatione illius, tum maxime pro obsequendo vel partim tibi, malo ita fecisse, qui fortasse satius fecerim, si aliter fecerim; hoc est, & pro salute illius, & pro arbitratu interpellantis, præsertim cum tu, qui sapias, per Dei misericordiam, quæ Dei sunt, longe magis optaueris, atque, vt certò scio, censueris, plus animæ illius quam infirmitati carnali sine dubitatione consulendum fuisse. Quod meum consilium, cum tibi probatum iri, & ex te ipso accepero, gratum habeo. Sin minus, & hoc ipsum quodeumque statueris, quamprimum id mihi veraciter innotuerit, pro tuo arbitratu faciendum putabo. Vale & exiguitatem meam orationibus adiuua, ex Padua vltimo die Martij 1443.

---

N O T A E.

Nota I.

*G. Episcopo Ariminenfi.* De hoc Christophoro Episcopo Ariminenfi, satis supra diximus, cuius optimi viri laudes non parum confirmat hæc Epistola B. Alberti ad ipsum.

Nota II.

*Expertus sum maioribus suis maxime pertinacem.* Superius diximus

aduersus importunitatem quorundam Dominorum temporalium, cum ordinum Religiosorum Prælaris, pro eorundem subditis, se opponunt. Sed hic locus, & quæ sequuntur exigunt, vt Religiosi ipsi, qui eos imprudenter interpellant, moneantur, quanto magis ea re perdant, quam lucrentur. Nam si rem friuolam, vel iniustam postulant, cogunt superiores, vt auctoritatem suam, suarumque dispositionum integritatem tueantur, vel, quod Albertus  
ad

ad Eugenium Pontificem scripsit, acerbiora bella cum Dominis temporalibus assumere, quibus & religio non parum turbatur, & non ædificatur mundus, vel se illis inhumanis, rudesque præbere, si nulla reddita ratione, peritionibus ipsorum refragantur, vel si veritatem dicant, religiosi iniusta prætendentis famam lædere. Quo fit, ut is deinceps Prælatum, quem humili vel subiectione, vel supplicatione placare, & in sui æstimationem, amoremque trahere possit, huiusmodi interpellatione, quæ vix absque querela fit, magis iriret, ac durior, asperiorque deinceps experiat: cui nimirum vim quamdam inferre velle visus est, & illum exerrum, quem patronum sibi fore credebat, vel sibi perdat, vel in aduerlarium commutat, dum de causæ iustitia, vel inhonestate doctus, illum despiciat, ac deserat; nec audire amplius, nec videre velit, qui rem vel iustitiæ, vel honestati contrariam ab amico petere præsumpsit.

Quia verò superiores quandoque vel decipi possunt, vel humanum aliquid pati, homines enim sunt, & forte ab iniquis instructi, propter quod Spiritus Sanctus per Prophetam dixit Habacuc. *Factum est iudicium, & contradictio posterior, propter hoc lacerata est lex, & non peruenit usque ad finem iudicium: quia impius prauales aduersus iustum: propterea egreditur iudicium peruersum.* Tum subditus si audeat, vel audiendus sit, faciem superioris deprecetur, vel si oppressus est, quod iure naturæ, ordinis, & Ecclesiæ legis licet, ad maiores prouocet, vel modestius & absque fori strepitu quietius aliquem quærat, non qui potentia Prælatos cogat, non qui, quamuis deprecantis specie, iure quodam suo regat, sed qui pro sapientia, & reuerentia sua Iudicem, de tota re liberius informet, & cum Daniele Propheta dicat. *Reuertimini ad iudicium, quia falsum testimonium locuti sunt aduersus eam.*

Si nihil horum suppetat, Christum Crucifixum oret, & calamitatem suppliciter exponat: sed fortè auditorus, quæ Seraphicus P. Franciscus, hortanti Paulo Apostolo, ut Religionem suam

defendat, respondisse fertur, non alia sibi arma suppetere, quam crucem, quæ & ipsa patientiam prædicat: sed gladium suum Paulus portavit, & res confecta est: vel quæ S. Petrus Martyr, & Ioannes Peccator noster, Archiepiscopus Cantuariensis, illiusmodi calumnijs oppressi, & ad Christum supplices ex ore pendentis in Cruce audiuisse scribuntur: se quoque innocentem flagellis laceratum, & clavis confixum cernerent, & per patientiam imitarentur in tolerandis mundi passionibus, quæ non sunt condignæ ad futuram gloriam, quæ reuelabitur in nobis. Tum Seruus Dei de Cælo securus oret, cum Augustino. *Domine hic ure, hic seca, & in aeternum conserua:* pro ipsi inimicis deprecetur, eosque diligat, tanti boni sui, cælestisque triumpho instrumenta, ut cum Psalmista Regio in Dei iudicio dicere possit, *perfecto odio oderam illos, & inimici facti sunt mihi.*

Prælatos autem intelligere decet, præter dignitatem suam, & in Religiosos filios paternam diligentiam esse, ut eos ad extrema hæc adigant: si erratis vicerati sint, plus olei quam vini, seu, quod inolerabilius est, acetiafundendum esse. Si honesti, innocentes, mitis, mansueri, humiles, laboriosi, & vitales Religioni, susurrone aduersus hos non audiant.

Nam plerumque, qui peiores sunt, vel inuidia, aut naturæ, vel morum dissimilitudine, meliores insequuntur: ut suis malis operibus, vel non imitando, vel non approbando contrarios, vel non meliora secundo, tacite reprehendentes: quos si bonus esset animus, imitari ipsi potius, amplecti & iuuare deberent. Non enim in vnus tantum cuiusque hominis, sed in plurimum etiam cohabitantium, aut Regni, aut Ciuitatis, aut Religionis, aut Collegij corpore, caro aduersus spiritum, & spiritus aduersus carnem pugnant, quod Deus ita permittit: ut qui probati sunt, fideles inueniantur. Nec decere superiores velle bono: aspergere, ut malis delatoribus placeant, quantumuis alioquin sibi gratis, vel coniunctis, aut quod teterrimum est, inauditos damnare, vel audire nolle, aut nimis

asperitate terrere, aut cuiusvis paruitate contemnere. Formicæ enim subtilis inest, & scintilla sentibus iniecta

Cypessos, & Cedros aliquando incendit.

## EPISTOLA LXXXIX.

POGGIO SVO FLORENTINO (1)

### ARGUMENTVM.

*Vel illereus' subditus, vel alius quis non melioris farine, Alberti nostri fame passim detrabebat, insimulabatque defectus, quos ipse in Epistola narrat. Quod cum Poggius veteris amicitia iure doluisset, curauit B. Virum per Sanctum Bernardinum moneri. Albertus ergo eiusmodi garrulorum huminum criminationes modestè, vt solet, & sapienter abstergit. Et hanc defensoriam suam, si non necessariam, sed saltem, vel ipsis obrectatoribus, vtilem fore demonstrat.*

**F**ecisti pro consuetudine tua, Poggi charissime, & pro iure veteris amicitia nostræ, vt famam meam, quam conuelli, & carpi ab vanè obloquentibus cerneret; cura diligentissima tuereris. Nam quid aliud mihi fecisse putandus es, quam existimationem meam fuisse tutatus: quandoquidem tuo nomine, me vir insignis Fr. Bernardinus admonuit, mihi ipsi diligentius esse prospiciendum, cum non desint, qui siue à tergo, siue palam me mordeant, aientes, me in vltimas terras ( vt sic dicam ) quosdam è fratribus meis grauer insectatum, qui mihi in electione huiusmodi Ministeriatus, quem inuitus, ac iniquo animo gero, & tolero, suæ vocis suffragia negauerunt. Magistros præterea nonnullos, qui Sacræ Theologiæ fastigium profitentur, aduersum acriter queri, quod eos insolenter asperner, atq; abijciam, & gradum honoris, & dignitatis eorum, nihilo magni pendam.

Super quibus, vt breuiter tibi respondeam, scias cuncta esse falsissima; quæ si tu credis, ipsa opinione leuitatis me valde laxasti: si non credis, ac me minus aduersum maledicos defendisti, de negligentia tutandæ amicitia rectè culpandus es: si defendisti, magnopere laudandus: qui præterea officium veræ necessitudinis, de obrectatoribus quidem benè, quos ab insolentia compressisti; de amico verò illo me tuo, quamuis exigui ingenij sim, proculdubio longè melius, quem pro religione, & timore Domini, nihil in hac re peperam agere putauisti. Sed quod tibi multò carius esse debebat, de te ipso optimè meritis esse credendus es, qui in ipso tuæ mentis iudicio, nulla temerè sentientis periculosa sententia, conscientiam rectè factorum necessarj tui, immo conscientiam tuam, offendere maluisti.

At ego, vt totum paucis verbis absoluam, tanto fastidio ago huius  
inibi

mihî impositi curam regiminis, quod ei gerendæ, certò scio, sum impar, vt illos mihî longè magis diligendos existimem, qui sint immanius aduersati, quamuis, per Christi, siue misericordiam, siue iudicium, nescio, nulla vox inter suffragia, ex tanto

*Erasm. 93.* virorum numero, præter vnâ, mihî aduersa fuerit: sed ille nunc, qui postea in sententiam reliquorum otius, sponteque conuolauit, præ cæteris omnibus mihî amicitior est, non quia fauentibus est assensus, sed quia me plus delectat (ita Christus me iuuet) plus illum diligere, qui dissentit. Nam is est, qui cum mihi locum, mea humilitate dignissimum, hoc est Christianæ humilitatis, quantum in ipso fuit, diligentius procurauit, merito vitam omnem, ac salutem meam, inter varia rerum discrimina fluctuantem, tutissimo portu religiose subiectionis locasse putandus est: Reliqui verò, vani huius mei honoris factores, tanquam leuissimæ nebulæ permiciter transeuntis (quamuis illorum tantæ in me beneuolentiæ, quæ putatur, ingratus esse non debeam) non me tamen ita afficiunt, non me trahunt, non rapiunt ad sese, cum illi quidem, etsi me incerta quadam gloriola honorant, certo pene periculo, vnde etiam magnorum plurimos corruisse comperimus, pendula salute me locant.

Verum ad Magistros veniendum est, de quibus vide, oro te, diligentius, si institutum meum vlli sapienti probandum cenleas. Inuenio ex eis quosdam, qui, fatentibus ipsis, vana intentione inanis gloriæ gradum illum honoris adepti sunt, sed postea correcti, & doctissimi, & optimi euaserunt. Hos ego ab errato ad vitam emendatiorem redeuntes, &

animo, & ore, & ope complector. Sunt & alij, qui & ipsi docti pariter, ac boni, locum illum bono, vt aiunt, animo quæsiuerunt. Et hos ego, si ita se habet eorum causa, magis probò quam primos: sed, vt mihi videtur, magis probandi viderentur, si non quæsiissent. Tertium est genus doctorum, atque Sanctorum, qui iussi, atque inuiti, fastigium ascenderunt, quos prædictis sine vlla dubitatione præpono: sed hi, nisi fallor, hæc nostra tempestate perrari sunt, vt taceam nulli. Nec defunt qui eruditi quidem sunt, sed vani, sed insolentes, sed vita fordidi perseuerant, amant tamen eos, qui boni sunt, in quibus damno, quod malum est, laudoque quod bonum.

In genere quinto inueniuntur esse, quartis in omnibus similes, sed qui odio immanissimo prosequantur, inuideant doctis, atque indoctis: Hoc genus esse teterrimum duco, & tanquam in cœnum lapidem pretiosum, sic in maleuolam animam, magna iactura sui, ac reliquorum, malè locatam esse sapientiam; si tamen sapientia dicenda est, quæ & se perdat, & alios non ædificet. Restat postremum genus, atrox sanè ac detestandum, eorum qui ignari penitus, omnis liberalis eruditionis, & sanæ doctrinæ, spurcissimo genere viuendi superbi, atque immundi, bonos contemunt, malos præcellunt, & spernentes Maiorum scita, nec Deum, nec homines reuerentur. Ex his ego vnum nuper, fateor, priuauî gradu, abieci Magisterio, quem mecum, scio, & ipse persequeris; & qui boni sunt, insectantur, eo magis, quòd honores superbè nimium ambiens, quod à nobis non potuit, quia indignus erat (2) vllis viribus extorquere,

ad gentes se transferens, à Schismaticis se facile obtinuisse gloriatus est.

Non tamen hunc contecti in vincula, quod alius fortassis fecisset, non regulari vlla disciplina plectendum affixi, qui & pœnas tanti errati lueret, & reliquis terrori fieret, quo minus talia temerè auderent; & quo me æstimes mitiorem, hæc ipsa, si flagella dicere malis, non mea sponte, sed mandante mihi Pontifice Maximo, illi illata sunt. Habes excusationem meam, Poggi, pluribus verbis fortasse quam opus erat, sed vt puto, non pluribus, quam vtile erat, ac futurum est. Nam audita ratione causæ meæ, qui vel amantes verebantur, vel odio habentes calumniabantur, tanquam temeritatem in rebus gerendis, & causis dis-

cutiendis, deinceps si sanè sapiant, & sibi à præcipitanda sententia alienorum factorum modestiùs moderabuntur, & tuebuntur, & diligenti: si verò hi sint, qui desipiant, aut admoniti, contemnendi; aut posthac obtractantes, æquo animo tolerandi sunt: satis enim sine nostra, quamuis defensoria obiurgatione, puniti erunt, qui sua ipsi insipientia, ne dicam errore, stultitia, atque conscientia, si quam habeant, assiguntur. Vale & me ama, vt soles, & ad me aliquid scribere non graueris. Ex Padua 30. Martij 1443. oro te, vt Leonardo Aretino, me valde commendes, cuius sola recordatione pro virtute sua plurimum recreor. Iterum vale.

## N O T A E.

### Nota I.

*Poggio suo.* Suum vocat, & famæ suæ absentis tutorem agnoscit, decimo quinto anno, postquam illum acerrimè reprehendit, ex quibus vtriusque non parua laus elucescere mihi videtur. Poggij primùm, alioquin feruentis animi, moderatio, qui tam seuerè, quamquam amicè, ab Alberto exceptus; tantum abfuit, vt exandesceret, vt potius eundem, vt verè scripta fuerant, boni consuleret, suæque erga optimum amicum benevolentiz vsque ad eò nihil remisisset, vt potius ipsius monita, tanquam præcepta veri Serui Dei, suscipere visus sit. Nihil enim deinceps in religiosos viros, vel dixisse, vel scripsisse deprehensus est: & studium obfistendi eorum progressibus, quod prius præ se ferebar, ita vel cessauit, vel in ipsum augmentum conuersum fuit (quod suauis, & persuasisse videtur Albertus) vt illa duo loca, de quibus agebatur,

nostris religiosis incolenda cesserint, eaque in hodiernum diem vsque retineant. Alberti verò tanta persuadendi virtus, & etiam obiurgandi suauitas, vt hominem iratissimum, seu etiam, vt alij loquuntur, rabidas in iras exardentem, ita non irritarit acriter increpando, vt potius in contraria studia repente conuenerit. Ea enim est vis verbi Dei, hoc est veritatis, vt quamquam sit gladius vtraque parte acutus, acriterque seindens, & pungens, cum tamen è candidi animi, & sinceræ charitatis vagina exeritur; ram suauiter penetret, vt peringat vsque ad diuisionem animæ, & spiritus, compagum coqueat & medullarum, & discernat cogitationes, & intentiones cordis ad Habr. 3. 12.

### Nota II.

*Quia indignus erat.* Alias monimus Ep. 88. not. 2. eos, qui contra iustas Prælatorum dispositiones ad forsensia

renſia brachia recurrunt, plus inde perdere, quam lucrari, qui rotus locus in detractores etiam non immeritò facit; oportet fanè querelam ſubditi aduerſus ſuperiorem non iuſtam tantum, ſed iu-

dem neceſſariam eſſe, ac tum quidem, quę liquido demonſtrari poſſit, quibus conditionibus deſenſio proprię cauſę cuiilibet concedi debet. Videnda quę diximus loco citato.

## EPISTOLA XC.

SCIPIONI MUTINENSI EPISCOPO.

## ARGUMENTVM.

*Erat Scipio, patria Ferrarienſis, gente de Maintibus, vir virtute & literis excultus, Alberto amiſſiſſimus, & eius exaltationis cupidus: ſcripſit ergo, ut Albertus ipſi arcana ſua, hoc eſt, ſi quem pateretur ambitum dignitatis, id ſibi ſidenter aperiret, quaſi dicere vellet, ſe effecturum, ut illa obtineretur. Albertus autem longe diuerſiſſimi ſenſus, per hanc Epistolam illi reſpondet, nullam cauſam potiorem apud ſe eſſe, quam animę: ſe verò non credere curam regiminis, abſque animę periculo geri poſſe, præſertim cum ab ambitione veniret; idque Sanctorum Patrum, & moribus, & documentis confirmat, adeoque ſe in priori deliberatione perſiſtere declarat, ut nihil de hac re, vel ſuo vel alieno ſtudio pro ſe ſollicitur.*

**A**ffecerunt me nonnulla moleſtia literę tuę, Chriſti venerande mihi omni tempore Præful, quod mihi ſuſpicari viſus es, propterea noluiſſe me pandere illa arcana mea, de quibus ad me literas ſcribis, quaſi tibi minus confiderem. Tum me valde hortatus, ut totum tibi amico verè meo, & ut reuera es, alteri parti, imo dimidię animę meę tuto me credam, non formides, inquis, res tuas etiam tacendas, continendasque cordi, amicis latè pandere; quaſi verò ego de te, ne ſis mihi ſecretior, vlla ex parte formidem. Verè loquor, mi Scipio, mi Pater Epifcope, ſi illa tentatio (quam vocas humanam, quamque, ſi acerbius, quamuis verius interpre-

tareris, fortasſis Diabolicam appellares) me titillaret, nedum vrgeret, non eſt in numero Sacerdotum ſecundus, cui æſtus meos, de eiufmodi re apertius, quoniam tutius, propalarem, quam tibi, quandoquidem illud mihi, ut optas, ſinceriter perſuadeo, abs te longè plus me amari, quam à quouis profeſſionis tuę; à nemine niagis.

Sed licet alia, ut vis, ſit cauſa mea hoc tempore, alia priuſquam ex parte magiſtratum, quem vocas, gererem, nulla tamen cauſa potior apud me eſſe debet, ut ſcio mecum fateberis, quam animę meę. Quod ſi me inuitum, ac repugnantem in campum communis boni, & vberioris vtilitatis, ac noſtrę Reipublicę traxe-

traxeris, quod ipsum semper, etiam à Philosophis, priuatis quibuslibet commodis Diuini esse, ac prætare putatum est, facile tibi conie Sancta Scriptura, ac sapientissima Theologia, responderim: fortunas quidem mihi, si quas habere liceret, & famam, quamuis præclaram, & vitam corporis, pro communi utilitate liberius effundendas; animam minime. *Quid enim, ut ait veritas, prodest homini, si mundum uniuersum lucretur, anima verò suæ detrimentum patiatur? Cura vero regimini, an sine detrimento animæ* (1) hac nostra maxime tempestate, geri possit, videris ipse, cui credas, ego non credo: præsertim si ab ea fauceputoris, hoc est fumosæ ambitionis exhalet, ut non quidem, vel non quærentibus, vel non optantibus, vel inuitis, & optimè de Republica meritis tribuatur gradus honoris: sed superbia, sed arrogantia, sed mille modis fætidissimis detestabiliter acquiratur.

Consule Patrum Ecclesiæ Sanctissimos mores, lege veterum instituta, repete memoria gesta Maiorum, & affer, si vales, vel pusillum exemplum, quo mihi liquido comprobet aliquem Sanctorum, ut vnquam præfesset, vel minima coniectura quæsiisse: filius Dei, ne Rex fieret, fugit in montem: superbientes discipulos duos fratres, de quibus indignati sunt reliqui, repulsa matre, quæ studio filiorum pro excellentia priuatorum interpellauerat minaci prohibitione compescuit, dicens, *potestis bibere calicem, quem ego bibiturus sum?* quo dicto, ni fallor, præficiendorum merita prænotantur: & illis præsumpta temeritate, respondentibus, *possumus* (ignari enim

erant humanæ fragilitatis) Respondit Dominus. *Calicem quidem meum bibetis, quod Prophetiæ prænuntiationis fuisse reor, sedere autem ad dextram meam vel ad sinistram non est meum dare vobis: diuina estis, ut sit inter vos honorum vana contentio; quisnam scilicet ex vobis videatur fieri maior: sed quibus hoc est? illis, subaudi, meum est dare, quibus paratum est à Patre meo, idest humilibus mentibus, non inflatis hominibus, qui se ipsi præficiunt, dum hoc appetunt, dum exquirunt, ut illud propheticum possit aptari, *Ipsi regnauerunt, sed non ex me.* Quantarum, oro te Pater optime, & qualium virium esse putas, colapsam Religionem instaurare, quod ipsum si magno villo negotio à quopiam præstantissimo agi possit, equidem tantæ virtutis, & roboris mihi ipsi conscius minus sum, ut nisi maximo munere Dei Omnipotentis, tam ingentis ponderis onus sustineam, immo verò tam grande opus vix tandem aggrediar, quanto magis aliquando consummam.*

Quod si post hæc obijcias Ioseph, & Danielem, ut taceam Hester Reginam, Sanctos homines maximo Principatus honore, etiam gentibus præfuisse: si dicam aliud esse, præfuisse fratribus, aliud gentilibus, puto rectè respondero. Verum cum certò sciamus, etiam fidelibus fratribus oportere esse, qui præfint. Nam Petrus & cæteris Apostolis, & omni Ecclesiæ honore prælatus est, ne mea responsio vllam omninò calumniam patiat, aliud dico esse, cum quisquam præficitur, aliud cum se ipse quis præficit (2) In altero enim, ut in Sanctis viris sæpius factum legimus, obedientiæ virtus, & quædam

( vt sic dicam ) obtemperandi sub æterna lege, & dispositione Diuina, probari potest laudanda consensio. In altero autem, sola superbia detestanda est, quæ testimonium vanissimi cordis, & affectatæ libidinis dominandi perhibeat. Quæ cum ita sint, aut ita esse existimem, in priore, vt Scipio, deliberatione consisto, vt nihil de hac re, vel meo, vel alieno studio quæri solliciter.

Si postremò pro amore erga meo, mihi renitenti obsistas, quod de Præfultu, exempli causa, nulla sollicitudo me deceat, de gubernanda

vero in meo ordine mea Religione, nihil ab honesto abhorreat. Hic satis hæreo, satis fluctuo, nulla quidem, aut verborum inopia, aut regiminis appetentia, sed sola absentia charitatis tuæ. Nam si adesces, vel ego adessem, quo possemus nostra miscere colloquia, fortassis, pro meo iure, impetrarem abs te, vt consulta ratione in sententiam meam trajiceris: quæ qualis sit, non est huius, neque loqui, neque temporis explicare. Vale mi Parens optime. Ex Padua 19. Martij 1443.

## N O T A E.

## Nota I.

*Cura regiminis an sine detrimento animæ geri possit.* Durus est hic sermo, & quis potest illum audire? sed noster B. Alberus, nec primus, nec solus est eius auctor; Omnes Doctorem, & Sanctorum Ecclesiæ Parrum libri, qui non absque Dei verbo loquuntur, tota huius Epistolæ doctrina pleni sunt. Qui proinde ipsi Sancti non minus studij posuerunt ad euitandam curam regiminis, quam alij ponunt in illa dignioribus præripienda. Vnum pro omnibus aureum opus propono aurei oris, & calami Ioannis Constantinopolitani, de Sacerdotio, ad cuius ampliore fructum, vtinam omnes Regiarum Ciuitatum portæ, ex ære solido constatæ, & summa capita illius Diuini commentarij, palmaribus literis eis insculpta forent, nec vllus dignitarum candidatus vel ingredi, vel adeptus egredi sineretur, qui cuncta non legeret, & intelligeret. Sperarem profecto, vel appetitores regiminis ære ipso duriora corda habiuros, vel contempturos, quod adeo vehementer appetunt, nec Sacerdotij tantum, sed ipsius etiam ciuilis gubernij candidatis prodesse.

Nam quæ mala Episcopus, vel ignorantia, vel imprudentia, vel negligentia committit, eadem, vel non minora sæculi potestates, alijs causis, modis, & medijs incurrunt: imo aliqui falcem in alienam messem ponentes, Episcopos ipsos ab ouibus suis rirè regendis deterrent, cohibent, cogunt. Non magis terribilis est B. Alberi sententia, quam eiusdem Chrysostomi, hom. 2. in acta Apostolorum. *Non temerè dico, sed vt affectus sum, ac sentio, non arbitror inter Sacerdotes esse multos, qui salui fiant; sed multo plures qui pereant: in causa est, quoniam res excelsum requirit animum, & innumeris oculis illis opus est vndique.* Sed hæc ad illos, qui adepti sunt, ardent, ad ambientes autem, quæ sequuntur.

## Nota II.

*Aliud dico esse cum quisque præficitur, aliud cum se ipse quis præfuit.* Horum sanè periculosa præsumptio, omni æuo damnata fuit; & contra eos tam Scriptura quam Patrum monumenta exclamant. Albertus autem quod personam suam, & sui similibus attinet, Seraphicum Ecclesiæ Doctorem, Di-

num Bonauenturam præceptorem habuit. Is, etsi S. Francisci regulam exponens, sed ad rem præsentem Evangelij sententiam ex eadem assumpsit. *Nemo mistens manum ad aratrum, & aspiciens retro, apus est Regno Dei.* Lucæ 9. Cumque de pluribus modis aspiciendi retrò prius disputasset. *Sed quid, inquit, dicendum est de illis, qui ad Episcopale officium ex his fratribus assumuntur?* Respondeo, *si coacti ab Ecclesia, huiusmodi incunctabili necessitate suscipiant regimen animarum, non sunt reputandi ab ordine egressi, si quantum in ipsis est, semper appetant in sinu ordinis confoueri. Quod si non vocati, ad eundem aspirant, ut fugiant arumnas pauperum, & ordinis rigorem, credo eos in illius partem cessuros, qui dixit. Sedebam in monte testamenti, in lateribus Aquilonis.* Terribilis profectò sententia, alioquin dulcissimi, & mansuetissimi doctoris, sed sciebat quanta de re agebatur: Sancti P. Francisci, & spiritum, & documentum secutus est, qui cum à Cardinale Hagolino tunc ordinis Protectore, mox Gregorio IX. Pontifice, audiret expedire, ut aliquid suis fratribus ad Ecclesiarum regimen assumerentur, liberè respondit: *Domine, fratres mei ideo vocantur Minores, ut*

*non presumans fieri maiores:* Sic ipse Bonauentura pingüissimo Sacerdotio Ebronensi in Angha, à Clemente IV. Pontifice donatus, acceptis literis prohibitionis, ad Pontificem properans, efficaciter supplex exorauit, ut tanto onere leuaretur. Deinde à Gregorio X. ad Cardinalatus dignitatem assumendus, ex tota Italia fugit, & quamquam tantus vir, quantus ab utroque Pontifice habitus, & laudatus, ac octodecim annos iam tunc supremus amplissimi ordinis præfectus; humiliter officium scholastici Lectoris inter Parisienses fratres suos exercuit, donec obedientiæ vi coactus est in Italiam reuerti; cumque magnæ illius dignitatis insignia, & quod rarum, Albanensis Episcopi gradus deferrentur, inuentus est in solitario cœnobio Mugilli in Tuscia, colinz, & Refectoriij vasa, humili Religionis consuetudine, cum fratribus lauare; neque Pontificis Ministros, qui tantæ dignitatis insignia afferrebant, suscipere voluit, donec exercitium humilitatis, quod inceperat, absoluit. Sic Sancti omnes docuerunt, sic fecerunt doctrina & Sanctitate præcellentes. Cum quibus an præmiandi sint, qui ipsos imitari nolunt, ipsi viderint, ego pro omnibus spondere nolim.

## EPISTOLA XCI.

IOANNI MARTINO VENETO. (1)

## ARGUMENTVM.

*Absoluto Capitulo Generali Patauino, Albertus cum nouo Ministro Generali, & præcipuis ordinis Patribus, venit Senas ad Eugenium Pontificem, ibique aëlis, quæ nos in eius vita, & Vvaddingus copiosius in Annalibus, narrauimus, exposuit suos olim in Aethyopiam socios, Beatum Thomam Florentinum, & alios ad huc detineri in calamitosa seruitute Saracenorum; rogauitque, ut eos redimi iuberet, & ad rem commodos, superesse sumptibus Comistorum aureos quingentos, eosque buic pio operi impendi posse. Et Pontifex, in cuius obsequio illi Religiosi banc in erumnam inciderunt, ita fieri decreuit. Pecunia mittenda fuit ad D. Ioannem Martinum Venetum, ordinis per terram S. Procuratorem,*  
*seu,*

seu, ut vocant, Syndicum Apostolicum, qui tum forte in Cypro habitabat. Albertus eum hac Epistola comitatus est, cetera ex ipsa percipiuntur. Nos eam, non ex codice reliquorum operum Alberti, sed ex Martiani Florentini Chronicis accepimus.

**C**apitulum utique gloriosum, die nona Junij (2) Paduæ celebrauimus, quo ( nisi Sathan humani generis inimicus ibi supereminasset *xixania*) (3) nihil potuisset, ut ita dicam, excellentius esse. Ego autem, ut Fr. Albertus in mei scilicet nominis humilitate remanere, non fidè procurauim. Quod quia, ut semper optauim, adeptus sum, non immeritò mirum in modum gaudeo, dummodo totum rei negotium, cum Summi Dei, hominumque honore pertractatum fuisset; cuius seriem aures tuæ, *utinam non inconsonam veritati*, (4) forsitan excipient. De dicti verò Capituli elemosynis *aurei supersuere quingenti* (5) quibus tuus, & noster charus Thomas Florentinus, cum suis socijs, in captiuitate infidelium positi, atque detenti, per tuam solertiam, ut redimantur, si necesse fuerit, apud Sanctitatem Domini nostri Papæ perorauim, & ex decreto eiusdem venerandus Presbyter Dominus Ioannes de Norostica, crastina die, hinc Senis Venetias vadit, Aloysio fratri tuo, mihi charissimo, præfa-

tam pecuniam delaturus. Tu verò studium, & diligentiam adhibe, ut fratres prælibati, minori, quo possunt, pretio redimantur. Quod si per Dei prouidentiam de carcere liberati, vel aliter iam sublati de medio reperiantur, certiores nos, & Aloysium, Sanctitatemque Domini nostri reddere procurato, ut pecunia illa in aliquod pium opus, secundum eiusdem Domini nostri beneplacitum, possit erogari; & simile per omnia, Aloysio tuo scribas: dilectionem, erga me tuam, fratremque Thomam, atque ordinem nostrum non ignoro. Fidem etiam bene meritam, quam Sanctitatem Domini nostri prosequeris, nec non & reuerentiam in his, ad quæ propter Deum & amicos porrigis manus. Ea propter, non te amplius per longa exordia tenebo, exhortando videlicet te, circa hoc diligentissimum fore. Deum pro nobis exora, & sæpe sæpius scribas, quoniam id totum quod sumus, tibi scias esse deuotum. Dominus det tibi gratiam, teque in ipsa conseruare dignetur. Ex Senis 14. Julij 1443.

---

N O T A E.

Nota I.

*Ioanni Martino*. Is erat locuples mercator, in Cypro, & alijs partibus Orientis negotium agens, & fratrem habuit Venetijs, dictum Aloysium, qui illi correspondebat. Deposito verò ex

officio Procuratoris Terræ Sanctæ irreligioso illo quæstore, contra quem Albertus dedit ad Cardinalem S. Angeli Epistolam, iam supra productam, substitutus est Ioannes Procurator, seu Syndicus Apostolicus, ad quem Franciscanæ regulæ conuenientius pertinet

elemosynas pecuniarias, ad Apostolicæ Sedis dispositionem transportare, seruire, & in fratrum necessitates, per superiores ipsi exponendas, expendere, & omnia eorum negotia, quæ per ipsos fratres tractari minus expedit, tanquam per sæcularem, & Sedis Apostolicæ Ministrum deputatum tractari, & expediri. Propterea illa elemosyna, de qua hic agitur, ad ipsum missa fuit, ut litrum pro fratrum captiuorum redemptione congruum, ex pacto solueret, & fratribus ipsis, in Enropam redituris, necessaria prouideret. Ut enim reliqui omnes, & singuli Conuentus subiecti nostro Ministro Generali habent suum Syndicum Apostolicum, seu Procuratorem sæcularem, ad vsus iam dictos; sic ex illo tempore Alberti, quo loca Terræ Sanctæ obseruantum regimini commissa sunt, illi fratres constituti in Prouincijs Christianorum ad colligendas elemosynas pro Terra Sancta, & vocati Commissarij Terræ Sanctæ, habent in singulis necessarijs & opportunis Ciuitatibus, & partibus, suos Procuratores, seu Syndicos Apostolicos singulares, qui eiusmodi elemosynas accipiunt, seruant, & exponunt, prout superioribus Terræ Sanctæ necessarijs videtur: nec in alios vsus, quam utilitatem Terræ Sanctæ, & Ministrorum eius, necessarias expensas, absque speciali facultate Sedis Apostolicæ conuerti possunt.

### Nota II.

*Die nona Iunij.* Hic discretè affirmat B. Albertus Capitulum Generale 1443. celebratum fuisse die nona Iunij, & positis ritè calculis deprehendi id veritati planè consonare: etenim factò computu secundum stylum veterem, & ante Breuiarij correctionem, inuenio litteram Dominicalem illius anni fuisse P. aureum numerum 19. & quæ correspondet, Epactam 19. è quibus constat iuxta tabulam tam nouam quam antiquam Breuiarij, festum Ascensionis incidisse eo anno in 30. Maij, Pentecostes verò in 9. Iunij: quod huic assertioni Alberti apprimè quadrat, cum Capitula nostra, etiam ex Regula in Pentecoste celebrantur, & hoc in Pentecoste celebratum

constet ex principio tertie orationis B. Alberti, quam dedimus supra pagin. 149. & in prima ad eam nota, pag. 156. animaduersum fuit. Suffragatur Marianus Florentinus lib. 5. capit. 17. fol. 85. vbi ait celebratum (quod interpretor ceptum, seu apertum, prout etiam hodie fit) in festo Ascensionis vltima Maij, penultima, melius dixisset, eum fuerit 30. non 31. & Patres in eo permanisse vsque post festum Trinitatis, dein Senas concessisse, eum circiter 20 dies in Capitulo fuissent: solum ob stare videtur dictum not. 1. pag. 156. orationem citatam Alberti 8. Maij habitam. Sed cum ex ipsa oratione constet in Capitulo & vigilia Pentecostes recitatam, & ex supputatione annorum constet Pentecosten in 9. Iunij eo anno incidisse, & hic liquidò ipse Albertus Capituli Præses 9. Iunij celebratum asserat, corrigendus est codex ille, qui Vvaddingo & notæ ansam deceptionis præbuit, & pro 8. Maij, 8. Iunij, in quem eo anno incidit vigilia Pentecostes, describendus.

### Nota III.

*Nisi Sathan superseminasset rixania.* Dum hæc in historijs sulsus lego, mihi sane representant Capitulum illud, quod Deus celebrabat cum filijs Dei, idest cum Angelis suis, proculdubio de salute humani generis Iob. 1. 6. vbi adfuit etiam inter eos Sathan, postquam circiuit terram, & perambulauit eam, nempe querens, quem deuoret: adfuit autem, ut virum perfectissimum, quem reperit, cui non erat similis in Terra, nempe Iob, permissu Diuino, grauissima tentatione probaret. Celebrabat S. Franciscus Capitulum Assisij, vndecimo post institutam Religionem anno, in quo interfuerunt ex vniuersa Europa quinquies mille Religiosi, omnes ferè viri Sancti, & perfecti, ut de vltiori Religionis profectu decerneret. Adfuit Sathan & in aduersa domo conuocatis dæmonibus, cum illis multa decreuit, quibus possent tanta incrementa Sanctimonie vel impedire, vel planè destruere; quæ omnia Seraphico Patri Diuinitus reuelata fuerunt. Quid ni

etiam nunc ( dum Eugenius Pontifex cupiebat in hoc Capitulo Paduano eandem Religionem vsque ad extremas Chinæ suo tempore dilatarat, sed hominum fragilitate, ac diurnitate temporis, Dæmonumque fraude relaxatam, ad primam regularis obseruantie puritatem reducere ) sese misceret Sathan : qui in Sanctiores res, & personas, maiores conatus & vires exercere solet, vel in periculo magis constitutos: sed quid tum? non aliter sanè, quam Sancto Iob, accidit sedatoribus sincerioris obseruantie vitæ & regulæ S. Francisci: sicut enim ille substantiæ facultates, & filios in calamitate perditos, meliores recuperavit; sic isti aded numero & virtute creuerunt, vt reliquos ferè omnes religiosos ordines, hominum & cœnobiorum numero superent, nec vlli sapientia, vel Sanctitate cedant: Quo Dæmonis artes, ab exordio mundi, in proprium ipsius caput recidunt, & in quo ligno vincere se posse putat, in eodem semper vincitur, & per Crucifixi gratiam prostratus, triumphatusque iacet: Promisit enim ab initio Christus S. Francisco, quandocumque deessent boni fratres, illius instituti zelatores, se illos nasci facturum, & quo amplius numero crescerent, se amplius eorum necessitatibus prouisurum, quod hætenus palpabilis experientia probauit, & vsque ad finem seruatorum credimus, oramus, & speramus.

## Nota IV.

*Vtinam non inconsensam veritati. Calumnia conturbat sapientem, & perdet robur cordis illius Eccles. 7. 3. Vidit B. Albertus iniquitatem, & contradictionem in Italia ab æmulis aduersus se & instituti sui religiosissimos professores; & ipsa bona faciebant, non euadere calumnias hominum, à quibus Rex David, homo secundum cor Dei, orabat se liberari: solent enim homines mali, cum vitia sua negare non possunt, ea saltem alienæ famæ detractione, tanquam interposito fumo, confundere, & vel excusate, vel minuere. Optat proinde Seruus Dei, ne in Orien-*

tem transirent. Et infantes interim, cum se quam alios, in Italia tuebatur. Liceat enim, quibus placet, priuatis hominibus famæ suæ negligentes esse, quod an his etiam liceat, relinquo Theologis disputandum; certè publicis personis, & quibus populus docendi, & à vitij deterrendi magisterium incumbit, non licet: ne detracta ipsis virtutis opinione, vilescat doctrina. Turpe enim est doctori, cum culpa redarguit ipsam. Hinc Epistola illa longa ad Poggium, cum sociæ ad Nicolum, quibus & Poggium ipsum redarguit, & Religionem veris, dignisque encomijs laudat; & aliter breuior ad eundem, aliaque duæ ad Ariminensem, & Coronensem, quibus actiones suas, vt superioris, contra discolorum subditorum obloquia iustificat. Hinc in hac ipsa Epistola, & alibi sæpius se ipsum ab ambitionis calumnia liberat, quam, quod id vitij in alijs reprimeret, patiebatur: cui potius credendum est, quam illis, qui disciplinam, & bonitatem vano quandoque scientiæ fumo abieciunt: aut dicimus doctissimum, Sanctissimumque virum aded imprudentem, & impudentem fuisse, vt Eugenio Pontifici, tanquam stimulum ei in officio exequendo patrocinandi proponeret, ipsum Pontificem fuisse authorem illud imponendi? nam cum propriæ suæ, & proprij, vt aiunt, morus actiones Pontificem latere non possent, qua fronte ille Pontificis voluntati ad ipsum scribendo imponeret, quod propria suæ ambitione procurasset, si non eiusdem indignationem ob tam temerarium ausum & hoc saltem responsum habiturus: tu id officij voluisti, nos non coegimus, exerce vt poteris: sed opportunum est, etiam exterius eius humilitati, & contemptui dignitatis testimonia sua contulisse, inter alia quæ vix ipsius historix subiunximus. Ex nostris verò Marianus Florentinus, candidus, & sincerus eiusdem xvi Chronographus, narratis quæ acta fuerunt, aduersus Seruos Dei; quos hodie Cælicolas colit Ecclesia, hæc ipsa verba subiungit: *Omnibus rumoribus tandem sedatis, Fr. Albertus ordinis Vicarius, omnes fratres ad Capitulum conuocauit, & ad pacem, & bonam*

*nam concordiam eos exhortatus est: & quod liberè ad alterius electionem procederent, dixit. Nec in ullo indignationem Domini Pape timerent, certos eos faciens, quia ipse eum sedaret. Quod postea simul cum S. Bernardino coram Senis fecit. Vide Vvaddingum tom. 3. an. 1443. num. 3. & 4.*

## Nota V.

*Aurei superfuere quingenti. Adeo serius, feruens, & sollicitus erat Eugenius Pontifex, ut ista Comitia ad Sanctissimum finem sibi præstitutum suffragantium numero, & omnium rerum copia abundarent, maximèque florent, ut necessitatis sumptibus, multis*

*modis prouiderit, quos hic describere, ut minus necessarium, sic longum foret. Inde fuit ut bis mille Religiosi à Mense Maij ad 17. Iunij honestè sustentatis tot aurei superfuertint. Quos prouidus, & fidelis Albertus Pontifici manifestauit, orans & perorans, ut in captiuorum apud Turcas Fratrum redemptionem conuenterentur: quamquam prius decreuisset Eugenius, quæ Comitiorum sumptibus superessent, in Ecclesiæ Sancti Antonij fabricam inferri, sed maluit Albertus, approbante Pontifice, saluare animas, quam ornare muros: ad quem finem S. Ambrosius etiam Sacros Calices, & reliquam Sacrificij supellestem constari suadet.*

## EPISTOLA XCII.

## BEATISSIMO PAPÆ EVGENIO.

## ARGUMENTVM.

*Ab alijs rogatus, commendat Pontifici reformationem Conuentus Ferrariensis B. Dominici, ex Ciuitatem Assisij in aliquo periculo constitutam, & confratres suos apud infideles.*

**A**lbertus ille Ferrariensis (1) cognomento Dulcettus, B. P. me quidem, & primùm, cum præsens essem, & post absentem, frequentibus literis me itidem stimulat, ut instem vehementius apud beatitudinem tuam, quo Conuentus ille B. Dominici Ferrariensis Ciuitatis ad regularem obseruantiam redigatur. Spopondi præterea cuidam roganti, ut ciuitatem Assisium, nescio quo in periculo constitutam, tuæ Sanctitati facerem commendatam, quod equidem non inuito animo exequor, cum sit ea ciuitas cunctis Minoribus pro exhibitione tanti paren-

tis, quantus est nobis B. Franciscus, & pia parens, & vera, diligens, sollicitaque alumna.

*Postremo loco clementiam tuæ Sanctitatis (2) exoro, ut fratres illos ex nostro ordine à tua Sanctitate, ad grandia fidei negotia missos, sed certa Teuchrorum captiuitate interceptos, & interceptione ipsa captiuos, beatitudo tua non æstimet relinquendos. Venit autem mihi in mentem, Petrum illum qui pridem profecturus erat in Græciam, pro illorum salute, qui iam diu fidei nostræ suspirent, plusquam dici à me possit, futurum idoneum ad fratres prædictos è manibus*

nibus Teuchrorum eripiendos, cum & linguam illorum infidelium probè calleat, & in eisdem Prouincijs habeat parentes captiuos. Tantum illi adsit idonea facultas pecuniarum, quas nec multas oportere esse exi-

stimo, cum magis ingenio, & astu quodam Diuinæ prudentiæ, quam magno ære captiuos illos arbitrer liberandos. Dominus te tueatur Omnipotens B. P. Ex Venetijs 24. Octobris 1443.

## N O T A E.

## Nota I.

*Albertus ille Ferrariensis.* Ex his inter alia multa apparet quanta æstimatione, & familiaritate apud Eugenium Pont. valeret B. Albertus, qui non sua tantum, vel sui ordinis, sed exterorum etiam negotia, per familiares literas illi commendat. Vide, si libet, quæ de Alberto Dulcetto, ad Leonellum Estensem scripsit Albertus noster Ep. 67.

## Nota II.

*Postremo loco clementiam tuæ Sanctitatis.* Quæ huius Epistolæ reliqua sunt, cum præcedente minimè conuenire suspicari quisquam possit. Nam cum illa doceat Pontificem mense Iulij fratrum redemptionem decreuisse, pecuniam Venetias missam fuisse, Epistolam denique ipsam omnia hæc narrantem, & supponentem iam facta, ac disposita omnia, quæ ad Pontificem & pecuniam pertinerent, quomodo hæc Epistola die 24. sequentis Octobris signata de hac fratrum redemptione, tanquam de re non ante cum Pontifice communicata, absque vlla mentione tractatus, vel decreti Pontificij Senensis, vel Ioannis de Morosinica, vel pecuniarum per eum Venetias missæ, vel cura redemptionis commissæ Ioanni Martino, rogat vt Pontifex fratres illos, in ipsius obsequio captos non censeat relinquendos, pecuniam perit, & parum sufficere docet, hominemque nouum, nescio quem Petrum proponit, tacitis Ioanne, & Aloyfio fratribus Martini? an quod quingenti aurei, iam missi non

sufficerent? an quod fortassis perditum aliquo casu fuerint? vel quæ alia causa? sed ille nullam profert: itaque totam hanc confusionem ex vnico apice natam existimo, & pro MCCCCXLIII. quem huic Epistolæ in codice subscriptum inuenio, debuisse amanuensem scribere XLII. Censeo enim hanc Epistolam fuisse 24. præcedentis Octob. an. 1443. In quam sententiam me vterius impellit, quod non possim mihi persuadere B. Albertum, relicti in captiuitate socijs, cum Iacobitis ad Concilium ex Oriente reuersum, anno 1442. inter tot occasiones loquendi & scribendi Pontifici, neglexisse hanc causam redemptionis captiuorum sociorum; ac proinde reor ipsum post reditum hanc rem oretenus commendasse Pontifici: deinde cum anno 1442. Iacobitas, conclusa vnione, Venetias ad portum rediisset, inuenisse ibi eum Petrum, cuius hic mentionem facit, & ex ea occasione, has literas ad Pontificem dedisse. Cum autem nec sic rem decerni vidisset; mense Iulij huius anni 1443. ea cum Pontifice tractasse, quæ in præcedenti Epistola ad Ioannem Martinum scribit, per quæ tandem fratres redempti fuerunt, & in Italiam non exiguo Pontificis gaudio reducti. Accedit etiam sequentem Epistolam eodem die 24. Octobris anno 1443. ad Eugenium scriptam fuisse, nec enim facilè inducor, vt credam Albertum nostrum, quantumuis Pontifici familiarem, duabus literulis eodem die eiusdem mensis & anni ipsum molestare voluisse, cum vtriusque negotia vna Epistola non nimis proluxa comprehendere possit.

## EPISTOLA XCIII.

BEATISSIMO PAPÆ EVGENIO.

## ARGVMENTVM.

*Inaudiuit B. Albertus aliquos apud Pontificem instare, vt ordinis priuilegia in literis Apostolicis, quæ Mare magnum vulgo vocantur, contenta aboleret. Scribit ergo orans, & exhortans, ne Eugenius id faciat.*

**P**erlatum est ad me (1) B. P. quosdam apud Beatitudinem tuam vehementer instare, vt literas Apostolicas, quas iam vulgato nomine *Mare magnum* appellamus, prorsus ab ordine nostro Sanctitas tua aboleat: Quæ res si admittatur, nihil dico de verecundia, damnum certè permaximum, & libertati, & vtilitati nostræ Religionis est allatura: non enim desunt etiam in ordine Sacerdotum inuidi, & fraternam pacem immaniore odio infestantes, qui si nihil aliud queunt efficere, alienæ quietis suauitatem, insanissimæ contentionis studio, perturbare conentur. Quam molestiam, si quis etiam modestè propellat, fit in sæculi hominibus scandalum, cum perspiciunt ex alterutra resistantia, contentionem inter dicatos cultibus Sanctioribus, hoc est Christi seruitio, perniciofa similitate constari, in quo genere mali is gradus est amplior,

quod apud quos vigeat iustior causa minimè decernentes, vtrosque infament, & innocentes cum fontibus inuoluentes, ipsi pro nocentibus & cum nocentibus pereant. Scit tua Sanctitas Beatissime Pater, Religionem nostram inter reliquas in obsequium Sacerdotum fuisse à Domino destinatum, cui cum nullus sæpe à Sacerdotibus præbeatur, etiam in causis Sacerdotalibus, fauor (quæ verò vlla est Sacerdotum causa potior quam animarum cura & salus) restat profectò vt tua Sanctitas, quæ Princeps est omnium Sacerdotum, coadiutoribus Ministerij vestri, hoc est nobis, liberè tribuat, ac etiam tributa tueatur Apostolicæ authoritatis solatia, quæ plerique qui ea dare debuissent, vel habenda præpediunt, vel habita persequuntur. Dominus te tueatur Omnipotens B. P. Ex Venetijs XXIV. Oobris 1443:

## N O T A.

*Perlatum est ad me.* Antiqua est hæc Regularium querela, aduersus importunas quorundam Sacerdotum vexationes; sed quanta pro tuendis Regu-

laribus fuerit Romanorum Pontificum constantia, si vno quodammodo intuiru videre cupias, præter authores qui de Regularium priuilegijs ex professo scribunt,

bunt, vide Indicem nostræ Annalium Minorum Epitomes, verbo *Privilegia*: & Vvaddingum locis ibi citatis. Et pro recentioribus, etiam post Concilium

Trident. utiliter videndus est Petrus Mareantius in indice libri, quem inscripsit: *Fundamenta duodecim ordinis Fratrum Minorum*.

## EPISTOLA XCIV.

BEATISSIMO PAPÆ EVGENIO.

ARGUMENTVM.

*Commendat Pontifici Ministrum Prouincialem Tuscie.*

**B**eatitudinem tuam, & oro, & obsecro, vt tua Sanctitas Ministrum Tuscie habeat commendatum, qui prætet cætera, quæ rectè ac prudenter gessit, tuæ Sanctitati ad votum quotidie frequentibus ad me literis pollicetur, se omnibus quæ pro salute Religionis agenda sint; maiore semper studio facturum: cuius Sancti instituti promptissimum, ac paratissimum animum non arbitrò à quoquam, qui integrè sapiat,

aspernandum. Nam si adest omnibus in nostra Religione, pro communi obseruantia, ea mens, cura, atque sententia, quam hic Minister de se spondet, & veraciter iam pridem exhibuit, fieret fortasse, vt vetusta hæc nostra, ne dicam collapsa, Religio, rediuiua quadam nouelli germinis venustate, imo verno tanquam tempore, infloresceret. Dominus te tueatur Omnipotens B. P. ex Pad. 7. Aprilis 1444.

## N O T A.

*Ministrum Tuscie.* Obseruantum eo tempore Præfecti Prouinciales, non Ministri, sed Vicarij dicebantur. Commendat ergo Ministrum Prouincialem Conuentualium, à studio, & affectu erga Sodalitium Regularis obseruantiz, quo nomine sciebat eum Eugenio Pontifici gratissimum fore, qui nihil in hoc genere vehementius cupiebat, quam vt Franciscani omnes Franciscum ipsum, ac Sanctissimos eius socios, eadem Regulæ professione & obseruantia sectarentur: existimo hunc ipsum Tuscie Ministrum, qui, cum Eugenij autoritate præsideret Comitibus Prouincialibus Prouincie Sancti Anto-

nij, curauit vt Albertus communi Patrum suffragio eiusdem Prouincie Minister electus fuisset, vt innuere videtur Albertus, supra Epist. 74. ad Iacobum Primadicium. Erat autem ille Fr. Scolarius à Monte Ilcino, quem simul cum Alberto, tunc Vicario Generali ordinis, Eugenius Pontifex instituit executores literarum Apostolicarum, quas ipse aduersus ambitionem, & perniciosam perpetuitatem officiorum ordinis, motu proprio, & ex certa scientia edidit Senis anno 1443. 4. Id. Maij, in quibus ita loquitur apud Vvaddingum in regeſto Pontificio tom. 5. Annalium, numero CCXXII. *Et nihilominus di-*

*lectis filijs Alberto de Sarrhiano Generali  
Vicario ordinis Minorum huiusmodi,  
& Scolari de Monte Ilcino Prouincia*

*Tuscia Ministro dicti Ordinis professio-  
ribus per Apostolica scripta mandamus.*

## EPISTOLA XCV.

BEATISSIMO PAPÆ EVGENIO.

## ARGVMENTVM.

*Alberto Brixie predicante multe virgines, & vidua, religioſe vite deſiderium conceperunt, pro quibus vt Monasterium S. Clare erigi poſſit, Ciues per Nuncium ab Eugenio Pontifice petunt; & cum eis etiam ipſe Albertus datis literis, quas hic exhibemus, in quibus etiam ampliſſimi Hospitalis erigendi mentio eſt.*

**L**anguor diurnus B. P. qui me toto & integro ſuperiore anno afflixit, fuit in cauſa, cur non poterim ad S. T. aliquid ſcribere, quando mihi vix pro valetudine viuere licuit. Nunc verò, Chriſto propitio, reparatis viribus, prima Ciuitas Brixienſis fuit, cui Sancta Chriſti femina, ſolito munere dicendi, præbuiſus. Offendi ſanè homines lenitate mirabili cæcos, qui mihi antea de duritia cordis veluti ferrei fuerant ineuſati. In reliquis autem fructibus, quos pro mundi contemptu, & pro amore Chriſti, caſtimoniz arua tulerunt, ſexageſimus, & centeſimus fuerunt imprimis: nam & viduarum, & virginum non deſpicibilis numerus Sancto amore continentiz exarſerunt, petentes à me inſtantius, vt apud Sanctitatem tuam diligentius agerem de Monasterio S. Clare in Ciuitate Brixia conſtruendo, vel iam conſtructo recipiendo, ſi quis locus idoneus in Vrbe reperiretur, de quo poſſit communitas, & concilium Ciuitatis, ſine

iniuria cuiuſcumque ſtatueret ſicut iam in multis Italiz ciuitatibus, tua, id eſt Apoſtolica authoritate factum, videmus, in quibus virginum flores, antiquam illam Sacrate continentiz gloriam referentes, rediuiua lætitiæ ſupernæ viriditatis & vernant, & redolent, cum pro Chriſto perſeuerantes, quod natæ ſunt, Angelas, vt ita dicam, ſe præbent in terris, de quibus, imò verò quas omnes, Chriſtus accipiens Sponſas, omnes itidem transferat ad eceleſte connubium. Hoc ipſum autem, de quo ſcribo, flagitant Brixienſes, miſſo ad te celeriter, vt aiunt, nouello nuntio, qui etiam S. T. ſuper ampliſſimo Hospitali conſciendo (1) exoret. Quibus vt de elementia tantæ Sedis poſtulara ſuffragia tribuas, ſupplices ego, & illi oramus, & obſecramus B. T. qui te frequenter facilem longè minoribus præbuiſti, quam ſit illa clariffima Ciuitas. Deus te tueatur Omnipotens B. P. Ex Brixia, die S. Martini Epifcopi 1444.

## N O T A.

*Super amplissimo Hospitali conficiendo. Quem effectum ista, & alix posteriores Alberti Epistolæ, anni 1446 de Clarissarum Monasterio erigendo, apud Pontificem obtinuerint, præter alia, quæ apud Vvaddingum legenda notauimus, docet in Historia Brixiana Helias Capriolus à Patricio Spineo Italicè edita, de Hospitali quidem sic. Quo tempore cum Ciues nostri magno Hospitali construendo inflarent, Petrus*

*Montius Brixienfis Episcopus primum eius lapidam die 26. Martij, solito ritu, iecit, sub titulo S. Spiritus. De Monasterio verò sic: Ipsdem ipsi temporibus Petrus Montius Episcopus noster, & Albertus Sarthianus ordinis Minorum, & Apostolicæ Sedis delegatus, nouum Monasterium S. Claræ, iuxta ædem S. Christophori Ciuitate postulantæ religiosis virginibus consignarunt.*

Lib. 11.  
Pag. 170.  
171.

## EPISTOLA XCVI.

THOMASIO BIBIO CYPRIO.

## ARGUMENTVM:

*Cypri Rex Ianus, à Mamaluchis Saracenis in prælio victus, & captiuus ad Aegypti seu Babilonia Sultanum ductus, annuali perpetuo tributo Saracenis pendendo redemptus est. Hinc ille Regni calamitates, quas Albertus in hac Epistola, Spondanus in Annalibus anno 1426. num. 3. & seqq. alijque illius temporis historici referunt. Eas ut effugeret Bibius cum familia in Italiam euasit, scripsitque Alberto hæc omnia, & negotium aliquod suum illi commendauit. Respondet Albertus dolere se Regis, Regni, & populi calamitates, gaudere autem Thomasi cum suis euasisse, seque commendatum ab eo negotium amicè, prout opportunita ferret, curaturum.*

**L**iteræ tuæ, mi Thomasi dulcissime, prorsus non opinanti, mihi ante hoc triduum reditæ, magna me & voluptate & molestia affecerunt: quorum alterum iucundus mihi tuus ad nos aduentus effecit, alterum dolor pro pendula salute eorum, qui remanserunt, quibus præter reliquas omnes calamitates, prout more hostili victoribus solet licere quodlibet, quotidie Barba-

rici hostis truculentissimus gladius ceruicibus imminet, acriter in eos ac celeriter scuiturus. Aduertum enim illos, si non me fallit suspicio, omnis miseria parua est, qua solet ignibus odiorum accensa crudelitas infidelium, in homines pios, ac fideles, impietate immanissima, profillire: non damna modo inferendæ temporariæ cladis, vt se habet populatio, exilium, seruitus, flagella,

fames, & carceres, ac reliqua id genus, sed quod lucuosius est, ad prostituendam pudicitiam matronarum, immò verò inusitata rerum facie, ad perdendam omninò & vitæ, & fidei, & Christiani nominis claritatem, dignitatem, sublimitatem; nisi, miserante Domino, liberentur.

Inter hæc verò gaudeo mirum in modum, ac Deo nostro, lætis literis tuis, gratias egi, quod tute tandem aliquando, ex tam horrenda voragine crudelium periculorum beneficio Diuino præreptus sis. Indoleo tamen Regi illi amicissimo nobis, & vt arbitror, vtinam non Dei, certè rectorum hominum, quantum mihi videtur, honesto & necessario præsidio destituto; Tædet me miserimi populi, piget & subicæ patriæ: acriter fero desperationem.

tuendæ Prouinciæ tuæ, te tamen feliciorum puto, qui in Italia nostræ, cum familiola tua, integra salute, pane tuto velcaris, quam si apud Cyprios, maxima cum iactura status, libertatis, vitæ, ac postremo animæ salutis, interim opum ac deliciarum vbertate afflueres. Negotium, de quo scribis, præ me gero, curaboque diligenter perficiendæ rei, cum se tempus idoneum dabit. Nosti enim credo, hominis ingenium, qui non admittat, nec homines, nec causas, licet grandes, si non animus eius, & Cælum, & dies, & hora, & orbis, vt ita dixerim, valde suapte tulerint. Vale ac mihi semper rescribe. Mitto ad te hunc nuntium, quo tibi cuncta certius perferantur. Ex Mediolano 3. Idus Febr. 1445.

## EPISTOLA XCVII.

BEATISSIMO PAPÆ EVGENIO.

### ARGUMENTVM.

*Monasterij Mediolanensis de Vedano, vt vocabant, de quo in hac Epistola agitur, historiam duobus locis tractat Vvaddingus: primò tom. 3. ad annum 1341. n. 8. vbi fundatum refert sub regula S. Augustini, & alia quedam ex relatione Francisci Gonzage; secundo verò loco tom. 5. ad annum 1448. n. 42. vbi refert, quod ex quinquaginta quinque incolis Augustinianis, quadraginta due se dederint Ordini S. Clare, ac tredecim tantummodo voluerunt in pristino instituto Regalæ S. Augustini permanere. Insolens, & inconueniens erat Moniales non vnius vitæ, & moris, in vna domo cohabitare, durumque videbatur alterutri parti ex eo loco migrare, in quo vitam longo tempore vixerit. Atque hoc est, quod in hac Epistola Albertus petit à Pontifice, vt scilicet neutra pars amoueat, sed vt Monasterij adificia, alioquin satis ampla, ducto per medium muro, in duo Monasteria diuideret, quarum alterum Augustinianis, alterum Clarissis cederet: & obtinuit eo modo quo narrat Vvaddingus secundo loco superius citato, vbi Clarissarum deinceps numeri, & Sanctimonie incrementa profequitur.*

Post-

**P**ostquam ab ægrotatione vnus anni conualui, scripsi primum ex Brixia S. T. nunc prouocatus, & scandalo populi huius, & mestitudine Sanctarum Christi Sponsarum, quæ Sanctimonialia de Vedano vocantur, quæque me sæpe rogarunt, vt ad Sanctitatem tuam aliquid scriberem, quantum mea mediocritas valet, commendo eas S. T. Summa autem rogationis earum ea præcipue est, vt diuiso sensibili quodam niuro Monasterij earum, quod amplum esse dicunt, pars vna alijs, quæ Sanctam Claram habere cupiunt, pars altera Monasterij alijs, quæ Sanctum Augustinum profiterentur, autoritate Apostolica constituetur, quarum, vt dicunt, partium vtraque poterit in dies terminos

suos, latius crescendo, porrigere: nam quæcumque è Monasterio emitatur, parte altera remanente se læsam putabit, tum famæ iniuria, tum sumptuum magnorum damno, qui in ædificando Monasterio expoliti sunt, tum denique penuria expensarum, si quod aut nouum Monasterium ædificare, aut vetus instaurare contigerit. Agat sapientia Apostolici pectoris, quod & veritas, & pietas, & charitas Christiana suggesterit: nonnulla scripsi Dominis Arsenio, & Matthæo Cubicularijs S. T. quæ ad S. T. per illos fideliter referentur, ne S. T. diutius loquendo molestijs onerarem. Ad Sanctorum pedum me mente subijcio humiliter osculanda vestigia. Ex Mediolano 8. Aprilis 1445.

## EPISTOLA XCVIII.

THOMASIO BIBIO CYPRIO.

## ARGUMENTVM.

*Autor titulum huic Epistolæ inscripsit: De conditione amicitie, & de malitia inuidentiæ: At de his differere, etsi in Epistola fiat, non est tamen præstitutus eam scribendi finis: sed cum non expediebat Alberto personas aut res detegere (vt diserte profiteatur) per quas stabat, quominus negotium à Bibio ipsi commendatum vix, aut ne vix quidem efficere pòtuerit; voluit hac circumlocutione significare, quid esset impediementi, solarique amicum, cuius non solius, sed totius & generis, & temporis infelicitas esset, seu potius felicior fors bonorum omnium, quod à malis inuidiam patiantur; quam & ingratitude exemplis veterum, turpique characterismo detestatur.*

**N**on secus vllò pacto fieri posse apud amicos censeo, Thomasi charissime, quam vt graui animi molestia illi quidem in aduersis amicorum afficiantur, qui

reuera, vt ipsius amicitie ratio postulat, veri profectò amici sunt. Atq; id certè cum in omni causa inter eos accidere soleat, tum verò ac maximè, quando bona quæque sibi iniucem  
exop-

exoptantes, ea per se se, neque pro alterutro queunt efficere, neque ut per alios efficiantur elaborare, sine fructu defudent. Verum ille omnium molestiarum locus est grauior, ille intra ipsa præcordia asistat acerbius, exeruiat durius, non si qui amici reperiantur ingrati; id quod sæpe accidere solet, sed si ij qui amici ab amicis ipsis putantur (tanquam neglecta opera, ut non dicam non dedicata) non diligere eos, quos vel maxime amant. Frequenter fateor inter mortales reperiri contingit, ut in hominum perditorum fallacibus amicitijs plerique ingrati sint, non modo ad beneficia referenda, verum etiam ad maleficia pro beneficijs rependenda. Quo hominum genere adeò, meæ sententia, nihil tetrius est, ut eos cane ipso immaniores existimem.

Sed ingenuus in amicitijs animus in ademptis ab ingrato, aut non redditis beneficijs, pro magnanimitate non gemit, pro virtute verò sibi fat est, nec expetit mercenariam repositionem, qui gratis amat. Cum autem illi maleficia referuntur, discit ipse imprimis quidem ut cum amico, id quod postremum aduersus beneficentiam est, non agat ingratus, quin potius, si homo is esset ingenti quidem gloria clarus, ac merito munere ornatus, veluti magna quadam virtute insignis haberi solet: si verò Christianus fuerit, fortiore patientia coronabitur, atque eo vberius, quo indigniore exagitatus facinore, grauiore fuerit iniuria laceffit. Nihil est enim externis in rebus scelestius, & quod amicitiam magis diuellat, quam ingratam maleficientiam experiri: cum contra videamus quotidie, feras belluas per illecebras beneficiorum, deposita immanitate, concili-

ari. At verò illud, supra quam dici potest, inter amicos amarissimum est: si quis credatur vel nolle pro re amici amplius fatigari, cum ne morte quidem, ne dum labore, vilo, vera amicitia terminos habeat, amicis enim etiam post mortem plura debemus, quibus nos religio facit obstrictos, vel quod est consequens, non amare amicus ab amico animo ipso etiam paululum ambigatur; is maxime, qui sæpe probatus sit.

Itaque, id quod iterum ac sæpius libens repeto, illud est in amicitia vltimum scelus, si non dico quantolibet in rem amici amicus incumbens, laborem omnem tentati pro illo negotij frequenter amittat; sed si vehementer amans amicus, aut minus, aut nihil amare existimetur; tum præsertim, cum idem ipse, qui amicus habetur, iudicio sit electus à nobis, cumque eos rerum nostrarum, consiliorum, voluntatum vicissim facta communitas probatos effecerit; cum postremo fraude nos vlla nunquam deceperit. Quo casu qui amicum, aut deponit, aut abijcit, exhorret, fugit, contemnit, virum profectò exuit, feram vestit. In reliquis enim incommodis omnibus (si non ipsa opinio nostra atteritur, si non vita negatur, quod ipsum perarò non accidit) res saltem familiares certò læduntur, quibus inter amicos sæpe, & acquirenda comoda comparantur, & quæ sunt parta conseruantur. At hic homo, qui tanti est, ipse offenditur. Ibi fauor, hic natura parens omnium violatur. Ibi virtus perditur, hic amor amittitur, incestatur, & perit, sine quo, ut amicitia vera, ita quoque virtus vlla esse non potest. Nam inter ingratum amicum, & offensum itidem amicum,

cum, ipsum atque amorem maximo interstitio summa distantia est, & omni inter se ratione, testibus etiam maioribus, plurimum differunt.

Verum quis horum duorum, læsum dico, ac lædentem, suis gradibus alteri miseria, infelicitateque præstet, inimicus ne malitia (sic enim appellandus est amicus ingratus) an amicus benevolentia, non facile dixerim. Nimum enim & iste offenditur, & ille offendit. Quæ cum ita sint, Thomasi charissime, velim penitus tibi persuadeas, nunquam me taciturnum fuisse, quominus ad te & literas & nuncios destinassem, si in spem ullam aliquando venissem conficiendi illius, apud quos cupis, tam tibi necessarij, & honesti & utilis, quam ardentissimi voti tui. Quod cum per nostrum ministerium ad diem istum, quo volebas, duci nequiverit, hæc imprimis causa fuit, cur ad te nihil scripserim, ne vlla molestia te afficerem, qui erectum animum tuum fortè putares, tanquam spe fracta, à magno illo tuo, vel desiderio, vel proposito concidisse. Cumque hanc meam cauti amoris laudandam, nisi fallor, moderationem, ac modestiam, tu eo traieceris, vt te queraris à me non diligi, & tanquam errato quopiam tuo aliquid commerueris, te quoque aduenam, vt dicis, & peregrinum patriæ tuæ, à me malo tuo destitui, in quem spem omnem tui patrocinij magna fiducia collocaueras. Fateor tibi simpliciter, mi Thomasi, perinde me perculerunt huiusce opinionis literæ tuæ, ac si telo, & forti, & insperato quicquam grauius appetatur.

Ego tibi certè honesta omnia prospere cedere ac fauorabiliter prouenire percipio, vtque ea finem, quem

optas, fortiantur, diligentius elaboro, sed nihil ago: impedimenti autem causas, ac multo magis personas, mandare literis honestum non puto, cum ne in aure quidem sapiens aliquis eas ad purum dicendas forsitan arbitretur. Vereor tamen, ne perditissima illa inuidia, pestis quidem, communis optimorum omnium, atque omnis præstantiæ, tibi æmula est: quæ etsi nulli ornato homini, sibi tamen ipsi, iudicio veterum imprimis grauis iactura est: nam & Græcorum est vetus illa & probata sententia nihil emolumenti habere inuidiam nisi, vt in quo fortè inest, cum digno supplicio pro scelere peccantis excruciet, quandoquidem ea labe, & tabe, inuidia ipsa detestabilis est, quæ bonos quoslibet infectetur, quæ honestissima licet carpat, quæ aspernetur præcelsa, quæ Sancta quæque profanet. Cui virtus, supplicium est; & amor, tormentum, aliorumque, quamuis proximi illi sint, omne emolumentum, detrimentum sui crudelissima facit.

Illi quoque ab ipso orbe condito, vt vno verbo cuncta complectar, bona omnia inuisa fuisse, nemo nescit, qui sapit. Nam quæ neque Deum in Cælo reuerita est, cui per Diabolum Diuinitatem inuidit, quid putas in terra factura est? *Inuidia enim Diaboli*, vt Sancta Scriptura testatur, *mors introiit in orbem terrarum*, cui quidem morbo teterimo, oro te, quid homini efficere erit satis, si mortem mundo insingere parum fuit? nihil certè hac efferata, bellua truculentius, procacius, insolentius dici potest: quæ temper aduersus pulcherrimam charitatem, si nihil aliud nefandi sceleris admitteret, omnifaria vbique perditæ æquitiæ pugna

Vide Strabonem Sermonum. 36.

pugna confixit. Non illam Sancti Abel innocentia, recenti mundo, compescuit. Non Iacob pura simplicitas ab æmulatione fraterna delinuit, non pudici Ioseph impuberem imbecillitarem miserata est, nec puberem etiam adultæ ætatis castimoniam admirata. Quippe quæ mitem lenitatem, & mansuetam misericordiam David fidelis Saulina illa infania persecta est.

Quid quod per inuidiam cæcatus, verè tunc non probus Iob aduersus Regiam benevolentiam, fortissimo Duci Abner, Principi militiæ domus Saul, Imperatoriam exercitus David gloriam metuens, vitam quidem proditione nefaria illi præripuit, sed morte ipsa ei gloriam auxit quam confratri suo nequissima æmulatione cauebat. Sibi verò ac generi suo maledicto Regis coercitus, inopix, lepræ, fluxus, imbecillitatis, & gladii maculam, ac damna grauiora inussit, nullo remedio expianda. Cusiensis quoque sapientiæ salutare consilium Achitophelis verè felleo consilio inuidia vindicauit. Danieli sapientissimo mortem molita est. Hæbræos denique frequenter afflixit, vt ne pueris quidem, immo infantibus recens natis, aut sub Pharaonis imperio; aut sub Herodis tyrannide pepercisset, in quibus, quoad in ipsius Herodis hostili odio fuit, mundi Saluator in cunis extinctus est.

O monstrum inueteratum, quod, antiquissimo more ac veterno vsu, humanum animum nunquam saturatum depascit? quod semper efuriens, præcordia deuorat, quod gaudia, mœsta ostentat, risum enim non habet, sed fingit inuidia, nunquam ex animo ridens, nisi in aduersis forsitan prosperorum verba læta extor-

quet, quæ ipsa læta non est, publicèque deprehensa, inuito animo hilarescit, sed interim secretius moeret. Canos intempestos adducit, senectam perniciousè prouocat, mortem accelerat, cuius spiritus tristis, Salomonis testimonio, humana ossa, imò verò medullas inuidorum, exhausto vigore, & robore consumptæ, desiccata, verbis grauida turget, aspecta tetra pallefcit, parata ad detractiorem, armata ad oburgationem, prompta ad infamiam, ingrata ad conuersationem, fastidiosa ad se, onerosa ad omnes, desperata ad Deum, pacta ad Dæmones, venundata ad scelera, idonea ad tenebras inferorum.

Taceo vesana studia æmulationis Iudaicæ, quæ Dominicæ iam præpollentis ætatis præclariorem primum in finitimis Prouincijs famam, malè sollicita, toto orbe obscurare satagit, ac præpôtentis Dei filij, & gloriam operum, & vires factorum conterere, ac conficere est frustra conata, cum tamen plebs illa malefica, & inuidia venenata cecissima, sese magis in dies quam Christum nolens & inuita affecerit, quandoquidem ipsius Christi miraculorum splendorem, in medijs populorum turbis ingrata contempfit. Quæ quidem ipsa, licet Diuina essent, eademque prægrandia, nihilominus illa ad Dæmones authores, quod extremæ non demeritæ, sed blasphemix est, nullo pudore, nulla venia retulit. Illa illa Iudæa prophana est, quæ Saluatori omnium, ob solam, quam detestamur, & obiurgamus, inuidiam, in Sacerdotibus summis religionem, auctoritatem, potestatem; in Scribarum peritia eruditionis præstantiam, in senioribus populi iudicij claritatem;

tem; in simulatione Phariseorum. Sanctimoniz veritatem, impacato animo, imo verò implacata feritate, & obstinato furore, semper inuidit. Postremo in ipso falso ac perspeciem veritatis decepto populo, honorem. maestatis abiecit, spreuit, negavit: simulque omnes Diuinitatem veram, in præstantissimo splendore rerum. gestarum, pertinacius contempserunt. Ac ne infinita tam rudis vetustatis, quam noui nitoris percurram, ea, etsi primum sui mordax, nihil mali non fecit inuidia: semperque virtus, vt noster Hieronymus ait, excelsa licet, in propatulo fortissimos æmulos habet.

Si hæc immanis bellua tantos læsit, cur te Thomasi, aut putes immunem, aut queraris offensum? quippe qui magis mirari debeas, ab ea peste te quidem & parum læsum, & quod verius est, nimis dilatum: sed spreta magis inuidia, ad charitatem nos potius referamus, Sumus in dies hinc abituri, vt agri feracis, hoc est reli-

giosi populi & piz plebis Mediolanensium Ciuitatis, Christo propitio, haud vacuis manipulis, expleta iam. messe, ad exemplum Saluatoris, Ciuitates & Castella, Oppida atque suburbana eius circumeamus, constituentes vel in ordine pœnitentium. peccatores. In quo nos grandi munere ( si nobis meliora atque altiora. Dei munere prouentura non sit ) vtinam tandem aliquando defungi contingat, cuius Apostolici ministerij alto fastigio, si sensu, si spiritu, si constantia, si eruditione, si cœlesti, ne dicam humana, quæ parum ad salutem valet, eloquentia careamus, si denique, id quod maximè opus est, magna illa discretionem spirituum, simus impares: bona tamen spe esse. debemus, vnus salutem, multorum precibus facillè consequendam: cuius quotidiano labore, in gloriam Christi, & in ædificationem corporis eius, quod est Ecclesia, multorum. salus & optatur, & quæritur. Vale. ex Mediolano 20. die Maij 1445.

## EPISTOLA XCIX.

PAVLO LIGNANO MEDIOLANENSI.

## A R G V M E N T V M.

*Excusat se à petito officio, quod preuidisset interpellationem suam nocituram potius, quam profuturam negotio, ob rationes, quas in Epistola explicat.*

**C**onsulta grauius ratione, Paule Fr. videor nihi potius obfuturus quam profuturus negotio Sanctarum Christi Sponzarum, si, quod petis, non vocatus ipse me ingeram. Opinor enim eos, qui à

nostra sententia longè dissentiant, à sua non facile discessuros, eo maximè, quod nos arbitrantur non. esse suarum partium fautores, quo fit, vt illis suspecti, neque auctoritate, quam nullam habemus, neque

Ecc. bene-

beneuolentia, aut fide, *quam in hac re nobis non habent* (1) eos superare possimus: si tamen *honestior ulla, ac verior causa* (2) me vobis ascisceret, & studia animositatis ac contentionis sinceritati ac veritati, vt par esset, concederent, Christo propitio, illa persuaderem non obtinatè sapientibus, qui si nihil aliud efficerent præter vtilitatem communis boni, & simultatis finem, in egregiam saltem quandam ac iucundam, conciliationem fractæ iam diu beneuolentiæ, in redintegrationem alienorum animorum ab illis qui huic tam honestæ rei pertinacius aduersantur, magno cum honore maximè verentium contumeliam, laudemque accederent: verum cum nos Sancta

Scriptura diligenter admoneat: *ubi non est auditus ne effundas sermonem*: & contra idum fluminis frustra conari hominis est, qui velit *stultitiæ suæ quamplurimos domesticos facere* (3) Hæc cum affini tuo, Patre meo, ex laude vetusto Abbate, si ipse in præsentia possem conferre, qui, quod tu cupis, ipse quoque exoptat, & tum itidem, cum illo sponte forsitan in meam sententiam veniretis. Vale ex *Busto Arsitio agri insubrium die 30. Maij 1445.* (4) dum illic pro nostro more prædicando circumeuntes, tuæ nos forte literæ comperissent, ad Cumensem deinde Ciuitatem celeriter profecturos. Iterum vale ac pro nobis ora.

## N O T A E.

## Nota I.

*Quam in hac re nobis non habent.* Hæc res enim, idest studium reformationis, quam hic tractari vel ex hoc ipso loco non ineptè fortè conijcimus, vnica causa fuit alienandi aduersantium animos ab Alberto, fidemque illi in ea re subtrahendi, quem cæteroque & amabant, & venerabantur.

## Nota II.

*Honestior ulla, aut verior causa.* Non quod ea in se honestan non esset, quam ipse author post pauca tam honestam vocat, sed quod ipsi minus honestum foret effundere in ea sermonem, vbi non esset audiendus, vel stultitiæ suam prodere, in nitendo contra idum.

## Nota III.

*Stultitiæ suæ quamplurimos domesticos facere.* Idest conficis, & fa-

miliares, quasi diceret, stulticiam suam pluribus prodere, & propalare.

## Nota IV.

*Ex Busto Arsitio agri Insubrium die 30. Maij 1445.* Ita habet codex noster sine inscriptione, aut notitia personæ, ad quâ Epistola dirigitur, nisi quod ex textu ipso constet ad Paulum quemdam mitti. Codex verò Capistranensis habet inscriptionem quam supra præmisimus, *Paulo Lignano Mediolanensi*, & diem 20. Iunij. Debuit ergo eadem Epistola, vel ad eundem bis missa fuisse ex eodem loco, vel ad duos, quorum vterque vocabatur Paulus, vel amanuensis error interuenisse in alterutro codice: quo magis inclinor, cum B. Albertus dicat ex eo loco se ad Cumensem deinde Ciuitatem celeriter profecturum: si 30. Maij celeriter erat profecturus, non videtur hæsisse ad 20. Iunij, quo eandem Epistolam ad eundem vel alterum Paulum dedisset.

## EPISTOLA C.

## CAPITVLO PROVINCIALI MEDIOLANENSI.

## ARGVMENTVM.

*Desiderium aliquod suum, quod per alios ante insinuauit, Patribus commendat, hortaturque ut de bono gubernatore familia sua sibi prouideant, à quo nulla tentatio, nullus error, aut carnalis affectus eos auertere debeat.*

**V**enerabiles Patres, pax Christi vobiscum, Amen. Nonnulla contuli cum Patribus Guardiano S. Angeli, & Cumenſi, & Fratre Timotheo, quæ hic non explico, ne verbis vos nimium onerem. Sed ea dicenda vobis nomine paruitatis meæ commisi fratri Christophoro harum latori, super quibus prædicti Patres poterunt testes esse voluntatis, & desiderij mei, sicut ad illos locutus sum. Deus vos inspiret satisfacere postulanti mihi, pro honore Dei, quæ honesta existimo. Hortor præterea vos eum omni humilitate, absens corpore, præsens spiritu, oratione, & desiderio, ut quæ Dei sunt ante oculos habeatis, nec vos à veritate auertat vlla tentatio, vllus error, vllus denique carnalis affectus, quominus de bono gubernatore familiz vestrz prouideatis,

si non cupitis nauiculam vestram scopolis, non dico minantibus, sed facientibus naufragium, iactura pernicioſa collidi, sano quippe capite, ut ait noster Hieronymus, omnes sensus vigent. Præficiatis vobis hominem imprimis sani capitis, qui zelet Religionem, & Euangelicam puritatem, qui iustitiam præstet, qui misericordia præcellat, qui discretione, tanquam habena, in omnibus dirigatur, *sustinete oro vos modicum. quid insipientie mee: nec contemnatis fratrem vestrum, qui etsi non vita sua, saltem exemplis Sanctorum Patrum nostræ Religionis, potest vobis XL. annorum indieem texere. Quadraginta enim anni sunt (1) quibus sum edueatus cum fratre Grego X. annorum (2) Ex Mediolano 19. Aprilis 1445.*

## N O T A E:

## Nota I.

*Quadraginta enim anni sunt, quibus sum edueatus.* In Alberti vitæ, cum scriptorum vnanimi consensu dixi-

mus ipsum anno Christi 1415. ætatisque suæ 30. à Conuentualibus ad Obseruantes transiisse, à quo anno si ad præsentem 1445. numeraueris, inuenies triginta tantum, non quadraginta annos cõsist-

Ecc 2 xilte:

xille: non secundæ igitur educationis inter Obseruantes, sed primæ inter Conuentuales, seu Franciscanæ professionis primi tyrociniij sui annum hic memorat. Ex quo & anno ætatis, quo ad Obseruantes migravit clarè colligimus, quod huc vsque nos latuit, ipsum scilicet fuisse habitum apud Conuentuales anno ætatis suæ 20. & Christi 1405. vnde vltcrius habemus ipsum natum fuisse anno Christi 1385. nam tot solummodo restant, si ex 1405. demas 20.

#### Nota II.

*Cum fratre C. & X. annorum.*  
 Quis fuerit iste senex certo affirmare non ausim, nisi fortè fuerit B. Bartholomæus Pisanus, quem constat hoc tempore centesimum ætatis annum superuixisse: cuius contubernij, vel magisterij allegatio, ad concludendum ipsius periodi Epistolæ argumentum, satis opportuna fuit; voluit author, vt tum

ob propriam experientiam quadraginta annorum, quos partim inter Conuentuales, partim inter Obseruantes vixit, tum ob magisterium tam veterani religiosi, & æstimati eo æuo ordinis Historici, à quo poterat multa didicisse, Patres illi Capituli Mediolanensis ipsius consilio, in eligendo superiore, deferrent: experto enim credendum est. Marianus ramen Florentinus, & cum sequutus Vvaddingus, coniecturis innitentes dubia dictione aiunt, Bartholomæum obiisse centenarium circiter anno 1401. quod non potest conuenire cum assertionem B. Alberti, si ipsius educatio, seu Nouitatus, vt supra collegimus, incidit in annum 1405. nempe quatuor annis post mortem Bartholomæi sed in his etiam experto credendum est Alberto, qui rem determinatam, certamque, propria experientia doctus affirmat, modo per fratrem C. & X. annorum Bartholomæum intelligat.

## EPISTOLA CI.

### ANTONIO RAUDENSI.

#### ARGVMENTVM.

*Postquam Albertus vidisset humilem locum natiuitatis Antonij Raudensis, hominis alioquin tunc virtutis & eruditionis fama clari, & audisset de domo & patria aliqua ridicula, inde Galeratam transfrens, cum ob valetudinem à concionibus biduo vacasset, ne otio locum, aut tempus concederet, banc ad ipsum scripsit Epistolam. In qua primum, ne ille se contemni putaret, eius beneuolentiam dextrè captat. Mox quorundam asperam, & rusticam nobilitatis absque virtute instantiam redarguit; eruditum hominum suauem consuetudinem describit. Eleganter deinde refert, que in Raudensi loculo vidit, & audiuit, & in conditionem loci non ineptè ludit: suam tum prolata sententiam scribit, parua loca à magnis virtute viris gloriam; insignes vrbes ex aduerso itidem à vitio famosis, etsi sanguine nobilibus ignominiam non rarè deriuasse. Literis ergo, & virtuti studendum suadet, quibus & hic temporaria, & æterna in superna Ciuitate gloria remanet. Huic nec loci nec parentum humilitatem officere. Quod & Ciceronis, & Christi exemplis breuiter confirmat, suam denique Patriam, quod ante notauimus, Sarrhianum. disertè manifestat.*

**N**E falso forsitan arbitreris, Raudensis Pater, vel generis tui, vel loci obijci à me tibi temerè, & insolenter, atque iniuriosè, humilitatem, hæc tibi lætus quidem, ac non tam serio, quam ioco, renuncianda constitui. Quæ ipsa, opinor, tanquam de amore in te meo deprompta, amica ac veraci interpretatione censebis. Nam is es, qui sicut pro solerti ingenio grauitè dicta dijudices, ita quoque per animi lenitatem facetus, & gratus, sales ac iocos honestæ humanitatis, & quæ à religionis feueritate minus abhorreant, nullo studio contentionis accipias. Quod stolidi quidam homines, & non tam stoica duritiæ, quam plebeia rusticitate nobiles, nec tam Catoniana grauitate conditi, immò inconditi prorsus atque inepti, quam Neroniana crudelitate cruenti, cum nihil humanum sapiant, multa atque maiora, & tumentis animi & venenosæ iactantiz argumenta, molestantim superbia præ se ferunt.

Cum quibus nec vitam ducendam, nec iura amicitiz, nec signa beneuolentiz communicanda existimem: colloqui dico, & corridere, & vicissim beneuolè obsequi, simul legere, libros dulciloquos, simul nugari, & simul honestari, dissentire interdum sine odio, tanquam homo ipse secum, atque ipsa rarissima dissensione condire plurimas consensiones, docere aliquid inuicem, aut discere ab inuicem, desiderare absentes cum molestia, suscipere venientes cum lætitia; Quibus ex rebus, ac signis, uti nostri maiores tradunt, à corde amicorum per os, per linguam, per oculos, perque mille motus gratissimos, tanquam vnus, multorum per beneuolentiam constatur mutua ac

vera amicitia animus; à quibus cum rustici amatores, & vtinam etiam amatores, longe absint, debere eos arbitror in sua duritiæ ac rusticitate relinqui, quod ad amoris argumenta, amicitizque mansuetudinem attinet; etsi oratione iuuantur, & cum patiuntur, doctrinis, ac moribus excolendi; & cum egent ope Christiana alendi sint.

At verò, Raudensis, vt proposita persequamur, tu, qui melle humanitatis resperfus es iam me audias iucunda narrantem. Cum abs te primum ex Mediolano discessimus, hospites suos illa tua nos eo die ante meridianum tempus excepit: Illa tua, inquam, nos pransuros excepit, quid dicam? illa tua, siue Vrbs clara Raudensis, siue Colonia ingens: siue Oppidum insigne, siue Castellum peramœnum: Absit verò me quandoque audere dicere villam, aut, quam vulgo Insabres tui vocant, cassinam, quæ ipsa patrio more nostræ Etruscæ Prouinciæ Capanna, potius vocaretur, sed rectius nos, arbitror, erimus cuncta complexi, & omnem propriè, atque accommodatè, & Latinè dicendo absoluemus proculdubio controuersiam, si Insubrensem agrum, aut quod verius est, Insubrensiu agrum partem, atque eam perpusillam dixerimus: quem admodum & agrum, verbi causa, Veronensem, aut Veranum, aut Picenum, aut de his ipsis agris cuncta appellare solemus, quæ ad priuatos ciuium focos atque ad suburbana, iura, licet latius porrecta, pertinent. Illic itaque primum paululum à defessione itineris recreati, magnam reuera ac seriò, tam publicè, quam priuatè, & ab omnibus, & à singulis sumus humanitatem experti, sed

tibus patta periculis, ad gloriam super-  
pernorum ciuium, & ad immorta-  
lem Senatam letos transferet trium-  
phantes (2) Nec tum nobis officiet  
ignobilitas huiusce temporaneæ no-  
stræ ad modicum patriæ, immo verò  
omnis ista, aut mundi huius pere-  
grinatio, aut parentum humilitas,  
nihil certò nocebit; quibus erit patria  
Cælum, & Pater Deus, Magister  
Christus, Mater illa Maria, Regia  
Virgo, ac Regina Cælorum, conciu-  
ues Angeli, & Fratres & socij beatis-  
simorum hominum cætus.

Tunc, mi Antoni, erimus veri  
Hierosolymitæ, magis quam veri Qui-  
rites. Ciceroni tamen illi tuo, ho-  
mini quidem consulari, atque vni ex  
illis, non Hierosolymæ ciuibus, sed  
magis Romæ Quiritibus, humili-  
tas & loci, & generis ab inimicis, &  
inuidis in probum obiecta est, qui  
tamen, vt sæpe alias, sicut de cæte-  
ris rebus ventosissimè iactitat, & ge-  
nus suum, & patriam illustrauit. Sed  
vt potius Diuina dicamus, Saluator  
noster qui & Galilæus, & fabri filius  
per Iudæorum impudentiam dictus  
est; Bethlehemica rura natiuitati de-

legit, & saxum humilis diuersorij il-  
lustrissimum orbis terrarum monu-  
mentum effecit, ne locorum, in  
quibus nascimur, vlla nos depressio  
faceret aliquando mærentes.

Placuit mihi Raudensis his paucis  
primum ludere, nunquam enim ad  
te meas vllas literas scripsisse me re-  
colo. Hæc verò Epistola, & initium  
fuerit mihi multa demum ad te di-  
ctandi, & tibi caput deinceps, vel  
ad me scribendi; vel, quod postremæ  
humanitatis est, pro iure postulatio-  
nis meæ, claro tuo eloquio, plurima  
respondendi, qui tua ad me dictanda  
poscere, quam respondenda repo-  
scere mallet. Opro tamen, & oro,  
vt eum nobis vitæ cursum præcipuis  
meritis Diuinitus comparemus, quo  
nobis relictis Raudensi & Sarthia-  
nensi, siue Oppidis, siue aliud nun-  
cupare potius natiuitatis nostræ ter-  
ras (3) volueris, tam ingentibus ac  
perpetuò fruuentibus bonis interesse  
contingat. Vale ex Gallarate pridie  
Kalendas Iulias 1445. cum per im-  
becillitatem corporis à prædicandi so-  
lito munere biduo vacaremus. Ite-  
rum vale.

## N O T A E.

## Nota I.

*Antonio Raudensi.* Huius mentio-  
nem habet Vvaddingus inter Scriptores  
ordinis Minorum, vbi & patriam illam  
ipsum Falmentam vocat: sed non tam  
procul Mediolano esse oportet, dum  
Albertus ex ea Vrbe mane discedens,  
ibi ante meridiem prædicare potuerit,  
vt ipse in Epistola refert. Ego sanè Raud-  
dam dicerem, etsi hanc nec Blondus,  
nec Leander Italiæ descriptores ha-  
beant. Ipsum autem Antonium S. Theo-  
logiæ Magistrum, in omni studiorum

genere insignem vocat, & tamen fata-  
lem illius sui maledicentiam euadere  
non potuit: scripsit enim in eum nescio  
quid Laurentius Valla, quem nondum  
vidi; Flavius Blondus in descriptione  
Lombardiæ affirmat, eum eleganter do-  
ctum fuisse, eiusque rei testimonium fa-  
cere opera eius. Ea verò non extant,  
præter Laëtantium Firmianum eius opera  
puriolem editum, in qua ipsa editione  
quidam, præsertim Franciscus Philel-  
phus, Michael Thomasius, & alij cen-  
suras quasdam Raudensis in Laëtantium  
aerocitatis accusant, & alia notatione  
digna

digna desiderant: sed quis ipso Philelpho in vituperando atrocior, ut eius inuictiuz demonstrant, cui proinde maior fides laudanti habenda sit: De Laſtantij erroribus quid enſuerint Sancti Patres, & Sancti Romani Pontifices, & Baronius, & Bellarminus Cardinales, Antonius Posſeuinus in apparatu Sacro refert: sed ea est quorundam poſteriorum ſcriptorum ingrata conſuetudo, ut in anteriorum laboribus, non quid boni fecerint, sed quid non fecerint, vel ſi quid male feciſſe videantur, facilius notent: cum & iſtis inuentis addere, quam primitus inuenire pronius ſit. In qua re iucundum eſt, quod de Chriſtophoro Columbo fertur. Is enim, ut aiunt, poſtquam primus noſtratum Occidentalis Indiæ oras detexit, in Europam reuerſus, cum in nobilium virorum cœna ſediſſet, iſſque rogantibus nauigationis ſuz labores referret, alius quiſpiam: ſed quid horum, inquit, quiuis nauigandi peritus non poſſet præſtare? Tacuit Columbus, & famulo poſt tergum ſtanti iuſſit; ut ouum in orbe afferret, allatum in menſa depoſuit, tum ad conuiuas quis veſtrum Domini ait, hoc ouum in euſpide ſtatuerè poſſit: reuoluentibus eunctis id fieri poſſe: at ego, inquit, facere poſſum. Dicitur,

ſacrum, orbem ouo percuſſit, & reuſo euſpide ſtetit ouum: ſed, inquit, hoc quis non faceret? Tum demum ille, fieri quidem à quolibet poſſe fateor, ſed multis nec animus, nec ingenium eſt: quo liuidum inuidiæ euſpidem fortius quam oui retudiſ.

## Nota II.

*Ad immortalem Senatum letos transferet triumphantes.* Num prætoris mortis ſuz triumphum clarè prophetaſſe videtur B. Albertus? quem in teſtimonijs vitæ eius à nobis adiunctis, multi nobiſcum conteſtati ſunt, & elegantiffimè deſcripſerunt vltimi eruditi Academicii Intronati Senenſes. Nam quinto hinc anno Cœlum triumphando conſcendentes B. Ioannes Capilſtranenſis tunc vidit, & palam, ac publicè retulit.

## Nota III.

*Raudenſi, & Sarthianenſi natiuitatis noſtræ terras.* Hic maniſteſſimè prodiit Albertus patriam ſuam Sarthianum eſſe, quod natiuitatis ſuz terram vocet.

## EPISTOLA CII.

MATTHÆO BISSARO VICENTINO. (1)

## ARGUMENTVM.

*Bissarum veterem Alberti benefactorem fuiſſe docet Epistoſa LXII. ad ipſum anno 1440. ex Rhodo data. Nunc etiam ſcripſit ſe pecuniam duobus hominibus ad ipſum deferendam dediſſe, quorum alter ſe miſiſſe dicebat, alter non dedit. Albertus inſigni pecuniarum contemptu, & proximi charitate, pro primo rogat, ut Mattheus nihil mali propterea illi moliatur, quod forte paupertate preſſus, pecuniam ſibi retinuerit, & verecundia fecerit, ne id alterutri fateretur. Ab altero pecuniam repetendam ſuadet, quam ſe nullo modo acceptaturum proſitetur, affirmans amorem Biſſari, quam ararium eius, ſibi eſſe gratiorem.*

**H**eri, qui fuit sextus Octobris (2) cum Bergamum ex Mediolano, & Cumis ac repertis in medio oppidis, gratiam verbi seminantes, peruenissemus, offendi fratrem Franciscum meum, tunc penè abs te cum literis, & rebus gestis, in Teuchros redeuntem: in quibus sanè de bonis, quæ legi, gratias Christo retuli, sed ibidem molestè tuli, quod scribis And. Clementis audere procaciter dicere, se mihi misisse pecunias, quas nullas penitus vnquam habui. Nam si illas misit, nec forte redditæ sunt, det nomen ferentis; si verò, quod magis arbitrator, nunquam misit, aut perfidiæ fuit non reddidisse commissas illi abs te, etiam me probante, pecunias, aut necessitatis, cum forte illum vgeret inedia, afflictaaret, vt sæpe affolet, paupertas, grauerent debita, cogerent exactores. Quo casu hoc mihi solum molestum est, quod suam fortassis necessitatem, nec mihi, nec tibi, verè in hac causa pijs hominibus, libera confidentia, & amica libertate significauit. Profecto seio pari consilio eleemosynam inopi sibi benedictione firmatam auxissemus. Nunc vero cum tergiuerari potius videatur, non me cruciant nummuli, quos non amo, sed cruciat illius violata existimatio, corrupta fides, damnata conscientia. Verumtamen te oro vehementer, pro mutua nostra

beneuolentia; ne illi pro hac causa aliquid molestiæ niachineris. Ingens enim forsitan illum inopia compulsiu creditas sibi pecunias auferre, & rubor verecundiæ exterruit confiteri. Quod verò ais pro mercede scriptorum, ne apud eos aliquam calumniam patiar, te misisse de tuis nummis Cancellario illi ad numerum 12 aureorum. Ego licet hoc factum esse audierim à confratre nostro, Cancellarium nedum vidi: sed vnum est, quod apertè profiteor, longe abesse à corde, & instituto meo, vt te velim perpeti damna calumniosissimè fraudantis. Itaque ab illo repete pecunias tuas, quoniam illas nulla ratione recipiam. Scriptoris autem, Diuinitate propitia, non deerit ratio prouidendi: mihi certè sine vlla comparatione *gratior est amor tuus ab arario tuo* (3) quo tenui fortasse laboras, immo verò nec laboras, quando nec illud diues habere concupiscis. Nolui enim & Apostolica autoritate ab Hieronymo constatam esse sententiam, qua auarorum cupiditas obiurgatur. Victus, & vestitus diuitiæ Christianorum: cuius certè ad te scripta in dementem illum Rufinum gratis & sine argento vel auro aliquando transmittam. Vale ac pro nobis ora, cum amicis communibus, Ex Bergamo 8. die Octobris 1445.

## N O T A E.

## Nota I.

*Matthæo Bissaro.* Qualis hic fuerit non plenè reperio. Patria Vicentinum fuisse Albertus ipse signauit: ego

virum literatum fuisse vel inde colligo, quod Albertus promittat se illi missurum scripta S. Hieronymi in Rufinum; quemadmodum vel Ecclesiasticum, vel pietatis; & religiosi operibus additum

ostendunt, tum eleemosynarum prom-  
pta, & vtronea largitio, tum quod  
Albertus in vtraque Epistola se ipsius  
orationibus commendat.

## Nota II.

*Hæc, qui fuit sextus Octobris.*  
Sed Epistola data signatur 8. die Octo-  
bris: ergo vel in alterutro loco corrigend-  
us est numerus, vel Epistola septimo  
die scripta fuit, sed octavo data.

## Nota III.

*Mibi gratior est amor tuus ab  
arario tuo.* Rarus est hic modus lo-  
quendi, sed non proinde bonis Latinis  
improbatus, qui innumeras notant si-  
gnificationes illius particulæ *ab*: & in-  
ter alia, quod aliquando ponatur, pro  
*præ*, vt sensus authoris nostri sit, *gra-  
tior mihi est amor tuus præ arario tuo*,

pro quo sensu Erasmus allegat A. Gel-  
lium dicentem, ab illo friget, idest præ  
illo seu comparatione illius: imo &  
Euangelium Christi sic loqui videtur,  
de Pharisæo, & Publicano; *Descendit  
hic iustificatus in domum suam ab illo*;  
Luc. 18. idest præ illo, vel compara-  
tione illius, seu malis Albertum Cice-  
ronis sensu locutum fuisse, qui in-  
Bruto, & alibi, eadem vitur phrasi, à  
doctrina à natura instructus, ab omni  
laude felicior, à propinquis nudus, ab  
amicis vt existimatione inops, ab ora-  
toribus solitudo: in quibus locis, eru-  
diti intelligunt, id quod ad doctrinam,  
naturam, laudem, propinquos, existi-  
mationem, oratores atinet, vnde Al-  
berti sententiam sic explicabis, ac si  
dixisset, quod ad ararium tuum atti-  
net, gratior mihi est amor tuus. Vnde  
Thesaurum Linguae Latinæ verbo A.  
& Ab.

## EPISTOLA CIII.

FRATRI IOANNI PRATENSI.

## ARGUMENTVM.

*Duas Epistolas ad Albertum dedit Ioannes, quarum altera desiderium suum  
aperuit, vt illi tanquam Magistro suo, pro concionibus, vt socius, ad-  
hereret: sed cum non obtinisset, per alteras questus est priores suas à  
Beato viro contemptas fuisse, & suspicatus se per alios, apud illum,  
male depressum fuisse, & suscipi diluere nisus est argumentis, quæ ab  
alijs opponi sibi suspicabatur. Albertus prudenter, & religiose querelas  
negat, & Ioannem cum ipsius laude, sui que humiliatione, à pratense  
societate modestè diuertit.*

**Q**uas ad me datas Epistolas  
tuas nuper recepi, quia abs-  
te manabant, qui me seio  
diligis, non contempsi,  
non risi, vt falso verebaris; hoc enim  
nimium superborum hominum est,  
sed fraterno eas amore complexus  
sum, & dulcibus osculis prosequen-

tus. Risi verò, fateor, laborem  
inanem, quem in eis tam longis di-  
ctandis, siue saltem scribendis, si di-  
ctare non tibi labor est, nulla neces-  
sitate assumpsisti: præsertim cum, vt  
scribis, adhuc, vt soles, in capite,  
vestigijs pristinae molestiæ fatigeris,  
cui vel maximè multum scribere,  
sicut

sicut multum clamare, flere, legere, vigilare, & testibus medicis, & experientia docente, plurimum nocet, quamuis Euangelicus P. N. B. Franciscus, ardore Passionis Domini feruens, ab his omnibus sibi cessandum nec propter cæcitatem corporis æstimavit: nisi forte hoc facere maluisti, quia vel tibi placuit excreri, vel sicut dicere, sic & scribere, perfacile tibi est, quod plerisque scimus esse durissimum, vel à languore capitis, leuata tum molestia, paululum respirabas: vel, quod forte verius est, amor ad me nunc scribendi sicut omnia facit suauia, facit quoque tibi laborem, esse leuissimum. Nam si, vt mihi persuaderes, tanta dixisti, vehementer contra me erras, qui & de te bene sentio, & tibi in cunctis, si modo possem, vellem adesse. Quod enim in prima Epistola optas, & petis, & obsecras, hæere velle te mihi, & quod me verbum offendit, esse sub pedibus meis, vt me audias prædicantem. Ego primum certe renuo te habere filium, ne dum seruum, sed dignor habere fratrem, quid dico dignor? qui *professione maxima teneor* (1). Deinde te venientem, quandocumque apertis brachijs charitatis excipio. Tu modo vide, quam inde vtilitatem consequare, si veneris: quin & te puto non indigere meis in dicendo vllis institutis, & me non facio tanti, qui tibi prodesse queam. In secunda Epistola laboras plurimum, vt te purges, &

aduersariorum apud me accusationes argumentationibus diluis, sed nemo te accusauit frater: Et si accusasset quispiam forsitan obrectator tuus, non sum is, Christi munere, qui ea leuitate cordis laborem, vt cito credam accusanti, præsertim illum te; qui vt te toties mihi profiteris amicum, ita quoque me scio tibi vera necessitudine deditissimum. Nam si *Alexander ille Lacedæmonius*, (1) cum quisquam apud cum accusaretur, vna manu aurem obturare solebat, dicens, se apertam aurem exhibere delatori, clausam vero seruare se reo, vt esset locus accusato se libere defendendi, sicut delatori fuerat accusandi; Quid nos oro te, facere oportebit, de quibus scriptum est. *In populo graui laudabo te*: & Salomone testante admonemur: *Leues corde esse qui cito crediderint*. Itaque Fr. æquo animo sis, nec vlla ratione turberis, quia quem mecum arbitror aduersus obrectatores, vt iustissimum, ita quoque acerrimum defensorum, non vereor, non suspicor, non credo vllò pacto fieri detractorem. De Fratre Francisco scripti plenius Fratri Petro, Sancti cognominis bono, qui nunc *Picariam vicem gerit* (3) administrandæ Provinciæ: fac vt tibi communes faciat literas suas, sicut tu illi tuas, & totum ambo habebitis. Vale ac pro me ora. Ex Bergamo 8. die Octobris 1445.

N O T A E.

Nota I.

*Professione maxima teneor.*

Vult dicere maximæ humilitatis: dignatio enim multò maiorum erga mi-

nores est, quæ proinde locum non habet inter confratres, maximæ humilitatis professores, quibus omnia communia sunt, & quasi quædam æqualitas

tas conditionis, licet alius alio doctior, alius alio sanctior, alius alio re ipsa iunior, sed propter hæc nemo superbiere, vel se ipsum exrollere, & multo minus fratres suos contempnere debet.

## Nota II.

*Alexander ille Lacedæmonius*, Hoc non de Lacedæmonio, sed de Macedone Magno narrat Plutarchus, in Alexandro editionis Latinæ Venetæ, in folio anni 1572. pag. 332.

## Nota III.

*Qui Vicariam Vicem gerit*. Qui co suo fratrum Obseruantum Prouincias regebant, Vicarij Prouinciales vocabantur: Et author hoc loco de Prouincia Tuscanæ loqui videtur. Nam ad Tuscos scribit, qui ibi simul existentes, ipsius ad vtrumque literas sibi

mutuo monstrare poterant. At ego illius Prouinciarum Vicariorum elenchum habeo, in quo nulla Petri Boni mentio est, sed hæc alterius: Frater Ludouicus Petri de Latinis Senensis electus Vicarius Prouinciarum, anno Domini 1444. in Capitulo Pisis celebrato, Prouinciam gubernauit annis tribus, Deinde sequitur qui ipsi successit electus anno 1447. ita vt anno datæ huius epistolæ 1445. non poruerit Petrus Bonus esse Vicarius Prouinciarum. Ergo vel author illius Elenehi, omisit bonum, vel hoc cognomen ipsi Latinio, ob vitæ innocentiam à fratribus impositum fuit, vel Albertus de Vice-Vicario loquitur, vel sermo de Conuentualibus est, qui vel absente, vel decedente Ministro Prouinciali Vicarium Bonum instituerunt, vsque ad electionem noui Ministri Prouincialis, vel receptum tunc forsitan absentis,

## EPISTOLA CIV.

## PETRO VERONENSI.

## ARGVMENTVM.

*Deprecanti Petro pro aliquo redintegrando, qui, vt videtur, predicandi facultate sua culpa priuatus est, respondet Albertus, sibi non videri, vt id tam celeriter fiat, propter causas in Epistola expositas.*

**P**ropterea quod me vrgent negotia, paucis tecum agam de illo amico charissimo, cui de sanctimoniam vitæ, quam agit, testimonium insigne perhibuisti, & gaudeo, & indies, si non iuxta prophetiam interminationem perdidit sustinentiam, magis gaudebo, atque vtinam pro se eam gereret emendationis diligentiam, quam ego pro illo non opto solum, sed vehementer exopto. Verum difficile valde, simulque dignum est, vt qui toties

fratres sefellit, non tanta celeritate extinctionionem recuperet, quam magno negotio seruant illæsam, qui etiam veraciter Sancti sunt. Quem admodum proflus è regione absurdum est, vt diu turpiter acta vitæ, fastigio tanti ministerij honoretur, quo & Apostoli, & Apostolici viri insigniter claruerunt, quandoquidem magis tantorum scelerum pœnas diuturniores luere debuisset, qui non modo nomen suum omnino confudit, sed & reliquos similis ministerij,

rij, atque omnem quoque Religionem fœda colluione violauit. Cuius fœtoris exalans teter, atque immanissimus nidor, vtinam solius Italiæ ac non etiam orientis delicatas nares compleffet: atque adco, vt ne redolentia quidem Sanctorum, qui Christi bonus odor omni in loco existunt, facile sensum offensi odoratus instaurauit. Quod verò ei dictum fuisse asseris, de illo quid sentiam, cum nil malo animo factum sit, non magnopere curo, cum ipsius auribus meas voces pro emendatione eius mallet ingerere, quam cuiquam de illo pro cautela cauendi mali aliquid scribere. Quorum duorum cum vllus alterum, vel vtrumque potuissim sine culpa effi-

cere, illi quidem diffusus, non autem de illo desperatus ( absit enim hoc à meo proposito ) censui quidem sanioris consilij, si te de illo prudentiorem meis literis facerem, quam si illum, si mea monita contempsisset, molestius fortassis exagitarer, quamuis melius aliquando, vt dicitur, tumor capitis doleat, per cuius medicinam reliquis languoribus corporis subuenitur: Sed ego hanc cum eo causam aptius verbis presentibus agi oportere, si quando Domino volente daretur, quam literis grauioribus arbitratus sum, præsertim cum ea sit causæ turpioris conditio, vt *illicibili vllò blandiloquio agi non debeat.* (1) Vale ex Brixia Pridie Kal. Nouemb. 1445.

## N O T A.

*Vt illicibili vllò blandiloquio agi non debeat.* Hanc vocem illicibile in sensu actiuo apud solum Albertum reperio, cum alia pleraque eiusdem desinentiæ, seu deriuationis verbalia, passuam significationem habeant, vt amabile, docibile, legibile, audibile, idest amari, doceri, legi, audiri potens, aut facile sit & similia. Non desunt tamen alia eiusdem generis, & desin-

entiæ verbalia, quæ actiue sumuntur, vt conducibile, rationale, seu rationabile, risibile, idest ad rem conducere, ratiocinari, ridere potens. Atque in hoc sensu Albertus noster blandiloquium illicibile vocat, quod illicere, delectare, & persuadere potens vel aptum sit, quasi illeciuum, attractiuum, persuasiuum, quo sensu alibi vocat illicibilia oblectamenta, quasi per delectationem illicentia.

## EPISTOLA CV.

## EPISCOPO BERGAMENSI.

## ARGVMENTVM.

*Ab Episcopo ad instruendum Ciuitatis populum aduocatus rescribit id sibi propositum esse, sed certum diem statuere non posse ob impedimenta, quæ a varijs occasionibus passim nascuntur.*

**H**Vmaniſſimis literis beneuo-  
lentiffimæ Paternitatis Ve-  
ſtræ, quibus patuitatem  
meam ad populum veſtrum aduocari  
curatis, paucis verbis reſpondeo,  
propoſitum mihi eſſe, atque id im-  
primis, ad vos celerius petgere.  
Verum quia vbique paſſim diſcur-  
renti impedimenta plura, ex occa-  
ſionibus populorum occurrunt, non

quo vobis ſtatutum diem, aut tem-  
pus veniendi, certius polliceri. Ora-  
te ergo Dominum meſſis, vt mit-  
tat operarios in meſſem ſuam: Ego,  
quod in me eſt, ſpero ad vos cele-  
rius proficiſci, niſi alia nobis impe-  
dimenta proueniant. Commendo  
me Reuerendiſſimæ Dominationi  
Veſtræ. Ex Cumis 1445.

## EPISTOLA CVL

EPISCOPO BRIXIENSI.

### ARGUMENTVM.

*Huic etiam Epifcopo, ad ſuos quoque ciues ipſum vocanti, id ſibi in  
deſiderijs eſſe reſpondet, ſed ſuperiorum, ſeu, vt vocat, Maiorum li-  
teris, & Arcanis quibuſdam rationibus prohiberi.*

**N**Ouz nuper ad meam parui-  
tatem allatæ, & literæ Ma-  
iorum & cauſæ, veneran-  
de Chriſti Antifiteſ, quod dolenter  
dico, apud me non facile effecerunt,  
ſed tamen neceſſario effecerunt, vt  
nequaquam votum ac deſiderium,  
quod ipſum ratum & firmum habeo,  
veniendi ad vos, ſed conſilium, ra-  
tione conſulta, in melius, vt arbi-  
tror, mutauerimus. Cauſas autem  
ipſas, ſi præſens ad eſſem, tuo Pon-  
tificali pectori libentiſſimè explica-  
rem, cum eaſ literis non æſtimem  
committendas. Sed in hac inuita-  
mutatione Apoſtoli Pauli nos con-  
ſoletur authoritas, qui cum impe-  
diente Sathana in Hiſpaniam, vt  
propoſuerat, proficiſci non potuiſſet,  
nequaquam ſe leuitate conſilij vſum  
fuiſſe, ſed intercurrente cauſa aſſe-

uerat. Spes quoque præterea fir-  
mior ea ſit nobis, non parua mole-  
ſtiarum leuatio, quæ optamus, ſi  
Deus dederit, damna præſentia  
commodiote tempore compenſare:  
in quo, Deo tribuente, neque hyc-  
mis aſperitas, neque vlla nobis im-  
pedimenta proueniant. Tu interim  
Dei Præſul ora, vt, quod cupimus,  
implere poſſimus, vt haſ ſchedas  
moleſtæ meæ excuſationis, vt veras,  
ita quoque, vt poteris, gratas acci-  
pies: Opus eſt enim ſapientis, vt  
noſti, vt & temporis, & cauſæ, &  
perſonarum habeat rationem. Com-  
mendo metibi honorabilis Pater, &  
peto, vt hæc literæ meæ, ſicut nec  
commune conſilium Ciuitatis, ſic  
nec ſingulos quoſlibet lateant, qui tuæ  
diſcretionis videbuntur idonei. Ex  
Bergamo 1445.

## EPISTOLA CVII.

LEONELLO MARCHIONI FERRARIENSI.

## ARGUMENTVM.

*Cupidissimus Leonellus consortij sermonis Alberti, fortassis, ut, quod per literas ab eo huc usque extorquere non poterat, Orientalis eius legationis rei gestas in aurem ediceret, literas tum Apostolicas, tum superiorum ordinis obtinuit, quibus illi iubebatur, ut Ferrariam pro more predicatum accederet, & ambas ad eum misit, per nuncium qui ipsum duceret. Iis lectis Albertus hanc Epistolam rescripsit, qua suum quoque illuc accedendi desiderium aperit, & sublatis obstaculis profectiorem promittit.*

**L**ECTIS literis Apostolicis, ac maiorum meæ Religionis, quas inopinatus mihi tuus nuntius nuper attulit, intellexi continuo, Marchio Illustris, simul & risi honestissimam tuæ artis industriam, & solitæ solertæ laudabilem diligentiam: Quæ & ipsa, de amore quidem in me tuo profecta, id certò effecit, ut *me volentem longius proficisci*, (1) in has improvisas pedicas, ut non dicam decipulas, mihi tamen minimè molestas contruderet. Ego verò quantum evangelica mansuetudo sinit, cum proposito tibi quidem recompensandæ vicis, tuæ vota libens complebo, nisi fortè, aut noua iussa me reuocent, aut Romana quæpiam causa se immisceat, quominus tempore commodo Ferrariam accedere queam. Nec mihi,

licet multo maiora pro Christo mecum sæpius animo agitati, erit ingratum, & si non parua cum iacturâ multorum, tuæ benevolentæ morem gerere, cum tamen per nostræ falcis exiguum ministerium plerisque maturis, albisque regionibus, quantum diuinitus fuisset adiuti, messio salutaris adhibenda fuisset. Quod tu, quia tua, quamuis honesta quærere maluisti, considerare forsitan, neglexisti, vel, quod potius arbitror, dissimulandum putasti. Tribuat tibi Christus pro te vitæ sanctimoniam, pro tuis populis sapientiam, & aduersus iniquos hostes inexpugnabilem fortitudinem. Vale & Patri Episcopo nos commenda, ac Præceptori Communi. Mediolani 14. Kal. Iulias 1446.

## N O T A.

*Me volentem longius proficisci.* Hanc profectiorem explicat Epistola CIX. ad Iacobum Primadicium, dicens:

*quamuis cogitarem iam à Domino nostro ( Pontificem intelligit ) & à Fratre Ioanne ( Capistrano scilicet ) factus liber,*

*ber, ad omnes partes prædicando peragranda in Ianuam, deinde post Pascha in Siciliam, deinde in Catbaloniam, atque Hispaniam, in quibus regionibus multi, & boni viri, fructus mirabiles fauente Domino, pollicentur. Tam ardens erat Beati huius Viri Seraphicus zelus pro lucranda omnium gentium animabus, vt cum olim Hierosolymis esset, petierit ab Eugenio Pontifice, vt eum liberum faceret ad quas-  
cumque orbis partes, quamuis admodum remotissimas, siue fidelium, siue infidelium peragrandas, & ad quantumlibet barbaras nationes adeundas, & gentes extraneiores conueniendas; Ni-*

*mirum, quæ de Sancta Theresia canimus, Christum daturus aut Sanguinem; Et hanc licentiam sicut se nunc habuisse scribit, sic tunc fortassis obtinisset, nisi Pontifex ipseus opera in rebus Orientalium, ad Concilij Florentini complementum disponendis, indiguisset: Sed quantum postea libertatem, & quam amplissimas facultates eundi, & à se deligendos socios ad omnes mundi partes mittendi, obtinisset, ipsum Pontificis diploma, quo secunda vice in Orientem Legatus fuit, aperte docet, & recentior facultas, in Epistola CX. ad Eugenium Pont. scripta allegatur.*

## EPISTOLA CVIII.

## EPISCOPO RAVENNATI.

## ARGUMENTVM.

*Bartolomeo Rouerella, Eugenij Pont. prius à Secretis, Episcopalem dignitatem aggratulatur, ampliora certo promittens, modo is non novorum vitam, sed veterum Episcoporum virtutes imitetur, cum breui, & ut aiunt, remissiva hortatione ad eandem.*

**D**iv est quod ad te scribere, disposui, Pater Episcope, sed quotidianarum prædicationum laboribus prædeditus, quas, vt scis, penè quotidie pro more nostro antiquo propter Dominum ad fideles populos habemus, implere nequivi: nunc verò paululum à defensione respirans, his paucis me tibi commendo, agens simul Domino nostro ingentes gratias, quod Episcopus factus es. *Nescio an simul dicam, & tibi congratulans: (1)* Nosti enim pro tua prudentia cuius ponderis sit non vocari, sed esse Episcopum, præsertim hac tempestate nostra, quando Episcopi, qui sine crimine, iuxta Titum, siue ir-

reprehensibiles iuxta Tymotheum, constitui debeant, vt reliquum Catalogum taceam, vix est, maxime apud multos, quod lugubriter dicimus, vt non sint etiam in maximis criminosi. Lege Hieronymum ad Pammachium, lege eundem ad Nepotianum de Vita Clericorum: Lege commentarios eius ad Titum: Reuolue Prophetale opus illius. Inspice diligenter regulam pastorem Romani nostri Gregorij, vt taceam documenta viri mirabilis Gregorij Nanziazeni, & liquido peruidebis, non quibus vitijs sint nostri temporis Episcopi irretiti, sed à virtutibus Episcoporum quam longè absint: & vt idem Hieronymus tuus, immò

immò noster, verissimè ait. Quanto potentiâ Ecclesia, & opibus creuerit, tanto facta sit virtutibus minor. Ego tamen cognoscens indolem tuam, refero gratias Deo nostro, qui te in numerum Episcoporum digessit, optans, & oratione ardentissima flagitans, vt longè omnium Episcoporum, tam veterum, quam nouorum, & sanctissimus & doctissimus fias, atque in dies euadas in Episcopalibus virtutibus cumulator, quo Mater Ecclesia mœstior effecta, per improborum insolentiam filiorum, siue Episcoporum, tanto te alumno lætetur. Aderit autem tibi, si voles, Omnipotens Deus, vt Christo propitio certus sum, (2) atq; ad summa scandendi, & optima, quæque, vt Præfulem Dominicum decet, ac præclarissima exoptanti, cunctis periculis huius vitæ, mille

mortibus moribundæ: adhibebit & Dominus tibi cæleste præsidium, maximè, si in tuo Episcopatu virtutes potius Episcoporum veterum æmuleris, quam vitam nouellorum. *Francisco Marefcalco*, (3) quem nuper Romæ contra vetusta vota illius factum audio Sacerdotem, eadem, quæ tibi, votis ardentibus spiritualia bona deponco, eumque peto per te nostro nomine salutari. *Litteras bis alligatas* (4) oro ne curare graueris, quo tuo studio ad Fratrem Iacobum Primadicium, nobis iam parentem animæ constitutum, diligentius perferantur. Ita enim & ipse suis ad me literis fieri debere petiuit. Vale & si dignaris aliquid nobis cum presbytero Francisco rescribere. Ex Mediolano 5. Nonas Iulij 1446.

## N O T A E.

## Nota I.

*Nescio an simul dicam, & tibi congratulans.* Dubitat an cum aliquo ad curam animarum promotore congratulandum sit, propter rationes quas in Epistola exponit. Vide Epistolam 90 de ambitu dignitatis, & nostras ibi notas.

## Nota II.

*Vt Christo propitio certus sum.* Sapientum Lectorum maturæ considerationi iudicandum relinquo, verum hæc B. Viri certitudo prouenerit ex ipsius prudentia & notitia ingenij Rouercellæ, quam ipse in Epistola proficitur, an ex prophætico spiritu, quo hominis futuram prosperitatem, & virtutis profectum præuidisset, quæ pariter insinuare videtur, atque, iniquis, ad

*summa scandendi, & optima quæque, vt Præfulem Dominicum decet, ac præclarissima exoptanti:* Bartholomæus etenim tantus Vir postmodum euasit, vt post Ecclesiasticarum vrbiū varias præfecturas, pace, belloque gestas, & Rauennatis Archiepiscopatus honorem, pro ingentibus in Apostolicam Sedem meritis, Cardinalitæ dignitate donatus est, in ea dignitate multiplici eiusdem Sanctæ Sedis Legatione feliciter functus est, in quibus Principum, plurimumq; nationum clientelas sibi quoque obrinuit: Gloriosam denique vitam cum felici morte commutauit seu sexaginta, seu septuaginta annos natus, nam varie Vghellus & Ciacconus nouissimæ editionis tumuli eius Epicaphium describunt.

*Francisco Marefcalco . Vide Alberti ad hunc ipsum Epistolas , & notas ibidem Notas .*

*Literas bis alligatas . Sunt quæ hic immediatè fequuntur eodem die date .*

## EPISTOLA CIX.

IACOBO PRIMADICIO BONONIENSI.

## ARGUMENTVM.

*B. Albertus in rebus fuis à superiorum nutu ita religiofè pendebat ; vt abfque illorum voluntate nihil fibi agendum cenferet . Nunc igitur officio Vicariatus Generalis renuntiante Capiſtrano , & ſubſtituto illi Primadicio , quamquam Albertus Pontificis , & Capiſtrani voluntate , poſſet predicatum ire quo vellet , ac iam deſtinafſet ad ea loca proficifci , que in Epifola nominat , voluit tamen Primadicij iuſſione Ferrariam ire , quamquam eum fructum non ibi quem alibi prouenturum ſperaret .*

**L**AVS Deo Omnipotenti , qui te nobis tribuit in Paſtorem , ipſe det tibi ſapientiam , ac guſtum , & fortitudinem Euangelicam , ad gubernandos apoſtolicos profefſores . Ego , in quo poſſum , volo tibi ſinceriffima affectione adefſe . Ferrariam pro Quadrageſima ibo , ſi non mihi talia impedimenta proueniant , per quæ tu ipſe me cenſeres merito excuſandum , quamuis cogitarem , iam à Domino noſtro & Fratre Ioanne factus liber ad omnes partes prædicando peragrandas ,

ire Ianuam , deinde poſt Paſcha , in Siciliam : deinde in Cathaloniam , atque Hiſpaniam , in quibus regionibus multi , & boni viri fructus mirabiles , fauente Domino , pollicentur . Ferrariæ verò ego tanto tempore prædicauit , vt me parum æſtimum profuturum . Verum ex quo ita tibi videtur morem geram , reliqua cum Dominus voluerit , expleturus . Ago gratias humanitati , & liberalitati tuæ in me . Vale ex Mediolano 3. Iulij 1446.

## EPISTOLA CX.

BEATISSIMO PAPÆ EVGENIO.

## ARGUMENTVM.

*Acceptis Eugenij Pontificis & Vicarij Generalis Primadicij literis , quibus Fer-*

*Ferrariam ire iussus est, sicut Primadicio per precedentem, sic per hanc Eugenio respondet se per omnia pariturum.*

**L**iteras tuæ Sanctitatis B. P. ad quartum decimum Kalendas Iulias apud Mediolanum accepi, quibus me hortaris, & tibi gratum futurum dicis, si optantibus & petentibus Ioan. Episcopo, & Leonello Marchione Ferrariensibus, claris viris, illuc prædicaturus futura. Quadragesima proficiscar: quorum ego vota poscentium sicut libenter exaudio, sic tuæ apostolicæ voluntati, & sine delectu fortasse potioris boni, non immeritò me substerno: statueram enim, aut Mediolani post biduum, rogantibus pijs Ciuibus, cum spe maximarum in Domino frugum, tertium explere annum, aut si nobis Dominus affuisset peragrata Aemilia & Ianuensis paululum salutatis, in Siciliam, Cathalauniam,

ac reliquam Hispaniam, relicta Italia, pergere: Vnde mihi per testimonium & grauium, & Sanctorum virorum, albescentibus Regionibus, messio salutaris suggerebatur; sicut ipse cum tuâ beatitudine apud Senas, expleto iam triennio, simul contuli, & tu hoc ipsum, cum apostolica sapientia, plurimum comprobasse, tum etiam diuina autoritate non parum roborasse compertus es. Quæ cum ita sint, ego nihil de me mihi referuans, totum tibi committens ibo libens Ferrariam, nisi Tua S. aliud faciendum statuerit, quod ipsum si mihi significari debere censeris, sapientiz tuæ erit, vt ita fieri celeriter iubeas. Dominus te tueatur Omnipotens B. P. Ex Mediolano 5. Nonas Iulij 1446.

## EPISTOLA CXI.

BEATISSIMO PAPÆ EVGENIO.

ARGUMENTVM.

*Cum adhuc Mediolani moraretur Albertus, importunis atque instantissimis precibus Monialium Monasterij S. Marie de Cantalupo coactus, ipsarum desiderium non intercedendo sed referendo Pontifici inuitus proponit, vt Sua Sanctitas disponderet, quod sibi melius videretur.*

**A**D eximiam tuæ Sanctitatis sublimitatem, & authore Deo, præcellentem nimis clementiam, Beatissime Papa, pro Sanctimonialibus B. Mariz, quas vulgo de Cantalupo appellant, quæque apud Mediolanum B. Augustini Ordinem præsentur, non declamator, non

orator, non persuasor accedo, sed earum, quæ abs te honestè, vt putant, postulant, simpliciter inuitus narrator, inuitus, inquam, atque abstractus, sed non illectus, quamuis potius victus, quandoquidem illæ ipsæ vix me diem integrum, quiescere sinunt, quo minus intrent,

vrgeant, & muliebri importunitate penitus inquietent, vt meis literis causam illarum saltem apud te querar, si illam, quod sane mallet, tueri atque agere nolim. Nam cum viginti iam & quinque ante eo amplius annos, à Fratribus S. Angeli Ord. Minorum, & morum instituta, & consolationem sacrorum, & curam spiritualis vitæ susceperint, idq; magna cum vtrorumque laude pudicitæ, mirantur simul, & quærunt, quid causæ sit, cur nunc ab eis fratribus, etiam iubentibus Religionis Maioribus, nullo vitio illarum, sed hac sola ratione relicte sint, quod videlicet asseratur illas non esse Ordinis S. Claræ. Quæ quidem ratio, si iusta censenda est, orant alterum e duobus, aut dari sibi regulam Sanctæ Claræ, quam imprimis vehementer exoptant, aut quod est postremum, mandari per Sanctitatem tuam prædictis fratribus, vt eas, solito more, diligentius curent; Plena quidem autoritate corrigendarum illarum, si aliquando, quod absit, per lapsum imbecillitatis humanæ, emendatione piæ distractionis aliqua indigebunt. Nam hæc vel sola causa est, cur Fratres ab illarum cura abhorreant, ne cum sinistrum quicquam fortè acciderit, in eos verteretur earum calumnia, quas illa potestate cohibere nequiuissent. Illæ verò præiudicata sententia magis sibi moriendum existimant, quam vt pudoris, & castimonie gloriam violantes, sanctimonie quoque omnis honorem vlla occasione delinquendi euacuent. Itaque nihil suppliciorum non potius sibi subeundum arbitrantur, ne à vitæ integritate descendant. Meminimus, inquit, quæ inter illas vetulæ sa-

ctæ iam sunt, præteritorum dierum, ne dicamus malorum, quando ab alterius vitæ hominibus, non integris virtutum habenis errantes, per deuia dueebamur. Quo de periculo cum clementissimus Deus, per mysterium verbi suauolentis, & recolendæ memoriæ, beati iam, & religiosi Patris Fratris Bernardini Senensis, nos eripuerit, nihil ambigimus, plurimum penitus interesse inter perniciose laxamenta nostræ olim abolitæ dissolutionis, ac præsentis integritatis, quam modo auctore Domino possidemus. Quo fit, vt quantum verendum nobis putemus non perniciosam vitam, quam euomimus, repetamus: tantum summo studio curandum existimemus, ne documentis salutaribus fraudemur, maxime quibus nos Vir Sanctus instituit, cui Dominus coruscis miraculorum luminibus quotidie perhibet testimonium. Ab ipso enim adhuc in carne viuente, ad emendatiorem vitam conuersæ, hoc ad diem istam gubernationis genus accepimus, quod abijcere nefandum putamus, præsertim cum eerto sciamus, quantumlibet sanctas feminas, licet altio rem Religionem professas, nulla penè maiore occasione à vitæ sanctioris proposito funditus concidisse; atque, vt palam est, omnino esse euersas, atque peruersas, nisi quod per ineuriam male eas tutantium, non tam alendæ pastoribus, quam vorandæ lupis, passim expositæ sunt. Petimus ergo, inquit, B. P. vt aut scandere ad altiora volentibus, id quod potissimum semper, & optamus, & flagitamus, atque exposcimus, arctior nobis viuendi norma, quam diximus, per tuam clementiam concedatur, quando hoc fieri de-

debere cum ratio consulta, tum veteres Patrum Ecclesie sanctiones facile persuadeant: aut, quod minimum est, ad pristinum gubernationis genus, etiam durioribus præceptis, & sanctæ disciplinæ vinculis arceamur: quamvis infirmæ ut fumus mulierculæ, magis optemus communem illum cum prædijs monasterij viuendi modum faciliorem pariter exequi, quam altissimum omnium prorsus abdicandarum rerum, gradum audeamus expetere. Hæc est cura nostra B. P. quam supplices à Tua Sanctitate compleri petimus,

ne si in manu aliorum, atque à spiritali vita alienorum traiciamur, minus sancta discentes, perdamus tandem vitam, quam longo iam tempore, Christo authore, laudabiliter viximus. Exposita est à me breuiter sanctarum foeminarum conquestio, atque illarum, ut mihi videtur, magna ex parte rationabilis postulatio, B. P. Doceat te Dominus Iesus Christus, omnium vere Sanctimonialium felicissimus sponfus; quid tandem hac in re agere debeas. Ex Mediolano 2. Nonas Iulij 1446.

## N O T A.

Huius Epistolæ ac rei totius euentum, & Monasterij historiam narrat Vvadingus tom. 5. sub anno 1447. nu. 93.

& Nicolai Quinti Pontificis diploma inseruit eius tomj regeſto pag. 357.

## EPISTOLA CXII.

## POPULO BRIXIENSI.

## ARGUMENTVM.

*Episcopus, duo successuè Prætores, & Populus Brixienſis omni studio per literas, & nuntios flagitabant Albertum, ut ad eos predicatum, & ciuiles eorum discordias compositum accedere vellet: sed semper erant obstacula, & nunc noua nata sunt etiam pericula maioris mali quam fructus. Ille propter hæc se etiam nunc à professione excusat, spem præferens illis ablatis accedendi. Monet interea, ut ipsi reme- bendè disponant, ut cum veniret, ea facilius esset, & causas dilationis, quas chartis committere non conueniebat, ipsorum nuntio referendas committit.*

**V**Squè aded magnæ atque periculosæ ad vos veniendi difficultates nuper exortæ sunt, clarissimi ciues, ne præteritas repli-

cem, ut si ipse contra illas frustra conatus, ad vos, ut deuotius flagitatis, omninò perrexero, cum inde fortè aliquid incommodi, ut factu fa-

facillimum est, tandem emerferit, non prouidentis planè solertiz, sed inconsideratæ temeritiz, potero à rectè sapientibus digna reprehensione coargui. Cumque præuisa pericula, quod est longè grauissimum, pro honestate Religionis, à me vlla ratione palàm dici non debeant; sit profectò, vt me voto dumtaxat, desiderioque præsentis, & si absente corpore, vos in illa à me quondam facta, ac gerenda proposita, omni studio diligentiaque conemini; quæ talia reuera sunt, vt ea per alios viros idoneos, ac per vos ipsos, ad maiora perficienda probissimos, Christo adiutore, sine me compleri magna cum sufficientia queant. Si quando autem cessantibus, quæ nos in præsentia, ne ad vos pergamus, præpediunt, grauioribus causis, tempus vllum rebus agendis commodius, orantibus vobis, pius Deus, vt bona spe esse nos conuenit, aliquando tribuerit, non deero

vobis, si vita fuerit comes, quominus vos totos in Domino meos, & præsentia mea, & gratia qua à Christo donati sumus, vberius in Domino consolet. Interim dum venio, instate diligentius cuncto gerendo negotio; ne tum solum comperiamini aliquatenus de mea voluntate solliciti, cum me tantum præsentem oculis intuemini. Alioquin non tam amoris erga me vestri dignè laudabimini, quam culpandæ negligentiz, ac non verè dilectionis merito arguemini. Cæterum quæ restant scribenda, imò, nec scribenda, exponet harum perlator, quem ad me ipsi misistis. Commendo me maioribus, & natu, & auctoritate, & dignitate, omnemque populum, & qui nos in Domino diligunt, opto, & oro cælesti vberius nobiscum gratia benedici amen. Valete in Christo Iesu D. N. & orate pro nobis. Ex Mediolano Kal. Augusti. 1446.

## EPISTOLA CXIII.

ANTONIO CREMONENSI.

## ARGUMENTVM.

*Antonij sui, quondam in Orientem proficiscentis religiosi, & Christianissimi Socij simplicem, & sinceram confidentiam, qua ipsum fortassis ad patriam suam concitabat, ironia festiuissima deludit. Accessum tamen, & quidem in certum diem, ad aurem nuncio dictum promittit, si nihil interim obsiterit.*

**O** Fortunatos fontes; & felicia flumina, quibus contigit Antonium Cremonensem ceruum minimè omnium nasci: profectò tum verendum fuisset, nè

fortè vos totos, ò pluuiz, ò nimbi, ò què latè affusum Oceanum, ingenti illius siti exhaustos, siccatis venis, vacuos reliquisset, ò beatum illum Ciceronem Romanæ Urbis illu-

lustratorem, & eloquentiæ Principem, cuius linguam penè omnes mirantur, *Esse pectus non ita*: (1) cui quod, nisi fortè Demosthenes, nullus præripuit, ne esset primus orator; cum quo tamen & ipso Demosthene, benè quidem, vt ratio postulat, actum est: ne quis ei in persuadendi ardore ac viribus præferatur: primasque in dicendo ac scribendo partes sibi insolenter vsurpet. Quod certè munus dicendi insignne, ac flectendi humanos animos, si cui mortalium dandum fuisset, & eam Antonio Cremonensi, imprimis meo, fortè fors aduenisset. Iesu bone quid agerem? quo me me verterem? quo me ingenio tuerer? qua deniq; claua illum herculea me tam forti stylo aggredientem repellerem? Nam en modo quanta vi, quanta arte ab eo res agitur, quando vix modicè disertus est: quid tunc ageret, cum non modo eloquens, sed etiam orator, isque perfectus, ac singularis euasississet? ecce modo quantalibet sit eloquentia tinctus, disertitudine tamen victos, & stylo superatos, ad sese nos conatur attrahere, blanditur, terret, pollicetur, minatur. Illecebrosa proponit, amœna parat, spiritualia ostentat, populorum expectationem denuntiat, qui audire nos gestiant, necessitatem ingerit, vt anxium iuuem, vt laboranti subueniam, vt fidem seruem, scandala vitæ, ne in via deficiat, neu pereat. Nihil nobis defuturum, neque ad otium, neque ad negotium, dicit adesse omnia, domum, locum, gymnasium, cubile, pomaria, hortulos, ac prata irrigua, &

quo me magis alliciat, & ad se cito, celeriterque trajiciat, murenulas aureas pollicetur, & declamatorium, ve vocitat, folium, quod nos vulgo pulpitem, siue suggestum dicimus, sæculi autem homines rostrum appellauerunt. Cui oro te, hæc pollicitatio, non etiam magnam incutiat voluptatem, sed Epicureo cuiquam, nobis nequaquam. Quos quia spirituales homines putat, & Sanctos cum Abraham, sub arbore repromittit quietem. Quia verò professos Christi paupertatem nouit, poma mitia proponit, atque castaneas, victum castitatis, & parsimonie; vt tandem nullo genere nobis, quod optat, non persuadeat, non extorqueat. Ego mi Antoni, vt ad te sermonem conuertam, modo, quem voles, siue spirituales, siue carnales, abs te verò victum me fateor. Vicisti enim nos Cicero, ait Cæsar; & ne me hominem arbitreris inexorabilem, ad te conuolans venio, cum primum potero, si tamen non se aliquid impedimenti (quod scio dicis absit) nostro proposito importunè immisceat. Dies autem condicta professionis ad te nostræ huic perlatori comperta est. Interim tuo statu, & opera parentur abs te noualia, id est, arentur corda aratro illo eloquentiæ tuæ terrificæ, simul blanditiosi leporis, cum opus est, super quo iacta per nos postea, vt expetis, Christi femina, & tricenos, & sexagenos fructus, atque centenos incremento Dominico lætis frugibus afferant. Vale ex Mediolano 11. Aug. 1446.

## N O T A.

*Et si peccatus non ita.* Familiare huic Beato viro est, dum Ethnicos, aut Schismaticos aliqua ex parte laudat,

illam excipere, qua laudandi non sunt: sic hoc loco Ciceronis eloquentiam extollit, sed Ethnicum, & fide Christi vacuum peccatus excipit.

## EPISTOLA CXIV.

EPISCOPO FERRARIENSI.

## ARGUMENTVM.

*Hoc anno 1446. die 24. Iulij obiit in Domino B. Ioannes Tauellius à Toffiniano, ex Ordine Iesuatorum, Episcopus Ferrariensis, Vir Sanctissimus, cui, ut acta consistorialia me docent, 6. Id. Augusti Romæ susceptus est Franciscus à Padua, Thesaurarius Pontificis, quem Vgbellus de ligamine cognominat: atque hic apud se reputant optimam boni regiminis dispositionem fore, si Albertus per sequentem Quadragesimam Populum Ferrariensem sermonibus erudiret, per literas Romæ die 21. Octobris datas, ut id faceret, enixe rogauit. Venturum se rescribit Albertus, & hac occasione Franciscum ad onus Episcopale pro dignitate ferendum hortatur, proposito ipsius immediati præcessoris exemplo, multisque alijs ad rem pertinentibus, qua monitione non obtusum stimulum addidisse credendum est ei admirandæ mutationi vitæ, quam refert Vgbellus, cum dicit Franciscum ex licentiosa vitæ ratione, repente Spiritus Sancti gratia, cunctis admirantibus, in virum optimum mutatum fuisse, inestimabilis bonitatis, magnæque existimationis præselem euasisse: adeoque Eugenio IV. Nicolao V. Calixto III. & Pio III. Pontificibus eximie charum fuisse.*

**A**vdieram iam pridem quod tuas ad me daret, Francisce præstantissime, atque ex amico quondam, nunc, quod libens dico, & amice & Pater, non parua omnium admiratione, te factum esse Episcopum. Opus sanè arduum, atque difficile, & si bonum olim ad desiderandum, nunc vero, & ad optandum temerarium, & ad administrandum periculosum est, eum pondera quidem rerum vrgentium nostra

quam præcorum maiora sint, atque ea vrinam salutaria, sed vigor spiritus adiuuantis, à feruore Sanctorum Patrum tepescens, ut non dicam, nullus, certe exiliior factus est, & ut noster Hieronymus de temporibus suis querit, quæ & scæ vocat, nostra verò quæ appellentur? semper Ecclesia quanto potentia & diuitijs creuit, tanto virtutibus minor fuit. Quis ergo ad tantæ molis, id est, ingentis dignitatis altissimam

turrini ædificandam, sumprus, vt pat est, iuxta veritatis sententiam idoneos asserat: ne tandem, & præsumptæ temeritatis iacturam luat, & à spectantibus contumeliosè illusus merito irrideatur. Quo fit, vt Episcopatus opus, opus inquam, non otium, quod dudum præclarum in Pontificibus, qui primi ad necem rapiebantur, martyrij decus sacrabat, & pretiosa pro Christo Sanctorum Episcoporum mors, insigne ac splendidum faciebat; id ipsum modo non tam durum ad exhibendum effectum sit, quam miserum ad optandum, quandoquidem pro moribus nostræ huiusce tempestatis, eo res tanta deuenit, imò collapsa atque euerfa sit, vt aut omnes bonos malitia temporum ab hoc onere subeundo deterreat, aut malos magnitudo ponderis atterat, aut utrosque viribus impares, summa cum iactura, & dignitatis & personarum excipiat. Quo enim pacto, vt cætera sileam, corruptos emendatura est dignitas tanti honoris, in qua, & per peccandi licentiam, & per potestatis insolentiam, & per occasionum illecebrosa fomenta atque irritamenta, vix raros integros seruat. Ego tamen, Franciscè, Pater, ciuitati Ferrariensi pro te Præsule valde congratulor, quæ te meruit habere Antistitem, quem ipsum longè ante plerique ad maiora tollendum, siue suspirabant, siue sperabant. Itaque, vt ante prædixi, non parua omnium, qui te nouere, admiratio fuit, te illi tributum fuisse honori, qui grandiora de te futura vaticinabantur. Tibi tamen à puero in Ecclesia, atque in conspectu Pontificis maximi educato, in tantis temporum iniquitatibus, non parua felicitas est,

te inter cæteras Christiani Orbis Ecclesias illi præfertim iam esse Prælatum, in qua nuper, in pace defunctus, tam Sanctæ memoriæ Episcopus, diu laudabiliter præfuit: qui tibi, & pro ætate magisterio, & pro sanctitate exemplo, & pro meritis, ac factorum claritate incitamento futurus sit: Vt tibi non modo disligenter curandum existimem, quo nitaris apud quosque Sanctum atque egregium virum, verum etiam, vt Christo authore, coneris præcessorem tuum superare, virtute vincere, meritis, & rectè factorum gloria illi præstare: quem, vt pudor erit, quod absit, permixtus, si ab illo decises, ita quoque, incomparabilis, & gloria, & corona, si illum re, si ætimatione, si gratia superabis: si quidem non sum nescius nihil, & tibi, & cuiquam hominum, aut meriti, aut honoris posse clarius obueneri, quam si non dico assequere, quod præcipuum est, sed si vel dedita opera magnum in Domino studia, laudem, & gloriam emuleris: quoniam profectò ea res est, quæ & si nos ad summa non peruehat, ac præcellentibus virtutibus dedat, certè & ab imis eripiat, & à turpibus, ac perditis sceleratorum hominum moribus auocet. Quæ sanè omnia, vt cumulo tibi proueniant, sicut voto, sicut oratione ad Deum; ita quoque, vt postulas, meo satù, imò Christi munere, quod quidem attinet ad ministerium verbi Dei, in futura Quadragesima te lubens, ac tuum populum, adiuuare conabor. Quid est enim, quod tibi tanta hilaritate, atque instantia, & tam honestum negotium postulanti, nisi impudenter negare queam, qui potes, & pro iure amicitia paucis impetrare, & pro

reuerentia Pontificij aperte iubere: Equidem enitar commodo tempore me tuo populo exhibere. Tu si aderis præfens, magno mihi solatio futurus es. Sin minus, Leonellus ille Marchio Illustris, tam diu meus, pro te mihi erit, quod solet: Bonum tamen arbitror, ut quæ comoda putabo, à tuis tua in Ecclesia fiant pro Verbi Domini fructu cumu-

latiore liberius augendo. Vale mi Pater, nec sus putetur docuisse Mineruam, sed amicus, amicum familiariter monuisse: Sanctissimo D. N. me commendabis, quàm pro eximia eius dignatione illius maiestatem mea decet humilitas, ex Papia 17. Nouembris cum tuas recepissem hesternò die, Romæ datas ad 21. Octob. 1446.

## EPISTOLA CXV.

G V A R I N O V E R O N E N S I.

## A R G V M E N T V M.

*Incolumitatem suam, & futurum post Festa Natalia Christi, Ferrariam accessam, Guarino Veronensi præceptori denuntiat, cuius pignora mittit noui Ferrariensis Episcopi, & suarum ad hunc literarum exempla, Leonello Marchioni & ipsi Guarino legenda, sibi que in aduentum studiosè seruanda.*

**V**T, quod scio, peroptas, præceptor insignis, quid de nobis agatur, noris, & quod præterea vita, & sanitate comite, & Christo auctore, facturi simus, breuibus accipe. Ticinum nos tenet, nec inde diuelli fas est, antequam Natalis Domini religiosa solemnia celebrentur: deinde ad vos, quam celeri poterimus itinere, aut terra, aut mari (1) pergemus. Ita nos, & Summus Antistes, vestro, ut arbitror, assu (2) (te intueor, & Leonellum) ante hoc semestre fieri iussit, & nuper designatus Præful Fer-

rariensis, magno hortatu literarum suarum, ad diligentiam Sancti præceptoris, quem in Domino defunctum reor, adiucens, à nobis facile exorauit. Cuius ad me literas, & item ad eum nostras tanquam vades nostræ ad vos perfectionis, & Illustri Marchioni, & tibi legendas diligentius mitto, & tu illas, quo ad venerimus, omni studio custodiendas, reddendasque seruabis. Vale nostri ætate memor, & si id tibi suggerit amor, aliquid ad nos scribito. Ex Papia 1446.

## N O T A E.

## Nota I.

*Aut terra aut mari.* Inter Ticinum, seu Papiam, & Ferrariam Mare nullum proprie dictum est, sed Padus

Fluuus, Ticino in Adriaticum mare diffuens, Ferrariam præterlabitur: ergo fluuiatile nauigium per maritimum ite intelligit: mare enim significat quatumque congregationem aquarum.

## Nota II.

*Vestro, ut arbitror, astu.*

Leonellus nimirum & Guarinus Albertum per omnem modum habere voluerunt, qui proinde omnem hunc mouerunt lapidem, vt & Primadivius ordinis Praefectus, ac defunctus, nouiterque electus Episcopus, & ipse supremus Antistes Eugenius ipsum ad Ferrariensem professionem hortaretur, quorum

vel nutus Alberto, pro religiosissima sua consuetudine, in praecipis fuit.

## Nota III.

*Papia 1446.* Non signatur dies mensis, quoniam ex altera ad Episcopum satis intelligitur quae simul cum ista & scripta & missa fuit, hoc est 17. Nouembris Ticino seu Papia, quae eadem est.

## EPISTOLA CXVI.

## ANTONIO RAVDENSI.

## ARGUMENTVM.

*Epistolam debitam, promissamque reposcit, & biennale silentium amicæ obiurgatione castigat.*

**S**I Epistolam ad me tuam, Raudensis Pater, quam iam toties, & si frustra, pro me abs te iure reposito, nunc tandem aliquando per harum baiulos, licet cum detrimento tui pudoris, nequaquam cito reddideris, profecto meae negligentiae fit, imò potius laesi amoris erga te mei, si non illam deinceps veluti clauam quandam herculeam, quae omni mihi aduersum te & iustitiam & ratione debetur, non tam negando, quam carpendo per acerbiora conuitia, mihi ab inuito te, tanquam Hercule de manibus confertis extorquere curabo. Atqui id ego pro meo æquo iure, probantibus æquis iudicibus, & rectè, & sapienter efficiam; quandoquidem tu mihi illam interdum, nec roganti, fueras superiore anno tua sponte pollicitus. Quod certè cum violata fide minus impleueris; considerandum tibi non

negligerent existimaui, cuius sit humanitatis, ne dicam virtutis, vt mihi tam amicè, atque ante hoc ferme biennium, tibi primum scribenti, ne tres apices quidem vnquam responderis. Neque enim podagræ valetudinem amplius obtendere potes, qui mihi à plerisque aut quotidie sulcare longiora domorum spatia insularis; claustra dico, & amplas porticus; aut firmitus astare faucibus illi (1) horrendæ, qua cornicularum, vt soleo dicere, siue mihi coruorum, infestior aditus promiscuè frequentatur. Sed tu fortè per angustiam temporis te ab accusatione purgabis. At verò *biennium iam agitur*, (2) quo nostra tibi epistola reddita est: Num occupationes tuas pro dilutione mihi obijcies; at tu, vt scio, otiosissimus es. Itaque vel negligentiam liberè acufabis tuam, vel Epistolam meam tuam illa, pro qua dura quidem,

sed debita apud me sponſione obſtrictus es, libens non inuitus placabis, ſedabis, lenies; ni, quod poſtremum ſummopere tibi cauendum eſt, alteram meam aſperioſiorem expectabis epiſtolam, meritò tui obiurgatricem, qui haud quaquam ſuperioſiorem tam

dulceiter tui exhortatricem exaudire dignatus es, vtrum vitio tuo, an conuictio noſtro, tu cenſeas. Vale & nos ama, quia nos te in Domino diligimus. Ex Papiæ 22. Nouembris 1446.

## N O T A E.

## Nota I.

*Fauci illi*. Aditum aliquem, ſeu fenestram cœnobij intelligere videtur, coruis, vel corniculis peruiam, ad quem Antonius Senex, & valetudinarius captandæ fortassis auræ cauſa perſiſtere ſolebat.

## Nota II.

*Biennium iam agitur*. Non dixit biennium iam eſt, ſed biennium

agitur, ſeu vt ſupra dixit, ante hoc ferme biennium. Priores enim Alberti ad Antonium vltimo Iunij anno 1445. datæ fuerunt, & præſentes 22. Nouembris anni ſequentis: erat ergo menſis ſerè abſumptus decimus ſeptimus, in quo non eſt completus, ſed agebatur annus ſecundus, quo prima Epiſtola Antonio reddita fuit, accipit ergo partem pro toto.

## EPISTOLA CXVII.

FRANCISCO BARBARO VENETO.

## ARGUMENTVM.

*Beatus Albertus octo iam annos à Brixianis flagitatus, vt pacem diſſidentibus ciuibus allaturus accederet, varijs obſtaculis inter ea præpeditus, nunc tandem opportunius venit, concionatus eſt, & pacis pacta firmavit. Quæ ciuium Primores cupiebant ſenatus Veneti decreto perrennari. Quod vt fieret, Albertus per hanc Epiſtolam aduocat Barbari auxilium.*

**A**nnus octauus nunc agitur, humaniſſime Barbare, ſi non me fallit opinio, quo me tunc Præſes Brixienſis ſummo illuc ſtudio vocare curavi, vt populum, & homines, quos bellicoſiſſimos nominabas, & vt quiſquam adijceret, periculofa ſimultate inuicem diſſi-

dentis, ad pacis atque concordie vnitatem, noſtro quidem ſatu, ſed Dei incremento, per Euangelica documenta reuocarem. Verum quod intercepto itinere noſtro, eo tempore fieri per varias ocaſiones non potuit, idipſum in hanc diem Chriſti Domini miranda ſapientia ſalubriter diſtulit.

Et

Et ecce in his penè omnibus, qui maiores ciuitatis & natu, & auctoritate habentur, vt miraculum præstantius putes, is animus diuinitus, atque ea mens est, vt omnes præter reprobos, qui perpauci sunt, cum fratribus conciliari vehementissimè expectant: sed ne aliquando ipsa malitia paucorum coactos semel in amicitiam per insolentiam ac leuita-

tem dispertiat, optant, vt Veneti Senatus Consulto, quæ maiore ex parte statuerint, immortalis firmitatis sententia roborari. Oro igitur te, vt honestissimæ causæ tanti ponderis velis adesse, quam iste perlator, qui tibi, vt asserit, notissimus est, diligentius explicabit. Vale ex Brixia 5. Idus Ianuarij 1446.

## EPISTOLA CXVIII.

FRATRI LVDOVICO VICENTINO. (1)

## ARGVMENTVM.

*Ludouicus hoc tempore, est iuuenis, nescio ad quod ordinis officium præter spem euectus est, in quo, & viros, & foeminas regere debuit: Albertus congratulatur ipsi promotionem, & arrepta ex ipsius literis occasione, castitatis cultum in eo laudat, eiusque diligentissimam custodiam pluribus suadet.*

**M**agnam mihi iucunditatem attulit Antonij nostri inspectus aduentus, Ludouice filii dilectissime, imo ex filio iam, per ascensum prælationis, pater: Cuius gradus honoris præter spem omnium, ac præsertim meam, celeriter quidem, vtinam etiam salubriter, scandens, eo statim peruectus es, vt te mecum plerique filij, filizque parentem suauissimum arbitrentur: Sed illud tibi inter hæc summopere puto perspiciendum, vt cures semper spirituales filios aggregare. Contra vero cautissimè caueas, ne, quod absit, per alicuius male liberæ auctoritatis insolentiam, atque incuriam, auctore omnis mali fallente, & satore prurientis libidinis flatu infani amoris incendente, & pa-

ter in virum, & filiz vertantur in coniuges, imò vero vtrique potius in adulteros; scio te mecum in Epistola tua voluisse paululum verbis ludere, sed verè amantis metu non parum vereri me fateor, ne fortè in occasione licentiæ inimicus nobis aliquando conaretur illudere. Si is es, qui mecum olim esse solebas, noui te intus, vt aiunt, & in cute castissimum. Quæ res in adolescente meo adedè mihi semper, de Christi munere, miraculo fuit, vt vel hæc sola causa te magis amaucrim continentem, quo Dominum legimus, & Virginem, & Apostolum dilexisse Ioannem. Vides in hac causa latissimum, & iucundissimum magnæ, atque disertæ orationis campum: verùm quia tu eo genere exhortationis,

nis,

nis, Deo auctore, non indiges, & ego celeris profectiois Anronij, & vocantis nos iam ad pulpitem populi angustijs coarctatus, plura dicere non possum, hoc te solum solertissimi parentis affectu diligenter admono, vt si vis tibi indies augeri sapientiam, ad quam flagras, seruari nitorem famæ, consistari animæ tuæ salutem, &, quod ad rem maximè

attinet, tutam esse adolescentiæ, & omnis ætatis, & temporis castimoniam, nullam omnino fœminam, neque consilij, neque Sacramenti, multoque magis, neque tormenti, hoc est, tentationis vltius occasione vilo tempore colloquaris. Tædet me finis: Sed cum plura nequeam, pauca ista sufficiant, ac vale. Ex Brixia 18. Ianuarij 1446.

N O T A.

*Ludouico Vicentino.* Tancus vir inde fuit Ludouicus, vt præcipuas Franciscanæ familiæ Regularis Observantiæ dignitates in partibus Cismonianis obtinuerit: Nuntius Apostolicus pro bello sacro, Generalis eiusdem fa-

miliz Vicarius, iterumque Nuntius, perpetuusq; Bohemiz, & Poloniz Provinciarum Commissarius, & Vicarius Candiz fuit, quæ vltima ipsius in Animalibus nostris mentio est.

EPISTOLA CXIX.

FLAVIO BLONDO.

ARGUMENTVM.

*Dum B. Albertus Ciues Brixienfes quotidianis sermonibus à discipulis ad concordiam, & pacis pacta conuerteret, iisdem sermonibus effecit, vt ultra quinquaginta honesta fœmina religionis propositum conceperint, suæque industria fecit, vt ipsa Ciuitas construendi Monasterij locum, & necessarios vitæ sumptus illis constitueret: Sed quoniam erectio Monasterij, & aliarum Ecclesiarum bona illis assignata subsistere sine auctoritate Apostolica non poterant, missis duobus fratribus, hanc Epistolam ad Blondum, tunc Pontifici à secretis, dedit, rogans vt Fratribus ad rem perficiendam, ac obtinendum diploma assisteret, quod pro ipsius reuerentia, & cause bonitate facile factum fuit. Rem narrat Vvaddingus tom. 5. ad annum 1446. num. 24. vbi hanc Epistolam integram descripsit.*

**L**icet pleraque tot iam per annos exploratæ beneuolentiæ argumenta (1) faciliè me docuerint Blonde frater, quantam ad rectè

gerendæ vitæ studia (si quis ad ea flagrat) fauore mirabili soleas adhibere solertiam, atque idè non opus habeas, cum honesta exposceris, vllis

lis ad ea explenda exhortationis nostræ calcariibus incitari; non desinam tamen rem tibi periucundam breui exponere, cuius sobria voluptate, castè affectus, agas etiam iucundius, quod acturus fuisses longe minore occasione, sine villo dubio festinarius, & quidem quod attinet ad sacre Deo pudicitie grande propositum, vt quod dicere institui, explicem, nequaquam paucæ populi Brixiensis (quem quotidie commoneo, quam bene hic viuant, vt post hanc vitam viuere illos etiam beatè contingat) cum nobiles, & graues, tum vero castissimæ *ad quinquaginta & eo amplius* (2) feminæ se se Domino feruentius deuouerunt, quæ & ipsæ spiritu sublimiore perfusæ, & vt bona spe esse nos conuenit, *maiore in dies Dei gratia imbuendæ, cupiant* (3) terrenis facultatibus, & illecebris abdicatis, quo cœlestia postremo salaria sibi conquirant, vno in loco à seculo tumultuante con-

clusæ, Christo tam Sponso quam Domino, sub insigni titulo S. Claræ, sinceritè militare. Verum quia id nisi Apostolica auctoritate prælata non queunt efficere, mitto in præsentia ad Sanctitatem Eugenij Papæ beatissimi duos fratres, vt illius præsidio fructuosa in futurum opera pariant, quæ corde, & animo hætenus propositum pepererunt. Quare maiorem in modum, atque id imprimis, Blonde Flauj, abs te peto, vt solitum erga nos studium tuum, pro iure communis benevolentie nostræ, etiam illis adhibeas, nè vlla diuturnioris mortæ noxia tandem & causæ & nobis intetcapdco illud fortè efficiat, vt se tam honestæ rei aliqua ex parte culpanda negligentia, intermiscat, quo fiat vt negotium, de quo scribimus, tardius expeditum, damnosa iactura longius protrahatur. Vale in Domino ex Brixiæ 20. Ianuarij 1446.

## N O T A E.

## Nota I.

*Tot iam per annos explorata benevolentie argumenta.* Hæc profecto tot annorum benevolentie Blondi in Albertum argumenta sine mutuis literis præstita credere non possum: sed & istæ nobis desunt, forsitan quia familiares neglectæ, præter hanc solam, quam exhibemus: Albertus enim tam multa habuit in aula tam ordinis quam Ecclesiæ negotia, & Blondus interim Pontifici à Secretis fuit, cui propterea tam beneuolo videtur oportuisse plura commendari, quod amplius indicare videtur illud, *non desinam tamen*: quasi visitatas commendationes prosequi porro velle videretur, non enim nisi à re-

faltem inchoata desinimus. Sed per multos annos iam continuata argumenta superius, & pleraque affirmat, atque inferius *solitum ex me studium tuum*. Hanc certè benevolentiam suam Blondus ipse significauit ea Alberti memoria, quam inter testimonia post vitam ex ipso descripsimus.

## Nota II.

*Ad quinquaginta & eo amplius.* Si tot nobiles, graues, & castissimas, vt ipse loquitur, feminas, paucis diebus, in vna ciuitate, à seculi voluptatibus, & illecebris, ad religiosam, & monasticam vitam adducit, quis eorum vtriusque sexus numerum censabit, quos

quos per tot annos, in plerisque, & præcipuis vrbibus conuertit? quos plurimos fuisse, vitæ eius historici commemorant.

## Nota III.

*Maiore in dies Dei gratia imbuenda cupiunt.* Jam in B. Alberti

vita notauimus harum numerum, iuxta Beati Viri spem, adeo creuisse, vt anno sequenti nouum illis monasterium, seu secundum erigendum fuerit, de quo eo anno Vvaddingus.

## EPISTOLA CXX.

D. MATTHÆO CVBICVLARIO APOSTOLICO.

## ARGVMENTVM.

*Eandem superioris Epistole causam commendat.*

**C**ircumvallatus negotiorum Sanctorum agminibus, quibus, Christi munere, pro virili meo quotidie catholicis populis, quamuis negligenter, deseruio, non possum tibi Matthæe suauissime, & honorabilis Pater, multa dicere. Quod & ipsum, si possem, superfluum arbitrarer, sicut enim opto, & oro, vt credas etiam sine literis, non te à me diligi minus, ita de tuo in me amore mihi facile persuadeo. Quare quia amanti satis est indicasse, quod cupias; Ecce nunc duo è fratribus, & socijs nostris, ad S. D. Nostri pedes se conferunt, pro augmento Religionis honesta quæ-

dam à Sancta Sede postulaturi. Quibus expediendis, oro te, curam adhibeas, vt solatia tribuas, quæ nobis præsentibus illa humanitate, quam tenes, adhibere solebas, simulque vellem pro amicitia nostræ tanquam de pluuia charitatis perfusione, vt aliquando quippiam ad me scribere dulcedinem tuam nullaratione pigeret. Crede præterea, harum laboribus Io. & Mi. suauibus viris, qui ad te veniunt à nobis missi, de omnibus plenius informati. Vale amantissime Pater, nec cures ineptos apices, cum charitas erga te mea pulcherrima sit. Ex Brixia noctu, ac summa celeritate 20. Ian. 1446.

## EPISTOLA CXXI.

BEATISSIMO PAPÆ EVGENIO.

## ARGVMENTVM.

*Id ipsum, quod expediendum Blondo & Matthæo commendauit, & suo Religionis, & Episcopi, & Ciuium Brixienfium nominibus à Pontifice petit.*

**T**ernas iam extra istas B.P. vno interim anno, ad S. Tuam literas exaravi: Nunc verò, ut paulò ante per epistolam eram pollicitus, (1) communi quidem sententia, & Pater qui præsides huic Christi familiolæ, (2) & ego ad S.B.T. pedes mittimus duos fratres, te humiliter & instanter in augmentum Religionis exoratuos, vt postulant Brixienfes, vt deditas Deo feminas, vt postremo nos filios S. T. qui labores multos in hac causa pro Christo sumus perpeffi, pontificalis clementiæ pietate perfundas, atque illa celeriter præsidia exoptantibus conferas; quibus Sanctæ continentis decus sublimiter efferatur, & constructo tua, idest Apostolica auctoritate, celebriore Monasterio Beatissimam Claram, vt S. Franciscum raceam, novis tibi beneficijs obliges. Cum Christo Regi offeri post eam, atque in Dei templum adduci iusseris, siue intemeratæ Virginitatis vernantia floribus castimonis germi-

na, quæ tanquam in horto concluso signaculum virginitatis, & claustrum integritatis custodiant, siue viduas grauitate pollentes, quæ velut in campis sylvæ requiescentes ab æstu incontinentis, documento sancti pudoris ipsis virginibus magisterium seruandæ integritatis exhibeant. Ad hoc autem bonum facilius in gloriam Domini consummandum, non minima autoritate accedit cura & desiderium Episcopi Brixienfis, quemadmodum ex eius literis poterit tuæ Sanctitas peruidere. Oro itaque, imò oramus B.T. vt vota honestiora exaudias, quæ harum latores, è quibus vnus comes & Socius nobis est, ne S. T. nimium oneremus, latius explicabunt; accepta à nobis formula, siue vt dicitur instructione omnium dicendorum. Quibus S.T. cuncta nostro nomine referentibus, dignatione solita, & acquiescet, & credet. Dominus te tueatur omnipotens B.P. Ex Brixia 20. Ian. 1446.

## N O T A.

## Nota I.

*Ternas iam extra istas, & post paulo ante per Epistolam eram pollicitus. Binas tantum hoc anno ab Alberto ad Pontificè scriptas exhibuimus; nam tertiam illà extra istas non vidimus.*

## Nota II.

*Qui præsides huic Christi familiolæ. Iacobum Primadicium intelligit, Cismontanæ familiæ Regularis Observantis Vicarium generalem.*

## EPISTOLA CXXII.

FRATRI IOANNI CAPISTRANENSI.

## ARGUMENTVM.

*Idem negotium noui Monasterij Brixienfis commendat: aliquas molestias patienti condolet, opemq; suam, si quam utilem existimet, liberaliter offert.*

**E**X Mediolano & Bergamo *ſe-  
pius ad te ſcripſi*, (1) optime  
Pater, nec tamen huc uſque  
reſponſum nieriui. Nunc autem ex  
Brixia ſcribo, quo me inſtanter, &  
Epiſcopus, & populus attraxerunt.  
Venit ad S.D.N. & ad tuam Paterni-  
tatem ſocius noſter Fr. Io: harum per-  
lator, & tibi, vt ſeio, notiſſimus,  
cuius cum plenè comperta ſint om-  
nia, quæ pro Dei honore percipio,  
eique commiſerim, vt te auctore  
cuncta perficiat, non opus arbitror,  
vt te verbis plurimis onerem, eum  
cauſis durioribus pergrauatum nuper  
doluerim: Fuit enim ante paucos  
dies certioribus nuntijs ad me certo  
perlatum, grauari te nonnullorum  
inſolentia, qui tibi neſeio qua teme-  
ritate, ſiue errore pertinacius *in tua  
gubernatione reſiſtunt*. (2) Quodego,

verè loquor, cum grauiffimè tute-  
rum, ſimul condolui, orans nunc te,  
vt ſi de mea paruitate putas vllò pa-  
cto poſſe tibi leuari moleſtiam, pro-  
tuz in me iure prælationis vtaris, ſi  
qua in te me æſtumes poſſe te aliqua-  
tenus conſolari. Non laboro rogare  
te, vt apoſtolica, & tua præſidia in-  
re Chriſti nobis mittere non graueris,  
cum hoc te facturum, & ſpes mea,  
& diligentia narrantis mihi facile per-  
ſuadeant: Cui oro te, ſicut fidem,  
ita quoque curam adhibere non ceſ-  
ſes, quo celerius ad nos, fauore fre-  
tus idoneo, reuertatur. Vale & ora  
pro nobis Venerabilis Pater, ex Bri-  
xia ſumma celeritate, *Amantiſſima  
vetula mea*, (3) Antonius Cremonen-  
ſis ſe valde tibi commendat, &  
offert & ſubiicit. Die 20. Ian. 1446.

## N O T A E.

## Nota I.

*Sæpius ad te ſcripſi*. Nec iſtas ha-  
bemus.

## Nota II.

*Tibi in tua gubernatione reſiſtunt*.  
Præterita Pentecoſte reſignauit Capi-  
ſtranus officium Vicariatus generalis ſa-  
milix Ciſmontanæ: ſucceſſus eſt ipſi Ia-  
cobus Primadienius. Ille, cum Albertus  
hanc Epiſtolum dediſſet, Romæ fuit,  
vbi commendatum negotium apud Pon-  
tificem vrgere poſſet. Quam verò gu-  
bernationem hoc tempore habuerit, in  
qua reſiſtentiam pateretur, non repe-  
rio. Vvaddingus tom. 5. ad annum 1446.  
num. 12 ait, cum officio Vicarij Ge-  
neralis liberum, ab Eugenio Pontifice ad  
diuerſas mundi partes, præſertim in  
Galliam, ſedis Apoſtolicæ grauia ne-

gotia cum Regibus & Principibus tra-  
ctatum, Nuntium miſſiſſe, & quidem  
ante diem primam Octobris in Galliam  
appuliſſe conſtat ex literis ſalui condu-  
ctus, & Cardinale noſtro Fuxenſi eo  
die ipſi ibi traditis, quas eo annali-  
loco deſcripſit Vvaddingus; reuertit-  
ſe verò in Italiam ante mortem Eugeni-  
j quæ fuit 7. Kal. Martij ſeu 23. Februar.  
conſtat, tùm ex hæc ipſa Epiſtola Al-  
berti 20. Ianuar. data: tùm ex eo quod  
narrat Vvaddingus anno 1447. num. 6.  
Capitranenſem tempore mortis Eugeni-  
j habuiſſe eoneiones Quadrageſima-  
les in Vrbe Aquilana, ſed nullum or-  
dinis gubernium habuiſſe legitur. Ergo  
vel commiſſio aliqua particularis fuit,  
quæ mihi nondum innotuit, vel Al-  
bertus loquitur de turbis generalibus,  
quorundam ſubterfugientium obedi-  
mandatis Vicariorum obſeruantiz, quæ  
ad Capitranum tunc aliter non petri-  
de-

nebant quam ex perpetuo zelo & cura, quam semper gerebat illius familiaris, & obseruantie regularis conseruandæ, & promouendæ, de quibus turbis extat Eugenij diploma apud Vvaddingum, anno 1447-num.2.

Nota III.

*Amantissima vetula mea.*

Sic vocat Antonium Cremonensem, cuius sinceram simplicitatem, per literas à nobis exhibitas, amanter & confidenter antè deludebat.

## EPISTOLA CXXIII.

LEONELLO MARCHIONI FERRARIENSI.

ARGUMENTVM.

*Humaniter sed prudenter intercedit pro cuiusdam amici minis, ut videtur, prudenti desiderio.*

**A**Ngimur aliquando, vt optimè nosti Leonelle illustris Princeps, etiam illis causis acquiescere, quæ nobis persæpè molestæ sunt, cum putamus eas fore in re sua amicis commode opportunas. Licet enim à nostro proposito prorsus abhorreant, quia tamen his, quos diligimus, turpes non sunt, humanitas ipsa nobis facile persuadet, quominus eas postulantibus nos, vt duri homines faciunt, exhibeamus inexorabiles. Quapropter Iac. quidam Ciuis Brixien. cognomento Cuchenensis, in eis, qui nos diligunt, non postremus, me orauit; vt ad te scriberem, quem arbitratur mihi, vt

verissimè se res habet, amicitie charitate deuinctum, quo tuo præsidio in tua Prouincia aliqua illi liceant, quæ tibi fideliter referet harum baiulus literarum. Tu modo videto, quid te deceat, quid illi honestè condat, ac pro tua sapientia, & clementer, & iustè cuncta decernito. Commendo me Patri Episcopo, communique Præceptoris; & amicos per tuam mansuetudinem amanter ac diligenter saluto. Gratissimum mihi esset ex tua ac Guarini manu, vel tres apices benevolentie vestre iucundis oculis expectare. Vale ex Brixia 21. Ianu. 1446.

## EPISTOLA CXXIV.

PAVLO ROMANO COMMVNIS RELIGIONIS.

ARGUMENTVM.

*Paulus, tanquam ab Alberto lesus, questus est, propterea quod hic aduersus fratrem quendam scandalose conuersationis ad Religiosos amicos,*

cas, qui hominem pro ipsorum charitate monerent, & ad superiores, qui pro auctoritate compeferent, aliquid Seuerius conscripserit. Albertus Pauli imprimis Apostoli locum opponit, quo corripiendos insolentes persuadet, eumque egregiè explicat, suæque cause iustitiam tota oratione tuetur: in qua neruos & ossa eloquentiæ pulchrè, & ornatè compacta exhibet. Propositum deinceps multa, solidaque ratione, sacri codicis documentis, exemplisque ex Sanctorum Patrum auctoritate confirmat, præsertim Hieronymi, cuius acrimoniam in reprehendis vitijs fuisse, fortiterque tuetur, & laudat: Hinc obijcendum fortè sibi fraternæ correctionis ordinem præoccupans, eum etiam iubente charitate, non semper obseruandum doctè demonstrat. Nec satis ad omittendam increpationem, si qui increpari debent, præsertim cum publicè peccauerint, quòd emendationem præ se ferre videantur, ut quorum doctrina multo plus nocet, si cum vitæ munditia Sanctimonie morum fama non adsit. Demum reprehendo illi modo vel emendatus sit, vel se emendaturus, omnem felicitatem exoptat, suamque benevolentiam & offert & promittit. Hortatur tamen ut post tot præbita male actæ vitæ scandala, populum publicè docendi munere abstineat, ne & sibi & melioribus magistris noceat, & Religionis Sanctitatem, in opprobrium; & verbum Dei in risum, contemptumque populorum consertat: idque illi non facile permittendum suadet.

**C**VM Apostolus Paulus, qui & Magister gentium eximius, & Romanæ quoque vr̄bis Ciuis clarissimus erat, quamuis Tarso Ciliciæ natus, (ò tu itidem & Romane, & Paule, vtinam etiam pari sorte, tandem aliquando, & Iesu Christi Apostole, & gentium perditarum didascalæ) Thessalonicam amplissimam Macedoniæ Ciuitatem, ad morum Christianorum, & vitæ normam religiosissimam institueret; potissimum arcentis disciplinæ salutaria fundamenta, mixta decenter mansuetudine, & iacere, & firmare curauit. Inter magnorum verò documentorum præclara præcepta, quibus ad cohibendam peccantium insolentiam, credentes in Christo suos filios imbuebat, ea ad nostram causam vel præcipua sunt, vbi illos hunc in modum clementia parentis hortatus est. *Rogamus vos fratres*

*corripite inquietos, consolamini pusillanimes, suscipite infirmos, patientes estote ad omnes: Quæ quatuor sublimiora sapientiæ Apostolicæ sensa, quum à nobis per omnem epistolam sparsim tractanda sint; præsertim tamen fert animus, debere nos in primo omnium, tanquam simul præsentis colloqueremur, specialiter immorari.*

Mirari itaque imprimis apud te, Paule Frater, satis non possum, quum te queraris vehementius à me læsum, vt Antonius noster Parmensis locuples testis est; propterea quod quædam in fratrem illum, (1) communem quidem, sed olim perniciosè nimis ac diutius (tribuat Dominus ne & nunc) à Religionis itinere aberrantem, ad familiarissimos scripserim, quæ tu ipsa, vt aiunt, videris statuiffe, velut maledica, æquo animo ferri non oportere. Super qua.

qua interim tua non satis æqua, & vt mihi magis videtur, iniusta certè omni ex parte conuestione, quo ad ista scripta nostra susceperis, Antonium meum, modo ad te proficiscentem, patronum constitui; qui me tibi, veritate certissima fretus diligentius satisfaciens, cum non rectè exagitato, tum falso lamentanti conciliet: cui si, vt debebis, assenties, videbis nihil à me factum, quod non à quolibet Sancto & sapiente viro fieri sine reprehensione, imò cum laude, & possit, & debeat.

Quale est enim, oro te, vt de quouis hominum genere, ne nominatim quempiam apertius carpam, quitam multis annis, tam multis in locis, publicam in fronte perditissimæ vitæ maculam, non facile abolendam, maximo cum dedecore tulerint, ego bono animo, & prudenti consilio, asturè cauendos, si qui fortè eiusmodi sunt, scribere sine culpa, vel inuidentiæ, vel malevolentia, vel postremo obtreptionis nequiuerm? Potissimum verò ad Maiores Religionis, qui gubernaculis sanctimonie moderantur; ad antiquiores patres, qui per verè practicam, rectæ vitæ regulam calent; ad amicos denique, filiosque charissimos, quippe qui omnes per animi bonitatem, & charitatem, obesse nemini, & omnibus prodesse percipiant. Non te exasperet frater veritas diligentis, quamuis ea salutaria vulnera videatur inferre, sed euita potius insidiosa oscula adulantis, quæ per illicibilia blandimenta, improbos & peccantes malè miserta, in perniciem præcipitationis adducunt, dum nos palpantium fraudulentis imprudenter assensos,

periculosos mendacijs circumueniunt. Atque ea quoque, quæ potius emendare illi quidem callidissimi homines vel cum dolore debuerant, errata nostra dissimulantes, per illecebram subdolæ laudationis, & fragilis gloriæ, in vitijs nos animorum, summa cum pernicie fouere conantur.

Columbinæ simplicitatis Dominus esse nos iussit, ne cuiquam moliamur insidias: sed non minore studio prudentiam serpentis adiunxit, ne aliorum fallacijs supplantemur. Paulus Vas electionis, qui periculorum suorum catalogum falsorum fratrum notione signauit, post perfectam ad Christum conuersionem, post raptum in Paradisum, vbi arcanorum secreta rimatus est, post constans de Christo per Euangelicæ tubæ ministeria testimonium, post pericula mortis ex Iudæorum insidijs, post fugam Damasci, ne in præpositi Regis Arethæ manus incideret; quo maiora, quæ inde facturus erat nequaquam nimia iactura præpedirentur; vix tandem à summis Apostolis, nisi Barnabæ assertionem, verè discipulus Christi creditus est. Et tu miraris, si quilibet, molestia læsæ virtutis, & odio insectandæ malitiæ, ab his, qui ad maxima Dei allecti, studio sanctimonie flagrant, paulo durius, quam tu censeas, laceffatur, castigetur, carpatur; præsertim qui longa vita, & moribus insolentior, & famâ obscurior, ne dicam fœdior, fuerit, absque vlla culparum suarum flagitiosarum, conspecta emendatione: sicut labes ipsa male diutius actæ vitæ, terramarique, maximo scandalo, & dedecore palam fuerat ante conspicua.

*Humanum dico*, ait Apostolus, Rom. 6.  
c. 19.

prop-

Ab. 9. 17;

propter infirmitatem carnis vestra, hoc est compatiens affectu, quem mihi per viscera charitatis, infirmitatis vestrae consideratio suggerit; infirma itidem emendationis vitae experimenta depono, qui debueram potius ad veræ conuersationis consummatam instaurationem altiora vobis documenta præcipere, statimque infert. *Sicut enim exhibuistis membra vestra seruire immunditiae, & iniquitati ad iniquitatem, ita nunc exhibete membra vestra seruire iustitiae in sanctificationem.* Et rectè quidem omnia, maximaque Doctoris eximij lenitate, atque elegantia, vt interim de eloquentia sileam: qua tanquam in catena pulcherrima, immunditia ad sanctificationem, iniquitas ad iustitiam referuntur. Eo vero quod additur, *ad iniquitatem*, cumulum scelerum exaggeratione quadam malitiæ, & malæ intentionis, & perditæ finis significari existimo.

Verum sensa eius potius profequamur: sicut, inquit, *exhibuistis*, & cætera quæ prætulimus. Magna profecto æquitas, iustum pondus, æqua statera lance sincerissima appenduntur. Par enim fuerat, inquit, vt iustitia, cuius certè non minor esse debet in omni honore claritas, in erigendo potestas, quam vitiorum in æstimatione obscuritas, atque in præcellendo in peccatoribus mortifer vigor, vos seruituros sibi, suo quidem æquissimo iure altius vendicaret. Verumtamen ob carnis vestrae, ait, fragilitatem, rigoris remissione adhibita, per humanitatem, cuius reliquæ animantes expertes sunt, imbecillitati plurimum concedatur. At verò hoc ego, Paulus Apostolus, eo dixerim pacto, vt tantum de vobis in sanctificatione

iustitia mereatur, quantum sibi primum immunditia & iniquitas vsurpauerant. Quo certè Apostolico sensu, si non me fallit opinio, læsæ existimationis nostræ ad proximos & emendandæ quoque turpiter gestæ vitæ, tum ad nos, tum ad virtutem, tum imprimis ad Deum, solidior nobis satisfactionis norma præfigitur.

Quod certè genus correctionis, si proximorum nostrorum instaurando discrimini quispiam, qui multos antea vitiauerat, non exhibuit; etiam si Deo, si suæ conscientia satisfecisse sibi forsitan videatur; tu grande piaculum arbitraris, cum de illo aliquis durius quidquam, aut in zelo mulctandi sceleris mussitauerit, aut in præclusionione operandæ fraudis vitiliter, ac salubriter scripserit, aut postremo in præfaga cauendæ malitiæ coniectatione quadam prudentiæ integros & religiosos homines admonuerit? ea maximè causa, ne fictè bonus, vt hypocriseos occultator, perniciosius lædat, neu, sicut illi penè semper antiquum fuit, Dei gloriam flagitiosa, imò facinorosa, vita euertat, Religionem infamet, doctrinam veritatis, quantum in ipso est, contemptibilem reddat, & confratres denique suos, eruditioni populorum sinceriter incumbentes, cui tamen ille sacro ministerio & indignus & impar est, tanquam prauis moribus, & omnis generis improbitate notabiles, faciat esse suspectos.

Hanc verò, tu Frater, præuisionem sapientissimæ cautionis, si ad conseruandam bonorum innocentiam nobis præcludis, ne, vt putas, temerè de aliquo suspicemur, præsertim qui palam fuerit sceleratus, pace tua dixerim, imprimis hoc loco gra-

uiter erras, quasi verò in sanctis viris dubitatio bonitatis locum non habeat: quum tamen Abraham ille Dei electus; & Propheta Domini, communi quoque fidei patens, Abimelech Regi interroganti; cur Saram sororem suam dixerit, non uxorem? audaçter responderit: *Cogitavi tecum*, inquit, *forſitan non eſt timor Dei in loco iſto, & interficient me propter uxorem meam*: cuius proſectio ambigua cogitationis merita dubitatio nihil integræ conſcientiæ tanti viri ſanctitatis ademit. Quumque nos ideò homines à belluis eo maxime diſcernamus, quia illæ aſtu cuiuſdam ſolertiæ, & inſtinctu quodam naturæ, illi vero rationis & intelligentiæ virtute regantur; ſine vlla dubitatione is qui vitalem prudentiæ præuiſionem hominibus præripi debere cenſuerit, non eos homines, ſed ſeras belluas putare credendus eſt: ac per hoc ne ipſe quidem homo habendus eſt, qui homines à beſtijs non digno officio rationis diſcreuerit.

Hoc Dominus præcepit, hoc Apoſtoli admonent, hoc Scripturæ Sanctæ proclamant, cauendum nobis eſſe, ne ſub ouina pelle luporum rabies protegatur: cui veritati, licet clariffimæ, aſſerendæ, ſi ad conuincendam perſidiam cuiuſpiam non credentis teſtimonia de ſcripturis adhibenda putarem, auctore Domino, non tam nobis diſtorum nubes, quam nos tempus explicandi deſiceret. Sed tu fortaliſs pietate, vitiam non falſa, in te affectus, quum tibi Chriſtiana manſuetudo venit in mentem, nullorum æſtimas vitia, aut ſtylo verborum, aut telo factorum, acerbius aliquando plectenda. Quæ ſanè inepta conſuſio adeo ni-

hil virium habet, vt etiam eis anguſtijs coarctetur, quibus ſepenumero angitur falſitas. Nam tum certò ſequetur, ſi res ita ſe habet, cum euerſione nimia etiam veritatis, atq; virtutis, vt zelus ille Sanctorum ſemper credior, qui electos Deo maxime facit acceptos, & quo malos non modo odio habendos, ſed aliquando inſuper perſequentos æquitas ipſa proclamat, penitus ex mentibus proborum hominum extinguitur.

Nulla demùm cenſura ſuccenſemus peccatis, nullo flagello pudoris, aut timoris, aut poſtremo doloris tundatur impius, arceatur maleſicus, caſtigetur impurus. Sed damnabili potius negligentia corrigendorum, morum, omni prius emortua diſciplina, non modo qui mali ſunt, verum etiam qui boni, & ſunt & habentur, impunitate vitiorum pellecti, & à veritatis arce deiſciantur, & à bonitate vitæ ac morum omnino deſciſcant. Qui & ipſi tamen poterant per acrimoniam ſanctæ ſeueritatis, tanquam loris ſalutaribus irretiti, in ſanctitatis veritate conſiſtere, ſi cura percuſſionis ſanandos magis eos exiſtimaflemus. Cum verò contra perfectorum ſemper penuria ingens fuerit, imbecillum autem hominum, qui permulti ſunt, irritata ſordibus per naturam corruptio, & prona per vitia in malum fragilitas ex licentia parere ſoleat impudentiam, quando & qui perfecti habentur homines, tamen & ipſi ſunt & qui imbecilles, magna præterea ex parte multum infirmi, ſic proſecto, vt vbi à maioribus improbis caſtigandis coercitionis aſperitas deperierit, tibi non ſolum iactura cunctorum maiorem in modum ſæpè reperia-

periat, verum & optandæ emendationis desperatio subsequatur. Nam quis vnquam vlla spe melioris vitæ, nisi frustra nitatur, si hi qui per amorem virtutis non corriguntur, quum mali sint, illos ne timore cohibendos putemus? Actum profecto esse de splendore sanctimoniz arbitrandum est, quando consulto malos ad remissionem scelerum, vt non dicamus ad morum sanctissimorum præstantiam, nec virtutis amor impellit, nec præsentis supplicij timor cogit.

At verò hoc loco, cur ad eum ipsum, dixerit aliquis, non magis reprehendenda scripsisti, quem abs te argui debere putasti? Quasi verò de his, qui mali habentur, ad rectos homines præmonendos scribere non possimus, nisi etiam ad eosdem malos scripserimus. Nonne Ioannes Apostolus ambitiosum Diotrephen in se verbis maledicis impudentius garrientem, ad Gaium scribens, in epistola sua coarguit, eique grauitè supplicia comminatur, nec tamen ad eum, sed de eo aliquid discipulo scribit? Apostulus Paulus in secunda ad Thimotheum epistola Alexandrum Acharium accusat pertinaciæ, & vitandum diligentius commonet; nihil tamen ad eum scripsisse Apostolum legimus: Nisi fortasse stultè putemus in causa fidei hoc à nobis fieri semper debere, in morum verò correptione id nec vnquam, nec aliquando licere: cum tamen minimè dispar ratio castigandorum malorum putanda sit, vbi est causa cognata, perdendæ salutis. Interest enim nihil qua ex causa pereas, si modo turpi, si iniusta causa pereas: sicut è contrà non multum distat, quam

ob causam consequare salutem, dum eadem semper honesta sit, & de rationis fonte purissimo manans, à iustitiæ æquitate proficeatur.

Proinde ergo de fructibus rectè censēbimus, si origines causarum comperiamus. Nam eum de causis constat, tùm de fructibus sententiam æque ferimus. *Qualis arbor tales fructus, non potest arbor bona fructus malos facere; neque arbor mala bonos fructos facere.* Meminisse itaque debes, non esse eriminis de aliquo ad aliquem scribere etiam si ad illum, de quo scribitur, non scribatur, quando & scribendi & non scribendi ratio, quæ idonea subesse potest, ita fieri debere suggesserit. Quarum ego rationum, etsi illæ quidem permultæ sint, eas potissimum præ cæteris abiectas non æstimem, sed forsitan etiam potiores, quum aut comperta fraus, aut expectatio aptior, & temporis, & loci, & personarum commoditas, aut desperata emendatio delinquentis, nè ad illum scribamus, de quo tandem scribimus, nobis hoc facile persuaferint. Nam tùm ratio prima viribus iustitiæ niritur: Iustum est enim, sicut Apostoli documenta præcipiunt, vt publicè peccantes coram omnibus arguantur.

Altera verò charitatis consilio confouetur. An non de fonte ipso Christianæ dilectionis manare tibi videtur, si quis errantem fratrem per alium commodius arguendum existimet? qui certe per domesticam magis familiaritatem, ac mutuam conuersationem, communemque conuictum, amici monentis increpationes leuiori animo feret, eaque ex causa, nulla nimia mistitia, tanquam verecundia deiectus, aborbeat.

Quem

2. Icani.

Cap. 4.

Quem ipse dico errantem, si alius quispiam castigasset, immodica desperatione, & rubor, & pudor, & postremo confusio subruisset. Nouissima autem ratio, quæ & tertia est, ne quis forte frustra conetur, sapientia sustentaeulis gubernatur. Nam omnis qui rectè sapit, nunquam in ea, quæ factu impossibilia putat, nisi cum stultitiae testimonio, totus incumbit, ne tandem inaniter vires suas frustratus labor exhauerit, quas perditæ opera consumptus conatus aliquando perfrigerit. Quæ cum ita se habeant, animaduertens hic obsecro, quanta modestia vsus sim, ut videlicet, cui vnica, & expedita ex omnibus ratione patebat aditus, passim ac palam scribendi ad omnes, atque id omni cum venia, haud quaquam tamen, etiam eunctis itidem rationibus impellentibus, nisi ad amicissimos quidquam scripserim. Per quos certè ipsos, si his qui meo stylo petuntur, ea, quæ asperius dicta putas, reuelata innotuerunt; aut hoc malevolentia fecisse probantur, & tum nec tibi nec mihi amici sunt, sed Deo potius detestabiles, quando seminant inter fratres discordiam; aut bono quidem animo, quod magis opinari licet, ut scilicet ad recta cogant errantes, & in hoc eos prudentes esse dixerim. Sin autem, ut sæpe assolet, simpliciter id eorunde gessere, vel imprudentes, vel incauti, vel ut lenius dicamus, leues homines potius censentur.

Verum postermò, inquires, is, qui abs te modo acriter in reprobatione feritur, ad mores emendatioris se contulit, poenituit, fleuit, seque deiecit, meliora post hæc acturus mente proposuit: Quis hoc negat? Sed necdum eo longiore temporis spatio bene vi-

xit, quo male; atque eius ipsius temporis, quo rectè forsitan aliquid egit, vix ad paucos fama peruenit, cuius tamen diuturnæ insolentia sonus, non dieo exiliore, vel tinnitu vel sibilo auditum simpliciorum fratrum, saltem tenuiter instigauerat, qui possent pro charitate ac timore Domini fratri, qui ex alto lapsus fuerat, tenerius compati, aduertentes diligentius, scriptum esse: *vos qui spirituales estis, instruite huiusmodi in spiritu lenitatis, attendens te ipsum, ne et tu tenteris*: sed, quod est longè acerbioris molestia, ne durius interpreter, veluti horridi clangoris tuba, infamiae veridicae crepitus aures populorum offenderat, id quod latinus fortassis aliquis diceret fetulentissimus flagitiorum nidus, abominabiles putores exhalans, delicatioris fragiliorum nares molestia grauiore compleuit.

Qui & ipsi, dico populos, dico fragiles, cum in virtute fluctuantes, in vitij precipites sint, sicut per exemplorum lumen poterant à nobis ad vitæ correctionem utcumque, imò maxima ex parte, iuari; ita e contra ac multo magis si ad illos vitæ nostræ impuritas aliquando perueniat, tùm ruunt, tùm desperant, & Dei seruos ac doctrinam veritatis contemnunt, quando nos, qui eis vitæ candorem, salque doctrinae, siue splendorem eruditionis, & saporem sanctorum præbere debuerimus, conspiciunt in sceleratorum, morum scditate versari: Quid præterea illud quam deplorandæ iacturæ est, quod ex nobis sæculi homines, & Deum & diuina despiciunt, sanctorum moniam integrorum hominum spernunt, neminem rectè incedere arbitantes? Religionem quoque

iniuriōse sublannant, & quæ de vitijs, & virtutibus, deque pœna, & præmio prædicamus, fabulam putant: quum ea, quæ nos audiunt verbis tonantibus minaciter struere, vident factis blasphemantibus, & vitæ impietate destruere. Quo certè ea fit sane res non parua dictu, vt cum per impia studia perditæ vitæ nostræ, Dei summi nomen in populis fecerimus blasphemari, pœnis ingentibus, quæ nos profectò pro sceleribus manent, conspecta cunctis, in nostrum dedecus, peccata luamus.

Quæ & ipsa si protecta à nobis studio, ac cura pudoris, etiam maiora mala quam publica fuerant, clàm hominibus fecissemus, nemine, qui rectè sapiat, ambigente venialiora apud Deum futura fuisse, certissima Religione credendum est. Nam si omnis aduersus Deum culpa semper cauenda est, quæ conscientiam nostram grauiter vrgeat, quandoquidem minutiora peccata, prorsus vitare non possumus, interest tamen ac multum distat, idque per omnem modum, inter occultum fragilitatis lapsum, & publici sceleris impudentiam: quoniam in altero vnus discrimen per internum mentis mœrorem atque dolorem Deum sibi propitium peccator lugens conciliat: in altero autem multorum scandalum, per inexpiabile facinus censuram vindictæ Domini cumulo peccantibus augetur: præsertim si is, qui errat, sua impudenter commiserit, quemadmodum ciuitas in montibus constituta, aut per religionis famam, aut per doctrinæ gloriam, aut denique per virtutis ingentis opinionem latere non possit. Erenim omne animi vitium, dixit quidam,

vereque dixit, *tantò conspectius in se crimen habet, quanto qui peccat maior habetur.*

Quo enim pacto docebo alios sanctitatem, quam ipse non facio? cum etiam iuxta ethnicum, caput artis sit, docere quod facias. Rusticus quoque sator, manu quidem, non ore in terram, quam coluerit semina iacit. B. Cyprianus Carthagenensis orator, Christianus, Martyr, atque Episcopus, *nihil prodest, inquit, verbis proferre virtutem, & factis destruere veritatem.* Sed & noster Hieronymus peritior senex, hoc ipsum asserit. Erubescit, inquit, quamuis præclara doctrina, quam propria reprehendit conscientia. Nos quoque licet minimi & ignari, aliquando in familiaribus epistolis diximus: *Splendeat enim, licet sermo doctrina, exardeat & edificet, nisi vitæ sanctimonia componatur, citius sordet, languet, deflorescit, emoritur.*

Cum igitur ille, qui, vt tibi videtur, à me iniuste reprehenditur, in hoc hominum genere, qui alios docent, vel se ipse constituerit, vel sit ab alijs constitutus, nec tamen emendationis eius exempla vlla tum ad nos peruenissent, quin illa in eum ad domesticos scriberemus, eidem tamen ipsi, si non me fallit memoria, veniam apud Dominum non negauimus, quasi non posset vitæ fieri emendatior, verum instaurationem exemplorum ad proximos flagitauimus, vt rectè viuendo primum, ac tum deinde docendo, nunquam desiperet. Nam in eo Euangelicæ eruditionis præcellenti nimis officio, vt veritas ait, *Si sal euaueris in quo salietur? Ad nihil valet ultra, nisi vt mittatur foras & conculcetur*

*sur ab hominibus* : Verumtamen si hæc mea in illum prouidentissima, vt ego sentio, cautio tibi durior visa est, consule conscientiam tuam, consule rationem & æquitatem, consule postremo bonos, & doctos, & sapientes, ac rerum magnarum experientissimos viros, & tunc demum tanquam de ligno Mosayco amariore aquæ amnis Marath è vestigio conuersæ dulcescent, vt quod tibi videbatur amarum, mella parturiat.

Neque enim quia vulnera non palpamus, sed pungimus, vt salubriter corrupta sanies producat; ideò inclementes habendi sumus: quum potius non solum periti in edici esse, sed planè pij, nemo, qui sapit, ambigit, si quando scientiore doctrina maluerit *dolendo sanare, quam tolerando perimere* (2). Contraque medicus ille crudelior omni ratione putabitur, qui parcens plagæ non parcat vitæ, & nè exasperet vulnus, saltem intercipit, aut magis profusus interimit. Eas namquæ dumtaxat ægrotationes solere medicos relinquere nouimus, easque plagas medicamentorum fomentis illi quidem sagaciter curare desistunt, quas sanitatem pristinam, aut morbo aut morte semel amissam, recuperare posse desperant. Cura igitur medicationis, & testimonium vitæ est, & spes quædam salutis, qua ad instaurandæ bonæ valetudinis finem, integro corporis robore peruenire sicut satagimus, sic ambigimus: Proindè bonæ quoque spei quisque credendus est, si fratribus diligentius medeatur, nec propterea pius non erit; si illud per desiderium sanitatis asperius egerit, dummodo hoc seruauerit. *Ne quid nimis.*

Quo certè sit, vt ne ipse quidem

bonorum monitor, durior à quaquam haberi debeam, tanquam medicator acerbior, qui studio sanandæ conscientiz, non temeritate perdendæ salutis, acriter de fratre, non modo ad homines, sed ad Dei seruos quidpiam scripserim, qui mecum pari desiderio, ac fortassis, pro illorum virtute animi, longè maiore, infirmitatem fratris ad purum ac perpetuo curari exoptant. Itanè tu nos putas adeò truces? vt solam seueram putemur habere pietatem, ac non magis piam seueritatem, quando & homines ipsi, & Christiani sumus, vt Religionis altioris, qua indigni censemur, fastigia sileamus: quæ planè cuncta in nobis nomina, veluti firmiora argumenta, signa ingentissima præferunt, oblatæ spontè clementiz, quando & homo immanitatem abijcens belluarum, lenitatem mansuetudinis affert, & Christianum nomen gratiæ vñctione demulcet, & religio indulgentiam erranti in nos fratri præterdit: Alioquin nec Religio vlla, nec humanitas prodest, & Christianum quoque vocabulum frustra personat, si illi in peccantes non inest pietas, propterea quod, & homo infirmitatis, & christianus suauitatis, & religio ipsa humanitatis nostræ nos admonet.

Scimus enim nos esse per passionem carnis ad resistendum peccato fragiliores, vt possimus & alijs cadentibus compati, quippe qui sumus & ipsi circumdati infirmitate: Non ignoramus instituti nostri misericordissimam disciplinam, qua atrocitas vindicantium imitigatur, cum in regula, quæ norma vitæ est, apertius dicitur, *cauere debent fratres, ne irascantur, & consurbentur, propter peccatum alicuius: quia ira, &*

*conturbatio in se, & in alijs impediunt charitatem.* Nouimus nos illum habere pastorem, qui perditam ouem humeris clementibus ad reliquas retulerit; qui propositam prodigi filij poenitudinem osculo pij Patris complexus, gaudio collacrymat, exceperit: atqui infimira huius generis sæpè legimus, et tenemus, amamus, docemus; ne non sit nobis inclementia sola seueritatis, sed potius seueritas pietatis: Si igitur corripimus, & diligimus, in eo laudandi sumus, quod bona duo pariter ista, coniungimus.

Tu si alteram solum malueris, in eo coarguendus eris, quod duo bona illa maxima ab inuicem separas: quæ si cognata non sunt, nec usquam bonum aliquid esse possunt; quum aut sola seueritas atrocem nimis, non hominem, sed latronem, aut sola clementia nimis effæminatam factura sit; quandoquidem in altero ferina crudelitas, in altero muliebris dissolutio parietur. Deo igitur miserante suppetunt nobis hæc omnia, quæ misericordiam pollicentur, ad eum ut possimus non solum inquietos corripere, sed etiam pusillanimes consolari, & eosdem, atque omnes patienter perferre: Verum ita censeo nobis misericordiam prædicandam, ut induti virilem animum, muliebrem molliciem, magno cum virtutis dedecore, minimè induamus; quum sanctos viros, ac vere viros, sæpè legamus, in castigandis insolentibus, nullius vnquam pertinuisse potentiam, non infamiam veritos, non insectationem timentes à veritate tutanda nullatenus destitisse. Nam quæ aliæ sunt causæ veriores, præter admodum paucas, cur noster Hieronymus, vir imprimis & fan-

ctimonia & eruditione præditus, nec minore celebritate famæ insignioris & autoritate toto orbe præclarus, tam graues obretractores in omni vira sua perpessus sit, nisi quod aduersus corruptorum hominum scelera, quos semper dure niomorderat, acrius depugnare contendit, rabidos canes claua increpationis percuriens, & perditos quoslibet in vitij carpens, zelo tuendæ veritatis, grauius infectatus est.

Quæ sanè, vel sola ratio, sicut sibi hostes complures acerbissimos peperit, ita quoque, & grauissimos viros, ac bonos rerum æstimatoros, qui pretium Christi, hoc est veritatis, se esse professi sunt, miro sibi amore conciliauit. Qui & ipsi, cum iudicio clariore fuerunt, hodieque non desunt, casta quidem sententia, præstantissimo testimonio Hieronymo extirere, non modo eloquentiæ, atque doctrinæ, quæ per se patent quam in illo excellenter præfulserint; verum etiam sanctitatis, grauitatis, virtutis, & quod ad causam, de qua agimus, documentum nobilissimum afert; ausu corripendorum, magno & libero animo malorum, flagitiosorum, perditorum cæteris præstitisse, merito præ dicatur. Qui etsi satyra, tamen salutari seueritate virtuosos adeo sapienter coarguit; ut, sicut facerrimis moribus, decentissimis motibus, ardentissimis exhortationibus, diligentibus veritatem aptè nimis atque elegantèr blanditus est. Ita quoque terribiliter plectere illos nouerat, quos de virtutibus virorum illustrium perditæ agitato, æmula cum inuidia amaros liuor æquiore pœna torquebat.

Huius beatissimi viri, ad profliganda ex hominibus vitia, pro sua  
in-

ingenti virtute, ac sanctitate ardentem in malos animum, erectam linguam, armatum calamum, cruciatam pietate manum, imperiti quidam, & stolidi homines, & quæ Dei sunt, minime capescentes, de animi impetu, de impatientia mentis, de atrocitate naturæ, deque libidine vindicandi seipsum, manare procaci temeritate existimant; peruersa planè sententia, atque impio sensu truxem illum, non grauem oratorem potius arbitrantur? Hi penitus neficii sunt, & omnino ignari, eam cœlestis reuera æmulationis in beato pectore flammam, non nisi de zelo piæ scruentis iustitiæ, tanquam de fornacæ ardentissimæ charitatis, suauiter conflagrasse. Qui tamen eius amor, ut fragiliores, pro quibus emendatis, aut emendandis emori maluisset, cum carnem saperent, inique accipientes, offendit; ita quoque sanos, & integros nimis delectat, proculdubio rectè putantes ea vel maxima, fortissimæque virtute Deo placuisse Hieronymum; qua & Moytes, & Phinees, & Elias, & Matathias, & Ioannes quoque Baptista, ac reliqui constanti virtute præstantissimi viri coram Domino claruerunt. Quorum omnium ad gerendas causas Dei tantum ardentis zelus, & intrepidæ mentis, aduersus impios virtus enituit, ut nullorum de rerum probè gestarum eminenti splendore, minus reprehensionis & plus laudis in scripturis sanctis reperias, si diligenter obserues, quam illorum, quorum pro Deo probandæ æmulationis, & sanctæ impatientiæ feruor, contra impudentes excanduit.

Huius generis exemplis virilibus nos cdocti, Paulè Frater, & cum

scribimus, & cum dicimus, errantes reprehendimus, ingenio quidem mites, etsi increpationibus nimium mollibus hominibus videamur atrocis. Sed tu frater, ut te sentire coniectamus, pariter & perspicimus, alia longe via incedis. Nam ita te delectant duæ postremæ apostolicæ clausulæ, consolamini scilicet pusillanimes, patientes estote ad omnes, ut primæ profus obliuiscaris, qua præcipitur debere corripere inquietos, in quo planè iniquus iudex facile comprobaris, nec via regia liberius pergere, per arma iulitiæ à dextris & à sinistris, sed offenso & obliquo magis itinere, & male utrinque deflexo calle, deuia quæque carpere. Nam ubi inter hæc mollia tua documenta fraterna erit correctio? quam Dominus de abditis peccatis dumtaxat fieri præcepit, quum de palam productis non ita fieri opus sit. Cauendum itaque tibi summo opere censeo, ne per lenitatem misericordis, remissio seueritatis sit abolitio veritatis, si licentiosa compassio iustitiam propulsare conetur: quoniam sapientissimus, ac piissimus ille noster Samaritanus, nec vinum sine oleo, nec oleum sine vino vulneribus erepti hominis à latronibus tantum adhibuit; sed, meliorem consilio, vtrumque permisit.

Nos abundantiore clementia vsi, qua de re gratiam potius nobis quam indignationem habere debuisti, fecimus obiecta monitione, quod aperta increpatione facere poteramus, & quod commodius arbitrati sumus, per intermedios fratres, qui possent præsentibus ore suo secretius corrigere fratrem, quam ego per literas illius generis, hoc est, seu dulciores, seu asperiores, potuissem absens vnquam

efficere. Longe nempe vis alia persuasione est, eademque praestantior, si coram & gestu, & verbis, & ore, & voce, & vultu, & oculis ad bonum homines exhortemur, vel a malis deterreamus; quam si mortuis, vt ita dicam, apicibus caula vlla agenda sit, cum in praesentia quidem corpore facta pronuntiatio in mentem ipsam, tanquam illam manu orator contrectet, viuaciter explicet, in absentia vero industria literarum, quamuis cultarum, negligenti quodam & velut emortuo simulacro vix corpus affingat.

Sed quoniam quatuor iam apostolicæ sententiæ locos insignes passim per omnem Epistolam, vt sumus polliciti, explicauimus, & ad finem currit oratio, omnem sermonis nostri modum, ad te Paule frater conuerto. Amicum illum, de quo ca scripsi quæ mihi certè iustissima visa sunt, si fortè ex veritate, quæ fragilibus amariore esse solet, mæstior factus est, *non graueris* (te oro) *illum meo nomine blandius consolari*, (3) cuius certè me amicum profiteor, si se tamen ad frugem melioris vitæ conuerterit, aut quàm forte iam perfectè conuersus sit, quod neque ipsi factum inficimur, neque in dies forte id, quod reliquum superest, diffidentia exterriti desperamus: eidem me ipsum, & totum, & sinceriter dedo, siquidem in quo cœpit, auctore Domino, conetur dedita opera veraci integritate persistere. Nec si frater est, acriter ferat, quod æquissimo animo ferendum esse & equitas ipsa, & ratio omnis consulta bene institutis animis facillè persuadet. Equidem quod ad meam sententiam, ac iudicium attinget, rectissimè, vt opinor, de-

illo sum ratus, vt scilicet homo longioris, & quod est maius, notæ vbiq; impuritatis, & si correctus iam sit, humiliores tamen prius pœnitentiam multiplicis errati subiret, quam eminentiam illam tantam loci superioris procaci temeritate conscenderet, deque suggestu honoris peruersa animositate contenderet, vnde tandem elatus corruat, & vnde, necdum plenius docendis ab illo hominibus dignissima satisfactione conciliatus, turpiter rideatur: non tam docturus populos, quam ea, quæ docuerit, per contemptum eorum, quibus scandalo fuerat, funditus euerfurus.

Nam ea natura est illius Apostolici rostri, quod religiosus pulpitem nominamus, vt quemadmodum, sensu graues, doctrina præditos, & nitore vitæ, ac fama fulgentes, præclaros viros altius efferat; ita quoque, si qui inepti, ac leues, si qui ignari, ac impuri, atque obscuro, in illud ad agendas causas temere se ingesserint, abijciantur, propellantur, contemnantur: & eo ipso loco amplissimo, omnique frequentia hominum, nescio quo spiritu, conclamantibus horribiliter cunctis, abominabiles conspuantur; ac si symia, quæ altius prouecta, & plus conspecta, patientibus, vt dicitur, natibus, plus despicitur. At vero vt, quæ nostræ partes esse videntur, digno titulo terminemus, nobis omnibus imprimis, Paule frater, rectè agendum est, si boni esse velimus, curandumq; magnopere, quominus argutos homines, sed integros viros potius imitemur: sunt enim qui ineptias suas fraudibus mendaciorum celantes, homines se ostentent, quum monstra sint, & arte dæmoniaca quo-

tidie fallant nullo negotio imperitos; magnoque detrimento veritatis, per speciem sanctorum simulant probitatem, quam perditissimis moribus nequiter persequuntur.

Ab his, ut semper diutius longè absumus, ille nobis rogandus est, qui factiones theatralis impietatis, & larvalium morum spurcitas execrat, cordaque hominum probans, renes quoque & animos intima contemplatione scrutatur: talesque cupit habere seruos, quibus simplicitas pro sapientia, rectitudo pro fortitudine, timor pro tutela aduersus compugnantes Dæmones computetur. Quo quidem excellenti fastigio ille Beatus

Iob, inuictæ patientiæ murus, & constantiæ firmissimæ decus, præstitisse cunctis mortalibus prædicatur, Domino asserente ad Sathan ac dicente: *nunquid considerasti Seruum meum Iob, quod non sit ei similis in vniuersa terra vir simplex, & rectus, ac timens Deum, & recedens à malo: Quod genus eximie laudationis, sicut de illo scriptura trina repetitione congescit, ita nobis, Paule Frater, diuinitus tribuatur in Sanctæ atque indiuiduæ Trinitatis, & fide & dilectione, atque actibus bonis omnem vitam nostram rectè degendam stabili sanctitate consumere: Amen. Vale ex Brixia 1446.*

## N O T A E.

## Nota I.

*Quod quaedam in fratrem illum &c.* Ex his, alisque B. Alberti verbis, duo mihi colligenda censeo, alterum non paruum partem Scriptorum eius nobis deesse, quæ vel omnino perierint, vel adhuc in tenebris delitescunt. Nam imprimis nihil in hunc hominem editum nobis suppetit. Deinde Vvadingus affirmat eum aliqua Græcè scripsisse: sed horum nihil hodie superesse videtur. Et sane credi non potest hominem tam eruditum, & calamo, linguaque promptissimum, & eloquentem, in summis ordinis & Ecclesiæ negotijs, per plures annos in Italia & Oriente occupatum, præcipuis eruditionis in Italia capitibus familiarem, Principibus, & Primis Ciuitatibus proficuum & charum, non plures fortassis dedisse literas, & orationes, & negotiorum monumenta, tum Græcè ad Græcos, tum latine ad reliquos Ecclesiæ Ministros, in Oriente, & in Occidente, Principes, Prælatos, & amicos, quam omnia fortassis quæ nos hic proferimus: ex quibus multa non ordinis tan-

tum, sed Ecclesiæ ipsius & Principum, atque ipsius Eugenij Pontificis negotia, & diuersa, aduersaque studia circa Basileensem, & Florentinam Synodum, & schisma Felicianum, si extarent, dissecare possemus: nec nuda vel obscura, sed ipsius eloquentia, & explicandi facilitate elarius explicata, & eleganter ornata, præter plurimas Epistolas, quas in his extantibus ipse se scripsisse testatur, sed quæ nullibi comparent. Cur autem non extant, præter edax rerum tempus, non aliam inuenio rationem, quam quod partim negotia Secretius magis tractanda, quam publico communicanda fuissent; partim etiam supinam incuriam Fratrum, in quorum manibus relicta fuerunt; Nam ipsa diplomata, & decreta originalia Eugenij Pont. & Concilij Florentini, quæ ad ipsius ministerium spectabant, adeo malè habita fuerunt in Cœnobiolo Citronensi, ut Fesulas non ante annum Christi 1615. circiter ea transferri oportuerit, & melius collocari; idque zelo, studioque vnius Patris Ultramontani, apud Antouium à Trejo, Generalem tunc Ordinis Vicarium, interposito, ut fu-

fufus narrat Vvaddingus, ipfius Treij familiaris, & Regiz eius ad Paulum Quintum Pontificem Legationis Theologus, pro Immaculatæ Conceptionis Matris Dei honore promouendo.

Alterum quod colligo est, B. Virum, non obtraktionis, inuidiz, aut maledicentiz affectu, vel hanc Epistolam contra malz vitæ prædicatorem, vel alteram aduersus Quæstorem, aut alia id genus scripsisse: sed ordinis conseruandi decoris & famz, auertendique sæculi scandala, & verbi Dei contemptum, ipsorumque malorum hominum emendationis, & salutis zelo, & summa charitate, & prudentia; tum quod ad eos tantum scripserit, qui intra Religionem, vel familiaribus monitis, vel authoritatis vsu, ea mala auertere, & possent, & ex charitate, ac officij iustitia deberent; tum quod ipse in hæc & alijs epistolis id solidè demonstrat, quod ipfius, & sanctitatem, & scientiam, & zelum boni communis, & publicum prædicandi munus maximè decebat.

## Nota II.

*Dolendo sanare quam tolerando perimere.* In margine huius loci nostri codicis insignis eiusdem sensus est sententia S. Hieronymi, quam cum absque verborum alteratione textul inferere non potuerim, malim hic adnotare, quam omninò omittere. Sic autem se habet: Putridæ carnes ferro indigent, & cauterio: Non est medicinz culpa, sed vulneris, cum crudelitate elementi non parit Medicus, vt parcat: sicut vt misereatur: in *Epistola ad Amandum.*

## Nota III.

*Non graueris illum mzo nomine blandius consolari.* His, præter cætera, manifesta sit charitas, & compaffio Alberti versus peccantes, ipsumque acrius increpantem, non homines, sed vitia, & scandala publica persequi voluisse.

## EPISTOLA CXXV.

BEATISSIMO PAPÆ NICOLAO.

## ARGVMENTVM.

*Hoc anno ab Incarnatione Domini non à Natiuitate computato 1446. die 23. Februarij obiit Eugenius Quartus laudatissimus Pontifex, & successit illi non minoris virtutis die 6. Martij Thomas Sarzanensis, Nicolaus Quintus appellatus. Huic pro reuerentia Sedis Apostolica scribit Albertus, Eugenij mortem amare lugens, Nicolao ipse omnem felicitatem, & Apostolicas vires ad sustinenda dignitatis onera precatur, suaque obsequia, sicut Eugenio præstitit, sic ipse humiliter offert.*

**L**Vtuosissima nouæ cladis atrocitas, & recentis orbitatis molestissimus mæror, Nicolæe Papæ Sanctissime, atque omnium Pontifex maxime, quo Deus noster

solus bonus, solus omnipotens, siue per misericordiam siue per iudicium. nescio, suaueolentis memoriæ Eugenium, olim Beatissimum Orbis Papam, sed nunc, vt mea fides fert,

in

in cælis longe beatiorem, parentem, quidem communem omnium Christianorum, *verum peculiariter nostrum*, (1) de medio rerum mortalium nuper eduxit, eripuit, abstulit, me planè miserum, atque plangentem, tam grauissimæ, tamque inclementi doloris acerbitate vexauit, hodieque vexat & angit, vt nullo me (si tibi, vt par est, in hac re mea fragilitas palam pateat) neque fortitudine aut consilio regere, neque temperantia qualibet à mærore valeam continere. Quo fit, vt qui mihi potissimum apud te, qui illum tanto officiorum studio meritò excolbas, illius licet sanctæ defunctionis, imo dormitationis in Domino grumiosam calamitatem, quod ad nos attinet, deplorandam statueram; ea inter multos, ne dicam, supra multos molestia animi afficiar, quæ me ipsum magis plangere, ac mærere, quam illum lamentari compellat. Verum ratio consulta, à luctu grauiore me reuocans, spe quidem futuræ erga electos Domini misericordiæ consolatur, sed nec minus præfenti compensatione bono animo iubet esse: nam æger animus meus, qui de illius religiosæ vitæ absentia nunc quoque vehementius cruciatur, à sua defectione magna ex parte eleuatus est: quandoquidem tuam Beatitudinem, illius Summi Apostolatus fastigium, summa cum pace Ecclesiæ (quod omnibus atque omnium maximè mirum est) prouidentia diuina iussit accipere, & si accommodatius dicitur, præcepit ascende-

re: vt tu qui diu, & tua sponte, & Deo faciente, *in postrema mensa recubuisi*, (2) repentina promotione inuitantis ad nuptias subito ad summa prouerheris. Qua de re fieret, vt sicut probata sanctione veritatis coram simul discumbentibus tibi honos accreuisse dignosceretur; ità tu quoque loci humilioris, vnde ad altiora traiectus es, perpetua recordatione admonereris: quo in altero gratus, in altero non elatus, & stabili firmitate, & firma stabilitate confirmareris: Sed tibi in summa rerum posito cum maximis præsidijs opus sit; cumque ipse, aut, quod dicitur, noctua Athenas, aut sus Mineruam, imò Magistrum Ecclesiarum docere non debeam, neque negotiosissimo esse oneri, plura quidem dicenda, si tempus ac facultas suppeditarent, melius ad Deum oratione concludam. Ad onera ergo ingentia tanti honoris, vt sapientiam Pauli in disponendis, vt mansuetudinem Moyse in tolerandis, vt Petri constantiam, & auctoritatem in coercendis, ita quoque integritatem, ac sanctimoniam Apostolicam tibi diuinitus tribui & opto, & spero, & peto: & si Domini misericordia largiatur, conatibus orationum exoro. Ego vt finem faciam, & si nullius momenti sim, pro virili mea, cum opus erit, de munere Christi, is tibi futurus sum, qui sanctæ memoriæ Eugenio hæcenus semper extiti: Dominus te tueatur omnipotens, Beatissime Papa. Ex Ferraria 1447. xv. Martij.

## Nota I.

*Verum peculiariter nostrum.*

Non se solum, sed totius Franciscanz Regularis Obseruantiz professores intelligit, erga quos paternam Eugenij & peculiarem diligentiam sic breuiter explicat Vvaddingus tom. 5. anno 1447. num. 5. plurimum ei debet Minorum sodalitiū, praesertim a pars, qua ab Obseruantia Regulari nuncupatur, mirum in modum, & celeri incremento eius auxilio & fauoribus propagata. Alberto nostro nihilominus quam peculiariter additus fuerit vel diplomatum eius verba, à nobis alibi descripta, demonstrant.

## Nota II.

*In postrema mensa recubisti, & repentina promotione.* Erat Thomas Medici Sarzanensis filius: dum Bononiae pennis litteris incumberet, B. Nicolai Albergati, illius Urbis Episcopi, viri vitæ sanctimoniam, doctrinam & rebus pro Romana Ecclesia fortiter, prudenterque gestis celeberrimi, patrocinio positus, eiusque liberalitate sic adiutus est, vt Philosophiz, & Sacre Theologiz lauream, cum pietatis & doctrinæ

laude adeptus sit: Hinc Episcopi familiaris praefectus, & Ecclesiae Cathedralis Canonicus euasit, atque ex tam paruis initijs, & ex vltimis Cardinalibus Eugenij, tanquam à postrema mensa euectus, eodem anno se Bononiensem Episcopum, mox S. R. E. Cardinalem, ac Summum Ecclesiae Christi Pontificem admirari potuit: Vvaddingus tom. 5. ad annum 1447. num. 6. refert trinam Beati Ioannis Capistrani prophetiam de futuro Thomæ Summo Pontificatu: scribunt etiam authores Vitæ B. Nicolai Albergati, cum in Caelis Beatum, Thomæ per somnium apparuisse, eandemque dignitatem illi praedixisse: quibus non sunt dissimilia eadem de re somnia, alteram ipsius Nicolai Pontificis, alterum Friderici Imperatoris, quæ refert Aldouus, in additione ad Ciaconum nouissimæ editionis: vt non immerito (vt ibidem habet Ciaconus) Cardinalis Portugallensis, è conclauis egrediens, interrogatus, quem Pontificem creasset, responderit: *Non nos Nicolaum, sed Deus Pontificem elegit, & destinauit.* Certè Nicolaus ab actis sui Pontificatus egregiam laudem, famamque retulit, in quo vbiq; Deum sequi conatus est.

## Ad Lectorem animaduersio.

**I**N Prologo ad B. Alberti Opuscula, benigne Lector, promisit compilator in Epistolis profrendis ordinem temporis obseruare, idque quo ad annos facile prestare potuit, & re ipsa praestitit. Sed quia earum pars magna è Codice Capistranensi, posterius allato, desumpta est, in quo, quanquam anni, locique nota singulis sit adscripta, sed mensis, & dies non vbiq; adnotatur; non adeo facile fuit, ordinem dierum vel mensium intra annum obseruare; Licet ergo vel coniecturis ex materia ipsa capiendis, vel alijs indicijs colligi potuerit, quæ prius, quæ posterius eodem anno scripta fuerit, maiori tamen temporis, & laboris compendio visum est eum ordinem obseruare, quo in ipso Codice scriptæ sunt, coniecturas illas notis, vbi opus fuerat, adiunctis referuando. Quod ad ipsas Epistolas pranotandum erat: quod, nescio quo errore, omissum fuit: unde hic ad calcem animaduertendum duximus.

## I N D E X

## R E R V M N O T A B I L I V M.

*In quo prior numerus paginam; secundus columnam designat.*

## A.

- A**brahama ubi vxor ablata. 110. 1  
 Academia Senensis triumpham  
 B. Alberti in Coelum conscen-  
 dens perleganter describit. 103.  
 Non minus tamen veraciter. 116. 2.  
 Aeneas Syluius B. Albertum collaudat.  
 86. 2.  
 B. ALBERTVS post S. Bernardinum inter  
 quatuor Regularis Observantiae lu-  
 mina professione Franciscana primus.  
 2. 1. 106. 2.  
 Tribus alijs Reg. Obseru. columnis la-  
 boribus, vitae sanctimoniae & miracu-  
 lis non impar. Ibid.  
 Beati titulum à 230. annis & amplius  
 possidet. Ibid.  
 Beatitudinis cultum ab Apostolica Se-  
 de non obtinuit. 2. 2.  
 Eius acta suis Annalibus sparsim inse-  
 ruit Vvadingus. Ibid.  
 B. Alberti patria. 3. 4. & 5.  
 Qui Mediolanensem faciunt, qui Sar-  
 thianensem & Tuscum. 3. 1.  
 SARTHIANUM Tusciae Oppidum demon-  
 stratur eius patria. Ibid. & 95. 1.  
 Eius Parentes & Familia. 5. 2.  
 Natiuitas. 6. & 7.  
 Sub quibus Magistri studuit. 6. 2.  
 Quo anno habitum suscepit. 8. 2. 106. 2.  
 A Conuentualibus ad Obseruantes mi-  
 grat. 10. 1. 95. 2.  
 Praeceptor eius Angelus Tuscus qualis.  
 Ibid.  
 Ad Graecas literas addiscendas se con-  
 fert. 12. 1.  
 S. Bernardinum concionantem sequi-  
 tur. 12. 2.  
 Mutinam praedicaturus mittitur ab eo-  
 dem. Ibid.  
 Mutinae factiosos euellit, pacem inter

- Ciues conciliat. 13. 1. 78. 1.  
 In ludorum pestem scriptis inuehitur.  
 13. 2.  
 Labores praedicandi postquam semel  
 assumpsit, nunquam dimisit. 14. 1.  
 Rex praecorum vulgo acclamatus. Ibid.  
 Erga peccatores suavis, in vitia acer &  
 vehemens. 14. 2.  
 Varia inde pericula incurrit. 15. 1  
 Temperare aliquando sibi in hoc vo-  
 luit suadentibus amicis, sed spiritu  
 impellente non potuit. 15. 1. & 2.  
 Sfortiae Ducis aulici inde illi necem  
 moliri cogitant, sed Dux ipse vetat.  
 16. 2.  
 Magno fructu vbique praedicat. 17. 1. 201.  
 Millia hominum 60. & subinde plura  
 eius concionibus interfuit. Ibid. 217.  
 Dyzmonem in Cerui forma assistentes  
 terrentem fugat. 18. 1.  
 Non dicendo tantum, sed etiam scri-  
 bendo hominum salutem promouet.  
 Ibid. 217.  
 Poggium Florentinum in Religiosos in-  
 uectum confutat. 20. 1.  
 Praedicationes parum conuenientes pru-  
 denter declinat. 21. & seqq.  
 Antonij Panormitani fœdum libellum  
 voce, & scripto persequitur. 27. 1.  
 Author fuit Principi Estensi ferendi le-  
 gem contra caudas mulierum. Ibid.  
 In obsequium Pontificis segregatur. 28. 2  
 Mittitur à Pontifice Ierosolymam. Ibid.  
 Quid ibi egerit. 29. & 30.  
 Fratres carcere Saracenorum detentos  
 ad perseuerantiam & martyrium hor-  
 tatur. 30. 1.  
 Rediit in Italiam. 30. 2.  
 Apostatam à fide reducit. 31. 2.  
 In Orientem secundo proficiscitur cum  
 literis Pontificis ad varias Nationes  
 inuitantibus ad vniionem cum Eccle-  
 sia Romana. 32. 1.

- Instituitur Commissarius Apostolicus in partibus Orientis 32.2.85.1. & 2.  
 Decretum Vnionis & literas Pontificis Patriarchæ Alex. & Coptis tradit. 33. 1.  
 Cairum appulsus Sultanum alloquitur. 33. 2.  
 Cum Saracenis de fide disputat. ibid.  
 A Sultano condemnatur ad mortem. lb.  
 Liberatur per Catholicos & Mamaluchos. lbid.  
 In Indiam & Aethiopiam professionem tentat. 34. 1.  
 Morbo impeditus Socios mittit. 34. 2.  
 Redit solus in Aegyptum ad Iacobitas. 35. 1:  
 Inedia oppresso in solitudine cibus miraculosè subministratur. 36. 1. 98. 1. 100. 2.  
 Legationem Iacobitarum ex Aegypto Florentiam ducit. 36. 2. 38. 2.  
 Occurrit B. Bernardinus Senensis, & quid intercessit. 38. 1.  
 Cortonæ prædicat 38. 2.  
 Florentiam cum solemnî pompa ingreditur. lbid.  
 Interpretis officio fungitur in Concilio Florentino. 39. & 40.  
 Præter assentiâ in Concilio alia Pontifici præstat obsequia. lbid.  
 Quid pro Terræ Sanctæ meliori Regimine egerit. 41. & seqq.  
 Fit Minister Prouinciæ S. Antonij. 46. 2.  
 Instituitur à Pontifice Vicarius Generalis Ordinis. 47. 1.  
 Sigilla Ordinis tradidit ei Pontifex, quibus tamen ob eximiam humilitatem non nisi semel durante officio vsus est. 47. 2.  
 Literas encyclicas ad Prouincias mittit. 48. 1.  
 Comitia generalia indicit. lbid.  
 Bernardinum Senensem suum Commissarium Capriolæ instituit. 50. 1.  
 Ioannem Capistranum in Prouincijs Ultramontanis Commissarium, Visitatorem & Reformatorem delegat. 50. 2.  
 Reducere conatur à schismate Mathiæ Doringum Ministrum Saxonæ. 51. 2.  
 Ioannis Baccalaurei audaciam frangit, & ab vsurpato gradu iubet deponi. 52. 2.  
 Fratres Patavij apud sæculi potestates se mutuo criminantes hortatur ad respicientiam. lb.  
 Remedij difficultate comperta scribit ad Pontificem, modum insinuans, quo suauiter possint compesci. 53. 1.  
 S. Bernardinum pro concionibus Mediolani & Ferrariæ habendis à se postulat ad proficiscendo excusat. 53. 1  
 Reo cuidam inflatæ pœnæ æquitatem, tuctur apud Prælatos, ad quos recurrerat. lbid.  
 Magistrum gradu male acquisito, iussu Pontificis deturbat. 54. 2.  
 Famæ eius maligni detrahunt. lbid.  
 Poggio Florentino de eiusmodi detractione momenti respondet, & obiecta diluit. lbid.  
 Scipioni Episcopo Mutinensi ambitum dignitatum suggerenti respondet, & non esse ambiendas doctè demonstrat. 55. 1. 383. & seqq.  
 Magis dilexit sibi locum humiliorem, quam honorem procurantes. 55. 2.  
 Ad Comitia Generalia conuenientibus necessaria omnia suppeditat. 56. 1.  
 Patribus ad electionem congregatis latinè perorat. lbid. & 149. & seqq.  
 Graues in Comitij excitatos tumultus compescit. 56. 1.  
 Senis agit cum Pontifice pro redemptione sociorum apud Barbaros in Oriente detentorum. 57. 2.  
 Obtinet à Pontifice quingentos aureos, qui supererant expensis Capituli Generalis, pro eorum liberatione impendi. lbid.  
 In eundem finem scribit ad Martinum Venerum Terræ Sanctæ procuratorem. lbid.  
 Pontifex B. Albertum suum Nuncium ad Patriarcham Aquileiensem ablegat contra Saracenos. 58. 2.  
 Iubet illum Pontifex Iacobo Primadicio in reformandis Cœnobijs Constantinopolis, & Cassæ auxilium ferre. 59. 1.  
 Assisij Ciuitatem, & Tusciæ Ministrum Pontifici commendat. lbid.  
 Instat apud eundem ne Mare magnum reuocetur. lbid.  
 Migrat ad Insubres. lbid.  
 Quotidiane prædicationi intendit. 59. 2.  
 Brixiam proficiscitur. lbid.  
 Brixienfes ad pacem componit, cuius pæcta

- pãta in publicas tabulas redigi curat, & Veneti Senatus consulto roborati. *ibid.*  
**Duo** Sanctæ Claræ Monasteria ibidem ædificari curat. *ibi.* & 60. 1.  
 Lombardiam vniuersam prædicando percurrit. 60. e. 1.  
**Nominis** Iesv venerationem, & cultum populis inculcat. *ibid.*  
**Thomasio** Bibio regio Medico suadet è Cypro recessum. 61. 2.  
**Epistolis** scribendis, dum vacat, intendit. *ibid.*  
**Monñlium** dissidia Mediolani opportuno à Pontifice obrento remedio sedat. *ibid.* & 62. 1.  
**Ad Patres** Prouinciæ Mediolanensis in Comitijis congregatos scribit. *ibid.*  
 De malitia inuidentiæ, & conditione amicitie, dissertationem conscribit. 62. 2. 397. & seqq.  
**Negotium** sibi comendatum prudenter refutat. *ibi.*  
**Humili** loco nasci nihil ad virtutem officere demonstrat. 63. 1. 404. & seqq.  
**Paupertatis** & charitatis zelo flagrat. *ib.*  
**Concionatore** sua culpa priuatum officio, monet non tam cito restituendum. 63. 2.  
**Episcopo** Brixienti magno studio illum euocanti sese excusat. 64. 1.  
**In Hispaniam** proficisci desiderat. 64. 2. & 65. 1.  
**Pontificis** & sui Superioris mandato Ferratiam prædicaturus proficisci iubetur. 65. 1.  
**A Brixientibus** ad suas discordias extermindandas postulat. 66. 1.  
**Nouiter** eorum Præfulem Ferrariensem gradus, & officij eruditè monet non sine fructu. 66. 2. 78. 2. 424. & sequent.  
**Brixiam** profectus eiuum dissidia secundò componit. 67. 1.  
**Castitatis** cultum commendat. *ibi.*  
**Eruditum** scribit commentarium de corripendis insolentibus. *ib.* & 436. & sequent.  
**Scribit** ad Nicolaum V. & mortem Eugenij IV. amarè luget. 67. 1. 449. 1.  
**Omissa** Hispanica professione Mediolanum proficiscitur. 69. 1.  
**Mortur** ibidè in festo Virginis Assumptæ. 69. 2.
- Animam** illius Cælum ascendentem speciosam, & pulchram vidit B. Io. Capistranus. 70. 1. 88. 1. 90. 2. 91. 2. 92. 1. 93. 2. 97. 1. 100. 1. 101. 2. 102. 1. 103. 1  
**Sepultus** est in Cænobio S. Angeli Mediolani, sed quo loco, non produnt Authores. 70. 1.  
**Miracula** post mortem operatur. *ibid.*  
**Vbi** conferuntur eius Reliquiæ. 70. 2.  
**Maiora** Alberti Miracula in conversione Infidelium, hæreticorum, Schismatorum, Apostatarum à fide. 75. 1.  
**Nicolaum** Venetum à fide Apostatam quomodò conuerterit. 31. 2. 75. 2.  
**Quanta** eius erga Mediolanenses charitas. 69. & 77.  
**Petrum** cognomine Bonum quomodo ad meliorem vitam reducerit. 78. 1.  
**Peccatorem** consuetudinarius qualiter ad vitæ emendationem direxerit. 14. 2. 78. 2.  
**Minora** B. Alberti miracula, quæ vulgò miracula dicuntur. 80. & 81.  
**Quibus** terminis essent Scriptores B. Alberti miracula. 80. 1.  
**Cur** illa in specie non referant. 80. 2.  
**Quædam** illius miracula in specie. 81. 1.  
**Epistolæ** eius duæ, propria manu conscriptæ, vt sacræ Reliquiæ Sarchiani asseruantur. 82. 2.  
**De** illius cultu, & titulo Beati. 81. 2. 82. 1.  
**Liber** Missalis eiusdem, veluti sacræ Reliquiæ, in Conuentu S. Francisci Cortoneusi asseruatur. 83. 1.  
**Item** Codex M. S. in Ecclesia Fratrum Minorum Capistrani. *ibid.*  
**Alberti** virtutum, Miraculorum & Beatitudinis fama constantibus Scriptorum testimonijs perpetua. ab 83. ad 104. Vide *Encomia B. Alberti.*  
**Ambitio** dignitatum quam fugienda. 383 & seqq.  
**Antonius** Magliabechus Magni Ducis Bibliothecarius. 109. 2.  
**Antonius** Raudensis humili loco natus ab Alberto defenditur. 63. 1. 405. & 406.  
**Antonius** à Rusconibus sanguine, doctrina alijsque dotibus clarus, in Ministrum Generale electus B. Albertum in administratione Prouinciæ S. Antonij reluctantem confirmat. 56. 1.  
**Armenos** ad Concilium Florentinum. du-

ducunt Minores. 32. 1. 96. 1.  
 Arruri à Monasterio de B. Alberto rela-  
 rio. 96. 2.  
 Aferus quomodo poeticum spirituum  
 accepit. 107. 2.

B.

**B** Artholomæus Iauentis. Vide *Iaco-  
 bus Primadicius*.  
 Bartholomæus Pisanus regularis vite  
 zelo & pietatis exercitijs additus.  
 9. 1.  
 Beral in Tyrocinio magister. 9. 2.  
 Bartholomæo Rouelle collarum Epif-  
 copatum aggraturatur B. Albertus.  
 65. 2.  
 Beari titulum quam constanter obtine-  
 rit B. Albertus. 81. 2. Vide *Testimonia*  
 & *Encomia*.  
 Berdini non Bendingi B. Alberti cogno-  
 men. 116. 2.  
 Bergamum appellit B. Albertus. 63. 1.  
 B. Bernardinus Senensis Albertum com-  
 mendat curæ Frarris Angli Tusci.  
 10. 1.  
 Occurrit Legationem solemnem du-  
 centi ex Aegypto, & monet humili-  
 tatis. 38. 1.  
 Deponit officium Vicarij Generalis.  
 50. 1.  
 In Sanctorum Catalogum refertur.  
 69. 2.  
 Bibio. Vide *Thomasio*.  
 Blondus Flavius B. Albertum collaudat.  
 90. 2.  
 Borius Princeps Estensis B. Bernardi-  
 num instanter petit ad quadragesimæ  
 conciones. 53. 1.  
 Brixienfes ad pacem stabilem inducit  
 B. Albertus. 59. 2.  
 Brixienfis Episcopus magno studio ad  
 suam Ciuitatem vocat B. Albertum.  
 64. 1.  
 Brixie duo Monialiū sub Regula S. Cla-  
 ræ construi facit Monasteria B. Alber-  
 tus. 59. 2. 60. 1. 79. 1.  
 Brixienfis Populus B. Albertum per nun-  
 cium vocat ad suas dissensiones com-  
 ponendas. 66. 1.  
 Bullæ sedecim Eugenij IV. ad B. Alber-  
 tum seruata in Conuentu Cetonij.  
 92. 1. 94. 2.

C.

**C** Alamitates Regni Cypri. 61. 2.  
 Caprius Socios liberat B. Alber-  
 tus. 58. 2.  
 Cardinalium Pontifici assententium da-  
 B. Alberti prædicatione iudicij. 86. 2.  
 Catholici Christiani Cayri Albertum à  
 morte liberant. 33. 2.  
 Casarina Bononiensis B. Albertum per  
 quinque continas horas prædicantē  
 auscultat, nec interea panis in furno  
 comburitur. 96. 2.  
 Cerni forma velatum Dæmonem fugat  
 B. Albertus. 18. 1.  
 Ceruinorum Familia clara. 100. 2.  
 Christus Beatum Albertum in deserto  
 cibo, & colloquio mirabiliter recreat.  
 36. 1. 98. 1. 111. 2.  
 Codex M. S. B. Alberti consecratur Cap-  
 pistrani in Ecclesia Fratrum Minorum  
 velut SS. Reliquiæ. 83. 1.  
 Comitia Gener. indicit B. Albertus. 48. 1.  
 Ad ea conuenientibus necessaria om-  
 nia suppeditat. 56. 1.  
 Concionatorem ob flagitiosam vitam  
 officio priuatum censet non tam cito  
 restituendum. 63. 2. 446. 2.  
 Concionator quantus & qualis B. Alber-  
 tus. 14. & seqq. Vide *Testimonia*.  
 Concilio Florentino adfuit velut inter-  
 pres. 39. 2. 95. 2.  
 Concilij Florentini acta publica luce do-  
 nat Laurentius Iustinianus. 2. 2.  
 Conuenticales B. Alberti rigorem ex-  
 perti consistere recusant eius electioni  
 in Ministrum Generalem, & turbas  
 excitant. 56. 2. 94. 1.  
 Corpora Sanctorum plura nos latent, &  
 petierunt, quam patent aur nobis no-  
 ta sunt. 71. 2.  
 Cosimi Medices in construenda Biblio-  
 theca studium inueniunt B. Albertus, &  
 Bernardinus Senensis. 25. 2.  
 Crucis Christi pars in veteri theca, ab  
 Helena Constantini matre fieri iussa,  
 in Conuentu Fratrum Minorum Cor-  
 tonæ asseruata. 38. 2.  
 Crucis Christi pars, quam B. Albertus  
 Constantinopoli secum tulerat, con-  
 seruata in Conuentu Cetonij. 96. 1.  
 Crucē in manu gestans B. Albertus præ-  
 dicat in diuersis mundi partibus, &  
 multos Infideles conuertit. ibid.

Cul-

Cultus B. Alberti. 81. 2.  
 Cur cessauerit. 82. 1.  
 Cypri Insula occupata à Saracenis. 61. 2

## D.

**D**elinquentes sua peccata excusare,  
 & Iudicis æquitatem incusare so-  
 lent. 54. 1.

Deus quomodo vita animæ. 73. 1.

Dignitates non ambiendas suo exemplo  
 & erudita lucubratione docet B. Al-  
 bertus. 55. 1. 388. & seqq.

Dionysius à Pulinari B. Albertum com-  
 mendat. 90. 2.

Doctrina SS. Patrum de duplici genere  
 miraculorum. 71. & seqq.

Doctrinæ dotibus insignes tontis nomine  
 intelliguntur. 107. 1.

Dux scarurignes in schemate Guazini  
 quid significet. 109. 1.

## E.

**E**loquentissimus erat B. Albertus  
 89. 1.

Emanuel Chisolora B. Alberti præcep-  
 tor. 6. 2. 97. 1.

Encomia B. Alberti apud Authores plu-  
 rima & egregia commemorantur. à  
 pag. 83. vsq; ad 104.

Singulari vita & doctrina præditus pro-  
 nunciatur à Poggio Florentino. 83. 2.

Lapis angularis pro vnione Ordinis ab  
 Eugenio Pontifice vocatur. 84. 1.

Comprobatae integritatis, præcipuè do-  
 ctrinæ & prudentiæ vir. 84. 2.

Grauitate morû & consilio præstans. ib.

Vita, moribus, doctrina, ac Religionis  
 zelo, & reformationis ordinis ardenti  
 desiderio Pontifici acceptus. ibid.

Sacerarum literarum interpres & Euan-  
 gelicæ legis tuba. 85. 1.

Vir sacra Dei doctrina plenus, in ti-  
 more Domini & eius vijs ambulans.  
 ibidem.

Potens opere & sermone in magnis, &  
 arduis. 85. 2.

In partibus Orientalibus Indix, Aethi-  
 opix, Aegypti, & Ierusalem Com-  
 missarius Pontificis. ibid.

Benedictus filius & honoratus Sacer-  
 dos. ibid.

Sanctus frater. 86. 1.

Multa pericula, multos labores pro di-  
 gnissima vnione Fidei Christianæ per-  
 pessus. ibid.

Ardens Religionis zelo, magnæ in Pon-  
 tificem & S. Rom. Ecclesiam Fidei, pro-  
 batæ virtutis in ordine. 86. 2.

Humana & diuina eloquentia prædi-  
 tus. ibid.

Vir Sanctus. 87. 1.

Peritissimus homo, potentissimus in  
 Theologia, singularissimus prædica-  
 tor & in suis prædicationibus accep-  
 tissimus, bonæ conscientie, Beatus,  
 post mortem clarus miraculis. 87. 2.

Apostolicus Vicarius. ibid.

Vir sanctitate, & scientia præclarissimus  
 & per totam Italiam nominatissimus.  
 88. 2. Vide Testimonia.

Epistolis scribendis intendit B. Albertus.  
 61. 2.

Epistolæ dux B. Alberti conseruantur  
 Sathiani velut reliquix. 82. 2.

Eugenius Pontifex multa à Schismaticis  
 passus, multis laboribus pro Ecclesia  
 functus. 1. 2.

B. Ioannem Capistranensem multis fa-  
 cultatibus donans. 5. 2.

Electiōnem Antonij Rufonij in Mini-  
 strum Generalem excluso B. Alberto  
 ægrè tulit. 57. 1.

Suadente tamen Alberto electiōnem  
 confirmat. ibi.

Paruam electo potestatem in obseruan-  
 tes reliquit. ibi.

Ministro Generali iniungit vt citra  
 montes Ioannem Capistranum, ultra  
 vero Io. Maubertum Vicarios Gene-  
 rales instituat eum plenitudine pote-  
 statis, & institutionem suo diplomate  
 confirmat. ibi.

In Saracenos expeditionem facit, &  
 Christianos Principes in auxilium vo-  
 cat. 58. 2.

Eius de B. Alberto testimonia. 84. & 86

Moritur. 67. 2.

## F.

**F**ama B. Alberti maligni detrahunt.  
 54. 2.

Familia B. Alberti. 5. 2.

Florentiam solemnī pompa ingreditur  
 Beatus Albertus è sua legatione redux  
 58. 2.

Fons Caballinus montis Parnassi. 107. 2.  
 Fons Castalius. ibi.  
 Fontis nomine eruditio intelligitur. 107. 1  
 Fontes qui in veteri, & nouo testamento  
 ibi.  
 Franciscus Sforzia Mediolani Dux No-  
 focomium erigit Mediolani. 166. 2.  
 61. 1.  
 Mediolanum ad deditionem constrin-  
 git. 68. 2.  
 Urbem summo nobilium, & populi  
 plausu ingreditur. 69. 2.  
 Prouocatus contra B. Albertum prædi-  
 cantem per assentatores quomodo se  
 gesserit. 15. & 16.  
 Eius de B. Alberto iudicium. 16. 2.  
 87. 1.  
 Francisci Gonzagæ de B. Alberto rela-  
 tio. 92. 1.  
 Franciscus Ligaminus fit Episcopus Fer-  
 rariensis. 66. 1.  
 B. Albertum ad concionandum instan-  
 ter vocat. ib.  
 Monitis eiusdem in egregium euadit  
 Prælatum. 66. 2. 78. 2.  
 Franciscus Surianus Venetus iter B. Al-  
 berti in Aegiptum describit. 109. 2.  
 Fratres Captiuos liberat B. Albertus.  
 58. 2.

## G.

**G**allicus Hercules Celtas instruxit.  
 108. 2.  
 Gandulphus Siculus fit Ierosolymæ  
 Guardianus. 41. 2.  
 Illius ad Pontificem Epistola de Ora-  
 toribus Regis Aethiopiæ inculca,  
 sed veridica. 42. & seqq.  
 Vocatur à Sultano vt ad Pontificē scri-  
 bat. 40. 2. 111. 1.  
 Gaudentes in Holandia obseruantibus  
 domicilium construunt. 48. 2.  
 Græcæ & Latine doctus B. Albertus. 6. 7.  
 8. & 97.  
 Græcam linguam tam accuratè calluit,  
 vt in Græcia natū sibi Græci in Con-  
 cilio Florentino persuaserint. 7. 2. 95. 2  
 Guarinus Veronenfis B. Alberti præcep-  
 tor. 6. 7. & 97. 1.  
 Guarini Schema. 108.  
 Eius interpretatio. ib.  
 Ad B. Alberti conciones discipulos cō-  
 ducit. 16. 2.

Græcæ, & Latine eruditionis fons ex-  
 titit. 7. 1. 107. 1.  
 Guelfi, & Gibellini. 12. 2.  
 Quales illi. 183. 1.  
 Guilelmus Cafalenfis Minister Genera-  
 lis moritur. 46. 1.  
 Eius ad B. Albertum Epistola. 84. 1. 99.  
 1. 102. 2.

## H.

**H**enricus Vvillot de B. Alberto agit.  
 92. 2.  
 Hercules Gallicus. 108. 2.  
 Horatius Iustinianus à 2a Concilij Flo-  
 rentini publicauit. 2. 2.  
 Hospitale magnum Mediolani ædifica-  
 tur. 60. 2. 61. 1.  
 Hospitale S. Mariz pro Clarissarum Mo-  
 nasterio ædificando concedunt Bri-  
 xiens. 59. 2.  
 Hospitalia Pauperibus, infirmis, & Pu-  
 pillis erigi ad hortatur B. Albertus.  
 60. 1.  
 Humili loco nasci ad virtutem non no-  
 cet. 63. 1. 406. 2.  
 Humilitate sua placat B. Albertus turbas  
 in Capitulo Generali. 56. 2. 95. 2.

## I.

**I**acobita vnionem cum Ecclesia Ro-  
 mana cooperante B. Alberto accep-  
 tant. 43. 1.  
 Iacobitarum vnio in Concilio Florenti-  
 no concluditur. 39. 1.  
 Iacobo Primaditio in reformandis Cœ-  
 nobijs iubetur auxilium ferre B. Al-  
 bertus. 59. 1.  
 Iacobum Picenum suum Nuncium able-  
 gat Eugenius Pontifex contra Sara-  
 cenos. 58. 2. Vide *Quatuor*.  
 Iacobus Delphinus instituit à Pon-  
 tifice Guardianus Hierosolymæ.  
 41. 1.  
 Iacobus Primaditius, & Bartholomæus  
 Yanensis Eugenij Pontificis obsequijs  
 in Oriente intendunt. 49. 2.  
 Vocantur à B. Alberto ad Comitata Ge-  
 neralia. ib.  
 Alter fit Minister, alter Custos Roma-  
 niæ in Græcia. ib.  
 Imago B. Alberti Sarthiani depictis circa  
 caput radijs. 82. 1.

Alia

- Alia eiusdem radijs ornata in sacratio  
Aracelitano. 83. 1.
- Imago B. Alberti Pontifici assistentis .  
Vide *Vaticani Templi* .
- Imperium Græcorum inuadunt Saraceni.  
58. 2.
- Interpres in Concilio Florent. an fuerit  
B. Albertus 39. & seqq. 95. 1.
- Ioannes Baccalaureus contra B. Alberti  
authoritatem cauellatur. 52. 1.
- A Baccalaureatu iussu B. Alberti depo-  
nitur. 52. 2.
- Ioannes Capistranus comprimit male-  
uolos in B. Albertum . 16. 2.
- Fit Vicarius Gener. Cismontanus. 57. 1.
- In Orientem pro ordinando gubernio  
Terræ Sanctæ missus, & quid ibidem  
egerit. 42. 2.
- Animam B. Alberti Cælum conscen-  
dere videt. 70. 1. 88. 1. 90. 2. 91. 2. 92. 1.  
93. 2. 97. 1. 100. 1. 101. 2. 102. 1. 103. 1.
- Ioannes Maubertus fit Vicarius genera-  
lis Ultramontani. 57. 1.
- Ioannes Tauellius Ferrariensis. Episcopus  
meritis præclarus. 66. 2.
- Italia litteris Latinis, & Græcis floret  
per Guarinum Veronensem, & Eman-  
uelem Chrysoloram. 18. 2.

## L.

- L**atinè, & Græcè doctus B. Albertus  
6. & seqq. 97. 2.
- Laudes B. Alberti. Vide *Encomia* .
- Leander Albertus Sarrhianum Alberto  
ex Minorum Ordine maximo Con-  
cionatore inclutum appellat. 9. 1. 90. 1
- Leonellus Estensis res in Oriète à B. Al-  
berto gestas ad se scribi desiderat. 37.  
1. 47. 2.
- Liber Missalis B. Alberti conseruatur in  
Conuentu Citonienfi velut Reliquiæ .  
83. 1.
- Linguâ Græcâ tâ accuratè calluit B. Al-  
bertus vt in Græcia natum crediderint  
Græci in Concilio Florent. 7. 2. 95. 2.
- Lombardiam vniuersam prædicando per-  
currit B. Albertus. 60. 1.
- Lombardix status, & conditio mortuo  
Philippo Duce. 67. 2. 68. 1.
- Lucas Vvadingus B. Alberti acta copiosè  
& solidè prodidit in syllabo Scripto-  
rum Ordinis, & Tom. 5. Annalium .  
2. 2. 97. 1.

- Ludouicum Bononiensem Hierosolyma  
ad Pontificem ablegat B. Albertus .  
29. 2.
- Ludouicum Vicentinû ad castitatis cul-  
tum conseruandum seriuo, & zelosè  
monet B. Albertus. 67. 1.
- Ludouicus de Piramo Episcopus Foro-  
liuensis in Concilio Florontino de  
Processione Spiritus Sancti summa-  
cum laude disputat. 115. 1.

## M.

- M**agistrum gradu male acquisito  
iussu Pontificis deturbar B. Al-  
bertus. 54. 2.
- Maiora miracula B. Alberti in conuerfio-  
ne Infidelium, Hæreticorum, Schisma-  
ticorum, & fidei desertorum. 75. 1.
- Mamaluchi qui & quales . 110. 1.  
Albertum à morte liberant. 33. 2.
- Insulam Cypri occupant. 61. 2.
- Marcus Vllisiponenfis quatuor Regularis  
Obferuantix promotores S. Bernardinum  
Senensem, B. Io. à Capistrano,  
B. Iacobum Picenum, & B. Albertum  
Sarrhianum. encomijs profequitur. 9. 1.
- Mariani Florentini de B. Alberto enco-  
mia. 89. 1.
- Mare Magnum ne reuocetur instat apud  
Pontificem B. Albertus. 59. 1.
- Martyrum vituperatores vocè, & scriptis  
persequitur. 28. 1.
- Martyrij desiderium quantum in B. Al-  
berto. 33. 2. 64. 2. 65. 1. 110. 2.
- Martinus Venetus Terræ Sanctæ Procu-  
rator. 57. 2.
- Mathias Doringus Prouinciæ Saxonix  
Minister B. Alberto non respondet .  
51. 2.
- Cui adhæserit in Schismate . 51. 1.
- Persistit refractarius Vicario Generali  
B. Alberto. 52. 1.
- Eligitur in Pseudo - Ministerum Gene-  
ralem . ibid.
- Tandem respiscit. ibi.
- Mediolano ortum B. Albertum quidam  
affirmarunt, sed erroneè . 3. & seqq.  
115. 2.
- Mediolanensis Status miserabilis mor-  
tuo Philippo Duce, & obsidente Fran-  
cisco Sforcia. 67. 2. 68. 1.
- Mediolani pestis grassatur cum ingenti  
strage. 69. 1.

- B. Michael ab Archagnano B. Alberti salutibus monitis concitatus vitam in melius comutat, clarissimus verbi Dei concionator euadit, doctrinæ, & sanctitatis radijs totam illustrat Italiam. 91. 1.
- Michael Carcanus Ord. Min. magni hospitalis Mediolani constructionem promouet. 61. 1.
- Miraculum miraculorum est conuersio peccatoris. 73. 2.
- Miracula maiora conuersiones sunt peccatorum, minora resuscitatio mortuorum, & similia. 71. & seqq.
- Monachium Monasteria duo Brixig, edificantur predicante B. Alberto. 59. 2. 60. 1.
- Monialium dissidia sedat B. Albertus. 62. 1.
- Moniales S. Mariæ de Gandalupo Mediolani instanter agunt, ne directioni Fratrum de Obseruantia subtrahantur. 65. 2.
- Mundi muliebris luxum eradicat B. Albertus. 27. 1.
- Mutinesium dissidia idem componit. 13. 1. 78. 1.

## N.

- N**egotio sibi commendato prudenter se eximit B. Albertus. 62. 2.
- Nicolaus Græcus in Concilio Florentino interpres, quis, & qualis. 112. & seqq.
- Græcæ, & Latine linguæ interpres doctissimus. ibid.
- Amisus per naufragium Vxore, liberis, & bonis omnibus à Senatu Veneto dignitate scribe Reipublicæ, & salario annuo honestatur. 114. 2.
- Nicolaus Auximanns iussu Pontificis fit Guardianus Hierosolymæ. 41. 2.
- A bifario hominum genere à proficiscendo impeditur. ibi.
- Nicolaus Euboicus interpres in Concilio Florent. 40. 1. 112. & seqq.
- Nicolaus V. Eugenio IV. in Pontificatu succedit. 67. 1.
- Bernardinum Senen. in Sanctorum Catalogum refert. 69. 2.
- Nicolaus Estensis legem fert contra mulierum caudas suadente B. Alberto. 27. 1.

- Nicolaus Venerus apostata ad Fidem, conuertitur per B. Albertum, & in Italiam à Cayro reductur. 31. 2. 75. 2.
- Eiusdem de B. Alberti concione iudicium. 86. 1. 31. 2.
- Nominis lesu venerationem, & cultum populis inculcat B. Albertus. 60. 1.
- Notæ cur omisæ à Cap. XIII. vsque ad XXIV. 115. 1.
- Numerus auscultantium Beatum Albertum predicantem excelsus. 17. 1. 100. 1.

## O.

- O**bseruantes Fratres sex segregantur ad obsequia Pontificis. 28. 2.
- Obseruantie cur non expediebat eligi B. Albertum in Ministrum Generalem Ordinis. 88. 2.
- Obseruantia Regularis per quatuor Sanctissimos, & doctissimos viros audita, & illustrata. 90. 2. Vide *Quatuor*.
- Oraculum Pontificis de argentea supellectile in Ecclesijs obseruantium. 29. 1.
- Orator eloquentissimus erat B. Albertus. 89. 2.
- Oratorum Regis Actiopum ad Sultanem magnificentia, & splendor. 44. & sequent.

## P.

- P**anis in furno non combuitur predicante Monialibus per 5. horas B. Alberto. 96. 2.
- Parentes B. Alberti. 5. 2.
- Paulus Veronenis B. Albertum laudat. 85. 1. 249. 2.
- Peccatorem consuetudinarium quomodo conuerterit B. Albertus. 14. 2. 78. 2.
- Pecunias refutat B. Albertus. 63. 2.
- Pecunias quæ expensis Capituli Generalis supererant in Captiuorum sociorum redemptionem impendit. 58. 2.
- Perseus qualiter Medusam oppressit. 109. 1.
- Petrus cognomine Bonus per B. Albertum ad meliorem frugem reductur. 78. 1. 164. & seqq.
- Petrus de Fuco fibras schismatis euulsi in Hispania. 1. 1.

Petrus Patleo de Nicolao Græco intercepte in Concilio Florentino plenior per suam Epistolam notitiam subministrat. 113. & seqq.

Pharaonis pediculi quales. 110.1.

Philippi Bendedi de B. Alberto encomia. 84.2. 143.1.

Philippus Burgundiæ Regulus res in Oriente per B. Albertum gestas ad se scribi cupit. 37.2.

Philippus Dux Mediolanensis B. Bernardinum petit ad conciones quadragesimales. 53.1.

Pifanus. Vide *Batolomaus*.

Pius III. Sarthiano oriundus. 95. 1. 115. 2.

Poggius Florentinus in Religiosos inuentuam componit. 19. 2.

A B. Alberto confutatur. 20. 1.

Laudat B. Albertum. 83. 2.

Poggio de malignorum contra se obmurmurationibus commentum scribit, & obiecta diluit Beatus Albertus. 54. 2.

Prædicator qualis, & quantus B. Albertus. 14. & seqq. Vide *Encomia*.

## Q.

Quatuor Sanctissimi, & Doctissimi Viri Regularem Observantiam auerunt, & illustrarunt sacra doctrina, sanctissima vita, & miraculis, S. Bernardinus Senensis, B. Ioann. à Capistrano, B. Iacobus Picenus, & B. Albertus Sarthianensis. 90. 2.

Quatuor columnæ restaurati ædificij Regul. Observantiæ fucere iidem. 91. 1.

Quatuor strenui Duces Magnæ Familiæ Observantium, qui eam duxerunt per securam rectamque viam, & semper saluam conseruarunt. *ibid.*

Quatuor Clypei, qui suæ sanctitatis exemplo, & doctrina eam ab aduersis tutati sunt. *ibid.*

Quatuor Tubæ, quarum sonitu multi ad Religionis militiam, & Christi sequelam concitati sunt; quorum seruire zeli, & studio tota Italia, Germania, Hungaria, Polonia, & Bohemia Observantium Coenobijs repleta sunt. *ibidem*.

Quatuor Euangelicæ tubæ per Europam, Asiamque resonantes morum cando-

rem, Catholicæ Fidei puritatem, Diuini cultum numinis, Ecclesiæ Romanæ dignitatem, & Christi interris Vicarij potestatem populis inculcant. 1. 2. 1.1.

Tanquam robustissimæ columnæ sustinuerunt nouum ædificium reformationis, & vt fortes, dextrique Duces gubernarunt nouam illam militiam, sub titulo Vicariorum Generalium. 94. 2. 98. 2.

Quatuor sapientiæ riuus quid significant. 109. 1.

## R.

Regulæ in Dalmacia traditur Obseruantibus domicilium. 49. 1.

Regi Castellæ scribit B. Albertus. 49. 2. 360. 1.

Regularis Obseruantia quatuor luminibus. 1. 2. Vide *Quatuor*.

Rei cuiusdam poenam quomodo iustam ostenderit B. Albertus Prælati, ad quos recurrit. 53. 2. 375. & seqq.

Rei semper petunt excusationes in peccatis. 54. 1.

Rex concionatorum dictus B. Albertus. 14. 1.

Rex Cypri à Saracenis captiuus abdicatur. 61. 2.

Rodolphus Toffinianensis de B. Alberto testimonium. 91. 2.

## S.

Sacellum in memoriam occurfus B. Bernardini Senensis, & B. Alberti erectum prope Cortonam. 38. 2.

Sarthianum Inseis Oppidum Patriæ B. Alberti. 3. & seqq.

Sarthianenses ad suum concium B. Albertum litteras congratulatorias Vicariatus Generalis mittunt. 50. 1. 367. 1.

Sarthianum B. Alberti natiuitate inclutum. 90. 1.

Saraceni inuadunt Regnum Græcorum. 58. 2.

Cypri Insulam occupant, & Regem captiuum abducunt. 61. 2.

Schema Guarini. 108.

Schisma Pontificium quæ malè inferat Ecclesiasticis, & Religiosis. 51. 1.

Scipio Præful Mutinensis B. Alberto ambitum dignitatum suggerit, sed repellitur, & doctè instruitur non esse ambiendas dignitates. 55. 1. 383. & seqq.  
Sex Viros ex Obseruantibus ad sua obsequia segregat Pontifex. 28. 2.  
Quinam illi fuerint. 109. 2.  
Sforcia. Vide *Franciscus*.  
Socij B. Alberti in Orientem. 33. 1. & seqq. 111. 1.  
Socios captiuos liberat B. Albertus. 58. 2.  
Spina Coronæ Christi, quam B. Albertus Constantinopoli asportauerat, conseruata in Conuentu Cetonij. 96. 1.

## T.

**T**anes ciuitas, quam Ioseph patri Iacob, & Fratribus inhabitandam dedit. 110. 1.  
Tauellius. Vide *Ioannes*.  
Testimonia Scriptorum de B. Alberto. 83. & seqq.  
Sonora tuba, columna, auriga, scutum familiz Obseruantum B. Albertus. 89. 1.  
Magna, & resonans tuba, & quarus auriga familiz Obseruantum. *ibid.*  
Venerabiliter sepultus post mortem, miraculis eoruscans. *ibid.*  
Eloquentissimus orator, & prædicator per totam Italiam. 89. 2.  
Vir insignis doctrina, & virtute. 90. 1.  
B. Pater qui fecit multa miracula, cuius animam in Cælos ferri vidit Capistranus, de cuius excellenti sanctitate, & doctrina nunquam satis dici poterit. 90. 2.  
Diuinorum dogmatum prædicator insignis. *ibid.*  
Sanctissimus, & doctissimus Vir. *ibid.*  
Sacra doctrina, Sanctissima Vita, & miraculi Regularem Obseruantiam auxit, & illustrauit. 91. 1.  
Diuus signis, & miraculis clarus. 91. 2.  
Vir litteris eruditus multos traxit ad fidem Christi, multoties pro veritate tuenda incurrit discrimen vitæ. *ibid.*  
Miraculis clarissimus. 92. 1.  
Vir integerrimus, Regul. Obseruantiz accerrimus propugnator, religione, moribusque insignis. *ibid.* & 99. 1.  
Maximis coruscans prodigijs. 92. 2.

Moribus, & eruditione agnosci potuit B. Bernardini discipulus. *ibid.*  
Vir magna doctrina, & sanctitate. 94. 1.  
Celebris sui æui Concionator, *ibid.*  
Magnus Religiosus, & principalis columna Reg. Obseru. 94. 2.  
Vir magnæ sanctitatis, & sapientiz per totam Italiam nominatissimus. 95. 1.  
Tuba Spiritus Sancti. 95. 2.  
Inter sui temporis doctissimos, à viris doctis lraliz, Prælati, & ipso Pontifice recensitus, valdè zelosus Reg. Obs. feuerus, & iustus. *ibid.*  
Vir deuotissimus, & potens prædicator. 96. 2.  
Doctrina, vitæ sanctitate ac miraculis clarissimus. 97. 1.  
In summo vitæ rigore, & disciplinæ feueritate, pauperem vitam transigens omnes cupiebat Christo lucrifacere, vel assidua oratione, vel efficacissima prædicatione. *ibid.*  
Vir doctrina, pietate, & religiosa vita insignis. 98. 2.  
Apostolici zeli in Europa, & Asia concionator. 99. 2.  
Admirandus verbi Dei præco. 100. 1.  
In se ipsum austerus, euangelicæ paupertatis tenacissimus, & feruentissimus zelator, salutis animarum. 100. 2.  
Accerrimus acriminum obiurgator. *ibidem*.  
Multis miraculis à Domino illustratus. 101. 1.  
Tum vitæ sanctitate, tum eruditione ac laboribus Ecclesiasticis cum paucis zuo conferendus. 101. 2.  
Regular. Obseruantiz alumnus, columna, basis, propugnator, & propagator. *ibid.*  
Vir prædicatione, vitæ sanctitate, ac miraculis illustris, Græcis, & Latinis, humanis ac diuinis litteris eruditus, Summis Pontificibus summe charus, *ibidem*.  
Tum doctrinæ, tum sanctitatis rarum, exemplar. 102. 1. Vide *Encomia*.  
Thomas Florentinus sanctitate, & miraculis clarus Socius B. Alberti in Orientem. 33. 1. 93. 1.  
Thomas Bibio suadet B. Albertus recessum è Cypro. 61. 2. 280. & seqq.  
Triumphum B. Alberti in Cœlum ascendis

- dentis eleganter describit Academia  
Senensis. 103. & 104.
- Tuba Evangelicę legis Bævus Albertus.  
86. r.
- Tuba sonora, tuba resonans idem.  
89. r.
- Tuba Spiritus Sancti discurrebat prædi-  
cando Nomen Iesv Christi per totam  
Italiam, Græciam, Aegyptum, & Sy-  
riam. 95. 2.
- Tuscis ministrum Pontifici commendat.  
59. r.
- Tyrocinium B. Alberti. 8. 2.
- V.
- Vaticani Templi valvis imago Bea-  
ti Alberti Pontifici assistentis ex-  
pressa. Vide Frontispicium Operis.  
Item. 84. 2. 105. r.
- Venetijs prædicat B. Albertus. 30. 2.  
31. r.
- Veneti Mediolanum sibi subigere mol-  
liuntur. 68. r.
- Verbum Dei in ore B. Alberti gladius  
vtriusque acutus. 14. 1. 100. 2.
- Veritas cur nuda. 108. 2.
- Veronenses. Vide *Guarinus*.
- Virens campus in Schemate Guarini  
quid significet. 109. r.
- Virgines, & Viduas ad Monasticam vi-  
tam inducit B. Albertus. 59. 2.
- Viterbiensis Urbis ob factiones miseria.  
21. 2.
- Vitiorum obliurgator acer, & vehemens  
erat B. Albertus, nullius diuitis vel  
potentis faciem respiciens. 14. & seqq.  
100. 2.
- Vnio Iacobitarum. Vide *Iacobitarum*  
*vnio*.
- Vvadingus. Vide *Lucas*.
- Vultus Guarini. 108.

F I N I S.

## REGESTVM.

.. § ABCDEFGHIKLMNOPQR  
STVXYZ

Aa Bb Cc Dd Ee Ff Gg Hh Ii Kk Ll Mm Nn Oo  
Pp Qq Rr Ss Tt Vu Xx Yy Zz

Aaa Bbb Ccc Ddd Eee Fff Ggg Hhh Iii Kkk Lll Mmm

Omnes sunt Duerniones, præter Principium, idest §  
qui est Ternio.



ROMAE, Apud Io. Baptistam Buffottum: 1688.

*Superiorum permissu.*







